

S. LAURENTII A BRUNDUSIO

ORDINIS FF. MIN. S. FRANCISCI CAPUCCINORUM

OPERA OMNIA

A PATRIBUS MIN. CAPUCCINIS PROVINCIAE VENETAE

E TEXTU ORIGINALI NUNC PRIMUM IM LUCEM EDITA NOTISQUE ILLUSTRATA

SUMMO PONTIFICI PIO XI DICATA

VOLUMEN III

EXPLANATIO IN GENESIM



PATAVII

EX OFFICINA TYPOGRAPHICA SEMINARII

MCMXXXV





S. LAURENTII A BRUNDUSIO

ORDINIS FF. MIN. S. FRANCISCI CAPUCCINORUM

OPERA OMNIA

A PATRIBUS MIN. CAPUCCINIS PROVINCIAE VENETAE

E TEXTU ORIGINALI NUNC PRIMUM IM LUCEM EDITA NOTISQUE ILLUSTRATA

SUMMO PONTIFICI PIO XI DICATA

VOLUMEN III

EXPLANATIO IN GENESIM



PATAVII

EX OFFICINA TYPOGRAPHICA SEMINARII

MCMXXXV



FR. VIGILIUS A VALSTAGNA

TOTIUS ORDINIS FF. MIN. S. FRANCISCI CAPUCCINORUM MINISTER GENERALIS (l. i.)

Praesentium virtute annuimus ut editio Operum Omnium Sancti Laurentii a Brundusio O. Min. Cap., a Patribus Provinciae Nostrae Venetiarum iuxta textum originalem elaborata et adnotationibus illustrata, iam sub Praedecessore nostro incoepta, servatis de iure servandis, publici iuris fieri possit.

*Datum Romae ex Curia Nostra generali,
die 11 Aprilis 1935*

FR. VIGILIUS A VALSTAGNA

Min. Gen. lis Cap.

(L. S.)

Attente perlegimus volumen tertium Operum Omnium Sancti Laurentii Brundusini, quo continetur eiusdem « Explanatio in Genesim ». Nihil in eo invenimus a mente Ecclesiae alienum at omnia fidei et morum dogmatibus consona.

Friburgi Helvetiorum die 25 Martii 1935

FR. HILARINUS A LUCERNA O. M. Cap.
Cust. Gen.

FR. CRISPINUS AB APPENZELL O. M. Cap.
Lect. Theol.

Nihil obstat quominus imprimatur

Patavia, die 23 Apr. 1935

Can.^{cus} Doct. OLIVUS LUISETTO
Cens. Ecc.

Imprimatur

Patavia, die 24 Apr. 1935

† CAROLUS AGOSTINI Episcopus

SEGRETERIA DI STATO

DI SUA SANTITÀ'

Dal Vaticano, die 18 Maii 1933

REV.^{ME} PATER,

Augustus Pontifex eadem benevolentia qua retro sibi oblata volumina a S. Laurentio a Brundusio exarata amplexus est, id quod novissime exhibuisti (vol. II Lutheranismi Hypotyposis) accepit.

Beatissimus Pater de hoc munere iucunde affectus, frugiferis laboribus, quos in edendis huiusmodi libris impenditis, prosperos auspiciatur processus ac tibi sodalibusque tuis amantissime benedicit.

Interea qua par est observantia me obsigno

Tibi

addictissimum

E. Card. PACELLI

Rev.mo Patri

VIGILIO A VALSTAGNA

Ministro Generali O. F. M.

S. Francisci Capuccinorum

PRAEFATIO

AD EXPLANATIONEM IN GENESIM

I. – DE S. LAURENTII OPERE EXEGETICO GENERATIM

Sacrarum litterarum studium S. Laurentium summo amore prosecutum esse facile constat. Quisquis enim eius opera omnia etiam obiter perlegerit Sacrorum librorum locos, phrases, verba, allusiones passim detegit. Tum ipse Sanctus declarat¹, legendis Sacris Scripturis tempus omne, studia omnia, se dedicasse, imo profitetur² divinae veritatis lucem ad cognoscenda et interpretanda mysteria mentis suae oculis magno splendore illuxisse, quo et supercoelestis sapientiae thesauros et naturalis philosophiae ditissimum archivium in libris sacris adinveniret. Reapse indagandis libris inspiratis cum divinitus instructus tum humana naturali indole optima praeditus apparet. Praeter ingenium perspicacissimum quo pollebat, eum praeclare iuverunt mirabilis memoriae vis et linguarum orientalium prodigiosa peritia. Tanta enim memoriae facilitas ei inerat, ut iuvenis, novitius Veronae degens, conciones semel auditas ad litteram conscripserit³, atque, ut studiis

1) Cf. *Prooemium ad Explanatlonem*, pag. 4.

2) Cf. *ibid.* pag. 3.

3) Cf. P. Angelo da Voltagglo Cap. *Vita del Ven. P. Lorenzo da Brindisi*, lib. 1, ep. 3, pag. 18, Venezia, Giovanni Teverini, 1754; P. Bonaventura da Coccaglio Cap. *Vita del B. Lorenzo da Brindisi*, lib. 1, ep. 4, pag. 23, Roma, Casaletti, 1783; *Vita del B. Lorenzo da Brindisi* dedicata a S. A. R. il Serenissimo Arciduca Pietro Leopoldo d'Austria dal P. Erardo da Radkerspurgo Cap. lib. 1, ep. 4, pag. 27-28, Venezia 1785, Simone Occhi; P. Lorenzo d'Aosta Cap. *Vita di S. Lorenzo da Brindisi*, lib. 1, ep. 4,

theologicis absolutis, Scripturas nedum latinas, hebraicas si deperiissent re-textere propter memoriae fidelitatem sibi licere affirmaret⁴. Linguas etiam orientales graecam, chaldaicam, hebraicam adeo callebat, ut glossolaliae donum ei a Deo infusum coaevi dictitarent⁵, quippe quem ipsi Hebraei ob eius linguae hebraicae rerumque hebraicarum perfectam scientiam Hebraeum putavissent⁶. Denique ad studia Scripturarum optime accinctus invenitur philosophica, dogmatica, exegetica, patristica praeparatione, quae inde etiam elucet, quod praeter auctores Hebraeos, Patres Graecos et Latinos, maxime plurimos exegetas ex ipsis eorundem scriptis directe novit, itidem etiam quamplures auctores profanos legit⁷.

Tantus erga Sacras Scripturas amor, tamque solida ad easdem pertra-

pag. 32, Roma, Tipografia Poliglotta 1881. In processu informativo de virtutibus et miraculis servi Dei P. Laurentii a Brundusio, Venetiis in Curia Patriarchali habito a. 1624 - 1625, dicitur: « Questo benedetto padre fu miracoloso di scienza e di memoria perchè una volta in Verona essendo egli giovanetto andò alla predica del Padre Hebreetto dominicano e così gli restò impressa nella memoria detta predica che di lì a non so che giorni la distese tutta onde venendo il detto Padre Hebreetto al nostro monastero il superiore gli mostrò detta predica dicendo che era stata composta da un giovinetto e vistala da detto Padre lui si alterò dicendo questa è mia compositione, per il che il nostro Superiore gli raccontò la verità che il Padre Brindisi l'aveva distesa per haverla solamente udita dalla sua bocca predicare ». *Copia del Processo*, quae Venetiis servatur inedita in archivio Provinciae nostrae, lib. M. pag. 130-131.

4) Cf. P. Bonaventura da Coccaglio op. cit. lib. 1, cp. 4, pag. 26; P. Angelo da Voltaggio op. cit. lib. 1, cp. 4, pag. 19; P. Erardo da Radkerspurgo op. cit. lib. 1, cp. 4, pag. 30; P. Lorenzo d'Aosta op. cit. lib. 1, cp. 4, pag. 31-32.

5) Cf. P. Bonaventura da Coccaglio op. cit. lib. 1, cp. 4, pag. 27; P. Lorenzo d'Aosta op. cit. lib. 1, cp. 4, pag. 29. Iuxta P. Angelum a Voltaggio ipsemet S. Laurentius velatis verbis declarasse fertur linguam hebraicam spatio unius noctis intercessione SS. Virginis se didicisse. Cf. op. cit. lib. 1, cp. 4, pag. 18-19. « Più volte l'istesso padre Lorenzo mi ha detto confidentemente, che lui conoscevo, che per grazia specialissima di Dio lui aveva infusa tutta la sua dottrina da S. D. M. et in particolare la lingua greca, hebraica et caldaica senza che da persona alcuna gli fossero state insegnate ». *Copia del Processo*, lib. M. pag. 96.

6) Cfr. P. Angelo da Voltaggio op. cit. lib. 1, cp. 3, pag. 18-19; P. Bonaventura da Coccaglio op. cit. lib. 1, cp. 4, pag. 25-27; P. Erardo da Radkerspurgo op. cit. lib. 1, cp. 4, pag. 29-30; P. Lorenzo d'Aosta op. cit. lib. 1, cp. 4, pag. 31. « Fu così erudito nella lingua hebraica che alcuni Rabbini dicevano che era impossibile che lui non fosse nativo hebreo perchè proferiva alcune parole che dicono che chi non è hebreo nativo non le può proferire in quella maniera ». *Copia del Processo*, lib. M. pag. 131. Et alibi: « Hic Dei servus de mandato Summi Pontificis per plures annos Hebraeis Romae publice legit, illosque catholicam fidem hebraice loquens docuit, saepius etiam convicit et confudit; in Ianuensi Provincia pluribus in civitatibus ad hebraeos concionem dixit, adeo ferventer hebraice etiam loquendo ut ipsimet seniores et Rabbini summopere admirarentur et prae confusione nunquam similem audisse dicerent ». Lib. G. n. 22.

7) « Fece mirabili progressi nelle scienze singolarmente nella Scrittura Sacra e nella lingua ebraica che era stimato un oracolo ». *Copia del Processo*, f. 24^b. Et alibi: « Omnes pene scriptores sacros perlegit et in omnibus versatus fuit ». Lib. G. n. 10.

ctandas praeparatio S. Laurentium impulerunt, ut quantum liceret non quantum liberet exponendis eisdem operam navaret. Eum sibi proposuisse, ut plures libros interpretaretur, variis occasionibus ipse enuntiat. In cap. 2 *Explanationis in Genesim* ⁸ loquens de Dei nomine τετραγράμματος, subiungit: « De quo nos, Deo vitam simul et gratiam praestante, super *Exodum* aliquid afferemus in medium ». Iterum paulo post ⁹, de Matrimonio verba faciens et Divi Pauli sententiam ad *Ephesios* adducens ulteriorem de matrimonio tractatum promittit: « Suo enim loco, Deo duce, expendemus ». Denique in cap. 4, postquam de gratia et libero arbitrio paululum locutus est ¹⁰, noluit tunc proferre « pleraque alia, quae ad aliud tempus opportunius et serius tractanda relinquimus »; quo fortasse explanationem in Ep. ad *Romanos* indicat. Praeterea inter opera S. Laurentio tributa explanatio in *Ezechielem* recensetur ¹¹. At neque tractatus supra memoratos unquam scribere ei licuit, neque explanatio in *Ezechielem* ad hodiernum diem innotuit. Reliquum est ut de *Explanatione in Genesim*, quam hoc volumine edimus, verba faciamus.

II. – DE EXPLANATIONE IN GENESIM SPECIATIM

DESCRIPTIO CODICIS. – Codex qui Explanationem hic publicatam continet in Archivio FF. Capuc. Provinciae Venetae inter opera S. Laurentii asser-

8) Pag. 210.

9) Pag. 247.

10) Pag. 363.

11) Hoc opus etiam P. Dionysius Genuensis se vidisse testatur. *Bibliotheca Scriptorum Capucinatorum*, pag. 215, Genuae 1691, Io. Bap. Scionici. Cf. *Praefatio in hanc Editionem Universam*, vol. 1, pag. XII. Aliud testimonium ex imagine huic volumini praeposita colligere licet. Denique verba P. Ambrosii a Florentia afferre libet, unde apparet S. Laurentium de aliis etiam operibus scribendis cogitasse: « Soleva dire molte volte al Padre (Laurentio, tunc provinciale, cuius ipse comes a secretis erat) che avendogli fatta grazia Dio benedetto d'una intelligenza tale, quale lui haveva della Scrittura, e delle scientie etiam minime, cioè Mathematica, Arithmetica et altre, che non mettesse in carta qualche cosa per beneficio della Religione e di tutta la Chiesa santa: mi rispondeva; che volentieri l' havrebbe fatto, quando havebbe havuto opportunità di tempo, come havebbe finito anco alcune selve che lui cotidianamente faceva, voleva mettersi a fare sopra la Scrittura, come anche cominciò e fece sopra il Genesi, l'Esodo, e il Levitico con l' espositione letterale e poi con la parafrase appresso non gli mancando altro che gli altri sensi. *Copia del Processo*, lib. M. pag. 171.

vatur. Membrana religatus, magnitudine externa $16 \times 22 \frac{1}{2}$ cm., interna descripta $12 \times 17 \frac{1}{2}$ cm., foliis constat 270, non 269, ut collector per errorem, numerum 34 repetens, numeravit. In tegumenti exteriori parte sigillum rubro colore impressum prostat, cum inscriptionibus: « IHS », infra: « Archiv. A. », infra: « Colto : P – 6 », infra: « Busta – – », et tandem: « Fascic. 1^o ». In dorso inscriptio aliena manu confecta habetur: « Explanatio in Genesim S. Laurentii a Brundusio propria manu eiusdem ». Iterum similis inscriptio invenitur in schedula agglutinata in margine superiore primi folii, ea quoque ab aliena manu conscripta: « Admodum Reverendi Patris Laurentii a Brundusio concionatoris Capuccini Explanatio in Genesim manu propria eiusdem ». Codicis charta est philacea subflavi coloris. Scriptura vero nunc lata, nunc spissa, adeo ut aliqua folia difficilia lectu sint. Additiones frequenter in margine et in calce, maxime in capitibus 1 et 2 appositae sunt a manu, quae textum codicis scripsit.

AUTHENTIA OPERIS. – *Explanationem in Genesim* codice descripto traditam esse opus genuinum S. Laurentii ipsiusque manu conscriptum sine dubio constat. Etenim ut a criteriis externis initium sumamus, inter opera S. Laurentii quae in eodem Archivio tanquam reliquiae religiose asservantur, primum locum occupat. Praeterea cum aliis operibus genuinis a S. Congregatione Rituum recognitum et revisum est. Denique, inscriptionibus codici apposis non neglectis, ex ipsis criteriis internis indubia signa authenticitae colliguntur. Ipse enim modus scribendi – ductum dico, abbreviandi methodum, neglectum interpunctionis –, itidem stylus, character, loquendique usus S. Laurentii sunt, quales ex ceteris operibus iam noti sunt.

TEMPUS quo S. Laurentius *Explanationem* confecerit definire haud possumus. Verisimile tamen est, illam assignandam esse annis 1584–90, ei nimirum tempori, quo Hebraeis praedicabat vel quo munere Lectoris Theologiae et S. Scripturae fungebatur¹². Siquidem tempus postea ad huiusmodi opera componenda ei defuisse videtur. Fuit enim regimini Provinciarum Tusciensis,

12) Cf. *Praefatio in Editionem Universam*, vol. 1, pag. VII; *Praefatio Generalis in Lutheranismi Hypotyposim*, vol. 2, part. 1, pag. VIII-IX.

Venetae, Helveticae, Genuensis praefectus, dein Commissarius Generalis Coloniā Agrippinam et Pragā a Clemente VIII usque ad annum 1599 missus, paulo post (1602) ad totius Ordinis regimen evector, denique tandem Delegatus Spiritualis in bello contra Turcas et ad mortem usque in omnibus fere Europae aulis apud principes, reges, imperatores, Summos Pontifices continuis legationibus consumptus¹³. Denique eadem occupationes in causa fuisse videntur, ut opus non absolveretur.

SCOPUS AUCTORIS. — Qua intentione, quo fine ductus S. Laurentius *Explanationem* composuerit ac prelo destinaverit¹⁴, cum ex operis indole infra describenda, tum ex temporum adiunctis adumbrare licet. Eo tempore Hebraeorum conversioni instigante Romana Sede et ab aliis et a S. Laurentio multum adlaboratum esse constat. Siquidem Gregorius XIII, die 29 Augusti 1584, litteris Apostolicis « Sancta Mater Ecclesia »¹⁵, omnibus praelatis, quavis dignitate, licet cardinalitia, insignitis, curam tamen animarum habentibus, praeceperat, ut per viros apostolicos inter limites respectivae iurisdictionis singulis sabbatis conciones ad Hebraeos, lingua quidem hebraica, fieri curarent, in quibus Iesu Messianitas, Scripturis secundum normas catholicas expositis, comprobaretur. Tum, audita sanctitatis fama et admirandae doctrinae S. Laurentii, eundem, praedicatione quadragesimali Venetiis annis 1583–4 summa cum laude absoluta¹⁶, Romam accersivit, ut ei Evangelium Hebraeis

13) Cf. *Praefatio in Editionem Universam* vol. 1, pag. VIII-IX.

14) Opus prelo destinatum esse elucet ex *Prooemio*, ubi hisce verbis S. Laurentius protestatur: « Deum Optimum Maximum... rogo... ut nunquam a veritatis nec latum quidem unguem aberrerem; sed coelesti semper lumine ductus... vera possim a falsis discernere, ne quo errore deceptus, a semita veritatis aberrans, aliosque, si quos acciderit mea haec scripta e parietibus domesticis edita in lucem ut legant, similiter deceptos faciam aberrare ». Pag. 5.

15) Cf. *Magnum Bullarium Romanum*, t. 2, pag. 512. Sumptibus Henrici-Alberti Gosse, Luxemburgi 1742.

16) « Detto P. Lorenzo appresa la teologia fu adnesso a predicare, onde lui predicò dol anni continui la Quaresima in Venezia in S. Giov. Novo con grand' ammirazione di tutta la città per la gravità de soggetti, che lui predicava essendo giovine di 25 anni al più ». *Copia del Processo*, lib. M. pag. 96. Natus est autem a. 1559. Ergo praedicationem quadragesimalem in S. Io. Novo probabilissime absolvit a. 1583-1584. Nescimus autem quibus rationibus fulti eius biographi supra citati unanimiter affirmant eum praedicationem quadragesimalem absolvisse Venetiis in Ecclesia S. Ioannis annis 1583-1584, adhuc diaconum, cum ex documentis in Curia Patriarchali Venetiarum existentibus constet eum sacrum presbyteratus or-

annuntiandi munus concrederet. Quod quidem officium, a Clemente VIII confirmatum¹⁷, Laurentius tum Romae tum in aliis Italiae exterisque civitatibus magna omnium, ipsorum quoque Hebraeorum admiratione exercuit. Quibus ut etiam scripto prodesset, zelo apostolico eum ad commentandos Libros Sacros esse impulsus dubium non est. Si quis tamen S. Laurentium ut scholae tanquam lector s. Theologiae inserviret, commentandis Scripturae libris insudasse putaverit, id non negabimus, sed etiam tum Iudaeis convertendis eum adlaborasse ex indole commentarii constat.

IPSA EXPLANATIO. — Inter opera S. Laurentii *Explanatio in Genesim* proprium habet locum, quippe cum sit Commentarium stricte dictum. Ita vero res absolvuntur. Post brevem introductionem¹⁸ in qua studium Scripturarum summis laudibus extollit, S. Auctor quattuor dissertationibus praeliminaribus de tropis¹⁹ et schematibus verborum²⁰ et sententiarum²¹, porro de Scripturarum multiplici sensu²² fuse tractat. Tum, ansa sumpta ex versu primo capitis 1 *Geneseos*, duabus dissertationibus *De Mundi Creatione in Tempore*²³, *De Principiis Rerum*²⁴ philosophicas instituit quaestiones. Introductionis tractatibus absolutis, Commentarium ipsum sequitur, amplectens exegesim 11 capitum.

Commentans caput 1, praeter textum Vulgatae latinae, etiam textus originales hebraicum et chaldaicum (i. e. primam Paraphrasim chaldaicam),

dinem anno 1582 suscepisse. *Ordinat.* lib. V (2), f. 60: «Die sabati 4 Temporum post festum S. Lucia XVIII m.s Xbris 1582. Ordinatio generalis tenta per Ill.mum et R.mum in X.po p.rem et D. D. Ioannem Trivisanum iuris utr. D. Miserat. Divina Patriarcha Venetiarum Dalmatiaeque primatem, missamque in pontificalibus celebrantem in Capella S. Iusti Pat.lis Palatii, praesentibus R. D. Ioseph de Vitalibus Archidiacono et Vincentio Cathena Canonico Ecc. ae Patriarchalis (aliis omissis)

Ad Presbyteratum (f. 65)

Fr. Petrus Venetus	} Ordinis Capuzzi- norum.
Fr. Remigius Mantuanus	
Fr. LAURENTIUS DE BRONDUSIO	

Ergo cum ad sacerdotium eVectus fuit 23 annorum erat, et iam sacerdos factus quadragesimalem praedicationem in S. Ioanne Novo 1583-1584 absolvit.

17) Cf. P. Erardo da Radkerspurgo op. cit. lib. 1, ep. 6, pag. 45-46.

18) Quam nos *Prooemium* inscripsimus, pag. 1-6.

19) Pag. 7-19.

20) Pag. 20-29.

21) Pag. 30-38.

22) Pag. 38-52.

23) Pag. 53-78.

24) Pag. 78-109.

interdum Targum Ierosolymitanum (quam vocant secundam Paraphrasim chaldaicam) latine versum²⁵ commentario praemittit. In aliis vero capitibus textui Vulgatae latinae Editionis iungit versiones tantum latinas textuum hebraici et chaldaici et graeci, hinc inde tamen adducens ipsa verba hebraica, chaldaica, graeca, quando interpretatio textus inde pendere videbatur. Cum textus hebraicum, chaldaicum, graecum, tum Patres et philosophos graecos S. Auctor ipsemet ex textu originali directe latine vertit; nullis nempe utens versionibus eo tempore notis.

Sensui litterali inveniando S. Auctor praecipue insudat. Quapropter, ut veriore certioreque sensum attingat, magna cura etymologiam vocabulorum hebraicorum indagat. « Iaciendum enim primo est, ait, verissimum litterae fundamentum, ne falso fundamento littera innitatur »²⁶. Tum Rabbiorum antiquorum sententias, indicatis nominibus, saepissime etiam Hebraeorum traditiones affert in medium, postea Sanctos Patres catholicosque exegetas allegat, ut denique tandem suam ipsius sententiam saepius ab aliorum interpretum opinionibus diversam aperiat, « sapientiorum iudicio cuncta relinquens »²⁷. Data occasione post versuum expositionem, addit disquisitiones theologicas vel philosophicas²⁸.

FONTES IN EXPLANATIONE ADHIBITI. — Ex iis quae diximus apparet quos auctores S. Laurentius Commentarium conficiens adierit. Sunt enim praeter veteres Rabbinos maioris inter Hebraeos auctoritatis collectiones rabbinicae, haggadicae, talmudicae, tum inter catholicos praesertim Nicolaus Lyranus, Tostatus; Sanctis Pagnini magnum Lexicon Hebraicum, quod *Thesaurus Linguae Sanctae* inscribitur, frequenter adhibet. Denique plurimorum opiniones, tacitis nominibus, saepe adducit dicendo: *alii dicunt, nostrates dicunt, alii tenent*, etc.

25) Versio latina huius secundae Paraphrasis chaldaicae invenitur etiam in fine primi tomi *Bibliae Maximae* P. Io. De La Haye; sed S. Auctor directe, ut solet, ex originali hebraico ipsemet vertit.

26) *Dissert.* 4 pag. 47.

27) Cp. 5, pag. 444; cp. 7, pag. 509: « Sapientioribus sua sensa relinquens ».

28) De iustitia originali cp. 2, pag. 248-253; de libero arbitrio, cp. 4, pag. 351-363; de immortalitate animae, ibid. pag. 369-380; de omnipraesentia Dei, ibid. pag. 394-402; de anima intellectiva forma substantiali corporis, cp. 5, pag. 431-440; de immutabilitate Dei, cp. 6, pag. 483-491; cp. 8, pag. 518-521.

Quod ad textum hebraicum et chaldaicum Bibliorum et Rabbiorum attinet, verisimile est, a S. Laurentio adhibitam esse *Bibliam Rabbincam Masoreticam*, Venetiis a. 1568, iuxta Hebraeos 5328, cura Ioannis de Gara editam. Exemplar enim nunc in Bibliotheca Marciana Venetiis asservatum et a nobis feliciter detectum inscribitur : « Loci Venetiarum Fr. Capucinatorum », ductu eodem quo alii bibliothecae Capuccinatorum libri insigniti apparent : ex qua igitur suppressis Ordinibus Religiosis a. 1810 surrepta esse videtur. Accedit quod in editione inveniuntur Commentaria Rabbini Aben Ezrae et Rabbini Salomonis Iarchi, vel simpliciter RaScI, in *Pentateuchum* frequentissime a S. Laurentio allegata. Nostra sententia eo etiam confirmari videtur, quod textus chaldaicus *Geneseos* et Commentariorum Aben Ezrae et Salomonis a S. Auctore adductus cum hac memorata editione concordat, cum aliae editiones ab Ario Montano et a Complutensi Universitate eo tempore factae²⁹ aliquantulum discrepent. Denique annus editionis tempori quo S. Laurentius Commentarium suum composuit proximus est.

MOMENTUM EXPLANATIONIS. — De valore huius Explanationis iudicium definitivum historicis relinquentes, aliqua tantum tangemus. Cognitio linguae hebraicae mirabilis demonstratur, itidem fontium accurata simul ac independens usurpatio, bene fundatarum opinionum ab Auctore propositio; denique etiam expositionibus intermixtae disquisitiones theologicae ac philosophicae soliditate praestant. Omnia etiam, ex more, lingua eleganti et polita exprimuntur. Certe si statim ac confecta in lucem edita esset, S. Scripturae studiosi eo tempore non modicam inde utilitatem hausissent. Eo vel magis quod praeter consuetudinem opiniones Rabbiorum et fideliter et benigne proponantur ac ponderentur. Dolendum igitur, ut his finem faciamus, etiam hoc opus

29) In eadem Bibliotheca Marciana *Bibliam Hebraicam cum versione latina Xantis Pagnini* (23 X 36), Antuerpiae, ex officina Christophori Plantini MDLXXXIII, invenimus. Haec Biblia quoque S. Auctori valde probabiliter nota fuit; habet enim notam manuscriptam: « Patrum Capuccinatorum »; et: « Ad usum fratris Georgii Veneti cappni, et etiam reliquorum, cum omnia sint communia ». Insuper inter varias annotationes manuscriptas, quibus in margine foliorum conspersa est, in primo folio, frontem libri prospiciente, illa etiam invenitur explicans varios sensus dictionis *בראשית* in partes resolutae et iterum diversis modis compositae, quae licet a Pico Mirandulano desumpta, tamen a S. Laurentio recepta et in sua *Explanation* inserta fuit (cp. 1, pag. 114-115).

זה השער לידוה

תורת ידוה תמימה משיבת

הפעם נראה לה' וכחזר למחז' בדרך הוא חזקתו
אשר פלח סודת לעתו' ולא הסבית מתגנו בואל' יגל
יעקב יסמח ישראל' ביוזון דריגלרה כורע בסטרו
בן חסד הבות' בירגו' מנעורו' נתעורר להדשים
הפעמים וארבע גזל פנים מלכות' והחזרה העלמה
לשמה כמבראשית' ובכל עוז נספדל להעלות בכל
מלכות' הן בליכות והן בכמות' חק הכל עמם וטה
ביושר ובת' זמנות' וזה הם פדיון הדברים יתכנו לו
להראו לכל העמים אה טוב מסענו' רחמנו החמים
עם תדגוס פירו' רשי וזה ופרפרו' מבטל הסורים
והנבואה הראשונים עם פי רשי וקמח' וי' לבד ורגות
ועתיד' ונבואים האחרונים עם פיהם רשי וקמח'
והסתובס תלסם עם פי רשי וזה' תגלע עם פירו' רשי
והלבד' אונבסם פי אבן עזרא ורלבד' דכחל עם פי
חק' ורבוט ספרה באון' עזרא עם פי רשי ועם פי ר'
מס' קמח' דבמי הוים עם פי רשי וחדק' חתום
חגלו עם פירגו וזה' וס' קדח' חתונתו מן חתונה
דחונתו ונמסרה על פי דרכי' בסופר' וס' קדח' חתונה
אנסי' כנפת הגדולה והסופרים הבאים לחתונה
על חסעולם וחכלולם דרכי' כמות' חתונה חתונה
וקטנות וגבול' ועקומ' וקדח' כרבותי' חתונה חתונה
סרבה על הקדח' וסתונה' וסתונה' וסתונה' על הקדח'
וקדח' על הקדח' וסתונה' וסתונה' וסתונה' על הקדח'
וב העזון כמי כח חסעם' ומדעם סלסלת' במחנה
חזן דריגלרה עם האונות אשר הם יסבחו' דל'
במחנה הסלסלת' פה ונבואה ספרים

בשמים סלסלת' יאור' יאור' יאור'

Societate Nazionala J. Capucinorum



S. Laurentii absolutum non esse, immo aliquas partes operis deperisse ³⁰.

III. – DE NOSTRA EDITIONE EXPLANATIONIS IN GENESIM

DE TEXTU EXHIBITO. – Summo studio, uti semper, curavimus, ut textus codicis fideliter exhibeatur. Si quae mendae manifestae occurrerunt, eae in textu correctae sunt, lectione codicis in calce exhibita ³¹. Quoad materiae dispositionem nulla difficultas nobis oberat, cum omnes partes in codice recto ordine inveniantur positae. De una exceptione lectorem attentum velimus. Agitur de particula quadam, in qua Auctor loquitur de compositione corporis humani. Ea quidem in codice posita est ad finem cap. 5, foliis 224^a–229^a, a nobis vero, propter materiae affinitatem, agglutinata est versui 7^o cap. 2: *Formavit igitur Dominus Deus hominem* ³². Ceterum ad commentarii seriem non pertinet ³³. Maior difficultas orta est ex defectu interpunctionis; eam integram nos ipsi textui adiecimus. Quoad verba hebraica, quae S. Auctor sine punctis masoreticis plerumque reliquit, ita procedendum putavimus, ut versiculos textus hebraici et chaldaici interdum signatos etiam nos omnes signaremus (utendo pro textu hebr. editione Kittel, pro textu chald. *Biblia Rabbinica Masoretica* supra memorata), aliis verbis hinc inde sparsis prout in codice prostant relictis. Quoad verba graeca, quae S. Auctor sine accentibus scripsit, semper usi sumus editione facta a L. Van Ess. Pro textu vero latino Vulgatae usui continuo erat nova *Biblicorum Sacrorum* Editio ab A. Gramatica parata. Verba denique hebraica vel graeca latinis litteris

30) Deperdita enim fuerunt non pauca codicis folia antequam a collectore in volumen redacta et numerata fuissent, ut patet ex Dissertatione 6 *De Principiis Rerum*, pag. 109, quae incompleta remansit; ex cp. 9, cuius explanatio ad vr. 16 pervenit, pag. 547; deest etiam cp. 10; cp. vero 11 ad vr. 9 ex improvise abruptum, ut indicant verba in calce ultimi folii ex more posita quibus folium sequens incipere debebat.

31) Cf. *Introductio in primum volumen huius Editionis*, pag. XXI.

32) Cf. pag. 216–226.

33) Particulam hanc separatim confectam fuisse manifeste apparet; nullum enim necessarium nexum cum praecedentibus habet. Nam cp. 2 ininterrupte ad finem usque perductum, ad f. 109^b circa medium explicit, et sequenti folio cp. 3 incipit; cp. vero 5 ad f. 223^a ante medium absolvitur.

a S. Laurentio conscripta, nos litteris vel hebraicis vel graecis expressimus.

DE NOTIS ADIECTIS. – De more, locos S. Scripturae, Patrum aliorumque auctorum a S. Auctore plerumque reticitos in calce adnotavimus. In citandis Rabbiniis *Biblia Rabbinica Masoretica* supra memorata, eo libentius usi sumus, quod ipse S. Laurentius eam certo certius adhibuit. *Commentarium in Pentateuchum* a Rabbino Isaac Abrabanel confectum, item *Librum Radicum* a David Kimchi compositum (in bibliothecis publicis Patavii et Venetiarum non prostantes a Domino Adulpho Doct. Ottolenghi, Rabbino maiore Communitatis Israeliticae Venetiarum, perhumaniter usui quoad licuit oblatos) citamus ex editionibus antiquis, primum titulo פירוש התורה *Phirusc Ato-rah*, editum Venetiis cura Sam. Archivolti, iussu Ioan. Bragadini, a Ioanne de Gara anno 1579, iuxta Hebraeos autem 5339; secundum titulo ספר השרשים *Sepher Asciarascim*, editum Venetiis per Marcum Ant. Iustinianum anno 1547, iuxta Hebraeos 5309³⁴. Commoditatis causa, ex more notis marginalibus compendium quoddam rerum in textu tractatarum adiecimus et praeter indicem synthetico-analyticum, alphabeticum quoque nominum et rerum notabilium, quae in hoc volumine continentur, confecimus. Porro ab omni prorsus commentario opinionum S. Auctoris et philosophicarum et theologicarum et biblicarum abstinendum censuimus, ne ipsum *Commentarium* commentari videremur. Id tamen propositum non impedivit, ne quas notas illustrativas quibus sententia S. Auctoris clarior redderetur adiungeremus, vel, ne textus hebraicos interdum nimis serviliter a S. Auctore versos, ex contextu hebraico diligenter inspecto explicaremus.

Hisce praelibatis, gratias iis referimus ex corde, qui pretioso auxilio nobis fuerunt in hoc volumine praeparando. Imprimis Domino Ad. Ottolenghi, Rabbino supra memorato, atque Domino Prof. H. Cassuto, qui in

34) In fine huius voluminis sequentes notas manuscriptas reperimus: «Revisto per mi F. Luigi da Bologna dell'Ordine de S. Domenico Febraro 1599». Immediate infra: «Camillo Iagel 1613»; et item infra: «Ego frater Renatus a Mutina Cappucinus correxi nell'anno 1621».

Hic frater Renatus a Mutina quondam hebraeus erat, sed postea ad fidem christianam conversus, anno 1609 in Ordinem nostrum Parmae ingressus est; de quo cf. P. Cirillo da Bagno *Memorie Storiche sui Cappuccini Emiliani*, vol. 1, cp. 9, n. 3, pag. 145-152, Parma, Premiato Stab. Tip. Lit. F. Zafferri 1912.

פירוש התורה

מהחכם השלם דון יצחק אברבנאל זצ"ל

יד כמטר על גולה צמיה ציצים ופרחים בחמשה חומשי תורה
ויצא ונלחם עם כל אשר לא יעלה על שמים שיאח
גם פדיו יתן בעתו להבין ולהשכיל
בה דבר אמת לאמתו

החנה בעיון רב על ידי החכם כמחרר שמואל ארקוולטי יצו

נדפס באמות השער מסיר זואן בראנדין בן האדון מסיר אלוויי בראנדק

כל ידו באמן כיוצא בזה אשר עדיננו יגו



כתבס עוב



בויניציאה

בשנת השלט לבריאת עולם

ספר השרשים

חברו החכם הגדול רבי דוד
קמחי וצל

זהו חלק שני מספר המכלול המבאר כל חלק הדקדוק
ובזה החלק יבאר כל חלק הענין כל מלה קשה אשר
בספר תורה נביאים וכתובים חרושה עם קצת
נמוקים שהוסיף רבי אליה הלוי המדקדק

כלם סיכויא העיר הגדולה המהוללה אשר תחת חמשת
השררה ירה תעליתוכסא מלכותה אמן נחמס
מנחשון נכמתהס לבידס



בבית בן משק בית הארון מחרקו מנחשון וישיביו

notis circa Rabbinos conficiendis nos iuverunt, tum maxime Reverendissimo Patri Hilarino a Lucerna et R. P. Crispino ab Appenzell provinciae Helveticae, totius editionis revisoribus et censoribus, qui integrum opus perlegerunt consiliisque sapienter adstiterunt.

Denique Reverendissimo Patri Vigilio a Valstagna qui, Operum S. Laurentii edendorum consilio alacriter coepto atque quattuor tomis omnium plausu editis, tribus abhinc annis in Supremum nostri Ordinis Moderatorem et eiusdem S. Laurentii successorem unanimi capitularium voto assumptus est, hunc nostrum laborem, quisquis ille est, in filialis obsequii et peramantis animi signum humiliter offerimus.

Patavii die 1 Ianuarii 1935

PATRES EDITORES

PROOEMIUM ¹

Divinus Moyses, coeleste plane oraculum mundanumque miraculum, vir sanctissimo Dei Spiritu plenus, non tantum Prophetas omnes coelestium arcanorum cognitione incomprehensibilisque sapientiae Dei plenitudine², uti Salomon reges omnes³, longe excelluit, ut merito Prophetarum hierarcha magnusque coryphaeus sit appellatus⁴, verum etiam mortales omnes, naturalium rerum scientia edoctus in omni sapientia Aegyptiorum⁵, longissime a tergo reliquit, ut iure sibi summi philosophi nomen vindicarit dicique meruerit⁶ sapientium alpha. Quare cum divinus hic sanctissimusque Vates theologorum omnium, qui in antiquitate floruerunt, culmen extiterit et philosophorum omnium columnen, non tantum in his, quae Spiritu Dei afflatus vel de natura vel de proprietatibus vel tandem [de] operibus summi Dei conscripsit, summa ac integerrima fides omnibus adhibenda est, verum etiam et in his, quae physice vel de natura conscripsit. Cum enim in omni Aegyptiorum, qui humanarum scientiarum fontes extitere, sapientia edoctus sit, in his, quae de natura rerum litteris demandavit, nihil contra verae philosophiae iura vel contra naturalis rationis verum exactumque iudicium immortalibus et nunquam perituris monumentis consignasse censendum est; neque enim vel ignorantia deceptum vel voluntatis vitio alios decipere voluisse quispiam sanae mentis existimabit, cum pariter sanctus

Moysi, de opere creationis scribenti, summa fides adhibenda est,

quia ipse est Prophetarum coryphaeus, theologorum culmen, philosophorum columnen,

omni sapientia edoctus,

qui nec decipi poterat nec decipere volebat.

1) Inscriptio haec: « Prooemium » a nobis adiecta fuit. 2) Cf. Dt 34, 10. 3) Cf. 3 Rg 3, 10-12; 4, 29-34. 4) Cf. Philo Iudaeus *De Mundi Opificio*, t. 1, pag. 2; Malmonides בְּאֵר מֹשֶׁה (Porta Moysi), pag. 168-173. 5) Cf. Act 7, 22. 6) Cf. Eusebius Caesar. *Praeparatio Evangelica*, lib. 8, cap. 13, (P. G. 21, 651); lib. 9, cap. 6, ibid. col. 694; Migne *Scripturae Cursus*,

doctissimusque extiterit omnigenaque sapientia plenus. Unde ego divinum hunc virum primo quidem tanquam sacrum divinae theologiae culmen summe sum veneratus, postmodum vero tanquam humanae philosophiae columnen omniumque scientiarum archivium et thesaurum vehementer sum et veneratus et pariter admiratus, maxime vero in sua cosmopoeia sive cosmogonia, idest mundi genitura, quae in Sacrae *Geneseos* hexaemeron continetur.

In exaranda
sua cosmo-
poeia, omnes
theologos et
philosophos
antecessit;

In hac enim mundanae totius machinae constitutione non solum theologus mihi visus est *M o y s e s*, divinae potentiae opera rerumque creationem edisserens, verum etiam summus philosophus, naturalis philosophiae scientiam ingenuamque cognitionem rerum naturalium tradens. Quaecumque enim vel a Platone vel ab Aristotele vel ab aliis physiologis de natura rerum tradita sunt litterisque demandata, haec omnia in Moysi cosmopoeia luce clarius tradita sub conspectum veniunt oculatius inspicienti.

in ea enim
inveniuntur
quae
in philosophia
naturali
pertractantur.

Sunt autem vel maxime decem quae in philosophia naturali pertractantur: principia rerum; communia accidentia rebus, veluti motus et tempus; coeli astrorumque natura; natura elementorum; horum actio, antipathia atque sympathia; exhalatio atque ex ea meteoricae impressiones, quae in aere fiunt; mineralia; plantae; animalia, et tandem hominis constitutio per animam extrinsecus advenientem. Haec autem omnia in *M o y s i* cosmopoeia perfectissimo veluti compendio et ἀνακεφαλαίωσι⁷ continentur, non secus ac in homine universa natura, qui ob id μικροκόσμος est sapientibus appellatus⁸. Agit enim *M o y s e s* de principiis rerum, coelum terramque statuens genitalia principia rerum; agit de communibus accidentibus: motu et tempore; agit de coeli natura et astris; agit de elementis, terra, aqua et aere; agit de generatione rerum; de exhalatione; de mineralibus; de plantis; de animalibus tandemque de homine. Quae quidem omnia in primis tribus Sacrae *Geneseos* capitibus, quae universam cosmopoeiam vel potius cosmographiam edocent, a *M o y s e* pertractata videntur, paucissimis quidem verbis

7) Ms.: *Anacephalaeos*, et infra: *Microcosmos*.

8) S. Greg. Nazianzenus *Orat.* 28, (P. G. 36, 58); S. Greg. Nyssenus *De Hominis Opificio*, cp. 16, ibid. 44, 178-179; S. Io. Damascenus *De Fide Orthodoxa*, lib. 2, cp. 12, ibid. 94, 922; Rabanus Maurus *De Universo*, lib. 10, cp. 14, (P. L. 111, 306); S. Thomas S. *Theolog.*, 1^a q. 91, a. 1, c.; 1^a 2^{ae}, q. 17, a. 8, ad 2; Aristoteles *Physic.*, lib. 8, cp. 2, t. 1, pag. 253; Conimbricenses *De Coelo*, lib. 1, q. 1, a. 2.

brevissimisque sententiis, sed plenissimis verissimisque tum verbis tum sententiis.

Quod quidem, cum non ab omnibus sit animadversum, Deus, qui divina Sacrarum Scripturarum mysteria mundana sapientibus prudentibus abscondit, et parvulis ea revelat⁹, mihi, omnium theologorum philosophorumque minimo, haec revelare ex voluntatis suae beneplacito dignatus est, quia ipse *scientiarum Dominus est*¹⁰. Cum enim Sacrae Scripturae studio operam navarem, divinae veritatis lux, *quae omnem hominem venientem in hunc mundum illuminat*¹¹, mentis meae oculis magno splendore illuxit, ut in hoc Sacrae Scripturae agro, una cum supercoelestis sapientiae, sacrae, inquam, theologiae thesauro, sacrae item philosophiae naturalis pretiosissimum ditissimumque adinvenirem archivium; quod quidem mihi eo carius pretiosiusque fuit, quod nulla alia ratione censeam certi quippiam de naturalibus haberi posse¹².

Assertit
S. Auctor
supernam
quandam
motionem et
illustrationem
ad explanan-
dam S. Scrip-
turam se
habuisse.

Quae enim a philosophis, physiologis de natura conscripta sunt, ad opinionem universa conscripta esse semper sum arbitratus. *Cunctae enim res difficiles: non potest eas homo explicare sermone*¹³. *Cuncta enim fecit Deus bona in tempore suo et mundum tradidit disputationi hominum, ut non inveniat homo opus, quod operatus est Deus ab initio usque in finem*¹⁴. Unde cum *Deus rectum hominem fecerit... ipse infinitis se immiscuit quaestionibus*¹⁵. Quae autem hic scripta sunt, non ad opinionem, sed ad veritatem sunt scripta; horum enim auctor est Deus, qui naturae totius causa suprema est atque principium, rerum, inquam, omnium natura constantium artifex summus sapientissimusque effector. Quare non aliunde quam ab eo naturalium rerum cognitionem scientiamque melius possumus adipisci. Unde enim melius quam a vivo fonte pura claraque hauriri aqua potest? Deus est enim *qui docet hominem scientiam*, ut *Regius Vates* ait¹⁶, ipse est *omnis sapientiae fons*,¹⁷ *scientiarum omnium Dominus* et magister; quapropter idem *Vates* beatos dicit homines a Deo edoctos et eruditos¹⁸: *Beatus homo quem tu erudieris, Domine, et de lege tua docueris eum*.

Philosophi
opinabiliter de
natura con-
scripserunt, S.
Scriptura
autem abso-
luta veritate
loquitur.

9) Cf. Mt 11, 25; Lc 10, 21.

10) 1 Rg 2, 3.

11) Io 1, 9. Vulg.: *Quae illuminat*, etc.

12) Ms.: *Possit*.

13) Eccle 1, 8.

14) Ibid. 3, 11.

15) Ibid. 7, 30. Vulg.: *Fecerit Deus hominem rectum, et ipse se infinitis miscuerit quaestionibus*.

17) Cf. Bar 3, 12; Eccli 1, 5.

18) Ps 93, 12.

16) Ps 93, 10.

Ideo ad veram
scientiam hauriendam studium S. Scripturae maxime confert;

nec absolute
reiciendum
est quidquid
antiqui docuerint philosophi, sed magna diligentia verum a falso separandum est.

Missis ergo philosophorum ambagibus, qui infinitis se immiscuere quaestionibus, qui etsi per ea, quae facta sunt, multa invisibilia Dei cognoverint ¹⁹, tamen *dicentes... se sapientes esse stulti facti sunt* ²⁰, *quia, cum cognovissent Deum, non sicut Deum glorificaverunt..., sed evanuerunt in cogitationibus suis, et obscuratum est insipiens cor eorum* ²¹; qui, ut alibi Apostolus ait ²², *ambulantes in vanitate sensus sui, tenebris obscuratum habentes intellectum, alienati a vita Dei, per ignorantiam, quae est in illis propter caecitatem cordis ipsorum*; eam crediderim de operibus Dei potuisse claram exactamque cognitionem doctrinamque tradere, quam de coloribus caeci vel de lumine solis oculus nycticoracis aut alterius cuiuspiam avis lucifugae, nos ex purissimis mosaicae divinaeque sapientiae fontibus puram, claram ac summopere veram cognitionem scientiamque hauriendam duximus. Aequum enim visum est nobis sanctae huic lectioni tempus, quod licuerit, studiaque mea dedicare ad sacrae Moysis philosophiae interpretanda revelandaque mysteria, ut quidquid ipse de principiis rerum, de communibus accidentibus, de coelo, elementis, actionibus, exhalationibus, mineralibus, plantis, animalibus et tandem de homine dixit, afferamus in medium, promamus in lucem, interpretemur, declaremus, elucidemus, summi Dei auxilio, Christi luce et Spiritus Sancti gratia donisque freti. Quod si quid veri et certi apud externos ethnicosque philosophos, qui physiologiam docuere, inveniemus, cum Deus sit omnis veritatis auctor, id tanquam a possessoribus iniustis repetemus; isti sunt enim, *qui veritatem Dei*, ut inquit Apostolus, *in iniustitia detinent, quia quod notum est Dei manifestum est... illis, Deus enim illis manifestavit* ²³. Si quam ergo veritatem iniuste detentam invenerimus, iuste ab eis exigemus aurumque et pretiosa quaeque ex Aegypto cum Israelitis in terram promissionis asportabimus ²⁴, ut ex his sanctuarium Deo sacrumque nomini eius delubrum construamus. Ita enim et Salomon, rex omnium potentissimus pariter ac sapientissimus, augustissimum illud celeberrimumque templum Deo Optimo Maximo aedificaturus, ab exteris nationibus, a Tyriis, inquam, Sidoniisque, multos artifices multaue tum ligna tum lapides e monte

19) Cf. Rom 1, 20.

20) Ibid. vr. 22. Vulg.: *Se esse sapientes*, etc.

21) Ibid. vr. 21.

22) Eph 4, 17-18. Vulg.: *Ambulant*.

23) Rom 1, 18-19.

24) Cf. Ex 3, 21; 12, 35-36.

Libano est mutuatus²⁵. Si quae ergo vel apud Aristotelem vel apud Platonem vel apud Trismegistum, qui omnium Moysi simillimus²⁶, sacrae huic divinaeque philosophiae consona [invenerimus], cum verum vero consonet semper, ea tanquam vera recipiemus, tanquam aurum non adulterinum, sed verum ad lydiū lapidem probatum; dissona vero, et quae non musim, sed cum philosophia hac amusim faciunt, tanquam falsa et a veritatis luce longe distantia, a schola veritatis reiciemus in tenebrasque exteriores relegabimus. Sic enim Deus *lucem divisit a tenebris*²⁷.

et hoc quidem
reiciendo,
illud autem
recipiendo.

Deum Optimum Maximum, a quo *omne datum optimum et omne donum perfectum*²⁸, rogo *genuaque mea ad Patrem Domini nostri Iesu Christi flecto*²⁹ . . . , *ut det mihi virtutem secundum divitias gloriae suae. . . ut possim comprehendere . . . quae sit latitudo, longitudo . . . , sublimitas et profundum*³⁰ sacrae huius divinaeque philosophiae, ut nunquam a veritatis semita, nec latum quidem unguem, aberrem; sed coelesti semper lumine ductus, tanquam sanus oculus nulla vel caecitatis obscuritate obductus, aut vertiginis cuiuspiam iniuria affectus, lucem a tenebris albumque a nigro, absque ullo errore, discernit; ita ego semper vera possim a falsis discernere ne, quo errore deceptus, a semita veritatis aberrans, alios quoque, si quos acciderit mea haec scripta a parietibus domesticis edita in lucem, ut legant, similiter deceptos faciam aberrare. Deum autem Optimum Maximum, qui cordis cogitationes et secreta scrutatur animorum³¹, quem conscientiae secreta non fallunt, *omnia enim nuda et aperta sunt oculis eius, et non est aliqua creatura invisibilis in conspectu illius*³², testor et Christum Iesum unicum Filium eius Dominum nostrum, qui venturus est iudicare vivos et mortuos³³, voluntatis mentisque meae hoc firmum esse propositum, hanc intensionem semper quae vera sunt et vero consona atque similia, a veritate Sacrarum Scripturarum utriusque Testamenti et catholicae fidei nec latam quidem unguiculam distantia,

Hoc opus ag-
gressurus piis-
sime S. Auctor
Dei auxilium
implorat, ne
in errorem in-
ducatur vel
alios inducat,

testans inten-
tionem suam
et voluntatem
plenissime ca-
tholicae veri-
tati se confor-
mandi.

25) Cf. 3 Rg 5, 1 sqq.

26) Cf. Lactantius *Divinae Institut.*, lib. 1, cp. 6, (P. L. 6, 139); lib. 2, cp. 11, ibid. col. 314; lib. 4, cp. 6, ibid. col. 461-462; lib. 6, cp. 25, ibid. col. 730; lib. 7, cp. 4, ibid. col. 746.

27) Gn 1, 4. Vulg.: *Divisit lucem.*

28) Iac 1, 17.

29) Eph 3, 14. Vulg.: *Flecto genua mea*, etc.

30) Ibid. vrr. 16-18.

31) Cf. 1 Rg 16,

7; 1 Par 28, 9; Ps 7, 10; Prv 15, 11; Sap 1, 6; Eccli 23, 28; Ier 11, 10; 17, 10; 20, 12; Act 1, 24; Apc 2, 23.

32) Hebr 4, 13. Vulg.: *Et non est ulla creatura invisibilis in conspectu*

eius; omnia autem nuda, etc.

33) Cf. Act 10, 42; 2 Tim 4, 1.

corde credere, ore confiteri et fidelissimo calamo litteris exarare; ne quid unquam catholicae veritati undequaque non consonans, in his vel aliis quibuslibet scriptis meis quis legens arbitretur id temere a me assertum. Absit! absit! Homo sum, errare potero; nunquam tamen cuiuslibet erroris pertinax defensor, nec assertor; veritatis enim ingenuae ingenuum me fateor atque profiteor amatorem; hanc semper nervis omnibus, omni studio, labore atque indagine sum prosequutus tanquam thesaurum quendam infinitum.

DISSERTATIO PRIMA ¹

DE SCHEMATIBUS ET TROPIS SACRAE SCRIPTURAE ²

Sacra et divina Scriptura non solum multiplicium sensuum fecundissima et exuberans est; quapropter altissima semper et profundissima est et semper et ubique verissima, ut sua altitudine superbos irrideat, profunditate attentos, vigiles et studiosos continuo teneat, veritate semper dulciter ac suaviter pascat ³; verum etiam omnibus schematibus, tropis et figuratis locutionibus ubique respersa, quae eam mirum in modum decorant et exornatissimam reddunt; quare et sapiens est et eloquens ac maxime frugifera. Non enim, ut in ceteris plerisque disciplinis crebro contingit, ita haec quoque fabularum lenociniis ac ludricis nugis animum nostrum titillare solet; non pestiferis canticis aures demulcere, non profanis opinionibus mentem inficere, non aliquam demum morum perniciem candidatis suis insinuare consuevit; verum contra, ubique seria veritas salutari gravitate blanditur, ad omnem aditum facundus ille sapientiae lepor dulcibus modulis plectrum suum meditatur, nil adeo incontaminatum quod non in vitam nostram Sacrae Scripturae placita suo veluti iure quodam instillent. Non, ut multi autumant ⁴, horrida est et inculta, arida et tetrica, sed politione mira decora atque adeo ipsa maiestate decora, iucunda, facilis, expedita, prona nullique non obvia, sed omnium,

S. Scriptura
multiplices
sensus
includit et
dum sua
altitudine
superbos
irridet, sua
veritate stu-
diosos pascit;

nec inculta et
arida est, sed
mira dulcedine
menti

1) Praenotationes has, quas S. Auctor ad *Explanationem* suam praemisit, verbis distinxi-
mus: *Dissertatio prima, secunda, etc.* 2) Verba: *De Schematibus et Tropis*, in codice cor-
rosa sunt, sed ex aliquibus signis quae permanserunt, patet haec eadem esse, quae et S. Auctor
posuerat.

3) Cf. S. Augustinus *De Genesi ad Litteram*, lib. 3, cp. 3, (P. L. 34, 323).

4) Cf. Io. Steph. Menochius *S. I. Comment. S. Scripturae*, t. 1, *Prolegomena*, cp. 8; Io. B. Du
Hamel *Biblia Sacra*, part. 1, *Prolegomena, Dissert. 4*, cp. 1, pag. LII-LIII.

blanditur, dum
multiplicitate
sensuum
intellectum
attentum
tenet.

ad eam pia fide et devotione accedentium, mira dulcedine animum pascit atque eius studium non in portu, longo iam maris devorato taedio, sed in ipso limine, dum a litore solvimus, dum vix iter capessamus, laborem nostrum statim amplissimo praemio solatur, dum fideli intellectus machaera litteram convellimus, continuo pascit animum promicans nucleus et sensuum flagrantissima medulla.

Ideo
prius nobis
cognoscendae
sunt variae locutionis
formae in S.
Scriptura
adhibitae.

Omnium tamen artificem laborem, citra quem nihil unquam natura dedit mortalibus, in consilium adhibere oportet in cortice convellendo, idest ⁵... pascuntur. Ad quod industriae plurimum et studii conferre nos convenit, ac litterae intelligendae plurimum insistendum, ut schemata formasque verborum intelligamus tropicasque locutiones, quae translatis dictionibus a propria significatione ad non propriam ex similitudine et analogia in eis reperta aut decoris, aut cultus et ornatus, aut necessitatis, aut emphaseos gratia fiunt, percipiamus. Omnia enim schemata et tropi ac figurae dicendi, quarum Graeci se gloriantur repertoires fuisse ⁶, a Sacra Scriptura profluxerunt, quae ceteris scripturis, non solum auctoritate, quia divina, vel utilitate, quia ad vitam ducit aeternam, sed et antiquitate et ipsa praeeminet positione dicendi. Quare ne in mediis Sacrarum Scripturarum studiis in has figuratas locutiones tanquam nobis ignotas impingamus et a studio vel deterreamur vel moremur, troporum et schematum, quibus Sacra Scriptura multis saeculis ante eloquentiae magistros eloquentissime usa est, prius aliqualem notitiam tradere operae pretium duximus. Multa enim in Scripturis Sacris obscura, cognito locutionis genere, dilucescunt; propter quod cognoscenda sunt eadem locutionum genera, ut ubi sententiae latent, eorum cognitio succurrat easque sub schematibus et tropis latitantes intentioni legentis aperiat.

Ipsa enim
omnibus
eloquentiae
magistris eo
magis prae-
stat, quo anti-
quior illis est.

Quid sit
schema,

Schematum igitur multae sunt species, item etiam troporum. Est autem *s c h e m a* proprie dictum, quod a simplici et in promptu posito dicendi modo, poetice vel oratorie mutatum est, tam in pingendis verbis quam in ornandis sententiis pondus habens ⁷. Aliquando etiam immutatum manet; sunt enim schemata quaedam tum ver-

5) Deest una linea in codice atramento corrosa.

6) Cf. S. Isidorus Hisp. *Etymol.*, lib. 1, cp. 36, (P. L. 82, 110); S. Beda *De Schematis et Tropis*, ibid. 90, 175; Quintilianus *Institutiones Oratoriae*, lib. 8, cp. 5, vol. 2, pag. 70.

7) Cfr. Cassiodorus *Expositio in Psalterium*, Ps. 1, (P. L. 70, 32); S. Isidorus Hisp. *Etymol.*, lib. 1, cp. 36, ibid. 82, 110; Alcuinus *Grammatica*, ibid. 101, 858.

borum tum sententiarum lumina, quibus, tanquam insigniori ornatu, tota oratio texitur ac distinguitur. Item *t r o p u s* est verbi vel sermonis cum virtute a propria significatione in alienam mutatio, decoris, vel necessitatis, aut cultus, sive emphaseos gratia ⁸. Inde dicuntur tropicae locutiones, non propriae, quoniam non secundum propriam significationem in eis verba sumuntur, sed transposite et figurate, tametsi autem tam propriis quam translatis verbis figuratur oratio. Inter *s c h e m a* tamen et *t r o p u m* hoc interest discriminis, quod figura – *σχημα* enim graece figura latine sonat – est conformatio quaedam, ut nomine ipso patet, habitusque orationis remota a communi et primum se offerente oratione, patetque propriis verbis figura fieri; *t r o p u s* autem nunquam nisi translatis atque transpositis verbis a propria in alienam significationem. Nos itaque tum de tropis tum de schematibus et figuris disseremus; de tropis primo, tum de figuris.

quid tropus
et quanam
differentia
inter
utrumque.

T r o p u s igitur «est verbi vel sermonis a propria significatione in aliam cum virtute mutatio» ⁹, ut cum dicimus: laetas segetes, verbum laetitiae, a propria significatione, qua laetos homines dicimus, ad segetes cum virtute transfertur. Tropi autem species undecim sunt; in verbo septem: metaphora, synecdoche, metonymia, antonomasia, onomatopoeia, catachresis, metalepsis; in oratione vero quattuor: allegoria, periphrasis, hyperbaton et hyperbole.

Variae tropi
species.

M e t a p h o r a, quae latine translatio dicitur, fit cum nomen aut verbum propter similitudinem transfertur ex eo loco, in quo proprium est, in eum, in quo proprium deest, aut translatum proprio melius est ¹⁰; ita dicimus: laetas segetes, ridere prata, gemmare vites, floridam iuventutem, lacteam canitiem, incensum ira, inflammatum cupiditate, lapsus errore; ita plane in Scripturis Sacris Christus dicitur *agnus* ¹¹, *leo* ¹², *ovis* ¹³, *lilium convallium*, *flos campi*, *hinnulus cervorum* ¹⁴, etc.; ita: *Dominus de Sion rugiet* ¹⁵. Et metaphorica quidem locutio usitatissima in Scriptura Sacra est. Fit autem quattuor

Quid meta-
phora et
quot modis
fiat.

8) Cf. S. Isidorus Hisp. *Etymol.*, lib. 1, cp. 37, (P. L. 82, 112); S. Beda *De Schematis*, etc. ibid. 90, 179; Alcuinus *Grammatica*, ibid. 101, 858; 9) Quintilianus op. cit. lib. 8, cp. 6, vol. 2, pag. 75. 10) Cf. Cassiodorus *Exposit. in Psalt.*, Ps. 31, (P. L. 70, 221); S. Isidorus Hisp. *Etymol.*, lib. 1, cp. 37, ibid. 82, 112; S. Beda *De Schematis*, etc. ibid. 90, 179; Quintilianus op. cit. lib. 8, cp. 6, vol. 2, pag. 75; Charisius *Ars Grammatica*, lib. 4, cp. 2, pag. 358. 11) Cf. Is 16, 1; Io 1, 29. 36; Apc 5, 6-13; 7, 9-17; 21, 9-27. 12) Cf. Apc 5, 5. 13) Is 53, 7; Act 8, 32. 14) Ct 2, 1. 9. 15) Ioel 3, 16; Am 1, 2.

modis translata similitudine : vel ab animali ad animal, vel ab inanimato ad id quod eiusdem est generis, vel ab animali ad inanimatum, vel ab inanimato ad animal. – Primo quidem modo, ut : *Quare fremuerunt gentes* ¹⁶ ; et : *Rugiebam a gemitu cordis mei* ¹⁷ ; *Si sumpsero pennas meas diluculo* ¹⁸ ; nam et homo, de quo haec dicuntur, et animalia, unde sumuntur, animam habent. – Secundo vero modo, ut : *Aperi, Libane, portas tuas* ¹⁹ ; a civitate enim ad montem translatio fit, quae ambo inanimata sunt. Ita nos dicimus : concentu virtutum nil esse suavius ; caritatem esse *vinculum perfectionis* ²⁰ ; eleemosynam extinguere peccatum ²¹. – Tertio autem modo, ab animato ad exanime, ut : *Terra aperuit os suum* ²² ; *Ecce eiicis me hodie a facie terrae* ²³ ; *Exiccatus est vertex Carmeli* ²⁴ ; ab animali enim, cui haec competunt, ad terram et montem, quae inanimata sunt, fit translatio ; animal enim os, faciem et verticem habet, non autem terra aut mons. – Quarto denique modo, ab inanimato ad animal ; ita dicitur : *Auferam a vobis cor lapideum* ²⁵ ; *populus durae cervicis* ²⁶ ; *cor durum* ²⁷ ; *homo durus* ²⁸ et asper sive *austerus* ²⁹ ; durities enim non homini, sed inanimatis lapidibus competit : ab eis autem ad homines translatio fit. Et certe istiusmodi translationibus ubique Scriptura Sacra miro ornameto respersa est. – Imaginis etiam figura post metaphoram invenitur, qualis est apud Isaiam illud ³⁰ : *Quasi parturiens dolebunt* ; et apud Ieremiam ³¹ : *Quia inventi sunt in populo meo impii insidiantes quasi aucupes, laqueos ponentes et pedicas ad capiendum viros*.

Synecdoche
et variae eius
formae.

Synecdoche tropus est, in quo ex parte totum, aut contra, aut ex antecedentibus sequentia intelliguntur ³², sicuti ex puppi navis, ex mucrone ensis, ex tecto domus intelligitur. Synecdoche a parte totum ostendens in Sacra Scriptura est, ut cum anima aut caro pro toto homine ponitur, ut : *Factus est homo in animam viventem* ³³ ; ita cum legimus : *Cunctae animae, quae ingressae sunt cum Iacob in Aegyptum et egressae sunt de femore eius* ³⁴ ; ita quoque : *Verbum caro*

16) Ps 2, 1. 17) Ps 37, 9. 18) Ps 138, 9. 19) Zach 11, 1. 20) Col 3, 14.
21) Cf. Dn 4, 24. 22) Gn 4, 11. 23) Ibid. vr. 14. 24) Am 1, 2. 25) Ez 11, 19.
26) Ex 33, 3. 5; 34, 9; Dt 9, 13. 27) Ecclesi 3, 27. 28) Mt 25, 24. 29) Cf. Lc 19, 21-22. 30) 13, 8. 31) 5, 26. Vulg.: Capiendos. 32) Cf. Cassiodorus *Exposit.* in Psalt., Ps. 9, (P. L. 70, 80); Ps. 64, ibid. col. 444; S. Beda *De Schematis*, etc. ibid. 90, 182; Quintilianus op. cit. lib. 8, cp. 6, vol. 2, pag. 77; Charisius op. cit. lib. 4, cp. 2, pag. 361.
33) Gn 2, 7. 34) Ibid. 46, 26. Vulg.: De femore illius.

modis translata similitudine : vel ab animali ad animal, vel ab inanimato ad id quod eiusdem est generis, vel ab animali ad inanimatum, vel ab inanimato ad animal. – Primo quidem modo, ut : *Quare fremuerunt gentes* ¹⁶ ; et : *Rugiebam a gemitu cordis mei* ¹⁷ ; *Si sumpsero pennas meas diluculo* ¹⁸ ; nam et homo, de quo haec dicuntur, et animalia, unde sumuntur, animam habent. – Secundo vero modo, ut : *Aperi, Libane, portas tuas* ¹⁹ ; a civitate enim ad montem translatio fit, quae ambo inanimata sunt. Ita nos dicimus : concentu virtutum nil esse suavius ; caritatem esse *vinculum perfectionis* ²⁰ ; elemosynam extinguere peccatum ²¹. – Tertio autem modo, ab animato ad exanime, ut : *Terra aperuit os suum* ²² ; *Ecce eiicis me hodie a facie terrae* ²³ ; *Exiccatus est vertex Carmeli* ²⁴ ; ab animali enim, cui haec competunt, ad terram et montem, quae inanimata sunt, fit translatio ; animal enim os, faciem et verticem habet, non autem terra aut mons. – Quarto denique modo, ab inanimato ad animal ; ita dicitur : *Auferam a vobis cor lapideum* ²⁵ ; *populus durae cervicis* ²⁶ ; *cor durum* ²⁷ ; *homo durus* ²⁸ et asper sive *austerus* ²⁹ ; durities enim non homini, sed inanimatis lapidibus competit : ab eis autem ad homines translatio fit. Et certe istiusmodi translationibus ubique Scriptura Sacra miro ornameto respersa est. – Imaginis etiam figura post metaphoram invenitur, qualis est apud Isaiam illud ³⁰ : *Quasi parturiens dolebunt* ; et apud Ieremiam ³¹ : *Quia inventi sunt in populo meo impii insidiantes quasi aucupes, laqueos ponentes et pedicas ad capiendum viros*.

Synecdoche
et variae eius
formae.

Synecdoche tropus est, in quo ex parte totum, aut contra, aut ex antecedentibus sequentia intelliguntur ³², sicuti ex puppi navis, ex mucrone ensis, ex tecto domus intelligitur. Synecdoche a parte totum ostendens in Sacra Scriptura est, ut cum anima aut caro pro toto homine ponitur, ut : *Factus est homo in animam viventem* ³³ ; ita cum legimus : *Cunctae animae, quae ingressae sunt cum Iacob in Aegyptum et egressae sunt de femore eius* ³⁴ ; ita quoque : *Verbum caro*

16) Ps 2, 1. 17) Ps 37, 9. 18) Ps 138, 9. 19) Zach 11, 1. 20) Col 3, 14.
21) Cf. Dn 4, 24. 22) Gn 4, 11. 23) Ibid. vr. 14. 24) Am 1, 2. 25) Ez 11, 19.
26) Ex 33, 3. 5 ; 34, 9 ; Dt 9, 13. 27) Eccl 3, 27. 28) Mt 25, 24. 29) Cf. Lc 19,
21-22. 30) 13, 8. 31) 5, 26. Vulg.: Capiendos. 32) Cf. Cassiodorus *Exposit.* in
Psall., Ps. 9, (P. L. 70, 80) ; Ps. 64, ibid. col. 444 ; S. Beda *De Schematis*, etc. ibid. 90, 182 ;
Quintilianus op. cit. lib. 8, cp. 6, vol. 2, pag. 77 ; Charisius op. cit. lib. 4, cp. 2, pag. 361.
33) Gn 2, 7. 34) Ibid. 46, 26. Vulg.: De femore illius.

*factum est*³⁵; pars enim alterutra pro homine ponitur; neque enim animae filiorum Iacob sine corporibus in Aegyptum ingressae sunt, nec Verbum caro sine anima factum est. – Quae autem a toto partem demonstrat, multis in locis fit synecdoche, ut: *Sepelivit Abraham... uxorem suam in spelunca agri duplici*³⁶; ita: *Dormivit... David cum patribus suis et sepultus est*³⁷, etc.; in Evangelio quoque: *Iuxta erat monumentum, in quo posuerunt Iesum*³⁸. Omnes autem hi loci de mortuo corpore intelligendi sunt, sicut et illud Magdalenae: *Tulerunt Dominum meum et nescio ubi posuerunt eum*³⁹, idest corpus Domini mei. – Huc pertinet cum ex uno plures significantur, ceu: *Fons ascendebat de terra et irrigabat universam superficiem terrae*⁴⁰; fontium quidem plane multitudo erat, cum ad id nequaquam fons unus sufficeret; ita quoque *locusta*⁴¹ et *rana* et *musca*⁴² in plagis Aegypti, earum certe innumerabilis propemodum multitudo erat. – Aliquando fit plurali pro singulari posito, sicut cum legimus: *Videntes autem discipuli indignati sunt dicentes: Ut quid perditio haec unguenti?*⁴³... et *fremebant in eam*⁴⁴, cum, I o a n n e teste⁴⁵, solus Iudas proditor id dixerit. Ita quoque *latrones, qui crucifixi erant cum eo, conviciabantur ei*⁴⁶, cum unus solus id egerit, alter vero, increpato socio, Christum Deum confessus fuerit⁴⁷. – Aliquando materia pro universa re composita ponitur, sicuti Abraham legitur locuples valde in auro et argento fuisse⁴⁸, idest aurea et argentea pecunia; et: *Mulier... attulit alabastrum unguenti*⁴⁹, idest vasculum ex alabastro. – Nonnunquam genere pro forma, idest specie posito, ut: *Factus est homo in animam viventem*, hoc est, secundum phrasim hebraicam, *in animal vivens*, cum rationalem animam in faciem eius insufflavit, qua rationale animal factus est. – Vel^{49a} pro specie genus ponitur, sicut e contra pluries pro genere species ponitur, ut: *Pastores ovium sumus nos et fratres nostri*⁵⁰, cum et capras et boves et camelos et asinos pavissent, oves posuerunt pro animali, quod omnibus illis commune est. – Ac demum ex his, quae rebus accidunt, res ipsae intelliguntur, sicut est illud I s a i a e⁵¹: *Et conflabunt gladios suos in vomeres et*

35) Io 1, 14.

36) Gn 23, 19.

37) 3 Rg 2, 10.

38) Io 19, 42.

39) Ibid. 20, 13.

40) Gn 2, 6. Vulg.: *Ascendebat e terra irrigans*, etc.

41) Cf. Ex 10, 4 sqq.

42) Cf. ibid.

8, 2 sqq.

43) Mt 26, 8.

44) Mc 14, 4-5.

45) Cf. 12, 3.

46) Mt 27, 44.

Vulg.: *Improperabant*, etc.

47) Cf. Lc 23, 39-44.

48) Cf. Gn 13, 2.

49) Lc 7, 37.

49a) Ms.: *Sed*.50) Gn 47, 3. Vulg.: *Sumus servi tui et nos*, etc.

51) 2, 4.

lanceas suas in falces; haec enim, cum pacem magnam consequantur, per ea ponuntur.

Quid metonymia et eiusdem species.

M e t o n y m i a transnominatio quaedam est, cum vel pro effectibus causae, vel pro causis effecta ponuntur, aut per continentia quae continentur, aut per contenta quae continent, vel per signa res intelliguntur⁵². Per causas autem effectum intelligimus, veluti auctores ponimus pro suis operibus dicimusque Platonem, Aristotelem, Demosthenem vel Ciceronem legisse, cum eorum scripta dicamus vel legisse vel audivisse. Ita plane in Sacra Pagina legimus: *Habent Moysen et Prophetas, illos audiant*⁵³; et cum legitur Moyses: *Et habet Moyses...*, *qui eum praedicent... per omne sabbatum*⁵⁴; *Et incipiens a Moyse et omnibus Prophetis interpretabatur illis Scripturas*⁵⁵, auctores pro suis monumentis posuit. – Aliquando effectus pro causa ponitur, veluti cum legimus: *Tu es patientia mea...*, *spes mea*⁵⁶; et: *Fortitudo mea*⁵⁷, idest causa harum virtutum, et sic effectus pro causa ponitur. – Haec et contentum per continens designat, ut: *Effundam hydriam in canalibus*⁵⁸, cum aquam effunderet; ita: *Iubilate Deo omnis terra*⁵⁹; *Laetata est Aegyptus*⁶⁰; *Ierusalem, Ierusalem, quae occidis Prophetas*⁶¹; et innumera alia⁶², ubi certe habitatores intelliguntur. – Aliquando e contra per contentum continens designat, ut: *Ingressi sunt filii Israel per medium... maris*⁶³; ita quoque cum Iordanem fluvium transisse dicuntur⁶⁴, cum per exiccatum alveum tum maris tum fluvii transierint. Ita in plerisque aliis Scripturae locis⁶⁵.

Quid antonomasia et eius modi.

A n t o n o m a s i a vice nominis quaedam positio est, cum significatio vice nominis ponitur⁶⁶, sicut dicimus: academicorum principem, pro Platone; romanae eloquentiae patrem et principem, pro Cicerone; eximium prophetam, pro Davide; apostolum, pro Paulo;

52) Cf. Cassiodorus *Exposit. in Psalt.*, Ps. 2, (P. L. 70, 37); S. Isidorus *Hisp. Etymol.*, lib. 1, cp. 37, ibid. 82, 113; S. Beda *De Schematis*, etc. ibid. 90, 181; Quintilianus op. cit. lib. 8, cp. 6, vol. 2, pag. 78.

53) Lc 16, 31. Vulg.: *Audiant illos.* 54) Act 15, 21. Vulg.: *Moyses enim... habet, etc.*

55) Lc 24, 27. Vulg.: *In omnibus Scripturis.* 56) Ps 70, 5.

57) Ps 17, 2; 30, 4; 42, 2. 58) Gn 24, 20. Vulg.: *Effundensque.* 59) Ps 65, 1; 99, 2.

60) Ps 104, 38. 61) Mt 23, 37. 62) Cf. 1 Rg 6, 6; 4 Rg 18, 24; Is 23, 4. 15-17; Ez 26, 3; 27, 3; 28, 22; Ioel 3, 4; Am 1, 9; Mich 5, 2; Mt 2, 6; 11, 21-23. 63) Ex 14, 22.

64) Cf. Nm 32, 5; 33, 51; Dt 4, 22; 11, 31; 12, 10. 65) Cf. Ios 3, 15-16; 24, 11; Sap 11, 18; 19, 7; Is 43, 16; Hab 3, 15.

66) Cf. Cassiodorus *Exposit. in Psalt.*, Ps. 67, (P. L. 70, 466); S. Isidorus *Hisp. Etymol.*, lib. 1, cp. 37, ibid. 82, 113; S. Beda *De Schematis*, etc. ibid. 90, 181; Quintilianus op. cit. lib. 8, cp. 6, vol. 2, pag. 79; Charisius op. cit. lib. 4, cp. 2, pag. 360;

dilectum discipulum, pro Ioanne. Fit autem tribus modis: vel ab animo, vel a corpore, vel ab extrinseco. Ita in Sacro Eloquentio Salomon sapiens dicitur ⁶⁷, et pater eius homo secundum cor Dei ⁶⁸; Goliath gigas, *vir spurius...*, *altitudinis sex cubitorum et palmo* ⁶⁹. Christus etiam antonomastice *Iustus* dicitur, veluti: *Occiderunt eos, qui praenuntiabant de adventu Iusti, cuius vos nunc proditores et homicidae fuistis* ⁷⁰; Christus, *Filius David* ⁷¹, et *Filius hominis* ⁷²; Samson, *fortis viribus* ⁷³; Ioannes, *discipulus, quem diligebat Iesus* ⁷⁴; Paulus, *vas electionis* ⁷⁵; Ioannes Baptista, propheta magnus et *plus quam propheta* ⁷⁶; Petrus, *petra Ecclesiae* ⁷⁷; et frequentissima est antonomasia.

Nota quod antonomasiae epitheton simile est, quod tribus similiter modis fit. Differt autem ab antonomasia, quod epitheton semper nomen adiectum habet, non autem antonomasia ⁷⁸.

Epitheton quomodo differat ab antonomasia.

Onomatopoeia, idest nominis fictio ⁷⁹, ceu est: mugitus boum, balatus ovium, latratus canum, et his similia. Tropus iste in Sacra Scriptura frequentissimus est: *Rugitus leonis et vox leaenae* ⁸⁰; *Quasi leo rugiet* ⁸¹; et: *Nunquid... circumdabis collum equi hinnitum?* ⁸² Similiter: *Canes muti non valentes latrare* ⁸³; ita: *Aes sonans et cymbalum tinniens* ⁸⁴; *clangor tubarum* ⁸⁵; ita quoque illud: *Ibant... in directum vaccae per viam, quae ducit Bethsames..., pergentes et mugientes* ⁸⁶.

Quid onomatopoeia.

Catachresis, usurpatio quaedam sive abusio verbi est, cum simile et propinquum pro certo et proprio ponitur ⁸⁷, veluti cum dicimus: vires breves, consilium longum, orationem grandem. Hoc

Quid catachresis et in quo differat a metaphora.

67) Cf. 2 Par 2, 12; 11, 22-23.

68) Cf. 1 Rg 13, 14; Act 13, 22.

69) 1 Rg 17,

4. Vulg.: *Palmi*.

70) Act 7, 52.

71) Cf. Mt 1, 1; 9, 27; 12, 23; 15, 22; 20, 30-31;

Mc 10, 47-48; Lc 18, 38; 20, 41; Rom 1, 3.

72) Cf. Mt 8, 20; 12, 40; 13, 37-41; Mc

2, 10; 8, 31. 38; 9, 8. 11. 30; Lc 5, 24; 9, 22. 26. 44. 56. 58; Io 1, 51; 3, 13-14; 6, 27. 54. 63; 12, 23. 34.

73) Cf. Idc 14, 6. 19; 15, 4.

74) Io 13, 23; 21, 7. 20.

75) Act 9,

15. 76) Cf. Mt 11, 9.

77) Cf. ibid. 16, 18.

78) Cf. S. Isidorus Hisp. *Etymol.*,

lib. 1, cp. 37, (P. L. 82, 114); S. Beda *De Schematis*, etc. ibid. 90, 181-182; Quintilianus op. cit. lib. 8, cp. 6, vol. 2, pag. 81; Charisius op. cit. lib. 4, cp. 2, pag. 361.

79) Cf. S. Isidorus

Hisp. *Etymol.*, lib. 1, cp. 37, (P. L. 82, 114); S. Beda *De Schematis*, etc. ibid. 90, 182; Quintilianus op. cit. lib. 8, cp. 6, vol. 2, pag. 79; Charisius op. cit. lib. 4, cp. 2, pag. 361-362.

80) Iob 4, 10.

81) Os 11, 10.

82) Iob 39, 19. Vulg.: *Collo etus*.

83) Is 56, 10.

84) 1 Cor 13, 1.

85) Nm 10, 7.

Vulg.: *Tubarum clangor*.

86) 1 Rg 6, 12.

87) Cf. S. Isidorus Hisp. *Etymol.*, lib. 1, cp. 37, (P. L. 82, 113); S. Beda *De Schematis*, etc. ibid. 90, 180-181; Quintilianus op. cit. lib. 9, cp. 2, vol. 2, pag. 100; Charisius op. cit. lib. 4, cp. 2, pag. 359.

tropo frequenter utitur Scriptura: *Cornua peccatorum confringes et exaltabuntur cornua iusti*⁸⁸; ita cum dicit: cornua arcus; pedes mensae⁸⁹, sive candelabri; frontem tecti⁹⁰; labium calicis⁹¹, etc. Haec enim omnia animalium propria sunt; ad significandas tamen res, quae propria appellatione deficiunt, ea adhibentur nomina. Et in hoc tropus hic a metaphora differt, quod illa vocabulum habenti largitur; haec, quia non habet proprium, alieno utitur; ita cum de Deo Scriptura loquitur immensam eius virtutem et perfectionem corporeae quantitatis nominibus designat, veluti cum dicit: *Excelsior coelo est, et quid facies? Profundior inferno, et unde cognosces? Longior terra mensura eius et latior mari*⁹². Ita quoque illud: *Est autem Ierosolymis probatica piscina*⁹³; « a piscibus enim nomen accepit aqua, quae nequaquam propter pisces, sed ad lavandas hostias collecta est, unde probaticae cognomen sortita est »⁹⁴.

Metalepsis, *Metalepsis*, transumptio quaedam est et alio in aliud gradatim pergens viamque praestans ad id, quod ostendit⁹⁵, ceu est illud Poetae⁹⁶:

« Speluncis abdidit atris »,
ubi ex atris tenebrosae, ex tenebrosis profundae intelliguntur; et illud:

« Post aliquot, mea regna, ... mirabor aristas? »⁹⁷

Post aliquot, inquit, aristas, annos intelligens; per aristas enim aestates, per aestates vero anni intelliguntur. Ita in Sacra Scriptura reperitur hic tropus: *Labores manuum tuarum... manducabis, beatus es et bene tibi erit*⁹⁸; labores enim posuit pro his bonis, quae laborando acquiruntur. Similiter illud: *Ecce Behemoth, quem feci tecum, foenum quasi bos comedet; fortitudo eius in lumbis eius, et virtus illius in umbilico ventris eius*⁹⁹; per Behemoth enim diabolus, per diabolum angelus a Deo factus intelligitur¹⁰⁰, per foenum peccatores homines,

88) Ps 74, 11. Vulg.: *Confringam*. 89) Cf. Ex 37, 13. 90) Cf. ibid. 26, 9. 91) Cf. 3 Rg 7, 26; 2 Par 4, 5. 92) Iob 11, 8-9. 93) Io 5, 12. 94) S. Beda *De Schematis*, etc. (P. L. 90, 181). 95) Cf. S. Isidorus Hisp. *Etymol.*, lib. 1, cp. 37, ibid. 82, 113; S. Beda *De Schematis*, etc. ibid. 90, 181; Quintilianus op. cit. lib. 8, cp. 6, vol. 2, pag. 80; Charisius op. cit. lib. 4, cp. 2, pag. 359. 96) Virg. *Aeneid.*, lib. 1, vr. 64. 97) *Bucol.*, *Ecolg.* 1, vr. 70. 98) Ps 127, 2. 99) Iob 40, 10-11. 100) Cf. Olympiodorus *Comment. in B. Iob*, (P. G. 93, 419); S. Augustinus *De Genesi ad Litteram*, lib. 11, cp. 20, (P. L. 34, 439-440); *De Civitate Dei*, lib. 11, cp. 15, ibid. 41, 330; S. Gregorius M. *Moralium*, lib. 32, cp. 12, ibid. 76, 644; S. Isidorus Hisp. *Etymol.*, lib. 8, cp. 11, ibid. 82, 217.

per lumbos et umbilicum luxuria; quoniam autem haec in diabolo esse non potest, incitatio et tentatio ad eam intelligenda est.

A l l e g o r i a, idest inversio, tropus est, quo aliud verbis aliud sensu ostenditur estque veluti continuata perpetuaque metaphora ¹⁰¹, quale est illud **P o e t a e** ¹⁰² :

allegoria
et eius species;

« Claudite iam rivos, pueri, sat prata biberunt », idest desinite iam cantare, satis audivimus. Allegoria autem in Scripturis Sacris frequentissima est. Triplex autem allegoria reperitur: verborum, rerum et ex utrisque. – Verborum, ceu: *Egredietur virga de radice Iesse et flos de radice eius ascendet* ¹⁰³; similiter: *Dilectus meus candidus et rubicundus, electus ex millibus* ¹⁰⁴, de Christo fit sermo. – Rerum, ut: *Relinquet homo patrem... et matrem suam et adhaerebit uxori suae* ¹⁰⁵; *sacramentum hoc magnum est... in Christo et... Ecclesia* ¹⁰⁶; ita Abraham duos filios habuisse per allegoriam dictum est ad duo Testamenta ¹⁰⁷. – Ex utrisque, ut: *Ipse erit mihi in filium et ego ero illi in patrem* ¹⁰⁸, de Salomone dictum est et, **A p o s t o l o** teste, de Christo ¹⁰⁹, quoniam figura Christi Salomon fuit; similiter: *Ex Aegypto vocavi filium meum*, de Israele dicitur a Propheta ¹¹⁰ et, Evangelista teste ¹¹¹, de Christo. – Ad haec allegoria aliquando integra est, aliquando vero permixta; integra, ut: *Habitabit lupus cum agno et pardus cum haedo accubabit, vitulus et leo et ovis simul morabuntur et puer parvulus minabit eos* ¹¹², etc.; permixta, ut: *Percutiet terram virga oris sui et spiritu labiorum suorum interficiet impium et erit iustitia cingulum lumborum eius et fides cinctorium renum eius* ¹¹³.

Sub allegoria **p a r a b o l a** quoque continetur, quae rerum genere dissimilium comparatio est ¹¹⁴. Haec frequentissima est in tota Sacra Scriptura. – Continetur etiam **i c o n**, idest personarum inter se comparatio, vel eorum quae personis accidunt, ¹¹⁵ ut: *Vidimus*

parabola,
icon et
paradigma.

101) Cf. S. Isidorus Hisp. *Etymol.*, lib. 1, cp. 37, (P. L. 82, 115); S. Beda *De Schematis*, etc. ibid. 90, 184; Quintilianus op. cit. lib. 8, cp. 6, vol. 2, pag. 81; lib. 9, cp. 2, pag. 101; Charisius op. cit. lib. 4, cp. 2, pag. 363. 102) Virg. *Bucol.*, *Eclog.* 3, vr. 111.

103) Is 11, 1. 104) Ct 5, 10. 105) Gn 2, 24. 106) Eph 5, 32.

107) Cf. Gal 4, 22-24. 108) 2 Rg 7, 14. Vulg.: *Ego ero ei in patrem et ipse erit mihi in filium.* 109) Hebr 1, 5. 110) Os 11, 1. 111) Mt 2, 15. 112) Is 11, 6.

113) Ibid. vrr. 4-5. 114) Cf. Cassiodorus *Exposit. in Psalt.*, Ps. 77, (P. L. 70, 555-556); S. Isidorus Hisp. *Etymol.*, lib. 6, cp. 8, ibid. 82, 239; S. Beda *De Schematis*, etc. ibid. 90, 186; Charisius op. cit. lib. 4, cp. 2, pag. 365. 115) Cf. Cassiodorus *Exposit. in Psalt.*, Ps. 16, (P. L. 70, 119); S. Isidorus Hisp. *Etymol.*, lib. 1, cp. 37, ibid. 82, 116-117; S. Beda *De Schematis*, etc. ibid. 90, 186; Charisius op. cit. lib. 4, cp. 2, pag. 365.

gloriam eius, gloriam quasi unigeniti a Patre ¹¹⁶; et: *Neque nubent, neque nubentur, sed erunt sicut angeli Dei* ¹¹⁷. — Demum et paradigma continetur, quae propositio sive enarratio exempli est hortantis, sive deterrentis ¹¹⁸; exhortantis, ut: *Elias homo erat similis nobis passibilis et oratione oravit, ut non plueret super terram et non pluit annis tribus et mensibus sex* ¹¹⁹; et: *Respicite volatilia coeli, quoniam non serunt neque metunt neque congregant in horrea et Pater vester coelestis pascit illa* ¹²⁰; deterrentis, ut: *In illa hora qui fuerit in tecto et vasa eius in domo non descendat tollere illa, et qui in agro... non revertatur; memores estote uxoris Loth* ¹²¹.

Sub allegoria autem aenigma quoque continetur; est enim Quid aenigma. aenigma obscurior quaedam allegoria ¹²², ut Oedipo quodam Sphynxis interprete ¹²³, vel alio Salomone opus sit ad intelligendum quod ea dicatur, ceu illud est: «Mater me genuit, eadem mox gignitur ex me» ¹²⁴; quo designatur ex aqua glaciem gigni et in eandem rursus effluere; tale est illud in Sacra Scriptura: *De comedente exivit cibus et de forti egressa est dulcedo* ¹²⁵; et illud: *Sanguisugae duae sunt filiae, dicentes semper: affer, affer* ¹²⁶; per quae concupiscentia carnis et concupiscentia oculorum, sive luxuria et avaritia designantur; similiter illud: *Si dormiatis inter medios cleros pennae columbae deargentatae et posteriora dorsi eius in pallore auri* ¹²⁷, per columbam Ecclesiam, per cleros, sive sortes, diversi Ecclesiae status, per pennas virtutes eius, per pallorem auri caritatis decor intelliguntur.

Ironia tropus est, quo contraria ostenduntur, quam illusionem vocant ¹²⁸, qua non solum aliud verbis, aliud sensu osten-

116) Io 1, 14. 117) Mt 22, 30. 118) Cf. Cassiodorus *Exposit. in Psalt.*, Ps. 1, (P. L. 70, 32); Ps. 33, ibid. col. 238; S. Isidorus *Hisp. Etymol.*, lib. 1, cp. 37, ibid. 82, 117; S. Beda *De Schematis*, etc. ibid. 90, 186; Charisius op. cit. lib. 4, cp. 2, pag. 365; 119) Iac 5, 17. Vulg.: *Homo erat... et non pluit annos tres et menses sex.* 120) Mt 6, 26. 121) Lc 17, 31-32. Vulg.: *Ne descendat tollere... non redeat retro.* 122) Cf. Cassiodorus *Exposit. in Psalt.*, Ps. 96, (P. L. 70, 685); S. Isidorus *Hisp. Etymol.*, lib. 1, cp. 37, ibid. 82, 116; S. Beda *De Schematis*, etc. ibid. 90, 184; Quintilianus op. cit. lib. 8, cp. 6, vol. 2, pag. 83; Charisius op. cit. lib. 4, cp. 2, pag. 365; 123) Oedipus, vir Thebanorum, filius Laii, Thebanorum regis, ingenium suum nobilitavit in proponendis ac dissolvendis aenigmatibus, in quo tam excellens evasit, ut Sphynxis Thebanae problemata dissolverit, et ideo in proverbium cessit de perspicacis et praestantis mentis homine. Cf. P. Mannucci *Adagia*, col. 191-192; Ios. Perin *Onomast.* sub nomine *Oedipus*. 124) Cf. Charisius op. cit. lib. 4, cp. 2, pag. 365. 125) Idc 14, 14. 126) Prv 30, 15, 127) Ps 67, 14. 128) Cf. Cassiodorus *Exposit. in Psalt.*, Ps. 21, (P. L. 70, 156); S. Isidorus *Hisp. Etymol.*, lib. 1, cp. 37, ibid. 82, 115; S. Beda *De Schematis*, etc. ibid. 90, 184; Quintilianus op. cit. lib. 8, cp. 6, vol. 2, pag. 83; lib. 9, cp. 2, pag. 100; Charisius op. cit. lib. 4, cp. 2, pag. 363-364.

ditur, sed contrarium, quale est illud : *Ecce Adam quasi unus ex nobis factus est, sciens bonum et malum* ¹²⁹ ; et illud : *Clamate voce maiore, deus est enim Baal et forsitan loquitur, aut in diversorio est, aut in itinere, aut . . . dormit, ut excitetur* ¹³⁰ ; illud item : *Ave, rex Iudaeorum* ¹³¹. Ironia autem pronuntiatione agnoscitur, quoniam nisi gravitas et amaritudo concomitetur, confiteri videbitur quod negare contendit. — Sub hac antiphrasis continetur, quae verbi unius ironia est ¹³², ut : bellum, quia minime bellum ; lucus, quod minime luceat ; Parcae, quod minime parcant ; ita illud est : *Amice, ad quid venisti ?* ¹³³ Differt autem antiphrasis ab ironia, quod ironia pronuntiatione sola indicat quod intelligi vult, antiphrasis vero non voce pronunciantis significat contrarium, sed suismet verbis, quorum origo contraria est, ceu est in Scriptura : *Amice, ad quid venisti ?* et : *Nisi in faciem benedixerit tibi* ¹³⁴ ; *Benedic Deo et morere* ¹³⁵ ; et : *Benedixit Deum et regem* ¹³⁶ ; benedicere enim antiphrasis est pro maledicere. — Continetur etiam sarcasmos, quae hostilis ironia et plena odio irrisio est ¹³⁷, ut : *Alios salvos fecit, seipsum non potest salvum* ¹³⁸ *facere ; si rex Israel est, descendat nunc de cruce et credimus ei* ¹³⁹ ; et illud : *Speravit in Domino, eripiat eum ; salvum faciat eum, quoniam vult eum* ¹⁴⁰.

Antiphrasis
et in quo dif-
ferat ab ironia;

sarcasmos,

Periphrasis circumlocutio quaedam, quoniam pluribus verbis id, quod uno aut paucioribus verbis dici potest, explicatur ¹⁴¹. Fit autem ornandae rei causa, vel turpitudinis vitandae ; ornandae, quale est illud : *Scimus . . . quoniam si terrestris domus nostra huius habitationis dissolvatur, quod aedificationem habemus ex Deo domum non manufactam . . . in coelis* ¹⁴² ; turpitudinis vitandae, ceu est : *Nam feminae eorum immutaverunt naturalem usum in eum usum, qui est contra naturam* ¹⁴³ ; ita quoque Sacra Scriptura semper honestissime

periphrasis
et quomodo
fiat ;

129) Gn 3, 22. 130) 3 Rg 18, 27. Vulg.: *Deus enim est*, etc. 131) Mt 27, 29; Mc 15, 18; Io 19, 3. 132) Cf. Cassiodorus *Exposit. in Psalt.*, Ps. 118, (P. L. 70, 884); S. Isidorus *Hisp. Etymol.*, lib. 1, cp. 37, ibid. 82, 115; S. Beda *De Schematis*, etc. ibid. 90, 184; Quintilianus op. cit. lib. 8, cp. 6, vol. 2, pag. 83; Charisius op. cit. lib. 4, cp. 2, pag. 364; 133) Mt 26, 50. 134) Iob 1, 11. 135) Ibid. 2, 9. 136) 3 Rg 21, 10. 137) Cf. Cassiodorus *Exposit. in Psalt.*, Ps. 93, (P. L. 70, 666); S. Isidorus *Hisp. Etymol.*, lib. 1, cp. 37, ibid. 82, 116; S. Beda *De Schematis*, etc. ibid. 90, 184; Quintilianus op. cit. lib. 8, cp. 6, vol. 2, pag. 83; Charisius op. cit. lib. 4, cp. 2, pag. 363. 138) Ms.: *Salvos*. 139) Mt 27, 42. 140) Ps 21, 9. 141) Cf. S. Isidorus *Hisp. Etymol.*, lib. 1, cp. 37, (P. L. 82, 114); S. Beda *De Schematis*, etc. ibid. 90, 182; Quintilianus op. cit. lib. 8, cp. 6, vol. 2, pag. 84; Charisius op. cit. lib. 4, cp. 2, pag. 362. 142) 2 Cor 5, 1. Vulg.: *Ex Deo habemus*. 143) Rom 1, 26.

carnalem concubitus maris et feminae *cognoscere* vocat: *Cognovit*, inquit, *Adam Evam uxorem suam* ¹⁴⁴; ingredi ad mulierem ¹⁴⁵, adhaerere uxori ¹⁴⁶, revelare oram sive turpitudinem ¹⁴⁷.

Hyperbaton transgressio quaedam est, quae verborum perturbat ordinem perversione aut transiectione ¹⁴⁸. — Sub *hyperbaton* continetur primo: *synchysis*, et est *hyperbaton* omni ex parte confusum ¹⁴⁹, ceu est illud: *Sagittae tuae acutae, populi sub te cadent in corda inimicorum regis* ¹⁵⁰; ordo est: *Sagittae tuae acutae cadent in corda inimicorum populi sub te*; ita et illud cantici Virginei: *Suscepit Israel puerum suum, recordatus misericordiae suae, sicut locutus est ad patres nostros Abraham et semini eius in saecula* ¹⁵¹; idest: *recordatus misericordiae suae in saeculum Abrahae et semini eius*, iuxta illud: *Recordatus est misericordiae suae et veritatis suae domui Israel, suscepit Israel puerum suum* ¹⁵², iuxta illud *Apostoli*: *Nunquam... angelos apprehendit, sed semen Abraham apprehendit* ¹⁵³, *sicut locutus est ad patres nostros*. — Deinde *parenthesis* sub *hyperbaton* continetur. Est autem *parenthesis* interposita locutio divisae sententiae ¹⁵⁴, sicut est illud *Apostoli*: *An ignoratis, fratres, scientibus enim legem loquor, quia lex in homine dominatur quanto tempore vivit?* ¹⁵⁵ — Continetur etiam *anastrophe*, quae est verborum tantum inversio, ¹⁵⁶ ut: *Italiam contra, mecum, tecum, etc.*; sic est illud: *Quamobrem ego deprecabor Dominum* ¹⁵⁷, idest ob quam rem. — Demum *et hystero-logia* *hystero-logia*, sive *hysteronproteron* hic continetur estque sententia cum ordo verbis mutatur ¹⁵⁸, fitque dum est ordo retrogradus, cum id, quod praecedere debuerat, postponitur, veluti est: *Hic accipiet benedictionem a Domino et misericordiam a Deo salu-*

144) Gn 4, 1. 25. Vulg.: *Adam vero cognovit uxorem suam Evam.*

4; 19, 33. 35; 30, 3. 5.

146) Cf. ibid. 2, 24; Mt 19, 3; Eph 5, 31.

145) Cf. ibid. 16, 2.

147) Cf. Lv 18, 1 sqq.

148) Cf. Cassiodorus *Exposit. in Psalt.*, Ps. 36, (P. L. 70, 260); S. Isidorus Hisp. *Etymol.*, lib. 1, cp. 37, ibid. 82, 114; S. Beda *De Schematis*, etc. ibid. 90, 182; Quintilianus op. cit. lib. 8, cp. 6, vol. 2, pag. 84; Charisius op. cit. lib. 4, cp. 2, pag. 362.

149) Cf. S. Isidorus Hisp. *Etymol.*, lib. 1, cp. 37, (P. L. 82, 115); S. Beda *De Schematis*, etc. ibid. 90, 183; Charisius op. cit. lib. 4, cp. 2, pag. 362.

150) Ps 44, 6.

151) Lc 1, 54-55.

152) Ps 97, 3.

153) Hebr 2, 16.

154) Cf. Cassiodorus *Exposit. in Psalt.*, Ps. 16, (P. L. 70, 118); S. Isidorus Hisp. *Etymol.*, lib. 1, cp. 37, ibid. 82, 114; S. Beda *De Schematis*, etc. ibid. 90, 182; Charisius op. cit. lib. 4, cp. 3, pag. 366.

155) Rom 7, 1.

156) Cf. Cassiodorus *Exposit. in Psalt.*, Ps. 85, (P. L. 70, 613); S. Isidorus Hisp. *Etymol.*, lib. 1, cp. 37, ibid. 82, 114; S. Beda *De Schematis*, etc. ibid. 90, 182; Quintilianus op. cit. lib. 8, cp. 6, vol. 2, pag. 84; Charisius op. cit. lib. 4, cp. 2, pag. 362.

157) Iob 5, 8.

158) Cf. S. Isidorus Hisp. *Etymol.*, lib. 1, cp. 37, (P. L. 82, 114); S. Beda *De Schematis*, etc. ibid. 90, 182.

tari suo ¹⁵⁹; misericordia praecedere debuisset, quoniam « Dominus prius miserando iustificat impium et deinde benedicendo coronat iustum » ¹⁶⁰.

Hyperbole est eminens superiectio fidem excedens, augendi, et hyperbole, vel minuendi vim habens ¹⁶¹; augendi, veluti cum aliquid nive candidius [dicitur]; minuendi, ut : tardior is testudine est. Ita in Scriptura legimus : *Aquilis coeli velociores, leonibus fortiores* ¹⁶²; et illud : *Lavabo per singulas noctes lectum meum, lacrimis meis stratum meum rigabo* ¹⁶³; et alibi : *Ascendunt usque ad coelos et descendunt usque ad abyssos* ¹⁶⁴. Similiter diminuens, ut : *Terrebit te sonitus folii volantis* ¹⁶⁵; et : *Denigrata est super carbones facies eorum* ¹⁶⁶. Hyperbole frequentissima est in Sacra Scriptura, maxime in propositionibus universalibus, ut : *Magnificatus est rex Salomon prae omnibus regibus terrae* ¹⁶⁷; et tamen loquitur de terra Israel. Ita saepissime legitur : *omnis populus* ¹⁶⁸, *universa civitas* ¹⁶⁹, *omnis Israel* ¹⁷⁰; hyperbole est, et non universitas, sed multitudo magna intelligenda est; ita plane cum legimus : *Cum exaltatus fuero a terra, omnia traham ad meipsum* ¹⁷¹; et : *Omnes gentes . . . venient et adorabunt coram te, Domine* ¹⁷²; *Universae familiae gentium* ¹⁷³; hyperbole est et multitudo intelligitur, non universitas, ita ut nullus desit.

159) Ps 23, 5. 160) S. Beda *De Schematis*, etc. (P. L. 90, 182). 161) Cf. Cassiodorus *Exposit. in Psalt.*, Ps. 7, ibid. 70, 64; Ps. 118, ibid. col. 885; S. Isidorus *Hisp. Etymol.*, lib. 1, cp. 37, ibid. 82, 115; S. Beda *De Schematis*, etc. ibid. 90, 183; Charisius op. cit. lib. 4, cp. 2, pag. 363. 162) 2 Rg 1, 23. 163) Ps 6, 7. 164) Ps 106, 26. 165) Lv 26, 36. 166) Thr 4, 8. 167) 3 Rg 10, 23. Vulg.: *Super omnes reges*. 168) Cf. Gn 35, 6; Ex 11, 3; 23, 3; Lv 7, 37; Dt 31, 12; 3 Rg 18, 30. 169) Cf. Mt 8, 34; 21, 10; Mc 1, 33; Act 13, 44; 21, 30. 170) Cf. Ex 12, 50; Lv 4, 13; 10, 6; 21, 24; 2 Rg 6, 5. 14; 2 Par 13, 4. 171) Io 12, 32. Vulg.: *Si exaltatus*, etc. 172) Ps 85, 9. 173) Ps 21, 28.

DISSERTATIO SECUNDA

DE SCHEMATIBUS IDEST FIGURIS LOCUTIONIS

S c h e m a, idest figura, sicut nomine ipso patet, « est conformatio quaedam orationis et habitus a communi et primum se offerente ratione remotus »¹. Differt autem, ceu ante diximus², schema a tropo, quod tropus semper nonnisi translatis verbis fiat; schema autem et propriis fit, tametsi et translatis nonnunquam figuratur oratio.

Sunt autem figurarum genera duo: unum quidem, quod in sensu, aliud, quod in verbis versatur. Nos facilitatem secuti, de verborum figuris primo, deinde de his, quae ad mentem pertinent, disseremus; etsi ut natura sensus verbum praeoccupat, ita de his, quae ad sensum pertinent, prius esset³ loquendum. Generis vero utriusque species plures extant. Verborum itaque figurae tres modi sunt: quaedam enim per additionem, quaedam vero per detractionem et quaedam per similitudinem fiunt. Quae etiam per additionem figurae fiunt, multae sunt.

Est autem prima **a n a p h o r a**, quae etiam **e p i b o l e** dicitur, estque eiusdem verbi crebra repetitio, cum ab eodem verbo saepius ducitur oratio⁴, ceu est apud **C i c e r o n e m** in *Catilinam*⁵: « Nihil agis, nihil moliris, nihil cogitas, quod ego non modo audiam, sed etiam videam planeque sentiam ». Haec figura etiam **e p a n a p h o r a** dicitur⁶, et est apud **V i r g i l i u m**⁷ pulcherrima:

« Hic gelidi fontes, hic mollia prata, Lycori:

Hic nemus, hic ipso tecum consumerer aevo ».

Ita in Sacra Scriptura: *Dicat nunc Israel, quoniam bonus, quoniam in aeternum misericordia eius; dicat nunc domus Aaron, quoniam in*

1) Cf. Quintilianus op. cit. lib. 9, cp. 1, vol. 2, pag. 87.

2) Cf. Dissert. 1, pag. 8-9.

3) Ms.: *Esse*.

4) Cf. S. Isidorus Hisp. *Etymol.*, lib. 1, cp. 36, (P. L. 82, 111); S. Beda *De Schematis*, etc. ibid. 90, 177; Charisius op. cit. lib. 4, cp. 4, pag. 370;

5) *Orat.* 1, vol.

2, col. 443.

6) Cf. not. 4 huius *Dissert.*

7) *Bucol.*, *Eclog.* 10, vrr. 42-43.

De variis
figurarum
speciebus,
quae fiunt per
additionem:

anaphora
et
epanaphora,

*aeternum misericordia eius; dicant nunc qui timent Dominum*⁸, etc.; et iterum: *Bonum est confidere in Domino, quam confidere in homine; bonum est sperare in Domino, quam sperare in principibus*⁹. Praeclara anaphora est apud Divum Paulum ad Corinthios¹⁰, dum caritatem commendat prae ceteris omnibus virtutibus: *Si linguis hominum loquar*, etc.; ita est etiam illa in Davide¹¹: *Vox Domini in virtute, vox Domini in magnificentia, vox Domini confringentis cedros*. Haec figura in Psalmis usitatissima est et in Salomone Ecclesiaste¹²: *Omnia tempus habent..., tempus nascendi et tempus moriendi; tempus plantandi et tempus evellendi*, etc.

Anadiplosis reduplicatio vel congeminiatio dictionis est, quae in ultima parte praecedentis sententiae est et in prima sequentis ponitur¹³, ceu est apud Virgilium¹⁴: anadiplosis,

« Certent et cynis ululae: sit Tityrus Orpheus:

Orpheus in silvis, inter delphinas Arion ».

Ita est illud¹⁵: *Stantes erant pedes nostri in atriis tuis, Ierusalem. Ierusalem, quae aedificatur ut civitas*¹⁶; et illud: *Me dereliquerunt fontem aquae vivae et fecerunt sibi cisternas, cisternas dissipatas, quae aquas continere non valent*¹⁷. — Huic epanadiplosis subne- epanadiplosis, ctitur, quae fit cum eadem dictione sententia clauditur a qua exordium sumpsit¹⁸, veluti est apud Virgilium¹⁹:

« Multa super Priamo rogitans, super Hectore multa ».

Ita est illud: *Deus, quis similis... tibi? Ne taceas neque compe-* analepsis, *scaris, Deus*²⁰. — Subiungitur etiam analepsis, quae est sententiae repetitio, ut audientium animo altius insideat²¹; ita est illud: *Gaudete in Domino semper, iterum dico gaudete*²². — Hic spectat epi- epizeuxis zeuxis, quae est combinatio quaedam, cum dictio nullo mediante combinatur²³, sicut est apud Virgilium²⁴:

8) Ps 117, 2-4. Vulg.: *In saeculum*. 9) Ibid. vr. 8. 10) 1 Cor 13, 1. 11) Ps 28, 4. 12) 3, 1-2. 13) Cf. Cassiodorus *Exposit. in Psalt.*, Ps. 23, (P. L. 70, 175); S. Isidorus Hisp. *Etymol.*, lib. 1, cp. 36, ibid. 82, 111; lib. 2, cp. 21, ibid. col. 135; S. Beda *De Schematis*, etc. ibid. 90, 177; Charisius op. cit. lib. 4, cp. 4, pag. 369. 14) *Bucol.*, *Eclog.* 8, vrr. 55-56. 15) Ms.: *Illus*. 16) Ps 121, 2. 17) Ier 2, 13. Vulg.: *Quae continere non valent aquas*. 18) Cf. Iul. Rufinianus *De Figuris Sententiarum*, pag. 39. 19) *Aeneid.*, lib. 1, vr. 754. 20) Ps 82, 2. 21) Cf. Cassiodorus *Exposit. in Psalt.*, Ps. 82, (P. L. 70, 596); S. Isidorus Hisp. *Etymol.*, lib. 1, cp. 36, ibid. 82, 111; S. Beda *De Schematis*, etc. ibid. 90, 177-178; Charisius op. cit. lib. 4, cp. 4, pag. 370. 22) Phil 4, 4. 23) Cf. Cassiodorus *Exposit. in Psalt.*, Ps. 17, (P. L. 70, 127); S. Isidorus Hisp. *Etymol.*, lib. 1, cp. 36, ibid. 82, 111; S. Beda *De Schematis*, etc. ibid. 90, 178; Charisius op. cit. lib. 4, cp. 4, pag. 370. 24) *Aeneid.*, lib. 9, vr. 427.

« Me, me; adsum qui feci »;
 ita est illud: *Consolamini, consolamini, popule meus*²⁵; et illud:
 et palillogia, *Elevare, elevare, consurge, Ierusalem*²⁶. — Huc accedit etiam palil-
 logia, quae iterata locutio est, cum maioris vehementiae causa
 aliquid repetitur²⁷; ita illud est: *Filius accrescens Ioseph, filius*
accrescens et decorus aspectu.²⁸

Polyphton schema est, quo eiusdem dictionis diversis
 polyptoton, casibus oratio variatur²⁹, ceu illud est: « Qui nihil in vita habet iu-
 cundius vita, is cum virtute vitam excolere poterit unquam »³⁰; et
 apud Virgilium³¹:

« Litora litoribus contraria, fluctibus undas

Imprecor, arma armis: pugnent ipsique nepotes ».

Ita est illud Apostoli³²: *Gentes, quae non sectabantur iusti-*
tiam, apprehenderunt iustitiam, iustitiam autem quae ex fide est; Israel
autem secundum legem iustitiae in legem iustitiae non pervenit; et illud:
Ignorantes enim iustitiam Dei et suam quaerentes statuere, iustitiae
Dei non sunt subiecti; finis enim legis caritas ad iustitiam omni cre-
*denti*³³; et illud: *Nam quae sub viro est mulier, vivente viro, alligata*
*est legi; si autem mortuus fuerit vir eius, soluta est a lege viri*³⁴; et
 iterum: *Quoniam ex ipso et per ipsum et in ipso sunt omnia, ipsi*
*gloria in saeculum*³⁵. Ita quoque illud est Isaiae³⁶: *Cantabo di-*
lecto meo canticum patruelis mei vineae suae: vinea facta est dilecto
meo in cornu filii olei; et sepivit eam et lapides elegit ex ea et plan-
tavit vineam electam, etc.; et illud Davidis³⁷: *Mons Dei mons*
pinguis, mons coagulatus, mons pinguis, ut quid suspicamini montes
coagulatos? Mons, in quo beneplacitum est Deo habitare in eo.

Synonymia schema est, quae nominis communio interpre-
 synonymia, tatur, quo locutionis genere utimur cum uno verbo non satis digni-
 tatem aut magnitudinem rei demonstrasse videmur³⁸, veluti si di-

25) Is 40, 1. 26) Ibid. 51, 17. 27) Cf. Aquila Rom. *De Figuris Sententiarum et Elo-*
cutionibus, pag. 23; Iul. Rufinianus *De Figuris Sententiarum*, pag. 38; Mart. Capella *De Rhe-*
torica, pag. 429. 28) Gn 49, 22. 29) Cf. S. Beda *De Schematis*, etc. (P. L. 90, 179);
 Quintilianus op. cit. lib. 9, cp. 3, vol. 2, pag. 116; Charisius op. cit. lib. 4, cp. 4, pag. 371.
 30) Cicero *Ad Herennium*, lib. 4, vol. 1, col. 52. 31) Aeneid., lib. 4, vrr. 628-629.
 32) Rom 9, 30-31. Vulg.: *Israel vero sectando, etc.* 33) Ibid. 10, 3-4. 34) Ibid. 7, 2.
 35) Ibid. 11, 36. Vulg.: *In saecula.* 36) 5, 1. Vulg.: *Filii olei . . . elegit ex illa et plantavit*
eam electam. 37) Ps 67, 16-17. 38) Cf. S. Isidorus Hisp. *Etymol.*, lib. 2, cp. 21, (P. L.
 82, 136); Cicero *Ad Herennium*, lib. 4, vol. 1, col. 60; Quintilianus op. cit. lib. 9, cp. 3, vol.
 2, pag. 117.

camus : afflixit, prostravit, perculit ; et apud Ciceronem ³⁹ : « Abiit, excessit, erupit, evasit » ; ita in Davide legimus ⁴⁰ : *Persequar inimicos meos et comprehendam illos et non revertar donec deficiant. Confringam illos nec poterunt stare, cadent subtus pedes meos . . . Et comminuam . . . ut pulverem ante faciem venti, ut lutum platearum delebo eos.* Per omnia enim haec idem intelligit. Ita etiam illud : *Vae genti peccatrici, populo gravi iniquitate, semini nequam, filiis sceleratis* ⁴¹ ; et illud : *Peccavimus cum patribus nostris, iniuste egimus, iniquitatem fecimus* ⁴². Ita quoque : *Quid est homo, quod memor es eius ? aut filius hominis, quoniam visitas eum ?* ⁴³ idem est ; in hebraeo enim אדם, בן-אדם, איש, אנוש et נבר, idem significant et synonyma sunt ⁴⁴.

Polysyndeton schema est multis coniunctionibus abundans, cum oratio multis nexa coniunctionibus est ⁴⁵, ceu est apud Virgilium ⁴⁶ :

« Tectumque laremque

Armaque Amiclaeumque canem Cressamque ⁴⁷ pharetram » ; ita in Psalmo ⁴⁸ : *Dominus conservet eum et vivificet eum et beatum faciat eum in terra et non tradat eum in animam inimicorum eius.*

Climax, idest gradatio, schema est quo in oratione quasi gradatim a re in rem ascenditur ⁴⁹, ceu est apud Ovidium ⁵⁰ :

« Viderat hanc visamque cupit potiturque cupita » ;

et apud Ciceronem ⁵¹ : « Africano virtutem industria, virtus gloriam, gloria aemulos comparavit ». Ita in Sacra Pagina apud Apostolorum Principem ⁵² : *Vos autem curam omnem subinferentes, ministrare in fide vestra virtutem, in virtute autem scientiam, in scientia autem abstinentiam, in abstinentia autem patientiam, in patientia autem pietatem, in pietate autem amorem fraternitatis, in amore autem fraternitatis caritatem.* Ita quoque apud Beatum Iacobum ⁵³ : *Omne*

39) In Catilinam Orat. 2, vol. 2, col. 499.

40) Ps 17, 38-39. 43. Vulg.: Non convertar, etc.

41) Is 1, 4.

42) Ps 105, 6.

43) Ps 8, 5.

44) Cf. Io. Buxtorfius Lexicon Hebraicum

et Chaldaeo-Biblicum, sub his vocibus.

45) Cf. Cassiodorus Exposit. in Psalt., Ps. 40, (P. L.

70, 296); Ps. 72, ibid. col. 598; S. Isidorus Hisp. Etymol., lib. 1, ep. 36, ibid. 82, 112; S. Beda

De Schematis, etc. ibid. 90, 180; Quintilianus op. cit. lib. 9, ep. 3, vol. 2, pag. 118-119; Charisius

op. cit. lib. 4, ep. 4, pag. 371.

46) Georg., lib. 3, vrr. 343-344.

47) Ms.: Crassamque.

48) 40, 3.

49) Cf. Cassiodorus Exposit. in Psalt., Ps. 93, (P. L. 70, 666); S. Isidorus

Hisp. Etymol., lib. 2, ep. 21, ibid. 82, 135; Quintilianus op. cit. lib. 9, ep. 3, vol. 2, pag. 119.

50) Fast., lib. 3, vr. 21: Mors videt hanc, etc.

51) Ad Herennium, lib. 4, vol. 1, col. 58.

52) 2 Petr 1, 5-7.

53) 1, 2-4.

gaudium existimate, fratres . . . , cum in tentationes varias incideritis, scientes quod probatio fidei vestrae patientiam operatur, patientia autem opus perfectum habet, ut sitis perfecti et integri in nullo deficientes. Similiter apud Beatum Paulum ⁵⁴ : Gloriamur in tribulationibus nostris scientes quod tribulatio patientiam operatur, patientia autem probationem, probatio vero spem; spes autem non confundit, quia caritas Dei diffusa est in cordibus nostris.

Figurae quae fiunt per detractionem : vitatis ac novitatis gratia petuntur; quarum prima est *eclipsis*, quae etiam *synecdoche* dicitur. Est autem verbi alicuius in oratione defectus, cuius subtractio satis ex ceteris intelligitur ⁵⁵, veluti apud Terentium in *Andria* legimus ⁵⁶ :

« Verbum unum cave de nuptiis »;

deest : ne dicas. Figura haec non raro in Sacra Scriptura iuxta Hebraicam Veritatem reperitur; linguae etenim sanctae peculiare et usitatissimum est ut verbum *sum, es, est* in oratione saepissime desit et quam raro ponatur, sicut cuilibet vel prima eius linguae rudimenta habenti liquet. Praeter haec autem alias schema istud reperitur, ut est illud Sacrae Geneseos ⁵⁷ : *Dixitque Cain ad Abel . . . : Egrediamur foras*. In hebraeo *eclipsis* est, non sunt enim ea verba : *Egrediamur foras*. Ita plerique ⁵⁸ illud intelligunt : *Si quis occiderit Cain septuplum punietur* ⁵⁹, ut *eclipsis* sit media et sit sensus : *Si quis occiderit Cain punietur*; at Cain septuplum, vel septenis punietur, quia septima generatione a Lamech putatur occisus ⁶⁰. Per hanc figuram intelligimus locum illum Evangelii ⁶¹ : *Si quis dimiserit uxorem suam, nisi ob fornicationem, et aliam duxerit moechatur* : unum deest verbum; sunt enim duae sententiae : *Si quis dimiserit uxorem suam, nisi ob fornicationem peccat*, quia *quod . . . Deus coniunxit, homo separare non debet* ⁶²; qui vero, uxore dimissa, utcumque *aliam duxerit moechatur*. — Differt autem istud schema ab *aposiopesi*, quae sententiarum figura est, quod in *eclipsi* quidem unum verbum et illud quidem manifestum ac certum desideratur, in *aposiopesi* vero,

et in quo differat ab aposiopesi;

54) Rom 5, 3-5. 55) Cf. Cassiodorus *Exposit. in Psalt.*, Ps. 118, (P. L. 70, 853); Mart. Cappella op. cit. pag. 430; Charisius op. cit. lib. 4, cp. 2, pag. 361. 56) *Actus 1, scena 5*, pag. 31. 57) 4, 8. 58) Cf. not. 226-232, cp. 4 *Explanationis*. 59) Gn 4, 15. 60) Cf. not. 260, cp. 4 *Explanationis*. 61) Mt 19, 9. Vulg.: *Quicumque*. 62) *Ibid.* vr. 6. Vulg.: *Homo non separet*.

de qua suo loco dicemus, aut incertum est quod tacetur, aut certe longiore sermone explicandum ⁶³.

Asyndeton, sive dialyton, dissolutio quaedam est, cum, demptis ab oratione coniunctionibus, disiuncte plura dicuntur ⁶⁴, ut apud Virgilium ⁶⁵:

asyndeton,
sive dialyton,

« Ite,

Ferte citi flammās, date vela, impellite remos »;

tale est illud in Psalmo ⁶⁶: *Iubilare Deo, omnis terra, psalmum dicite nomini eius, date gloriam laudi eius; dicite Deo: Quam terribilia sunt opera tua, Domine*. Haec figura aliquando in solis verbis est, ut apud Ciceronem ⁶⁷: « Sit in eius tutela Gallia, cuius virtuti, fidei, felicitati commendata est »; aliquando in sententiis apta est, ut est illud eiusdem ⁶⁸: « Haec studia adolescentiam alunt, senectutem oblectant, secundas res ornant, adversis perfugium praebent, delectant domi, non impediunt foris, pernoctant nobiscum, peregrinantur, rusticantur ». Ita quoque in Sacra Scriptura, in verbis tantum, ut illud Iacobi ⁶⁹: *Non est enim ista sapientia desursum descendens, sed terrena, animalis, diabolica*; et iterum: *Quae... desursum est sapientia primum quidem pudica est, deinde pacifica, modesta, suadibilis, plena misericordiae* ⁷⁰, etc. In sententiis autem, ut illud Apostoli ⁷¹: *Caritas patiens est, benigna est; non aemulatur, non agit perperam, non inflatur, non est ambitiosa, non quaerit quae sua sunt, non irritatur, non cogitat malum, non gaudet super iniquitate, congaudet autem veritati*, etc.

Protozeugma, sive hypozeugma, adiunctio est, in qua ad unum verbum, quod primum aut postremum collocatur, plures sententiae referuntur ⁷². Fit autem haec tribus modis: aut verbo praeposito, ad quod reliqua respiciant, ut: « Vicit pudorem libido, timorem audacia, rationem amentia » ⁷³; aut verbo postposito, ut: « Neque is es, Catilina, ut te aut pudor a turpitudine, aut metus a

protozeugma,

63) Cf. Cassiodorus *Exposit. in Psalt.*, Ps. 17. (P. L. 70, 135); S. Isidorus *Hisp. Etymol.*, lib. 2, cp. 21, ibid. 82, 138; Quintilianus op. cit. lib. 9, cp. 2, vol. 2, pag. 102. 64) Cf. S. Isidorus *Hisp. Etymol.*, lib. 1, cp. 36, (P. L. 82, 112); S. Beda *De Schematis*, etc. ibid. 90, 180; Quintilianus op. cit. lib. 9, cp. 3, vol. 2, pag. 118; cp. 4, pag. 129; Charisius op. cit. lib. 4, cp. 4, pag. 369. 371. 65) *Aeneid.*, lib. 4, vrr. 593-594. 66) 65, 1-3. 67) *De Provinciis Consularibus*, vol. 2, col. 737. 68) *Orat. pro Archia*, ibid. col. 546. 69) 3, 15. 70) Ibid. vr. 17. 71) 1 Cor 13, 3-4. 72) Cf. S. Isidorus *Hisp. Etymol.*, lib. 1, cp. 36, (P. L. 82, 110); S. Beda *De Schematis*, etc. ibid. 90, 176-177, sub verbo zeugma. 73) Cicero *Orat. pro A. Cluentio*, vol. 2, col. 254.

periculo, aut ratio a furore revocarit » ⁷⁴; aut in medio sensuum posito verbo, ut :

« Troiugena interpres divum, qui numina Phoebi,

Qui tripodas Clarii lauros, qui sidera sentis

Et volucrum linguas et praepetis omina pennae » ⁷⁵.

Ita plane in Sacra Scriptura iuxta primum modum est illud Apostoli ⁷⁶ : *Hoc autem scito quia in novissimis diebus instabunt tempora periculosa et erunt homines seipsos amantes, cupidi, elati, superbi, blasphemi, parentibus non obedientes, ingrati, scelesti, sine affectione, sine pace*; et illud in Lege ⁷⁷ : *Diliges Dominum Deum tuum ex toto corde tuo, ex tota anima tua, ex tota mente tua et ex omnibus viribus tuis et proximum tuum sicut teipsum*. Secundo autem modo est illud Apostoli ⁷⁸ : *Omnis amaritudo et ira et indignatio et clamor et blasphemia tollatur a vobis*. Per tertium autem modum est illud : *Invisibilia enim ipsius a creatura mundi, per ea quae facta sunt intellecta, conspiciuntur, sempiterna quoque eius virtus et divinitas* ⁷⁹.

hypozeuxis. Hypozeuxis figura est superiori contraria, cum singulis sensibus datur propria clausula et singulae sententiae singulis clausulis clauduntur ⁸⁰, ceu est illud Ciceronis ⁸¹ : « Homerum Colophonii civem esse dicunt suum, Chii suum vindicant, Salaminii repetunt, Smyrnaei vero esse suum confirmant »; sic est illud Virgilii ⁸² :

« Regem adit, et regi memorat nomenque genusque,

Quidve petat, quidve ipse ferat, Mezentius arma,

Quae sibi conciliet, violentaque pectora Turni

Edocet : humanis quae sit fiducia rebus,

Admonet, immiscetque preces : haud fit mora, Tarchon

Iungit opes foedusque ferit ».

Tale est illud Psalmi ⁸³ : *Beatus vir, qui non abiit in consilio impiorum et in via peccatorum non stetit et in cathedra pestilentiae non sedit, etc.*; et illud : *Virtutem terribilium tuorum dicent et magnitudinem tuam*

74) Cicero *In Catilinam Orat.* 1, ibid. col. 446. 75) Virg. *Aeneid.*, lib. 3, vrr. 359-361.
 76) 2 Tim 3, 1-3. Vulg.: *Quod, etc.* 77) Lc 10, 27, Vulg.: *Ex omnibus viribus tuis et ex omni mente tua, etc.* Cf. Dt 6, 4-5. 78) Eph 4, 31. 79) Rom 1, 20. 80) Cf. Cassiodorus *Exposit. in Psalt.*, Ps. 1, (P. L. 70, 29); S. Isidorus Hisp. *Etymol.*, lib. 1, cp. 36, ibid 82, 100; S. Beda *De Schematis*, etc. ibid. 90, 178; Charisius op. cit. lib. 4, cp. 4, pag. 369.
 81) *Orat. pro Archia.* vol. 2, col. 546. 82) *Aeneid.*, lib. 10, vrr. 149-154. 83) 1, 1.

narrabunt; memoriam abundantiae suavitatis tuae eructabunt et iustitia tua exultabunt⁸⁴. Ita quoque illud est Apostoli⁸⁵: *Sive prophetae evacuabuntur, sive linguae cessabunt, sive scientia destruetur*. Est vero hoc schema frequens in Sacra Scriptura.

Sunt et schemata tertii generis, quae aut vocum similitudine, aut paribus, vel contrariis fiunt ad animos excitandos. Est autem primum *paronomasia*, annominatio sive denominatio quaedam est; *παρόνομα* enim Graecis idem sunt ac denominativa Latinis. Fit autem cum paululum immutata verba atque deflexa in oratione ponuntur⁸⁶. Ita illud est: *Iustus Dominus et iustitiam dilexit, aequitatem vidit vultus eius*⁸⁷; et illud: *Bonus es tu et in bonitate tua doce me iustificationes tuas*⁸⁸. Solet autem ea figura plerumque apud oratores vocum similitudine fieri, ut apud Ciceronem⁸⁹: « Qui fuit locus felicissimus nunc erit lucus desertissimus et custodia sacrorum non honoris, sed oneris existimabitur ». Ita apud Terentium⁹⁰:

« Nam inceptio amentium est, haud amantium ».

Quando autem non ex nominum, sed verborum similitudine id fieri contingit, *paromoeon* dicitur⁹¹, veluti si quis non orare, sed arare dicatur⁹². Hoc schemate usus elegantissime est Isaias in sua lingua cum ait⁹³: *Expectavi ut faceret iudicium, et ecce iniquitas...; iustitiam, et ecce clamor*. Est enim in hebraeo: וִיכִן לְמִשְׁפָּט וְהֵנָּה מִשְׁפָּח לְצַדִּיקָה וְהֵנָּה צַעֲקָה; pro iudicio enim משפט posuit; pro iniquitate משפח; pro iustitia צדקה; pro clamore צעקה. Eodem quoque modo in eadem lingua fit *paromoeon*, cum שכל, quod est prudenter agere et intelligere, et סכל, quod est stulte agere, ponitur.

Homoeoptoton, idest similiter cadens, schema est cum in similes casus exeunt dicta plurima, etiam si dissimilia sint quae

Figurae quae fiunt per similitudinem:

paronomasia

et paromoeon,

homoeoptoton,

84) Ps 144, 6-7. 85) 1 Cor 13, 8. 86) Cf. Cassiodorus *Exposit. in Psalt.*, Ps. 102, (P. L. 70, 721); Ps. 118, ibid. col. 858; S. Isidorus *Hisp. Etymol.*, lib. 1, cp. 36, ibid. 82, 111; S. Beda *De Schematis*, etc. ibid. 90, 178; Quintilianus op. cit. lib. 9, cp. 3, vol. 2, pag. 121; Charisius op. cit. lib. 4, cp. 4, pag. 370. 87) Ps 10, 8. 88) Ps 118, 68. 89) *Fragmenta librorum incertorum*, vol. 4, col. 713: « Fuit locus religiosissimus is erit desertissimus et custodia castrorum non honoris, sed oneris existimatus ». 90) *Andria*, actus 1, scena 3, pag. 24. 91) Cf. S. Isidorus *Hisp. Etymol.*, lib. 1, cp. 36, (P. L. 82, 111); S. Beda *De Schematis*, etc. ibid. 90, 179; Quintilianus op. cit. lib. 8, cp. 6, vol. 2, pag. 83; Charisius op. cit. lib. 4, cp. 4, pag. 370. 92) Cf. Cicero *Philippica* 3, vol. 2, col. 861. 93) 5, 7.

declinantur ⁹⁴, ceu est illud: « Merentes, flentes, lacrimantes, commiserantes » ⁹⁵; et apud Ciceronem ⁹⁶: « Est idem Verres, qui fuit semper, et ad audendum proiectus, et ad audiendum paratus »; et: « Qui in his rebus non ita defendatur ut mediocris praetor, sed laudetur ut optimus imperator » ⁹⁷. Ita in Sacro Eloquentio: *Benedixisti, Domine, terram tuam, avertisti captivitatem Iacob. Remisisti iniquitatem plebis tuae, operuisti omnia peccata eorum* ⁹⁸; et illud: *Cantate et exultate et psallite* ⁹⁹. Et apud Ezechielem ¹⁰⁰: *Quod si genuerit filium latronem effundentem sanguinem; et paulo post: In montibus comedentem et uxorem proximi sui polluentem, egenum et pauperem contristantem, sapientem rapinas, pignus non reddentem et ad idola levantem oculos suos, abominationem facientem, ad usuras dantem et amplius accipientem, nunquid vita vivet?* ¹⁰¹

homoeoteleuton

Homoeoteleuton, idest similiter desinens, schema est cum duarum vel plurium sententiarum similis est finis ¹⁰², hoc est cum orationis membra vel articuli simili exitu terminantur, ceu est illud: « Eiusdem non est et facere fortiter et vivere turpiter » ¹⁰³; apud Ciceronem ¹⁰⁴: « Ut eius semper voluntati non modo cives assenserint, socii obtemperarint, hostes obedierint, sed etiam venti tempestatesque obsecundarint »; « Non modo ad salutem eius extinguendam, sed et gloriam per tales viros extinguendam » ^{104a}. Ita in Sacro Eloquentio apud Ecclesiasten ¹⁰⁵: *Melius est videre quod cupias, quam desiderare quod nescias*; et item: *Melius est a sapiente corripi, quam stultorum adulatione decipi* ¹⁰⁶. Schema istud eo a superiori discriminatur quod illud quidem ubique, istud vero in membris et articulis extremis fiat orationis, et illud quidem verbis nominibusque confici, istud vero indeclinabilibus etiam possit, et illud similis tantum casus sit, etiamsi dissimilia sint quae declinantur, istud vero in eosdem penitus exitus cadit.

et in quo differat ab homoeoptoton;

94) Cf. Cassiodorus *Exposit. in Psalt.*, Ps. 97, (P. L. 70, 690); S. Isidorus *Hisp. Etymol.*, lib. 1, cp. 36, ibid. 82, 111; S. Beda *De Schematis*, etc. ibid. 90, 179; Quintilianus op. cit. lib. 9, cp. 3, vol. 2, pag. 122; Charisius op. cit. lib. 4, cp. 4, pag. 371. 95) Cicero *Ad Herennium*, lib. 4, vol. 1, col. 51. 96) *In Verrem, Actio 2*, lib. 1, vol. 2, col. 85. 97) Ibid. lib. 5, col. 263. 98) Ps 84, 2-3. 99) Ps 97, 4. 100) 18, 10. 101) Ibid. vrr. 11-13. Vulg.: *Ad usuram dantem*. 102) Cf. Cassiodorus *Exposit. in Psalt.*, Ps. 84, (P. L. 70, 607); S. Isidorus *Hisp. Etymol.*, lib. 1, cp. 36, ibid. 82, 111; S. Beda *De Schematis*, etc. ibid. 90, 178; Quintilianus op. cit. lib. 9, cp. 3, vol. 2, pag. 122; Charisius op. cit. lib. 4, cp. 4, pag. 370. 103) Cf. Dom. De Colonia *De Arte Rhetorica*, lib. 1, cp. 5, pag. 99, qui dictum hoc tribuit Quintiliano. 104) *Pro Lege Manilia*, vol. 2, col. 246. 104a) *Pro Milone*, ibid. col. 766. 105) 6, 9. 106) Ibid. 7, 6.

I s o c o l o n, idest compar, schema est cum orationis membra ex pari fere syllabarum numero constat ¹⁰⁷, ceu est apud Cice-
r o n e m ¹⁰⁸ : « Extrema hieme apparuit, ineunte vere suscepit, medio
aestate confecit »; et iterum : « Vicit pudorem libido, timorem audacia,
rationem amentia » ¹⁰⁹. Ita in Sacris Litteris est illud A p o s t o l i ¹¹⁰ :
Ego plantavi, Apollo rigavit, Deus autem incrementum dedit; et illud :
Caritas est de corde puro et conscientia bona et fide non ficta ¹¹¹; et apud
M o y s e n ¹¹² : *Gens absque consilio est et sine prudentia; utinam
saperent et intelligerent ac novissima providerent*!

isocolon,

A n t i t h e t o n, idest contrapositum, schema est cum contrariis
contraria opponuntur ¹¹³, ceu est illud O v i d i i ¹¹⁴ :

antitheton,

« Calida pugnabant frigidis, humentia siccis,

Mollia cum duris, sine pondere habentia pondus ».

Ita Sacro Eloquio : *Arcus fortium superatus est, et infirmi accincti
sunt robore; repleti prius pro panibus se locaverunt, et famelici saturati
sunt; donec sterilis peperit plurimos, et quae multos habebat filios infirmata
est; Dominus mortificat et vivificat, deducit ad inferos et reducit; Do-
minus pauperem facit et ditat, humiliat et sublevat* ¹¹⁵. Ita : *Deus superbis
resistit, humilibus autem dat gratiam* ¹¹⁶; *Qui se exaltat humiliabitur
et qui se humiliat exaltabitur* ¹¹⁷. Frequentissimum est schema istud
in Sacra Scriptura.

A n t i m e t a b o l e, sive **m e t a t h e s i s**, idest commutatio, schema est cum duae sententiae inter se discrepantes ita efferuntur
ut a priori posterior contraria proficiscatur ¹¹⁸, veluti est : « Non ut
edam vivo, sed ut vivam edo » ¹¹⁹; item : « Si poema loquens pictura
est, et pictura tacitum poema » ¹²⁰. Ita in Sacra Scriptura : *Non
vos me elegistis, sed ego elegi vos* ¹²¹; et illud *Machabaeorum 2* ¹²² :
Verum non propter locum gentem, sed propter gentem locum Deus elegit.

antimetabole,
sive
metathesis.

107) Cicero *Ad Herennium*, lib. 4, vol. 1, col. 55; Aquila Rom. op. cit. pag. 22; Quintilianus op. cit. lib. 9, ep. 3, vol. 2, pag. 123. 108) *Pro Lege Manilia*, vol. 2, col. 343.

109) *Orat. pro A. Cluentio*, vol. 2, col. 254.

110) 1 Cor 3, 6. Vulg.: *Sed Deus*, etc.

111) 1 Tim 1, 5.

112) Dt 32, 28-29.

113) Cf. S. Isidorus Hisp. *Etymol.*, lib. 1, ep. 36, (P. L. 82, 112); lib. 2, ep. 21, ibid. col. 135; Quintilianus op. cit. lib. 9, ep. 2, vol. 2, pag. 101; Charisius op. cit. lib. 4, ep. 3, pag. 368.

114) *Metamorph.*, lib. 1, vrr. 15-16.

115) 1 Rg 2, 4-7.

116) Iac 4, 6.

117) Lc 14, 11.

118) Cf. S. Isidorus Hisp. *Etymol.*, lib. 2, ep. 21, (P. L. 82, 136); Quintilianus op. cit. lib. 9, ep. 3, vol. 2, pag. 124; Charisius op. cit. lib. 4, ep. 3, pag. 368.

119) Cicero *Ad Herennium*, lib. 4, vol. 1, col. 60.

120) Ibid.

121) Io 15, 16.

122) 5, 19.

DISSERTATIO TERTIA

DE SCHEMATIBUS SENTENTIARUM

De figuris
quae a rebus
sumuntur :

Post verborum figuras sententiarum ornamenta sequuntur, quae schemata non in verbis, sed in rebus ipsis quandam habere dignitatem videntur. Est autem harum prima *erotesis*, sive *erotema*.

erotesis,
sive *erotema*

Erotesis, idest interrogatio, schema est quoties non sciscitandi gratia assumitur, sed instandi¹, ceu est apud Virgilium²:

« Heu ! quae nunc tellus, inquit, quae me aequora possunt
Accipere ? »

Item :

« Quid agam aut quae iam satis ima dehiscat
Terra mihi ? »³

Convenit hoc schema nonnunquam indignationi, ut apud eundem⁴:

« Et quisquam [numen] Iunonis adoret ? »

et admirationi, ut :

« Quid non mortalia pectora cogis,
Auri sacra fames ? »⁵

Schema istud frequentissimum in Sacra Scriptura est, quibuscumque fiat modis : *Quare fremuerunt gentes et populi meditati sunt inania ?*⁶ *Domine, quid multiplicati sunt qui tribulant me ?*⁷ *Quo ibo a spiritu tuo et quo a facie tua fugiam ?*⁸ « Quid faciam miser ? ubi fugiam ? »⁹ *Ubi sunt dii eorum, in quibus habebant fiduciam ?*¹⁰ *Generatio prava atque perversa, haecine reddis Domino, popule stulte et insipiens ?*¹¹ Profecto quotiescumque in Sacra Scriptura Deum quidpiam sciscitantem vel interrogantem legimus, *erotema* esse intelligere debemus. — Est et alia inquisitio, quae *exetasmos*

1) Cf. Cassiodorus *Exposit. in Psalt.*, Ps. 2, (P. L. 70, 36); Ps. 118, *ibid.* col. 840; Cicero *Ad Herennium*, lib. 4, vol. 1, col. 53; Aquila Rom. op. cit. pag. 12; Mart. Capella op. cit. pag. 428.
2) *Aeneid.*, lib. 2, vrr. 69-70. 3) *Ibid.* lib. 10, vrr. 675-676. 4) *Ibid.* lib. 1, vr. 52.
5) *Ibid.* lib. 3, vrr. 56-57. 6) Ps 2, 1. 7) Ps 3, 1. 8) Ps 38, 7. 9) *Respons.* 5
in Off. Def. ad Mat. 10) Dt 32, 37. 11) *Ibid.* vr. 5.

dicitur, cum res plures atque diversas cum interrogatione disquirentes singulis convenientia respondentes applicamus¹², ceu est apud Davidem¹³: *Domine, quis habitabit in tabernaculo tuo, aut quis requiescet in monte sancto tuo? Qui ingreditur sine macula et operatur iustitiam*, etc.; similiter: *Quis ascendet in montem Domini? aut quis stabit in loco sancto eius? Innocens manibus et mundo corde*, etc.¹⁴ — Est et alia huius generis, quae antipophora dicitur, cum interrogationi obiectae respondemus, in hoc tantum adversariorum dicta sententiasque accipientes, ut respondeamus¹⁵, veluti est illud: *Multi dicunt: quis ostendet nobis bona? Signatum est super nos lumen vultus tui, Domine*¹⁶. Hoc addidit pro responsione divinum lumen menti rationique infusum.

et illi affines,
exetasmos et

antipophora;

Ethopoeia, sive ethologia, motuum est affectuumque alicuius ficta expressio¹⁷, schema est cum verbis sonoque vocis exprimitur ac describitur alicuius consuetudo et mos, unde ethopoei et ethologi histriones dicuntur, qui mores et gestus imitantur eius personae, quam sustinent. Istud schema frequentissimum in Sacra Scriptura est, quae saepissime Deum introducit sub forma hominis irati, aut rei alicuius poenitentis, vel regis, iudicis, senis, sponsi, etc. Sic Moyses saepissime in *Pentateucho*¹⁸, David in *Psalmis*¹⁹ et Prophetae²⁰ in libris suis Deum loquentem, aut aliquid agentem inducunt, et quaecumque de Deo per ἄνθρωπος-πάθος^{20*} dicuntur, ad hoc schema pertinere censenda sunt, nec proprie, sed figurate accipienda; unde Anthropomorphitae haeretici²¹ decepti et alucinati sunt, quae de Deo per ἄνθρωποπάθειαν dicuntur proprie accipientes, existimabant Deum corpus et membra habere humanae formae. — Huic schemati affine et proximum prosopopoeia est, hoc enim solo

ethopoeia,
sive ethologia,

et eius differentia a
prosopopoeia;

12) Cf. Cassiodorus *Exposit. in Psalt.*, Ps. 23, (P. L. 70, 172).

13) Ps 14, 1-2.

14) Ps

23, 3-4. 15) Cf. Quintilianus op. cit. lib. 9, cp. 3, vol. 2, pag. 124; Iul. Rufinianus op. cit.

pag. 50. 16) Ps 4, 6-7. Vulg.: *Ostendit*, etc. 17) Cf. Cassiodorus *Exposit. in Psalt.*, Ps. 15,

(P. L. 70, 112); S. Isidorus Hisp. *Etymol.*, lib. 2, cp. 14, ibid. 82, 132; cp. 21, ibid. col. 138; Iul. Rufinianus op. cit. pag. 52; Emporius Rhetor *De Ethopoeia ac Loco Communi*, pag. 303-305.

18) Cf. Gn 6, 5-7; Ex 32, 12; Dt 3, 26; 4, 21; 29, 24. 19) Cf. Ps 5, 3; 7, 12; 23, 8-10; 28, 10; 49, 6; 67, 6; 74, 8.

20) Cf. Is 62, 5; Ier 21, 5 sqq.; Thr 2, 3; Bar 4, 6; Ez 7, 14; 20, 8; Dn 7, 22; Zach 1, 15.

20*) Ms.: *Anthropospaton*, et infra: *Anthropopathiam*.

21) Cf. S. Epiphanius *Adversus Haereses*, *Haeres. 50*, (P. G. 42, 339 sqq.); Theodoretus *Compendium Haeret. Fabularum*, cp. 10, ibid. 83, 427; S. Io. Damascenus *De Haeresibus*, *Haeres. 70*, ibid. 94, 719-722; S. Hieronymus *Contra Io. Ierosolymitanum*, (P. L. 23, 363-364); S. Augustinus *De Haeresibus ad Quodvultdeum*, *Haeres. 50*, ibid. 42, 39; Cassianus *Collatio 10*, cp. 2, ibid. 49, 821-823; et not. b.

discrimine intersunt, quod prosopopoeia eorum etiam, quae non sunt, esse potest, etenim ea nonnunquam mortuos suscitamus et loquentes introducimus; ethopoeia vero semper certis quibusdam personis sermonem accommodare affigimus.

prosopopoeia **Prosopopoeia** personarum ficta inductio est, cum rebus inanimatis personam orationemque tribuimus²², quale est illud apud **Ciceronem**²³: « Si mecum patria, quae mihi mea vita multo est carior, si cuncta Italia et omnis respublica sic loqueretur: Marce Tulli, quid agis? » etc. Istud etiam schema usitatissimum est in Sacra Scriptura. Sic enim in libro *Iudicum*²⁴ figurate dicitur locuta esse ligna silvarum ad ficum, olivam et vineam, illaque respondisse. Sic dicit Propheta²⁵: *Elevaverunt flumina, Domine, elevaverunt flumina vocem suam*. Et **Iob** ait²⁶: *Abyssus dicit: Non est in me, et mare loquitur: Non est mecum*. Et iterum: *Perditio et mors dixerunt: Auribus nostris audivimus famam eius*²⁷. Et Sapientia in *Proverbiis* claustrans, multa loquitur²⁸; **Salomon** in *Canticis Canticorum* Ecclesiam sub sponsae habitu introducit et Deum sub habitu sponsi et multa amatorie colloqui. Prophetae frequentissime gentem Israel et Iuda mulieris veste inducunt, nunc sponsae et virginis electae, nunc mulieris meretricis et fornicariae; et multa ad eas gentes tanquam mulieres Deum loquentem introducunt, eas quoque multa et dicentes et respondentes Deo muliebri habitu²⁹. **Isaia** quoque universum populum sub hominis perditissimi specie depingit, dicens³⁰: *Omne caput languidum, et omne cor moerens. A planta pedis usque ad verticem capitis non est in eo sanitas: vulnus et livor et plaga tumens non sunt circumligata nec curata medicamine neque fota oleo*. — Huic schemati aliud propemodum idem subnectitur, quod **somatopoeia**, idest corporis fictio, dicitur³¹. Est autem **somatopoeia** corporis inductio ficta, cum incorporeis rebus corporeas figuras, formas, habitus actusque tribuimus, quemadmodum Aegyptiorum sapientissimi incorporea multa solebant sub hieroglyphicorum sensibilibus formis

et huic similes,
somatopoeia

22) Cf. Cassiodorus *Exposit. in Psalt.*, Ps. 92, (P. L. 70, 663); S. Isidorus Hisp. *Etymol.*, lib. 2, cp. 13, ibid. 82, 132; Quintilianus op. cit. lib. 9, cp. 2, vol. 2, pag. 98. 23) *In Catilinam, Orat. 1*, vol. 2, col. 447. 24) Cf. 9, 10-15. 25) Ps 92, 3. 26) 28, 14. 27) Ibid. vr. 22. 28) Cf. 1, 20-33; 8, 1 sqq. 29) Cf. Is 1, 21; 61, 10; Ier 2, 20; Thr 2, 13; Ez 16, 28 sqq. 30) 1, 5-6. Vulg.: *Non est circumligata*. 31) Cf. Cassiodorus *Exposit. in Psalt.*, Ps. 84, (P. L. 70, 609).

depictis edocere³². Ita plane in *Psalm*o legimus³³: *Misericordia et veritas obviaverunt sibi, iustitia et pax osculatae sunt; veritas de terra orta est et iustitia de coelo prospexit*. Et apud *Isaiam*³⁴: *Erit iustitia cingulum lumborum eius et fides cinctorium renum eius*. Ita Deus et angeli saepissime in Scripturis Sacris sub diversarum rerum corporalium formis introducuntur³⁵, et in *Proverbiis*³⁶ Sapientia sub specie mulieris fortis nobis proponitur cum dicitur: *Mulierem fortem quis inveniet? Procul et de ultimis finibus pretium eius. Confidit in ea cor viri sui, et spoliis non indigebit*, etc. — Adhuc subnectitur aliud schema superioribus veluti ex adverso; dicitur autem istud *antiprosopon*, cum gratissimum quidpiam et optimum pro ingrattissimo ponitur³⁷, veluti cum legimus: *scelera Iacob*³⁸, *peccata Israel*³⁹, *iniquitas Iudae*⁴⁰ et cetera huiusmodi; pro nequissima enim gente sanctissimorum patrum nomina ponuntur.

et antiprosopon;

Apostrophe, idest conversio, schema est cum ab eo, ad quem prius fiebat sermo, ad alium vertitur⁴¹, quale est illud: « Te nunc alloquor, Africane, cuius nomen mortui splendori ac decori est civitati »⁴². Fieri etiam solet cum ad invocationem aliquando convertimur. Schema istud frequentissimum est in *Psalmis*, ut non oporteat exempla adducere.

apostrophe,

Hypotyposis, idest descriptio, quae et *characterismos* dicitur, schema est cum verborum quaedam proponitur forma adeo verbis expressa ut cerni potius videatur quam audiri⁴³. Huius schematis enim est quae dicuntur sub aspectum ponere, ut quae non videntur, oculis animi cerni possint, ceu est illud *Ciceronis in Verrem*⁴⁴: « Ipse inflammatus scelere ac furore in forum venit; ardebant oculi, toto ex ore crudelitas emicabat ». Hoc item schema

hypotyposis, seu characterismos,

32) Cf. Clemens Alex. *Stromata*, lib. 5, cp. 4, (P. G. 9, 39); Philo Iudaeus *De Vita Mosis*, t. 2, pag. 6; A. Macrobius *Saturnalia*, lib. 1, cp. 21, pag. 267; Tacitus *Annales*, lib. 11, pag. 224; Plinius *Historia Naturalis*, lib. 36, cp. 8, pag. 402; Iamblicus *De Mysteriis Aegyptiorum*, Segment. 8, cp. 5, pag. 134. 33) 84, 11 34) 11, 5. 35) Cf. Gn 18, 1; 19, 1 sqq.; Nm 22, 22 sqq.; Idc 6, 11 sqq.; Tob 3, 25; 5, 6 sqq.; Lc 1, 11 sqq.; Act 12, 7 sqq. 36) 31, 10-11. 37) Cf. Cassiodorus *Exposit. in Psalt.*, Ps. 78, (P. L. 70, 576). 38) Cf. Is 58, 1; Mich 1, 5; 3, 8. 39) Cf. 2 Par 17, 4; Is 58, 1; Dn 9, 20; Os 10, 8; Mich 3, 8. 40) Cf. Ez 4, 6; 9, 9. 41) Cf. Cassiodorus *Exposit. in Psalt.*, Ps. 19, (P. L. 70, 145); Aquila Rom. op. cit. pag. 17-18; Iul. Rufinianus op. cit. pag. 43; Quintilianus op. cit. lib. 9, cp. 2, vol. 2, pag. 99. 42) Cicero *Ad Herennium*, lib. 4, vol. 1, col. 53. 43) Cf. Cassiodorus *Exposit. in Psalt.*, Ps. 9, (P. L. 70, 87-88); S. Isidorus Hisp. *Etymol.*, lib. 2, cp. 21, ibid. 82, 139; Cicero *Ad Herennium*, lib. 4, vol. 1, col. 74; Quintilianus op. cit. lib. 9, cp. 2, vol. 2, pag. 100. 44) Lib. 5, vol. 2, col. 296.

frequens est in Sacro Eloquentio, ut apud *Davidem* ⁴⁵: *Quid est homo, quod memor es eius? aut filius hominis, quoniam visitas eum? Minuisti eum paulo minus ab angelis, gloria et honore coronasti eum et constituisti eum super opera manuum tuarum. Omnia subiecisti sub pedibus eius.* Item in alio *Psalmo* ⁴⁶: *Astitit regina a dextris tuis in vestitu deaurato, circumdata varietate.*

Aposiopesis, idest reticentia vel obticentia vel praecisio, quaedam verbi in oratione est ⁴⁷, ut apud *Virgilium* ⁴⁸:

« Quos ego! Sed motos praestat componere fluctus ».

Hoc schema frequens in Sacra Scriptura est iuxta hebraicum, ut in *Genesi* ⁴⁹, ubi nostra *Translatio* habet: *Dixitque Cain ad Abel fratrem suum: Egrediamur foras*; in hebraeo *aposiopesis* est, deest enim illud: *Egrediamur foras*. Similiter *Regum* 2 ⁵⁰, ubi *Translatio* nostra habet: *Proposuerat... David... praemium ei, qui percusserit Iebusaeum*; *Veritas Hebraica* habet: *Et dixit David: quicumque percusserit Iebusaeum*; nec quidquam ibi de praemio exprimitur.

Emphasis, idest expressio vel demonstratio, cum ex dicto aliquo aliud eruitur, vel significatio est ad plus intelligendum quam dicatur, quoniam verbis subest significantia tacita ⁵¹. Eius duo sunt genera: alterum, quo plus significatur, quam dicitur, sicut est illud: *Ita ne Cretensi fidem habes?* ubi hominem pro gentis illius ingenio perfidum intelligimus, non in Creta natum; alterum vero, quo illud etiam, quod non dicitur, significatur, quale est illud apud *Virgilium* ⁵²:

« Cum iam glandes atque arbuta sacrae
Deficerent silvae »,

ubi designat quod nedum aliis silvis, sed etiam sacrae deficiebant. Sic et in Sacro Eloquentio est illud: *Secundum misericordiam tuam memento mei tu propter bonitatem tuam, Domine* ⁵³; designat enim non ex suis meritis misericordiam poscere.

Epiphonema, acclamatio, schema est cum iam narratae

45) Ps 8, 5-8. 46) 44, 9. 47) Cf. Cassiodorus *Exposit. in Psalt.*, Ps. 17, (P. L. 70, 135) et not. 63 *Dissert.* 2. 48) *Aeneld.*, lib. 1, vr. 139. 49) 4, 8. 50) 5, 8. 51) Cf. Cassiodorus *Exposit. in Psalt.*, Ps. 43, (P. L. 70, 313); S. Isidorus *Hisp. Etymol.*, lib. 2, cp. 20, ibid. 82, 134; Quintilianus op. cit. lib. 9, cp. 2, vol. 2. pag. 104. 52) *Georg.*, lib. 1, vrr. 148-149. 53) Ps 24, 7.

et probatae rei fit acclamatio quaedam⁵⁴, veluti apud Virgilium⁵⁵:
 epiphonema,

«Tantae molis erat Romanam condere gentem!»
 Ita Regius Prophetas⁵⁶, cum multa magnalia de Deo dixisset, acclamavit dicens: *Omnia quaecumque voluit Dominus fecit in coelo et in terra, in mari et in omnibus abyssis.*

Epanodos, idest reditus vel regressio aut repetitio, schema est cum regredimur unde mox discessimus⁵⁷, ceu in Psalmo: *Mare vidit et fugit, Iordanis conversus est retrorsum; montes exultaverunt ut arietes et colles sicut agni ovium. Quid est tibi, mare, quod fugisti et tu, Iordanis, quia conversus es retrorsum?* etc.⁵⁸ epanodos.

Anacoenosis, idest communicatio, schema est cum quempiam veluti interrogando consulimus⁵⁹, quale est illud Ciceronis⁶⁰: «Nunc ego, iudices, iam vos consulo, quid mihi faciendum putetis», etc.; sic et in *Actis Apostolorum*⁶¹: Si hominibus magis quam Deo sit obediendum, ipsi iudicate. anacoenosis,

Ecphonisis, idest exclamatio, schema est quod significatione doloris aut indignationis, gaudii vel admirationis conficit in rei alicuius compellationem⁶², cuiusmodi apud Ciceronem persaepe legimus, ut in *Antonium*⁶³: «O miserum me! Consumptis enim lacrimis infixus tamen pectori haeret dolor!» et *contra Rullum*⁶⁴: «O perturbatam rationem! o libidinem refraenandam! o consilia dissoluta, atque perdita!» et in *Catilinam*⁶⁵: «O tempora, o mores! Senatus⁶⁶ hoc intelligit, consul videt, hic tamen vivit». Ita et in Sacris Eloquiis, doloris, ut: *O vos omnes, qui transitis per viam, attendite et videte si est dolor sicut dolor meus*⁶⁷! Et illud: *Deus meus, Deus meus, ut quid dereliquisti me*⁶⁸? Indignationis, ut in *Actis Apostolorum*⁶⁹: *O plene omni dolo et omni fallacia, fili diaboli, inimice omnis iustitiae*, etc. Et illud, admirationis, ut: *O altitudo divitiarum* ecphonisis,

54) Cf. Cassiodorus *Exposit. in Psalt.*, Ps. 22, (P. L. 70, 171); Iul. Rufinianus op. cit. pag. 35.

55) *Aeneid.*, lib. 1, vr. 37.

56) Ps 134, 6.

57) Cf. Cassiodorus *Exposit. in Psalt.*, Ps. 113, (P. L. 70, 812); S. Isidorus *Hisp. Etymol.*, lib. 2, cp. 21, ibid. 82, 136; Quintilianus op. cit. lib. 9, cp. 3, vol. 2, pag. 116. 125.

58) 113, 3-6.

59) Cf. Cassiodorus *Exposit. in Psalt.*, Ps. 10, (P. L. 70, 93); S. Isidorus *Hisp. Etymol.*, lib. 2, cp. 21, ibid. 82, 138; Iul. Rufinianus op. cit. pag. 31-32.

60) In *Verrem*, *Actio I*, vol. 2, col. 80. 61) Cf. 4, 19.

62) Cf. Cicero *Ad Herennium*, lib. 4, vol. 1, col. 53; Gabr. Franc. Lejay *Bibliotheca Rhetorum*, lib. 3, art. 8, pag. 198.

63) *Philippica 2*, vol. 2, col. 844.

64) *De Lege Agraria contra Rullum 2*, ibid. col. 417.

65) In *Catilinam*, *Orat. 1*, ibid. col. 441.

66) Ms.: *Sanatus*.

67) Thr 1, 12.

68) Mc 15, 34.

69) 13, 10.

*sapientiae et scientiae Dei, quam incomprehensibilia sunt iudicia eius et investigabiles viae eius!*⁷⁰ Gaudii, ut: *O quam pulchra est casta generatio cum claritate!*⁷¹

deisis **et illi similis optatio,** **tionis** Deisis, idest deprecatio vel obsecratio, schema est cum alicuius opem imploramus, vel cum obsecratione ad aliquid agendum quempiam inducimus⁷², sicut apud Ciceronem legimus *pro Deiotaro*⁷³: « Quamobrem hoc nos primum metu, Cai Caesar, per fidem, et constantiam, et clementiam tuam libera, ne residere in te ullam partem iracundiae suspicemur ». Schema istud ubique in Sacra Scriptura repersum est et in *Psalms* quam maxime, et *Apostolus*⁷⁴ saepe cum obsecratione bona operari monet: *Obsecro . . . , fratres, per misericordiam Dei, ut exhibeatis corpora vestra hostiam viventem, sanctam, Deo placentem, rationabile obsequium vestrum. Ad Ephesios*⁷⁵ quoque obsecrantis personam induit: *Obsecro . . . , ego vinctus in Domino, ut digne ambuletis in vocatione, in qua vocati estis.* — Huic et **optationis** schema subnectitur, quae voti alicuius praebet significationem⁷⁶, ut *Cicero*⁷⁷: « Utinam, Quirites, virorum fortium atque innocentium tantam copiam haberemus! » Et *pro Rabirio*⁷⁸: « Utinam mihi facultatem causa concederet, ut possem hoc praedicare! » In Sacris Eloquiis saepe optantis personam sancti induunt: *Utinam dirigantur viae meae ad custodiendas iustificationes tuas!*⁷⁹ *Isaias*⁸⁰ quoque ait: *Utinam attendisses mandata mea! facta fuisset sicut flumen pax tua et iustitia tua sicut gurgites maris. Et iterum: Utinam dirumperes coelos et descenderes! a facie tua montes defluerent. Sicut exustio ignis tabescerent, aquae arderent igni, ut notum fieret nomen tuum inimicis tuis*⁸¹.

catara **catara**, idest execratio sive detestatio, schema est quo dirum exitium cuiquam imprecatur⁸², ut apud Ciceronem *pro Deiotaro*⁸³: « Dii te perdant, fugitive: ita non modo nequam et improbus, sed et fatuus et amens es ». Hoc schema usitatum valde in Sacra Scriptura est. Horribilem imprecationem apud *Ieremiam* legimus:⁸⁴

70) Rom 11, 33. 71) Sap 4, 1. 72) Cf. Cicero *Ad Herennium*, lib. 3, vol. 1, col. 38; Iul. Rufinianus op. cit. pag. 33; Gabr. Franc. Lejay *Bibliotheca Rhetorum* lib. 3, art. 8, pag. 194. 73) Vol. 2, col. 814. 74) Rom 12, 1. 75) 4, 1. 76) Cf. Gabr. Franc. Lejay *Bibliotheca Rhetorum*, lib. 3, art. 8, pag. 196. 77) *Orat. pro Lege Manilia*, vol. 2, col. 241. 78) Ibid. col. 437. 79) Ps 118, 5. 80) 48, 18. 81) Ibid. 64, 1-2. 82) Cf. Gabr. Franc. Lejay *Bibliotheca Rhetorum*, lib. 3, art. 8, pag. 197. 83) Vol. 2, col. 817. 84) 18, 20-21. Vulg.: *In manus gladii.*

Nunquid redditur pro bono malum, quia foverunt foveam animae meae?... Propterea da filios eorum in famem et deduc eos in manum gladii, fiant uxores eorum absque liberis et viduae, et viri earum interficiantur morte, iuvenes eorum confodiantur gladio in proelio, etc. Detestationem quoque in *A m o s* legimus ⁸⁵ : *Iuravit Dominus Deus in anima sua, dicit Dominus exercituum : Detestor ego superbiam Iacob et domos eius odi et tradam civitatem cum habitatoribus suis.* – Huic schemati *e x p r o - b r a t i o* subnectitur, veluti est illud *A p o s t o l i* ⁸⁶ : *O insensati Galatae, quis vos fascinavit non credere Evangelio ?* Sunt et illae *exprobrationes*, quas fecit Dominus civitatibus illis, in quibus factae erant plurimae virtutes ⁸⁷. – Increpationes quoque multae sunt in universa Sacra Scriptura : *Generatio prava atque perversa, haecce reddis Domino, popule stulte et insipiens ? Nunquid non ipse est pater tuus, qui possedit te et fecit et creavit te ?* ⁸⁸ – Insultationes quoque in impios frequentes sunt, veluti : *Ubi sunt dii eorum, in quibus habebant fiduciam, de quorum victimis comedebant adipem et bibebant vinum libaminum ? Surgant et opitulentur vobis et in necessitate vos protegant* ⁸⁹ ; et apud *I s a i a m* ⁹⁰ : *Ubi nunc sunt sapientes tui ? Annuncient et indicent tibi quid cogitaverit Dominus exercituum super Aegyptum.* – Comminationes quoque quamplurimae in Sacro Eloquentio reperiuntur ad impios deterrendos et coercendos a via mala, ut haec : *Consolabor ego super hostibus meis et vindicabor de inimicis meis* ⁹¹. Et apud eundem *I s a i a m* ⁹² : *Vae genti peccatrici, populo gravi iniquitate, semini nequam, filiis sceleratis ! Perquam horribilis vero illa est M o y s i s in Deuteronomio* ⁹³ : *Generatio... perversa est, et infideles filii ; ipsi me provocaverunt in eo qui non erat Deus et irritaverunt in vanitatibus suis ; et ego provocabo eos in eo qui non est populus et in gente stulta irritabo illos ; ignis succensus est in furore meo, et ardebit usque ad inferni novissima, etc.* Similiter et illa : *Si acuero ut fulgur, gladium meum, et arripuerit iudicium manus mea, reddam ultionem hostibus meis, et his qui oderunt me retribuam ; inebriabo sagittas meas sanguine, et gladius meus devorabit carnes : de cruore* ⁹⁴ *occisorum* ⁹⁵. – Nonnunquam vero execrationis schemate Prophetarum usi sunt, ostendentes Deum quippiam nolle,

et huic affinis
exprobratio,

et eius formae;

85) 6, 8.

86) Gal 3, 1.

87) Cf. Mt 11, 21-24; Lc 10, 12-16.

89) Ibid. vrr. 37-38.

90) 19, 12. Vulg.: *Adnuntient tibi et indicent*, etc.

88) Dt 32, 5-6.

92) Ibid. vr. 4.

93) 32, 20-22.

94) Ms.: *De cruore repetitur*.

91) Ibid. 1, 24.

95) Dt 32, 41-42.

etiamsi bonum videatur, ceu est apud *Isaiam*⁹⁶: *Quo mihi multitudinem victimarum vestrarum? dicit Dominus: Plenus sum; holocausta arietum et adipem pinguium et sanguinem vitulorum et agnorum et hircorum nolui... Non offeratis ultra sacrificium...: incensum abominatio est mihi; neomeniam et sabbatum et festivitates alias non feram.*

synecrisis. *Synecrisis* schema est idem cum antithesi⁹⁷, ceu in *Psalm*o ait *Propheta*⁹⁸: *Ne perdas cum impiis, Deus, animam meam, et cum viris sanguinum vitam meam.* Nolens autem iustiore causam suam ostendere, ait⁹⁹: *In quorum manibus iniquitates sunt, dextera eorum repleta est muneribus; ego autem in innocentia mea ingressus sum.*

DISSERTATIO QUARTA

DE MULTIPLICI SACRARUM SCRIPTURARUM SENSU

S. Scriptura
ob suam profunditatem et immensitatem, veluti pelagus est interminabilis et abyssus inexauribilis.

Sacra ac divinitus tradita sapientia, quam nobis Spiritus Sanctus, quo inspirante *locuti sunt sancti Dei homines*¹, impertiri dignatus est, tam divite vena exuberat tum arcanorum mysticorumque sensuum tum notiorum et manifestiorum opibus, ut tanquam immensum pelagus semper inexhausta et quasi interminabilis abyssus unquam terminari passa, sed semper amplissimum spatiandi locum tribuens, nedum hactenus clarissimorum virorum, qui non mediocrem in ea explicanda operam adhibuerunt, ingenia exercuerit, et recentiores etiam, qui hanc provinciam aggressi sunt explicare, pluribus, non infeliciter tamen, laboribus afficiat; sed et posteris non pauca elaboranda et eruenda reliquit. Quia enim divinitus inspirata est, tanto sublimius praeclara etiam solertium hominum ingenia superat, quanto ipsi homines Dei verbo, quod in excelsis huius est sapientiae fons et

Cum enim sit divinitus inspirata,

96) 1, 11-13. Vulg.: *Ne offeratis*, etc.

97) Cf. Cassiodorus *Exposit. in Psalt.*, Ps. 19, (P. L. 70, 146); Ps. 25, ibid. col. 186; Charisius op. cit. lib. 4, cp. 3, pag. 366-368.

98) Ibid. vrr. 10-11.

99) 25, 9.

1) 2 Petr 1, 21.

perennis origo, inferiores sunt. Hinc est etiam quod Sacra Scriptura sub una simplici littera plures ac multiplices tum manifestos tum reconditos et arcanos habet sensus; quoniam cum ipsius auctor sit Deus, qui omnia simul suo intellectu comprehendit, sancti Dei homines quatenus de sacratissimo divini intellectus fonte Sacrorum Eloquiorum fluentia potaverunt, eatenus nobis ea profati sunt ac monumentis tradiderunt. Ad eos enim primo a divino intellectu et eius sapientia per species divinitus² impressas derivata est, quasi ab inexhausto et perenni fonte rivulus, eorum Deo sacratas et divino lumine illustratas mentes imbuens; per eos autem ad nos defluxit, qui ea ipsa, quae illi primo hauserunt, in Sacrae Scripturae libro nobis tradito legimus.

sub una littera
multiplices
arcuos
sensus reconditos habet.

Nos ergo Sacrae Scripturae varios ac multiplices sensus diligenti indagine perscrutaturi, primo ceu fundamentum iacimus, duplicem esse Sacrarum Litterarum intelligentiam: alteram quidem litteralem ac manifestiorem; alteram vero spiritualem, mysticam et secretiorem. De quibus ita magnus Dionysius Areopagita ait³ duplicem esse theologorum traditionem: arcanam alteram et mysticam, alteram vero manifestam atque notiozem; et alteram quidem significativam et perficientem, alteram vero sapientiae destudiosam ac demonstrativam. Iccirco Sacra Scriptura dicitur liber scriptus intus et foris, sicut apud Ezechielem legimus⁴: *Ecce manus missa ad me in qua erat involutus liber, et expandit illum coram me, qui erat scriptus intus et foris*; et in Apocalypsi⁵: *Vidi in dextera sedentis super thronum librum scriptum intus et foris*. Scriptura exterior intellectus est litterae; interior vero, sensus est arcanus et mysticus.

Duplex
sensus
S. Scripturae:
litteralis et
spiritualis,
ut D. Dionysius docuit.

Geminae autem huius intelligentiae ratio haec est. Nam Sacrae Scripturae non solum is tribuitur sensus, quem voces significant, quod scientiis quibuscumque commune est: sed res etiam per voces significatae aliud designant, quod Sacrarum Litterarum peculiare est. Deus enim, earum auctor, non solum voces ad significandum apprime coaptat, sed res quoque ipsas aliarum rerum efficit significativas. Illa ergo significatio, quae apprime vocum est, priorem intelligentiam parit; altera vero, quae rerum est, gignit posteriorem. Ordinatissima autem Dei dispositione rationeque congruentissima actum est, ut hoc

Deus enim
sensus
arcanum sub
velamine litterae
abdidit
ne sacra sua
mysteria patenter
indignis

2) Ms.: *Divinus*.
thronum, etc.

3) Cf. Epist. 9, (P. G. 3, 1103).

4) 2, 9.

5) 5, 1. Vulg.: *Supra*

et ut pias mentes veritate pascat, in studio perpetuo exercent, et superbas suae altitudine irrideat.

Ideo summa diligentia in S. Scripturae studio adhibenda est, ut hi sensus enucleentur et eorum mysteria detegantur.

duplici intellectu praeditae ac suffultae Sacrae Litterae in suorum mysteriorum arcanis, altitudine *divitiarum sapientiae et scientiae Dei* ⁶ locupletissimae et incomprehensibilitate iudiciorum Dei eiusque viarum investigabilitate semper abditissimae ac profundissimae traderentur, ne sacra mysteria paterent indignis. Nefas est enim, ut Sacra testantur Eloquia ⁷, spiritualium margaritarum inaeestimabile pretium immensasque divitias in porcos proicere eorum pedibus conculcandas. Deinde sic decet Sacram Scripturam loqui, ut litterae quidem humilitate modique dicendi affabilitate omnibus sit accessibilis, ut humili quidem eloquio parvulos nutriet, veritate magnos etiam pascat, altitudine vero superbos altaque apud homines sapientes irrideat, profunditate demum cunctos terreat attentosque iugiter teneat studiumque perpetuo exercent ⁸. Tanta est enim christianarum profunditas litterarum, ut in eis quotidie proficeremus, si ab ineunte aetate eas solas usque ad decrepitam senectutem maximo otio, summo studio, meliore ingenio conaremur addiscere. Tam multa enim tamque multiplicibus mysteriorum umbraculis opaca intelligenda proficientibus restant tum in verbis, quibus ista dicta sunt, cum in rebus, quae sunt intelligendae, in quibus altitudo sapientiae latet, ut annosissimis, acutissimis flagrantissimisque cupiditate discendi hoc contingat, quod eadem Scriptura quodam loco habet: *Cum consummaverit homo, tunc incipit* ⁹. Dum enim Sacrae Historiae intellectum in quadam sensuum eius sublimitate consideramus, iidem sensus, dum subtilius considerari et proferri coeperint, alios se multipliciores et subtiliores gignunt; teguntur etiam in Sacris Litteris mysteriorum profunditates ne vilescant, sed iugiter quaerantur, ut exercent, ac demum aperiantur, ut pascant. Verbi enim Dei altitudo ita studium exercet, ut intellectum non deneget. Neque enim omnia clausa sunt, ut nihil sit unde revelentur obscura, sed quibusdam Scripturarum locis exercemur, ut quaeramus, et rursus quibusdam manifestis illuminamur, ut videamus et invenire possimus obscura, quae quaerimus, ut inde suaviter pascamur.

O r i g e n e s gemini huius intellectus affert congruentiam, ita dicens ¹⁰: « Sicut in novissimis diebus Dei verbum ex Mariae carne

6) Rom 11, 33. cp. 3, (P. L. 34, 323).
cp. 1, (P. L. 33, 516).

7) Cf. Mt 7, 6.

8) Cf. S. Augustinus *De Genesi ad Litteram*, lib. 3,

9) Eccl 18, 6. Vulg.: *Tunc incipiet*. Cf. S. Augustinus Epist. 137,

10) *Hom 1. in Levit.*, (P. G. 12, 405).

vestitum processit in hunc mundum, et aliud quidem erat quod videbatur in eo, et aliud quod intelligebatur – carnis nanque respectus in eo patebat omnibus, paucis vero et electis dabatur divinitatis agnitio –; ita et quoniam per Prophetas vel Legislatorem verbum Dei profertur ad homines, non absque competentibus profertur indumentis. Nam sicut ibi carnis, ita hic litterae velamine tegitur: ut littera quidem aspiciatur tanquam caro, latens vero intrinsecus sensus tanquam divinitas sentiatur ».

Huius gemini sensus congruentiam perbelle Origenes quoque explicavit.

Posito autem hoc gemino Scripturae sensu, explicare nunc convenit quisnam sit *litteralis sensus*, quisve *spiritualis* et *mysticus*. *Sensum* itaque *litteralem* eum dicimus, quem Scripturae auctor per verba seu nomina, proprie vel metaphorice sumpta, primum voluit significare, aut rem gestam vel gerendam recitans, aut fidem indicans veritatemque demonstrans, aut iubens vel vetans moresque instruens, aut promissionibus alliciens vel comminationibus et terroribus hominum corda concutiens. *Sensus* vero *mysticus*, aut *spiritualis* est, quem Spiritus Sanctus in rebus gestis, aut gerendis voluit significare. Sed priusquam ad mystici sensus declarationem accedamus, *litteralis sensus* nobis elucidandus ac declarandus est.

Quid sit *litteralis sensus* quidve *spiritualis*, seu *mysticus*.

Dicimus ergo *sensum litteralem* non eum esse solum, qui verbis et nominibus proprie acceptis significatur, adeo ut qui verbis et nominibus designatur metaphorice acceptis, *spiritualis* ac *mysticus* censeatur; sed *sensus litteralis* is est qui verbis et nominibus, vel proprie vel metaphorice acceptis, primum a Spiritu Sancto asseritur; unde *parabolicus sensus* vel *metaphoricus* vel quisquis *ironia*, *hyperbole*, *aenigmate* vel quibuscumque aliis tropicis vel figuratis locutionibus, quae non per proprietatem accipiendae sunt, sed in eis est aliud ex alio intelligendum, tegitur, ad *litteralem sensum* pertinere censendus est; alioquin multi Sacrarum Scripturarum loci *litterali sensu* destituerentur, imo mendacia et indoctae fabulae esse dicerentur, ceu cum in libro *Iudicum*¹¹ legimus stetisse Ioathan super montem Garizim et dixisse¹²: *Iverunt ligna ut ungerent super se regem; dixeruntque olivae: Impera nobis. Quae respondit: Nunquid possum deserere pin-*

Proprie *sensus litteralis* is est qui primo a Spiritu S. asseritur, licet sub figuratis verbis reperiatur;

cuius exemplum habetur in libro *Iudicum* et in aliis parabolis S. Scripturae.

11) Cf. 9, 7.

12) Ibid. vrr. 8-9. Vulg.: *Ierunt*, loco: *Iverunt*.

guedinem meam, qua et dii utuntur et homines, et venire ut inter ligna promovear? Et cetera, quae ibi dicuntur de ficu, vite et rhamno¹³. Quis non inanes ac ineptas fabulas haec iudicet si ad litteram, ut iacent, intelligantur? Sed ligna haec viri sunt Sichimitae, ut ipsemet exposuit¹⁴. Similiter in aliis parabolis et tropicis locutionibus et quamplurimis Sacrarum Scripturarum schematibus, quae ubique sparsa reperiuntur.

Ideo multiplex est sensus litteralis:

secundum historiam,

secundum aetiologiam,

secundum analogiam et secundum allegoriam, seu parabolicus.

Sensus ergo litteralis est qui primo ab auctore intenditur, sive locutio simplex sit, sive tropica. Unde multiplex esse litteralis sensus dignoscitur; alius secundum historiam, alius secundum aetiologiam, alius secundum analogiam, alius demum secundum allegoriam, sive tropicam vel figuratam locutionem. Secundum historiam, cum narratur quid gestum aut gerendum, vel non gestum aut non gerendum sit; secundum aetiologiam, cum ostenditur quid, qua de causa, vel gestum vel dictum sit; secundum analogiam, cum demonstratur non sibi adversari duo Testamenta Vetus et Novum; secundum allegoriam, cum docetur non ad litteram esse accipienda quaedam, quae scripta sunt, sed figurate intelligenda. His enim modis Dominus noster Iesus Christus et Apostoli eius ceterique Sancti, Sacrarum Paginarum scriptores, usi sunt. Nam de historia illud assumptum est, cum Christo obiectum esset quod eius discipuli in die sabbati spicas evulsissent: *Non legistis, inquit, quod fecit David cum esuriret?* etc.¹⁵ – Ad aetiologiam vero illud pertinet, quod cum Christus prohibuisset uxorem, nonnisi ex fornicationis causa, alicui esse dimittendam obiectumque esset ab interrogantibus Moysen libello dato repudii licentiam permisisse: Hoc, inquit, *ad durtiam cordis vestri fecit Moyses*¹⁶. Hic enim causa reddita est cur illud a Moyse pro tempore bene permissum sit. – Secundum analogiam vero, qua utriusque Testamenti congruentia perspicitur, in pluribus locis patet, cum ab Apostolis et Evangelistis ad probanda quaeque Novi Instrumenti mysteria, Veteris Testamenti testimonia adducuntur¹⁷. – Secundum allegoriam vero, in tota Sacra Scriptura sparsim

13) Cf. ibid. vrr. 10-15.
rit . . . quando esurit, etc.

14) Cf. ibid. vrr. 16 sqq.

15) Mt 12, 3. Vulg.: *Quid fecerit . . . quando esurit, etc.*

16) Ibid. 19, 8.

17) Cf. Mt 1, 23; 2, 17-18. 23; 4, 4-10; 5, 21-44; 8, 17; 12, 17-21; 21, 42; 22, 43; 26, 31. 54-56; 27, 9-10. 35; Mc 1, 2-3; 11, 17; 12, 10. 35-36; Lc 4, 1-13; 16, 27; 24, 27; Io 2, 16; 3, 14; 19, 24. 36-37; Act 1, 20; 2, 17-35; 3, 18; 4, 25-26; 7, 1 sqq.; 13, 33-35; Rom 3, 4-18; 4, 7-8; 8, 36; 10, 13-21; 11, 9-10; 2 Cor 9, 9; Eph 4, 8; Hebr 1, 1-3, 1 sqq.; Iac 2, 8-11; 1 Petr 2, 7-9; 3, 10.

cernitur in parabolis, metaphoris, aenigmatibus ac ceteris schematibus et tropicis locutionibus.

At vero, quoniam parabolicus sensus praecipuus et frequentissimus est in Sacra Scriptura, de eo nonnulla in medium afferre operae pretium duximus. Est autem *p a r a b o l a* diversarum rerum collatio seu comparatio, ex quarum comparatione res, quae explicari intenditur, dilucidius ac gratius intelligatur; *παραβολή* autem graece idem est quod *similitudo* latine¹⁸. In Scripturis autem Sacris est parabolarum usus, cum Scripturae auctor id, quod in rebus spiritualibus et divinis insinuare voluit, per symbolicas quasdam comparationes significavit, quas Spiritus Sanctus in Divinis Eloquiis composuit, ut per corporeas similitudines facilius coelestia capiamus. Impossibile enim nobis est, ut D. Dionysius Areopagita testatur¹⁹, aliter lucere « divinum radium nisi varietate sacrorum velaminum circumvelatum ». Sensus autem parabolicus est non quem verba parabolice sumpta exprimunt, sed qui ab afferente parabolam sub eius velamine ac symbolo exprimi intenditur, ceu cum dicitur: *Homo quidam fecit cenam magnam*²⁰, etc.; et: *Exiit qui seminat seminare*²¹, etc. Sensus literalis non est qui in illis veluti historiis narratur, sed quem Christus, parabolas edisserens, explicavit²². Sic omnis parabola tropico ac symbolico modo rei alicuius naturam manifestat.

Nec tamen requiritur ut adamussim et per omnia rei illi, propter quam assumpta est, assimiletur; imo nonnunquam a dissimilibus omnino assumpta reperitur, uti est cum Christus docere nos vellet orandum esse continuo nec unquam ab oratione deficiendum, ad hostes revincendos iustamque ab inimicis vindictam expetendam, de vidua et iniquo iudice sumpsit parabolam, qui, etsi Deum non timeret nec homines revereretur, tamen importunitate quadam victus, viduae tandem assiduis interpellationibus cessit eamque de adversariis suis vindicavit²³. Nunquid iniquo iudici Deus similis est? Sed quod per parabolam istam innuitur est, quod supplicum preces Deus non spernit, ut tandem eas^{23a} exaudiat et desiderata petentibus concedat. Non oportet ergo in parabolis partes singulas curiosius inquirere ac nimia in verbis sin-

Quid sit parabola.

Ea utitur S. Scriptura ut per materialem similitudinem facilius coelestia capiamus.

Verus autem sensus parabolae non est quem littera exprimit, sed quem parabolam edisserens explicat, licet non per omnia similitudo assimilato respondeat.

18) Cf. S. Augustinus *Enarrat. in Ps. 68*, (P. L. 36, 852); S. Isidorus *Hisp. Etymol.*, lib. 6, cp. 8, ibid. 82, 259; S. Beda *De Schematis*, etc. ibid. 90, 186. 19) *De Coelesti Hierarchia*, (P. G. 3, 122). 20) Lc 14, 16. 21) Mt 13, 3. 22) Cf. ibid. vrr. 18 sqq. 23) Cf. Lc 18, 1-8. 23a) Ms.: Non adiungitur.

Nec requiritur
ut singulae
partes parabola-
e aliquid
significant.

gulis cura angī; sed cognito quid per parabolam exprimi intendatur, partes, quae proposito utiles apparent, explicandae sunt. In ceteris vero nil est curiosius investigandum, sed omittendae sunt quasi nihil ad propositum conducentes, sed tantum parabolam contextentes. Non enim omnia quae narrantur, ex D. A u g u s t i n i sententia²⁴, aliquid etiam significare putanda sunt; sed propter illa, quae aliquid significant, etiam illa, quae nihil significant, attexuntur; ad instar aratri, quo terra colitur; etsi enim solo vomere terra proscinditur, ut hoc tamen fieri possit etiam cetera aratri membra necessaria sunt; et soli nervi in citharis atque huiusmodi musicis instrumentis aptantur ad sonum, sed ut aptari possint, insunt et cetera in compaginibus organorum, quae non percutiuntur a canentibus, sed ea, quae percussa resonant, his connectuntur. Quemadmodum in imaginibus ac statuīs similitudines non omni ex parte respondent iis, ad quae referuntur, tum in plano sine eminentiis, tum in statua cum eminentiis, sed non intrinsecus. Ita cum regnum coelorum simile dicitur rei cuiquam, simile dicitur non secundum omnia, quae adsunt illi, ad quod confertur similitudo, sed ad quaedam dumtaxat, quae conducunt ad assumptam rationem.

Variis modis
parabola pro-
fertur, de qui-
bus extant
exempla in S.
Scriptura fre-
quentissima.

Sciendum est autem parabolas multipliciter proferri: aliquando quidem per vocem similitudinis aut comparationis, ut: *Simile est regnum coelorum*²⁵, etc., multis in locis; aliquando per adverbium similitudinis: *sicut, quemadmodum, ut, uti, ceu*; cuius generis sunt: *Fluat ut ros eloquium meum*²⁶; *Sicut sagittae in manu potentis*²⁷; *Erit tanquam lignum quod plantatum est secus decursus aquarum*²⁸; *Quemadmodum desiderat cervus ad fontes aquarum*²⁹; *Qui sunt isti, qui ut nubes volant et tanquam columbae ad fenestras suas?*³⁰ atque ita de similibus. Aliquando autem ita proferuntur, ut similitudo quidem non exprimitur, sed tantum parabola; cuiusmodi sunt: *Egredietur virga de radice Iesse et flos de radice eius ascendet*, etc.³¹; *In diebus illis stillabunt montes dulcedinem et colles fluent lac et mel*³²; *Suscipiant montes pacem populo et colles iustitiam*³³. Huius generis frequentissimae sunt in parabolis

24) Cf. *Sermo* 89, (P. L. 38, 556-557). 25) Cf. Mt 13, 33. 44-46; 20, 1; 25, 1; Lc 13, 18. 20.
26) Dt 32, 2. 27) Ps 126, 4. 28) Ps 1, 3. 29) Ps 41, 2. 30) Is 60, 8. Vulg.
Quasi columbae, etc. 31) Ibid. 11, 1. 32) Ioel 3, 18. Vulg.: *Et erit in die illa . . . fluent lacte*, etc. 33) Ps 71, 3.

Salomonis, et Christus in huiusmodi parabolis saepe saepius loquebatur ad turbas, quas postmodum discipulis seorsum disserebat ³⁴. Huius generis est illud, quod in Evangelio dicitur: *Si oculus tuus... aut manus, aut pes scandalizat te* ³⁵, etc.; figurata enim locutio est.

His de sensu litterali sic positis, ad spiritualem et mysticum transeamus. Intellectus ergo arcanus et mysticus Sacrarum Scripturarum, qui sensui litterali innititur, triplex est: tropologicus, allegoricus et anagogicus. Quatenus enim in Sacra Pagina hominum vel recte facta et sancta, vel iniqua opera et iniusta narrantur, proponitur nobis quasi in exemplari quid agere quidve evitare debeamus ad iuste sancteque vivendum, sensus tropologicus est; quatenus autem quae in Veteri Testamento gesta sunt typum et figuram exprimunt eorum, quae in Novo sunt Christi et Ecclesiae, siquidem *omnia in figura contingebant illis*, ut ait Apostolus ³⁶, allegoricus sensus est; quatenus vero quae in praesenti quidem Ecclesia fiunt coelestium exemplaria sunt, anagogicus sensus est. De his sigillatim sunt nobis aliqua disserenda eo quo proposuimus ordine.

Sensus mysticus, seu spiritualis, triplex est:

Tropologicus igitur Sacrarum Litterarum sensus est cum ipsa Divina Eloquia ad hominum mores reformandos vel corrigendos et instruendos accommodamus, ceu cum dicitur: *Omni tempore vestimenta tua candida sint et oleum de capite tuo non deficiat* ³⁷; id est opera tua sint munda et caritas nunquam de mente tua excidat. Veluti etiam cum historiam Loth ³⁸ ad detestandam ebrietatem et luxuriam convertimus; Petri vero amare flentis ³⁹ ad poenitentium lacrimas commendandas, quod balneum sint quo animae peccatorum sordibus abluuntur, hic tropologicus sive moralis sensus, quod idem est, *τρόπος* ⁴⁰ enim Graecis et schema et modum et vitam ac mores significat ⁴¹, litterali sensui proximus est. Plerumque enim ac saepe saepius in ipsa historia quae ad bonos mores conferant obiter indicantur; unde persaepe tropologiam secum historia defert, ad instar cuiusdam imaginis aut simulacri summa cura, arte et diligentia depicti, exculti aut fabrefacti, in quo simul ostenditur cum opus tum quid

tropologicus, cum ad mores reformandos accommodantur S. Scripturae verba;

veluti cum narratur historia Loth et poenitentia Petri

34) Cf. Mt 13, 1 sqq.; 15, 15; 21, 28-44; 22, 1.

35) Ibid. 18, 8-9.

36) 1 Cor 10, 11.

37) Eccle 9, 8. Vulg.: *Sint vestimenta tua*, etc.

38) Cf. Gn 19, 30 sqq.

39) Cf. Mt

26, 75; Lc 22, 62.

40) Ms.: *Tropos*.

41) Cf. S. Beda *De Schematis*, etc. (P. L. 90, 179).

et sacrificium
Abraham.

insit egregium et admiratione ac imitatione dignum spectatoribus cunctis. Veluti cum narratur historia de Abraham tres viros hospitio suscipiente ⁴², hospitalitas nobis et in ministrando, tum fervens caritas tum humilitas commendatur; et cum, Deo praecipiente, unicum ac dilectissimum Filium in holocaustum offert ⁴³, quod Deo sit in cunctis, tum etiam arduis et difficillimis, obediendum praeclare demonstratur.

Plerumque vero ipse sensus tropologicus est sensus litteralis a Spiritu Sancto intentus.

Praeterea tropologia sensum litteralem adeo sequitur, ut in plurimis Scripturae locis tropologicus ipsissimus sit litteralis sensus, uti est: *Diliges Dominum Deum tuum ex toto corde et tota anima tua et tota mente tua et ex omnibus viribus tuis... et proximum tuum sicut te ipsum* ⁴⁴; omnia praecepta Decalogi et pleraque Scripturae loca, in quibus mores instruuntur, praesertim in libris Sapientialibus, in Evangeliiis et Apostolorum scriptis et in universa pene sacri Canonis serie, cum *finis... praecepti sit caritas* ⁴⁵, quae ad praxim pertinet.

Quid sit
allegoria.

Nunc de allegorico sensu. Est autem allegoria oratio, in qua verbis utimur a propria significatione conversis ad aliud significandum, aut certe per res ipsas proprie significatas aliud intelligimus ⁴⁶. Iccirco enim allegoria dicitur quod aliud verbis, aliud sensu ostendit; unde ἀλληγορία ⁴⁷ graece, inversio latine interpretari potest.

Duplex allegoria: una quae pertinet ad sensum litteralem,

Sciendum est autem allegoriam primo non simplicem esse, sed duplicem: alteram, quae ad figuratam locutionem spectat estque tropi species, et haec proprie inversio dicitur; nam tropus, iuxta verborum sententiam, verbi est vel sermonis a propria significatione ad aliam cum virtute mutatio: haec autem allegoria ad litteralem pertinet intellectum et est quam nos supra posuimus ^{47a} ac in priori praepositae notificationis parte continetur. — Altera vero allegoria est quae ad

altera quae spectat ad sensum mysticum,

sensum arcanum et secretiorem ac mysticum spectat, quae in altera descriptionis parte continetur estque cum in rebus primo intellectis in vocum significatione, qui intellectus est primo ab auctore intentus, Spiritus Sanctus vult nos in ipsis et [per] ipsas aliud intelligere. Mysticae huius intelligentiae hoc exemplum affert Apostolus, dicens ⁴⁸: *Scriptum est... quoniam Abraham duos filios habuit, unum*

42) Cf. Gn 18, 1 sqq.

43) Cf. Ibid. 22, 1 sqq.

44) Lc 10, 27.

45) 1 Tim 1, 5.

Vulg.: *Est caritas*, etc.

46) Cf. Cassiodorus *Exposit. in Psalt.*, Ps. 17, (P. L. 70, 128); S.

Beda *De Schematis*, etc. ibid. 90, 184; Quintilianus op. cit. lib. 9, cp. 2, vol. 2, pag. 101; Charisius

op. cit. lib. 4, cp. 2, pag. 363.

47) Ms.: *Allegoria*.

47a) Cf. *Dissert. 1*, pag. 15.

48) Gal 4, 22-24. Vulg.: *Sed*, loco: *Et*.

de ancilla et unum de libera ; et qui de ancilla secundum carnem natus est, qui autem de libera per repromissionem : quae sunt per allegoriam dicta. Refert enim haec A p o s t o l u s ad duo Testamenta. Cum ergo Sacra Scriptura narrat Abraham duos filios habuisse, tota illa contexta historia ad litteralem pertinet sensum, proprie acceptis vocabulis ; si autem per ea, quae dicuntur, duo Testamenta intelligantur, mystica est allegoria. Idem dicendum de historia Abel et Cain ⁴⁹ ; de Noe, arca et diluvio ⁵⁰ ; Abel enim typum Christi gerit, arca vero Ecclesiae.

culius plurima exempla exstant in S. Scriptura.

In allegoriis autem id firmiter et omnino servandum semper est, ut veritas historiae semper firmiter et inconcusse teneatur ; quare iaciendum primo est verissimum litterae fundamentum, ne falso fundamento littera innitatur. Corruet enim tota allegoriae structura nisi veritas historiae inconcussa teneatur, ut in historia paradisi terrestris ⁵¹, diluvii et arcae, Iosephi venditi a fratribus ⁵², Samsonis ⁵³, Davidis et Goliath, ⁵⁴ Ionae historia ⁵⁵, etc. Super his multiplices ac pulcherrimae possunt allegoriae fundari, sed veritas historiae semper tenenda est. Licebit autem unicuique allegoriam supra litteram formare, modo pietati congruat et ab alio Scripturae loco non dissideat ; optima autem erit si per alium locum Scripturae comprobari possit. Cavendum tamen est ne coacte et vi quadam litterae accommodatae videantur, sed quae maxime cum historia congruat ; indecorum est enim coactam, violentam et detortam allegoriam proferre.

In allegoriis principaliter veritas historica tenenda est.

Nec tamen opus est omnia, quae in historia dicuntur, minutim ad allegoriam deducere, sed ea solum accipienda sunt, quae ad eum locum explicandae allegoriae sufficiant. Non enim, cum A p o s t o l u s duos Abrahae filios ad duo Testamenta referat, nos, quaecumque in historia illa dicuntur allegorice, ad hunc sensum minutim interpretari possumus ; et cum de Adam et Eva disputans *ad Ephesios* dixerit ⁵⁶ : *Propter hoc relinquet homo patrem et matrem suam et adhaerebit uxori suae, et erunt duo in carne una. Sacramentum hoc magnum est, ego autem dico in Christo et... Ecclesia*, cogemur totum principium *Geneseos* et fabricam mundi et hominum conditionem ad Christum et Ecclesiam per allegoriam referre. Ita etiam cum ab eodem A p o s t o l o di-

Non autem requiritur ut singulae partes historiae sensui allegorico respondeant

ut patet ex exemplis ab Apostolo allatis.

49) Cf. Gn 4, 1-16.

52) Cf. *Ibid.* 37, 12-28.

⁵¹ Ion. 1, 1-2, 1 sqq.

50) Cf. *Ibid.* 6, 14-8, 1 sqq.

53) Cf. *Ide* 13, 1-14, 1 sqq.

56) 5, 31-32.

51) Cf. *Ibid.* 2, 8-3, 1 sqq.

54) Cf. 1 Rg 17, 1-51. 55) Cf.

catur ⁵⁷: *Bibebant autem de spiritali consequente eos petra; petra autem erat Christus*, arctabimur omnem *Exodi* librum ad Christum referre; sed unusquisque locus secundum diversam historiam diversam recipiet intelligentiam spiritualem. Sed iam ad sensum anagogicum ascendamus.

Sensus anagogicus fit cum ex dictis S. Scripturae veritates aeternam beatitudinem respicientes eruuntur,

ut ex historia Enoch, diei septimi sanctificationis, terrae promissionis et paradisi terrestris.

Est autem anagogicus sensus ad superiora ducens; dicitur enim anagogia ab ἀνα ⁵⁸, quod est supra, et γωγή, quod est ducere. Fit autem cum Sacrae Scripturae loca ad secretiora et sacrariorum coelestium figurarum praecepta atque mysteria transferimus, animum ad coelestem beatitudinem evehentes ⁵⁹; veluti cum septimum ab Adam Enoch de mundo translatum legimus ⁶⁰, sabbatum futurae beatitudinis ⁶¹, quae post opera bona saeculi huius, quae sex aetatibus peragitur, electis in finem servatum, eo praesignari intelligimus. Ita etiam per diei septimi sanctificationem et ab omni opere servili quietem ⁶², ad aeternae beatitudinis felicissimam et beatissimam in summo Deo quietem animum evehimus; sic quoque in historia de terra promissionis, fluente lac et mel ⁶³, in quam, post longam et laboriosam peregrinationem per torrida et inculta deserta, filii Israel ingressi sunt ⁶⁴, terram viventium in coelo intelligimus, post praesentis vitae multiplices labores, passionem et certamina nobis repromissam. In historia etiam de paradiso terrestri aeternarum et immarcescibilium deliciarum ac voluptatum paradysum intelligimus. Ita anagogia ad coelestia et divina animum evehit.

Plerumque vero sub una eademque voce hi quattuor sensus reperiuntur, uti apparet in voce: aqua;

Hi quattuor Sacrarum Scripturarum sensus, litteralis, tropologicus, allegoricus et anagogicus, plerumque in una et eadem littera reperiuntur; veluti cum *aquam* legimus, unum ex quattuor elementis secundum litteram intelligimus, ut: *Congregentur... aquae in locum unum* ⁶⁵; tropologico autem sensu *aqua* tribulationes indicantur, ut *Vates* divino Spiritu afflatus expressit, dicens ⁶⁶: *Transivimus per ignem et aquam et eduxisti nos in refrigerium*; et: *Salvum me fac, Deus, quoniam intraverunt aquae usque ad animam meam* ⁶⁷; allegorice vero sanctissimum Baptismi sacramentum *aquae* vocabulo designatur,

57) 1 Cor 10, 4. 58) Ms.: Ana-goge. 59) Cf. Io. Menochius S. I. Comment. S. Scripturae, t. 1, cp. 20. 60) Cf. Gn 5, 22; Eccli 44, 16; 49, 16; Hebr 11, 5. 61) Cf. Hebr 4, 9-11. 62) Cf. Gn 2, 1-3. 63) Cf. Ex 3, 8. 17; 33, 3. 64) Cf. Ios 3, 1-4, 1 sqq. 65) Gn 1, 9. 66) Ps 65, 12. 67) Ps 68, 2.

sicut Propheta ille admirabilis mirabiliter verbis illis ostendit : *Effundam super vos aquam mundam et mundabimini ab omnibus iniquamentis vestris* ⁶⁸. Ita etiam allegorice gratiam et caritatem significat, ut : *Qui ... biberit ex aqua, quam ego dabo ei, non sitiet in aeternum; sed ... fiet in eo fons aquae salientis in vitam aeternam* ⁶⁹. Demum secundum anagogiam aqua aeternam beatitudinem exprimit, iuxta illud Ieremiae ⁷⁰ : *Me dereliquerunt fontem aquae vivae et foderunt sibi cisternas, cisternas dissipatas, quae aquam continere non valent*. Ita etiam in anagogico sensu Spiritum Sanctum repraesentat, ut : *Qui credit in me ... flumina de ventre eius fluent aquae vivae. Hoc autem dicebat de Spiritu, quem accepturi erant credentes in eum* ⁷¹.

In voce similiter *Ierusalem* hos quattuor sensus invenimus ; litteralem : et [est] si civitatem quandam Palaestinae significat, quae primo a Melchisedech fuit extructa ⁷², deinde a Salomone dilatata et fortalitiis mirum in modum munita ⁷³ ; iuxta tropologiam vero animam fidelem significat, in qua per gratiam est visio pacis, idest aeternorum contemplatio, de qua dicitur : *Lauda, Ierusalem, Dominum, lauda Deum tuum, Sion* ⁷⁴ ; et per Isaiam dicitur ⁷⁵ : *Excute de pulvere, consurge, sede, Ierusalem, solve vincula colli tui, captiva filia Sion, quia ... gratis venundati estis et sine argento redimemini* ; allegorice vero Ecclesiam exprimit militantem, ut : *Vidi civitatem sanctam Ierusalem novam descendentem de coelo a Deo, paratam sicut sponsam ornatam viro suo* ⁷⁶ ; anagogico demum sensu, triumphantem Ecclesiam repraesentat, ut : *Illa autem, quae sursum est, Ierusalem libera est, quae est mater nostra* ⁷⁷. Ita quoque templum in Sacra Scriptura, secundum historiam, domus Dei est quam aedificavit Salomon ⁷⁸ ; tropologice vero quisque fidelium Dei templum dicitur, ut : *An nescitis quoniam corpora vestra templum sunt Spiritus Sancti, qui in vobis est ?* ⁷⁹ per allegoriam vero Christi corpus repraesentat, de quo ait : *Solvite templum hoc, et in tribus diebus excitabo illud, hoc autem dicebat de templo corporis sui* ⁸⁰ ; sive

sic et in verbo :
Ierusalem

itemque in
verbo : tem-
plum.

68) Ez 36, 25.

69) Io 4, 13-14.

70) 2, 13. Vulg.: *Quae continere non valent aquas.*

71) Io 7, 38-39. Vulg.: *Dixit Spiritus, etc.*

72) Cf. S. Ambrosius *De Excidio Urbis Ierusalem*, lib. 5, cp. 9, (P. L. 15, 2140); S. Isidorus Hisp. *De Ortu et Obitu Patrum*, cp. 5, ibid.

83, 132-133. 73) Cf. 3 Rg 3, 1; 9, 15; 11, 27-28. 74) Ps 147, 1. 75) 52, 2-3.

76) Apc 21, 2. Vulg.: *Vidi sanctam civitatem, etc.*

77) Gal 4, 26.

78) Cf. 3 Rg 2, 24;

3, 1; 5, 5; 6, 1 sqq.; 9, 1 sqq.; 12, 45-51.

79) 1 Cor 6, 19.

80) Io 2, 19-21.

Ecclesiam Dei, ut : *Templum... Dei sanctum est, quod estis vos* ⁸¹; per anagogen vero superni gaudii mansionem exprimit, cui aspirabat qui ait : *Beati qui habitant in domo tua, Domine ; in saecula saeculorum laudabunt te* ⁸²; ita dicitur : *Dominus in templo sancto suo, Dominus in coelo sedes eius* ⁸³.

Hunc quadruplicem sensum Christus et Apostoli docuerunt,

Haec quadruplicia expositionum genera secundum quadruplicem intelligentiam, a Christo et Apostolis observata nobisque demonstrata, Scriptura testante, cognovimus ; historicam, ut cum Dominus venisset Nazareth et intrasset secundum consuetudinem die sabbati in synagogam exposuissetque Isaiae prophetiam mirarenturque Nazaraei et dicerent : *Nonne hic est filius Ioseph ?* respondit Dominus, dicens : *Utique dicetis mihi hanc similitudinem: medice, cura te ipsum: quanta audivimus facta in Capharnaum fac et hic in patria tua.* Ait autem : *Amen dico vobis quia nemo propheta acceptus est in patria sua. In veritate, dico vobis, multae viduae erant in diebus Eliae in Israel, quando clausum est coelum annis tribus et mensibus sex, cum facta esset fames magna in omni terra; et ad nullam illarum missus est Elias, nisi in Sarepta Sidonis ad mulierem viduam. Et multi leprosi erant in Israel sub Eliseo propheta ; et nemo eorum mundatus est, nisi Naaman Syrus* ⁸⁴. Hoc totum a Domino de historia allatum est. Tropologicum sensum adhibuit idem Dominus cum, historiam Ninivitarum et adventum reginae Austri ad Salomonem narrans, perditissimos Iudaeorum mores redarguit : *Viri Ninivitae surgent in iudicio contra generationem hanc et condemnabunt eam, quia in praedicatione Ioniae egerunt poenitentiam, et ecce plusquam Ionas hic. Regina Austri* ⁸⁵ *surgit in iudicio cum generatione hac et condemnabit eam, quia venit a finibus terrae audire sapientiam Salomonis, et ecce plusquam Salomon hic* ⁸⁶. Allegoricae expositionis exemplum dedit cum, Iudaeos alloquens, de Ioanne Baptista dixit : *Elias quidem venturus est et restituet omnia. Dico autem vobis, quia Elias iam venit et non cognoverunt eum, sed fecerunt ei quaecumque voluerunt* ⁸⁷; Elias enim ipse est Ioannes ⁸⁸. His verbis significare voluit Eliam in Veteri ⁸⁹ Testamento typum gessisse Ioannis, qui

81) 1 Cor 3, 17.

82) Ps 83, 5.

83) Ps 10, 5.

84) Lc 4, 16-21. Vulg.: *Sidoniae.*85) Ms.: *Austris.*86) Mt 12, 41-42. Vulg.: *Ninivitae surgent... cum generatione ista... quia poenitentiam egerunt in praedicatione Ioniae... regina Austri surgit... cum generatione ista.*87) Ibid. 17, 11-12. Vulg.: *Fecerunt in eo, etc.*

88) Cf. ibid. 11, 14.

89) Ms.: *Veteris.*

venit in spiritu et virtute Eliae ⁹⁰. Anagogica expositione manifestissime usus est D. P a u l u s ad Hebraeos, cum terram illam Palaestinarum patribus repromissam accommodat ad promissionem divinae gloriae; sic enim ait ⁹¹: *Fide qui vocatur Abraham obedivit in locum exire, quem accepturus erat in hereditatem, et exiit nesciens quo iret; fide demoratus est in terra promissionis tanquam in aliena, in casulis habitando cum Isaac et Iacob heredibus repromissionis eiusdem; expectabat enim fundamenta habentem civitatem, cuius artifex et conditor est Deus*; ubi demonstrat terram illam, tantopere a Patriarchis desideratam et tot peregrinationibus quaesitam, non esse praesentem illam visibilem et terrenam Chananaeorum regionem, sed futuram invisibilem atque coelestem patriam ⁹², meliora habentem fundamenta, cuius artifex est Deus, et civitatem Dei viventis Ierusalem coelestem, quae libera est, quae est mater nostra ⁹³, quae multis est angelorum millibus ornata ⁹⁴; cognoscebant enim non habere hic civitatem permanentem, ideo futuram inquirebant ⁹⁵.

Demum unum hic advertendum est super una eademque littera plures posse mysticos sensus formari; sicut historia de paradiso deliciarum: paradisu enim ille typus est tum militantis tum triumphantis Ecclesiae et ideo allegoricus et anagogicus sensus super eo fundantur. Sic manna typus est dominici corporis, sermonis evangelici, gratiae et caritatis; David vincens Goliath typus est Christi diabolum debellantis et hominis iusti carnis superbiam subigentis. Ita dicendum similiter de historiis Samsonis, terrae promissionis, civitatis Ierusalem, arcae et tabernaculi, templi Domini, etc.; unde diversae mysticae et arcanae intelligentiae desumuntur. Imo plerumque diversae et oppositae intelligentiae spirituales ab uno et eodem loco sumuntur. Leo enim et Christum significat, qui est leo vincens de tribu Iuda ⁹⁶, et diabolum, qui circuit quaerens quem devoret tanquam leo rugiens ⁹⁷; et ovis aliquando innocentem et iustum hominem ⁹⁸, aliquando Christum ⁹⁹ et Sanctos atque Electos ¹⁰⁰; nonnunquam vero

Sic etiam ex uno eodemque sensu litterali plures mystici sensus effici formari possunt;

90) Lc 1, 17.

91) 11, 8-10. Vulg. *In terra repromissionis . . . coheredibus repromissionis*, etc.

92) Cf. ibid. 12, 22.

93) Gal 4, 26.

94) Cf. Heb 12, 22.

95) Cf. ibid. 13, 14.

96) Apc 5, 5.

97) 1 Petr 5, 8. Vulg.: *Tanquam leo rugiens*, etc.

98) Cf. Ps 43, 22; Mt 10, 16.

99) Cf. Is 53, 7; Ier 11, 19; Io 1, 29; Act 8, 32; 1 Petr 1, 19.

100) Cf. Ps 78, 13; 94, 7; 99, 3; Zach 13, 7; Mt 25, 33; Io 10, 1-4.

stultum et peccatorem, errantem *sicut ovis quae periit* ¹⁰¹. Sic *serpens* nunc quidem prudentiam ¹⁰², nunc vero peccatum detestandum designat ¹⁰³; et *serpens aeneus* in deserto exaltatus, Christum praesignavit in cruce exaltandum ¹⁰⁴. Sic quoque *volucres coeli* nunc in bonam ¹⁰⁵ nunc in malam ¹⁰⁶ partem accipiuntur. Id autem accidit ex multiplicibus ac diversis proprietatibus, quae in una et eadem re inveniuntur, ex quibus mysticae intelligentiae desumuntur. Et haec de multiplici Sacrarum Litterarum sensu dicta sufficiant.

ad quos recte
eruedos et
rite
intelligendos
Spiritus
Sancti auxi-
lio opus est.

Hos autem sacros Divinarum Scripturarum sensus tractaturus, ab oratione expedit auspicari ut Spiritus Sanctus, quo illustrante *locuti sunt sancti Dei homines*, nobis adesse dignetur, quatenus, ipso ducente, eosdem sensus assequamur, quos in Scripturis ipse voluit comprehendere, ne capitis nostri somnia sequentes, a veritatis et sinceritatis scopo aberremus. Multa enim sunt in Sacra Scriptura quae tantum habent caliginis, ut nullo humano ingenio possint ad plenum liquido explicari; ut rotarum descriptiones apud *Ezechielem* ¹⁰⁷, et etiam templi *Apocalypsis* ¹⁰⁸ *Divi Ioannis*, ad quae plene intelligenda eodem opus est Spiritu, qui Prophetas illustravit ad ea describenda. Oratio ergo nobis necessaria est ad Sacram Scripturam intelligendam ¹⁰⁹.

101) Ps 118, 176; Is 53, 6; 1 Petr 2, 25.

102) Cf. Mt 10, 16.

103) Cf. Eccl 21, 2.

104) Cf. Io 3, 14.

105) Cf. Ps 8, 9; 148, 10; Sap 17, 17; Is 31, 5; Dn 3, 80.

106) Cf. 3

Rg 14, 11; Is 34, 11; Ez 39, 17; Apc 18, 2; 19, 17.

107) Cf. 1, 15-21; 10, 2-19.

108) Cf. 15, 5 sqq.

109) Hic S. Auctor adicit: *Finis*.

DISSERTATIO QUINTA

DE MUNDI CREATIONE IN TEMPORE ¹

In principio creavit Deus coelum et terram ². Divini Moysis theosophiae hoc primum est dogma, prima thesis, primum axioma: mundum non esse aeternum, sed aliquando Deo auctore et creatore coepisse creatumque ex nihilo esse. Quod quidem inter antiquos veteresque philosophos maxime controversum est summisque altercationibus mirandisque duellis conflictum et exagitatum, his quidem affirmantibus, illis vero negantibus.

Et Aristoteles quidem, cum universo fere suo peripatu, aeternum putat ³ veteresque philosophos secus sentientes acerrime et mordacissime insectatur. Plato vero, qui merito divinus est appellatus, venerandae antiquitatis sententiam secutus, aeternitatem abnuat mundique genituram et saeculi initium, una cum veteribus omnibus, qui eum praecessere, philosophis firmissime statuit ⁴. Inhaesit autem vel maxime Plato vetustissimorum Zoroastris ⁵ et Trismegisti ⁶ vestigiis; hi nanque omnium antiquissimi veterrimique habentur. Primus apud Persas multis ante Troianum bellum [annis] sapientia floruit ⁷; alter vero apud Aegyptios ⁸; quos postmodum universa Graecia admirata simul et venerata fuit, tanquam philosophiae et theologiae patres. Post eos vero Linus Chalcii-

Antiquorum philosophorum opiniones de mundi origine, qui omnes factum asserunt,

1) Haec Dissertatio a nobis inscripta fuit. 2) Gn 1, 1. 3) Cf. Aristoteles *Physic.*, lib. 8, cp. 1-3, t. 1, pag. 251-254; *De Coelo*, lib. 1, cp. 3. 9-10. 12, ibid. pag. 267-268. 274-277; lib. 2, cp. 1, pag. 279; *Metaphysic.*, lib. 11, cp. 6, t. 2, pag. 561. 4) Cf. Plato *Timaeus*, t. 3, pag. 4; Aristot. *Physic.*, lib. 8, cp. 1, t. 1, pag. 252; Io. Grammaticus *De Aeternitate Mundi*, pag. 14. 61. Conimbricenses *Physic.*, lib. 8, cp. 2, q. 3, a. 1; Marsilius Ficinus *Sententiae Pulcherrianae*, cp. 7, pag. 1440. 5) Cf. Stanleyus *Historia Philosophiae*, pag. 1178-1191; Patricius *Nova De Universis Philosophia*, f. 8^a-11^b; Conimbricenses *Physic.*, lib. 8, cp. 2, q. 3, a. 1. 6) Cf. Lactantius *Divinae Institut.*, lib. 7, cp. 18, (P. L. 6, 795); S. Augustinus *De Civitate Dei*, lib. 18, cp. 39, ibid. 41, 599. 7) Cf. Alph. Niccolai *Dissertazioni e Lezioni di Scrittura Sacra*, dissert. proem. 3, t. 1, pag. 83-85. Gaetano Moroni *Dizionario*, vol. 52, pag. 121; *Nuovo Dizionario Storico*, t. 22, pag. 171-174. 8) Cf. Lactantius *Divinae Institut.*, lib. 1, cp. 6, (P. L. 6, 138-140); Diodorus *Siculus Rerum Antiquarum Historiae*, lib. 1, cp. 2, pag. 21-22; Iustinus *Historiarum Philippicarum*, cp. 1, pag. 6-7; Conimbricenses *De Coelo*, lib. 8, cp. 2, q. 3, a. 1; Cesare Cantù *Storia Universale*, vol. *Filosofia*, pag. 34.

des⁹ et Orpheus Lebetrius¹⁰ floruerunt, quos multis post annis secuti sunt Homerus¹¹ atque Hesiodus¹², qui omnes mundum esse genitum docuerunt. Post hos vero Thales Milesius¹³, Heraclitus Ephesius¹⁴, Xenophanes¹⁵, Melissus¹⁶, Parmenides¹⁷, Anaxagoras¹⁸, Leucippus et Democritus¹⁹, Pythagoras²⁰ cum suis Empedocle²¹, Archita²², Timaeo²³, Philolao²⁴ et aliis²⁵; et tandem Plato cum his omnibus docuit cosmopoeiam, mundi huius facturam.

dum solus Aristoteles contra omnes eius aeternitatem acerrime propugnat.

Solus Aristoteles ex philosophis, qui extant, id abnuit mundique aeternitatem omnibus, quibus potuit, rationum nervis, ne dicam sophismatum fallaciis statuere conatus est²⁶; hic unus est veluti alter Ismael contra omnes et omnes contra eum²⁷. Ipse enim contra omnes antiquos philosophos²⁸, nedum Graecos, verum etiam Chaldaeos, Phoenices, Persas, Aegyptios atque Hebraeos bellum movit, imo contra omnes penitus nationes; hoc enim omnibus confessum est

9) Cf. Io. Stobaeus *Eclogae Physicae*, lib. 1, cp. 13, pag. 25; L. G. Gyraldi *Historia Poetarum, Dialogus 2*, pag. 139-140; Conimbricenses *Physic.*, lib. 8, cp. 2, q. 3, a. 1; Fr. Mullachius *Fragmenta Philosophorum*, lib. 1, vol. 1, pag. 156-157. 10) Cf. S. Iustinus *Cohortatio ad Graecos*, (P. G. 6, 274); Clemens Alex. *Stromata*, lib. 5, cp. 14, ibid. 9, 187-190; Eusebius Caesar. *Praeparat. Evang.*, lib. 13, cp. 12, ibid. 21, 1068; S. Cyrillus Alex. *Contra Iulianum*, lib. 1, ibid. 76, 542. 551; Lactantius *Divinae Institut.*, lib. 1, cp. 5, (P. L. 6, 130); Suida *Lexicon Graece et Latine*, pag. 1175-1176; Io. Grammaticus *De Aeternitate Mundi*, pag. 96; Io. Stobaeus *Eclogae Physicae*, lib. 1, cp. 13, pag. 25; Mullachius *Fragmenta Philosoph.*, lib. 1, vol. 1, pag. 166 sqq. 11) *Ilias*, lib. 18, vrr. 484-486; Iac. Dupontus *Homeri Gnomologia*, pag. 103. 12) *De Generatione Deorum*, vrr. 116 sqq. 13) Cf. Minucius Felix *Dialogus*, cp. 19, (P. L. 3, 293); Lactantius *Divinae Institut.*, lib. 1, cp. 5, ibid. 6, 133; Cicero *De Natura Deorum*, lib. 1, vol. 4, col. 10. 176; Caellius *Lectio Antiquarum*, lib. 21, cp. 34, col. 1204. 14) Cf. Aristot. *De Coelo*, lib. 1, cp. 10, t. 1, pag. 276; Io. Grammaticus op. cit. pag. 96. 15) Cf. Aristot. *Metaphysic.*, lib. 1, cp. 5, t. 2, pag. 488; Cicero *De Natura Deorum*, lib. 1, vol. 4, col. 177. 16) Cf. Aristot. *Physic.*, lib. 1, cp. 1-3, t. 1, pag. 197-198. 17) Cf. Aristot. *Metaphysic.*, lib. 1, cp. 4, t. 2, pag. 487; Cicero *De Natura Deorum*, lib. 1, vol. 4, col. 177. 18) Cf. Aristot. *Physic.*, lib. 1, cp. 2, t. 1, pag. 197; *Metaphysic.*, lib. 1, cp. 4, t. 2, pag. 487; Cicero *De Natura Deorum*, lib. 1, vol. 4, col. 176. 19) Cf. Cicero *De Natura Deorum*, lib. 1, vol. 4, col. 177; Alexander Aphrodisius apud Io. Grammaticum op. cit. pag. 96; Conimbricenses *Physic.*, lib. 8, cp. 2, q. 3, a. 1. 20) Cf. Lactantius *Divinae Institut.*, lib. 1, cp. 5, (P. L. 6, 134); Aristot. *Metaphysic.*, lib. 1, cp. 5, t. 2, pag. 488. 21) Cf. Aristot. *De Coelo*, lib. 1, cp. 10, t. 1, pag. 276; *Metaphysic.*, lib. 1, cp. 10, t. 2, pag. 487. 22) Cf. Mullachius op. cit. lib. 2, vol. 1, pag. 567-568. 23) Cf. Plato *Timaeus* Loebus *De Anima Mundi*, t. 3, pag. 94. 24) Cf. Philo Iudaeus *De Mundi Opificio*, t. 1, pag. 20; Conimbricenses *Physic.*, lib. 8, cp. 2, q. 3, a. 1; Mullachius op. cit. lib. 2, vol. 2, pag. 4-5. 25) Cf. Aristot. *Metaphysic.*, lib. 1, cp. 5, t. 2, pag. 488. 26) Cf. Aristot. *Physic.*, lib. 8, cp. 1-3, t. 1, pag. 251-255; *De Coelo*, lib. 1, cp. 10-12, ibid. pag. 275-279; lib. 2, cp. 1, pag. 279. 27) Cf. Gn 16, 12. 28) Aristot. *De Coelo*, lib. 1, cp. 10, t. 1, pag. 276; *De Mundo*, cp. 6, ibid. pag. 375; Müller *Istoria della Letteratura Greca*, vol. 1, pag. 136; Alph. Niccolai op. cit. *Lex. 1 del Genesi*, t. 1, pag. 193 sqq.

mundum auctore Deo aliquando coepisse. Hinc enim omnis in Deum pietas sanctaque ac veneranda religio ortum habet; hoc dogma communisque omnium animi conceptio, basis ac fundamentum est divini cultus omniumque virtutum, probitatis universae. Quemadmodum enim eo sunt filii in parentes pii et obsequentes, quose ab eis genitos educatosque cognoscunt, ita ut generatio radix sit pietatis filiorum in parentes : ita similiter ex creatione rerum omnium et providentia mundanaeque gubernatione nata est in Deum Optimum Maximum pietas, religio, cultus. Nemo est enim, qui mundanam hanc machinam coeli terraeque constitutionem contemplatus, corporisque proprii fabricam et animi divinitatem inspiciens, Deoque auctore creata cognoscens, non admiretur creatoris potentiam, sapientiam, bonitatem, clementiam summamque benignitatem maiestatemque eius veneretur, adoret et colat ; sublata autem creatione mundi, ruit omnis religio, probitas universa, ceu sublimis arbor radicibus convulsis, vel excelsa moles fundamentis sublatis. Neque enim quis parentibus suis, a quibus in lucem est editus, pium praestabit obsequium, nisi vere parentes suos esse cognoscat et credat ; nec regem quis colet, nisi dominum regemque putet. Quapropter mundi aeternitas inexpiabilis quaedam impietas est, omnium virtutum interitus, religionis omnis ruina, mors pietatis universae scelerumque omnium ac flagitiorum caput, radix primigeniaque origo.

Aristoteles ergo, mundi aeternitatem statuens, pietatem omnem destruxit, impietatum omnium ova posuit fundamentaque iecit ; quem tamen multi secuti sunt sophismatum eius fallaciis alucinati et rationum eius larvis decepti, qui Aristotelis, quem summum dicunt philosophum omniumque philosophorum principem, personam magis quam doctrinam philosophantes, eius et sequuntur et mordicus tenent et nervis omnibus defendunt errores. Eius autem rationum sophismata et paralogismos irrefragabiles firmissimos certissimosque supra quam mathematice arbitrantur. Sed age, quaeso, has videamus demonstrationes rationesque eius discutiamus, quibus firmissimis veluti pugionibus ancipitibusque et acutissimis gladiis existimant eius asseclae confossum transverberatumque esse Moysen omnesque antiquos philosophos, qui eius divina dogmata sunt secuti.

Est igitur Aristotelis thesis mundum esse aeternum, quod quidem theorema a coeli aeternitate probare contendit, quam omnes antiquiores negavere. Probat autem hanc ipse technis quibusdam et

Sententia mundum Deo auctore aliquando coepisse, maxime religioni favet,

quia Dei potentiam et bonitatem demonstrat et ad eum adorandum et colendum provocat;

dum contraria ad impietatem impellit.

Sententia ergo Aristotelis aeternitatem mundi asserens impia est, licet plerique eam defendant.

Quinque Aristotelis rationes pro mundi

aeternitate
expenduntur
et refutantur.

sophismatum monstris. Et primo quidem : a motus aeternitate ²⁹ ; secundo : a natura coeli contrarietatis et corruptionis omnis exper-
te ³⁰ ; tertio : ab etymo aetheris, quod coelum aether sit dictum ab
aeterno motu ³¹ ; quarto : ab antiquorum sententia, qui in coelo di-
vinum aeternumque collocarunt sitque aeternorum deorum perpetuum
domicilium ³² ; tandem : a maiorum memoria, quod non sit memoriae
proditum divinum coeli corpus aliquando passum, mutatum labe-
factatumque esse ³³. Harum vero priores duas potentissimas autu-
mat summique roboris universus peripatus et quae vere Thersites
sunt, Achilles invincibiles ³⁴ fascinatis iis et circaeo veneno ³⁵ infectis
visae sunt.

Sed, quaeso, num motus aeternitas manifesta est ? Hanc ipse
multis artificiis machinisve construere nixus est, cum sui natura ma-
nifesta non esset, a motoris aeternitate ³⁶, a coeli figura ³⁷, a motus
circumlatione ³⁸, a temporis infinitate ³⁹. A motore quidem ; quia si
motor, inquit, aeternus, et mobile ; ergo coelum aeternum et motus.
Sed dico : unde constat motoris aeternitas ? Nos quidem aeternum
dicimus Deum, ut omnes fatentur, non autem aeternum motorem.
Probat autem ipse motoris aeternitatem ab aeternitate motus, quae
manifesta circulatio est ineptaque probatio. – Deinde qua necessitate
consequitur ut si motor aeternus est, mobile quoque aeternum sit ?
Inquiunt sequaces, quia ab aeterno nonnisi aeternum provenire potest.
Ego autem nescio an id verum sit, imo falsissimum puto. Diurnum
enim lumen in nostro hoc hemisphaerio a sole aeterno est, non tamen
aeternum, sed deficit adventante nocte. Hodierna circumlatio ab o-
riente in occidentem ab aeterno motore est, non tamen aeterna : cras
enim alia circumlatio erit. Sole ab australibus signis ad aquilonaria
accedente, multa ex incorruptibili aeternaque materia generantur :
eo autem discedente intereunt. Ratio ergo haec arundineo baculo

a) Nihil pro-
bat prima ra-
tio Aristotelis
a motoris
aeternitate
sumpta,

quia non
necessario
consequitur
quod si motor
aeternus, mo-
tus quoque
aeternus esse
debeat.

29) Cf. *De Coelo*, lib. 2, cp. 1, t. 1, pag. 279.

30) Cf. *ibid.* cp. 3, pag. 281; *De Animalium Motione*, cp. 4, *ibid.* pag. 437.

31) Cf. *De Mundo*, cp. 2, *ibid.* pag. 370.

32) Cf. *De Coelo*, lib. 1, cp. 3, *ibid.* pag. 268; lib. 2, cp. 1, pag. 279; *De Mundo*, cp. 2, *ibid.* pag. 370.

33) Cf. *De Coelo*, lib. 1, cp. 3, *ibid.* pag. 268.

34) Cf. *Homerus Ilias*, lib. 2, vr. 212.

35) Cf. *S. Greg. Nyssenus De Vita Moysis*, (P. G. 44 472); *Homerus, Odyss.*, lib. 10, vrr. 383 sqq.; *Virg. Aeneid.*, lib. 7, vrr. 10 sqq.; *Hyginus Fabulae*, pag. 30; *Natalis Comes Mythologiae*, lib. 6, cp. 6, pag. 480-481.

36) Cf. *De Animalium Motione*, cp. 4, t. 1, pag. 436; *Physic.*, lib. 8, cp. 6, *ibid.* pag. 259; *De Coelo*, lib. 2, cp. 6, pag. 283-284.

37) Cf. *De Coelo*, lib. 2, cp. 3, *ibid.* pag. 281.

38) Cf. *ibid.* lib. 1, cp. 3, pag. 268.

39) Cf. *ibid.* cp. 12, pag. 277.

confracto nihilo validior est. Mundi ergo aeternitas tam debili fundamento basique innixa et fulta necessario corruiet; neque enim ratio illa, qua motoris aeternitatem ex motu venatur, momenti cuiuspiam est; coelum enim non ab aliquo, sed suapte natura a propriaque forma moveri, ut gravia deorsum et levia sursum, non ab extrinseco movente putamus. Propositionem autem illam: omne quod movetur ab alio movetur⁴⁰, falsam esse, ex levium et gravium motu luce clarius constat; huic autem ingenuus ille discursus veluti fundamento innixus est.

Argumentum autem a coeli figura validissimum autumat peripatus, quod in circulo non sit dare actu principium, medium aut finem; quare nec circularis motus, quod in circulo fiat: quod autem principium finemque non habet, aeternum est. Sed, quaeso, num coelum, sol, luna, astra, terra omniaque sphaericae et circularis figurae corpora infinita sunt, quia actu principium, medium aut finem non habent? Quis sanae mentis hoc dicat? Plane si circulum circino describam, circulatione peracta, orbicularis lineae extremis punctis colligatis non erit assignare actu principium aut finem. Ergo non habuit? Figuli item rota circumlatione movetur. Motus ergo ille principium finemque non habet? perpetuus aeternusque habendus est, quia sit corporis sphaericae vel circularis figurae?

Nec valet alia ratio a coeli figura circulari sumpta,

At dicet quis artificiale hoc esse, coelum autem naturale corpus. Sed profecto principium actu finemque non habere, non huius aut illius naturalis vel artificialis circuli ratio est, sed circuli in universum, sicut habere tres angulos non huius aut illius trianguli propria ratio est, sed in universum trianguli. Motus autem hic vel competit coelo quia coelum est, vel quia circulare est. Si quia coelum: ergo cuiusvis alius figurae sit competit; si vero quia circulare⁴¹: omni plane corpori ea figura donato ut competat necessum est; quapropter terra etiam, huius figurae cum sit, perpetuo motu cietur. Potest etiam circulare corpus circulariter nequaquam moveri; pila enim sursum deorsumque proiecta, quamvis figurae sit sphaericae, non⁴² in gyrum, sed recto motu agitur ac si alterius cuiusvis esset figurae. Nihil ergo Aristoteli prodest circularis figura ad motus aeternitatem astruendam.

quia si hoc verum esset, omni corporieiusdem figurae motus aeternus competet.

40) Cf. *Physic.*, lib. 7, cp. 1, ibid. pag. 246-247. petitur.

41) Ms.: *Circulari*.

42) Ms.: *In re-*

Quod si sphaericum corpus aptum natum dicat perpetuo moveri, quia extrema non habet unde motus incipiat et ubi desinat, quemadmodum quae recto moventur, centrum et circumferentiam, sursum et deorsum habent, in aeternis autem idem sit esse et posse : donamus haec quidem, sed coelum aeternum negamus ; damus et aptitudinem hanc sphaerico corpori, sed etiam terreum globum orbicularem sphaericumque constat esse, qui, cum moveri possit, nunquam tamen movetur in sphaeram.

Sic nec ratio a motu circulationis aeternitatem motus probat.

Minus etiam proficit dum motus aeternitatem a motu circulationis probare contendit. Hunc enim vult continuum nulloque tempore deficientem esse, quia in continua magnitudine fiat, idest quae actu principium finemque non habet, ut linea recta : hoc enim discriminis inter rectam et circularem est ; quia etiam non fit a contrario in contrarium ut motus recti ; sed plane haec etiam de motu rotae figuli, rotarum molarium et globorum circulatorumque coelestium in astrolabio, de motu etiam rotarum cuiusvis horologii dici possent. Motus enim horologii continuus est : in magnitudine enim loco et tempore continuo fit ; contrarium non habet, quia non sursum et deorsum, sed circulo fit. Quod si artificialem hunc dicat motum, coeli autem naturalem esse et propterea perpetuum, dicam : vel motus hic perpetuus est quia naturalis, vel quia in orbem ; si quia naturalis : omnis ergo naturalis erit perpetuus, quare et rectus etiam elementorum ; si quia in orbem : omnis ergo orbicularis erit perpetuus, quare cuiusvis etiam globi.

Nec necessario consequitur quod corpus sphaericum et orbiculariter mobile motum perpetuum habere debeat.

Si quis autem simul dicat quia corporis natura sphaerici et orbiculariter mobilis motumque perpetuum esse, sicut et corporis natura, probandum tunc erit naturam esse perpetuam et nunquam incepisse. Quod si per motum id probet, manifesta circulatio est. Sed inquit : necesse est quae sunt, vel aeterna esse, vel genita, cum non essent. Genita utique, Deo auctore, una cum Moyse et veteribus omnibus dicimus. Sed inquit : motus est actus mobilis quatenus mobile. Si motus aliquando incepit, praeeexistebat mobile quiescens ; sed quies est motus privatio : ergo semper ante motum motus. Sed, quaeso, quid est : ante motum praeeexistit mobile ? Quomodo praeeexistit ? Natura an tempore ? Si mobile praeeexistit tempore ante motum : quomodo ergo motus aeternus ? Si natura, uti substantia prius natura est accidente, utique mobile praeeexistit ; sed quid inde ? Ergo ante

motum quies ? Quomodo sequitur ? Num quia substantia suapte [natura] prior est accidentibus, aliquando sine accidentibus naturalibus est ? Coelum ergo aliquando non fuit corpus, quia magnitudo accidens est, id autem substantia posterius ; posse autem simul et semel mobile motumque esse sensu ipso percipimus, oculis luce clarius videmus in flamma ignis, quae simul generatur et sursum fertur, et in quibuscumque rebus, quae suapte natura et forma mobilia sunt.

Illud vero quod ex hac thesi, mobile praecedit motum, deduxit : ante primum motum erat mobile quiescens : quies autem est privatio motus : ergo ante primum motum motus ; videamus an vere subsequens sit. Quies est privatio motus : ergo antea erat motus ? Quiaenam haec illatio ? Plane sensus ipse demonstrat non omnem privationem consequi praecedentem habitum, uti est mors, infirmitas, caecitas, sed dari etiam privationem praecedentem habitum, quam ipse inter naturalium rerum principia adnumeravit. Ipsemet ergo posuit privationem naturales omnes generabiles formas praecedentem, uti cum ex non homine fit homo, fit nanque ex semine, in quo non est forma hominis ; num haec privatio praecedentis est formae ? Nonne subsequentis ? Quae ergo vis est illationis istius : quies est privatio motus : ergo praecessit motus ? Dicam et ego : Terra quiescit suapte natura : ergo aliquando suapte natura movebatur. Materia terrae privata est forma coeli et solis : ergo aliquando terra coelum fuit et sol. Haec ridicula sunt. Ridiculo igitur argumento probat Aristoteles motum esse ingenitum, nunquam incepisse.

Imo Aristoteles volens probare aeternitatem motus ex praesistentia mobilis, sibi ipsi non constat.

Sed nihilo melius est id quo probat [motum] incorruptibilem esse et nunquam desitutum, quia cessante motu remanet mobile, quod moveri iterum potest ; ne sit autem haec potentia frustra movebitur iterum aliquando : ergo posterior motus post ultimum. Sed qua necessitate consequitur ut, cessante motu, remaneat mobile ipsum ? Forte quia non possunt entia abire in nihilum, sicut nec ex nihilo fieri ? Sed plane substantiales formae lapidum, plantarum, animalium omniumque generabilium et corruptibilium, iis corruptis, in nihilum abeunt ; sed remanet materia moveri possibilis. Cur potentia haec necessario in actum reducenda est ? Ne sit aliqua naturalis potentia frustra. Quodnam hoc impossibile ? Potest universa terra in aurum, et mare in argentum converti : id quando fiet ? Potest universus aer in ignem transmutari et ignis in aquam : quando haec erunt ? Potest terra uni-

Item aliud argumentum, quia cessante motu remanet mobile, quod iterum moveri potest, nihil valet ad probandam aeternitatem motus.

quia non necessario potentia in actum reducenda est.

versa secundum locum moveri, nunquam tamen movebitur : non ergo omnis potentia reducenda in actum necessario est. Nulla est ergo illatio : post ultimum dabitur motus posterior. Quomodo item sequitur : si desinet motus, post ultimum erit motus ? Desinere potest motus, quin tamen sit ultimus. Scribo nunc ego, post horam scribere desinam : ergo ultima scriptio ? Si alia non sequatur, erit utique ultima : si sequatur alia, non erit ultima posterior, quia prior non ultima ; desinet hodiernus dies, non tamen ultimus dies, sequente crastino : si is non sequatur, ultimus erit. Potest ergo desinere motus quin tamen sit ultimus motus.

Alia ratio qua Aristoteles aeternitatem motus a temporum infinitate probare contendit,

est vitiosa petitio principii et inani fundamento innititur.

Tandem Aristoteles motus aeternitatem a temporum infinitate perpetuitateque probavit⁴³, quia si infinitum tempus est, motus erit aeternus, non enim sine tempore motus. Sed dico : Num manifeste tempus infinitum est ? Quod nunquam incepit ? Probat ipse tanquam non manifestum tempus infinitum esse, quia semper est motus. Sed quaenam circulatio haec : motus est aeternus, quia tempus est infinitum ; tempus est infinitum, quia motus est semper ? Idem probatur per idem. Quae philosophia est ista ? – Astruit et alia ratione : quod tempus semper sit in principio futuri : nunquam ergo ad finem deveniet : ergo sempiternum et infinitum⁴⁴. Sed quomodo semper in principio futuri ? Quia instans est veluti punctum in circulo, finis praeteriti temporis et futuri principium. Sed si non amplius futurum tempus est, cuiusnam futuri temporis instans erit principium ? Id quod probandum erat, tempus semper futurum, tanquam datum assumit. Nisi igitur probet tempus semper in posterum perpetuo fore, inanis est ratio, vanissima infinitatis temporis demonstratio. Cum ergo motus aeternitas nihilo probata ab Aristotele sit, minime hinc probari poterit coeli mundique aeternitas.

b) Item nil probat ad aeternitatem mundi statuendam secunda ratio

Missa ergo motus aeternitate, videamus si quas habet vires alter Achilles a natura coeli contrarietatis⁴⁵ experte assumptus. Coelum, inquit, ingenerabile est et incorruptibile est, quia non habet contrarium : omne autem quod generatur a contrario generatur aut corrumpitur. Non habere autem contrarium a motu probat, quia circulari

43) Cf. *Physic.*, lib. 4, cp. 11, t. 1, pag. 227; lib. 8, cp. 1, pag. 252; *De Coelo*, lib. 1, cp. 12, ibid. pag. 277. 44) Cf. *Physic.*, lib. 4, cp. 10-11, ibid. pag. 226-227. 45) Ms.: *Contrarietatis*.

motui non est contrarius motus ⁴⁶. Perpendamus hanc rationem, ne dicam putidum sophisma, contemplemur Thersitem hunc, qui peripatui universo fortissimus videtur Achilles.

Aristotelis
sumpta a natura
coeli.

Sed plane ut absurdissimus hic paralogismus inspiciatur, animadversione dignum est quod Aristoteles de mundi generatione atque factura locutus est, ac si de cuiuscumque alterius rei naturalis vel etiam artificialis generatione facturaque esset locutus. Fiunt enim omnia, quaecumque natura vel arte fiunt, ex praeiacente materia, et artificialia quidem, sive homogenea sint sive heterogenea, ex praeiacente materia, uti statua ex aere, numisma ex argento, vas ex auro, domus ex lapidibus, caemento et lignis immanentibus; naturalia vero ex desinente materia, ut vapor ex aqua, ignis ex ligno, arbor ex nucleo, avis ex ovo, animal ex semine; ea enim, unde haec fiunt, non manent. Horum igitur entium ritu et generationis modo, Aristoteles mundi generationem crasso plane obtusoque intellectu consideravit. Inquiritur enim an mundus universus, qui, praeter Deum, omne penitus complectitur ens omnemque naturam, ingenitus sit, an aliquo in tempore factus. Cum igitur universitas generatim ex omnibus entibus constet, plane ante ipsam nihil esse potuit quod in eius generationem insumeretur. Si enim universitas est omne ens praeter Deum, extra universitatem nil entium reperiri potest: perperam igitur Aristoteles ritu aliorum entium generabilium et corruptibilium de mundi generatione locutus est, ac si universitas unum aliquod particularium entium esset. Universitas enim materiam et causas omnes naturalium generationum includit, alioquin non esset universitas: quapropter nonnisi ex nihilo fieri a Deo Optimo Maximo universitas potuit. Non valet ergo illatio: mundus non est ad instar horum natura generabilium et corruptibilium entium: genitus ergo non est, factus unquam: ergo aeternus. De ratione enim uniuscuiusque horum est ut ex subiecto fiat; de ratione vero universitatis, quae omne includit ens, ut ex nihilo fiat, idest nullo ex subiecto: nam et subiectum istud factum esse oportet; quare vel ibitur in infinitum, si et subiectum istud ex alio factum asseratur, vel dicendum universitatem ex nihilo factam. Aristoteles ergo, inquirens an mundus universus aliquando sit factus,

Principium
Aristotelis:
quodcumque
fit, ex praeiacente materia
fit, ideo
mundus
aeternus est,
quia
praeiacentem
materiam
non habet,
nihil probat,

quia genitura
mundi compa-
rari nequit
cum entium
particularium
generatione.

46) Cf. *Physic.*, lib. 6, cp. 8, t. 1, pag. 261; *De Coelo*, lib. 1, cp. 4, ibid. pag. 268.

gratis sumere videtur subiectum cum ceteris naturalium generationum causis non factum, quod plane erat probandum. Quod si eadem ratione id quoque probatum velit, ut subiectum ex subiecto fiat : erit ergo in infinitum processus.

Insuper
Aristoteli
probandum
erit coelum
non habere
contrarium.

Post haec vero, quæ scit Aristoteles coelum non habere contrarium ? Sensu an ratione ? Si ratione : plane, ut ipse ait, nil est in intellectu quin prius fuerit in sensu ⁴⁷ ; deficiente enim aliquo sensu necesse est aliquam scientiam deficere ; non enim caecus iudicat de coloribus, nec surdus de sonis : quo igitur sensu fulcitur ratio Aristotelis, cui experientiae sensus innititur ? Tactu ? Fuit ne veluti alter Prometheus in coelum evectus ⁴⁸, ut tactus experientia corpus illud agnosceret ? Plane materiales hi sensus, tactus, gustus, olfactus, necnon et spiritualior auditus, tam alte non attingunt ; attingit autem visus ; visus autem lumina in coelo videt et aliquando obscuritatem, eclipsata luna, perspicuitatem translucientiamque sphaerarum et stellarum opacitatem, quae non sunt visui perviae, intuetur. Haec autem contraria sunt. Quod activam passivamque contrarietatem, veluti est inter calidum et frigidum, humidum et siccum, intelligere voluit, quæ scit hanc in coelo non esse ? Plane universa antiquitas uno ore confessa est solem et stellas omnes ignea natura gaudere, igneo calore praedita esse, et sensus ipse demonstrat, quem derelinquere et rationem sequi mentis insania et dementia est. Solus Aristoteles, sensu relicto, rationem secutus est solem dicens non calidum ⁴⁹, quia coloris est albi. At quis non videt puram ignis flammam albam candentemque esse ? Lux item solis per vitreum vas aqua plenum pertransiens candidissima fit, ut oculos repercutiat tanquam sol : calidissima item ut, fomite admoto, ignem accendat. Est ergo in coelo calor, si fides adhibenda sensibus est ; sol enim nostrati huius igni similis omnino videtur, ut ignis igni similis est et similes easdemque efficit operationes. Coelum ergo, cum calidum sit, utique contrarium habet ; si enim unum contrariorum est in natura, et reliquum : quod si genitum unumquodque

Imo sensus
ipsi et tota antiquitas
contrarium in coelo
haberi demonstrant.

47) Cf. *Posteriorum*, lib. 2, cp. 18, ibid. pag. 110 ; *De Anima*, lib. 3, cp. 7, ibid. pag. 304 ; S. Thomas S. *Theolog.*, 1^a, q. 84, a. 6, c ; a. 7, c. 48) Cf. Horat. *Carminum*, lib. 1, Od. 3, vrr. 27-30 ; Hesiodus *Opera et Dies*, vrr. 47-53 ; Hyginus op. cit. pag. 35 ; *De Signorum Coelestium Historiis*, pag. 70 ; Phurnutus *De Natura Deorum*, pag. 159 ; Natalis Comes, op. cit. lib. 4, cp. 6, pag. 266-267. 49) Cf. *De Coelo*, lib. 2, cp. 7, t. 1, pag. 284 ; *De Mundo*, cp. 2, ibid. pag. 370.

dicere voluit ex contrariis constare, tunc plane ignis, cuius manifestissima generatio est, calidus simul frigidusque erit elementorumque unumquodque contrariis virtutibus qualitatibusque constabit. At quomodo potest quippiam ex contrariis constare, cum haec minime possint sese in uno eodemque subiecto compati? Agunt enim in se invicem seseque corrumpunt: calor frigus frigusque calorem suapte natura impugnat et destruit. Habet ergo coeli natura contrarium, nempe frigus, cum calida sit, non tamen duo simul contraria; neque enim ignis natura simul calida frigidaque est.

Coeli ergo, uti ignis, natura generabilis et corruptibilis est? Cur non secundum partes? Qui scit Aristoteles nullam in coelo de novo fieri generationem, uti in aere nova secundum partes ipsius aeris generatio multarumque impressionum meteorarum? Calor enim minime otiosus est, iugiter operatur, maxime vero ubi praesens vigensque est in materiam proximam; si enim in remotam, multo magis in proximam. Habent ergo coeli contrarium potestque in eis nova generatio fieri sicuti et in ceteris elementis, quid enim id vetat? Quod si non eam visu discernamus, plane nec diu stellas conspiciamus: est tamen universum coelum diu etiam stellis repletum, quae e profundissimis terrae foveis visu conspiciuntur.

Nec Aristoteles probare potest in coelo nullam fieri novam generationem,

Illud vero quale est argumentum, quo Aristoteles probat coelum non habere contrarium? Quia, inquit, motui coeli non est contrarius motus⁵⁰. Quodnam argumentum est istud? Quae ratio? Licet ne a particulari universalem inferre? Coelum non habet contrarietatem motus: ergo nullam contrarietatem. Quanam illatio haec? Num contrarietas motus est omnis contrarietas?

nec ex eo quod non habeat contrarium motum, nullam aliam contrarietatem habere.

Deinde: ad activam passivamque qualitatem, quid motus contrarietas attinet? Terra quidem perpetuo quiescit, nullo contrario motu, ut sursum aut deorsum, movetur⁵¹: ergo nullum habet contrarium? Si moveri posse recto motu ad centrum quis dicat secundum partes, plane etiam si coeli sistatur portio in terra, sursum tanquam ignis ad suum advolabit locum, non immobilis manebit. Quod si universo peripatui coelum ad primi mobilis motum ab oriente movetur ad occidentem, secundum motum vero planetarum e contra ab occidente

Imo patet ex motu planetarum coelum habere contrarios motus.

50) Cf. *De Coelo*, lib. 1, cp. 4, ibid. pag. 268-269.

51) Ms.: *Movetur*.

Ruit ergo
etiam secun-
dum Aristote-
lis argumen-
tum ad pro-
bandam mun-
di aeternita-
tem.

ad orientem ⁵², cur motus hi non sunt dicendi contrarii? Cur magis contrarii sunt recti in sursum et deorsum, quam circulares a dextro ad sinistrum et a sinistro ad dextrum? Coelum ergo motus habet contrarios. — Item: superiora elementa circulo moventur, ut cometarum motus demonstrat: ergo non habent contrarium? Quod si motus ille violentus et praeter naturam dicatur, quomodo perpetuus est? Violentum ergo aliquod perpetuum? Et si universo peripatui quae sursum deorsumque moventur contrariis utique motibus, eatenus sic moventur quatenus praedita sunt contrariis qualitatibus, gravitate et levitate, plane istiusmodi qualitates non sunt contrariae secundum actionem et passionem, sicut calor et frigus: cur ergo ex hac contrarietate intulit contrarietatem actionis et passionis secundum quam fit generatio atque corruptio? Putidum ergo sophisma, absurdissimus paralogismus est huiuscemodi ratio.

Nec magis
valent tres
ceterae ratio-
nes ductae,

c) ab etymo
aetheris; quia
sic dictum fuit
non a perpe-
tuitate, sed a
claritate coeli;

d) a sententia
antiquorum,
quod coelum
sit perpe-
tuum Del do-
micilium; quia
Deus incorpo-
reus est et loco
non indiget;

Tres vero aliae rationes vanissimae sunt nulliusque momenti. Ab etymo aetheris, quod sic vocatum antiquis coelum est; quod deorum perpetuum sit domicilium, et quod memoriae traditum non sit factam esse aliquam mutationem in coelo ⁵³. Sed haec, inquam, vanissima sunt. Coelum enim antiquis dictum est aether non solum a motus perpetuitate, sed a nitore, claritate, lumine et calore; igneum enim existimavit antiquitas. — Deinde quæ sequitur: coelum perpetuo movetur: ergo nunquam est genitum? Non id ullus ante Aristotelem existimavit; universa nanque antiquitas mirabili consensu coeli mundique universi initium generationemque posuit. Et tandem, nomina ad placitum profecto hominum posita sunt ad res exprimendas, non ad earum declarandas intimeque demonstrandas naturas. — Quod vero a maioribus coelum ingenitis immortalibusque diis aeternis tanquam aeternum, ingenitum et immortale donatum sit domicilium, poeticis utique fabulis simillimum est. Num incorporeus Deus corporeo loco ad inhabitandum eget? — Quod vero non sit memoriae traditum antiquis factam aliquando esse mutationem quampiam in coelo, falsissimum est. In historiis enim Hebraeorum traditum est solem in coelo et lunam per integri diei spatium immota quievisse ⁵⁴; quod si id falsum dicat, sufficit quod memoriae id proditum est. Memoriae item

52) Cf. Aristot. *De Coelo*, lib. 2, cp. 2, t. 1, pag. 280-281.
54) Cf. *Ios* 10, 12-14.

53) Cf. pag. 56 huius *Dissert.*

a poetis tradita Phaethontis combustio ⁵⁵; unde pythagoreorum quidam galaxiam dicebant ⁵⁶ viam extitisse stellarum, quae in corruptione illa ceciderunt; alii vero solis ipsius viam, qui circulo hoc aliquando sit latus ⁵⁷. Iacent igitur omnes aristotelei Achilles; ostensum est omnes rationes eius de mundi aeternitate putida esse sophismata absurdosque paralogismos.

e) ab eo quod nunquam traditum sit aliquam mutationem in coelo evenisse; nam traditio contra asserit.

Post Aristotelem vero non defuere perperam de mundi aeternitate philosophantes ⁵⁸, qui vel in Aristotelis gratiam, vel ob intellectus caecitatem mentisque vertiginem, ponentes lucem in tenebras et tenebras in lucem ⁵⁹, rationibus aliis inventis novam mundi aeternitatem astruxerint. Nihilo tamen felicius. Cur, inquiunt, sempiterna magis privatio quam positio universi tenenda est? Cur Deus infinitis saeculis otiosus mansit nihil operatus? Non potuit, nescivit, an noluit mundum ab aeterno producere? Cur tandem post sempiterna retro saecula, quasi de somno evigilans, mundanae opificium machinae aggressus est, nec ante creavit? Si Deus prima aeternaque est causa, cur non et effectus aeternus? Quomodo mutatus est ut fieret de non agente agens? Si tempus nunquam incepit, quomodo incepit mundus, cum non sit absque motu tempus? Quod si tempus incepit, dabitur temporis tempus, nam aliquando incepisse putandum est: aliquo ergo in tempore tempus incepit. Quod si non ab aeterno factus est mundus, opifex igitur aliquando fuit potestate operans, non actu; id autem imperfectio est.

Adduntur et refutantur aliorum post Aristotelem argumenta pro aeternitate mundi.

Sed plane haec praestigiosa sunt argumenta puerilesque technae et argumentationes vanissimae. Quaeram enim et ego: cur Deus, cum infinitae sit potestatis, mundum hunc magnitudine finitum, non autem infinitum creavit? Cur unum tantum, non plures, non innumeros? Cur solem moveri voluit ab oriente in occidentem, et non e contra, vel ab aquilone ad austrum, vel e converso? Cur solem ceteris astris splendidior [creavit], non autem autem stellas eo lucidiores? Cur lunam sub sole, non supra solem constituit? Cur non plures aut pauciores, maiores vel minores, superiores vel inferiores coeli stellas effecit?

Puerile est quaerere cur Deus non ab aeterno mundum creaverit.

55) Cf. Ovid. *Metamorph.*, lib. 2, vrr. 304-333; Horat. *Carminum*, lib. 4, *Od. 11*, vr. 25.

56) Cf. Aristot. *Meteorol.*, lib. 1, ep. 8, t. 1, pag. 331.

57) Cf. *ibid.* pag. 332; *De Mundo*,

ep. 2, *ibid.* pag. 370.

58) Cf. S. Bonaventura *Sentent.*, lib. 2, dist. 1, q. 2 et not. 6;

Themistius *Physic.*, lib. 8, pag. 127; Alexander Aphrodisius apud Io. Grammaticum *De Aeternitate Mundi*, pag. 96.

59) Cf. Is 5, 20.

Deus enim
liber agens
est et creavit
mundum
quando voluit

Profecto Deus mundi opifex, liberum agens est, intellectu et voluntate operatur ut libet et expedit; mundum quando voluit, uti libuit, sicut decuit, sua potestate creavit.

et quomodo
ipsi libuit.

Non decet regem servos sibi facere potestate et dignitate coaequales: noluit Deus mundum sibi facere coaeternum. Quid tunc? Melior, inquiunt, est positio privatione: melius ergo mundum ab aeterno fuisse, quam non fuisse. Dicam ego: cur ergo Deus mundum optimum non effecit absque ulla penitus privatione, si haec mala est? Cur non perpetuum diem absque nocte? Lucem absque tenebris? Vitam absque morte? Simili profecto ratione probaretur non debere genita interitui esse obnoxia, quia generatio melior corruptione est vitaeque morte. Cur igitur non omnia, plantae, animalia, homines et cetera quoque quae annuatim generantur, non sunt ab initio genita et incorrupta servata, si adeo est rerum positio melior privatione? Ratio igitur haec praestigiosum est argumentum putidumque sophisma.

Nec putandus
est Deus tanto
tempore otio-
sus; quia ab
aeterno opera-
tur quidquid
operatur in
tempore.

Quod autem dicunt infinitis saeculis otiosum Deum extitisse, si mundus non est aeternus, figmentum vanissimum est. Imaginantur enim hi infinita temporum spatia ante genitum mundum, sicuti extra coelum immensa locorum interstitia. At vero sicut extra hunc mundum locus non est, ita nec ante [hunc mundum] tempus; postea vero qui sequitur: non erat mundanum opificium: ergo Deus otiosus? Plane intellectus praestantissima perfectissimaque actio contemplatio est; Deus vero intellectus altissimus est; profecto etiam si nihil extrinsecus operetur homo, otiosus tamen non erit, si intus contemplationem operatur. Deus vero seipsum rerumque omnium in semetipso aeternas ideas perpetuo contemplatur: in extimam vero praxim ab aeterno quidem potuit, scivit, sed noluit mundum creans exire, quia noluit mundum sibi aeternitate⁶⁰ coaequalem efficere. Vel forte etiam minime potuit, quemadmodum nec substantia nec magnitudine; impossibile enim est infinitum [creatum]: impossibilia vero fieri minime possunt. Fecit ergo mundum quando et quomodo libuit, et quando quoque fieri oportuit et decens fuit. Potest rex quispiam civitatem, vel templum, aut palatium quoddam extruere, hoc aedificii universi exemplar: non vult tamen usque ad tale tempus; num propterea invidus aut voluntate mutatus quia non prius, cum posset, efficere voluit?

Imo noluit ab
aeterno creare
ne creatura
sibi in
aeternitate
coaequalis
esset, neve
putaretur
necessario
creasse,

60) Ms.: *Mundum repetitur.*

Noluit vero ab aeterno producere, ne sibi creatura in aeternitate coaequalis esset, ne putaremus eum non libere, sed necessario universum creasse mundoque hoc egere, tanquam rex domicilio regnoque : ut clarius universi auctor agnosceretur splendidiusque infinita eius potentia, qua cuncta ex nihilo creavit, cunctis claresceret sicque maiestatem eius universae gentes universe venerarentur summaque religione ac pietate colerent et adorarent. Basis est enim divini cultus universaeque pietatis ac religionis universi creatio et providentia.

sed magis
agnosceretur
infinita
eius bonitas
et potentia.

Illa postmodum ratio : si causa aeterna, et effectus : qua necessitate consequitur ? Dico ego : cur sequitur haec illatio : Deus est aeternus : ergo et mundus est aeternus ; non autem haec : Deus est infinitus : ergo et mundus est infinitus ? Nam et aeternitas infinitudo quaedam est. — Quae item necessitas ut causae perpetuitatem effectus quoque suapte natura perpetuitas consequatur ? Plane in universo multae sunt causae perpetuae, uti sol, astra, coelum, quorum tamen effectus corruptibiles et temporarii, non perpetui sunt ; quaecumque enim generantur suapte natura corruptibilia sunt. Lumen item a perpetuo sole genitum in mundo hoc nostro perpetuum non est.

Nec consequitur quod si Deus aeternus est, ergo et mundus aeternus esse debet ;

Nec minus sequitur quod, si non ab aeterno creatus est mundus, mutatus sit opifex, factus de non agente agens. Siquidem in natura cernimus multas effectuum mutationes absque mutatione causarum ; sol enim de non illuminante hanc domum ianuis clausis, fit illuminans ianuis reseratis, nulla tamen facta mutatione in sole ; ignis item fit de non calefaciente calefaciens nihili mutatus ; imo omne agens quatenus agens immotum est, cum actio in passo sit, non in agente. Sol illuminat : illuminatio non in sole est, sed in aere ; ignis calefacit : calefactio non in igne, sed in aqua ⁶¹. Sic Deus, universo etiam peripatui, movet coelum manens semper immotus, cum sit primum movens ⁶² ; ita pariter absque ulla sui mutatione mundum creavit cum libuit.

sicut nec si mundus in tempore factus, mutatus est ergo opifex ;

Quod si potestate operans, non actu, dicatur, quidnam absurdi hinc evenit ? Num omnis potestas imperfectio censenda est ? Est utique potestas materiei imperfectio per formae adventum perfectione donanda ; at potestas agentium perfectio est, non imperfectio ; perfectus

Deus enim, dum agit, non seipsum perficit, sed opera quae facit.

61) Ms.: *Aquas*.

62) Cf. Aristot. *Physic.*, lib. 8, cp. 6, t. 1, pag. 258-259.

enim artifex, dum agit quae sui sunt muneris, non utique seipsum perficit, sed opificia; similiter sol illuminans et calefaciens ignis.

Nec concludi
potest ae-
ternitas mun-
di a ratione
temporis, quod
initium habere
nequeat;

tempus enim
et initium
habuit et fi-
nem habebit;
ita et mundus.

Quae autem a tempore sumitur ratio ⁶³, quod si tempus aliquando incepit tempus incepisset in tempore, figmentum vanissimum est. Dicam ego: extra supremam extimamque superficiem coeli non est locus. Num falsum id censendum est eo quod extra locum dicat locique differentia sit? Non utique, sed plane extra coelum etiam spatium quoddam inane imaginamur; ita et ante mundi creationem spatia quaedam temporum cogitamus et fingimus. Dicimus ergo tempus aliquando coepisse et aliquando etiam desitutum, idest quod non semper fuit, nec erit semper. Quid? Destruetur hic mundus? Utique: qui enim creavit potest et destruere, destruet etiam et nova faciet omnia ⁶⁴. Inexpiabile igitur facinus committet Deus perfectum hunc destruens mundum? Pravum est enim perfecta optimaque destruere; sed quid? Non destruit corruptione natura quaecumque generatione produxit? Non moriuntur plantae, animalia, homines? Id ergo inexpiabile facinus? Bona sunt tamen perfectaue universa, quae operatur natura, exceptis monstris, quae praeter eius intentionem fiunt.

Item non valet
illatio:
exemplar
mundi aeter-
nus est: ergo
et mundus;
quae enim
relative
dicuntur, si-
mul necesse
non est esse.

Arguunt alii ratione ab exemplari ideisque desumpta ⁶⁵; quod exemplar quidem mundi aeternum est: ergo et mundus. Relative enim dicitur; quae autem relative dicuntur, simul necesse est esse. Pater ergo non est genito filio prior, ad hunc enim relatione naturali refertur; quaenam insania haec? Plane et scibilia quaeque ad scientias quasque referuntur: priora sunt tamen; multa sunt enim scibilia adhuc minime scita; et quilibet architectus, ante constructionem aedificii, ipsius exemplar efformat ideamque ipsius mente figurat. Est ergo exemplar suapte natura aedificio prius.

Contra haec
deliramenta
omnesque
ethnicos
philosophos
Moyses,
summus
theologus et
philosophus,

Missis ergo inanis philosophiae his nugamentis vanisque ambagibus ethnicorumque philosophorum praestigiosis argumentis, ne dicam deliramentis et imposturis – levitate enim, ineptiis, inscitia et amentia plena sunt omnia, – ad Moysen, verae divinaeque philosophiae parentem, deveniamus. Vertex est enim omnium philosophorum, alpha sapientium omnium, culmen universae philosophiae omnisque sacra-

63) Cf. not. 39 huius *Dissert.*

64) Cf. Is 43, 19; 2 Cor 5, 17; Apc 21, 15.

65) Cf. Io.

Grammaticus *De Aeternitate Mundi*, pag. 11-18, qui hoc Procli argumentum confutat; Alexander Halensis *S. Theolog., Inquisit. 1*, tract. 2, q. 2, tit. 4, cp. 1.

tioris theologiae columen; vir omni sapientia humana divinaque omnique pietate plenus, omnisque sapientiae et pietatis in Deum magister et doctor, qui inter sapientes omnes, quos antiquitas coluit summeque admirata est, veluti sol inter astra fulget; qui sicut omnium penitus philosophorum, quorum monumenta extant, antiquissimus est primumque locum tenet, ita etiam omnes doctrina et sapientia longissime superat. Hic autem non mundi aeternitatem praestigiosis argumentis docet, sed rerum universitatem a Deo emanasse firmissime asserit.

statuit mundi
creationem a
Deo factam,

In principio creavit Deus coelum et terram, idest rerum universitatem; brevissima periodus paucissima verba complectens, sensus vero quamplurimos, et illos quidem altissimos, verissimos maximosque. Asserit enim his verbis *Divinus Moyses* Deum Optimum Maximum esse ens primum, independens, aeternum, universorum entium causam primam, perfectam, unicam, liberam et voluntariam. Si enim entium universitatem praecessit, omnium profecto natura et aetate primum necesse est dicere; si universa ab eo dependent, ipsum necesse est independentem fateri, non enim prius, a tanquam principio et causa dependeat, habere potest. Si entium universitas aliquando incepit, ipsum necesse est aeternitate gaudere. Si enim et ipse aliquando incepit, aliquo auctore incepisse dicendum est; quod enim penitus nihil est, penitus nihil operari potest. Posita igitur entium universitate, necesse omnino est universitatis auctorem aeternum esse: alioquin ex penitus nihilo nihil penitus fieri unquam potuisset. Si item universitas entium ab eo, tanquam principio et causa, dependet, ipse prima est causa: eo nanque nihil est prius; perfecta vero, quia ex nihilo, nullo ex ente, nulla ex praeiacenti materia, totum perfectumque mundum universum effecit; libera tandem, quia si non ab aeterno, sed aliquando creavit, non ergo ex necessitate naturae, sed ex liberi arbitrii voluntate creavit, cum libuit sibique complacuit. Haec igitur omnia *Divinus Moyses* simplici hac thesi et assertionem docet.

et Deum esse
causam pri-
mam, aeter-
nam, inde-
pendentem,
perfectam et
liberam.

Videndum nobis an rationi consentanea sit prima haec *Moyse* assertio; inani enim philosophiae absonum rationi videtur ut quippiam ex nihilo factum asseratur. Hinc enim philosophorum multi, elato arrogantiae supercilio, qua se veritatis et sapientiae deos profitentur, palmo coelum metiri, imo comprehendere volentes, omnino impossibile dicunt ex nihilo aliquid fieri. Deum enim putant ad instar

Nec valet
quod aliqui di-
cunt ex nihilo
nihil fieri;

Dei enim
omnipotentia
non indiget
praeiacente
materia.

artificum esse, qui nihil penitus ex nihilo facere possunt, sed semper ex apta dispositaque materia opificia sua perficiunt. Sed quam, quaeso, illatione consequitur ut, quod uni possibile non est, impossibile penitus asseratur? Non potest luna clarum splendidumque diem suo fulgore efficere: ergo non poterit sol? Non potest ars aut natura ex nihilo aliquid facere: ergo nec Deus? Nos ⁶⁶ ergo inanem philosophiam cum suis praestigiosis argumentis a tergo relinquentes, cum omnibus theologis dicimus Divini Moysis thesim divinamque assertionem non modo non absonam, sed consonam summeque consentaneam rationi esse.

Thesis Moysis
maxime conso-
na est rationi;

Mundum enim hunc vel factum vel non factum necesse est esse. Et quidem si ineffectus omnino est, utique erit, fueritque undequaque aeternus, cum nunquam inceperit esse. Nec aeternus modo, verum et ab omni penitus causa independens; quod enim omnino ineffectum est, nullam penitus causam, nullum principium habet; quod enim causam habet, subit rationem effectus. Rerum igitur universitas, si ineffecta omnino est, per sese dicenda est esse proprioque esse ab aeterno consistens, nullam penitus causam nullumve principium habens. At plane non omnia entia possunt huiuscemodi esse; quae enim suapte natura generabilia et corruptibilia sunt, causas et principia habent, effecta sunt, non infecta. Non igitur rerum universitas ineffecta penitus est.

cum enim
mundus sit
corruptibilis,
principium
habere debuit.

Omnia natura-
lia in operari
a se invicem
dependent,

Dicet quis: coelum, terra ⁶⁷ et corpora intermedia ingenita ineffectaque sunt: quare et aeterna. Ego autem simul independentia ab omni causa fatebor: nullum igitur horum ab alio pendet, vel alio posterius est; nulla enim prior est causa: per sese igitur ab aeterno consistentia sunt: per sese igitur etiam operantur; operatio enim cuiuscumque rei a proprio illius esse naturaque procedit: per sese igitur sunt et operantur. Sed dico: frustra ne haec et temere, an alicuius gratia operantur? Si frustra, inutilis plane totus hic mundus erit; si vero alicuius gratia, cuiusnam ut naturalia, plantae, animalia, homines generentur? Sed plane nullum horum corporum per sese haec generare possunt, vel terra sine aqua et coelo, vel sine his coelum. In operari igitur minime independentia sunt, sed utique a

se invicem dependent, ne frustra temereque operentur. Sed dico: coelum et elementa sensu ne et ratione praedita sunt, ut id, cuius gratia operantur, agnoscant? Si enim id non agnoscunt nulloque agente reguntur, quomodo inerranter operantur? Dicere vero terram sensu et ratione praeditam stolidissimum est. Quod si animam quis mundi ponat ⁶⁸, quae mundum regat, veluti a spiritu nostrum regitur corpus: ab aliqua igitur insensibili et invisibili causa mundus iste dependet; anima autem haec mundi, si Deus non est, quidnam entium erit?

et cum inerranter operentur, ab aliquo agente reguntur, qui est Deus.

Praeter haec vero, si mundana haec corpora ineffecta omnino sunt penitusque a quavis causa et principio independentia: erunt igitur natura et operatione usquequaque diversa nihilque commune habentia: mundus ergo non unus? Quis enim fieri potest ut suapte natura omnino diversa adversaque entia, unum per se constituent? Neque enim ordo esse profecto potest inter omnino diversa, ubi nec prius nec posterius est; quid igitur? Nullo est mundus hic ordine, situ et dispositione compositus? Aliqua igitur invisibilis est causa entium universitatem componens et ordinans. Non itaque mundus independens omnino, nec ineffectus; quod si corpora haec independentia ineffectaque sunt, cur non et infinita? Nullam enim habent determinantem limitantemque causam. Mundus ergo infinitus? Terra infinitum corpus? Sensus ipse reclamatur. Si igitur mundus hic unus est finitus et ordinatus, ineffectus omnino esse non potest.

Si corpora ingenita et independentia essent, unitas et ordo in mundo non existerent.

Sed ineffectum ex parte quis asserat, materiam nempe infectam, veluti si quispiam artifex ex materia quavis opificium quodvis efficiat, materiam quidem illius non faciet, sed accipiet efformabitque forma quam intendebat figuraque donatam: materia igitur mundi ineffecta erit: independens ergo, quare et infinita. Num igitur materia suapte natura infinita magnitudine est? Mundus ergo infinitus magnitudine erit; quod enim independens omnino est, infinitum necesse est esse; nullam enim habet limitantem causam esseque illius defi-

Nec admitti potest materia infecta et mundus finitus,

68) *Stanleius*: « Anima fontana agitari mundum Chaldaei putarunt ». *Historia Philosophiae*, sect. 2, cp. 2, pag. 1123; cp. 7, pag. 1126. *Genuensis*: « Φυχὴν mundi memorat passim Plato in Epistolis et in Timaeo, ubi idcirco mundum esse μέγα Ζῷον, magnum animal, docet... Certum est spiritum hunc universalem et mundi animam placuisse kabalistis, de quibus conferri potest Ioannes Franciscus Buddeus in introductione ad Historiam Philosophiae Hebraeorum... Qua de re consuli potest dissertatio de Anima Mundi Adami Rechembergii Theologi Lipsiensis ». *Elementa Metaphysicae*, Pars Prior, cp. 10, *De primis corporum substantiis*, pag. 187-188.

quia contra-
dictionem im-
plicat.

nientem ac circumscribentem. Non igitur independens coaeternaque Deo ponenda materies est; coaequalis enim etiam suapte natura Deo esset, uti infinita, mundusque simpliciter infinitus esset.

Mundus ergo
secundum
suam universi-
tatem a Deo
ex nihilo
factus est.

Mundum ergo universum factum necesse est dicere. Factum autem a seipso mundum insanum est et dicere; nihil enim seipsum generare potest. Quod enim gignitur et fit, minime est; quod autem nihil est, quomodo operari potest? Esse autem et non esse simul quippiam minime potest. Si mundus igitur ipse seipsum fecit, erat simul et non erat. Quod si facta rerum universitas est: ergo ex nihilo, cum nulla potuerit materia praeexistere ex qua entia fierent, quin et materia illa sit facta. Vel igitur ex alia, vel ex nulla: si ex alia, processus in infinitum dabitur, et tandem cum et ipsa in entium universitate comprehendatur, non enim nihil est, sed aliquod ens, ipsam necesse est factam asserere; implicat enim entium universitas facta et horum aliquid non factum.

Id statuit
Moyses in
prima sua the-
si, dicens: *In
principio crea-
vit Deus coe-
lum et terram.*

Hinc summa ratione *M o y s e s* rerum universitatem ex nihilo factam in prima sua thesi asseruit, dicens: *In principio creavit Deus coelum et terram. Creavit*, idest ex nihilo et simpliciter fecit. Aliud est enim fieri quale aut quantum, album sive magnum; aliud fieri substantiam, et aliud fieri natura hanc substantiam; aliud fieri omnem substantiam. Album enim fit ex non albo, et magnum ex parvo, idest subiectum, quod prius erat non album et parvum, fit album et magnum; prius tamen, absque his supervenientibus accidentibus, substantia erat. Cum item fit planta aut animal, fit hoc ex illo; materia enim erat prius sub alia forma; at si omnem dico substantiam fieri, dico simpliciter fieri. Si enim omne ens factum est, antequam fieret entium universitas nihil erat; fit enim quod non est; fit album quod non est album: ens quod non est ens: ergo nihil. Quod enim fit ex non ente actu ens actu, non simpliciter fit, sed tantum fit hoc ex illo.

Si autem mun-
dus factus est,
aeternus esse
non potest.

Si igitur universitas rerum simpliciter facta est, ex nullo penitus ente factam necesse est esse; quod si factus est mundus, aeternus profecto esse non potest. Id enim fit quod non est; semper autem esse et aliquando non esse manifesta est contradictio: non enim dicimus nunc coelum et terram fieri, quia sunt. Si ergo semper, uti nunc sunt, fuere, nunquam igitur facta sunt, quia nunquam minus fuere quam nunc sunt. Nullo itaque modo potest esse aeternum quod factum est.

Necesse est autem ut causa suapte natura prior sit suo effectu ; ut enim efficiens cum suo effectu simul in eodem instanti primo inceperit, impossibile est. Effectus enim in uno eodemque instanti simul esset et non esset ; quod enim fit, non est. Si ergo in instanti primo erat, non fiebat ; quod si fiebat et erat, simul erat atque non erat. Necesse est ergo ut saltem per instans efficiens mundi causa praecesserit eum. Si per instans : post istud igitur mundus incepit ; quod si praecessit Deus mundum, nonnisi propria duratione praecessit : propria autem duratio eius aeternitas est. Aeternitate ergo causa aeterna mundum praecessit.

Cum autem Deus sit causa mundi, necessario effectum praecessit aeternitate, quia duratio eius aeternitas est.

Sed age, dicamus posse quippiam ab aeterno fieri ; sit factus ab aeterno mundus ; factum ab aeternitate coelum ; num corpus istud, quod perpetuo circulo ferri videmus, factum cum motu et tempore est, an sine his ? Si sine his dicatur : coelum suapte natura, an vi fertur hoc motu ? Si suapte natura : quomodo ergo contra naturam suam perpetuis saeculis in aeternitate mansit immotum, et ex tempore postea coepit moveri ? Si vi movetur : cur motum perpetuum habet ? Nullum plane violentum perpetuum. Quod si cum his factum est, tempus et motus non possunt esse aeterna, non enim infinita ; aeternitas vero infinitudo quaedam est. Patet vero non posse aeternum esse tempus ; quod enim finitis partibus constat, infinitum esse non potest. Momenta vero horae diesque finita cum sint, tempus nequaquam infinitum possunt efficere. Quod si infinita sunt momenta, infinitae horae, dies, menses et anni : saecula etiam erunt infinita. Si enim haec finita sunt, tempus item finitum erit ; si vero infinita et haec, non plura pertransiere saecula quam dies, quam horae, quam momenta. Pars ergo et totum aequalia erunt, hora diei, mense, anno saeculoque aequalis. Infinito autem infinitius dari minime potest, nec quippiam maius, alioquin minime infinitum.

Nec tempus aeternum esse potest, quia finitis partibus constat : ergo nec motus.

Adhuc : si tempus infinitum est, hodierna profecto dies ab aliquo tempore infinite distabit. Sed distat ne infinite ab omnibus diebus praeteritis ? Plane et ab hesternae die infinite distabit. Sed forte ab aliquibus pluribus, an una ? Si pluribus : num illae simul fuerunt, an una post aliam, uti nunc ? Si una post aliam : num inter eas quoque infinita distantia est ? Una est dare, a qua ceterae infinite distent ; plures enim dies simul esse non possunt. Illa vero una infinitum ne tempus est, an finitum ? Si finitum, incepit ; si vero infinitum, quo-

Insuper ex aeternitate temporis plures difficultates exurgerent.

modo dies una? Quievit ne infinito tempore coelum contra naturam? Quod si ab una tantum hodierna dies infinite distat, plane infinitum finitum terminis erit, hodierna nempe die et illa, a qua infinite distat.

Quod de tempore dictum est, idem dicendum est de motu,

De motu vero eadem sunt rationes. Constat enim ex finitis partibus; quomodo ergo infinitus? Diurnae enim circulationes finitae sunt; item lunares atque solares; quod item coelum. Plures circulationes peregit primum mobile lunae, an solis? Si aequales: motus diei aequalis erit motui mensis et anni; si hoc plures, illud vero pauciores: dabitur infinito maius. Hodierna item circulatio ab alia antecedente infinite distabit; si enim a nulla, non est infinitus motus; si ab aliqua, infinitum clausum est terminis. Quod si aeternum tempus est, infinita processit multitudo dierum, circulationum, generationum, lapidum, plantarum, animalium, hominum et aliorum quorumcumque natura constantium. Multitudo vero infinita esse non potest; omnis enim numerabilis est: numerus vero omnis finitus est, habet enim principium; fine etiam non caret, omnis enim adiectione unitatis fit maior; nec dari numerus potest qui adiectione unitatis non crescat: infinitum vero nec crescere nec minui suapte natura potest. Numerus item omnis partium ordinem et mensuram dicit. Quod si infinita rerum multitudo processit, quomodo fit infinitum maius? Plures enim homines, animalia, plantae, folia, flores, fructus, semina nunc genita sunt, quam mille abhinc retro annis; pauciores vero ⁶⁹ horum generationes nunc sunt, quam sint futurae in posterum. Infinitum ergo minus maiusve esse potest et pertransitum iam erit: quod plane infinito repugnat. Quod si futurum infinitum tempus pertransiri non potest, uti nec numerus, quomodo futuro ⁷⁰ huic aequale praeteritum est?

quia etiam motus partibus constat.

Admissa aeternitate motus et temporis infinitate, plurima sequerentur incommoda, quae ratio explicare non posset.

Sed age, pertransitum sit infinitum tempus, factum sit ab aeterno coelum; cum factum est coelum, sol in quam coeli parte factus est? Nunc quidem vel in oriente [est], vel in meridie, vel in occidente, vel in opposito hemisphaerio; sol, inquam, iste in quam parte factus est? In omnibus simul, in nulla, an in una tantum? Si nullibi: quomodo factus? Si ubique: quomodo corpus, unum suapte natura, in locis pluribus simul? In una igitur solum: in hac vero quomodo factus est? Cum motu, uti nunc, an cum quiete, ut postmodum coeperit motu cieri? Si cum quiete: mansit ergo immotus tempore infinito in

69) Ms.: *Quam sint* repetitur.

70) Ms.: *Pertransito*.

aeternitate cuius non est invenire principium, nec primum instans. Sed nullum violentum perpetuum. Si naturalis illi motus, vi mansit tempore infinito immotus; si vero quies illi naturalis, vi nunc perpetuo movetur. Quod si cum motu, uti et nunc, factus est, ab ea, inquam, parte in qua factus est, usque ad oppositam eius, puta ab oriente ad occidentem^{70*} vel e contra, quantum absumpsit temporis? Finitum, ut nunc, an infinitum? Si finitum: non est tempus aeternum; duodecim enim horarum spatio semicirculus iste perficitur; si vero infinitum: cur nunc finito peragit? Non ergo naturaliter, ut nunc, movebatur: infinito igitur tempore vi fuit detentus, ne suapte natura, uti nunc, moveretur. — Mobili item aeterno dato, motus infinitus aeternusque esse non potest. Demus aeternum ignem aeternumque combustibile; combustio non potest esse aeterna; calefactio enim praecedit, nec fit in instanti combustio. Item, in aeternitatis primo instanti, ante quod imaginatione et intellectu non sit sumere prius, sit motor et mobile: motus esse non potest; non enim fit in instanti motus. Aeternus igitur esse minime potest, sed naturaliter mobile aeternitate quievisse dicendum erit.

Praeter haec vero, cum mundus factus est in nostro hoc hemisphaerio, vel nullum erat tempus, non dies neque nox, ver aut aestas, autumnus vel hiems: vel omnia simul, vel plura, vel unum tantum. Si nullum: non est tempus aeternum; si omnia: erant contraria simul aestas et hiems, dies et nox in hemisphaerio uno, non plura; non enim potest simul sol adesse et abesse, accedere et recedere. Unum ergo; sed quid? Fuit ne infinita dies aut nox? Infinitum ver aut aestas, autumnus aut hiems? Mundus ergo sicut magnitudine finitus est, ita et tempore, et sicut non potuit infinitus coaequalis consubstantialisque Deo fieri, ita nec coaeternus. Quod si innumeris saeculis ante creatus fuisset, fieri tamen non potest quin ante creari potuerit; quod si coaeternus sit Deo, ante nequaquam creari potuerit; neque enim ante aeternitatem spatii quicquam est sumere, nec instans quidem. Necessario igitur productus erit; nam si libere, potuit non produci. Coaeternus autem non potuit; non enim ante, quia aeternitate nihil est prius aut anterius; non postea, quia quod semel factum est, necessario factum est, nec possunt quae facta sunt infecta fieri, ingenitaque quae genita

Insuper si mundus infinitus esset duratione, infinitus etiam esset magnitudine,

et non libere, sed necessario productus;

70*) Ms.: *Occidens*, et infra: *Oriens*; hae voces in quarto casu semper ponuntur genere neutro.

sunt; nec in eodem aeternitatis instanti; quod enim est, necesse est esse, non enim potest quippiam simul esse et non esse. Deus autem non necessitate naturae, uti sol illuminat et ignis calefacit, operatur; sed cum intellectu sit praeditus, ex liberi arbitrii voluntate.

si autem
necessario
productus,
non daretur
diversitas
entium, quia
causa simplex,
una et neces-
sario operans,
nonnisi unum
ens homoge-
neum produ-
cere potest.

Quod si ex necessitate operatur, unde entium tam multiplicium diversitas? Omnis enim causa simplex et una unum tantummodo operatur: ignis calefacit, sol illuminat, coelum movetur. Deus ergo, cum una simplexque et incompressa omnino natura ⁷¹ sit, si ex necessitate naturae operaretur, nonnisi unum produxisset ens homogeneum, unius eiusdemque rationis; mundus vero heterogeneum quoddam totum universumque est; non enim ignis eiusdem naturae cum aqua, nec terra cum coelo. Vel ergo dicendum erit entium universitatis causam esse multiplicem pluresque primas causas effingere, vel primam causam Deum non necessitate naturae, sed intellectu et liberi arbitrii voluntate operari: mundum ergo non producere, ut suapte natura liber. At si ab aeterno produxisset, non produxisse minime potuisset producendique libertate caruisset.

At sicut Deus
non potest
mundum
creare sibi
coaequalem,
sic nec sibi
coaeternum.

Quod si quis dicat ab aeterno Deum eiusdem potestatis, sapientiae bonitatisque fuisse ac cum mundum creavit: cur ergo ex tunc non potuit? Dicam: si nunc etiam ac tunc eadem potestate gaudet, cur modo aeternum facere non potest? Cur non infinitum sibi coaequalem et consubstantialem? Quia id quidem minime possibile est. Sic de aeternitate dico.

Ideo ut doce-
ret mundum a
Deo libere et
in tempore
creatum,
Moyses ait:
*In principio
creavit Deus
coelum et ter-
ram.*

Monstratum igitur est mundum non esse independentem et infectum, vel totum vel ex parte; non factum a semetipso et aeternum; factum autem aliquando. Factum vero necesse est ab aliquo: omne enim quod gignitur, ab aliquo gigni necesse est; a seipso enim [non] potest, simul nanque esset et non esset, quod impossibile est. Necesse igitur est entium universitati efficientem causam tribuere et illam quidem independentem atque aeternam. Si enim nihil ab aeterno fuit, a quonam factum universum erit? Si enim aliquando nihil prorsus nullumque penitus ens fuisset, impossibile profecto esset ens aliquod reperire, et nunc quoque nihil esset. Hinc Divinus Moyses sapientissime quidem et solertissime mundi universi facturam Deo Optimo Maximo tribuit, dicens: *In principio creavit Deus coelum et terram.*

71) Ms.: Cum repetitur.

Divina plane sententia, quae in paucissimis verbis altissimos sensus, abditos quidem, sed verissimos continet. Non enim Moyses similis esse voluit verbosis humanae sapientiae professoribus, quibus lingua tantum sapit, mens vero desipit; qui arboribus similes sunt infecundis, steriles tantum flores producentes, fructus autem vel nullos. Moyses vero, divinus Vates, ad instar ligni est, *quod plantatum... secus decursus aquarum*⁷², uberrimos fructus veritatis, doctrinae et sapientiae affert, foliaque eius non defluunt: verba enim eius non inania sunt, sed divinae sapientiae plena. Haec autem mosaica thesis ad instar vitalis ligni illius est, quod affert in paradiso secus flumen fructus duodecim⁷³. Thesis enim haec oculatius inspecta diligentique intellectu conspecta duodecim divinae philosophiae propositiones affert.

Ex hac autem thesi fundamentalis duodecim aliae sequuntur theses,

Prima: mundum non esse independentem et ineffectum; secunda: non esse factum casu vel a seipso; tertia: factum esse a Deo; quarta: factum ex nihilo nulla praeexistente materia; quinta: factum absque ullo motu aut mutatione, uti quae natura generantur, et absque temporis mora, sed in instanti; sexta: factum non ab aeterno, sed aliquando habuisse initium; septima: Deum esse naturam primam ante omnia; octava: esse Dei naturam independentem nulliusque egentem; nona: esse aeternam, ante omne tempus; decima: esse primam causam principiumque unde coelum et natura secundum esse simpliciterque dependent, quae dederit esse his quidem clarius, illis vero obscurius; undecima: causam esse per seipsam perfectam optimamque, quae nullius secundae causae eguerit, vel materialis, vel instrumentalis, ministerialis, vel extrinseci exemplaris, motus aut temporis, uti mundani artifices; duodecima tandem: causam esse non necessariam, sed liberam, quae mundum quando et quomodo magis libuit voluitque creavit.

quae demonstrant mundum a summa intelligentia factum ab eaque dependentem,

Sequuntur vero omnes divinae philosophiae hae theses axiomataque ex illa, et necessario quidem si quis advertat, rationi vero admodum consentaneae. Prima quidem: non esse mundum hunc independentem omninoque ineffectum. Quis enim permagnum aedificium videns, a nullo existimet domificatore factum? Horologium a nullo artifice? Hominem a nullo homine natum? Si enim omnino ineffectus esset, utique, uti diximus⁷⁴, infinitus esset, nullam habens determinantem.

72) Ps 1, 3.

73) Cf. Apc 22, 2.

74) Cf. pag. 71 huius Dissert.

causam ; terminari vero a seipso non potest, quia idem non est suiipsius causa. Quod item independens, unum necesse est esse et simplex primumque ; mundus vero non unum ens, sed multa ; non simplex, sed compositum ; nec primum, quia componentia principia formam materiamque habet. Rationi item consentaneum est mundum non a seipso, vel casu factum ; idem enim non potest esse causa ⁷⁵ suiipsius : esset enim et non esset ; quod autem casu fit, ordine et ratione caret : mundus vero summo ordine, dispositione et ratione gaudet. Desiperet vero si quis opificium quodpiam summa arte et ratione compositum, a seipso, cum non esset, vel casu et nulla ratione factum, vel hominem casu, vel a seipso natum opinaretur. Ordo igitur dispositioque elementarium et coelestium corporum, astrorum, planetarum, motuum, temporum et actionum naturae semper inerrantis, mundi facturam ostendit a causa longe potentissima longeque sapientissima, a qua omnis penitus entium universitas pendeat, administretur serveturque ne pereat.

non a seipso,
vel casu;

ordo enim, qui
in universitate
conspicitur,
potentiam
et sapientiam
infinitam
clare ostendit.

DISSERTATIO SEXTA

DE PRINCIPIIS RERUM

In principio, sive principium, creavit Deus coelum et terram. Terra autem erat inanis et vacua, et tenebrae erant super faciem abyssi... Et dixit Deus : Fiat lux¹, etc.

De naturalium rerum principiis satis superque controversum digladiatumque est antiquis physiologis, his quidem unum tantum, aliis vero multa ponentibus : his plura, aliis pauciora : his finita, aliis infinita. Parmenides enim unum principium finitum et immobile posuit² ; Melissus vero unum immobile, sed infinitum³ ;

Antiquorum
philosophorum
opiniones
circa natura-
lium rerum
principia.

75) Ms.: *Natura*.

1) Gn 1-3. Vulg.: *Dixitque Deus*, etc. 2) Cf. S. Clemens Rom. *Recognitiones*, lib. 8, (P. G. 1, 1378); Eusebius Caesar. *Praeparat. Evang.*, lib. 1, cp. 8, ibid. 21, 58; Aristot. *Physic.*, lib. 1, cp. 2, t. 1, pag. 197-198; *Metaphysic.*, lib. 1, cp. 5, t. 2, pag. 487-488; Diog. Laertius *De Vita et Moribus Philosophorum*, lib. 9, pag. 370; Conimbricenses *Physic.*, lib. 1, cp. 7, q. unica a. 1-3. 3) Cf. Aristot. *Physic.*, lib. 1, cp. 2-3, t. 1, pag. 197-198; *Metaphysic.*, lib. 1, cp. 5, t. 2, pag. 487-488; Diog. Laertius op. cit. lib. 9, pag. 371.

Thales, quem sex alii Graeciae sapientes secuti sunt, aquam dixit principium esse naturalium rerum⁴, humido maxime videns viventia quaeque consistere; Diogenes⁵ et Anaximenes⁶ aerem posuerunt; Heraclitus ignem⁷; Hesiodus terram⁸. Alii posuere vaporem mediam inter aquam aeremque substantiam⁹; Anaxagoras posuit¹⁰ chaos atomorum dissimilarium specie differentium contrariisque qualitatibus dissidentium, ex quibus divisis et condistinctis divina mens mundum hunc composuit. Anaximander et ipse atomos posuit¹¹ ex chao factas; item et Democritus¹², sed omnes eiusdem rationis figura tantum et situ differentes. Empedocles¹³ et Hippocrates¹⁴ elementa quattuor posuere; alii tria, excepta terra; alii duo extrema: ignem

- 4) Cf. S. Clemens *Recognitiones*, lib. 8, (P. G. 1, 1378); Eusebius Caesar. *Praeparat. Evang.*, lib. 1, cp. 8, ibid. 21, 55; lib. 14, cp. 14, ibid. col. 1250; Tertullianus *Adversus Marcionem*, lib. 1, cp. 13, (P. L. 2, 260); *De Anima*, cp. 5, ibid. col. 653; Lactantius *Divinae Institut.*, lib. 2, cp. 10, ibid. 6, 309; S. Augustinus *De Civitate Dei*, lib. 8, cp. 3, 5, ibid. 41, 226, 230; Aristot. *Metaphysic.*, lib. 1, cp. 3, t. 2, pag. 486; An. Seneca *Naturalium Quaestionum*, lib. 3, cp. 13, pag. 869. 5) Cf. S. Clemens *Recognitiones*, lib. 8, (P. G. 1, 1378); Eusebius Caesar. *Praeparat. Evang.*, lib. 1, cp. 8, ibid. 21, 62; S. Augustinus *De Civitate Dei*, lib. 8, cp. 2, (P. L. 41, 226); Aristot. *De Anima*, lib. 1, cp. 2, t. 1, pag. 381; *Metaphysic.*, lib. 1, cp. 3, t. 2, pag. 486; Diog. Laertius op. cit. lib. 9, pag. 383. 6) Cf. Eusebius Caesar. *Praeparat. Evang.*, lib. 1, cp. 8, (P. G. 21, 58); lib. 14, cp. 14, ibid. col. 1251; Tertullianus *Adversus Marcionem*, lib. 1, cp. 13, (P. L. 2, 260); *De Anima*, cp. 9, ibid. col. 660; Lactantius *Divinae Institut.*, lib. 1, cp. 5, ibid. 6, 134; S. Augustinus *Epist.* 118, cp. 4, ibid. 33, 442-443; *De Civitate Dei*, lib. 8, cp. 5, ibid. 41, 230; Aristot. *Metaphysic.*, lib. 1, cp. 3, t. 2, pag. 486; Diog. Laertius op. cit. lib. 2, pag. 60-61. 7) Cf. S. Clemens *Recognitiones*, lib. 8, (P. G. 1, 1378); Eusebius Caesar. *Praeparat. Evang.*, lib. 14, cp. 14, ibid. 21, 1251; Tertullianus *Adversus Marcionem*, lib. 1, cp. 13, (P. L. 2, 260); *De Anima*, cp. 5, ibid. col. 653; Lactantius *Divinae Institut.*, lib. 2, cp. 10, ibid. 6, 309; S. Augustinus *De Civitate Dei*, lib. 6, cp. 5, ibid. 41, 181; Aristot. *Metaphysic.*, lib. 1, cp. 3, t. 2, pag. 486; Diog. Laertius op. cit. lib. 9, pag. 364. 8) Cf. *De Generatione Deorum*, vr. 116. 9) Cf. Aristot. *Physic.*, lib. 3, cp. 4, t. 1, pag. 213. Forsitan ii sunt qui posuerunt quiddam mixti ex aqua et igne ut Reginus Hippus, vel inter aerem et aquam, ut Anaximander Milesius, mutata de atomis sententia. Cf. Conimbricenses *Physic.*, lib. 1, cp. 7, q. 1, a. 2. 10) Cf. S. Clemens *Recognitiones*, lib. 8, (P. G. 1, 1378); S. Augustinus *De Civitate Dei*, lib. 8, cp. 2, (P. L. 41, 226); Aristot. *Physic.*, lib. 1, cp. 4, t. 1, pag. 199; *De Coelo*, lib. 3, cp. 3-4, ibid. pag. 194-195; Diog. Laertius op. cit. lib. 2, pag. 62-65. 11) Cf. S. Clemens *Recognitiones*, lib. 8, (P. G. 1, 1378); Eusebius Caesar. *Praeparat. Evang.*, lib. 1, cp. 8, ibid. 21, 55; Tertullianus *Adversus Marcionem*, lib. 1, cp. 13, (P. L. 2, 260); S. Augustinus *De Civitate Dei*, lib. 8, cp. 2, ibid. 41, 226; Aristot. *Physic.*, lib. 1, cp. 4, t. 1, pag. 199. 12) Cf. Eusebius Caesar. *Praeparat. Evang.*, lib. 14, cp. 14, (P. G. 21, 1231); Aristot. *De Coelo*, lib. 3, cp. 4, t. 1, pag. 213; *Metaphysic.*, lib. 1, cp. 4, t. 2, pag. 487; Hesychius Milesius *De His Qui Eruditionis Fama Claruere*, pag. 25-26; Diog. Laertius op. cit. lib. 9, pag. 378-379. 13) Cf. S. Clemens *Recognitiones*, lib. 8, (P. G. 1, 1378); Eusebius Caesar. *Praeparat. Evang.*, lib. 1, cp. 8, ibid. 21, 59; lib. 14, cp. 14, ibid. col. 1231; Aristot. *De Coelo*, lib. 3, cp. 3, t. 1, pag. 294; *Metaphysic.*, lib. 1, cp. 4, t. 2, pag. 487; Diog. Laertius op. cit. lib. 8, pag. 355. 14) Cf. Galenus *In Libros Hippocratis Commentarii, De Elementis*, lib. 1, cp. 1, t. 1, f. 2-5.

et terram¹⁵. Pythagoras numeros posuit¹⁶: parem et imparem; Plato vero, si Aristoteli credendum est, tria posuit¹⁷: parvum, magnum et νοὸν¹⁸ sive ideam. Aristoteles tandem in principiorum tractatu laborem et operam maximam consumpsit.

Contra hos
Aristoteles
posuit tria
principia re-
rum: mate-
riam,
formam et
privationem;

Docuit enim naturalium rerum non unicum esse principium vel finitum vel infinitum, contra Parmenidem et Melissum¹⁹; nec esse infinita principia, contra Anaximandrum et alios²⁰; non chaos et ὁμοιομεράς²¹, contra Anaxagoram; non atomos, contra Democritum et Leucippum²²; non elementa haec sensibilia, contra Empedoclem²³; non numeros atque figuras, contra Pythagoram²⁴; nec tandem magnum, parvum et ideas, contra Platonem²⁵; sed oportere principia esse finita, permanentia, ingenita et ab aliis et a seinvicem, ut ex iis omnia generentur, esse contraria; et tandem nec plura nec pauciora quam tria, nempe: materiam, formam et huic oppositam privationem²⁶; praeter haec vero dari efficiens et finale principium omnium natura constantium. Quindecim has theses de naturalium rerum principiis opere verbosissimo Aristoteles docuit²⁷. Aristoteles ergo contra

15) Cf. Aristot. *Physic.*, lib. 1, cp. 4, t. 1, pag. 199-200; lib. 3, cp. 4, pag. 213; *De Coelo*, lib. 3, cp. 3-5. ibid. pag. 294-296; *Metaphysic.*, lib. 1, cp. 3. 5, t. 2, pag. 485-486. 488. 16) Cf. S. Clemens

Recognitiones, lib. 8, (P. G. 1, 1378); S. Augustinus *De Civitate Dei*, lib. 6, cp. 5, (P. L. 41, 181); Aristot. *Metaphysic.*, lib. 1, cp. 5-6, t. 2, pag. 488-489; lib. 12, cp. 6-8, pag. 569-573; lib. 13, cp. 3, pag. 577-578; Diog. Laertius op. cit. lib. 8, pag. 336. 17) Cf. *Physic.*, lib. 1, cp. 4, t. 1, pag. 199; *Metaphysic.*, lib. 1, cp. 6, t. 2, pag. 489. 18) Ms.: *Unum*. 19) Cf. *Physic.*, lib. 3, cp. 3, t. 1, pag. 198-199; *Metaphysic.*, lib. 1, cp. 7, t. 2, pag. 490-493. 20) Cf.

Physic., lib. 3, cp. 4, t. 1, pag. 199; *Metaphysic.*, lib. 1, cp. 7, t. 2, pag. 490-493. 21) Ms.: *Homoeomerias* et infra; cf. not. 10 huius *Dissert.* 22) Cf. *De Coelo*, lib. 3, cp. 3-5, t. 1, pag. 294-296; *Metaphysic.*, lib. 1, cp. 4. 7, t. 2, pag. 487. 490-493. 23) Cf. *Physic.*, lib. 1, cp. 4, t. 1, pag. 199-200; *De Coelo*, lib. 3, cp. 3-5, ibid. pag. 294-296; *Metaphysic.*, lib. 1, cp. 7, t. 2, pag. 490-493. 24) Cf. *Metaphysic.*, lib. 1, cp. 7, t. 2, pag. 491-492; lib. 13, cp. 3, pag. 577-578. 25) Cf. *Physic.*, lib. 1, cp. 4, t. 1, pag. 199-200; *Metaphysic.*, lib. 1, cp. 7, t. 2, pag. 490-493. 26) Ms.: *Materia, forma et huic opposita privatio*. 27) Cf. *Physic.*, lib. 1, cp. 5-7, t. 1, pag. 200-202; *Metaphysic.*, lib. 7, cp. 7-8, t. 2, pag. 526-528; lib. 12, cp. 3, pag. 559-560. In his locis Aristoteles statuit tria esse principia rerum materialium, quae ἀρχαί nominat: materiam, formam et privationem; elementa vero quattuor, στοιχεῖα appel-

componitur, primo inexistente indivisibili specie in aliam speciem eodem dicitur «id ex quo t. 2, pag. 510), seu, ut *Contimbricenses* explicant: «Elementum est id ex quo aliquid ita distinctam seculi nequeat». *De Generat. et Corrupt.*, lib. 2, cp. 3, q. 1, a. 1. Ad haec quattuor elementa, ut ipsemet Aristoteles docet, pertinent etiam quattuor copulae, idest calidum et siccum, calidum et humidum, frigidum et siccum, frigidum et humidum. Cf. *De Coelo*, lib. 4, cp. 5, t. 1, pag. 303; *De Generat. et Corrupt.*, lib. 2, cp. 3, ibid. pag. 318. Non abs re tamen erit adducere hic, illustrationis causa, quae cl. H. Schaaf scripsit circa hanc opinionem Aristotelis de principiis rerum. «Proprius auctor systematis de materia et forma est, uti vidimus, Aristoteles (appellatur haec doctrina systema Aristotelis, vel systema peripate-

omnes antiquiores philosophos, tria naturalium rerum principia ponit: materiam, formam et privationem.

Moyses vero, theosophiae parens philosophorumque omnium alpha, duo tantum principia ponit, coelum et terram, dicens: *בְּרֵאשִׁית בָּרָא אֱלֹהִים אֶת הַשָּׁמַיִם וְאֶת הָאָרֶץ*: ²⁸ *In principium creavit Deus coelum et terram. In principium, inquam, naturalium omnium rerum, de quibus postmodum disserit, de plantarum, animalium et hominum productione verba faciens* ²⁹, coelum statuit tanquam activum principium patremque naturae, terram vero tanquam passivum et matrem. Nunc, quaeso, videamus utra sint vera principia, Moysis an Aristotelis.

Moyses vero
duo ponit:
coelum,
tanquam
principium ac-
tivum, et ter-
ram, tanquam
principium
passivum.

Et quidem si verae sunt aristotelicae theses, vera necesse est esse Moysis principia. Non enim unum tantum, cum Parmenide, Moyses principium posuit, nec infinita, cum aliis; non chaos et *δυσκοιμῆρας*, cum Anaxagora; non atomos, cum Democrito et Leucippo; non elementa, cum Empedocle; non mathemata, numeros aut figuras, cum Pythagora;

Et haec prin-
cipia finita
sunt, perma-
nentia, in-
genita, sim-
plicia, contra-
ria, ex quibus
omnia, quae in

ticum, vel systema scholasticum, vel Hylemorphismus). Retinebatur haec doctrina in *schola peripatetica* ab Aristotele fundata, quae remansit usque ad annum 200 p. Chr., licet variis modis modificata. Praeclara commentaria in Aristotelis opera etiam postea adhuc scripserunt *Alexander de Aphrodisia* (c. 200 p. Chr.), *Themistius* (saec. 4), *Philoponus* et *Simplicius* (saec. 6). Ex *Patribus Ecclesiae*, qui generatim operam non dederunt istis studiis cum revelatione parum connexis, Aristotelis sententia fere solum a *S. Ambrosio* et *S. Augustino* commemoratur. *S. Ambrosius* notat: «Ponebant alii quoque, ut Aristoteles cum suis disputandum putavit, duo principia, materiam et speciem et tertium cum iis, quod operatorium dicitur, cui competeret competenter efficere» (P. L. 14, 123. B: Ecce iam non amplius scitur, principium agendi cum forma coincidere). *S. Augustinus*, praesertim in *Confess.* (XII, c. 6 et 7), proprium conceptum materiae primae praeclare evolvit. Plures Patres de materia *informi* et *inordinata* loquentes intelligunt solum chaos, quod erat initio post creationem. Ex *Pseudo-Dionysio Areopagita* et *Boethio* primi scholastici (ante saec. XII) vagam quamdam istius doctrinae notitiam acceperunt. *Philosophi Arabici* (*Avicenna* + 1037 et *Averroes* + 1198) commentaria in Aristotelem scripserunt et generatim eius doctrinam de materia et forma acceptarunt, tamen non sine magnis mutationibus. Saeculo demum XIII opera Aristotelis per Arabes «ope virorum doctorum in Hispania» in occidenti nota facta sunt (Universitas Parisiensis erat tunc centrum scientiarum) et doctrina de materia et forma, saltem quoad principia fundamentalia, ab omnibus scholasticis (*Alex. Halensi*, *Alberto M.*, *S. Thoma*, *S. Bonaventura*, *Scoto*...) semper defendebatur. Tempore vero reformationis deserui et impugnari coepit. Initio vero saec. XVII per physicos (*Galilaeum*, *Baconem*) et philosophos (*Cartesium*, etc.) plane reprimebatur et ad finem saec. XVIII et prima parte saec. XIX oblivioni erat tradita. Medio vero saec. praeterlapso iterum revixit (*Sanseverino*, *Zigllara*, *Liberatore*, *Kleutgen*...), hodie generatim in scholis catholicis propugnatur, quin tamen ullo modo consensus inter ipsos catholicos hac in quaestione adsit. Plures doctrinam scholasticam relinunt (uti *Hagemann*, *Hertling*, *Baumker*, recentius (1903) *Schmoeller: Doctrina scholastica de materia et forma*, et (1904) *J. Laminne: Les quatre elements. Histoire d'une Hypothèse*). Alii eam plus minusve modificandam censent *Institutiones Cosmologiae*, Part. 2, a. 2, n. 359, nota 2, pag. 288-289. 28) Ms.: *Berescilla Elohim eth hascamain veeth haures*. 29) Cf. Gn 1, 1-2, 1 sqq.

natura sunt,
generantur;

nec magnum, parvum et ideas, cum Platone. Sed finita principia posuit duo, nempe: coelum et terram; permanentia: permanent enim semper haec; non ex aliis generata: neque enim haec, uti mixta, ex aliis elementis constant, cum sint simplicia corpora; neque ex seinvicem: non enim coelum ex terra aut ex coelo terra constat; ex his omnia fiunt, ut sensus ipse demonstrat, et si qua est in substantia contrarietas, haec maxime contraria sunt; illud enim semper mobile, haec perpetuo stabilis; illud translucidissimum, haec opacissima; illud diei parens, haec noctis mater; illud lucis domicilium, haec tenebrarum nidus; illud caloris fons et origo, haec frigoris radix et causa. Ex ipsis met ergo aristotelicis thesibus verissima sunt quae *M o y s e s* rerum principia posuit.

ut etiam
sensus ipse de-
monstrat;

Sensus etiam ipse manifeste demonstrat ex primis hisce corporibus universa oriri; nihil enim terra nisi coeli influxibus fecundata producit, quemadmodum nec femina parere, nisi concepto virili semine potest. Sicut ergo geniti animalis uterque parens est auctor, ita coelum et terra principium sunt rerum natura constantium. Quae autem *A r i s t o t e l e s* principia posuit: materiam, formam atque privationem, inspecta principii ratione, nec nomine quidem hoc digna mihi videntur, eo absum ut principia rerum vere adiudicem; nec absque ratione quidem, praecipuis iis thesibus oculate inspectis, quas ipse de principiis tradidit.

dum e contra
ea, quae *A r i s t o t e l e s*
posuit,
principii
rationem non
habent.

Sunt autem praecipuae tres; prima quidem: oportere principia esse contraria; altera: oportere principia esse ingenita et ab aliis et a seinvicem; tertia: ut ex his generentur et fiant quaecumque natura fiunt. At quid fieri potest ut, quaecumque fiunt entia, ex contrariis fiant? Quaecumque enim generantur entia, substantia sunt: substantiae autem, ut docuit ipse³⁰, nihil est contrarium; prima autem contrarietas in qualitate sita est. Cum item substantiarum principia oporteat esse substantiam, quomodo erunt contraria? Quae enim, secundum ipsius doctrinam, contraria sunt, accidentia sunt; ut autem substantiae principia accidentia sint, minime convenit³¹. Magis ergo similia dicenda sunt naturalium rerum principia, quam contraria;

³⁰) Cf. *Physic.*, lib. 1, ep. 6, t. 1, pag. 201; *Metaphysic.*, lib. 14, ep. 1, t. 2, pag. 575.

³¹) Cf. *Categoriae*, *De Substantia*, t. 1, pag. 9-11; S. Thomas *S. Theolog.*, 1^a, q. 115, a. 1, c.; *Contra Gent.*, lib. 3, ep. 69; *Conimbricenses Physic.*, lib. 2, ep. 7, q. 18, a. 3.

ex similibus enim similia procreantur, calidum ex calido, homo ex homine, substantia ex substantia.

Sed inquiunt ³² reperiri in substantia corporeum et incorporeum, animatum et inanimatum, sensibile et insensibile, rationale et irrationale. Utique; sed corporea substantia non ex incorporea fit, nec rationale ex irrationali, homo ex bruto. Dicit autem Aristoteles contraria principia privationem et formam ³³. Sed si privatio nihil est, cur censeri debet naturalium rerum principium, non ens entis principium? Num mors est principium vitae, caecitas visus, nox diei, quies motus? Ante motum ergo fuit aliquando quies: quomodo ergo motum dixit aeternum? Sed ne ludere cum Aristotele videamur, agamus rationibus. Privatio profecto nihil est, suapte natura, non ens est; omne enim ens vel substantia, vel accidens est: accidens autem substantiae principium esse non potest: quare privatio haec, quae principium ponitur, accidens non erit. Substantia autem omnis, secundum ipsum, vel materia est, vel forma, vel ex his constans: privatio autem nullum horum.

Magis probatur falsam esse Aristotelis sententiam, qui privationem ponit inter principia rerum.

Aiunt autem eius sectatores ³⁴ privationem principium esse non genitae rei, sed generationis; nec puram negationem dicere, sed formae privationem cum aptitudine et dispositione ad eam. Sed si non naturalium rerum, sed generationis principia Aristoteles ponit, ponenda inter principia erant locus, tempus, motus et qualitates primariae; absque his enim non fit naturalis generatio. Cur ergo privationem posuit, quae nihilo necessaria est, non autem haec, quae vel maxime generationi necessaria sunt? Et si privatio aptitudinem dicit dispositionemque, quidnam materiae ipsius, quam dicunt, potentia erit? Privatio ergo nec aptitudo, nec dispositio subiecti est: haec enim materiae potentia est, quare privatio nihil est suapte natura, nisi non ens. Nihil aliud ergo est dicere privationem principium esse naturalium entium, quam mortem esse vitae principium, caecitatem visus, obscuritatem lucis, frigus caloris, non ens entis.

Privatio enim nihil est nec rationem entis habet;

Quod si quis dicat necesse esse hanc ponere privationem tanquam terminum, a quo incipit generatio, quia omne, quod fit, non

atqui ex nihilo nihil fit;

32) Cf. Aristot. *Categoriae*, *De Substantia*, t. 1, pag. 9-10.
ibid. pag. 201-202.

33) Cf. *Physic.*, lib. 1, ep. 6-7.

34) Cf. S. Thomas *Opusc. De principis naturae*; QQ. DD. *De Potentia*, q. 4.

est, si enim esset non fieret, quod fit album non est album et quod construitur non est constructum, aiam et ego : sed quid tum ? Ergo privatio est principium entium naturalium ? Quomodo sequitur ? Quid est principium ? Plane etiam sine loco, motu, tempore, virtutibus et qualitatibus, imo etiam substantiis elementorum, impossibile est aliquid fieri : cur ergo et haec non ponuntur principia ? Haec enim entia vere sunt, illa vero non ens et suapte natura nihil. Quod si una eademque forma sui absentia vel praesentia sufficiens est facere mutationem, ut quid multiplicantur principia et non ens ponitur entis naturalis principium, cum profecto ex nihilo nihil naturaliter fiat ? Quod si ideo principium statuenda privatio est, quia formae absentia necessaria est ut generatio fiat, tunc plane poterit ex quolibet quodlibet fieri, ex petra homo, ex trunco vitulus, ex ove leo nascetur. Cur enim magis homo ex hac, quam ex illa privatione ? Si ratione dispositionis quis dicat : haec ergo magis quam privatio in triumviratu principiorum statuenda erat ; haec enim necessario requiritur, illa vero minime, cum forma sui praesentia et absentia possit facere mutationem. Sed ut hydrigena haec Noctis et Acherontis filia³⁵ e principatus solio deiiciatur in tartara acheruntigenisque dedicetur, ut talpa tenebrarum amica, principii, quaeso, rationem inspiciamus dicamusque quidnam suoapte iure suapteque natura principium esse censendum sit.

Et quidem Aristoteles, cum in principiorum tractatu, in *Physicis* et *Metaphysicis*, multos integros etiam occupaverit libros³⁶, principii tamen rationem minime docuit, nisi quod dixit principia oportere esse contraria, permanentia, ingenita, et ut ex his fiant, quae natura fiunt. Quid vero principium sit minime tradidit, sed nominis tantum significata visus est tradidisse, quod principium sit primum unde aliquid vel est, vel fit, vel cognoscitur, horum vero alia inexisteret et alia extra esse, et ideo natura principium dici et elementum et rationcinium et electio et essentia, et id cuius gratia. Causas igitur physicas omnes : materiam, formam, agentem, finem ; et metaphysicas : essentias, genera, species, differentias, accidentia propria et tandem artes omnes principii nomine et significato complexus est³⁷, defini-

ergo privatio
principium
rerum non est.

Aristoteles
multa scripsit
de principiis
rerum, sed
nunquam
veram ratio-
nem principii
tradidit.

35) Cf. Natalis Comes *Mythologiae*, lib. 3, cp. 12, pag. 195-198, sqq. t. 1, pag. 196 sqq. ; *Metaphysic.*, lib. 1, cp. 1 sqq., t. 2, pag. 483-493, lib. 7, pag. 509 sqq.

37) Cf. *Physic.*, lib. 1, cp. 1 sqq., t. 2, pag. 483-493, lib. 7, pag. 509 sqq.

36) Cf. *Physic.*, lib. 1, cp. 1 sqq., t. 2, pag. 483-493, lib. 7, pag. 509 sqq.

tionem vero nequaquam dedit. Rationem ergo principii nobis indagandam reliquit.

Nobis itaque principium ens aliquod omnino esse necessario asserendum videtur ; quod enim nihil est nulli potest esse causa essendi, ex nihilo enim nihil penitus suapte natura generatur. Principium ergo quod ceteris est causa essendi, et ipsum aliquid esse necesse est, nec tamen in accidentium serie computandum. Quod enim suapte natura posterius est, priori non potest esse causa essendi ; quae autem generantur entia et natura fiunt, substantia sunt : mineralia, plantae, animalia, homines. Horum ergo principia unde fiunt, substantia necesse est esse, non accidens ; alioquin ex accidenti substantia fieret essetque posterius essendi causa priori ; accidens enim substantia quid posterius est, illi enim tanquam basi et fundamento innititur, absque cuius ope neutiquam consistere suapte natura potest. Principium ergo naturalium entium substantia est. Substantia autem omnis vel corporea, vel incorporea est : corpoream autem substantiam ex incorporeo spiritu generari non contingit : similia enim ex similibus generantur, homo ex homine, animal ex animali. Inquirimus autem materialia intraneaue principia, non autem extrinseca. Domus autem corporea non ex architecti cogitationibus, aut ex aere, sed ex corporea utique materia, lapidibus lignisque construitur. Corporeorum igitur entium, quae natura fiunt, corporea oportet esse principia.

Ad rationem principii requiritur ut sit aliquod ens, et quidem non accidens, sed substantia corporea

Principium corporea substantia est, sed non ex aliis genita ; si enim ex aliis facta genitaque essent principia, non utique haec, sed ea, ex quibus confecta essent, dicenda forent principia. Naturalium itaque entium principia naturali generatione minime facta necesse est esse : alioquin principiorum essent principia essetque in infinitum abire. Permanentia item incorruptibiliaque oportet esse rerum principia ; his enim destructis, deficeret omnis natura rerum : semper itaque manere oportet principia. Aliis autem, quae natura constant factaque sunt, esse opus est causa essendi, alioquin principia minime essent. Ut ergo principia sint his, quorum sunt principia, necesse est ut illud dent esse, quo suapte natura constant. Naturalia vero omnia materia formaque constant ; hoc enim est naturalium esse materia

et naturaliter ingenta,

permanens et incorruptibilis, et causa essendi rerum naturalium.

Haec requisita
conveniunt
coelo et terrae
a Moyse sta-
tutis ut prin-
cipia rerum,

formaque constare; hinc naturalia per haec definiuntur. Haec ergo non principia sunt naturalium entium, si natura principii ratioque inspiciatur, sed ex principiis ortum emanationemque habere necesse est. Sapientissime ergo solertissimeque *M o y s e s*, philosophiae parens, coelum et terram naturalium entium principia posuit. Haec enim entia sunt, substantia sunt et substantia quidem corporea, naturaliter ingenta; genitis vero, quae natura fiunt, causa essendi, ut sensus ipse luce clarius splendidiusque demonstrat.

non autem pri-
vationi ab Ari-
stotele positae.

Ex his vero liquet non posse privationem naturalium entium inter principia statui; non enim est privatio ens, substantia corporea, ingenta et dans genitis esse, cum nihil sit. Liquet item nec reliqua duo *Aristotelis* principia posita digna hoc nomine esse; non enim haec substantiae corporeae, ingentae permanentesque sunt: corpora enim una cum animabus plantarum et animalium, quis non videat generari atque corrumpi, nec semper eadem permanere?

Neque forma
physica, sive
accidentalis si-
ve substantia-
lis, habet ra-
tionem princi-
pii,

Sed *Aristoteles* materiam primam ponit et formam principia rerum, non secundam materiam. Sed probemus haec ad ignem incudemque veritatis videamusque an aurum argentumve sint, an aurichalcum et plumbum. Formam dicit alterum esse naturalium rerum principium. Dico: quam formam? metaphysicam, ad instar idearum Platonis, mathematicam, uti figurae numerique Pythagorae, an physicam? Physica plane physicarum rerum. Sed physicarum rerum non una est forma; alia enim accidentalis est, alia substantialis. Substantiales item formae multae; quaedam enim simplex est simplicium corporum elementorum et coeli: alia mineralium est, lapidum ceterorumque inanimorum: alia plantarum viventium: alia animalium: alia tandem hominum intellectu praedita. Quae harum erit principium naturalium entium? Si accidentalis: ex forma igitur et subiecto non fit unumquodque secundum substantiam. Si substantialis: quaenam? prima elementorum? ultima hominis? an aliqua mediarum? Si extrema aut mediae: non omnia fiunt ex his; non enim omnia naturalia entia sunt vel homines vel animalia, plantae vel lapides.

quia nec in-
genita est, nec
anterior omni-
bus mundi ele-
mentis.

Sunt postmodum hae omnes genitae in subiectis: principia vero oportet esse ingenta. Si vero prima simplex, quaero: coeli, an elementorum? aut cuius elementi? Non enim una eademque est elementorum omnium forma: eadem enim omnium esset natura, nec

sibi essent contraria. Quod si elementorum formae omnium, quae natura gignuntur, substantiales sunt formae, eo quod ex elementis his fiant quaecumque fiunt, satius erat elementa ponere rerum principia, non autem materiam et formam, elementa vero et ipsa ex his constant. Anterior ergo danda est forma, quae prima sit, ingenita, ex qua prima et ingenita cum prima ingenitaque materia fiant quaecumque fiunt; anterior vero forma minime datur. Quaenam haec igitur erit rerum principium?

Dein vero quaecumque unam eandemque formam substantialem habent, non differunt secundum substantiam; si enim differrent, non unam eandemque naturam haberent. At si elementorum substantiales formae omnium natura constantium, quae gignuntur, rerum substantiales sunt formae, quaecumque natura constant, neque ab elementis neque a seinvicem differrent, non lapides a metallis, non haec a plantis, vel haec ab animalibus substantia differrent. Quod si vel sensibus manifestissima horum differentia discrimenque percipimus: non ergo ex horum formis et subiecto fiunt secundum substantiam quaecumque fiunt.

Dato quod una eademque forma esset omnium rerum principium, inter rerum naturas substantialis differentia non existeret.

Sed inquit peripatus³⁸ formam in genere principium esse rerum. Sed dico: quidnam beata haec forma in genere est? Aliqua ne ex ideis Platonis in aere, vel coelo ficta? Sed forte erit aliqua universalium metaphysicarumque formarum, quae primarum substantiarum dicuntur formae totius. Sed quaenam erit? Specifica hominis, leonis, bovis? an generica animalis? an universalior animati? an superior corporis? an tandem universalissima generalissimaque substantia? Forte haec erit; haec enim prima est et ingenita. Sed profecto haec metaphysica est, non physica forma: insensibilis, non sensibilis: universalis, non particularis. Sensibilium autem et particularium rerum sensibiles particularesque³⁹ necessum est formas esse; naturalia vero entia, sensibilia utique et particularia, sunt ortui interituique obnoxia.

Item nec forma metaphysica, sive specifica sive generica, potest habere rationem principii,

primo, quia sensibilium et particularium rerum necesse est formas esse sensibiles et particulares;

secundo, quia si ponatur quaedam forma generica, non haberetur

Quod si una universalis omnium substantialis est forma, quomodo differrent? Si nullo modo: omnia ergo unum ens, non multa; si aliquo: non ergo ex forma hac et subiecto omnia secundum substantiam fiunt. Quod si eatenus forma in principiorum triumviratu ponatur quatenus

38) Cf. S. Thomas *Metaph.*, lib. 7, lect. 7; *QQ. DD. De Potentia*, q. 3, a. 8; *De Anima*, a. 6; *Opusc. De principiis naturae*. 39) Ms.: *Particulasque*.

inter res differentia; si autem specifica, non esset ingenua, incorruptibilis et permanens.

omne ens naturale ex materia aliqua formaque constat, plane omnes hae formae genitae sunt, uti sigilli impressio in cera, forma vasis in auro, figura Caesaris in aere aut marmore, forma ignis in ligno. Principia prima oportet esse et ingenua semperque permanentia; formae vero hae generantur et corrumpuntur.

Insuper nec ipsemet Aristoteles clare explicat quid sit haec forma.

Deinde forma haec naturalium rerum principium quidnam est entium? Substantia? accidens? an quippiam artificiale? Cum de forma Aristoteles locutus est exempla quidem nonnisi de artificialibus, amusici et musici, figurati et infigurati; vel accidentalibus attulit formis, non albi et albi, sanitatis et aegritudinis, caloris et frigoris, humidi et sicci⁴⁰. Statuit tamen ipse formam esse substantiam una cum materia atque composito, magisque substantiam esse, quam haec. Eam item definit naturam esse cum materia eamque magis naturam esse, quae actu dat esse rei; naturam vero esse principium motus et quietis, motus autem non activi, quo possit movere, sed passivi, quo moveri naturalia possunt⁴¹. Sed probemus haec ad ignem veritatis videamusque an aurum vel plumbum sint quae de forma principio naturali traduntur. Forma est substantia. Quid est substantia? Quod per se subsistit ens. Sed naturales formae non possunt per se

Imo cum forma haec non possit existere sine materia, videtur esse potius accidens quam substantia,

et non materia a forma, sed forma a materia pendere.

subsistere absque materia: forma igitur non est substantia, sed magis accidens; possunt enim adesse et abesse, praeter subiecti, nempe materiae primae corruptionem; materia enim ingenerabilis et incorruptibilis est. Vel igitur forma substantia non est, vel substantiae et accidentis alia assignanda est ratio. Formae enim competit non substantiae ratio, sed accidentis; aliam vero nullibi assignavit. Quod si per rationem substantiae forma non est substantia, sed magis accidens: quomodo magis substantia est, quam materia et compositum? Quod non est calidum est igne calidius? Quod non est substantia est magis substantia eo quod vere substantia est? Sed age, sit forma substantia: quomodo magis substantia, quam materia? Materia plane causa est ut sit forma, sine ea enim esse non potest genita naturaliter forma; materia vero suapte natura potest, nec causa est materiae forma; prior enim natura est: prius autem a posteriori non pendet.

Deinde substantia magis et minus non suscipit: quomodo ergo

40) Cf. *Physic.*, lib. 1, cp. 7, t. 1, pag. 201-202.

41) Cf. *ibid.* et lib. 2, cp. 2, pag. 204-205.

forma magis substantia? Quod si magis illud perfectionem significat, perfectionem hanc forma unde habet? A seipsa, a composito, an a materia? Si a materia: illa ergo perfectior forma, tanquam causa perfectionem communicans; si a composito: istud forma erit perfectius effectusque causae tribuet perfectionem; forma enim causa compositi est; a seipsa vero habere non potest, quia non a seipsa habet esse, sed a materia et in materia. Quod si magis ens dicatur, quia materiae perfectio quaedam et pulcritudo est, non est comparanda materiae; non enim calor dicitur calidior calido, nec perfectio perfecto perfectior. Si igitur forma materiei perfectio et pulcritudo est, non utique ea perfectior pulcriorque dicenda venit, ut ratione hac magis ens substantiaque dicatur. Quod si natura recte definita est principium motus et quietis, motus, inquam, passivi quatenus actus est mobilis, forma profecto natura minime erit; multa enim oculis suapte natura moveri videmus, gravia elementa deorsum, levia sursum, animalia haec quidem progredi, illa volare, alia in aquis natare. Haec, inquam, moventur: sed quodnam est principium movens? Extrinsecus plane nullum videmus: ergo intrinsecum, materia vel forma. Sed materia movetur, non movet; principium est non movens, sed mobile: forma igitur est principium movens: forma ergo non est natura, si recte definita natura est, principium motus quatenus actus est mobilis, principium, inquam, moveri, quo naturalia moveri possunt; forma autem principium est actionis non passionis: non ergo natura sic definita. Quomodo ergo magis natura quam materia, quae vere, iuxta datam rationem, natura est?

Nec natura dici potest haec forma, quia natura principium est motus passivi, forma haec autem principium est motus activi.

Restat igitur ut dicamus nos vere nescire quidnam sit beata ista forma, beatum istud principium, si quod sit ens vel nullum, substantia vel accidens, corpus vel spiritus. Si enim ens aliquod est, vel substantia erit vel accidens; istud vero non potest substantiae principium statui, posterius enim est; substantia vero omnis vel corporea vel incorporea est: si incorporeus spiritus forma est, quomodo dat esse corporeum? Frigida quae sunt, calefacere minime possunt, vel nigra ac tenebrosa dealbare clarumque reddere. Si vero corporea, omne corpus compositum est ex materia et forma: dabitur ergo processus in infinitum. Quod si eam divisionem perfectarum substantiarum esse quis dicat, materiam vero et formam imperfectas esse substantias: cur ergo forma ponitur composito magis substantia, et pars suo integro suapte natura

Quidquid ergo dicatur ad explicandam naturam huius formae, nunquam cognosci poterit quid sit.

perfectior? Si composito perfectior substantia est, cadere necesse est sub alterutra divisionis substantiae parte.

quinimo
semper multis
absurdis occur-
rendum erit.

Quod si quis dicat incorpoream esse suapte natura et incompositam, alioquin principiorum essent principia, corpoream vero ratione materiae: profecto etiam materia corpus non est, alioquin et ipsa esset composita idemque sequeretur absurdum. Quod si utraque, tum forma tum materia, suapte natura incorporea sunt: corpus ergo ex incorporeis constat. Unde ergo oritur corporeitas ipsius compositi, si utrumque principium incorporeum est? Forte ab efficiente. Sed dico: corporeitatem hanc, qua a spiritibus corpora substantialiter differunt, efficiens unde educit? Ex nihilo, an ex aliquo? Si ex nihilo: quomodo fit substantia ex nihilo? Si ex aliquo: quidnam illud? Potentia materiae. Sed haec⁴², dico, quid est? Aliquid, an nihil? Si nihil actu, sed potentia: aliquid potentiae igitur erit potentia, et ibitur in infinitum; vel tandem substantia naturaliter ex nihilo fiet. Si aliquid actu, quid illud? Substantia an accidens? Si accidens: quomodo ex accidente substantia? Si vero substantia actu, quaeram: an corporea, vel incorporea? Si corpus compositum, quid erit? Si non corpus, tunc corpora incorporea spiritualique materia constabunt eruntque non corpora.

Item nec materia adnumerari potest inter principia rerum naturalium.

Hinc etiam tertii principii aristotelici vanitas elucet, nempe ipsius materiae. Quidnam enim entium beata haec simplex incorporeaque materia est, ex qua omnia fiunt? Astruit peripatus materiam duplicem: primam et secundam. Prima est quam primo vestiunt substantiales elementorum formae; secunda vero ex qua multiplices mixtae generantur, massa videlicet elementorum, terrae, aquae, aeris et ignis⁴³. Prima autem quidnam sit vix mente percipitur; Aristoteles enim, eam definiens, esse dixit « nec quid, nec quale, nec quantum, nec quippiam eorum quae sunt »⁴⁴, sed esse puram potentiam et subiectum primum, ex quo omnia fiunt et in quod ultimo resolvuntur⁴⁵. Incognitam vero hanc imperceptibilemque materiam exemplo tantummodo artis, non naturae, probavit; non enim ars nisi circa subiectum aliquod operatur et ex subiecto aliquo fieri necesse est quaecumque arte fiunt;

42) Ms.: Hanc.

43) Cf. Aristot. *Physic.*, lib. 1, cp. 7, t. 1, pag. 201-203; *Metaphysic.*, lib. 7, cp. 7, t. 2, pag. 526-527; lib. 8, cp. 4, pag. 536-537.

cp. 3, t. 2, pag. 524.

45) Cf. *Physic.*, lib. 1, cp. 9, t. 1, pag. 204.

44) *Metaphysic.*, lib. 7,

ita et in natura. At quî sequitur : in arte subiecto opus est : ergo et in natura ? Quænam hæc demonstratio ?

Peripatus vero materiam hanc primam dari multis rationibus astruit. Et primo quidem ex elementorum transmutatione, uti cum aqua ⁴⁶ in aerem aut ignem convertitur. Cum enim transmutatio omnis a contrario in contrarium fiat, subiecto opus est medio, ab utraque et corrupta et genita forma distincto, cum prius fuerit sine posteriori hac, nunc autem sine illa priori ; tum quia omne ens naturale et agit et patitur : impossibile vero est ut idem secundum idem agat et patiatur : agat ergo necesse est secundum formam, patiatur vero secundum materiam. In generatione etiam et corruptione aliquid semper esse necesse est ex quo naturalia generantur, cum non fiant ex nihilo, et in quo corrupta resolvuntur, cum non in nihilum abeant eptia ; et tandem quia naturalia subsistentiam habent : non autem a formis, quæ subiecto, cui insint, opus habent : ergo a materia ⁴⁷. Nos vero hæc omnia dabimus ; quid inde ? Datur ergo materia prima ? Quomodo sequitur ? Sufficit elementalîs massa ; dantur enim et crassiora et spiritualiora : hæc quidem activa, illa vero passiva magis. Quod si ad rerum generationem hæc sufficit, quid illa opus est ? Et quidem universus peripatus concedit fieri naturalium quorumcumque generationem ex elementorum mixtione.

Non materia
prima, quæ
purum
figmentum
est ab Aristotele inventum,

et omnino
superflua ad
rerum genera-
tionem,

Sed materia, inquiunt, prima necessaria est ob elementorum alterationem et transmutationem ; generantur enim et corrumpuntur ad invicem : fit ex aqua aer, ex aere ignis et e contra, ex igne aer, ex aere aqua. Sed age, probemus hæc ad veritatis incudem. Dantur in peripatu elementa symbola, uti aqua et aer, aer et ignis ; dantur et dissymbola, uti aqua et ignis. Si ob elementorum mutuam generationem ponenda est prima hæc incorporea que materia, ut in eam elementorum resolutio fiat, ponenda ne est ob omnium elementorum generationem symbolorum et dissymbolorum, an aliquorum tantum ? Si aliquorum : symbolorum ne an dissymbolorum ? Mihi quidem non omnium videtur. Si enim humida aqua in humidum convertitur ignem, non necesse est humiditatem eius corrumpi, sed in materia augeri et perfici. Similiter, cum aer in ignem transmutatur, non necesse est in materiam priorem

et ad elemen-
torum altera-
tionem et
transmuta-
tionem.

⁴⁶) Ms.: *Aquam*. ⁴⁷) Cf. Aristot. *Physic.*, lib. 1, cp. 5-9, t. 1, pag. 200-204; *De Generat. et Corrupt.*, lib. 1, cp. 3, ibid. pag. 307-309; cp. 7, pag. 312-313.

calorem desinere, sicuti nec cum frigidum corpus calescit, dum calor intenditur, a superveniente augetur, non destruitur. Non ergo cum aer ex aqua fit, aut ignis ex aere, sola materia remanet; sed cum humiditate atque calore; quod si in horum generatione symbolae etiam qualitates corrumpantur, quomodo corrumpuntur si non habent qualitates contrarias, sed conformes et similes? Omne enim quod corrumpitur, a suo plane contrario corrumpi necesse est, non a suo simili: frigus a calore, non a frigore: calor similiter a frigore, non a calore destruitur. Quod si ad formae substantialis defectum haec abeant, profecto accidentia haec materiae magis insunt, quam formae, veluti calor in aqua ferventi. Si enim aqua suapte natura et forma frigidissima est, hic calor nonnisi materiei potest inesse. Cum ergo proprium subiectum remaneat contrariumque, a quo expellatur, non adsit, quomodo desinit esse? In symbolis ergo elementis non fit resolutio haec usque ad primam nudam materiam; remanent enim symbolae qualitates.

Magis demonstratur vanitas materiae primae,

Sed plane, ratione corporeae magnitudinis elementa omnia symbola sunt. Omnia enim corpora, quamvis istud crassius, illud subtilius, omnia tamen corpora sunt, nec unum magis aut minus corpus, quam alterum; neque enim quantitas suscipit magis et minus, nec contrarium habet, a quo destruat. Materia ergo elementorum nunquam est nuda, nunquam desinit esse corpus; sed tunc quidem crassius, nunc vero subtilius: veluti cum aquam fieri aerem cernimus, non desinit corpus esse, sed subtilius corpus fit aliisque ab agente qualitatibus indutum. Cum ergo elementa a seinvicem generantur, vel sensibus id solum conspiciamus fieri, non ex non corpore corpus, sed ex crassiore subtilius, vel ex subtiliori crassius, a suis agentibus aliis aliisque virtutibus qualitatibusque donatum. Nunquam igitur materia haec nuda, nunquam incorporea, nunquam in quavis generatione ad nudam hanc incorporeamque resolutio fit. Quod si suapte natura incorporea esse quis astruat, semper tamen corporea magnitudine indutam, hoc pulcherrimum erit philosophiae dogma, ut quod suapte natura tale est, nunquam suo iure fruatur: veluti ignis, suapte natura calidus, nunquam caleat: sol lucidus, nunquam luceat: coelum mobile, nunquam moveatur: terra quiescens, semper moveatur: aqua et aer semper humidi, siccitate vero semper oppressi? Quid ergo est hoc dogma: materia suapte natura incorporea est, semper vero corporeitate formata, nunquam nuda?

Imo absurditas eius positionis.

Deinde age, accipiamus dissymbola elementa : generantur haec a seinvicem et corrumpuntur ; fiat resolutio ad primam hanc materiam : dissymbola haec elementa generantur immediate, ignis ex aqua, vel aqua ex igne, an mediante aere ? Si mediate, non dissymbolum ex dissymbolo, sed symbolum ex symbolo immediate generatur ; quapropter nunquam fit resolutio ad nudam materiam, remanet enim symbola qualitas. Si vero immediate forma ignis sequatur formam aquae, nullis vel qualitatibus disponentibus mediis : vel ergo materia per aliquod tempus nuda et absque omni penitus forma remanebit, vel in eodem instanti simul in eodem subiecto erunt contrariae formae ignis et aquae in materia. Generatio enim non fit in instanti ; nullus enim in instanti fit motus, sed omnis in tempore.

Alia absurda
quae exurgunt
a positione
materiae
primae,

Cum item ex elemento contrario contrarium et dissymbolum generatur, prior forma, vel ante posterioris formae adventum corrumpitur, vel post, vel simul in uno eodemque instanti. Si ante : profecto mansit per tempus materia absque omni forma ; si post : idem igitur subiectum simul actu erat aqua et ignis ; si simul : ergo in instanti, facta simul generatio et corruptio est simulque esset aqua et non aqua, ignis et non ignis, novaque forma adveniret absque ullis dispositionibus praeparationibusque materiei. Nam si inter has contrarias formas intercessere qualitates praeparantes disponentesque materiam ad novam formam, non utique in hac generatione facta resolutio est usque ad primam materiam ; antequam enim contraria haec forma materiam actuaret, iam aderant disponentes qualitates. Materia igitur aristotelica haec veluti figmentum quoddam poeticum est, tanquam alter Protheus, qui semper diversas formas figurasque assumebat ⁴⁸, vel tanquam Amelitae aqua, quae nunquam in quovis vase contineri poterat ⁴⁹.

ex quibus
magis patet
materiam
hanc aristote-
licam purum
figmentum
esse.

Quidnam enim sit beata haec materia, vel in qua collocanda sit categoria, mente vix percipi potest. Non enim est quid, nec quale, nec quantum, nec quippiam aliud eorum, quae sunt ⁵⁰. Substantiam tamen peripatus universus dicit. At quaenam substantia, si, suapte

Insuper
prorsus igno-
rat peripatus
cuiusnam na-
turae sit haec
materia.

48) Vates fuit praestantissimus, qui ad vitanda responsa se in variis formis vertebat modo animalium, modo arborum, etc., prout opportunius sibi videbatur. Cf. Virg. *Georg.*, lib. 4, vrr. 406-447; Ovid. *Metamorph.*, lib. 8, vrr. 730-737. 49) Cf. Pausanias *Veteris Graeciae Descriptio*, lib. 8, pag. 483-484; Natalis Comes op. cit. lib. 3, cp. 2, pag. 166. 50) Cf. not. 44 huius *Dissert.*

natura, neque corporea neque incorporea est? Si enim corpus est, quid compositum ex alio est; si vero incorporeum ens: corpora igitur incorporea materia constant; unde ergo corporeitas? A potentia materiae. Sed quidnam ista potentia? Ipsamet materia, aliquid ipsius, an nihil? Si ipsa materia: ergo et ipsa incorporea est; si aliquid ipsius: ergo composita materia est; si nihil: ex nihilo ergo fit aliquid. Nam si potentia haec est aliquod ens, vel accidens vel substantia [erit]; et si substantia: vel corporea vel incorporea; eademque absurda sequuntur.

Dici nequit materiam esse puram potentiam ad omnes formas, quia forma est magis in potentia, cum nihil sit antequam generetur.

Sed inquiunt qui peripatui sunt addicti et aristotelicissimi volunt haberi ⁵¹, materiam esse puram potentiam ad omnes formas ac ob id sui natura nullam habere formam. Sed dico: quid est materiam primam esse puram potentiam ad omnes formas? Cur sic potentia dicitur? Quia potest ab agentibus omnes recipere formas, an quia ipsa suapte natura omnes producere potest tanquam arbor fructus e sua radice? Si quia fieri agique in omnes formas suapte natura ab agentibus potest: tunc plane forma magis dicetur in potentia esse; antequam generetur enim non est, sed potest esse, quia ab agente aliquo potest produci; haec enim, antequam generetur, nonnisi in potentia est, actu enim nihil; materia vero semper aliquid actu nonnihil est.

Nec explicari potest quomodo sit in potentia ad quaslibet formas;

Deinde: prima haec materia aequae ne sui natura parata ad omnes formas est, sicut cera ad impressionem sigilli, an ad hanc quidem magis, ad illam vero minus? Si aequae: cur in hac parte recipit formam elementi huius, non illius, aut mixti huius, lapidis, metalli, plantae, animalis, et non illius? Si suapte natura maiorem dispositionem ad hanc, quam ad illam habet, et non aequae ad omnes parata est, et ob id haec pars induit formam terrae, illa vero aquae, alia aeris, aut ignis: suapte natura ergo non simplex, sed composita cum dispositionibus est, primas elementorum formas praecedentibus ad easque suscipiendas eam praeparantibus.

et quocumque modo quaeratur explicare, plurimis diffi-

Quod si diversitatis formarum ratio ad agentes causas adferatur: agentia haec, cum ex una eademque materia ad omnes suscipiendas formas aequae disposita, cum varias elementorum aut mixtorum formas in eam inducunt, nudam materiam, an aliquibus formis indutam acci-

51) Cf. Aristot. *Physic.*, lib. 1, cp. 9, t. 1, pag. 204; *De Generat. et Corrupt.*, lib. 1, cp. 5, pag. 311; S. Thomas *S. Theolog.*, 1^a, q. 7, a. 6, c; q. 66, a. 1-2, c.

piunt ? Si nudam : aliquando ergo actu materia est sine omni forma ; si vero indutam variis contrariisque formis : diversas has contrariasque formas immediate ne et in instanti, an mediantibus dispositionibus et tempore inducunt ? Si in instanti et immediate : motus generatioque fit in instanti et in instanti uno materia eadem est sub contrariis substantialibus formis eritque simul aqua et ignis ; si vero mediantibus dispositionibus et tempore – alioquin immediate et in instanti ex materia fieret animal, generaretur homo – : igitur nunquam est materia incomposita etiam ante primas elementorum formas. Si vero potentia dicatur effectiva, quod possit ex seipsa omnes formas producere, erit plane non passivum, sed activum principium. Sed omne agens agit per formam : et ipsa ergo suapte natura propriam formam habebit. At oculi sensu percipimus formas omnes ab agentibus produci, uti sigilli in cera impressio, vel regis effigies in numismate, et forma ignis in ligno.

cultatibus occurrendum erit.

Tandem : cur necessarium est informem omnino esse materiam, ut omnes suscipiat formas ? Cur, inquam, si materia propriam formam haberet, posteriores supervenientes minime posset suscipere ? Num est necessum elementa item esse informia, ut possint mixtorum omnium formas suscipere ? Sed dicet quis : non manent elementa in mixto nisi potentia, idest manet eorum materia, non forma. At dicam : demonstratum ne id est non manere elementa in mixto, sicut unitates in numero, litterae et syllabae in dictione, lapides et ligna in domo ? Quanam demonstratione scitur non manere ? Quod si formae non manent, quomodo manent qualitates passionesque elementorum, caliditas, frigiditas, humiditas siccitasque in mixto ? Sensus enim has manere demonstrat ; experimur enim in mixtis tangibiles elementorum qualitates. Si igitur qualitates incorruptae manent in mixto, cur non et formae ? Et si formae non manent, undenam qualitates istae in mixto ? A quo producuntur ? Non a seipsis : nihil enim generat seipsum ; non autem a materia : haec enim patitur, non agit. Si igitur nec a formis, a quo producentur ? Quomodo etiam mixta motu praedominantis elementi feruntur, uti lapides, metalla et alia id genus, si elementa non manent ? Quomodo item mixta dissoluta tandem in elementa resolvuntur ? Num in resolutione mixtorum elementa de novo generantur ? Sed a quonam generantur ? Si igitur elementa manent in mixto, ut

Insuper demonstrari nequit requiri materiam omnino informem, ut omnes recipiat formas.

Sicut enim
elementa, li-
cet non omni-
no informia,
non impediunt
formas
mixtorum,

multis etiam de senatu peripatetico placet ⁵², nec ob id oportet esse omnino informia penitusque corporeae formae expertia: cur talem oportet esse materiam? Si formae elementorum non impediunt mixtorum formas, cur impedit materia forma multo exilior multoque simplicior? Nam formae quidem elementorum, praeter magnitudinem molemque corpoream, habent agentes vel patientes qualitates. Materiei vero si forma tantum corporeitatis tribuatur, multo exilior multoque tenuior erit. Cur igitur haec advenientes formas impediat, si formae elementorum nequaquam impediunt? Plane et albus vitri color in ocularibus ob nimiam tenuitatem, et color item aquae et aeris minime visum impediunt, quin possit colores omnes percipere; nec hominem sensu tactus maxime praeditum oportet tangibilium omnium qualitatum expertem esse, omnique calore et frigore nudatum, ut omnes has tactu percipere vereque ac inerranter de eis iudicare possit; haec enim in homine, exiles tenuesque cum sint, sensum ab harum exacta perceptione nequaquam impediunt.

sic nec mate-
ria impedit
advenientes
formas,
quamvis non
omnino infor-
mis.

Futilis igitur, levis vanaque ea est ratio, ut ob id materiam omnino oporteat informem esse penitusque omni corporea magnitudine denu- datam, quatenus in suo sinu omnes possit formas suscipere omniumque simplex subiectum ac perenne sit receptaculum. Simplex enim, tenuisque ac summe exilis forma corporeitatis id minime impedit sitque ab ea indivisibilis, nec unquam, sicut nec materia ipsa, vel generetur vel corrumpatur, sed perpetuo maneat; facta tamen nunc quidem crassior nunc vero subtilior, modo expansior modo contractior, aliis aliisque ab agentibus induta qualitatibus, formis et figuris, veluti cera variis impressa sigillis, vel aurum in varia ab artifice efformatum vasa, eademque argilla a figulo aliis aliisque formis, figuris coloribusque induta.

Reicienda
ergo est sen-
tentia Aristo-
telis ponentis
tria rerum na-
turalium prin-
cipia,

Cum igitur naturalium entium vera principia ex quibus constant oporteat vere entia esse, non accidens, sed substantiam: non incorpo- ream, sed corpoream: non transeuntem, sed permanentem: non natura- liter genitam, sed ingenitam, entibus vero natura genitis vere causam ^{52a} essendi; manifestum est aristotelica haec principia de tribunali prin- cipiorum deiicienda esse. Non enim privatio quippiam est de numero

52) De hac quaestione cf. S. Thomas *De Generatione*, lib. 1, lect. 25; lib. 2, lect. 8; *Opusc. De natura generis*, cp. 16. 52a) Ms.: *Substantia... incorporea... corporea... transiens... permanens... genita... ingenita... causa.*

entium, sed non ens ac nihil; forma autem vel substantia non est, vel si est, non tamen corporea, permanens, ingenita, uti ipsemet sensus liquido manifestat; materia vero, cum nullum ens actu statuatur, nec quid, nec quale, nec quantum, sed pura quaedam potentia, prope nihil, nunquam vel sensu cognita, vel intellectu aut imaginatione percepta. Indigne plane principatus tribunal occupat sceptrumque et coronam habet, nisi corporea substantia statuatur.

id est
materiam,
formam et
privationem.

Quapropter sapientissime Divinus Moyses, naturalium rerum duo tantum principia ponens, entia posuit per se existentia, corporea, permanentia, naturaliter ingenita et his, quae natura gignuntur entibus causa essendi, quae totum tribuant esse, dicens: *In principium creavit Deus coelum et terram*. Cui alludens ac veluti mentem eius declarans sapientissimus Salomon aiebat ⁵³: *Generatio praeterit, et generatio advenit; terra autem in aeternum stat. Oritur sol et occidit et ad locum suum revertitur; ibique renascens gyrat per meridiem et flectitur ad aquilonem. Lustrans universa in circuitu pergit spiritus et in circulos suos revertitur*. Rerum generationes medias statuit inter terram solemque ac coelum; ex terra enim, perpetuo immobili manente, sol coelumque universum perpetuo motum generat universa.

Sapientissime autem Moyses duo posuit principia omnium rerum naturalium,

scilicet ex terra immobili perpetuo manente, coelum perpetuo motum generat universa.

Quoniam vero terra suapte natura nihil aliud est quam arida pulvis, ex qua nil penitus eorum, quae natura gignuntur, fieri quoquo pacto potest nisi admixtione humoris: quemadmodum nec simplici ex farina, absque admixtione aquae, fiet unquam panis: nec figulus ex sicca nihilique madefacta argilla poterit unquam vas quodpiam efformare; hinc Moyses terrae, suapte natura aridissimae, aquae humorem adiungit, dicens: *Terra autem erat inanis et vacua et tenebrae erant super faciem abyssi. Abyssi autem nomine aquarum multitudo intelligitur* ⁵⁴; hinc enim sequitur: *Et spiritus Domini ferebatur super aquas* ⁵⁵. Hinc ipse Moyses ea, quae natura gignuntur, fructus coeli, terrae et abyssi appellat in benedictione Ioseph, dicens ⁵⁶: *De benedictione Domini terra eius, de pomis coeli rore atque abyssso subiacente, de pomis fructuum solis ac lunae, de vertice antiquorum montium,*

Cum vero terra sit naturaliter arida, ad generationem requiritur humor aqueus.

Ideo omnia, quae natura gignuntur, ab

53) Eccle 1, 4-6.

54) Cf. S. Basilius Hom. 2 in Hexaem., (P. G. 29, 38); S. Io. Chrysostomus Hom. 3 in Gen., ibid. 53, 33; Severianus De Mundi Creatione, Orat. 1, ibid. 56, 434; S. Ambrosius Hexaem., lib. 1, cp. 8, (P. L. 14, 141)

55) Gn 1, 2. Vulg.: Et spiritus Dei, etc.

56) Ibid. 49, 25-26. Ex hebraico.

his duobus
principiis
ortum habent
et esse, et a
Moyse dicta
sunt *fructus
coeli et terrae.*

de pomis collium aeternorum et de frugibus terrae, et de plenitudine eius.
Fructus coeli et terrae quae natura gignuntur a Moyse dicta sunt, quia ab hisce principiis ortum habent et esse. At vero, quia terra nil penitus nisi aqueo humore disposita potest suapte natura producere, hinc etiam roris et abyssi mentionem fecit.

Aqueus autem
humor non
principium,
sed sola dispo-
sitio est ad ge-
nerationem.

Sed cuiusmodi forte videbitur, si aqua ad rerum generationem opus est, tria esse principia : coelum, terra et aqua : cur ergo Moyses duo tantum posuit : coelum et terram ? Sed plane quae natura fiunt, non utique ex aqua generantur, sed ex terrae visceribus ortum habent. Aqueus autem humor tanquam dispositio quaedam requiritur, quemadmodum non ex aqua fieri panem dicimus, sed ex farinae aqueo humore composita dispositaque : ita vasa a figulo non ex aqua fiunt sed ex argilla aquis attemperata.

Nam aqua
principium
esse nequit,
cum non sit
ingenita, sed
educta ex vi-
sceribus terrae
et ex terra ge-
nita,

Terra itaque principium est ex quo entia fiunt, quae natura constant : aqua vero ad eius dispositionem requiritur. Iure ergo Moyses coelum et terram tantummodo in principia statuit ; haec enim uti extrema, ita etiam simpliciter prima sunt mundi huiusce corpora. Aqua enim non primum, sed factum ex his genitumque natura est corpus, sicut et aer ; horum enim manifestissima generatio est : aqua enim calore soluta in aeris tenuitatem efficitur, aer vero frigore constipatus in aquae crassitiem transit. Aqua item frigore nimio compresso in glaciem vertitur, glacies in lapidem, lapis in pulverem terramque resolvitur ; unumquodque vero in id, ex quo primum genitum factumque est, suapte natura resolvitur.

in quam rursus
resolvitur ;

Fecit ergo Deus primo quidem duo haec corpora, coelum et terram, postea vero statim e terrae visceribus aquas eduxit. Hinc ipsemet Deus ad D. Iob ait ⁵⁷ : *Quis conclusit ostiis mare, quando erumpebat quasi de vulva procedens, cum ponerem nubem vestimentum eius, et caligine illud, quasi pannis infantiae, obvolverem ?* Erupit ergo universum aquarum barathrum e terrae visceribus ab initio, quasi infans e matris vulva procedens, veluti nunc etiam fontes et flumina ex ipsismet terrae anfractibus oriri iugiter cernimus.

Terram vero solis calore posse in aquam liquari, quemadmodum liquantur vitra atque metalla ad ignem, quae etiam, uti plumbum et

alia, in fumum aereamque tenuitatem ignis calore acta resolvuntur, quamvis hisce oculis minime intueamur, ratio tamen manifestat. Si quidem multis in terris, longe etiam a mari amotis admodumque editis, a sole fieri salem manifestum est. Neque enim alia est causa a qua id fiat, praeter terram et calorem solis; sal vero omne in aquas liquari potest. Quapropter sicut aqua calore tenuior facta transit in aerem, ita et terra in aquam, sicut et aqua ipsa frigore congelata crassaque densitate donata, rursus in terrenam substantiam vertitur.

sicut videri potest in aqua, quae actione solis educitur e terra, et postea crassa densitate donata, rursus in terrenam substantiam convertitur;

Ignis etiam is noster, sicut aquam in tenuissimos vapores convertit, ita et alia quaevis corpora, terrea quavis crassitie donata, in fluores resolvit, qui nimio frigore compressi facillime in aquam efficiuntur. Merito igitur Divinus Moyses aqueum corpus inter principia minime statuit; non enim primum est ingenitumque corpus, sed ex primis, coelo terraque, effectum, terra subministrante substantiam, coelo vero naturam et qualitates.

quod etiam videtur in actione ignis.

At vero sicut terrae aqueum humorem adiunxit e latere, ita coelo motum lucemque tribuit, quibus in terram agens entia generat: *Spiritus Domini ferebatur super aquas et dixit Deus: Fiat lux et facta est lux*. *Spiritus* autem nomine, ut fusius in tractatu de motu dicemus, coelum intelligit, quod statim creatum coepit suapte natura moveri; motui vero lucem statim adiunxit. Hac enim maxime, ut sensu percipimus, summopere maximeque coelum in terram agit entiaque omnia gignit. Hinc enim ait: *Et vidit Deus lucem quod esset bona* ⁵⁸. *Bona* quippe est lux ad rerum omnium, quae natura constant, generationem conservationemque; e coelo autem omnem oriri lucem hisce oculis cernimus. Lux autem haec, uti nunc, ita et tunc coeli motu circumlata diem noctemque efficiebat; ait enim: *Factum... est vespere et mane, dies unus* ⁵⁹. Ex his vero, coelo, inquam, luce motuque praedito, terra vero aqueo humore disposita, fieri omnia, quae natura constant, luce clarius cernimus vel hisce oculis testibus.

Coeli vero nomine intelligitur coelum perpetuo motu et luce donatum.

Verum enimvero non sicut aqueus humor aliud quoddam ens a terrae natura distinctum est, ita lux alia est a coeli substantia, sed coelum suapte natura lucidum censendum est esse. Quod si Divinus Moyses inquit ⁶⁰ quod Deus lucem appellavit diem et tenebras

58) Gn 1, 4.

59) Ibid. vr. 5.

60) Cf. Ibid.

Deus creavit
coelum
suapte natura
lucidum, quod
lucidissima sua
substantia
diem facit,

noctem, plane nonnisi causaliter intelligendus nobis hic sermo est; non enim lux dies est, sed lucis praesentia causa diei; nec tenebrae nox, sed tenebrarum obscuritas umbraque terrae noctem efficiunt: diem vero a sola lucidissima coeli substantia fieri nulli dubium est. Apparuit ergo tunc Dei iussu lucida coeli substantia motuque coeli acta primos illos tres dies peregit.

sicut eruitur
ex ipsis verbis
Moysis;

Quod, etsi difficile admodum videtur id ex M o y s i verbis astruere, cum dicere videatur prius creatum fuisse coelum et postea lucem coelumque non lucidum suapte natura esse, sed translucidum atque perspicuum, ad instar aerei corporis; tamen si oculata verborum M o y s i s contextus inspiciatur, illico divina eius mens intentioque clarescent.

et creavit
terram invi-
sibilem et in-
compositam,
opacam et
tenebricosam,
antequam e
coelo lux illi
splendesceret.

Dicitur quod
tenebrae
operiebant
terram, quia
densae cali-
gines impe-
diebant ne lux
e coelo illi
splenderet,

sicut factum
est super
Aegyptum et
tempore mor-
tis Christi.

Statim enim prima illa thesi proposita: *In principio creavit Deus coelum et terram*, subintulit Divinus Vates dixitque quod *terra... erat inanis et vacua*, idest, iuxta Septuaginta Interpretes, *invisibilis et incomposita; et tenebrae erant super faciem abyssi*. Declarat Deus ipse ad B. I o b quatenus tenebrae istae sint, dicens: *Quis conclusit ostiis mare, quando erumpebat quasi de vulva procedens, cum ponerem nubem vestimentum eius, et caligine illud, quasi pannis infantiae, obvolverem? Erant ergo tenebrae super faciem abyssi*, scilicet super terram et aquas ex ea factas, quia atrae nubes densaeque caligines faciem eius universam operiebant. Cum enim terra suapte natura opaca, obscura tenebricosaque sit, umbrarum tenebrarumque omnium et noctis mater, atro teterrimoque semper tenebrarum velo induta opertaque manet, nisi e coelo illi lux aliqua splendeat; tunc vero, cum ob atrae nubes densasque caligines splendere ab aetheris nulla lux posset, operiebant tenebrae faciem abyssi. Sic enim tenebrae factae sunt super Aegyptum ⁶¹, non quod lux nulla esset in coelo, sed quia atrae nubes tetraeque caligines terram operiebant; sic item mortis Christi tempore *factae sunt tenebrae super universam terram* ⁶²; sic etiam usu evenit cum, crassis terrae vaporibus obnubilato coelo densisque nubibus atrisque obducto terraque operta caligine, obscuritas nimia nostro in hoc mundo et tenebrae fiant; postmodum vero nebulis rarefactis, vel vento dispersis, aut pluvia evacuatis, e coelo lux iterum clara fulgidaque resplendet.

61) Cf. Ex 10, 21-23.

62) Mt 27, 45. Vulg.: *Tenebrae factae*, etc.

Hoc igitur dicto: *Tenebrae erant super faciem abyssi*, M o y s e s ^{62*} non universo mundo omnem penitus denegavit lucem, sed terrae tantummodo, quia lux coeli super eam ob nimias caligines minime splendebat. Hinc non simpliciter dixit quod tenebrae universi faciem operiebant, sed tantum quod *tenebrae erant super faciem abyssi*. Quapropter, cum postea subiunxit dixisse Deum ut fieret lux, huius lucis nomine nihil aliud intelligendum est nisi claritas quaedam coelique super terram splendor, cui tenebrarum obscuritas suapte natura opponitur. Hinc enim ait quod lucem appellavit diem et tenebras noctem quodque lucem a tenebris divisit; divisae sunt enim natura, origine, loco, tempore et actione.

Neque existimandum est his verbis universitatis opificem lucem de novo creasse: creavit enim cum coelo, illi enim connaturalis lux, uti terrae opacitas obscuritasque; sed iussisse tantum ut, crassis illis vaporibus extenuatis, lux coeli suos in terram splendores effunderet. Lucidam ergo substantiam, quae universae claritatis in mundo perpetua causa est et perennis origo, principio creata est; imo haec vere primum est corpus, quod ceterorum entium principium sistitur.

Hinc S a l o m o n solem potius, ut sensu etiam patet, generationis principium posuit dicens: *Generatio praeterit, et generatio advenit; terra autem in aeternum stat. Oritur sol et occidit et ad locum suum revertitur; ibique renascens gyrat per meridiem et flectitur ad aquilonem*. Postmodum de coelo subiunxit: *Lustrans universa in circuitu pergit spiritus et in circulos suos revertitur*. Et ob id M o y s e s ipse in benedictione Ioseph, quae natura gignuntur appellat *fructus solis ac lunae*. Et quidem reliquum coeli corpus nonnisi ob lucidam hanc substantiam, quae naturalium omnium entium principium ponitur, a summo opifice effectum creatumque est, ut eius veluti tabernaculum domiciliumque esset. Sic enim R e g i u s V a t e s, Divino Spiritu afflatus, ait; ubi enim in *Psalmo* nos legimus ⁶³: *In sole posuit tabernaculum suum*, H e b r a i c a V e r i t a s habet: לַשֶּׁמֶשׁ שֶׁם-אֹהֶל ⁶⁴: *Soli posuit tabernaculum in eis*, coelis videlicet, de quibus loquebatur: *Coeli enarrant gloriam Dei et opera manuum eius*

Ideo non universus mundus in tenebris erat, sed terra tantum.

Cum autem dicitur Deus lucem fecisse, non novi aliquid creasse putandus est, sed effecisse ut splendores lucis coeli in terram effunderentur.

Hinc in Scriptura sol etiam ponitur tamquam principium generationis rerum ob suam lucem et calorem.

62*) Ms.: Hoc igitur dicto Moyses tenebrae erant, etc. scam hoel bahem.

63) 18, 6.

64) Ms.: Lascemesc

annuntiat firmamentum. Quod vero Salomon ait, quod *oritur sol et occidit*, ut causa sit generationis rerum, Regius Vates, pater ipsius, cum dixisset quod Deus *in coelo posuit tabernaculum solis*, subiunxit dicens ⁶⁵ : *Et ipse tanquam sponsus . . . de thalamo suo, exultavit ut gigas ad currendam viam ; a summo coelo egressio eius, et occursus eius usque ad summum eius, nec est qui se abscondat a calore eius.*

Ex quibus
verbis eruitur
terram
et ignem
prima esse duo
principia
rerum.

Coelesti ergo huic substantiae tria tribuuntur : lux, calor et motus, quae quidem ignis propria esse videntur ; ignis enim, ut sensu patet, suapte natura mobilis, calidus lucidusque esse videtur. Quare si igneae substantiae sol statuatur, terra et ignis prima erunt duo corpora, rerum omnium natura constantium principia constituentesque naturae. Haec enim summe contrariis qualitatibus praedita sunt ; ignis enim suapte natura mobilis, terra immobilis ; ignis natura tenuis, terra crassa ; ignis acutus, terra obtusa ; ignis calidus, terra frigida ; ignis lucidus, terra opaca ac tenebricosa ; ignis totus activus, terra vero maxime passiva.

Docuit Aristoteles solem
esse sua natura
frigidum ;

Quaerendum nunc igitur est an sicut sol igni simillimum sese nostris sensibus offert, ita vere sit igneus suapte natura, ut Plato et universa antiquitas tenuit ⁶⁶, an vero minime, ut Aristoteles cum universo suo peripatu opinatur et docet ⁶⁷. Si enim huius sententiae verum sit dogma, frustra nos cum Moyse conabimur coelum et terram naturalium entium principia causasque statuere. Operae pretium autem erit Aristotelis rationes signaque expendere, quibus solem non ignea natura constare astruere nixus est.

sed rationes,
quibus hoc
conatur probare,
nullo fundamento
fulciuntur.

Probat vero id ratione praecipue sumpta a motu ; signo vero ab albo candidoque colore. Argutatur etiam quod, si coelum universum igneum esset, inferiora omnia corpora iam pridem corrupisset. Ratio autem a motu est quod, si sol coelumque ignea natura constaret sursum, utique motu recto, non in circulum perpetuo ferretur. Supponit autem omne corpus natura mobile esse, quoniam natura est principium motus ; simplici autem corpori simplicem motum deberi ; simplex motus, is quidem rectus a medio sursum, hic vero ad medium, alius vero in

65) Ps 18, vrr. 6-7.
lib. 2, ep. 2, q. 5, a. 1.

66) Timaeus, t. 3, pag. 22. 23. 40 ; et apud Conimbricenses De Coelo,
67) Cf. De Coelo, lib. 2, ep. 7, t. 1, pag. 284 ; Meteorol., lib. 1,

gyrum circa medium. Et rectus quidem ad medium gravibus competit : terrae et aquae ; a medio vero sursum, levibus : aeri atque igni ; coelum vero circa medium movetur. Quod si coelum sit igneum natura leve, vi in gyrum movebitur ; nullum autem violentum perpetuum. Quod si hic contra eius naturam sit motus, alius dandus est secundum naturam ; alius autem simplex non datur, nisi rectus. Naturaliter ergo movebitur vel sursum vel deorsum ; utrumque vero inconvenit. Quare motus ipse ostendit Aristoteli coelum nequaquam igneum esse, sed praeter elementa, quintam quandam substantiam natura et qualitatibus elementorum expertem ⁶⁸.

Falsa est
prima ratio a
motu sumpta,

Verum iacta haec Aristotelis fundamenta ad veritatis ignem probanda sunt videndumque aurea ne sint, an plumbea. Et primo quidem quod ait omne corpus mobile, eo quod natura sit principium motus ⁶⁹, a veritate longissime distat. Natura enim non solum motus principium est, verum etiam et quietis immobilitatisque ; terra enim, naturale corpus cum sit, nullo penitus motu secundum locum, sed perpetua immobilitate gaudet. Quod si vi immobilis manet, aliquod ergo violentum perpetuum. Nec moveri quidem secundum locum naturaliter motum ; cum enim centrum sit mundi, sursum utique ferretur, quod est gravium naturae contrarium.

quia natura
corporea
non est prin-
cipium motus
tantum, sed
etiam quietis,

Et profecto Aristoteles ipse in his, quae de coelo conscripsit ⁷⁰, manifeste decernit et probat terram oportere esse immobilem, cum centrum sit mundi et necesse sit, ut ait, in medio corporis circulo lati aliquid manere immobile ⁷¹. Sed inquit terram moveri deorsum secundum partes ⁷². In homogeneis vero similaribusque corporibus eadem est totius ac partium ratio. Quod si praeter naturam partes moveri dicantur, dandus tunc erit motus secundum naturam. Terra igitur suapte natura mobilis et immobilis erit, principiumque perpetuae mobilitatis et perpetuae itidem immobilitatis habens : contrariis ergo naturis praedita ; motus enim et immobilitas contraria sunt et a con-

ut Aristoteles
ipse docuit de
terra,
sibi ipsi tamen
contradicens.

68) Cf. *De Coelo*, lib. 1, cp. 2, t. 1, pag. 266-267 ; lib. 4, cp. 4, pag. 302 ; Contimbricenses *De Coelo*, lib. 1, cp. 2, Explanatio. Docet Aristoteles, ut diximus, sublunarem mundum ex quattuor elementis constare : terra, aqua, aere, igne ; mundum vero coelestem ex nullo horum quattuor elementorum compactum, sed ex diviniore quadam materia quam idcirco quintam vocat substantiam, eaque immutabili constitutum esse.

69) Cf. *De Coelo*, lib. 1, cp. 2, t. 1, pag. 266.

70) Cf. *ibid.* lib. 2, cp. 13-14, pag. 287-291 ; *De Mundo*, cp. 2, *ibid.* pag. 370.

71) Cf. *De Coelo*, lib. 2, cp. 14, *ibid.* pag. 290, 72) Cf. *ibid.* lib. 3, cp. 4, pag. 302 et not. 67 huius *Dissert.*

trariis causis eveniunt : siquidem aqua calore affecta validiorque facta, levior est, sursum movetur ebulliens : frigore vero compressa immobilis redditur.

Posita enim
sententia Ari-
stotelis, dicen-
dum erit ter-
ram esse per-
petuo immobi-
lem.

Sed natura
sua terra im-
mobilis est,
quia facultate
sese movendi
destituta.

Quod si ingenuo philosopho licebit naturale simplexque corpus contrariis adversantibusque naturis praeditum perpetuumque violentum astruere, irreprehensus sit Aristoteles terram ponens perpetuo mobilem perpetuoque immobilem. Quod si perpetuo immobilis est, cur semper quiescit ? Quia in proprio sita est loco. At plane etiam coelum proprium obtinet locum, semper tamen et nunquam cessantem agitur in motum perpetuo propriam agens operationem. Quod si terra pariter mobilis suapte natura est, perpetuo et ipsam moveri necesse est propriamque edere operationem ; proprius enim locus id minime impedit, sed iuvat magis. Terra igitur non mobilis suapte natura est, sed immobilis, nulla sese movendi, suapte natura et forma, praedita facultate ; quod si eius partes, vi ab ea semotae sursumque impulsae, ad eam nullo impellente rapido motu feruntur, id non potentiae alicui naturali, qua sese terra movere possit, sed impotentiae tribuendum est, quia corpus nimia crassitie praeditum, sese in sublime sustinendi nullam penitus facultatem habet, nisi firmae cuiuspiam stabilique rei, tanquam basi et fundamento inhaereat. Quare is motus non naturalis quaedam operatio est, sed lapsus potius et defectus rei ; sic enim labi dicimus ruereque aedificia ; et cadere gravia haec ob nimiam materiei crassitiem, quam moveri existimandum est, cum nullam penitus habeant vim sese movendi, sed suapte natura maneant semper immota.

Falsum item
est quod Ari-
stoteles affir-
mat motum
motui esse
contrarium ;

nam omnis
motus una
et eadem est
causa, idest
calor.

Illud quoque quod ait motum motui esse contrarium, motum videlicet a medio levium, gravium motui quae tendunt ad medium, elucet hinc nulla veritate constare. Siquidem gravium ad centrum tendentia non motus proprie est, naturalis videlicet operatio, sed crassae materiae lapsus. Motus vero omnis una causa cum sit ipse videlicet calor, motus contrarii adversique in seinvicem esse minime possunt ; contrariorum enim contrarias necesse est causas esse : unum vero idemque contrarium sibiipso esse non potest adversisque naturis constare. Cum ergo omnis motus ab una eademque sit causa, alter alteri adversus esse non potest. Falsis itaque fundamentis Aristoteli innititur ratio. Nam neque illud simpliciter verum est quod simplici corpori simplex debetur motus. Siquidem non minus

lapides, metalla et alia quaevis corpora rapide moventur deorsum, quam terrae glebae, cum tamen non simplicia corpora sint.

Sed neque ipsa ratiocinatio quicquam valet. Cur enim, si igneum esset coelum, sursum, non autem circulo, ferretur? Si enim ignis suapte natura mobilis uti et calidus est, semper et ubique mobilis erit perpetuoque motu agitabitur. Perpetuus autem motus esse non potest, nisi in gyrum; quod enim sursum aut deorsum movetur non potest perpetuo moveri, cum spatium terminis finitum sit. Proprius igitur ignis motus circularis non rectus erit: ille, non iste, perpetuus esse potest; et quidem ignis elementum supra aeris sphaeram ab Aristotele positum⁷³, perpetuo movetur in gyrum, et supera etiam aeris portio, ut motus cometarum ostendit⁷⁴. Sed si non naturalis ille est motus, quomodo perpetuus est? Quae enim contra naturam sunt diu durare non possunt, sed necesse est aliquando corrumpi. Is ergo proprius ignis censendus est motus, quem proprio in loco perpetuo agit, non quem agit positus extra propriam universitatem, cum in patriam properat advolatque. Nam etsi coeli portio extra propriam universitatem locumque poneretur, ad illam utique quam citissime properaret perniciosissimeque sursum ad naturalem locum advolaret. Proprius tamen coeli non rectus, sed circularis est motus. Si enim non pyramidalis figura, sed sphaerica igni in sua sphaera et propria universitate tribuitur, cum tamen extra illam pyramidalis videatur⁷⁵: cur ei tribuendus est motus rectus, quem habet extra suam universitatem, non circularis, quo perpetuo in sua sphaera movetur? Perperam igitur Aristoteles igni terraeque naturales hos tribuit motus ex particularium motibus, cum extra proprias universitates et loca posita feruntur ad proprias sedes et mansiones.

Nec quicquam
valet ratio
qua demon-
strare vult
coelum igneum
non esse.

Illa postmodum ratio, quod si coelum igneum esset universa supposita corpora iampridem absumpsisset⁷⁶, inanissima est. Siquidem ignis in tenui exilique materia minus urit: minus enim in flamma, quam in pruna ignitoque carbone, et in hoc rursus minus, quam in ignito ferro. Quapropter⁷⁷ coeli substantia exilis subtilissimaque ac summe expansa cum sit, exili item tenuique calore praedita erit; non

Item nec
valet supposi-
tio Aristotelis
quod si coe-
lum igneum
esset, universa
supposita cor-
pora absum-
psisset;

73) Cf. *De Coelo*, lib. 2, cp. 4, t. 1, pag. 282.

75) Cf. *De Coelo*, lib. 3, cp. 5, ibid. pag. 298.

327. 77) Ms.: Cum repetitur.

74) Cf. *Meteorol.*, lib. 1, cp. 7, ibid. pag. 330.

76) Cf. *Meteorol.*, lib. 1, cp. 3, ibid. pag. 328-

comburente, alioquin cum et ipse cum universo peripatu sphaeram ignis supra aerem statuatur, aerea sphaera decuplo multoque maiorem ⁷⁸, cur tandem non aerem universum combusserit in ignemque converterit, cum facillime possit aerem tanquam symbolum elementum in seipsum convertere? Ob nimiam ergo tenuitatem atque expansionem coelestis substantia, quamvis calida igneaeque sit, non comburit: veluti solaris radius, calidus cum sit, ob tenuem expansamque aeris materiam non comburit. At si per vitreum vas pura claraque plenum aqua pertranseat in seipsum collectus, comburit ignemque accendit, sicut et in concavis speculis percussus.

coelestis enim substantia, licet ignea, non comburit, quia summe exilis est.

Signa autem quae affert ad probandum propositum suum, oppositum astruunt.

Signa tandem, quae affert, a solis candore et currentium stellarum velocitate ⁷⁹, Aristotelis quidem propositum eo absunt ut probent, ut oppositum astruant. Cum enim meteora haec nil aliud sint quam igniti vapores accensaeque exhalationes, inde argumentari licet astra coeli universa ignea natura constare, quod currentes hae stellae illorum specimen praebent omnemque similitudinem praeferunt: corpusque coelo subiectum, in quo haec fiunt atque conspiciuntur, supero corpori, in quo astra videntur, eadem ratione simillimum suapte natura esse.

Solis enim candor probat solem igneum esse, quia lux quo magis candida eo magis urit.

Ideo cum sol omnes ignis effectus producat, igneus censendus est.

Solis item candor, quod Aristoteli persuasit solarem substantiam natura ignea minime praeditam esse, nobis oppositum magis quam propositum manifestat. Siquidem pura vigensque ignis flamma, candida admodum est solique simillima; lux item per phialam aqua plenam pertransiens candidissima facta, ut tanquam sol debilem visum reverberet, ignem accendit. Sed forte ignis flamma Aristotelis tempore alterius erat coloris nullumque prae se ferebat candorem, nullum splendorem vel lucem; nostris vero temporibus lux quoque ignis ut solis candida idemque solis ac ignis candor naturalis color esse videtur. Cum igitur sol, sensus ipsius testimonio, ut ignis candeat, luceat, splendeat, moveatur, calefaciat omnesque ignis effectus suapte natura producat, cur igneus non sit universumque coelum eadem natura sit praeditum, nulla penitus ratio nullumque est argumentum.

Ponens itaque Divinus Moyses coelum et terram [principia] entium omnium, quae ortui et interitui obnoxia sunt, ignem et

⁷⁸ Cf. *Meteorol.*, lib. 1, cp. 3, t. 1, pag. 327.

⁷⁹ Cf. *ibid.* pag. 327-328.

terram prima omnium corpora statuit. Cum autem haec maxime opposita corpora sint, illud quidem supremum maxime nobile, transpicuum, lucidum, mobile, tenue, subtile et acutum : haec infima, vilis, opaca, tenebrosa, immobilis, crassa, obtusa et minimum entium, summe etiam rationi consonum consentaneumque videtur, ut ⁸⁰ sicut coelum, natura igneum, maxime calidum est, ita quoque terra suapte natura frigidissima censeatur ; cum enim suapte natura nullum penitus calorem possideat et a coelo, omnis caloris parente, longissime distet, censenda omnino frigidissima est. Quod etiam eius gravitas densitasque demonstrat ; frigus enim haec efficit : aerem enim, suapte natura levem tenuemque, condensat in gravem aquam : hanc vero in glaciem comprimit in lapidemque convertit. Quapropter cum terra maxime omnium crassa, densa gravisque sit, nonnisi a maximo intensissimoque eius frigore provenire id potest.

Cum etiam in reliquis duo haec maxime opposita sint, summe enim distant, summe etiam contrariis qualitatibus praedita necesse est esse. Non est autem calori contraria qualitas nisi frigus ; quod si non terra, quodnam aliud ens erit frigiditatis universae parens ? Aqua enim frigidissima esse non potest, uti ignis calidissimus ; frigore enim non perficitur, ut ignis calore, sed laeditur, sed corrumpitur, in glaciem, lapidem terramque convertitur ; terra vero frigore minime laeditur, sed conservatur, augetur ac magis magisque increscit atque perficitur, ut ignis calore ; ac sicut frigore ignis perit, ita et terra calore consumitur et magis magisque extenuatur et deperit. Sed omne quod laeditur et ad interitum ducitur, nonnisi a suo contrario pati id potest. Quod si aqua vel maxime ignem extinguere in interitumque abire tanquam a summe contraria quis dicat, plane non minus calida fervensque aqua, quam frigida aut gelida ignem exstinguit. Nec minus vinum suapte natura calidum, aut quodvis aliud crassitie quapiam donatum corpus, id aget quam aqua. Ignis enim, cum suapte natura tenuitate gaudeat, crassitie superveniente oppressus ac veluti suffocatus exspirat, multoque potentior suapte natura terra, quam aqua, ad ignem interimendum est, quamvis citius aqua aut quodvis aliud liquidius corpus id agat. Cum enim igniti corporis aperti sint pori ⁸¹, facilius illos liquida crassities

Rectius ergo
Moyses
coelum et terram
ponit primam omnium
naturalium
rerum principia ; quia coelum
naturaliter igneum,
ideo maxime
mobile est ;

terra vero
naturaliter frigida
et opaca
et ideo
maxime immobilis.

Id quoque
convenit rationi
principii,
nam coelum
maxime
calidum, terra
autem maxime
frigida est,
ideo contraria
principia.

Et hoc probatur
ex eo quod terra
potentior est
aqua ad
ignem
extinguendum,

80) Ms.: *Ut* repetitur.

81) Ms.: *Poris*.

quia terra magis frigida est quam aqua.

opplet citiusque ob id occlusum ignem interimit : quod terra nimium obtusa nimiumque crassa non potest. Non ergo summi frigoris ratione aqua ignem extinguit, cum calida nil minus id agat : sed ⁸² quia sua crassitie ignis tenuitatem opprimit suffocatque. Non igitur aqua, sed terra summe frigida est, uti et summe calidus ignis.

Ideo Moyses ponit duo extrema: coelum summe calidum et mobile, et terram summe frigidam et immobilem;

Universam itaque corpoream molem in duas partes, coelum terramque, dividens *D i v i n u s M o y s e s*, illam summo calore, hanc vero summo frigore praeditam docet; propterea enim illa perpetuo mobilis, tenuis acutaque est: haec vero immobilis, crassa, obtusa.

et cum principia contraria sint, sicut terra est summe sicca, ita coelum summe humidum est.

Sicut autem rationi consentaneum est ex coeli calore terrae frigiditatem inferre, ita consonum quoque esse videtur ex terrae innata congenitaque siccitate et illa quidem summa — terra enim nil siccius, nil unquam aridius, — coeli summam humiditatem arguere: contraria contrariis utique qualitatibus praedita necesse est esse. Humidum autem dico, non humectans et madefaciens; hoc enim aquae et aliorum quorumcumque corporum proprium est, quae sunt suapte natura liquida et molli quadam crassitie labilique fluore praedita; sed humidum dico corpus quod proprio quidem termino difficile, alieno vero facillime terminatur, cuiusmodi est aer, qui humidissimus censetur, aeris vero natura coelo simillima est; quapropter uno eodemque coeli nomine utriusque substantia semper a *M o y s e* designatur.

Nec obstat quod coelum sit natura igneum; nam nec ignis est naturaliter siccus,

Nec quicquam positioni huic obstat quod coelum natura sit igneum; non enim ignis, ut putatur, siccus est, quia terrea quaeque exiccare videtur, non enim proprie exiccat, sed praeinexistentem siccitatem demonstrat. Si enim terra suapte natura maxime sicca summopereque arida est, quomodo fieri potest ut exiccetur magis? Sed ignis eorum corporum, quae exiccare videtur tenuiores partes in humidissimos tenuissimosque vapores convertens, praeinexistentem corporibus ariditatem duritiemque demonstrat. Alia vero corpora, quae terrea non sunt, nequaquam exiccat, imo humidiora reddit. Aquam enim in tenues vapores aeremque humidum valde convertit; quod si aereum corpus ob id humidissimum existimatur quod valde sit tenue, tactui nihil resistat et alieno termino facillime terminetur, cum ignis suapte natura sit aere multo tenuior multoque spiritualior, cur non humidior etiam existimandus erit?

Quod si effectus a simili semper causa dimanat, lumen a lucido, calor a calido, frigus a frigido, cum ignis causa sit humiditatis, non autem siccitatis, humidus utique non siccus censendus est. Nam et si terrea corpora exiccare videtur, non tamen vere exiccat, sed inditam terrae siccitatem ostendit, quae cum summa maximaque ⁸³ ariditate sit praedita, exiccari minime potest, sicut nec ignis calefieri, cum summe sit calidus cumque contrariorum contrariae sint causae; [cum] frigus autem ariditatis sit causa, calorem necesse est causam humiditatis esse ⁸⁴, ac cum frigidissima terra summe sit arida, calidissimum ignem summe necesse [est] humidum esse. Igneum itaque coelum summe praeditum est humiditate tanquam summo etiam praeditum suapte natura calore; sicut etiam terra, natura frigidissima frigorisque universi origo, summe est arida. At cum inspiciamus *D i v i n u m M o y s e m* universam corpoream molem calori fri... ⁸⁵.

imo est causa
humiditatis,
non siccitatis.

Ideo coelum
summe
igneum, sum-
me etiam hu-
midum est, si-
cut terra sum-
me frigida,
summe
etiam arida
est.

83) Ms.: *Sit* repetitur.

84) Ms.: *Est*.

quem supra, pag. 99, Auctor promiserat.

85) Desunt reliqua, etiam tractatus de motu,

IN NOMINE DOMINI IESU CHRISTI
ET GLORIOSAE VIRGINIS MARIAE

CAPUT PRIMUM ⁽¹⁾

Vr. 1 *In principio.* Hebraice: בְּרֵאשִׁית.

Triplici inscriptione solent Hebraei ² Sacrae Scripturae libris titulum insignire: vel a libri inchoatione, vel materia, vel auctore. Itaque Sacrae Geneseos liber: בְּרֵאשִׁית ³ apud eos vocatur eo quod ab eis verbis exorsus sit Moyses eius libri auctor. Consimili ratione *Exodus*: שְׁמוֹת; *Leviticus*: וַיִּקְרָא; sicque omnes *Pentateuchi* libri a b inchoatione nomen sortiti sunt; sic itidem liber *Lamentationum*: אֵיכָה inscribitur. Ab auctore vero, omnes *Prophetarum* libri ac duo primi *Regum*, a Samuele, libri *Samuelis* vocantur, tum quia partim ab eo conscripti sunt ⁴, tum etiam quia omnia, quae in aliis tractantur, ad eum quodammodo referuntur. Sic forte etiam *Iosue* liber, etsi Hebraei dissentiant ⁵, veri tamen simillimum est Iosue rerum suarum commentarios edidisse ⁶. Demum a materia, ut *Iudicum* liber, omnes libri Salomonis, *Paralipomenon* quoque ac *Regum* libri. Moyses ergo, qui iuxta omnium

Tripliciter inscribuntur ab Hebraeis S. Scripturae libri:

ab inchoatione libri;

ab auctore;

a materia.

1) Inscriptio «CAPUT PRIMUM» a nobis adiecta fuit. 2) Cf. Aiph. Tostatus *Comment.*, in lib. *Gen.*, vol. 1, f. 1^a; Aug. Calmet *Prolegom.* in *Gen.*, t. 1, pag. XIV; Cornely *Introduct.* in *S. Scripturae Libros*, pag. 304; Hummelauer *Comment.* in *Gen.*, pag. 1. 3) Ms.: *Bere-scit*, et sic infra: *Scemot, Valera, Aeca.* 4) Cf. S. Isidorus *Hisp. Etymol.*, lib. 6, cp. 2, (P. L. 82, 251); Cornely op. cit. pag. 382. 5) Cf. Corn. A. Lapide *Comment.* in *Iosue*, *Prologus*, pag. 1; Hildebrandus Höpfl *Introduct.* in *Sacros Utriusque Testamenti Libros*, *De Libro Iosue*, t. 2, pag. 68-72; Cornely op. cit. pag. 363. 6) Cf. S. Isidorus *Hisp. Etymol.*, lib. 6, cp. 2, (P. L. 82, 230); Aug. Calmet *Prolegom.* in lib. *Iosue*, t. 2, pag. 11; Corn. A. Lapide *Comment.* in *Iosue*, *Prologus*, pag. 1.

Hebraeorum sententiam ⁷, D. quoque Basilii in *Hexaemeron* ⁸, Ioannis etiam Chrysostomi *super Genesim* ⁹, ac denique communem omnium Doctorum paremque consensum, libri huius auctor ac totius *Pentateuchi* extitit, volens principia fidei tradere quae sumunt creationis exordia et divina foedera cum creatura, sic exorsus est: *In principio creavit Deus coelum et terram*. Quinque tantum sunt verba et cuncta in se claudunt et continent divina mysteria et mirifica sacramenta; ideo singula verba expendamus.

In principio: בְּרֵאשִׁית. Septuaginta Interpretes,

In principio,
etc.
Prima
interpretatio:
In principio,
idest in initio
temporis;

secunda:
In principio,
idest in Filio;
hoc sensu eliditur error
Manichaei,
qui ponit duo
principia
rerum: bonum
et malum.

Symmachus ¹⁰ et Theodotio ¹¹: *In principio* transtulerunt; Aquila interpretatur ¹²: *In capitulo*; Chaldaeus Interpretres habet: בְּקֶדְמִין ¹³, loco: בְּרֵאשִׁית; autem temporis initium chaldaice designat. Secunda Editio Chaldaica, quae Targum Ierosolymitanum dicitur, transtulit: בְּחֹכְמָא, idest: *In sapientia* ¹⁴. Iuxta hunc sensum eliditur error impii Manichaei, qui duo rerum principia posuit ¹⁵: unum bonorum, alterum malorum; unum spiritualium, alterum corporalium: cum Deus hic *in principio*, idest in Filio dicatur coelum terramque creasse. Et quidem sicut effectuum principium Patri appropriatur propter potentiam, ita exemplare Filio propter sapientiam, ut quemadmodum dicitur: *Omnia in sapientia fecisti* ¹⁶, ita intelligatur Deum omnia in principio creasse, idest in Filio.

Licet interpretatio haec sit tantum secundum sensum, tamen illi favent Tertullianus, Origenes, Hilarius, Augustinus.

Ultima autem haec interpretatio secundum sensum potius est, quam secundum verbi translationem, quae mirum in modum favet Tertulliano in libro *Contra Praxeam* ¹⁷, Origeni ¹⁸, Hilario ¹⁹ et Augustino ²⁰, qui verbum hoc ita exponendum censent: *In principio*, hoc est in Filio, qui Patris est Verbum ac Sapientia rerumque omnium principium, *per quem facta sunt omnia*, ut patet Ioannis *1* ²¹, qui etiam de seipso dicit: *Ego principium, qui et lo-*

7) Cf. Philo Iudaeus *De Mundi Opificio*, t. 1, pag. 1 sqq.; Cornely op. cit. pag. 311.

8) *Hom.* 1, (P. G. 29, 6).

9) *Hom.* 2, *ibid.* 53, 28.

10) Apud Origenem *Hexapla in Gen.*, *ibid.* 15, 145-146.

11) *Ibid.* col. 146.

12) *Ibid.* col. 144; Io. De La Haye

Biblia Maxima Versionum, vol. 1, pag. 2.

13) Ms.: *Becadmin*, et sic postea: *Berescit*, *Cadmin*, *Bechoema*.

14) Cf. Io. De La Haye op. cit. vol. 1, pag. 2.

15) Cf. S. Augustinus

De Haeresibus ad Quodvultueum, *Haeres.* 46, (P. L. 42, 34).

16) Ps 103, 24.

17) Cp. 5, (P. L. 2, 159-160).

18) *Hom.* 1 *in Gen.*, (P. G. 12, 145).

19) *Tract. in 2*

Ps., (P. L. 9, 143).

20) *Confess.*, lib. 12, cp. 20, *ibid.* 32, 836-837.

21) Vr. 3. Vulg.: *Omnia per ipsum facta sunt.*

quor vobis²². Favet etiam huic expositioni id quod in *Psalterio* de seipso dicit: *In capite libri scriptum est de me*²³, idest *in principio Geneseos*; et iuxta hanc sententiam verti potuit verbum **בראשית**: *in principio*, sive *cum principio*, et *per principium*; tribus nanque his modis praepositio in apud Hebraeos accipitur. Prima acceptio est apud eos praecipua et frequentissima; secunda habetur *Isaiae*²⁴ 7: *Cum sagittis et arcu ingredientur illuc*; tertia, *Geneseos*²⁵: *Per me iuravi*. Sacri autem theologi Deum et in Filio et cum Filio et per Filium mundum creasse²⁶ asserunt. Unde Paulus ad Colossenses²⁷: *Quia in ipso condita sunt universa in coelis et in terra, visibilia et invisibilia, sive throni sive dominationes sive principatus sive potestates: omnia per ipsum et in ipso creata sunt*.

Prior vero interpretatio magis est secundum litteram, ut intelligamus initio temporis Deum creasse coelum et terram; non quod creaverit ea in tempore, sed in primo temporis instanti, quod tempus dici nullo pacto potest, sed tantum temporis principium. Sicut enim principium lineae non est linea, sic temporis principium tempus non est; ita quod Deus citra omnis temporis morulam coelum terramque creavit, adeo ut creatio rerum minus momento perfecta sit. Ita exponit Divus Basilius in *Hexaemeron*²⁸; Divus Ambrosius eiusdem sententiae est in 1 libro *Hexaemeron*²⁹; est eadem Hebraeorum expositio, qui verbum hoc intelligendum asserunt quemadmodum dicitur: *In principio regni Sedeciae*³⁰, in principio regni Iechoniae, *In principio regni Ioachim*³¹. Hoc in Glossa Hebraeorum habetur³², cui etiam Aben Ezra subscribit³³. Iuxta hunc sensum eliditur Aristotelis error, qui mundum Deo coaeternum fecit³⁴, eum asserens nec principium aliquando habuisse nec habiturum finem.

Sunt ex Graecis etiam nonnulli³⁵, inter quos etiam Theodoretus³⁶, qui ita exponunt: *In principio*, idest *in primis*, aut *primum*,

Prior vero interpretatio magis est secundum litteram;

eique favent Basilius, Ambrosius et Aben Ezra.

Hoc sensu eliditur error Aristotelis, qui mundum coaeternum Deo fecit.

Alii exponunt; in principio, idest in primis,

22) Ibid. 8, 23.

23) Ps 39, 8.

24) Vr. 24.

25) 22, 16. Vulg. Per memetipsum

iuravi, etc.

26) Ms.: Creatum.

27) 1, 16. Vulg.: Quontam, etc.

28) Hom. 1,

(P. G. 29, 15).

29) Cp. 4, (P. L. 14, 127-130).

30) Ier 28, 1; 49, 34.

31) Ibid. 27, 1.

32) Cf. *Biblia Rabbinica, cum commentis Rab. Salomonis, et Rab. Aben Ezrae*, f. 2^a; Maimonides *More Nebuchim*, part. 2, cp. 30, pag. 271-275; Santes Pagnini *Thesaurus Linguae Sanctae*, sub radice: **שָׁנָה**, col. 2594.

33) *Biblia Rabbinica*, f. 2^a.

34) *De Coelo*, lib. 2, cp. 1,

t. 1, pag. 279.

35) Cf. S. Io. Chrysostomus *Hom. 2 in Gen.*, (P. G. 53, 30); Severianus

De Mundi Creatione, Orat. 1. ibid. 56, 433.

36) *Quaest. in Gen., Interr. 4-5, ibid. 80, 82-86.*

et sic eliditur
error illorum,
qui dicunt
Deum mini-
sterio angelo-
rum mundum
creasse.

creavit Deus coelum, antequam cetera constitueret. Per hunc sensum eliminatur error illorum, qui impie asseruere ³⁷ Deum ministerio angelorum ceterarumque spiritualium creaturarum coelum et terram ceteraque corporalia creasse. Nam si primo omnium coelum terramque creavit, non erant angeli quorum ministerio uteretur in corporalium productione: alioquin non primo omnium, cum creaturae spirituales essent primae eaque suo aevo praecessissent.

Expositio
Rab.
Salomonis.

Huic tamen expositioni refragatur Rabbīnus Salomō hebraeus, dicens ³⁸ בראשית non significare ordinem creationis, dicendo quod haec praecesserint, quia, si hoc significare voluisset, dixisset: בראשנה, prius, aut in primis; ipse vero cum Aben Ezra ³⁹ dicit ⁴⁰ verbum: בראשית, ⁴¹ esse in regimine genitivi sicque esse intelligendum quod dicitur: *in principio creandi Deum coelum*, sive *quo creavit Deus coelum et terram, terra erat*, etc.; ita quod per בראשית temporis initium ipsi exponunt, sicut dicitur Ieremia ⁴²: *In principio regni Ioachim*, etc.

Dictio haec:
בראשית,
in elementa re-
soluta et ite-
rum diverse
recomposita,
mirabiles
arcanos sensus
praesefert.

Sed oclusam in hoc verbo sapientiam si quis attendat, videbit in ea dictione universam de mundi rerumque omnium creatione apertam et explicatam rationem. Siquidem ex huius vocabuli in elementa resolutione ac diversa eorundem adinvicem compositione, tota haec oratio duodecim nominum hebraice textitur: אב בכר ראשית שבת ברא ראש אש שת רב איש ברית תב, idest: *Pater in Filio*, sive *per Filium*, vel *in Filio principio et fine*, *creavit caput, ignem, fundamentum magni hominis foedere bono*. In ultima dictione ט littera mutatur in ת, quod Hebraeis frequentissimum est in litteris eiusdem pronuntiationis.

Recte homo
dicitur parvus
mundus, quia
in homine
inveniuntur
tres mundi
partes:

Quam mire hic prima expositio elucet, quod Deus Pater in Filio, vel cum Filio, vel per Filium mundum creaverit! Filius autem *principium ac finis*, sive *quies* dicitur, iuxta illud: *Ego sum alpha et omega, principium et finis* ⁴³. Sed magnus hic homo quid significat? Mundus ipse. Nam sicut homo est parvus mundus, ita mundus est magnus homo. Hinc sumpta occasione, tres mundos, intellectualem

37) Cf. S. Augustinus *De Trinitate*, lib. 3, cp. 8-9, (P. L. 41, 875-879); S. Bonaventura *Sentent.*, lib. 2, dist. 7, cp. 7-9; S. Thomas S. *Theolog.*, 1^a, q. 75, a. 3-4; Nic. Lyranus *Biblia cum Glossis*, etc. vol. 1, f. 29^b; Io. Buxtorffius filius *Dissertationes Philologico-Theologicae*, Dissert. 5, *De Nominibus Dei*, pag. 265.

38) *Biblia Rabbinica*, f. 2^a.

39) Ibid.

40) Ms.: *Dicunt*.

41) Ms.: *Berescit*, et infra.

42) Cf. not. 31 huius cp.

43) Apc 21, 6 Vulg.: *Initium*.

videlicet, coelestem et corruptibilem, per tres hominis partes aptissime figurat. In homine prima pars caput est; altera a collo ad umbilicum; inde ad pedes usque, tertia. In capite cerebrum est fons cognitionis; Intellectualis, in pectore cor fons motus et vitae et caloris; in tertia demum genitalia membra principium generationis. Itidem autem in mundo suprema pars intellectualis, nanque ad intelligendum creata est; pars altera ignea, coelum est, principium motus, vitae atque caloris; pars vero sublunaris generationi et corruptioni manifestissime subiecta est. Primam Moyses vocavit caput, quia fons totius cognitionis; secundam, ignem, quia coelum igneae naturae putatur; tertiam, fundamentum magni hominis, quia per eam totum hominis corpus fundatur ac sustinetur. Verum quia inter haec foedus est perpetuae pacis et amicitiae, et terrestres, hinc subiecit: Foedere bono, de quo foedere per Ieremiam ⁴⁴: *Dominus dicit: Si pactum meum, hoc est foedus pacis et amicitiae, inter diem et noctem, et leges coelo et terrae non posui; quod foedus utique bonum est, quia ad Deum, qui est ipsum bonum, dirigitur* ⁴⁵.

44) 33, 25. Vulg.: *Dicit Dominus*, etc. 45) Artificiosissima haec interpretatio dictionis בראשית ex Io. Pico Mirandula desumpta fuit. Ait enim in *Heptaplo, Septima expositio*, ep. ultimo, *Expositio primae dictionis idest in principio* (sine numeratione foliorum): « Sed cogitamus per aliam interpretandi rationem gustum dare lectoribus mosaicae profunditatis... Libuit periclitari in prima operis dictione, quae apud Hebraeos *Brescit*, apud nos *in principio* legitur, an ego quoque, usus regulis antiquorum, eruere in lucem inde cognitu dignum aliquid possem. Igitur praeter spem meam, praeter opinionem inveni quod neque inveniens ipse credebam, neque credere alii facile potuerunt universam de mundi rerumque omnium creatione rationem in una ea dictione apertam et explicatam. Rem dico mirabilem, inauditam et incredibilem. Sed mox credetis si attenderitis et res ipsa verum me demonstrabit... Dictio illa apud Hebraeos hoc modo scribitur: בראשית. *Beresith*. (Dictiones hebraicae a nobis adiectae fuerunt; eae desunt in textu, sed spatium vacuum earum loco relictum fuit). Ex hac igitur si tertiam litteram primae coniungamus, fit dictio: אב, idest *ab*. Si geminatae primae secundam addamus, fit: בבר, idest *bebar*. Si praeter primam omnes legamus, fit: ראשית, idest *resit*. Si quartam primae et ultimae conectamus, fit: שבה, idest *sciabat*. Si tres primas quo iacent ordine statuamus, fit: ברא, idest *bara*. Si prima omissa, tres sequentes, fit: ראש, idest *rosc*. Si omissis prima et secunda, duas sequentes, fit: אש, idest *es*. Si tribus primis omissis, quartam ultimae copulemus, fit: שת, idest *seth*. Rursus si secundam primae, fit: רב, idest *rab*. Si post tertiam quintam tum quartam statuamus, fit: איש, idest *hisc*. Si primas duas duabus ultimis coagmetemus, fit: כרית, idest *berith*. Si ultima primae, fit ultima dictio et duodecima, quae est: תב, idest *tob* verso, quod frequentissimum est apud Hebraeos thau in thet elementum. Videamus autem quid primo haec latine significent: tum quae per ea non ignaris philosophiae de tota natura mysteria revelentur. *Ab* patrem significat; *Bbar* in filio et per filium (utrumque enim significat beth praepositio); *Rescit*, principium; *Sabath*, quietem et finem; *Bara*, creavit; *Ros*, caput; *Es*, ignem; *Seth*, fundamentum; *Rab*, magni; *Hisc*, hominis; *Berith*, foedere; *Tob*, bono. Et totam si ordine consequenti orationem texamus, erit huiusmodi: Pater in Filio et per Filium principium et finem, sive quietem, creavit caput, ignem et fundamentum magni hominis foedere bono: haec tota oratio ex primae illius dictionis resolutionem et compositionem dissultat. Et sic prosequitur usque ad finem huius interpretationis, quam S. Auctor affert iisdem fere verbis.

Creavit. Hebraice: **בָּרָא**. Chaldaice: **בָּרָא**.

Creavit.
Iuxta theolo-
gos creare est
ex nihilo
producere.

Differentia
inter *creare*,
formare et
facere ab
Hebraeis
statuta,

quam Aben
Ezra non
approbat.

A Sanctis
Patribus
varie expo-
nitur hoc ver-
bum: *creare*.

Iuxta etymo-
logiam *creare*
est novam
rem producere,
sive ex nihilo,
sive ex aliquo.

Communis est omnium theologorum sententia creationem esse actionem divinam, qua ex nihilo aliquid producitur. Eadem nonnul-
lorum ex Hebraeis fuit opinio, quam Aben Ezra refert ⁴⁶: «Multi,
inquit, exponentes dicunt quod **שֶׁהִבְרִיאה לְהוֹצִיא יֵשׁ מֵאֵין**,
creatio est productio ex nihilo; et hi differentiam statuunt inter
בָּרָא, **עָשָׂה** et **יָצַר**, *creare*, *formare* et *facere*; *crea-*
re, dicunt, est ex nihilo aliquid facere; *formare*, enti creato
figuram induere; et *facere*, est membra singula ordinare. Atque
tali pacto exponunt illud Isaiae ⁴⁷: *Et omnem, qui invocat nomen*
meum, in gloriam meam creavi eum, formavi eum et feci eum; ubi
in hebraeo haec tria verba habentur. Hos Aben Ezra redar-
guit, dicens ⁴⁸ eos oblitos esse quod dicitur: *Creavit Deus cete*
grandia ⁴⁹; et paulo post: *Creavit Deus hominem* ⁵⁰; et Isaiae ⁵¹:
Formans lucem et creans tenebras, faciens pacem et creans mala.

Verbum **בָּרָא** ⁵², Septuaginta transtulerunt: *Ἐποίησεν*, hoc
est *fecit*, sicque legunt ex Graecis D. Basilius in *Hexaemeron* ⁵³,
Ioannes Chrysostomus *super Genesim*, ⁵⁴ Origenes ⁵⁵, Atha-
nasius ⁵⁶ et alii non pauci ⁵⁷; ex Latinis etiam D. Ambrosius ⁵⁸.

D. Augustinus, tractans praememoratum locum Isaiae
in libro primo *Contra Calumniatorem Scripturarum* ⁵⁹, assignat di-
scrimen inter *creare* et *facere*: quod *creare* proprie est
esse ex aliquo; *facere* vero ex nihilo. Verbo etiam *creandi*
in graeco correspondet: *κτίω*, quod etiam *condo* significat,
unde et urbes creari dicuntur; Marcus enim Cicero Romu-
lum urbis Romae creatorem vocat et principem ⁶⁰, ut in praefato
libro asserit Augustinus ⁶¹. Verbum etiam *creo* venit a voce
graeca: *κρέας*, quod est *caro*; unde *creare* est ⁶² quasi *producere*,
sive *carnem facere*: quo pacto animalia procreari dicuntur; et inde

46) Op. cit. f. 2^a. Aben Ezra scribit: **שֶׁהִבְרִיאה**; in ms. autem deest littera **ש**.

47) 43, 7.

48) Ms.: *Dices*.

49) Gn 1, 21.

50) Ibid. vr. 27.

51) 45, 7. Vulg.: *Creans malum*.

52) Ms.: *Bara*.

53) Hom. 1, (P. G. 29, 18-19).

54) Hom. 2, ibid. 53, 26-30.

55) Hom. 1, ibid. 12, 145.

56) Orat. contra Arianos,

ibid. 26, 267.

57) Cf. Procopius *Comment. in Gen.*, ibid. 87, 38-39; Cosmas *Topographia*
Christiana, lib. 1, ibid. 88, 75-78; Anastasius Sinaita *In Hexaem.*, lib. 1, ibid. 89, 857-860;

Georg. Cedrenus *Hist. Compendium*, ibid. 121, 27.

58) *Hexaem.*, lib. 1, cp. 2-4, (P. L.

14, 124-130).

59) Cf. cp. 23, ibid. 42, 632-634.

60) Ms.: *Principes*.

61) Cf. *De*

Fide et Symbolo, cp. 3, (P. L. 40, 184).

62) Ms.: *El*.

etiam crescere, quod non solum de animalibus, verum etiam de plantis et fructibus dicitur; unde Marcus Cicerō *De Finibus* ⁶³: « Omnium rerum, quas creat natura et tuetur ». In universum ergo haec vox, tum apud Latinos tum etiam apud Hebraeos, rei alicuius novae productionem significat, sive sit ex nihilo sive ex aliquo.

Ita Rabbīnus David in libro *Radicum* ⁶⁴, assignans differentiam inter ברא et יצר, creare et formare, quod hoc ⁶⁵ secundum de re corporea, sive quae habet esse in corpore, vel est susceptiva sensibilibus potentiarum, sive de ipsis sensibilibus potentiis dicitur; primum vero de qualibet re sive de innovatione cuiuslibet rei, quae de non esse ad esse procedit. Noster etiam Interpres illud Numeri ⁶⁶: אִם-בְּרִיאָה יִבְרָא: *Si creaturam creaverit*, transtulit: *Si rem novam creaverit*.

Differentia assignata a R. David Kimchi inter creare et formare.

Quamvis autem in Scripturis frequentior huius vocis significatio aptata sit his, quae ex aliquo producta sunt, maxime quando quid Dei iussu ex alio educitur, sicut dicitur creasse hominem et animalia et plantas et alia quaecumque suo iussu, ex aliqua materia prodierunt: hoc tamen in loco productionem ex nihilo oportet intelligere, sive illa creatio sive factio dicatur, cum sit haec productio prima, quae nullam materiam supponit. Neque enim physica haec generatio est, quae a naturali potentia per motum in tempore fit subiectumque necessario supponit; sed hyperphysica generatio est, quam ⁶⁷ hic creationem vocamus, quae, cum nec fiat in tempore, nec aliqua sive alteratio sive transmutatio interveniat, nullum subiectum requirit.

Hoc tamen loco productio ex nihilo intelligenda est, quia actio creativa Dei nullum subiectum habuit.

Quamobrem Ioannes Grammaticus recte interpretatur ⁶⁸ Aristotelem, qui dum negat Deum esse factorem mundi, in hunc sensum negat non esse factum, idest per modum mutationis, sed magis dicendus productor. Ait enim 1 ⁶⁹ *De Generatione* ⁷⁰ « Nunquam videtur Aristoteles protulisse effectricem mundi causam esse Deum. Asserit enim facere nihil aliud esse, quam via quadam et per modum generandi aliquid in lucem adferre. At Deus neque tempore operatur, neque sine subita perfectione. Ex eo igitur negat mundum fecisse, sed

Hoc sensu Io. Grammaticus defendit Aristotelem negantem Deum esse factorem mundi, cum potius dicendus sit productor.

63) Vol. 4, col. 150. 64) Sub voce; ברא. Liber *Radicum*, hebraice: סֵפֶר הַשְּׂרָשִׁים: *Sepher Asciarascim*. 65) Ms.: Ho. 66) 16, 30. Vulg.: Sin autem, novam rem fecerit.

67) Ms.: Qua. 68) Ms.: Trepretatur. 69) Ms.: 2°. 70) *De Generatione et Corruptione Aristotelis*, lib. 1, text. c. 53-55, Comment. 112, pag. 67-68.

magis dicendum esse eum produxisse ». Quae hic a I o a n n e G r a m - m a t i c o dicuntur, videntur cum nostris theologis convenire. Neque enim nos, cum dicimus mundi creationem esse productionem ex nihilo, ponimus aliquod subiectum quod sit ipsum nihilum, ex quo quid fiat: habet enim manifestissimam contradictionem; sed intelligimus dictum ex nihilo negative, idest non ex aliquo, sine nulla praeiacente materia, idque infinitae Dei potentiae tribuimus, qui omnem artem ⁷¹, omnem naturam sua virtute immensa supervincit. Non tamen negamus quin possit quaedam passiva potentia in creaturis ⁷² ipsis considerari antequam conderentur et in seipsis existerent; in Deo enim quodammodo erant, ut produci possent et creata extra illum existerent.

Advertendum hic est M o y s e n his verbis tres ethnicorum philosophorum errores elidere, dum dicit Deum creasse, idest ex nihilo mundum produxisse. Primum P l a t o n i s qui posuit tria aeterna ⁷³: Deum, ideas et ὕλην ⁷⁴, idest materiam, et de tali aeterna materia Deum dicebat mundum fecisse. A r i s t o t e l e s mundum asserebat ⁷⁵ Deo coaeternum, a Deo tamen dependere, sine principio et fine ⁷⁶. E p i - c u r u s ⁷⁷ et quamplures alii ⁷⁸, inane et atomos aeterna ponebant, et in principio naturam quosdam atomos solidasse in terram, alios in aquam, in aerem et ignem. Nam si *creavit*, idest de nihilo produxit, non ergo ex increata materia fecit, aut ex aeternis atomis et inane; et si *in principio* temporis, mundi coaeternitatem dissolvit.

Deus. Hebraice: אֱלֹהִים. Chaldaice: ܐܠܗܝܢ.

Mirifica in hoc verbo sacramenta ac magna mysteria continentur. Hic luce clarius immensam Dei virtutem, aeternitatem, essentiae unitatem ac divinarum Personarum trinitatem licet admirari. Dum enim dicitur in principio temporum mundum creasse, ideo perspicitur ante tempora aeternaliter extitisse, et qui in conditionis initio tanta celeritate operationis ex nihilo coelum terramque creasse declaratur,

Deus.
Hoc nomine:
אלהים, indicatur Dei
aeternitas et
omnipotentia,
divinae
naturae

71) Ms.: *Arte*. 72) Ms.: *Creaturi*. 73) Cf. S. Ambrosius *Hexaem.*, lib. 1, cp. 7, (P. L. 41, 136); Aristot. *Metaphysic.*, lib. 1, cp. 6, t. 2, pag. 489. 74) Ms.: *Ile*. 75) Cf. supra *Dissert.* 5. 76) *De Coelo*, lib. 2, cp. 1, t. 1, pag. 279; *De Mundo*, cp. 6, ibid. pag. 275-278; *Metaphysic.*, lib. 1, cp. 2, t. 2, pag. 485; lib. 7, cp. 1, pag. 523. 77) Cf. Lactantius *Divinae Institut.*, lib. 3, cp. 17, (P. L. 6, 401-402); S. Augustinus *Epist.* 118, cp. 4, ibid. 33, 445; *De Civitate Dei*, lib. 8, cp. 5, ibid. 41, 230; cf. etiam *Dissert.* 6, not. 11-12. 78) Cf. S. Augustinus *De Civitate Dei*, lib. 8, cp. 5, (P. L. 41, 230) Aristot.; *Metaphysic.*, lib. 1, cp. 4, t. 2, pag. 487.

eius omnipotentia indicitur, cui voluisse facere est, ut per incomprehensibilem operationis celeritatem incomprehensibilis operator exprimeretur, qui tantum opus brevi ac exiguo minus momento, temporis initio sua operatione absolveret ac voluntatis effectus sensum temporis praeveniret.

unitas et trinitas Personarum.

Scire praeterea oportet Dei nomen **אלהים**, hic a M o y s e positum, pluralis esse numeri, ab **אלה** deductum, sicut etiam **ארני** ab **ארן**; quae siquidem vox non solum Deum, sed etiam angelos atque homines heroes, tum ac principes sive iudices virosque praeclaros [significat], sicut patet vel parum exercitato in Sacra Scriptura; nusquam tamen eo nomine peculiarem angelum aut hominem denotamus, sed multos simul. Quidam tamen ex Hebraeis, ⁷⁹ et nonnulli etiam ex nostris ⁸⁰, negant vocem hanc pluralis esse numeri; sed ambo convincuntur; manifestissime enim in omnibus Scripturae locis, ubi non significat Deum, semper in plurali significatione accipitur, quemadmodum *Psalmo* ⁸¹: *Minuisti eum paulo minus ab angelis*; ubi stat **אלהים** ⁸² pro angelis, ut Chaldaeus Interpres et Septuaginta transtulerunt. In alio quoque *Psalmo* ⁸³: *Deus stetit in synagoga deorum; in medio autem deos diiudicat*, ubi stat pro iudicibus; et alibi: *Diis non detrahes* ⁸⁴; et iterum: *Ego dixi: Dii estis* ⁸⁵. Sed inquirunt quod, quando pro Deo vero accipitur, non potest pluraliter significare, aliter non iungeretur verbo singulari, ut hic dicitur: **אלהים ברא**, *creavit*, et non *creaverunt*.

Nomen hoc pluralis est numeri.

Alii tamen negant, sed falso;

At nos, ex opposito, in multis locis Sacrae Scripturae, ubi verum Deum significat, adiectivo pluralis numeri [dicimus] iungi ac etiam verbo. Nanque *Genesis* 20, ubi nostra Editio habet ⁸⁶: *Postquam eduxit*

Sacra enim Scriptura multoties eo nomine pluraliter utitur.

79) Cf. Rab. Aben Ezra op. cit. f. 2^a; Rab. Abrabanel *Explanatio Legis*, hebraice: פירוש בידוך הלשון, *Phirusc Atorah*, f. 5^a. Munsterus: «Iudaei dicunt hunc loquendi modum: בידוך הלשון, de proprietate linguae, nempe quod minores plurali numero et reverentiae causa loqui soleant cum maioribus, et quod maiores de seipsum quoque loquantur perinde ac si multi essent». *Critici Sacri*, t. 1, part. 1, col. 1. Valabius: «Quidam Hebraeorum dicunt אלהים vocari Deum, quod sit Dominus et iudex omnium». Ibid. col. 14. 80) Calotanus *In Quinque Mosaicis Libros*, f. 1^a, dicit esse idiotismum linguae hebraicae; cf. S. Hieronymus *Epist.* 25, (P. L. 22, 429); *Hebraic. Quaest. in Gen.*, ibid. 23, 947; Hugo Rotomag. *Tract. in Hexaem.*, lib. 1, ibid. 192, 1252; Io. Drusius *Elohim sive De Nomine Dei*, ubi fusius tractat hoc argumentum. *Critici Sacri*, t. 1, part. 2, pag. 298-319. 81) 8, 6. 82) Ms.: Eloim, et infra. 83) 81, 1. 84) Ex 22, 28. 85) Ps 81, 6. 86) Vr. 13.

me Deus de domo patris mei, Hebraica Veritas habet: Postquam eduxerunt me dii; 2 Regum, ubi dicitur⁸⁷: Quae... autem, ut populus tuus Israel, gens una..., propter quam iuit Deus ut redimeret sibi eam...? Hebraica Veritas habet: Pro qua iverunt dii. Nec potest hoc de Moyse et Aaron dici, nam in Paralipomenon ponitur⁸⁸ nomen Domini τετραγράμματον⁸⁹. Iosue ultimo⁹⁰, ubi dicitur: Non poteritis servire Domino, quia Dominus... sanctus ipse, Hebraica Veritas: Quia אלהים⁹¹ sancti ipsi. Isaiae 54⁹²: Dominabitur tui qui te fecit, Dominus exercituum nomen eius, hebraice: Dominatores tui factores tui; ponitur autem ibi nomen τετραγράμματον. Sic Ieremiae 23⁹³: Pervertistis verba Dei viventis Domini exercituum, Dei nostri, hebraice: Deorum viventium, ubi identidem nomen τετραγράμματον ponitur. Ex quibus locis liquido patet quod nomen אלהים, etiam quando pro vero Deo ponitur, tenetur pluraliter cum et voci adiectivae plurali ac etiam verbo iungatur.

Non est
pluralis
maiestatis, ut
falso asserunt
Rab. Aben
Ezra
et R. David;

in S. Scriptura
enim saepe
reperitur no-
men Dei in
singulari.

Propter haec Aben Ezra fatetur⁹⁴ nomen אלהים pluraliter significare cum pro Deo accipitur; sed inquit hoc esse moris linguae sanctae, causa reverentiae et honoris, quemadmodum in lingua ismaelitica minores in plurali numero alloquuntur maiores. Identidem et Rabbini David de voce אדני dicit⁹⁵ In lingua etiam italica consuetudo est venerabiles personas [loqui] numero plurali. At hoc merum hebraicae perfidiae commentum est. Si enim hoc ad praeclariorem Dei honorem esset dictum, perpetuo certe debebat observari, cum honor illi perpetuus debeatur; et tamen in Sacra Scriptura saepissime legimus sanctissimos viros singulari numero Deum esse allocutos atque ad Deum dirigentes sermonem usos esse nomine אל, אלה, שרי, יה, et aliis nominibus⁹⁶ singularibus. Praeterea si nullum in hoc verbo lateret

87) 7, 23. Vulg.: Ut redimeret eam sibi. 88) 1 Par 17, 21. 89) Ms.: Tetragrammaton, et infra. S. Hieronymus: « Nomen Tetragrammaton, hoc est, quattuor litterarum, quod proprie apud Hebraeos in Deo ponitur, idest duabus Ia, quae duplicata ineffabile illud et gloriosum Dei nomen efficiunt; dicitur autem ineffabilis, non quia dici non potest, sed quia finiri sensu et intellectu humano nullatenus potest, ideo nihil de eo digne dici potest, quia ineffabilis est ». De Deo et Nominibus eius, (P. L. 23, 1308). 90) Vr. 19. 91) Ms.: Elohim, et infra: Adonai. 92) Vr. 5. 93) Vr. 36. 94) Op. cit. f. 2*. 95) Op. cit. sub voce: אדני. 96) Pro nomine: אל, cf. Ex 34, 6; 2 Esr 9, 31; Ps 76 (hebr. 77), 14; pro nomine: אלה, Ps 85 (hebr. 86), 12; Dn 2, 23; pro nomine: שרי, Gn 8, 5; 17, 1; pro nomine: יה, Ps 113 (hebr. 115), 17-18; et Ps 110-112 (hebr. 111-113), 146-148. 150 (hebr. 147-150), qui omnes incipiunt ab יה הללו; pro aliis nominibus: עליון, Ps 9, 3; אדון, Ps 113, (hebr. 114), 7; יהאדון, Is 3, 1.

mysterium, sed tantum honoris causa eo usus est Moyses, cur non magis nomen τετραγράμματος posuit, quod est multo honorabilius, quapropter ineffabile ab eis putatur?

A b e n E z r a aliud finxit commentum ⁹⁷, Deum significari plurali numero propter pluralitatem virtutum aut idearum, quae sunt in illa simplicissima divina natura. Sed neque hoc probare possum, est enim valde irrationabilis cavillatio. Si enim Deus propter virtutum pluralitatem nomine plurali significatur, tunc vel tales virtutes, quas ipse dicit, sunt quid creatum, vel quid increatum. Non quid creatum, quia tunc aliqua creatura creasset mundum, vel cooperata esset Deo in creatione mundi, quod non admittunt Hebraei; asserunt enim solum Deum creasse mundum ⁹⁸, ac propterea angelos secunda die creatos dicunt ⁹⁹, ne, si prima die creati dicerentur, Dei in creatione mundi cooperatores putarentur. Si vero sunt quid increatum: vel procedunt a Deo, vel non. Si non: ergo sunt plura increata omnino diversa: ergo et plures dii, quod est falsissimum. Si ergo procedunt a Deo, habemus intentum.

Item falsa est opinio Aben Ezrae Deum significari plurali numero ad significandam pluralitatem virtutum et idearum;

Praeterea nullus homo recte dicitur h o m i n e s propter quarumlibet virtutum pluralitatem, quia dicendo homines, intelligitur pluralitas suppositorum: ergo multo minus ipse Deus; etenim sicut identitas causa est unitatis, sic diversitas pluralitatis et multitudinis. Si ergo homo non potest dici plures homines propter virtutum pluralitatem, cum tamen suae virtutes diversae sint naturae ab eo: ergo nec Deus, cuius virtutes sunt omnino idem cum eo, cum sit natura simplicissima; quod etiam conceditur ab Hebraeis.

virtutes enim Dei unum et idem sunt cum Deo.

Adhuc dicunt Hebraei ¹⁰⁰ quod, quia Deus in sapientia, bonitate ac potentia mundum creavit, quae sunt tres divinae proprietates, propterea dicitur: אלהים creavit. Verum et hoc est commentum; nam sic

Pariter falsa est sententia Hebraeorum, qui dicunt hoc modo signi-

97) Op. cit. f. 2^a. 98) Cf. Rab. Salomon op. cit. f. 2^b. et not. 258 hulus cp. 99) « Quando creati fuerunt angeli? Rab. Jochanam dicit creatos fuisse die secundo. Rab. Hanina vero die quinto. Et scito quod secundum verba utriusque, angeli conditi fuerunt una cum aquis, hoc est die secundo, quia scriptum: Sit expansum (firmamentum) in medio aquarum: et die quinto, quia lectum: Producant aquae. Bereshit Rabba, I, 3, Editio Theodor-Albeck, pag. 5; III, 8, pag. 24; Talmud Babyl., Hagigah, f. 12^a; cf. Nic. Lyranus op. cit. f. 29^b. 100) Cf. Io. Buxtorfius filius Dissert. Philologico-Theologicae, Dissert. 5, pag. 266. Fagius: « Sententia Rab. Nachman, Deus אלהים, quasi אל הם, idest robur eorum, scilicet creaturarum, denominatur, eo quod sit virtus virtutum: כח הכחות, idest suprema illa vis unde suam vim et substantiam habet quidquid est uspiam in rerum natura. Critici Sacri, t. 1, part. 1, col. 5.

ficari Deum
mundum
creasse
in sapientia,
bonitate ac
potentia.

Deus operatur per potentiam, sapientiam et bonitatem sive amorem, sicut artifex operatur per artem suam, puta per regulam directivam, per potentiam transmutandi materiam et per finis intenti amorem, puta lucri. Modo si Deus plurali nomine significatur propter sapientiam, bonitatem et potentiam, hoc de creato artifice multo congruentius diceretur, quia haec magis in artifice quam in Deo differunt, cum in artifice re absoluta differant: quod non potest esse in Deo.

Sed Moyses
hoc loquendi
modo usus est
ad significan-
dam pluralita-
tem divina-
rum Persona-
rum in Deo.

Cum etiam M o y s e s, videns populum ad idololatriam proclivem et propensissimum eumque de unitate Dei instruens, pluries praeca-visset ne plures deos colerent, sicut in *Deuteronomio* legimus ¹⁰¹: *Audi, Israel: Dominus Deus tuus, Deus unus est*; et iterum: *Videte nunc quod ego sim solus, et non est alius Deus praeter me* ¹⁰², et alibi pluries ¹⁰³; nunquam Deum plurali numero significasset nisi in hoc nomine lateret mysterium pluralitatis divinarum Personarum in Deo. Neque enim quamcumque pluralitatem nomen hoc significat, sed Personarum, ut constat ex omnibus aliis Scripturae locis, quando pro vero Deo non sumitur.

Cum ergo M o y s e s, Spiritu Sancto afflatus, בְּרָא אֱלֹהִים dix-
erit: *Dii creavit*, hunc proculdubio esse horum verborum sensum intelligimus, ut divinarum pluralitas Personarum in verbo אֱלֹהִים, et unitas essentiae in singulari verbo *creavit* intelligatur; et quomodo tres divinae Personae non tres dii, sed unus sunt Deus; propterea Chaldaeus Interpretes transtulit: יי; Septuaginta: Θεός, et Translator noster: *Deus*, omnes in singulari.

Ideo nomen
Dei ponitur
in plurali
et verbum
in singulari:

Ulterius dicimus convenienter valde esse dictum. Actio enim, teste P h i l o s o p h o ¹⁰⁴, suppositorum est; in divinis supposita plura sunt. Omnium autem divinarum Personarum ad extra una ac indivisa est actio. Hinc per אֱלֹהִים plura supposita, per singulare autem verbum unica actio demonstratur. Unde quotiescumque in Sacra Scriptura אֱלֹהִים Deum verum significans, verbo iungitur, quia verbum actionem significat, ipsum verbum singulari numero poni consuevit, ne plurificari videatur actio et virtus agentium, quae prorsus est una. Secus vero cum nominibus adiectivis coniungitur; tunc enim non curat

quod
semper obser-
vatur cum no-

101) 6, 4. Vulg.: *Deus vester, Dominus*, etc.

102) Ibid. 32, 39. Vulg.: *Et non sit*, etc.

103) Cf. Gn 1, 2-3, 1 sqq.; Dt 4, 35.

104) *Metaphysic.*, lib. 1, cp. 1, t. 2, pag. 488.

Scriptura ponere adiectivum in numero plurali, quoniam per illud nec actio nec virtus ac proinde nec eius substantia sive essentia plurificatur. Quare concedimus tres existentes, tres sapientes, tres aeternos, tres creantes; secus tamen si substantivum nomen sit adiunctum; non enim tres Deos aut tres creatores dicimus, quamvis B. Athanasius in *Symbolo* nec priores concedat¹⁰⁵: hoc tamen sapienter et ad necessariam cautelam, ob sensum falsum qui posset inde accipi; nimirum si hae voces substantive acciperentur, negare etiam videtur posse dici tres divinas Personas esse Deos aut Dominos. Quod tamen Magister Sententiarum¹⁰⁶ et omnes fere theologi videntur admittere, et hic a Moyse divinae Personae *Dii* appellantur. Et quidem si hoc plurale: *Dii*, non aliud significat quam habentes deitatem et de Personis vere dicitur quod sunt habentes deitatem, cur igitur et hoc non dicatur quod sunt *Dii*?

men Dei iungitur verbo; non autem quando iungitur adiectivo,

nisi cum magna cautela ob periculum falsi sensus.

At si oculatius verba Athanasii consideremus, videbimus eum non negare tres divinas Personas esse Deos aut Dominos, sed esse tres Deos aut tres Dominos. Quamvis enim confiteamur tres esse Personas divinas et esse eas Deos, non tamen dicimus tres esse Deos. Fallacia enim est a divisis concessis ad coniuncta, quam Philo sophus hoc explodit¹⁰⁷ exemplo: ille est citharoedus et ille est bonus, non licet inferre: ergo citharoedus bonus; bonitas quippe de homine primum ut homo est praedicatur; postmodum vero non ut homo de eodem, sed ut citharoedus dicitur. Sic in re proposita. Cum enim dico de Personis quod *Dii* sunt: verum dico, quoniam sunt habentes deitatem et de eisdem verum est dicere quod sunt tres, cum vere sint tres Personae. Nec tamen propterea admittitur: ergo tres *Dii*: quia cum semel et divisim concessum est esse tres, hic numerus ad Personas pertinet; si autem concederemus coniunctim: tres sunt *Dii*: iam idem numerus ad deitatem pertineret et sic plurificaretur deitas. Posset tamen dici: tres *Dii*, si illud: *Dii*, appositively maneret, in hunc sensum: tres, qui sunt *Dii*.

Et sic dici potest quod tres divinae Personae sunt *Dii*, idest habentes deitatem; non autem tres *Dii*.

Neque vero inficior dici potuisse: *Dii creaverunt*, sicut dicitur: Pater et Filius sunt spirantes, vel spirant, et quemadmodum infra

Quamvis etiam dici potuisset: *Dii creaverunt*,

105) *Symbolum De Fide Catholica*, (P. G. 28, 1582).

106) *Sentent.*, lib. 1, dist. 23-25, (P. L. 192, 583-591).

107) Cf. *De Interpretatione*, cp. 13, t. 1, pag. 26; *De Reprehensione Sophistarum*, lib. 2, cp. 3, ibid. pag. 190; *De Moribus*, lib. 1, cp. 6, t. 2, pag. 4-5; *Metaphysic.*, lib. 4, cp. 6, pag. 512; cp. 9, pag. 514.

etiam dicetur: *Faciamus hominem ad imaginem et similitudinem nostram* ¹⁰⁸: et alibi etiam pluries nomen אלהים verbo plurali iungitur, ¹⁰⁹ dum tamen verum Deum significat. Quoniam autem tunc vere data esset occasio errandi ignorantibus mysterium, ideo *M o y s e s* sapientissime et vigilantissime ex omni parte providit, sic dicendo: בָּרָא אֱלֹהִים: *Dii creavit*, ut simul Personarum pluralitatem in verbo אלהים, exprimeret, et unitatem essentiae et actionis in singulari verbo בָּרָא, servaret.

Moses tamen, ut vitaret periculum falsae interpretationis, dixit: *Dii creavit*,

ad indicandam actionem Trinitatis simul operantis.

Quod quidem mysterium si aliquo Scripturae loco erat indicandum, maxime certe in hoc ipso exordio opportunum erat, ubi commune rerum omnium creationis opus narratur, quod est tota simul Trinitas operata.

Coelum. Hebraice: הַשָּׁמַיִם. Chaldaice: שָׁמַיָא. Graece: Οὐρανός,

Coelum. Hoc nomen tum in singulari tum in plurali vertitur a Vulgata.

quasi οὐρανός, ut ait D. Ambrosius in *Hexaemeron* ¹¹⁰, ab ὄραω, quod visui sit pervium et minime densum, ut aqua et terra.

Pluralis semper numeri apud Hebraeos, Latinus tamen Interpretis modo *coelum* in singulari, modo *coelos* transfert. Hanc dictionem ita Rabbinus Iosi, filius Chanina, et Rabbi Ioseph interpretantur ¹¹¹: שֵׁם מַיִם, quasi: שֵׁם מַיִם, hoc est: *ibi aquae*; alii vero ¹¹²: אֵשׁ מַיִם: *ignis et aqua*, quasi coelum natura sit quodammodo inter ignem et aquam media.

Terram. Hebraice: הָאָרֶץ. Chaldaice: אֶרְעָא. Graece: Γῆ, a γῶ,

Terram. Varias interpretationes huius nominis.

idest γῶ, quasi ἡ πάντα χωροῦσα: *omnium susceptiva* ¹¹². Latine autem sic dicitur quasi tetra, quia obscura. Dicitur autem, secundum nonnullos Hebraeorum, terra: אֶרֶץ, a radice רוץ ¹¹³, quod est currere, quod

108) Gn 1, 26.

109) Cf. ibid. 20, 13; Ex 32, 8 et 2 Rg 7, 23. Ex hebraico.

110) Lib. 2, cp. 4, (P. L. 14, 152).

op. cit. sub radice: שֵׁם, col. 3011.

111) Cf. *Talmud Babyl.*, Hagigah, f. 12^a; Pagnini

loc. cit.; *Bereshit Rabba*, IV, 7, pag. 31; Glinzberg *The Legends of the Jews*, V, pag. 7, not. 16.

Fagius: « שֵׁם מַיִם vox est composita ex שֵׁם et מַיִם, quod ibi sunt aquae; vel, ut sentit R. Nachmann, ex שֵׁ et מַיִם, quia sunt aquae; vel ex שֵׁ et מַיִם, idest *sustine aquas*, quod coelum aquas sustinet; vel ex אֵשׁ et מַיִם, quod scilicet *ibi est ignis et aqua*, vel quod Deus ignem et aquam commiscendo ex utroque elemento coelum confecerit ». Col. 6. 112) Cf. *Etymologicum Magnum*, sub voce: γῆ.

113) Cf. *Lekah Tob*, Gn 1, 1. Hebraice: לִקַּח טוֹב, idest *Bona doctrina*, *Commentum in Pentateuchum* ex antiquis Rabbiniis, opera Rab. Tobiae Ben Eliezer confectum, saec. XI; Pagnini op. cit. sub voce: אֶרֶץ, col. 175.

super eam currat et circumagatur iugiter sphaera. Differt autem a תבל: nam illud est commune nomen habitabilem et inhabitabilem terram [significans], hoc autem habitabilem significat.

Quid autem per *coelum* quidve per *terram* intelligendum sit, non una omnium est sententia. D. Basilus¹¹⁴, Ioannes Chrysostomus¹¹⁵, D. Ambrosius in *Hexaemeron*¹¹⁶ et multi alii¹¹⁷, per *coelum* simpliciter intelligunt corporalem creaturam, hoc est corpus coeleste; D. Augustinus¹¹⁸ et Origenes¹¹⁹ intelligunt spiritualem creaturam, hoc est angelos; Venerabilis autem Beda¹²⁰ et Strabus¹²¹ coelum empyreum hic intelligunt, quod statim initio creatum repletum est concreatis angelis. Unde *coeli* nomine utramque naturam intelligunt, corporalem, idest coeli empyrei et spiritualem, angelorum, adeo ut eodem initio coelum angelosque creatos asserant.

Ex Patribus, per *coelum* alii intelligunt corpus coeleste;

alii angelos; alii autem coelum empyreum.

Postrema mihi admodum placet. Si enim, iuxta primam sententiam, coelestia corpora hic intelligantur, quod est firmamentum, quod secunda die factum esse dicitur¹²², deinde quaestionem relinquit: cur enim de spiritualibus creaturis, hoc est angelis, nulla fit mentio cum sint maximae et inter creaturas praecipuae? Nec me fallit dixisse multos¹²³ eo quod rudi populo loqueretur Moyses, qui spiritualium non erant capaces. Manifestissime enim in multis Sacrae Scripturae locis, et in hoc ipso libro, multoties de angelis mentio fit; unde si de illorum creatione nulla prorsus fit mentio, potuissent eos increatos credere. Si vero cum secunda sententia dicamus hic per *coelum* debere angelos intelligi, e contrario quaeret quis: cur de excellentissimo corpore, omnium dignissimo, nulla fit mentio, cum cetera multo viliora memorentur? Si vero ad sensum tertiae expositionis accipiamus

Haec ultima sententia praeferenda videtur,

quia in hac

114) *Hom. 1 in Hexaem.*, (P. G. 29, 19-22). 115) Severianus *De Mundi Creatione, Orat. 1*, ibid. 56, 433-434, quod olim S. Io. Chrysostomo tribuebatur. Cf. Bardenhewer *Manuale di Patrologia*, vol. 2, pag. 143. 116) *Hexaem.*, lib. 1, cp. 6, (P. L. 14, 132-135).

117) Cf. Eustathius *Comment. in Hexaem.*, (P. G. 18, 710); S. Greg. Nyssenus *De Hominis Opificio*, cp. 1, ibid. 44, 127; Procopius *Comment. in Gen.*, ibid. 87, 39-42; Cosmas *Topographia Christiana*, lib. 1, ibid. 88, 79-82; Eustathius *Hexaem. Metaphrasis*, lib. 1, (P. L. 53, 875-876); Angelomus *Comment. in Gen.*, ibid. 115, 113; Abaelardus *Exposit. in Hexaem.*, ibid. 178, 733. 118) *De Genesi ad Litteram*, lib. 1, cp. 9, (P. L. 34, 252); cp. 16, ibid. col. 258.

119) *Hom. 1 in Gen.*, (P. G. 12, 147). 120) *Hexaem.*, lib. 1, (P. L. 91, 13-14).

121) *Glossa Ord. in Gen.*, ibid. 113, 68. 122) Cf. Gn 1, 6-8. 123) Cf. S. Caesarius *Dialogus 1, Interr. 50*, (P. G. 38, 922); Severianus *De Mundi Creatione, Orat. 1*, ibid. 56, 431-432; Theodoretus *Quaest. in Gen.*, *Interr. 2*, ibid. 80, 78-79; Procopius *Comment. in Gen.*, ibid. 87, 27; Nic. Lyranus, op. cit. f. 23^a. 32^a.

etiam duae
primae conti-
nentur.

hic coelum empyreum et angelos simul creatos in eo, plana sunt omnia et silet omnis hinc inde exorta quaestio. Ita enim neque relinquuntur in hac creaturarum recensione primae ac potiores inter creaturas, nimirum summae illae creaturae spirituales et corporales, angeli atque illud primum coelum, quod graeca voce ἐμπύριον¹²⁴ Sancti vocarunt¹²⁵, quasi igneum, propter loci eminentiam et lucis splendorem; atque expositio haec totum illud amplectitur quod in aliis desideratur. Continet enim D. Augustini expositionem, qui solius spiritualis [creaturae] meminit; continet etiam alteram D. Basilii, qui solam corporalem posuit; quoniam haec et spiritualem et corporalem complectitur.

Quod etiam
confirmatur ex
Concilio La-
teranensi, ex
Decretalibus,

Haec itidem sententia in magno Lateranensi Concilio, sub Innocentio III celebrato, approbatur, dum Sancta Romana Ecclesia Deum ab initio corporalem creaturam, idest mundanam, et spiritualem, idest angelicam simul ex nihilo ab initio temporis creasse profitetur¹²⁶. Idem habetur in *Decretalibus De Summa Trinitate et Fide Catholica, cap. Firmiter*¹²⁷. Huic etiam Veritas Hebraica astipulari videtur, quae habet: **הַשָּׁמַיִם**, duali numero, quasi duo sint coelorum genera, spirituale videlicet et corporeum.

ex textu
hebraico,

et ex usu
loquendi Sa-
crae Scriptu-
rae.

Coeli etiam appellatione non solum corporale hoc visui pervium, cuius est in Sacra Scriptura acceptio frequentissima, sed etiam spirituales creaturae manifestissime accipiuntur, quemadmodum *Deuteronomio*¹²⁸: *Audite, coeli, quae loquor*; et *Isaia*¹²⁹: *Audite, coeli*, etc., ubi habitatores coelestes oportet intelligi. Hanc angelorum in coelo empyreo una cum eo creationem illud B. Iob videtur astruere¹³⁰: *Ubi eras cum me laudarent... astra matutina et iubilarent omnes filii Dei?* Felices illi spiritus eminentissimi illius ac omnium excellentissimi empyrei coeli lucidissima ac splendidissima astra ponuntur, mane simul Deum laudantia, hoc est in suae creationis initio, ut egregie D. Gregorius exponit¹³¹. Illud etiam eiusdem Iob, dum *Behemoth*, idest diabolus, *principium viarum Dei* dicitur¹³², qui nimirum cum cuncta Deus creans ageret, hunc primum condidit, quem ceteris angelis eminentiorem fecit, ut idem Doctor exponit¹³³. Apud

124) Ms.: *Empireum*.

125) Cf. S. Thomas *S. Theolog.*, 1^a, q. 61, a. 4; Conimbricenses

De Coelo, lib. 2, cp. 5, q. 1, a. 2.

126) Cf. Denzinger-Bannwart *Enchiridion Symbolorum*,

n. 428.

127) Aem. Lud. Richter *Decretalia*, lib. 1, tit. 1, cp. 1, col. 5.

128) 32, 1.

129) 1, 2.

130) 38, 4, 7.

131) *Moralium*, lib. 28, cp. 14, (P. L. 76, 467-468).

132) 40, 10.

133) *Moralium*, lib. 32, cp. 12, (P. L. 76, 644-646).

Isaiam etiam legimus: ¹³⁴ *Quomodo cecidisti de coelo, Lucifer, qui mane oriebaris?*

Non tamen me fugit multorum veterum Sanctorum fuisse sententiam angelos ante hunc visibilem mundum fuisse creatos. Fuit enim haec Gregorii Nazianzeni sententia ¹³⁵, D. Basilii ¹³⁶, D. Hieronymi *super epistolam ad Titum* ¹³⁷, D. etiam Ambrosii in *Hexaemeron* ¹³⁸, et aliorum ¹³⁹ ex antiquis, qui omnes existimant angelos multo ante hunc mundum visibilem fuisse conditos. Ioannes etiam Cassianus ¹⁴⁰, abbatis Sereni verba referens, nullum fidelium inquit dubitare « ante conditionem huius visibilis creaturae spirituales coelestesque virtutes Deum fecisse ».

Alli tamen Patres asserunt angelos ante hunc mundum creatos esse;

Verum Sancta Romana Ecclesia in Laterano magno Concilio determinavit angelos simul cum mundana creatura initio temporis ex nihilo esse creatos ¹⁴¹; nec tamen crediderim praefatos Doctores sensisse ante omnem corpoream creaturam fuisse creatos, sed ¹⁴² ante hunc visibilem mundum; nam temporis initio, quando angeli creati sunt, invisibilis omnino erat hic mundus. Et ita videtur intellexisse D. Gregorius, qui tractans illud B. Iob: *Ubi eras cum me laudarent... astra matutina?* sic inquit ¹⁴³: « Quia enim prima in tempore condita natura rationabilium spirituum creditur, non immerito matutina astra angeli vocantur. Quod si ita est, dum terra esset invisibilis et incomposita, dum tenebrae essent super abyssum ¹⁴⁴, venturum diem subsequentis saeculi per lucem sapientiae existendo praevenirent ». Atque ita nos et cum mundana creatura et ante visibilem mundum angelos esse creatos dicere possumus. Ergo, ad propositum revertentes, per *coelum* hic angelos cum coelo empyreo vel, quod idem est, coelum empyreum cum angelis debemus intelligere.

sed videntur intelligere eos creatos fuisse ante hunc mundum visibilem, et quidem initio temporis,

ut apparet ex D. Gregorio super Iob.

Verum quoniam haec in principio temporis creata asserimus, idest cum tempus incepit, nec potuit sine motu tempus incipere, cum sit motus mensura et motus primi corporis coelestis: hinc dicimus quod,

134) 14, 12. 135) *Orat.* 38, (P. G. 36, 319). 136) *Hom.* 1 in *Hexaem.*, ibid. 29, 11-14.
 137) Cp. 1, (P. L. 26, 559-560). 138) *Hexaem.*, lib. 1, cp. 5, ibid. 14, 131. 139) Cf. Origenes *Hom.* 1 in *Gen.*, (P. G. 12, 147); Procopius *Comment.* in *Gen.*, ibid. 87, 34; S. Io. Damascenus *De Fide Orthodoxa*, lib. 2, cp. 3, ibid. 94, 874; S. Hilarius *Contra Auxentium*, (P. L. 10, 612). S. Thomas asserit hanc esse concordem Graecorum Doctorum sententiam. Cf. S. *Theolog.*, 1^a, q. 61, a. 3, ad 1. 140) *Collatio* 8, cp. 7, (P. L. 49, 730-731).
 141) Cf. not. 126 huius cp. 142) Ms.: *Se.* 143) Cf. not. 131 huius cp. 144) Cf. Gn 1, 2.

cum empyreum sit omnino immobile, simul cum eo primum mobile simul cum crystallino coelo — quae statim ab oriente in occidentem moveri inceperint ac cum eorum motu incepisse tempus, — creata fuisse; et quoniam haec duo corpora non sensu, sed ratione percipiuntur, ideo cum empyreo annumerantur, quod est a sensibus nostris remotissimum et sola ratione percipitur.

Et terram. Quid item per *terram* intelligatur non omnium eadem est sententia. D. Basilius¹⁴⁵, Ioannes Chrysostomus¹⁴⁶, D. Ambrosius¹⁴⁷, Tertullianus *Adversus Hermodenem*¹⁴⁸, de materia: et ex Hebraeis Aben Ezra¹⁴⁹ et multi alii¹⁵⁰ *terrae* nomine hoc in loco eam significare volunt, quam oculis cernimus. His autem favet vox ipsa, quae frequentissime in Sacra Scriptura ad eum sensum accipitur dicuntque hic a Moyse duo universi principia enumerari: supremum et infimum, intra quae¹⁵¹ media quoque elementa, ex quibus cetera generantur, contineri probantur, ac propterea de eorum creatione¹⁵² Moyses non meminit. Sed dum coelum terramque a Deo in principio creata asserat, intelligat simul cum eis quae media sunt concreata esse. Nam cum de aquarum opificio nihil dixisset, ait: *Et tenebrae erant super faciem abyssi, et spiritus Domini ferebatur super aquas*¹⁵³.

D. vero Gregorius Nazianzenus in *Sermone de Spiritu Sancto*¹⁵⁴, Lactantius Firmianus libro 2 *De Origine Erroris*¹⁵⁵, D. Augustinus in libro 12 *Confessionum*¹⁵⁶, Venerabilis Beda¹⁵⁷, necnon et Hugo de S. Victore¹⁵⁸, *terrae* appellatione hic primam materiam putant debere intelligi, ex

Et terram.
Per *terram*
aliqui Patres
et Aben Ezra
hanc, quam
cernimus, in-
telligunt;

quibus favere
videtur modus
loquendi
S. Scripturae.

Alii vero
intelligunt
materiam
primam, ex
qua factae
sunt res cor-

145) *Hom. 1 in Hexaem.*, (P. G. 29, 19 sqq.).

146) *Hom. 2 in Gen.*, ibid. 53, 29-31.

147) *Hexaem.*, lib. 1, cp. 2, (P. L. 14, 125).

148) Cp. 20-22, ibid. 2, 215-218.

149) *Op. cit. f. 2^b.*

150) Philo Iudaeus *De Mundi Opificio*, t. 1, pag. 5-8; David Kimchi *Liber Radicum*, sub voce: *אֵרֶץ*. *Faglus*: « Rab. Nachmann et veteres Rabbini, quos meminit, *אֵרֶץ* ab *אָרֶץ*, idest *veniendo*, deducunt. Et volunt eo non tantum et simpliciter unam rem aliquam eiusdemque nudam substantiam, sed plures omniaque quae ad eius rei absolutam perfectamque integritatem pertinent et requiruntur, insinuari. Unde dicunt appellatione *coeli et terrae* propter adiectam particulam *אֵרֶץ* omnes coelestes ac terrestres creaturas venire; puta solem, lunam, stellas, arbores, herbas, animantia, et si quid sunt alia ». Col. 6. Cf. etiam Rab. Salomon et Aben Ezra *op. cit. f. 2^b.*

151) Ms.: *Quibus.*

152) Ms.: *Creatione.*

153) Gn 1,

2. Vulg.: *Dei*, loco: *Domini*.

154) *Orat. 41 in Pentecosten vel in Spiritum Sanctum*, ut

aliqui codices habent, (P. G. 36, 480).

155) *Divinae Institut.*, lib. 2, cp. 9, (P. L. 6, 298-

301). 156) Cp. 12, ibid. 32, 831.

157) *Hexaem.*, lib. 1, ibid. 91, 13.

158) *Adnotat.*

Elucidat. in Pentat., cp. 5, ibid. 175, 34.

qua deinde facta sunt omnia, quae infra coelum empyreum adusque terrae centrum continentur. Huic positioni id, quod sequitur, mirifice favet:

poreae infra
coelum
empyreum.

Vr. 2 *Terra autem erat inanis et vacua.*

Hebraice: וְהָאָרֶץ הָיְתָה תֶּהוֹ וְבָהוּ.

Quod Chaldaeus Interpres sic transtulit: וְאֶרְעָא הָיְתָה חֵלָה וְצִרְיָא, idest: *Et terra erat devastata, seu deformata et inanis.*

Huic exposi-
tioni favet
communis
interpretatio
verborum:
terra
autem etc.

Targum Ierosolymitanum: וְאֶרְעָא הָיְתָה חֵלָה וְבָהוּ,

idest: *Vacua et inanis.*

Septuaginta transtulerunt: ἄορατος καὶ ἀκατασκεύαστος, idest: *Invisibilis et incomposita.*

Aquila, post Septuaginta secundus interpret, transtulit ¹⁵⁹: Κένωμα καὶ οὐθέν, idest *vanitas et nihil*; Symmachus autem ¹⁶⁰: Ἀργὸν καὶ ἀδιάκριτον, *ociosum et indigestum*, quasi inanitatis et privationis confusio; Theodotio autem ¹⁶¹: Κενὸν καὶ οὐθέν, hoc est *inane ac nihil*; noster demum Interpres: *Inanis et vacua.*

Haec autem omnia mirum in modum naturam et conditiones primae materiae exprimunt. Haec etiam videtur praecipuorum Hebraeorum sententia. Rabbini enim David, explicans in libro *Radicum* ¹⁶² quod sit תֶּהוֹ et בָּהוּ, inquit desolationem et vacuitatem seu vanitatem significare. Affert etiam sapientes naturas rerum scrutantes dicere quod תֶּהוֹ ¹⁶³ est res cui non est similitudo ac figura, sic tamen disposita ac praeparata, ut quamvis recipere possit similitudinem ac formam, id quod Graeci ὄλην vocant; ceterum בָּהוּ est ipsa forma, hoc est res cui inest potentia ipsum תֶּהוֹ induendi similitudine et forma, ex quibus divina voluntate coniunctis mundi creatio extitit. Hanc sententiam confirmat Sapiens ita ad Deum loquens ¹⁶⁴: *Manus tua . . . creavit orbem terrarum ex materia invisibilis* vel, ut graece legitur et Beatus Augustinus citat ¹⁶⁵, *ex materia informi*: ἐξ ἀμόρφου ὄλης. Age etiam quod huc referri videtur quae ab antiquissimis philosophis de chaos dicta sunt; vide La-

et praecipuo-
rum Hebraeo-
rum sententia.

Favet etiam
antiqui
philosophi;

¹⁵⁹) Apud Origenem *Hexapla*, (P. G. 15, 144).

¹⁶⁰) Ibid. col. 145.

¹⁶¹) Ibid. col. 146.

¹⁶²) Sub vocibus: תֶּהוֹ, et: בָּהוּ.

¹⁶³) Ms.: Thohu, Bohu, et infra.

¹⁶⁴) Sap 11, 18.

¹⁶⁵) *De Genesi contra Manichaeos*, lib. 1, ep. 5, (P. L. 34, 178).

ctantium Firmianum libro 1 *De Falsa Religione*¹⁶⁶, et 2 *De Origine Erroris*¹⁶⁷; ab Hesiodo antiquissimo vate¹⁶⁸; Mercurio Trismegisto¹⁶⁹ ethnicorum theologo; Anaxagora¹⁷⁰, Euripide¹⁷¹ et multis aliis posterioribus¹⁷², quorum sententiam referens Ovidius eleganter dixit¹⁷³:

«Ante mare et terras et, quod tegit omnia, coelum

Unus erat toto naturae vultus in orbe,

Quem dixere chaos: rudis indigestaque moles».

Eusebius, et
omnes theolo-
gi scholastici.

Quid autem per chaos intellexerint antiqui declarat etiam Lactantius, dicens¹⁷⁴ Hesiodum, in suo libro de *Theogonia*, idest *Deorum Generatione*, non a Deo conditore sumpsisse exordium, sed a chao, quod est rudis inordinataeque materiae confusa congeries. Eusebius de *Praeparatione Evangelica*, tenet¹⁷⁵ etiam materiam ex qua facta sunt omnia, ab initio creatam. Mitto quod haec sit omnium theologorum scholasticorum sententia.

Ergo nomine
terrae intelli-
gitur materia
prima, non
illa aristo-
telica, sed vere
ens actu exi-
stens, licet im-
perfectissimo,
quia aliqua
forma donata,

Ex his ergo liquet terrae appellatione materiam primam esse intelligendam, quae *inanis, vacua, informis, invisibilis, ociosa, indigesta* ac *prope nihil* dicitur; non quod omnino sit nihil, sed quoniam infimum locum in substantiis tenet, et quia ex se nulla decoratur forma aut specie; non quod omnino nullum habeat actum. Neque enim potest ullo pacto intelligi si quid ens est aut substantia, suo actu essendi, quem dicunt entitativum vel essentiae, privari; sed quoniam actus huiusmodi ipsius materiae imperfectus admodum est ac in po-

166) *Divinae Institut.*, lib. 1, cp. 5, ibid. 6, 130-131.

167) Cp. 9, ibid. col. 297.

168) *De Generatione Deorum*, vrr. 116 sqq.

169) *Pimander*, pag. 1: «Erat umbra infinita in abyssu, aqua insuper et spiritus tenuis intellectualis per divinam potentiam in Chaos inerant. Floruit autem splendor sanctus, qui sub arena ex humida natura elementa eduxit, Dique omnes seminalem naturam diligebant. Cumque indistincta atque indigesta prius cuncta fuissent, levita postmodum in excelsam regionem pervolarunt, gravia vero sub arena humida resederunt».

170) Cf. Diog. Laertius *De Vita et Moribus Philosophorum*, lib. 2, pag. 62.

171) Cf. Diodorus Siculus *Rerum Antiquarum Historiae*, lib. 1, cp. 1, pag. 12.

172) Lucanus *De Bello Civili*, seu *Pharsaliae*, lib. 1, vr. 74; lib. 5, vr. 634; Aristophanes *De Avibus*, vrr. 694-695. *Genuensis*: «Pulchrum est videre totam antiquitatem in uno hoc mirifice convenisse, ex chaos primum orta omnia. Aethera et chaos pro universi initia habuisse Orpheum, scribit Suidas, voce: *Ορφ*; sed quae tamen a Deo essent facta... De Lino haec prodidit Laertius in proemio; eum nempe carminum suorum hoc fecisse initium: *Olim tempus erat simul indigesta iacebant, Quo cuncta*, etc., addiditque inde Anaxagoram sententiam illam suam accepisse: *Omnia simul erant. Mens autem accedens ea in ordinem induxit*, quae mosaicam sapit Cosmogoniam». *Elementa Metaphysicae*, Pars Prior, *Disputatio Physico-Historica*, cp. 1, § 6, pag. 20-21.

173) *Metamorph.*, lib. 1, vrr. 5-7.

174) *Divinae Institut.*, lib. 1, cp. 5, (P. L.

6, 131).

175) Lib. 7, cp. 18-21, (P. G. 21, 562-570).

tentia ad quoslibet actus perfectos, qui entium per se existentium sunt et compositorum, propterea ipsa *deformis, vacua et inanis* dicitur.

Nec tamen dicimus eam omnino absque ulla forma esse creatam, sed, iuxta D. Augustini sententiam¹⁷⁶, eam informem dicimus eo quod certam formam specificam, qua ad determinatum esse traheretur, non habebat eratque omni certa specie destituta; sed forma quadam supervestiebatur, confusa et imperfecta, quae actum habebat debilissimum et imperfectissimum, quo posset esse subiectum commune cunctis formis, et in qua inesset desiderium supervestiri per formas praebentes illi esse perfectum. Neque negamus Deum sua potentia materiam ipsam potuisse absque ulla penitus forma creare, cum materia ipsa naturaliter omnem praecedat formam habeatque suum essendi actum, quem dicunt essentiae, quae ab existentia non reperitur distincta realiter, quae etsi distingueretur, non ob id sequitur quin potuisset materia absque forma existere. Nam si propriam atque peculiarem habet essentiam, habebit proculdubio et existentiam, cum existentia sit ipsius essentiae actus. Potuisset ergo Deus sua potentia sub tali existentia materiam absque forma ulla producere atque servare. Intelligimus ergo sub *terrae* nomine materiam ipsam, ex qua, Deo auctore, omnia constant.

Verba autem illa: *Terra autem erat inanis et vacua*, qui hic terram, quae nostris est subiecta obtutibus, intelligunt, ita interpretantur: *erat inanis*, idest *invisibilis*, cum tenebris undique esset superfusa et aquis cooperta: *et vacua*, quia nondum erat plantis et herbis ornata ac mineralibus ditata. Nonnulli Hebraeorum, ut Rabbīnus Gaon, quemadmodum Aben Ezra refert¹⁷⁷, «dixerunt quod תהו, idem est ac תהום; sed hoc non est rectum, quoniam littera מ est radicalis, sicut in הדרום». Rabbīnus Salomon inquit¹⁷⁸ quod «תהו, est: תמה ושממון, admiratio et stupor; בהו vero: רקות וצדו, tenue et desolatum». Ipse autem Aben Ezra exponit¹⁷⁹ תהו, iuxta Targum, «quia non erat quicquam in illa».

et, iuxta D. Augustinum, subiectum erat commune cunctis formis supervenientibus;

licet Deus potuisset omnipotentia sua materiam absque ulla penitus forma creare.

Inanis et vacua.
Interpretatio huius loci iuxta eos qui per terram intelligunt hanc, quam videmus.

176) *Confess.*, lib. 12, cp. 3-8, (P. L. 32, 827-829).

op. cit. sub radice: תהו, col. 3138.

177) Op. cit. f. 2^b; cf. Pagnini

178) Op. cit. f. 2^b.

179) Ibid.

Et *tenebrae erant super faciem abyssi.*

Hebraice: וַחֹשֶׁךְ עַל־פְּנֵי תְהוֹם.

Chaldaice: וַחֲשׂוּכָא עַל־אַפִּי תְהוֹמָא, idest: *Tenebrae erant super faciem abyssi.*

Et *tenebrae*
erant, etc.
Variae
versiones.

Septuaginta sic transtulerunt: Καὶ σκότος ἐπάνω τῆς ἀβύσσου, idest: *Et tenebrae incumbabant super abyssum*, omiserunt *faciem*, sicut et noster etiam *Interpres*. Est nanque linguae hebraicae mos his adverbiiis *contra* et *super* ut plurimum adiungere *faciem*, sicut in versu etiam sequenti: *Et spiritus Domini ferebatur super aquas*: hebraice: *Super facies aquarum*; sic etiam: *Super faciem firmamenti* ¹⁸⁰; *Contra faciem deserti* ¹⁸¹; *Super faciem terrae* ¹⁸², et: *Contra faciem terrae* ¹⁸³.

Sub nomine
tenebrae,
S. Basilius et
Ambrosius
intelligunt
quandam
coelestis
corporis
obumbratio-
nem in terra;

Videndum nobis est quid *tenebrarum* quidve *abyssi* nomine intelligendum sit. D. Basilius ¹⁸⁴ et Ambrosius ¹⁸⁵ per *tenebras* hic intelligunt corporis obumbrationem, quoniam omne corpus umbram facit, qua obumbrat vel finitima vel inferiora. Tenebrae igitur illae mundo circumfusae propter coelestis corporis umbram subortae sunt, ita quod huiuscemodi tenebrae non secundum substantiam extitere, sed affectio quaedam, quae aeri ex luminis privatione accidit. Existimant ¹⁸⁶ autem angelos ante mundi huius constitutionem fuisse creatos, ac proculdubio in lumine extitisse, cui luci obiectum coeleste corpus sua umbra tenebras efficiebat. Atque ita assignat D. Basilius ¹⁸⁷ tria, quae, ut umbra sit, concurrunt, videlicet: lux, corpus obiectum luci et locus luminis expers. D. vero Augustinus ¹⁸⁸ et Beda ¹⁸⁹ per *tenebras* intelligunt simpliciter lucis carentiam, quia nondum lux facta erat, ita quod tenebrae nihil sunt, sed lucis absentia. Hoc nomen accepit et ipsa lucis absentia tenebra est, sicut silentium nihil est, sed ubi sonus non est, silentium dicitur; et nuditas aliqua res non est, sed in corpore ubi tegumentum non est, nuditas dicitur; et inanitas non est res aliqua, sed ubi corpus non est, inanitas dicitur. Et haec sententia probabilior est.

D. Augustinus
vero et Beda,
lucis
carentiam.

180) Gn 1, 20.

181) Nm 21, 20.

182) Gn 8, 8.

183) Ibid. 11, 28;

25, 9. 18.

184) Hom. 2 in Hexaem., (P G. 29, 35-38).

185) Hexaem., lib. 1, cp. 8,

(P. L. 14, 141).

186) Cf. pag. 127, et not. 136. 138. huius cp.

187) Hom. 2 in Hexaem.,

(P. G. 29, 42).

188) Confess., lib. 12, cp. 3, (P. L. 32, 827).

189) Hexaem., lib. 1, ibid.

91, 14.

Per *abyssum* autem Rabbīnus Salomō putat¹⁹⁰ *abyssi* nomine *aquas* ipsas, quae erant super terram ipsam, esse intelligendas. D. Basilius¹⁹¹, D. Ioannes Chrysostomus¹⁹² et Ambrosius¹⁹³, copiosam multitudinem et profundum aquarum in immensum patens, ad cuius fundum haud facile penetrari possit. Idem sentit Rabbīnus David in libro *Radicum*¹⁹⁴; et in hoc sensu frequentissime in Sacra Scriptura accipitur *abyssi* vox¹⁹⁵. Erant ergo, secundum hos, *tenebrae* . . . *super faciem abyssi*, quia quidquid erat abyssus erat aquarum terrae faciem tegentium tenebris velata.

Per *abyssum* alii intelligunt aquas operientes terram; alii profundum aquarum;

D. vero Augustinus per *abyssum* hic eandem primam materiam de qua, cum sit creata ex nihilo, facta sunt omnia, intelligit¹⁹⁶ eamque variis nominibus asserit designari. Dicitur enim, inquit, *coelum et terram* quatenus de ea haec facta sunt; dicitur *terra invisibilis et incompressa*, quia inter elementa mundi terra videtur minus speciosa quam cetera; dicitur *invisibilis* propter obscuritatem, *incompressa* propter deformitatem et informitatem. Dicitur *aqua* super quam ferebatur Spiritus Dei, sicut superfertur rebus fabricandis voluntas artificis, quia omnia, quae in terra nascuntur, sive animalia sive plantae et si quae similia, ab humore incipiunt formari atque nutriri; et quia facilis et ductilis subiacebat operanti, ut de illa omnia formarentur. Dicta est demum *abyssus* tenebrosa propter confusionem, quia informis erat et nulla specie cerni aut tractari poterat. Haec ergo omnia istius materiae nomina sunt, ut res ignota notis vocabulis insinuaretur imperitioribus, et non uno vocabulo, sed multis, ne si unum esset, hoc putaretur esse, quod consueverunt homines in illo vocabulo intelligere. Haec est D. Augustini sententia.

D. Augustinus ipsam materiam primam ex nihilo creatam, de qua facta sunt omnia.

Et spiritus Domini ferebatur super aquas.

Hebraice : וְרוּחַ אֱלֹהִים מְרַחֶפֶת עַל-פְּנֵי הַמַּיִם .

Chaldaice : וְרוּחָא מִן-קֳדָם יְיָ מְנַשְׁבָּא עַל-אֲפִי מַיָּא : Spiritus

a conspectu Dei flabat super aquas, sive faciem aquarum.

190) Op. cit. t. 2^a. 191) Hom. 2 in Hexaem., (P. G. 20, 38). 192) Hom. 3 in Gen., ibid. 53, 33; Severianus De Mundi Creatione, Orat. 1, ibid. 56, 434. 193) Hexaem., lib. 1, cp. 8, (P. L. 14, 141). 194) Sub voce : תְּהוֹם. 195) Cf. Gn 7, 11; Ex 15, 8; Iob 14, 28; Ps 35, 7; 70, 20; Prv 8, 24; Is 51, 10; Dn 3, 55. 196) De Genesi ad Litteram Liber Imperfectus, cp. 4, (P. L. 34, 224).

Graece: Καὶ πνεῦμα θεοῦ ἐπεφέρετο ἐπάνω τοῦ ὕδατος ¹⁹⁷: *Et spiritus Dei superferebatur aquis.*

Hoc similiter diversimode exponitur. Nonnulli hic per *spiritum* a e r e m intelligunt ¹⁹⁸, dicentes hic M o y s e n totius mundi partes connumerare; רוּחַ enim hebraice et a e r e m et v e n t u m et s p i r i t u m et v o l u n t a t e m significat. Theodoretus constanter affirmat ¹⁹⁹ de vento hic esse sentiendum iuxta illud: *Flabit spiritus tuus et fluent aquae* ²⁰⁰. Idem sentit A b e n E z r a, qui inquit ²⁰¹ ideo dici spiritum Dei coniunctum in regimine, « quia missus fuit in voluntate Dei ad exiccandas aquas ». Huic sententiae favet T a r g u m Chaldaicum, quod transtulit verbum מְנַשְׁבָּא: מְרַחֵף, idest *insufflabat*, quod proprium venti est.

Et spiritus,
etc.
Per spiritum
alii intelligunt
ventum;

alii motum
aquae vita-
lem;

alii divinam
voluntatem
creantem;

alii Spiritum
Sanctum
vivificantem
aquas, ut
procreabiles
eas efficeret;

D. I o a n n e s C h r y s o s t o m u s eiusmodi affert expositionem ²⁰², quod affuerit efficax quaedam et vitalis operatio aquis et non fuerit simpliciter aqua stans et immobilis. Quoniam ergo aqua illa immensa vim quandam vitalem habebat, dicit: *Et spiritus Domini ferebatur*, etc. D. A u g u s t i n u s divinam intelligit ²⁰³ voluntatem, quae super aquas, idest primam materiam, superferebatur, sicut superfertur rebus fabricandis voluntas artificis. At vero D. B a s i l i u s, H i e r o n y m u s, A m b r o s i u s et D i o d o r u s constanterissime hic asseverandum putant de Spiritu Sancto dici. Verbum enim מְרַחֵף, inquit D. H i e r o n y m u s ²⁰⁴, « nos appellare possumus i n c u b a b a t, sive confovebat, in similitudinem volucris ova calore animantis ». Ex quo intelligimus non de spiritu mundi dici, sed de Spiritu Sancto, qui et ipse vivificator omnium a principio dicitur. Idem dicit D i o d o r u s ²⁰⁵: « Quemadmodum avis ova confovet alis ut ea animet, sic Spiritus Sanctus superferebatur aquis, ut eas procreabiles efficeret ». Idem sibi a quodam Syro relatum inquit

197) Ms.: Καὶ τὸ πνεῦμα θεοῦ ἐπεφέρετο τοῖς ὕδασι.

198) Cf. Severianus *De Mundi Creatione*, *Orat. 1*, (P. G. 56, 436); Procopius *Comment. in Gen.*, *ibid.* 87, 46-47; Abaelardus *Exposit. in Hexaem.*, (P. L. 178, 738); Philo Iudaeus *Legis Allegoriarum*, *lib. 1*, t. 1, pag. 40; *De Gigantibus*, *ibid.* pag. 250; Virg. *Aeneid.*, *lib. 6*, vr. 727; Maimonides *More Nebuchtm.*, *part. 1*, cp. 40, pag. 58; Pererius *Comment. in Gen.*, *lib. 1*, t. 1, pag. 64-65.

199) *Quaest. in Gen.*, *Interr. 8*, (P. G. 80, 90).

200) Ps 147, 18. Vulg.: *Eius, loco: Tuus.*

201) *Op. cit. 1. 2.*

202) *Hom. 3 in Gen.*, (P. G. 53, 35).

203) *De Genesi ad Litteram*

Liber Imperfectus, *cp. 4*, (P. L. 34, 226).

204) *Hebraic. Quaest. in Gen.*, *ibid.* 23, 939.

205) *Fragmenta in Gen.*, (P. G. 33, 1563).

D. Basiliius²⁰⁶, et Ambrosius in *Hexaemeron*²⁰⁷ linguam syram et ipse adducit. Idem omnino sentire videtur Rabbini Salomon; ait²⁰⁸ enim quod «solum gloriae manebat in aere et incubabat super faciem aquarum spiritu oris Domini et eius sermone, sicut columba incubat super nidum». In *Bereshit Rabba* habent Hebraei²⁰⁹ hunc spiritum esse Spiritum Messiae, id quod nos quoque dicimus Spiritum Sanctum esse spiritum Christi, iuxta D. Paulum²¹⁰. Hebraica autem vox, etsi aliquando incubare significat, sicut *Deuteronomio* 32²¹¹: *Sicut aquila suscitabit nidum suum et super pullos suos incubat*, ubi verbum רחף habetur, frequentius tamen motum et agitationem significat, sicut interpres vocum Rabbini David in libro *Radicum* ait²¹².

alii Spiritum
Messiae,
vel Christi.

Hinc tamen licebit advertere primo: quomodo tota simul Trinitas sit universalis mundi constitutionem operata. Nam in *Dei* nomine Patrem intelligimus, qui totius est principium, fons et origo divinitatis et deitatis; in *principii* nomine ipsum Filium, qui de seipso dicit: *Ego principium, qui et loquor vobis*²¹³; et in *Dei Spiritus* nomine, tertiam in Trinitate Personam, scilicet Spiritum Sanctum; unde scriptum est: *Verbo Domini coeli firmati sunt et Spiritu oris eius omnis virtus eorum*²¹⁴.

Ideo tota
simul Trinitas
mundum
creavit;

Secundo: licebit animadvertere quod Spiritus Sanctus hic רוח אלהים dicitur, hoc est *Spiritus Deorum*; nam אלהים pluralis est numeri, ut iam supra probatum est²¹⁵, per quod Pater et Filius intelliguntur. Pater enim solus non plures personae, sed una tantum persona est; similiter Filius; Pater autem et Filius plures personae; unde et Dii possunt dici, cum sint plures habentes deitatem, ut iam supra declaravimus²¹⁶. Spiritus Sanctus ergo, cum *Spiritus Deorum* dicatur, a Patre et Filio procedere declaratur, cum non sit nisi originis habitudo in divinis; alioquin *Spiritus Deorum* recte dici non potest si a Patre simul et Filio non procedit. Neque mirari quis debet quomodo Spiritus Sanctus *Deorum Spiritus* dicatur, cum, etsi a Patre Filioque simul procedat, id non est nisi ut ab uno principio,

unde recte
Spiritus S. di-
citur *Spiritus*
Deorum,

quia procedit
a Patre
et Filio

tanquam ab

206) Hom. 2 in *Hexaem.*, ibid. 29, 43. 207) Lib. 1, cp. 8, (P. L. 14, 139). 208) Op. cit. f. 2^a. 209) *Bereshit Rabba*, II, 4, pag. 17; *Talmud Babyl.*, *Hagigah*, f. 12^a; Nic. Lyranus op. cit. f. 30^a. 210) Cf. Rom 8, 9-11; 1 Cor 3, 16-20; Gal 4, 6; Eph 3, 16. 211) Vr. 11. Vulg.: *Provocans ad volandum pullos suos et super eos volitans.* 212) Sub voce: רחף. 213) Io 8, 25. 214) Ps 32, 6. 215) Cf. supra pag. 119-122. 216) Cf. supra pag. 122-124.

uno spirativo
principio et ab
uno spiratore,
licet duo sint
spirantes.

quatenus Pater et Filius unum sunt Spiritus Sancti principium spirativum in fecunditate voluntatis. Id nos omnino admittimus; dicimus tamen non incongrue *Deorum Spiritum* dici: nam Pater et Filius, etsi unum sunt spirativum principium Spiritus Sancti in fecunditate voluntatis ac omnino unus spirator, sunt tamen duo spirantes; nam et Pater et Filius Personae spirantes dici non inconvenit.

Vr. 3 *Dixitque Deus: Fiat lux. Et facta est lux.*

Hebraice : יְהִי-אוֹר יְהִי-אוֹר אֱלֹהִים יְהִי-אוֹר.

Chaldaice : יְהִי-נְהוֹרָא וְהוֹ-נְהוֹרָא : *Dixit Deus: Sit lux. Et fuit lux.*

Septuaginta tamen transtulerunt: Γενηθήτω φῶς: *Fiat lumen*; vox etenim hebraica אוֹר, et lucem et lumen significat.

Videndum nobis nunc est quid *lucis* nomine intelligatur. Nonnulli ²¹⁷ hic per *lucem* ipsum putant intelligi debere solem, eo quod D. Dionysius id videatur asserere ²¹⁸. At vero huic sententiae liquido repugnat Sacra Scriptura, quae ipsum solem quarto die creatum dicit. Id etiam Ecclesia confitetur dicens ²¹⁹:

« Quarto die qui flammeam
Solis rotam constituens ».

Sed dicunt hi solem non dici ibi factum, sed rememorando quae illa quarta die iam facta inveniebantur. At vero nec istud satisfacit. Nam sicut dicitur hic: *Fiat lux*, sic dicitur ibi: *Fiant luminaria*, et est omnium Doctorum sententia, Basilii ²²⁰, Ambrosii ²²¹, Ioannis Chrysostomi ²²², Augustini ²²³ et scholasticorum omnium solem quarto die esse creatum: hic autem non solem, sed ipsum lucis splendorem, quo omnia illustrarentur, esse productum.

Cum tamen lucem hic productam audimus, ne putemus eam esse substantiam, sicut nonnulli ²²⁴ existimarunt; ipsa nanque neque

Fiat lux.
Alii *lucis*
nomine intelli-
gunt *solem*,
quod repugnat
S. Scripturae,
sensui
Ecclesiae

et sententiae
Patrum et
scholastico-
rum, qui asse-
runt solem
quarto die
creatum.

217) Cf. Dracontius *Hexaem.*, lib. 1, (P. L. 87, 371); S. Thomas *S. Theolog.*, 1^a, q. 67, a. 4; q. 74, a. 1; Alph. Tostatus op. cit. f. 3^a. 218) *De Divinis Nominibus*, cp. 4, (P. G. 3, 698-699). 219) *Breviarium Rom.*, Feria IV, Hymnus ad Vesp.:

« Quarto die qui flammeam
Dum solis accendis rotam ».

220) *Hom. 6 in Hexaem.*, (P. G. 29, 119). 221) *Hexaem.*, lib. 4, cp. 1, (P. L. 14, 187-189). 222) *Hom. 6 in Gen.*, (P. G. 53, 58-60); Severianus *De Mundi Creatione*, Orat. 3, ibid. 56, 449. 223) *De Genesi contra Manichaeos*, lib. 1, cp. 14, (P. L. 34, 183-184); *De Genesi ad Litteram Liber Imperfectus*, cp. 12, ibid. co'. 235. 224) Cf. Theodoretus *Quaest. in Gen.*, Interr. 7,

substantia spiritualis est, nec corporalis, neque corporis alicuius substantialis forma. Si enim spiritualis esset substantia, corporeis oculis esset omnino invisibilis; ipsa tamen lux lumenque videtur; neque substantiae ipsae spirituales corrumpuntur, sicut ipsum lumen corrumpi videmus.

Lux haec non est substantia spiritualis, nec corporalis,

Nec est substantia corporalis; neque enim fas est duo corpora sese in eodem penitus loco recipere, sicut lumen recipitur in diaphano; praeterea nec incorruptibile corpus est, cum manifeste videatur corrumpi: nec corruptibile, cum ex eius corruptione nil generetur, quod quidem appareret quod corpus esset immensum.

Demum nec substantialis forma corporis alicuius est; talis enim forma visu non percipitur, nec in hoc quidem substantia, in hoc autem est accidens. At ipsa lux et visu percipitur et in luna manifeste accidens est, sicut in eclipsi patet, quando luna privatur lumine, remanens tamen luna. Praeterea talis forma corpus aliquod constituit et tunc duo simul corpora essent, sicut in radii dispositione cernitur. Per lucem ergo qualitatem quandam re corpori lucido inexistentem, secundum quam illuminat, intelligimus.

sed est qualitas quaedam corpori lucido inexistens.

Nec putandum est lucem ac lumen specie differre, sed subiecto, sicut calor in igne et calor productus in medio. In igne enim est ut in causa et permanenter, quoniam est proprius igni: in medio autem ut in effectu, nec permanet. Ita lumen in proprio subiecto *l u x* dicitur, quam perspectivi *p r i m a r i a m* vocant: in medio autem *l u m e n* dicitur et vocant perspectivi lucem *s e c u n d a m*. Identidem significant radius et splendor; sed radius idem lumen ut a lucido corpore secundum rectum procedit; splendor autem ut ab aliquo corpore reflectitur ²²⁵.

Lux et lumen non differunt specie, sed subiecto; sicut radius, qui a lucido corpore procedit, et splendor, qui ab aliquo corpore reflectitur.

(P. G. 80, 87); Hugo de S. Victore *De Sacramentis*, lib. 1, cp. 9, (P. L. 176, 193-194); Petrus Lombardus *Sentent.*, lib. 2, dist. 13, ibid. 192, 677-678; Alexander Halensis *S. Theolog.*, tract. 2, q. 1, cp. 5, a. 1; S. Thomas *S. Theolog.*, 1^a, q. 67, a. 2-3; S. Bonaventura *Sentent.*, lib. 2, dist. 13, a. 2, q. 1-2, Conimbricenses contra sentiunt cum Aristotele, qui (*De Anima*, lib. 2, cp. 7, t. 1, pag. 392) asserit lucem nec esse corpus, nec defluxum corporis. *De Coelo*, lib. 2, cp. 7, q. 2, a. 1-2. 225) Conimbricenses: «Quaeres... quonam pacto inter se distinguantur lux primaria et secundaria, lumen, radius, splendor? Respondemus ex Divo Thoma in 2^a *Sentent.* dist. 13, q. unica, a. 3 et aliis: etsi interdum hisce vocabulis promiscue philosophi utantur, proprie tamen lucem absolute et lucem primariam dici a perspectivis, quae in suo fonte, sive in subiecto proprio: secundariam, quae non ita se habet. Deinde interdum primariam vocari quae per directum modum funditur: secundariam quae a latere extra radiorum incidentiam oblique spargitur. Item lumen dici prout est in medio: radium prout a lucido corpore secundum rectam lineam procedit: splendorem prout est reflexum a corpore in quo recta linea porrigitur». *De Coelo*, lib. 2, cp. 7, q. 3, a. 2.

Sensu stricto
ergo lux est
quaedam qua-
litas corporis
lucidi, illumi-
nans et lumen
producens;

Hinc licebit advertere non esse lumen qualitatem quandam intentionalem ac ipsius lucis speciem, ut aiunt nonnulli ²²⁶, sed realem qualitatem oportet dicere, cum specie non differant lux et lumen, quod tamen discrimen est inter speciem et id cuius est species. Neque enim obiectorum species sensibiles sunt, sed id sunt quo obiectum sentitur; lumen autem per se videtur, nec ut possit videri alia indigeret specie, si species esset: at profecto indiget, dum est in solari medio, oculus autem in tenebris. Praeterea etiam quia lumen ipsum aliquid efficit et corrumpit; calefacit enim et substantiam producit, quorum tamen nihil possunt species ipsae efficere.

Adhuc: species ipsae compositorum sunt, non formarum; non enim coloris, sed colorati est species; ita lumen, si species esset non lucis, quae forma est, sed lucidi, esset species et luminosi, et tunc per lumen quodcumque refractum et reflexum sol videretur sicut in speculo, quod non apparet. Lux ergo qualitas quaedam est corporis lucidi, secundum quam illuminat ac lumen ipsum in medio producit.

sensu lato ta-
men sumitur
etiam pro
corpore lucido,
ex praeiacenti
materia facto
et vi lucendi
donato.

Aliquando tamen pro corpore lucido lux ipsa sumi consuevit, iuxta quod D. Augustinus inquit ²²⁷: «Lux in corporibus primum locum tenet». Atque ita, ex communi omnium theologorum consensu, lux praesenti loco intelligitur creata, non ut qualitas quaedam a lucido per se distincta, sed in lucido fueritque velut lucida nubes non de nihilo, sed ex praeiacenti iam materia facta, ut lux esset, et vim lucendi haberet. Natura autem non elementarem, sed coelestem, corpore tenuissimam et subtilissimam hanc eandem putamus, cum D. Dionysio, lucem esse solarem ²²⁸: non solem dico, sed lucem solarem; aliud nanque est sol, aliud lux solaris, sicut optime D. Basiliius sentit ita dicens ²²⁹, dum de sole loquitur, respondens quaesito: si lucis ortus solem anticipavit, cur nunc sol, ut super terram luceat, exortus dicitur? ponit splendorem et illuminationem non simpliciter ut qualitatem per se, sed pro subtilissima substantia splendente et illuminante, sicut in subiecto exemplo manifestat. Lucem nanque pro splendore et illuminatione posuit. Non adversantur haec

Et hoc con-
firmatur
sententia
D. Basilii,
qui tenet lu-
cem hanc
creatam
fuisse tanquam
subtilissimam
substantiam,

²²⁶) *Aegidius Romanus*: «Neque lux, neque lumen, neque splendor sunt formae substantiales corporis lucidi... Lux in proprio subiecto est realiter, in medio autem est intentionaliter». *Hexaem.*, lib. 2, cp. 10, f. 82-86.

²²⁷) *De Libero Arbitrio*, lib. 3, cp. 5, (P. L. 32, 1279).

²²⁸) Cf. not. 219 huius cp.

²²⁹) *Hom. 6 in Hexaem.*, (P. G. 29, 119-122).

illis sane quae de luce dicta sunt; tunc enim ipsa natura lucis producta est, nunc autem hoc solis corpus eo conditum est, ut illi primogenitae luci vehiculum esset. Nam ut alia diversa sunt et non eadem ignis atque lucerna, et ignis quidem illuminandi vim obtinet, lucerna autem idcirco facta est, ut vel moderatam lucem subministret egentibus: sic et illae purissimae, sincere immaterialique luci ceu vehiculum nunc ipsa luminaria sunt extracta. Haec ille.

Hinc patet, ex tanti viri sententia, aliud solarem lucem, aliud lucem esse. Huius rei fidem ex lunae effectibus possumus invenire, ut idem inquit. Deficiens enim deliquio luna decrementaque suscipiens, non corpore toto absumitur, sed lumen, quod acceperat, ipsa deponens iterumque assumens, speciem nobis incrementi decrementique exhibet; verumtamen lunae corpus haud absumi cum in deliquio est, argumento dilucido sunt ea, quae cernimus. Et paulo infra ait ²³⁰ aliud esse lunae corpus, aliud lucem ipsius, qua lucet; id in eclipsi lunae clarius videtur, ubi luna toto, quod a sole accipit, lumine privatur, remanens tamen luna: « Tale aliquid mihi de sole cogita, praeterquam quod is semel acceptam sibique attemperatam lucem nunquam deponit », etc. Et hac putamus Divum Dionysium ratione dixisse lucem primo die creatam, idest solarem, infiguratam fuisse, quoniam non erat adhuc solari corpori attemperata atque disposita et tanquam sibi convenientissimo recepta vehiculo.

distinctam a luce solari; solem autem et lunam. ceu huius lucis vehiculum, postea fuisse creatos.

Haec est etiam Damasceni sententia, qui inquit: ²³¹: « Luminaribus illis primum clarum lumen Conditor imposuit, non ut impotens dare ei aliud lumen, sed ut non vacans illud remaneret, luminare enim non ipsum est lumen, sed luminis receptivum ». Imo videtur ipsiusmet Sacrae Scripturae positio; de sole nanque in *Ecclesiastico* legimus ²³²: *Vas admirabile opus Excelsi*. Ergo per lucem hic nec solem intelligimus, nec etiam qualitatem aliquam per se distinctam a lucido, cum lux sit lucidi qualitas; sed aliquam substantiam lucidam, natura coelestem, ex praeiacenti materia factam, quae vim lucendi haberet et suo splendore universa illustraret atque poliret, quae lux dicitur, sicut substantiam lucidam lucernae lucem appellamus. Dicitur etiam: lux solaris, sicut etiam: lux lucernae.

Eiusdem sententiae videntur esse D. Dionysius, Damascenus

et etiam S. Scriptura.

²³⁰) Ibid. col. 123.

²³¹) *De Fide Orthodoxa*, lib. 2, cp. 7, (P. G. 94, 887).

²³²) 43, 2.

Iuxta aliquos
Patres dies et
nox fiebant
per praesen-
tiam et ab-
sentiam huius
lucis secun-
dum imperium
voluntatis
divinae,

sicut in tene-
bris Aegypti et
passionis
Domini.

Sed quomodo haec lux diem suo splendore efficiebat noctemque sua absentia causabat, non omnium idem est sensus. D. B a s i l i u s inquit ²³³ quod « primigenia illa luce suum splendorem diffundente, fiebat dies: seque rursus retrahente, fiebat nox, idque secundum divinae voluntatis imperium pro mensura a Deo definita ». Idem sentit G r e g o r i u s [N y s s e n u s] ²³⁴ et D a m a s c e n u s ²³⁵. Huius simile legimus factum cum *extendit . . . Moyses manus in coelum, et factae sunt tenebrae horribiles in tota terra Aegypti tribus diebus* ²³⁶, sole tamen in hemisphaerio nostro agente, suumque splendorem diffundente in terra Gessen, et in alias regiones radios suae lucis emittente. Simile forte factum est etiam in passione Domini, dum sol obscuratus est et *tenebrae factae sunt super universam terram* ²³⁷, quod factum non natura, sed divino praecepto est.

Iuxta D. Au-
gustinum au-
tem, dies et
nox tunc fie-
bant motu na-
turali lucis, se-
cluso quovis
miraculo,

Haec tamen sententia D. A u g u s t i n o non placet ²³⁸ eo, quod nulla ratio esset vicissitudinis huius emittendi radios luminis et contrahendi, cum homines et animalia nulla essent quorum haec usibus deservirent. Adhuc etiam: nec habet lucis natura ut seipsam suumque retrahat lumen, nisi miraculo; in prima autem naturae institutione non miraculum, sed quod habeat rerum natura quaeritur. Eapropter nos cum D. A u g u s t i n o sentimus lucem hanc suo motu diem effecisse et noctem. Cum enim lucida illa substantia, quam nos hic per lucem intelligimus, coelestis esset naturae, certe eum assecuta est motum, quo primum mobile ab initio factum, coepit a sua conditione moveri ab oriente in occidentem ^{238a}, qui siquidem motus diem ac noctem efficit, simulque vespere et mane atque meridiem. Per talem igitur motum lux illa et diem efficiebat sua praesentia et noctem sua absentia, dum aer suo lumine privabatur; efficiebat insuper et vespere et mane atque meridiem, ceu nunc sol efficit; nisi quod simplici luce nunc radiat dies, sole in nostro hemisphaerio agente, quam tunc luce illa.

ceu nunc sol
efficit.

Vr. 4 *Viditque Deus lucem quod esset bona.*

Hebraice: וַיֵּרָא אֱלֹהִים אֶת־הָאוֹר כִּי־טוֹב.

233) Hom. 2 in Hexaem., (P. G. 29, 47).

234) Contra Eunomium, lib. 12, ibid. 45, 1003-1006.

235) De Fide Orthodoxa, lib. 2, cp. 7, ibid. 94, 887.

236) Ex 10, 22. Vulg.:

Manum, loco: Manus; et: In universa, loco: In tota.

237) Mt 27, 45.

238) De Ge-

nesi ad Litteram, lib. 1, cp. 16, (P. L. 34, 258).

238a) Ms.: Occidens.

Chaldaice: **וַיַּחֲזֵא יְיָ יְתִנְהוּרָא אֲרִי־טַב**: *Et vidit Deus lucem quoniam bona.*

Vox autem **טוב**, hebraice significat bonum, pulcrum, decorum, delectabile; unde Chaldaeus Interpres aliquando eam **שפיר**, et **שפירא** transfert, quod est pulcrum et pulcritudo. Haec autem omnia mirum in modum lucis naturae conveniunt. Est nanque lux bona, quia non in splendore tantummodo, sed in omni utilitate gratia lucis probatur; ad plurima siquidem confert. Est delectabilis, quia videndo complacet et ipsa videndi officium subministrat et mox conspecta nos moerore liberat animumque demulcet blanda quadam placiditate. Est **decora**, quoniam mundum ipsum infuso exornat lumine eiusque speciem venustat. Est demum **pulcra**, cuius ob insignem splendorem omnis in aspectu gratia sita sit eiusque luminis splendor, corporibus infusus translucidis, eius actu perspicua faciat et nostris oculis omnem colorum speciem ac pulcritudinem visibilem reddat, quae prius offusa tenebris invisibilis erat.

Et divisit lucem a tenebris.

Hebraice: **וַיַּבְדֵּל אֱלֹהִים בֵּין הָאֹר וּבֵין הַחֹשֶׁךְ**.

Chaldaice: **וַיִּפְרִישׁ יְיָ בֵּין נְהוּרָא וּבֵין חֲשׁוּכָא**: *Et separavit Deus lucem a tenebra.*

D. Basilus ita exponit²³⁹: *Divisit*, idest naturam harum impermixtam effecit, adeo ut neutra harum alteri permisceretur, sed contrariae sibi essent et contrapositae. Idem sentit D. Ambrosius²⁴⁰; et certe nulla conventio est lucis ad tenebras²⁴¹.

At haec distinctio et aliud quiddam praesefert. Distinxit enim *Deus lucem a tenebris*, nedum quia eas effecit natura impermixtas, sed etiam, ut Ioannes Chrysostomus inquit²⁴², « quia unicuique locum proprium distribuit congruumque tempus definivit, ut vicissim, in uno hemisphaerio luce agente, in aliud tenebrae fugarentur et diurno tempori lux praeficeretur, nocturnum vero tenebris offunderetur; et eapraeter quia in iam facta lucida substantia luminis causam vimque lucendi constituit²⁴³, in terrae autem opacitate causam posuit tenebrarum ».

*Quod esset bona
Lux dicitur bona, quia utilis et delectabilis est, decora et pulcra.*

*Et divisit lucem, etc.
His verbis intelligitur Deum congruum tempus et locum luci et tenebris definivisse.*

239) *Hom. 2 in Hexaem.*, (P. G. 29, 47).

240) *Hexaem.*, lib. 1, cp. 9, (P. L. 14, 143).

241) *Cl. 2 Cor 6, 14.*

242) *Hom. 3 in Gen.*, (P. G. 53, 35).

243) *Ms.: Constitul.*

Vr. 5

Appellavitque lucem diem et tenebras noctem.

Hebraice: וַיִּקְרָא אֱלֹהִים לְאוֹר יוֹם וְלַחֹשֶׁךְ קֶרָא לַיְלָה׃

Chaldaice: וַיִּקְרָא יְיָ לְנֹהָרָא יוֹמָא וְלַחֲשׁוּכָא קֶרָא לַיְלָיָא׃

Et vocavit Deus lucem diem et tenebras appellavit noctem.

*Dies dicitur
dum lux
super hemi-
sphaerium
splendet, nox
vero quando
recessit.*

Dum lux super hemisphaerium nostrum radios sui luminis emittit ipsaque perspicua atque translucida illuminat, dies est, lucemque hic videtur pro toto eo tempore accipere, quo super hemisphaerium splendet; quando autem hinc lux recesserit, tenebrae fiunt, quae sunt lucis absentia. Quandiu ergo abest lux, tenebrae sunt totumque illud tenebrarum tempus nox dicitur.

Factumque est vespere et mane dies unus.

Hebraice: וַיְהִי-עֶרֶב וַיְהִי-בֹקֶר יוֹם אֶחָד׃

Chaldaice: וַיְהִי-רֵמֶשׁ וַיְהִי-צֶפֶר יוֹמָא חָד׃ *Et fuit vespere**et fuit mane dies unus.*

*Factumque
est vespere et
mane, etc.
Licet Moyses
tantum memi-
nerit vespere et
mane, tamen
intelligitur hic
dies naturalis
viginti quat-
tuor horarum,*

*quod patet ex
modo loquendi
S. Scripturae.*

יום hebraice aliquando t e m p u s, quo lux solaris est super ter-ram, significat, ut superius dicebatur: *Vocavit lucem diem*, idque quoties לַיְלָה nocti adiungitur, dum dicitur *dies* et *nox*, ut infra; nonnuncquam vero diem et noctem simul comprehendit, qui dies dicitur naturalis vigintiquattuor horarum spatio contentus, quo sol suam peripheriam percurrit ad motum primi mobilis, et ad hunc modum dies intelligendus est dum dicitur: *Et factum est vespere et mane dies unus*. Non enim utrumque complexus est Moyses nuncupatione diei et noctis, sed praestabiliori totam tribuit appellationem. « Sicut enim virorum generatio computatur et intelligitur etiam feminarum, quia nectuntur secunda potioribus, ita etiam dies numerantur et noctes existimantur adiunctae²⁴⁴ ». Et hanc consuetudinem invenire possis in tota Scriptura observatam, ut: *Dies annorum nostrorum*²⁴⁵, et: *Dies vitae meae . . . parvi et mali*²⁴⁶, et alibi pluries²⁴⁷. Insuper *vespere*, quod tempus illud post solis occasum crepusculum designat, עֶרֶב dicitur, quod hebraice a d m i x t i o n e m quandam significat, eo quod tunc temporis confusio quaedam fiat figurarum,

244) S. Ambrosius *Hexaem.*, lib. 1, cp. 10, (P. L. 14, 143-144).

245) Ps 89, 10.

246) Gn 47, 9.

247) Cf. ibid. 3, 14; 4, 3; Ex 7, 25; Idc 2, 7; Iob 9, 25; Ps 26, 4;

38, 5-6; Eccle 1, 2.

ut res una ab alia facile discerni nequeat, sicut in clara luce. *Mane* autem: **בקר**, deductum a **בִּקֵּר**, quod inquisitionem quandam dicit, eo quod illucescente iam die res omnis inquiratur; interdum tamen pro luce ponitur, sicut apud B. Iob legimus ²⁴⁸: **כוכבי בקר**: *stellae lucis*; sicut **ערב** *tenebras* nonnunquam significat ^{248*}.

Eapropter locum hunc ita interpretantur Hebraei per *vespere* noctem intelligentes, totum scilicet illud tenebrarum tempus ab initio crepusculi usque ad diluculum; per *mane* vero diem, idest totum tempus quod relinquitur usque ad vesperam: et sic nocturno diurnoque tempore totus dies naturalis absumitur. Aiunt praeterea ²⁴⁹ diem naturalem a primae noctis initio exordium sumere et in sequentis noctis principio terminari; idque firmant ex eo, quod lucem hic videantur tenebrae antegressae, quoniam *tenebrae* prius, quae *nox* a Deo dicuntur, *erant super faciem abyssi*: mox subsecuta lux est, dicente Deo: *Fiat lux*. Insuper in *Levitico* ²⁵⁰ legitur ²⁵¹: *A vespera usque ad vesperam celebrabitis sabbata vestra*.

Ab Hebraeis dicitur *vespere*, temporis spatium a crepusculo ad diluculum; *mane* autem, a diluculo ad crepusculum.

Nostri autem aliter sentiunt. Per *vespere* nanque diurni temporis finem intelligunt, per *mane* vero finem nocturni; itaque factum est *vespere* prius et postea *mane*, quoniam primus dies vesperam habuit, *mane* non habuit; *mane* enim dicitur finis praecedentis diei et initium sequentis, quod est aurora, quae nec plenam lucem nec omnino tenebras habet. Quoniam ergo dies non praecesserat, qui sequentis diei initio terminaretur, hinc primus dies *mane* non habuit, eo praecipue quia luce apparente, mox super terram plenus atque praeclarus dies extitit, qui non ab aurora, sed a clara luce inchoavit et *mane* sequentis diei consummatus est. Occidente ergo luce et paulatim, post spatium diurnae longitudinis, inferiores partes subeunte, factum est *vespere*, sicut nunc usitato cursu solis fieri solet; factum est autem *mane* eadem super terram redeunte et alium diem inchoante, et dies expletus est unus vigintiquattuor horarum.

A nostris vero per *vespere* intelligitur finis diurni temporis, et per *mane*, finis nocturni,

Ita exponit Venerabilis Beda ²⁵², et D. Ambrosius

²⁴⁸) 38, 7. ^{248*)} Cf. Is 24, 11; Pagnini op. cit. sub his radicibus, col. 308. 2071.

²⁴⁹) Cf. S. Hieronymus *Comment. in Ionam*, (P. L. 25, 1131); Vatablus, col. 15; Drusius col. 21. 30. ²⁵⁰) Ms.: *Exodo*. ²⁵¹) 23, 32. ²⁵²) *Hexaem.*, lib. 1, (P. L. 91, 17-18).

uti exponunt
Beda,
Ambrosius,
Chrysostomus
et Basilius.

expressius in *Hexaemeron* ²⁵³; ita etiam D. Ioannes Chrysostomus exponit inquit ²⁵⁴: « Finem diei et finem noctis unum signanter nominavit, ut ordinem quendam et consequentiam statueret visibilium et nulla fieret confusio ». Idem sentit D. Basilius in *Hexaemeron*, idipsum exponens ²⁵⁵. Nec mirum si *vesperis* appellatione dies intelligatur, *mane* autem nox; res etenim quaelibet a termino potius et fine nomen accipit, quam ab initio. Cum ergo vespere diurni sit temporis ultimum, mane vero nocturni, potuit istud *mane* illud vero *vespere* denominari.

Aliae aliorum
sententiae de
horum verbo-
rum interpre-
tatione prorsus
vanae.

Scio alios ex recentioribus aliter interpretari. Nonnulli enim nomine *vesperis* noctem intelligentes, asserunt ²⁵⁶ Moysen ideo noctem praetulisse diei, quia sol in altero sit creatus hemisphaerio, ita quod in hemisphaerio gentis, ad quam scribebat, prius nox deinde dies exorta sit, ut dum lux diem in illo perageret, hoc noctis tenebrae occuparent. Alii non desunt dicentes ²⁵⁷ a primae productionis exordio creaturae usque ad lucis creationem duodecim excurrisse horas, quae hic *vesperis* nomine intelligendae sunt, et iccirco hic vespere anteponi diei, quod in duodecim illis horis sint tenebrae lucem antegressae. Sed huiusmodi positiones nec ratione nec auctoritate fulciuntur.

Iuxta Basilium et
Ambrosium,
dicitur a Moyse
dies unus, non
dies primus,
ut coniungeretur
unico tempore
spatio diei ac noctis;

Sed quam ob causam non dixit *primum diem*, sed *unum*, ubi magis conveniebat allato ordine secundum diem et tertium atque quartum eum, qui omnes anteibat, diem *primum* appellare, non *unum*? Rabbini Salomon respondet ²⁵⁸ id scriptum esse, « eo quod Deus solus esset in suo saeculo, quoniam angeli secundo die creati sunt, sicut exponitur in *Bereshit Rabba* ». Sed hoc est praeter rem.

D. Basilius ²⁵⁹ et Ambrosius ²⁶⁰ quandam assignant rationem aliam, tum secundum litteram tum etiam secundum altiore sensum. Primo: *unum* dixit, ut diei noctisque spatium definiret ac tempus utriusque, nempe diei ac noctis, coniungeret, ita ut ex vigin-

253) *Hexaem.*, lib. 1, cp. 10, ibid. 14, 144.

254) *Hom. 3 in Gen.*, (P. G. 53, 35).

255) *Hom. 2 in Hexaem.*, ibid. 29, 50.

256) Cf. S. Beda *Hexaem.*, lib. 1, (P. L. 91, 18);

Strabus *Glossa Ord. in Gen.*, ibid. 113, 71; Tostatus op. cit. f. 3^a; Catharinus apud Pererium *Comment. in Gen.*, lib. 1, t. 1, pag. 86.

257) Aegidius Romanus: « Parva fuit morula inter creationem mundi et productionem lucis ». *Hexaem.*, lib. 1. cp. 19, f. 43^a; lib. 2, cp. 7, f. 76^a.

258) Op. cit. f. 2^a; et pag. 121, not. 98-99 huius cp.

259) *Hom. 2 in Hexaem.*, (P. G. 29,

50-51).

260) *Hexaem.*, lib. 1, cp. 10, (P. L. 14, 143-144).

tiquattuor horis unius diei spatium finiretur, atque ita et nox sub diei vocabulo subintelligeretur: ut etsi in solstitiis altera exuperet alteram, definito tamen tempore totum utriusque simul spatium sit descriptum, quasi diceret: quattuor et viginti horae spatium est unius diei. Etiam quia coeli ab eodem signo ad idem revolutio uno die peragitur, ita ut quoties iuxta solis circuitum vespera et mane mundum occupant, non id prolixiore tempore, sed in unius diei spatio suam expleat periodum. Secunda «ratio potior²⁶¹, quae in arcanis secretisque litteris traditur. Deus sane, qui temporis naturam creavit, mensuras ipsi ac signa, nimirum spatia dierum adiunxit septimanaque ipsum metiens in orbem, septimanam in sese versari iussit curricula temporis et motiones enumerantem, et unum item diem septimanam conficere ipsum in sese septies redeuntem; id autem orbis subit effigiem a sese incipiens et in seipsum desinens, quod iam et sui aevi proprium esse constat in seipsum converti et nequaquam terminari. Quamobrem temporis caput non diem primum, sed unum appellavit, ut ex appellatione etiam affinitatem ad futurum saeculum sortiatur. Is enim, qui unici principii et incommunicabilis ad aliud prae sese fert formam, proprie sane atque apposite unus est nuncupatus... Ut ergo ad futuram illam vitam, quae dies unus dicitur, iuxta illud: *Dies enim Domini magnus est et praeclarus*²⁶², statumque futurum illum nostram Moyses mentem erigeret atque deduceret, unum eum appellavit diem, qui saeculi ipsius imago, qui dierum primitiae, qui luci coetaneus est, ipsum inquam sanctum dominicum diem, quem²⁶³ resurrectio Domini honore praecipuo affecit». Haec duplex ratio horum Doctorum. I o a n n e s C h r y s o s t o m u s assignat²⁶⁴ etiam primam rationem.

tum quia dies hic primus consideratur ut temporis principium,

tum etiam quia imago est magni illius diei perpetuo splendore illuminati, idest vitae aeternae in saeculo futuro.

Mihi tamen videtur dicendum id esse iuxta phrasim hebraicam; apud Hebraeos enim u n u s non raro ordinis est; primus ergo unus in ea lingua persaepe dicitur, quod loquendi genus etiam in Evangeliiis reperitur, quorum phrasis fere tota hebraica est; una enim sabbati²⁶⁵, sicut et T h e o p h y l a c t u s exponit²⁶⁶ et quamplures alii²⁶⁷,

Rectius tamen videtur, quod hoc dicitur iuxta modum linguae hebraicae, in qua unus sumitur pro primo.

261) Hom. 2 in Hexaem., (P. G. 29, 50-51).
Domini et terribilis. 263) Ms.: Quae.

262) Joel 2, 11. Vulg.: Magnus enim dies

264) Hom. 3 in Gen., (P. G. 53, 35).

265) Cf. Mc 16, 2; Lc 24, 1; Io 20, 1. 19.

266) Enarrat. in Evang. Io., cp. 20, (P. G.

124, 287). 267) Cf. S. Augustinus Tract. 120 in Io., (P. L. 35, 1954); S. Beda Exposit.

in Lucae Evang., lib. 6 cp. 24, ibid. 92, 622; Exegetica Genuina, cp. 20, ibid. col. 817;

primam sabbati sonat, idest primam hebdomadae, et una mensis primam diem mensis ²⁶⁸.

Ex his autem, quae dicta sunt, non modicam difficultatem afferunt ea, quae dicuntur de Deo: quid sit *Deum dicere*; ait enim: *Dixitque Deus: Fiat lux*; deinde: quid sit *Deum videre lucem quod esset bona*; tertio: quid sit *Deum appellare lucem diem et tenebras noctem*.

Dixit Deus,
non strepitu
verborum, qui
per organa vo-
cis editur, sed
divinae volun-
tatis iussio in-
telligitur,
sicut exponunt
Basilius,
Ambrosius

Quoad primum, D. Basilius sic inquit ²⁶⁹: « In Deo cum vocem, verbum et praeceptum asserimus, cave intelligas aut cogites eum strepitum, qui per vocis organa editur; non item aerem linguae officio articulatam et impressum: sed momentum id eamve inclinationem divinae voluntatis censemus in praecepti speciem figurari, quo eorum, qui docentur, velut oculis res subiecta colliquescat et manifestetur expressius ». D. Ambrosius idem sentit omnino. Ait enim ²⁷⁰: « Plena vox luminis non dispositionis apparatus significat, sed operationis resplendet effectu. Naturae opifex lucem locutus est et creavit. Sermo Dei voluntas est, opus Dei natura est ». Et paulo post: « *Dixitque Deus*, non ut per vocis organa quidam sonus sermonis exiret, nec ut linguae motus coeleste formaret eloquium atque aerem istum quidam verborum strepitus verberaret: sed ut voluntatis suae cognitionem proderet operationis effectu ».

Eadem fuit sententia Rabbinum Gaon, qui, ut Aben Ezra refert ²⁷¹, ita exponit: « וַיֹּאמֶר כִּמוּ וַיִּרְצָה, idest: Et dixit, est sicut et voluit et fuit, sic fuit ut esset lux ipsa ad videndum iuxta obedientiam suam, iuxta illud: *Verbo Domini coeli firmati sunt*, seu *facti*, quoniam *ipse mandavit, et creata sunt* ²⁷²; et est pronomen super opus quod non fuit, et est per modum parabola regis et servi eius; et haec lux fuit ad ornandum aerem ». Sentit ergo hic doctor Deum dicere ut lux fiat, nihil aliud esse quam iuxta praeceptum voluntatis suae eam in esse producere. In lingua etiam hebraica *dicere* aliquando internum animi conceptum voluntatemque designat. In *Exodo* enim, ubi nos legimus ²⁷³: *Num occidere me tu vis, sicut heri occidisti Aegyptium?* hebraice legitur: *Num interficere me*

et consonum
magis est modo
loquendi
S. Scripturae.

Albinus sive Alcuinus *Comment. in S. Io. Evang.*, ibid. 100, 987; Rupertus *Comment. in Io.*, lib. 14, ibid. 169, 798. 268) Cf. Ez 29, 17; 31, 1; 32, 1; 45, 18; Agg 1, 1.

269) *Hom. 2 in Hexaem.*, (P. G. 29, 46).

270) *Hexaem.*, lib. 1, cp. 9, (P. L. 14, 142).

271) *Op. cit.* f. 2^b.

272) Ps 32, 6. 9.

273) 2, 14.

tu dicis? אֵתָה אָמַר, ubi nostra Translatio sensum traduxit, pro *velle* enim ponitur.

D. Augustinus tamen hunc locum ita exponit²⁷⁴, ut hoc ad naturam Verbi pertineat, « de quo dicitur: *In principio erat Verbum et Verbum erat apud Deum et Deus erat Verbum*²⁷⁵. Cum enim de illo dicatur: *Omnia per ipsum facta sunt*²⁷⁶, satis ostenditur et lux per ipsum facta, cum dixit Deus: *Fiat lux*. Quod si ita est, aeternum est quod dixit Deus: *Fiat lux*, quia Verbum Dei Deus apud Deum, Filius unicus Dei, Patri coaeternus est, quamvis Deo hoc in aeterno Verbo dicente, creatura temporalis facta sit ». Dixit ergo Deus, non temporaliter, non sono vocis, sed in Verbo sibi coaeterno, idest Verbum genuit intemporaliter, in quo erat et disposuit ab aeterno, ut fieret in tempore et in eo factum est. Cum ergo audimus: *Et dixit Deus: Fiat*, intelligimus in Verbo esse ut fieret; cum vero addit: *Et factum est ita*, intelligimus factam creaturam non excessisse in Verbo terminos generis sui ». Haec est D. Augustini sententia²⁷⁷. Ut autem, quod dicitur, clarius lucidiusque collique-scat, nonnulla, iuxta scholasticorum theologorum sententiam, in medium adducere non pigebit.

Apud theologos ergo Sanctosque Doctores tripliciter invenitur accipi ipsum *dicere*. Quandoque *essentialiter*, et sic idem est ac intelligere seu declarare, iuxta quem modum S. Anselmus in *Monologio* inquit²⁷⁸: « *Dicere* summo Spiritui nihil aliud est quam cogitando intueri »; et iterum²⁷⁹: unusquisque se in Trinitate *dicat*, quoniam omnis Persona divina intelligit se formaliter atque ita seipsam formaliter *dicat*. Sic etiam quaelibet Persona divina *dicat* omnia intelligibilia, quia seipsam et sua intelligentia omnia intelligit.

Secundo modo *dicere* accipitur *personaliter*, seu *personaliter*, et sic nihil aliud est quam Verbum gignere, idque soli Patri convenit, qui Verbum gignit et solum Verbum hoc modo *dicat*, est enim per modum intellectus producere et hoc non convenit nisi Patri.

Tertio autem modo sumi consuevit nec *pure essentialiter*, nec *pure personaliter*, sed includit utrumque

D. tamen Augustinus hoc intelligit de Verbo aeterno, in quo Deus in tempore creavit, quae ab aeterno in Eo disposuerat ut fierent.

Dicere tripliciter accipitur; primo: *essentialiter*, et tribuitur tribus divinis Personis, quae se formaliter et omnia intelligibilia intelligunt;

secundo: *personaliter*, et tribuitur soli Patri, qui Verbum gignit per modum intellectus;

274) *De Genesi ad Litteram*, lib. 1, cp. 2, (P. L. 34, 248).

275) Io 1, 1.

276) Ibid.

277) *De Genesi ad Litteram*, lib. 1, cp. 2-9, (P. L. 34, 248-255).

278) Cp.

63, ibid. 158, 208.

279) Ibid. col. 209.

tertio : nec
pure essentia-
liter, nec pure
personaliter,
et tribuitur
Patri quatenus
et Verbum
gignit, et
omnia, quae
in Verbo sunt,
declarat.

estque notitia a se producta omne declarabile declarare; iuxta quod D. Augustinus inquit²⁸⁰: « Proinde tanquam seipsum *dicens* Pater genuit Filium sibi aequalem per omnia; non enim seipsum integre perfecteque dixisset, si aliquid minus aut amplius esset in eius Verbo quam in ipso. Pater enim in Verbo, quem genuit, et seipsum declarat et omnia, quae sunt in ipso ». Itaque hoc modo solus Pater *dicit*, sed non solum Verbum, sed etiam omne, quod Verbo a se genito declarat; et sic *dicere* duos habet actus, scilicet gignere et declarare, quorum unus terminatur solum ad personam Verbi, alius ad omne declarabile, quod relucet in Verbo. Atque hoc modo, inquit D. Anselmus²⁸¹, « cum summus Spiritus seipsum *dicit*, dicit omnia, quae facta sunt »; omnia enim, quae facta sunt, in Verbo erant et relucebant.

Attamen non
solus Pater
per solum
Filium
operatur, sed
etiam per
Spiritus
Sanctum,

Nec intelligendum est solum Patrem per solum Filium operari; nam, ut inquit D. Augustinus²⁸² super illud: *Verbo Domini coeli firmati sunt et spiritu oris eius omnis virtus eorum*²⁸³, Pater operatur per Verbum suum et Spiritum Sanctum suntque divinarum Personarum actiones ad extra indivisae omnibusque communes; at quamvis Pater simul cum Filio et Spiritu Sancto simul operetur nihilque faciat sine eis, attamen quia non Pater a Filio, sed a Patre Filius et ab utroque Spiritus Sanctus habet ut operetur, iccirco Pater per Filium et Spiritum Sanctum dicitur operari. Atque etiam quia ut artifex operatur Deus, sicut in *Sapientia*²⁸⁴ *omnium artifex* dicitur: artifex autem et per intellectum et per voluntatem operatur, nam et vult et intelligit; ita Deus per Filium dicitur operari cui intellectus appropriatur, cum a Patre per modum intellectus procedat, et per Spiritum Sanctum, qui a Patre et Filio per modum voluntatis procedit. Ipsa tamen actio simul communis est tribus, nec ulli propria est: et *dicere* hic non²⁸⁵ pure personaliter accipitur, sed divinarum Personarum intellectionem quandam importat secundum praxim, divina simul voluntate praeunte atque iubente; et hic *dicere* Dei *facere* proprie est, iuxta aeternam rerum in Verbo dispositionem et divinae imperium voluntatis. Etenim iam hoc ipso

quia actiones
divinarum
Personarum
ad extra sunt
communes et
indivisae.

²⁸⁰) *De Trinitate*, lib. 15, cp. 14, (P. L. 42, 1076–1077).
158, 189.

²⁸²) *Enarrat. in Ps.* 32, ibid. 36, 288.
²⁸⁵) Ms.: Non repetitur.

²⁸¹) *Monologium*, cp. 34, ibid.

²⁸³) *Ps* 32, 6. ²⁸⁴) 7, 21.

constituto, quod iam illa prima Persona semetipsam intelligendo *dicit*, et dicendo generat Filium, et semetipsam ac Filium amando, spirat Spiritum Sanctum; videt etiam in se et in Verbo suo, quo se totam exprimit, omnium ideas naturarum, quas naturas videt etiam esse creabiles, ut aliquo modo sint extra ipsum. Eas ergo ita intelligens et in coaeterno sibi Verbo praecognoscens, et optima et aeterna voluntate sua in illo Spiritu Sancto pleno bonitatis et gratiae, placuit ei ut sic essent, idest ex illo ad suum esse exirent, non natura producendo illas aut ex necessitate naturae, sed ex beneplacito et mera voluntate. Sic ergo volens, imperiose dixit: *Fiant*, idest *ius-sit esse*, suo hoc dicto ineffabiliter eas proferens.

Ideo Pater videns in Verbo ideas naturarum creabillum, in Spiritu S. placuit et voluit ad suum esse illas exire.

Explicata iam utcumque prima particula, accedendum est ad secundam, scilicet quid sit *Deum videre lucem quod esset bona*. D. Ambrosius hoc ita exponit²⁸⁶: « *Et vidit Deus* etc.; nec quod ignorabat vidit; nec id, quod nesciebat antea aut non viderat, comprobavit: sed bonorum operum proprium est ut externo commendatore non egeant, sed gratiam suam, cum videntur, ipsa testentur ». Et paulo post²⁸⁷: « Propriis itaque sermonibus naturam lucis expressit, quae videndo complacet, quoniam ipsa videndi officium subministrat. *Vidit* ergo Deus lucem et vultu suo illuminavit et *vidit* quia bona est, non ex parte Dei, sed ex generali iudicium est ».

Et vidit, etc.; non quasi antea nesciret et postea cognosceret lucis bonitatem,

D. Ioannes Chrysostomus inquit humano more locutum esse Moysen; ait enim²⁸⁸: « Num priusquam fieret lux, nesciebat quod bona, sed postquam producta fuit, aspectus ostendit opifici pulcritudinem et bonitatem productae? Et quis cui cor est tale quiddam diceret? Nam si homo, qui aliquid per artem operatur, priusquam fabricet quod vult facere et priusquam formet scit, usum eius quod elaborare statuit: quanto magis omnium opifex, qui verbo omnia, ut essent, produxit, sciebat antequam lucem faceret, quod esset bona. Quare ergo hac dictione usus est? Demittit se et iuxta humanam consuetudinem haec omnia loquitur beatus ille Propheta. Et quemadmodum homines, cum aliquid magno studio elaboraverint, et finem laboribus suis imposuerint, tunc tandem probant quid fecerint, atque ita opus laudibus extollunt: sic et divina Scriptura solet

sed humano more S. Scriptura loquens, indicat complementum et perfectionem huius creaturae.

Sic interpretantur Ambrosius, Chrysostomus

²⁸⁶) *Hexaem.*, lib. 1, cp. 9, (P. L. 14, 142).
Gen., (P. G. 53, 34-35).

²⁸⁷) *Ibid.* col. 143.

²⁸⁸) *Hom.* 3 in

et nunc, cum se adstrarum aurium infirmitatem demisit, et dixit: *Et vidit Deus* », etc.

et Augustinus.

D. Augustinus, in *Genesi contra Manichaeos*, idem tenet²⁸⁹, « quod scilicet complacuit sibi Deus in opere suo, sicut artifex, hisque verbis non ostendi eluxisse Deo incognitum bonum, sed placuisse perfectum ». In libro etiam *De Genesi ad Litteram Imperfecto*, sic ait²⁹⁰: « *Et vidit Deus lucem*, etc. Ista sententia non quasi insoliti benevolentiam, sed approbationem operis significare oportet intelligi. Quid enim convenientius de Deo dicitur, quantum inter homines dici potest, quam cum ita ponitur: *dixit, factum est, placuit*? ita ut in eo, quod *dixit*, imperium eius intelligatur; in eo, quod *factum est*, potentia; in eo, quod *placuit*, benignitas; sicut ineffabilia per hominem hominibus ita ut omnibus prodesse dici debuerunt ».

Alii exponunt lucem vocari bonam, quia ita facta fuit ut Deus voluit,

Nonnulli etiam ita interpretantur²⁹¹: *Vidit*²⁹², idest *videri fecit*, faciens nos manifestissimis effectibus lucis bonitatem cognoscere; liquido nanque patet eam ad quamplurima conferre, ne dicam ad omnia corporalia. Similis loquendi modus in compluribus Sacrae Scripturae locis reperitur, ut: *Nunc cognovi quod timeas Dominum*²⁹³, idest *cognosci feci*, etc. Rabbīnus Aben Ezra istud *videre* exponit²⁹⁴ esse in cogitatione seu existimatione, idest quod Deus factam lucem bonam existimavit; et est eadem sententia.

sicut antea in Verbo suo disposuerat ut eam faceret.

Huius ergo dictionis hic est sensus: *Vidit*, etc.: cognovit Deus et intellexit in benignitate Spiritus sui, non quasi ante ignotam et cognitam postquam lux facta est, sibi placuisse, sed eadem bonitate placuisse ut facta maneret²⁹⁵, qua placuit ut fieret: quoniam facta non excessit vel minuit praefixos in Verbo terminos generis sui; sed facta est ita omnino, sicut iam ante in Verbo suo disposuerat Deus ut eam faceret²⁹⁶. Hoc ergo est quod dicit: *Et vidit Deus lucem quod esset bona*. Ita etiam intelligendum est quoties in subsequentibus dicitur *vidisse Deum*, etc.

Elucidata prima et secunda particula iuxta nostrae debilitatis²⁹⁷ modum, tertia se nobis ultro explicanda offert, quid sit *Deum*

289) Lib. 1, cp. 8, (P. L. 34, 179),
Comment. in Gen., ibid. 131, 55; Honorius

290) Cp. 5, ibid. col. 278.
Hexaem., ibid. 172, 255.

291) Cf. Remigius
292) Ms.: *Vidi*.

293) Gn 22, 12, Vulg.: *Timeas Deum*.

294) Op. cit. f. 2^o.

295) Ms.: *Manere*.

296) Cf. S. Beda Hexaem., lib. 1, (P. L. 91, 19); *De Sex Dierum Creatione*, ibid. 93, 211.

297) Ms.: *Debitatis*.

appellare lucem diem, etc. D. I o a n n e s C h r y s o s t o m u s inquit ²⁹⁸, post lucis tenebrarumque distinctionem, Deum ipsis vocabula indidisse, quibus vocarentur. D. A m b r o s i u s vero putat ²⁹⁹ et hoc ad distinctionem pertinere, ut etiam nomine ipso diem noctemque distingueret, sicut natura locoque distinguuntur et causa.

lucem diem et tenebras noctem, ut nomine ipso dies et nox distinguerentur, sicut distinguuntur natura, loco et causa,

D. A u g u s t i n u s *De Genesi contra Manichaeos*, huius loci hanc affert expositionem, dicens ³⁰⁰ « hoc totum ad intellectum nostrum dictum esse. Qua enim lingua vocavit Deus *lucem diem et tenebras noctem* ? Utrum hebraea, an graeca, an latina, an aliqua alia ? Sed apud Deum purus intellectus est, sine strepitu et diversitate linguarum. *Vocavit* autem dictum est vocari fecit, quia sic distinxit omnia et ordinavit ut et discerni possent et nomina accipere ».

In libro vero singulari *De Genesi ad Litteram Imperfecto*, praemonet prius ³⁰¹ per lucem et tenebras non esse accipienda nomina ipsa, ex eo quod haec, « in quantum ad res significandas articulata voce enuntiantur, nomina sunt »; quia cum dixit Deus: *Fiat lux*, et: *Divisit inter lucem et tenebras*, « nondum de vocabulis agebatur »; sed ita accipiendum esse, « quia enunciari aliter non posset res, quae nomen accepit, nisi aliquo nomine ». Tunc ipse aliam expositionem adducit, ut haec vocatio accipienda sit ipsa distinctio; non enim omnis lux dies et omnes tenebrae nox: sed lux et tenebrae, certis inter se vicibus ordinatae atque distinctae, diei et noctis nominibus appellantur. Adhuc aliam subinfert, quoniam inquirendo procedit, ut haec vocabula « significare nobis velint quam lucem dixerit et quas tenebras, tanquam diceret: Fecit Deus lucem, et *divisit inter lucem et tenebras*; lucem autem dico diem et tenebras dico noctem, ne aliquam aliam lucem intelligas, quae non sit dies, et ne aliquas alias tenebras intelligas, quae non sunt nox ».

et suum nomen distinctum acciperent,

et ut indicaret huius lucis officium quod est ad efficiendum diem.

In primo autem libro *De Genesi ad Litteram*, altius id exponit ³⁰², quod appellaverit Deus *lucem diem et tenebras noctem*: « Quia Verbo sibi coaeterno, idest incommutabilis sapientiae internis aeternisque rationibus, non corporali sono vocis, *vocavit Deus lucem diem et tenebras noctem* ». Et haec sufficiant pro elucidatione huius dictionis. Accedamus nunc ad opus secundi diei.

Sic autem appellavit, non sono vocis physico, sed Verbo suo coaeterno.

²⁹⁸) *Hom. 3 in Gen.*, (P. G. 53, 34).

²⁹⁹) *Hexaem.*, lib. 1, cp. 9, (P. L. 14, 143).

³⁰⁰) *Lib. 1, cp. 9, ibid. 34, 180.*

³⁰¹) *Cp. 6, ibid. col. 230.*

³⁰²) *Cp. 10, ibid. col. 253.*

Vr. 6

Dixitque quoque Deus: Fiat firmamentum in medio aquarum.

Hebraice: וַיֹּאמֶר אֱלֹהִים יְהִי רָקִיעַ בְּתוֹךְ הַמַּיִם.

Chaldaice: וַיֹּאמֶר יְיָ יְהִי רָקִיעָא בְּמִצְיֹת מַיָּא: *Et dixit Deus:**Sit firmamentum in medio aquarum.**Et dividat aquas ab aquis.*

Hebraice: וַיְהִי מַבְדִּיל בֵּין מַיִם לַמַּיִם:

Chaldaice: וַיְהִי מַפְרִישׁ בֵּין מַיָּא לְמַיָּא: *Et sit dividens inter**aquas et aquas.*

Quod Septuaginta στερέωσα transtulerunt et post ipsos

*Fiat firmamentum, etc.**Hebraice firmamentum significat extensionem, graece autem firmitatem.*noster Interpretes firmamentum transtulit, Textus Hebraicus habet: רָקִיעַ, quod extensionem seu porrectionem quandam sonat, sive id quod extensum et porrectum est, deductum a verbo רָקַע, quod est extendere et porrigere; quemadmodum in *Exodo* legitur: וַיִּרְקְעוּ אֶת־פָּחִי הַזֶּהָב:*Et extenderunt bracteas, sive laminas aureas* ³⁰³. Coelum autem רָקִיעַ dicitur, eo quod expansum extensumque sit super terram. Ad huiusmodi ergo porrectionem et extensionem seu diffusionem respicientes Hebraei coelum רָקִיעַ vocaverunt. At vero quoniam coeleste corpus solidum et firmum est, sicut apud *Beatum Iob* legimus ³⁰⁴: *Tu forsitan cum eo fabricatus es coelos, qui solidissimi, quasi aere, fundati sunt?* eapropter, ut existimo, Septuaginta, quod Hebraei רָקִיעַ, στερέωσα, a verbo στερεόω, quod est firmo, vocaverunt et Latinus Interpretes eos imitatus, *firmamentum* transtulit.*Per firmamentum alii intelligunt illam aeris partem in qua nubes condensantur;*Quid autem *firmamenti* appellatione intelligendum sit, non una omnium est sententia. Quidam *firmamenti* nomine intellexerunt illam aeris partem, in qua nubes condensantur atque condensationem quandam tunc factam putarunt firmamenti nomine significari ³⁰⁵. Huic tamen positioni, praeter cetera, illud repugnat quod luminaria magna et stellae in firmamento coeli a Deo posita dicantur, quae proculdubio non sunt in ea parte aeris. Hanc positionem reprobatur etiam D. Ba-³⁰³) 39, 3.³⁰⁴) 37, 18. Vulg.: *Fusi, loco: Fundati.*³⁰⁵) Cf. S. Augustinus *De Genesi ad Litteram*, lib. 2, cp. 4, (P. L. 34, 265); Rupertus *De Trinitate et Operibus Eius*, In *Gen.*, lib. 1, cp. 22, *ibid.* 167, 219; Abaelardus *Exposit. in Hexaem.*, *ibid.* 178, 742.

silius in *Hexaemeron* ³⁰⁶. Alii, eo quod supra creatum, auctore Deo, et conditum coelum Scriptura expresserit, hic aiunt ³⁰⁷ expositionem operis creationisque Moysen prosequi, ut ibi quasi summa operis breviter comprehensa sit, hic operationis qualitas per ipsas concurrentium rerum species sit digesta. Ut quemadmodum artifex quis domum extruxisse dicitur et mox prius fundamenta iecisse, inde erexisse parietes, demum superposuisse tecta subnectitur; sic Moyses proposuerit primo totius divinae operationis creationisque summarium, dicens: *In principio creavit Deus coelum et terram*, ex duobus, quae extrema sunt, totius existentiam summa quadam complectens, tanquam prolepsi usus; iuxta quem modum frequentissime in Sacra Scriptura *coelum et terra* pro universa rerum constitutione desumitur ³⁰⁸; nunc vero operationis ordinem prosequatur. Et iuxta horum sententiam, coelum unum ac idem est et ibi positum et hic inter medium aquarum factum.

alii intelligunt ipsum coelum in principio creatum, cuius nunc qualitas et operatio indicantur.

Id manifeste videtur sensisse ex professo Chrysostomus, qui etiam constantissime asserit ³⁰⁹ unum tantum esse coelum, nec plura corpora coelestia dari uno. At vero quamvis multi sint eum secuti, auctoritate magis quam ratione ducti, in hac tamen parte non est sequendus, quia et Scripturae, quae et *coelum tertium* ³¹⁰ et *coelos coelorum* ³¹¹ saepissime adducit, necnon et sensui repugnat. Unde D. Ambrosius diversum asserit ³¹² coelum hoc, quod hic *firmamentum* dicitur et de quo supra dictum est. Idem tenent D. Basilius ³¹³ et Damascenus ³¹⁴, necnon Beda ³¹⁵ et Strabus ³¹⁶; sed hi posteriores de coelo sidereo ³¹⁷ intelligunt, quod prius dictum est. Secundum Augustinum vero ³¹⁸ creatura spiritualis, hoc est natura angelica intelligitur. Damascenus vero ³¹⁹ coelum quoddam sphaericum sine stellis [intelligit] de

Sic sentit D. Chrysostomus.

At contra sentiunt plures alii Patres, asserentes firmamentum hoc diversum esse a coelo, de quo loquitur Moyses in principio.

306) *Hom.* 3, (P. G. 29, 59-62). 307) Cf. S. Beda *Comment. in Pentat.*, (P. L. 91, 192); Philo Iudaeus *De Mundi Opificio*, t. 1, pag. 5. 308) Cf. Gn 14, 19. 22: 24, 3; Ex 20, 11; Dt 4, 26; 1 Par 16, 31; 1 Esr 5, 11; 9, 6; Idt 13, 24; Est 13, 10. 309) *Hom.* 4 in *Gen.*, (P. G. 53, 43). 310) Cf. 2 Cor 12, 2. 311) Cf. Dt 10, 14; 2 Esr 9, 6; 3 Rg 8, 27; Ps 67, 34; 148, 4. 312) *Hexaem.*, lib. 2, ep. 4, (P. L. 14, 152). 313) *Hom.* 3 in *Hexaem.*, (P. G. 29, 55-58). 314) *De Fide Orthodoxa*, lib. 2, ep. 6, ibid. 94, 879. 315) *Comment. in Pentat.*, (P. L. 91, 192). 316) *Glossa Ord. in Gen.*, ibid. 113, 72. 317) Ms.: *Empireo*. 318) *De Genesi ad Litteram*, lib. 1, ep. 9, (P. L. 34, 252); ep. 17, ibid. col. 258. 319) *De Fide Orthodoxa*, lib. 2, ep. 6, (P. G. 94, 879-883).

quo loquuntur philosophi, dicentes ³²⁰ ipsum esse nonam sphaeram et mobile primum, quod movetur motu diurno.

Decem sunt corpora coelestia, idest coelum empyreum, coelum crystallinum, coelum stelliferum, et infra hoc septem planetarum orbes.

Nos tamen haec omnia eo nomine intelligimus, ut iam supra explicuimus; per *firmamentum* vero omnes ³²¹ fere coelum stelliferum intelligunt cum septem planetarum orbibus: Saturni, Iovis, Martis, Solis, Mercurii, Veneris atque Lunae. Ita quod coelestia corpora decem ponimus: primum et supremum est empyreum, in quo est quies vitaeque sempiterna, luce maxima decoratum, qui locus est beatorum convenientissimus; secundum est coelum aqueum, sive crystallinum, quod est primum mobile, quod ab oriente in occidentem uniformiter unius diei spatio movetur circulari latione; tertium est coelum stelliferum, fixis ornatum stellis, quod virtute superioris corporis trahitur diurno motu — nec tamen proprio destituitur — ab occidente in orientem, quo tempore determinato circumagitur. Infra hoc coelum sunt septem coeli seu sphaerae, vel planetarum orbes eo, ut supra posuimus, ordine constituti.

Astrologi antiqui octavum coelum sensu deprehenderunt, nonum ratione; decimum a nostris et Hebraeis creditur esse.

Novem coelorum orbes infra primum coelum, quod est inter corpora primum, quos moveri necesse est, astrologi antiqui deprehenderunt ³²², usque ad octavum sensu praevenientes; nonum ratione investigarunt, non sensu. Sed supra novem hos coelorum orbes decimum esse coelum, fixum manens et quietum, nedum a nostris creditum est, sed a nonnullis etiam Hebraeorum ³²³. Nanque R a b b i n u s I s a a c decem statuit ³²⁴ coelos, orbemque decimum ab E z e c h i e l e ³²⁵ designatum intelligit per saphirum, *in similitudinem throni*: ut color saphiri lucis nitorem, throni similitudo immobilitatem eius significet. Figuratas item intelligit decem sphaeras a Z a c h a r i a ³²⁶,

320) Cf. Conimbricenses *De Coelo*, lib. 2, cp. 5, q. 1, a. 1-2.

321) Cf. S. Beda *In Heraem.*, (P. L. 91, 17); Nic. Lyranus op. cit. f. 24^b; Aegidius Romanus *Hexaem.*, lib. 1, cp. 14, f. 31^a sqq.; Io. Menochius *Explicat. in Gen.*, pag. 2.

322) Cf. Conimbricenses *De Coelo*, lib. 2, cp. 5, q. 1, a. 1; *Pererius*: «Ad Ptolomaei usque tempora Mathematici iuxta et Philosophi octo esse coelos censuerunt. Ptolomaeus et posteriores Mathematici, comperto motu octavi orbis... nonum coelum addiderunt. Ante annos vero fere trecentos... certa observatione deprehensus est a Mathematicis alius quidam eiusdem orbis motus... quamobrem decimum coelum ponere coacti sunt. Ex sententia igitur Mathematicorum, quae nunc ferme recepta est in scholis, decem sunt coeli mobiles, quibus addendum est undecimum, quod theologi empyreum nominaverunt». *Comment. in Gen.*, lib. 2, q. 4, t. 1, pag. 214. Cf. etiam Aegidius Romanus *Hexaem.*, lib. 1, cp. 16, f. 36^a-37^a. 323) Maimonides *More Nebuchim*, part. 2, cp. 9, pag. 205-206. 324) Apud Io. Picum Mirandula *Heptaplus, Secunda expositio de mundo coelesti, De coelo empyreo*, cp. 1, sine numeratione foliorum; et apud Conimbricenses *Isidem fere verbis. De Coelo*, lib. 2, cp. 5,

per candelabrum aureum distinctum septem lucernis et lampadem super caput eius; tamen super lampadem olivas duas. Cum enim septem lucernae septem planetas indicent, et lampas circulum octavum tot luminibus fulgentem, vult per duas olivas indicari nonam et decimam sphaeram, propterea quod ex olivis oleum fluit ad lampades et lucernas ad luminis nutrimentum; et a supremo illo coelo, quod totius luminis est principium, per medium sibi proximum lumen infundit in cetera luminaria.

Rabbinus vero Abraham Aben Ezra *Super Decalogum*³²⁷, et ipse decimum illud coelum ponit. Primum nanque praeceptum occultum in tabulis, quod est: *Diliges Dominum Deum tuum*, etc., ut in *Deuteronomio* exprimitur³²⁸, convenire inquit cum coelo, quod nos empyreum dicimus, nobis occulto, quod provenit a corde, omnibus creatis occulto ac soli Deo noto. Tum ordinem prosequitur convenientiae inter ceteros orbis et praecepta sequentia primum. Secundum praeceptum: *Non adorabis deum alienum*, sed *Dominum Deum tuum*, etc.³²⁹, ait cum primo mobili convenire, quod secum cetera trahit; sic hoc praeceptum. Tertium: *Non assumes nomen*, etc.³³⁰, convenit cum coelo stellifero, in quo sunt duodecim signa; ita in hoc residet divini nominis virtus duodenaria. Quartum: *Sabbata sanctifices*³³¹, convenit cum Saturno, quod astrum septimum locum ascendendo obtinet. Quintum: de honore parentum³³², convenit cum Iove, honorabili patre generationis, qui honorem simul cum vita praebet, quibus favet. Sextum: *Non occides*³³³, cum Marte convenit, qui bellis praest. Septimum: *Non moechaberis*³³⁴, cum Venere, unde omnis voluptas. Octavum: *Non furtum facies*³³⁵, cum Sole convenit, qui tanquam Dei oculus furta omnia, quae in occulto fiunt, manifestat et, ut semper beneficus, furtis inimicatur et rapinis. Nonum: *Non peierabis*³³⁶, convenit cum Mercurio, qui linguae praest, per quam verum seu falsum profertur et blasphemiae. Decimum: *Non concupisces*³³⁷, cum Luna matrice siderum, cuius est³³⁸ concupiscere potissimum.

Rab. Aben
Ezra decem
hos coelos
coordinat cum
decem decalo-
gi praeceptis.

327) Apud Io. Picum Mirandula et apud Conimbricenses l. cit. in not. 324. Opus hoc Rab. Aben Ezrae *In Decagolum*, invenitur recensitum etiam a M. Steinschneider *Catalogus Librorum Hebraicorum Bibl. Bodleianae*, col. 680, n. 4221, 4. Bas. Io. Froben 1521 (?) et a Io. B. De Rossi *Dizionario storico degli autori Ebrei*, pag. 10, sed illud reperire non potuimus.

328) 6, 5. 329) Ibid. 5, 7. 330) Ibid. vr. 11. 331) Ibid. vr. 12. 332) Cf. ibid. vr. 16.
333) Ibid. vr. 17. 334) Ibid. vr. 18. 335) Ibid. vr. 19. 336) Ibid. vr. 20.
337) Ibid. vr. 21. 338) Ms.: Es.

Statuunt ergo hi supra novem coelos decimum, quem theologi vocant empyreum. Atque hinc admirabilis quaedam ad spiritualia insurgit proportio. Sunt enim novem angelorum chori, quasi mobiles coeli; sed unus est summus chorus, qui cunctos continet ipse immobilis: Deus Pater et Filius et Spiritus Sanctus.

Ad propositum ergo revertentes, dum dicitur hic: *Fiat firmamentum in medio aquarum*, per *firmamentum* hic coelum stelliferum cum ceteris contentis ab eo usque ad lunam intelligimus: cum luminaria magna et stellae in firmamento narrentur posita a Deo; per *aquas* vero *superiores*, coelum crystallinum, quod coelum aquarum dicitur, propter similitudinem quandam, qua in diaphaneitate et perspicuitate assimilatur aquae; dicitur etiam crystallinum, eo quod ad instar crystalli lapidis sit solidum et perspicuum et tanquam aqua glaciali soliditate firmata; per *aquas* vero *inferiores*, elementa, vel potius elementorum materiam intelligimus, quae superius *aqua* dicta est: *Et spiritus Domini ferebatur super aquas*; adhuc enim confusa erat infra orbem lunae, atque permixta elementorum quaedam congeries usque ad diem tertium, in quo distinctionem dispositionemque in sua substantia locaque, prout uniuscuiusque exigebat natura, sortita sunt. Atque per modum huiusmodi est *firmamentum dividens inter aquas et aquas*, quoniam intermedium crystallini coeli elementaque cetera formatum est.

Vr. 7 *Fecitque Deus firmamentum divisitque aquas, quae erant super firmamentum, ab aquis quae erant sub firmamento* ³³⁹. *Et factum est ita.*

Hebraice: וַיַּעַשׂ אֱלֹהִים אֶת־הָרָקִיעַ וַיְבַדֵּל בֵּין הַמַּיִם אֲשֶׁר מֵעַל לָרָקִיעַ וַיְהִי־כֵן׃

Chaldaice: וַעֲבַד יי ית־רַקִּיעָא וַאֲפָרִישׁ בֵּין מַיָּא דִּי מֵעַל לָרַקִּיעַ וַיְהִי־כֵן׃ *Et fecit Deus firmamentum, divisitque firmamentum inter aquas, quae sunt sub firmamento et inter aquas, quae sunt supra firmamentum. Et fuit sic.*

Nonnulli ³⁴⁰ per *aquas super firmamentum* spirituales intelligunt

339) Vr. 7. Vulg.: *Et fecit... quae erant sub firmamento, ab his quae erant super firmamentum.*

340) Cf. Procopius Gazaenus *Comment. in Gen.*, (P. G. 87, 74); S. Hieronymus *Epist.* 51, (P. L. 22, 523); S. Gregorius M. *Moralium*, lib. 27, cp. 39, *ibid.* 76, 438; S. Isidorus *Hisp. Quaest. in Gen.*, cp. 1, *ibid.* 83, 210; Strabus *Glossa Ord. in Gen.* *ibid.* 113, 72-73.

creaturas mentesque angelicas, eo quod scriptum sit: *Et aquae . . . , quae super coelos sunt, laudent nomen Domini* ³⁴¹. Id sentit *O r i g e n e s* ³⁴².

Quam sententiam improbant *D . B a s i l i u s* ³⁴³ et *A m b r o s i u s* ³⁴⁴ ratione consimili, asserentes non ob id, quod laudare nomen Domini dicantur aquae, ex eo creaturas spirituales esse, sed quia earum consideratio, prudenter a sensu abundantius contemplata, glorificationem perficit Creatoris. Alioquin, secundum hanc interpretandi formam, ros, pruina, frigus et aestus, quae apud *D a n i e l e m* ³⁴⁵ iussa sunt hymnis omnium celebrare opificem, mentes quaedam erunt intellectu praeditae simul et invisibiles.

R a b b i n u s S a l o m o n, per *aquas supra firmamentum*, intelligit ³⁴⁶ aquas suspensas in aere.

De firmamenti autem natura diversi diversa dicunt. *A r i s t o t e l e s* ³⁴⁷ et peripatetici omnes tenent corpus coeleste nec aliquod esse ex simplicibus corporibus, quae elementa dicuntur, nec constare ex illis, propterea quod simplicibus corporibus proprius sit motus rectus, levibus ad superna, gravibus ad ima tendentibus; at non idem est sursum et deorsum ferri cum circulari periodo, qui peculiaris est coelo. Quorum autem secundum naturam diversae sunt motiones, eorum diversam esse essentiam necesse est. Eapraeter, quod compositum ex corruptibilibus elementis est, necesse est ut dissolvatur; at nulla in coelo, vel eius partibus, conspicitur permutatio, cum e contra elementa omnia sint variis permutationibus obnoxia. Ob has rationationum necessitates, ad coeli siderumque constitutionem quintam quandam novi corporis essentiam peripatetici statuere, quod nec calidum sit aut frigidum, humidum sive siccum; sed dicunt vires illic quidem elementorum excellentissimas per causae modum ponendas esse: in sphaeris autem elementorum sub luna naturas eorum secundum formam: in compositis autem participatione quadam; sed naturas ipsas elementorum in coelo esse omnino negant.

P l a t o autem ³⁴⁸ et academici omnes coelum ex quattuor con-

Divisitque aquas etc.
Per aquas superiores alii intelligunt mentes angelicas.
Sententia haec reprobatur a *D. Basilio* et *Ambrosio*.

Iuxta peripateticos *firmamentum est quoddam corpus coeleste, et simplex, sed non elementare,*

quod etiam dicitur *quinta substantia peripateticorum.*

Academici au-

341) Ps 148, 4. 342) *Hom. 1 in Gen.*, (P. G. 12, 147-148). 343) *Hom. 3 in Hexaem.*,
ibid. 29, 74-75. 344) *Hexaem.*, lib. 2, cp. 4, (P. L. 14, 153). 345) Cf. 3, 64-69.
346) *Op. cit. f. 2^b*. 347) *De Coelo*, lib. 1, cp. 2-3, t. 1, pag. 266-267; cf. *Conimbricenses*
De Coelo, lib. 1, cp. 2, q. 5, a. 1-3; et supra *Dissert. 6*, pag. 102, not. 67. 348) *Timaeus*,
t. 3, pag. 32-33. 40; cf. *S. Thomas S. Theolog.* 1^a, q. 66, a. 2; et etiam *Conimbricenses De*
Coelo, lib. 1, cp. 2, q. 5, a. 1-3; q. 6, a. 1-6.

tem coelum
asserunt con-
stare quattuor
elementis, et
continere ele-
mentorum vir-
tutes et na-
turas modo
excellentissi-
mo;

stare elementis asseverant esseque in eo et virtutes et elementorum naturas; sed virtutes illic in genere quodam longe his excellentiore consistere, et in excellentissimo naturas; et naturam illam ignis eminentissimam praebere coelo sensibile lumen, vivificum calorem motumque promptissimum. Naturam terrae largiri solidam firmamque stabilitatem: item et stellis densitudinem, qua videri possint, et lunae, qua radios repellat solares; naturam aeris praestare perspicuam qualitatem, quam nominant translucensem; naturam aquae afferre delicatissimam et aequabilissimam lenitatem, ipsisque sphaerarum labiis, quibus sese contingunt, inserere virtutem illam frigoris et humoris, per quam fiat ut, quamvis ex velocissimo motu rapidissime et vehementissime se contingant, aestus tamen illic resolutioque non cadat.

et in eo esse
quattuor qua-
litates elemen-
torum;

Asserunt praeterea coelum et vere calidum et vere frigidum, humidum esse atque siccum, cum manifeste elementorum qualitates producat cumque stellae, ut flammeae, luceant earumque radii flammam gerant, qua mortalia sub coelo calefaciunt. Et asserere quod coelum id efficiat per motum, rationi et sensui aiunt adversari; sensui: quia frequenter percipimus longe vehementius et velocius moveri corpora prope nos, nec propterea alia corpora calefacere ita ut calefiunt a coelo; insuper, ex contactu aestivo radiorum solis vehementer corpora sentimus calefieri, quod non contingeret nisi radio inesset caliditas eique haec non inesset nisi coelum ex se caleret. Adversatur etiam rationi: quoniam motus, qui alicuius actus est mobilis a motore dependens, per se id producit solum, ad quod motor suapte natura expetit producere mobile. Localis siquidem motus ad loci per se deducit acquisitionem; at si inde calefactio vel quaevis alia sequatur qualitas, ex eventu est. At cum a coelo diffusus calor omnia servet, cuncta foveat, omnibus vitam impartiat, omnium generationes absolvat, cuncta purget, servet et vivificet, alienum est a ratione putare a coelo haec ex eventu dependere. Non ergo negandum est coelum esse calidum, sed esse urens; neque dicendum solis lumen sola repercussione calefacere, vel ³⁴⁹ sola [repercussione] comburere. Nam lunae radii percussi nihil calefaciunt, quoniam in ea virtus aquae

ideo coelum
natura sua ca-
lidum dicen-
dum esse, licet
non urat.

dominatur; calefaciunt autem solis radii salubriter pro ignea solis vivificaque natura.

Nec obiiciat quis ex tardiori lunae motu contingere ne lunae radii calefaciant. Nam etsi ponitur esse tardior, tamen tanto propinquior est, quam sol hominibus, ut debeat, si non aequae, aliquantulum tamen calefacere, si repercussione dumtaxat radiorum proveniat calefactio. Neque adducat quis aestum esse ignis proprium; siquidem quo minus alienae miscetur materiae, minus urit. Sed lumen ignis est proprium; quo enim purius, eo lucidius, licet oculis quibusdam non manifestius, et luces longius quam calefaciat et prius illuminat, et momento [lumen] caloremque largitur, calefacto post ignem ad tempus servante calorem; lumen vero largitur nulli, utpote sibi proprium; siquidem abeunte igne simul et lumen abit. Si ergo lumen in coelo est: ergo et ignis.

Solvunt platonici rationes peripateticorum, et primam quidem a motu sumptam, quoniam inquirunt motum naturalem et simplicem unum tantum esse, nempe orbicularem; nam motus rectus non est simplex, cum sensim reddatur velocior; nec est secundum naturam elementi, quoniam non ei convenit in proprio loco, sed reditus potius quidam est in naturam; non enim convenit seorsum a violentia constituto, sed extra proprium locum vi collocato. Non ergo ex eo, quod ignis sursum ferri videatur, coelum vero circumferri, putandum est coelum non constare ex ignea natura. Nam si qua forte coeli portio in medio ponatur, repente ascendet in rectum, breviori tramite patriam petitura. Moveri autem tam ignem quam aerem circulariter ostendit circuitus cometarum.

Obiiciunt peripatetici quod si coelum compositum esset elementis, corrumpetur.

Ad secundam pariter rationem respondent, coelum non corrumpi tum propter eius corporis puritatem, tum quia tanta est in coelesti substantia virtus ad conciliandum efficax, ut qualitates et motiones, quae apud nos repugnantes sunt, ibi non repugnent. Item quia illic elementa statim a prima genitura mundi in formam praestantissimi, idest ignis, redacta sunt; quemadmodum per motum coelestem elementa quattuor apud nos in quavis genitura ad unam reducuntur mixti formam. Praeterea quia nihil extra se habet, a quo laedatur. Postremo quia ea est voluntas opificis, quae nexus est ceteris firmitior et insolubilior, ut in *Timaeo* inquit P l a t o ³⁵⁰.

Respondent academici coelum non corrumpi, quia purissimum, quia elementa eius praestantissima, quia non habet a quo laedatur, et quia voluntate Dei incorruptibile est.

Hanc sententiam et Hebraei sequuntur, dicentes coelum compositum esse ex aqua et igne.

Haec est platoniorum sententia, et hanc quidem Hebraei valde probant. Rabbini enim Salomon ex aqua et igne coelum dicit³⁵¹ esse compositum. Qui etiam exponens praesentem locum de opere firmamenti, sic ait³⁵²: «*Fiat firmamentum*, induravit firmamentum, quia licet coeli prima die creati sint, adhuc humidi erant, seu fluidi; et coagulati, seu condensati sunt in secunda ab increpatione Dei in sermone suo: *Fiat firmamentum*. Et hoc est quod scriptum est: *Columnae coeli commovebuntur*³⁵³, idest tota die prima et in secunda obstupuerunt, sicut homo stupefactus et stetit ab increpatione et terrore super se ». Et hic vir per hoc, quod dicitur: *Fiat*, intelligit, non substantialis formae inductionem, sed qualitatem quandam superinductam, scilicet duritiem et densitatem sive stabilitatem, et sic: *Fecit*, idest stabilivit eum *super stabilitatem suam*³⁵⁴. Et inquit quod *facere* hic est sicut illud: *Faciet mulier ungues suas*³⁵⁵, quod de muliere captiva apud hebraeum intelligitur, quam sibi vellet in uxorem accipere³⁵⁶.

Hanc eandem sententiam ex nostris D. Ambrosius tenere videtur, asserens³⁵⁷ coelum ex elementis esse compositum. D. etiam Basilius ad hanc potius declinat, asserens³⁵⁸ sententiam de quinta essentia commentitiam esse et ab ipsis philosophis excogitatam. Beda etiam³⁵⁹ de hac re sic loquitur: « In medio ergo firmamentum est sidereum coelum, quod de aquis esse factum credi potest; crystallinus enim lapis, cuius magna firmitas, magna perspicuitas, de aquis factus est ». Theodoretus etiam³⁶⁰, ex Graecis, coelum ex fluxa aquarum natura asserit constituisse et quae prius liquabilis esset natura, solidissimam esse effectam, et ob id firmamentum esse appellatum. Gennadius similiter³⁶¹ Deum asserit firmamentum ex ipsius rei opificio ipsum appellasse, eo quod cum prius lenta, fluxa solubilisque esset natura, solidam et minime mobilem constipationem accepit. D. Augustinus etiam³⁶² facile consentit his, qui coelum asserunt igneae naturae, unde etiam

351) Op. cit. f. 2^b; et cf. not. 112 hulus cp.

352) Op. cit. f. 2^b.

353) Iob 26, 11.

354) Ps 103, 5.

355) Dt 21, 12. Vulg.: Quae radet caesariem et circumcidet ungues.

356) Cf. ibid. vr. 11.

357) Hexaem., lib. 2, cp. 4, (P. L. 14, 152-153).

358) Hom. 3

in Hexaem., (P. G. 29, 59-63).

359) Hexaem., lib. 1, (P. L. 91, 18).

360) Quaest. in

Gen., Interr. 11, (P. G. 80, 91).

361) Fragmenta in Gen., ibid. 85, 1630.

362) De

Genesi ad Litteram, lib. 2, cp. 3, (P. L. 34, 265).

sidera atque luminaria facta esse coniectant, illius videlicet igneae lucis in eas formas, quas in coelo cernimus conglobata dispositaque natura. Hinc, ex tantorum virorum sententia, huic positioni videtur magis assentiendum, tum quia et ratio ei favet et Sacrae Scripturae est magis accommodata.

quorum sententia consona magis est rationi et S. Scripturae.

Illud autem, quod sequitur: *Et factum est ita*, Rabbīnus Aben Ezra inquit³⁶³ adhaerere cum eo, quod sequitur post ipsum, scilicet quod *vocavit Deus firmamentum coelum*.

Vr. 8 *Et vocavit Deus firmamentum coelum. Et factum est vespere et mane dies secundus.*

Hebraice: וַיִּקְרָא אֱלֹהִים לָרָקִיעַ שָׁמַיִם וַיְהִי-עֶרֶב וַיְהִי-בֹקֶר יוֹם שֵׁנִי.

Chaldaice: וַיִּקְרָא יְיָ לָרָקִיעַ שָׁמַיָא וַיְהִי-רֵמֶשׁ וַיְהִי-צֶפֶר יוֹם הַיְנַיִן: *Et vocavit Deus firmamentum coelum. Et fuit vespere et mane dies secundus.*

Rabbīnus Salomon³⁶⁴ huius nominis שָׁמַיִם, tres dat interpretationes: « שָׁמַיִם, שָׁמַיִם, שָׁמַיִם: quia, inquit, miscuit hoc in hoc et ex eis, aqua scilicet et igne, fecit coelum ». Ex hoc innuit ideo firmamentum dictum esse coelum, quod ex igne et aqua factum sit. Rabbīnus Aben Ezra notat³⁶⁵ hic Deum quinque rebus vocasse nomina, quae sunt: lux, tenebrae, coelum, terra et Adam, hoc est homo³⁶⁶: ita homo enim אָדָם hebraice dicitur.

Et vocavit Deus firmamentum coelum.
De nomine firmamenti expositiones Rab. Salomonis et Aben Ezrae,

D. Ambrosius hunc locum ita exponit, dicens³⁶⁷ « coelorum nomen esse commune, quia plurimos coelos Scriptura testificatur: nomen autem esse speciale firmamentum; ita ut supra videatur generaliter dixisse [in principio] coelum factum, ut omnem coelestis creaturae fabricam comprehenderet: hic autem specialem firmamenti huius [exterioris] soliditatem, quod dicitur coeli firmamentum, sicut legimus in hymno prophetico: *Benedictus es in firmamento coeli* »³⁶⁸. Putat enim a firmitate, eo quod non sit invalidum ac remissum, dictum esse coelum hoc firmamentum, quod divina virtute firmatum sit, sicut ait Scriptura: *Laudate eum in firmamento virtutis eius*³⁶⁹.

D. Ambrosii,

363) Op. cit. f. 2^b.

364) Ibid.

365) Ibid.

366) Ms.: Homini.

367) Hexaem., lib. 2, ep. 4, (P. L. 14, 152-153).

368) Dn 3, 56.

369) Ps 150, 1.

Basilii
et Origenis. D. Basilius aliam adducit ³⁷⁰ rationem, ut haec coeli appellatio alteri congruat et aptetur et particeps eius vocis sit firmamentum, per similitudinem; a verbo enim ὁραομαι, idest videri, deducta est appellatio nominis τοῦ οὐρανοῦ, idest coeli; unde et aer ob conspuitatem coelum dici observavimus, ut cum dicit Scriptura: *Volatilia coeli* ³⁷¹, etc. Origenes inquit ³⁷² quod Deus firmamentum vocavit coelum donans ei eius coeli, quod ante creaverat, nomen, hoc est dignum fecit eo nomine, quo et ipsum empyreum cum propter eius magnitudinem tum quia inter ea, quae nobis conspicua, sublimius est atque omnino nobilius.

Advertendum hic quod secunda die non dicitur: *Et vidit Deus quod esset bonum*; Textus enim Hebraicus id non habet, sicut nec in Vulgata Editione nostra est. Puto autem Septuaginta id posuisse, vel a quovis alio eorum translationi additum esse, cum et D. Basilius ³⁷³ et Ioannes Chrysostomus ³⁷⁴ et Ambrosius ³⁷⁵ id explicant.

Superest nunc solvendum cur hoc in loco non dixerit Moyses: *Et vidit Deus quod esset bonum*. Aiunt quidam ³⁷⁶ ob numerum dualem, qui propterea censetur informis quoniam primus ab unitate recedit; unde et animalia immunda bina et bina introducuntur in arcam ³⁷⁷. Hanc rationem Hieronymus in *Ioviniano* affert ³⁷⁸. Quibusdam tamen minus satisfacit, utpote mystica et quae non debebat officere rei veritati; si enim vere hoc bonum perfectumque erat, quid porrigebat periculi reddere hoc in loco testimonium Deum vidisse et probavisse?

Ratio ob quam non dicitur hac secunda die: *Et vidit Deus*, etc.,
quia opus aquarum nondum consummatum erat,
Rabbinus Salomon, quaerens ³⁷⁹ cur non dicitur hic: *Et vidit... quod... bonum*, respondet: « Quia opus aquarum non fuit consummatum usque ad diem tertium, et in die tertio consummatum est opus aquarum et aliud; ac propterea, inquit, in die tertio geminatur: *Quod esset bonum*; bis enim dicitur: semel pro consumma-

370) Hom. 3 in Hexaem., (P. G. 29, 71).

371) Ez 31, 13; 32, 4; et cf. supra pag. 156.

372) Hom. 1 in Gen., (P. G. 12, 149).

373) Hom. 3 in Hexaem., ibid. 29, 75.

374) Hom. 4

in Gen., ibid. 53, 43.

375) Hexaem., lib. 2, ep. 5, (P. L. 14, 154-156).

376) Cf. Be-

reshit Rabba, IV, 6, pag. 30: Ginzberg. op. cit. V, pag. 18-19, not. 54; S. Hieronymus Comment. in Aggaeum, (P. L. 25, 1389); Nic. Lyranus op. cit. f. 25^a; Alph. Tostatus op. cit. f. 6^a.

377) Cf. Gn 7, 2; Clarius Critici Sacri, t. 1, part. 1, col. 20; Cartwrightus, ibid. col. 49.

378) Lib. 1, (P. L. 23, 236). 379) Op. cit. f. 2^b.

tione operis secundae diei, et semel pro consummatione operis tertiae diei». Hanc rationem innuit etiam *Glossa*³⁸⁰, post rationem Hieronymi, dicens ideo *bonum* hic non dici, quia in hoc opere distinctio aquae non sit perfecta, quae fit in proximo.

At vero quoniam peculiare huius diei opus ipsum est firmamentum, iccirco probatur mihi magis abstinuisse Moysen, ne diceret: *Quod esset bonum*, quoniam firmamentum adhuc imperfectum erat, cum suo esset stellarum ornatu destitutum, in quo summa illius pulcritudo consistit. Hanc autem perfectionem quarta adeptum est die, ac propterea ibi dicitur: *Vidit Deus quod esset bonum*.

vel quia firmamentum adhuc imperfectum erat et sine ornatu stellarum.

Vr. 9 *Dixit vero Deus: Congregentur aquae, quae sub coelo sunt, in locum unum, et appareat arida. Et factum est ita.*

Hebraice: וַיֹּאמֶר אֱלֹהִים יִקְוּ הַמַּיִם מִתַּחַת הַשָּׁמַיִם
אֶל-מָקוֹם אֶחָד וַתֵּרָא הָיִבְשָׁה וַיְהִי-כֵן:

Chaldaice: וַאֲמַר יי יתכנשון מֵיָא מִתַּחַת שָׁמַיָא לְאַתֵּר חָד
: *Dixitque Deus, etc., ut supra.*

Rabbinus Aben Ezra³⁸¹ exponit verbum קוּה per חָבַר, in hithpaël: colligant se aquae, sive coarcent se, vel conveniant.

Hanc aquarum congregationem D. Ioannes Chrysostomus sic explicat³⁸²: «Quia enim omnia completa erant aquis, iussit in unam congregationem aquarum multitudinem concedere, ut sic appareat arida»; terra enim erat invisibilis et inculta, eo quod aquis obtegebatur. D. Basilius³⁸³ et Ambrosius³⁸⁴ idem dicunt; per aquas nanque et terram haec elementa intelligunt, quae nostris sunt obiecta obtutibus, et universam tellurem aquae operiebant; propter quod et invisibilis erat et infecunda: sed praecepto dominico ad declivia et concava terrae praeceps devoluta sit aqua, et sic apparuerit arida, quae prius aquis subiecta extitit.

Dicitur: *Congregentur, etc.,* quia aquae terram operiebant, quae ideo invisibilis et infecunda erat.

Rabbinus Salomon idipsum asserit³⁸⁵, dicens quod «aquae fuerunt expansae super universam terram, et congregatae sunt in oceano, quod est mare magnum inter omnia maria». Rab-

380) Strabus *Glossa Ord. in Gen.*, (P. L. 113, 72-73).

381) Op. cit. f. 2^b.

382) Hom.

5 in *Gen.*, (P. G. 53, 50).

383) Hom. 4 in *Hexaem.*, ibid. 29, 78 sqq.

384) *Hexaem.*,

lib. 3, cp. 1, (P. L. 14, 158 sqq.).

385) Op. cit. f. 2^b.

Aben Ezra putat verba haec coniungi praecedentibus.

binus Aben Ezra inquit³⁸⁶, quod «hic versus coniungitur cum superioribus, quoniam firmamentum non est factum usquequo exaruit terra. Et testimonium est: *In die qua fecit Dominus terram et coelum*³⁸⁷; et ecce in die una facta sunt; et visio est verbum absconditum; et congregationes a sparsione non est creatio. Et ita est sensus eius: *Et iam dixerat Deus: Congregentur aquae*. Et huic simile est in lege in centum locis; et ecce in capite **בראשית** dabo tibi duo testimonia. Unum est: *Et posuit ibi hominem quem formaverat*; et postea inquit: *Produxit Dominus Deus*³⁸⁸; et tamen prius homine produxerat ea. Et testimonium secundum: quod praecepit homini ut non comederet *de ligno scientiae boni et mali*³⁸⁹, et postea scriptum est: *Et formavit Dominus Deus hominem de terra* »³⁹⁰. Sed expositio eius est quod iam formaverat: et propterea, inquit, est quod: «*Et vidit Deus quod esset bonum*, coniungitur cum creatione secundae diei; et: *Germinet terra*, est principium diei tertiae ».

Iuxta S. Augustinum congregatio haec significat specificam et visibilem aquae formationem.

D. tamen Augustinus, quoniam superius per *aquas* interpretatus est ipsam materiam, eodem contextu id quoque exponit³⁹¹, dicens quod si quandam confusionem materiae aquae nomine appellaverat, haec *congregatio* accipienda est ipsa formatio, ut talis esset aquae species, qualem nunc esse cernimus. Et ipsum: *Appareat arida*, quod positum est, terrae formatio intelligi potest, ut hanc haberet speciem terra, quam cernimus; *invisibilis et incomposita* dicta erat, cum adhuc materiae species deesset.

Ideo significat Deum dedisse prius materiae confusae formam aquae et naturam,

Nos ergo ad D. Augustini interpretationem ita conformiter exponimus. *Congregentur aquae, quae sub coelo sunt*, idest in formam redigatur materia corporalis, ut aqua ista sit quam sentimus. Non enim fecit Deus aquas congregari, sicut prius existentes, sed sicut dans eis formam et naturam, per quam sint aptae natae in unum locum concurrere. *Et appareat arida*, idest speciem visibilem accipiat et a confusione distinctam. Non enim apparere iubetur ut prius existens, sed ut formam naturamque accipiens, qua apparere viderique posset. Itaque aquas congregari in unum aliud non est, quam

386) Ibid. 387) Gn 2, 4. 388) Ibid. vrr. 8-9. 389) Ibid. vr. 16. Vulg.: *Praecepitque ei dicens... Ne comedas.* 390) Ibid. vr. 7. Vulg.: *De limo terrae, loco: De terra.*

391) *De Genesi contra Manichaeos*, lib. 1, cp. 12, (P. L. 34, 181-182); *De Genesi ad Litteram Liber Imperfectus*, cp. 10, ibid, col. 233.

speciem accipere unam inclinationemque simul ad locum debitum congruumque speciei. At vero quoniam iuxta formae aquarum existentiam inclinationemque ad situm sibi peculiarem, earum proprius supra ac circum terram est locus immediatus, ex eo quod nobilius minusve grave sunt elementum, sicut aer super utrumque collocatus est ut leve, superque aerem ignis ut levius; noceret autem maiori et universaliori bono si ubique terram operirent aquae: non enim posset illa producere fetus suos, nec animalia servari nec plantae potuissent; ideo Deus effecit, ut in unum aquae congregarentur locum, in terrae concavis praeruptisque sinibus receptae ac tanquam in utre congregatae, ne converterentur operire terram³⁹², ac in superficie altiori arida appareret.

et effecisse postea ut in sinibus terrae reciperentur, ne ubique eam operirent.

Nec tamen dicendum est vi aquas ibi detineri et proprio esse loco destitutas, cum earum proprius sit supra terram locus, ita ut, si sibi ipsis dimitterentur, super terram effluerent reverterenturque operire terram, tanquam peculiarem sibi locum adepturae; cum, ut aiunt nonnulli³⁹³, sint in oceani medio multo altiores terra. At verum id nequaquam est. Ad oculum enim videmus aquae motum semper in declivorem esse locum; unde aquae illae altiores ad litus defluerent, si demissior hic locus est. Naturale siquidem aquis est undequaque ad centrum aequaliter tendere; loca autem demissiora sunt propinquiora centro.

In locum unum aquae congregatae sunt et detinentur non vi, vel speciali divina virtute, sed naturaliter,

Nec dicat quis divina virtute detineri ne defluant, cum aptae sint et possint; huic enim obstat Augustinus, dicens³⁹⁴ Deum sic res quas condidit administrare, «ut eas proprios motus agere sinat»; et, ut Divus Dionysius egregie docet³⁹⁵, Dei non est rerum violare naturas, sed sua prudentia temperare. Sic ergo aquarum temperavit naturas, ut eas non sineret ubique dispersas universam tellurem operire eique superesse; nec tamen eas omnino proprio ac naturali loco destituit, ne aliquammodo terrae superessent: sed suae virtutis praecepto, eas in demissis imae terrae concavis profundisque cavernis congregans et recipiens, proprium eius super terram donavit locum, quatenus aquarum omnium sinus terra subiecta est.

quia
Deus sic aquarum temperavit naturam, ut sua sponte in locum unum tanquam proprium congregarentur.

392) Cf. Ps 103, 9.

393) Cf. S. Gregorius Nazianzenus *Orat.* 28, (P. G. 36, 65); Theodoretus *Interpret. in Psalmos*, Ps. 103, ibid. 80, 1698.

394) *De Civitate Dei*, lib. 7, cp. 30,

(P. L. 41, 220).

395) *De Divinis Nominibus*, cp. 4, (P. G. 3, 734).

Terra autem dicitur super aquas fundata, quia semper illis supereminet.

Ita tamen aquis subiecit terram, ut arida, quam apparere iussit, aquis circumfluentibus superemineat, iuxta illud *Psalmi* ³⁹⁶: *Qui fundavit terram super aquas*. Non enim terra gravior aquis levioribus portatur; sed, ut egregie Augustinus exponit ³⁹⁷, terra super aquas fundata dicitur, quod aquis circumfluentibus supereminet. Semper enim tum marium tum fluviorum litora aquis altiora conspicimus; etsi in medio videantur aquae altius eminere, id non est quod super litora se elevent, sed quia earum est sinus profundior et centro propinquior. Aquarum tamen locus vel semper arida demissior est, et tum maxime ipsius oceani, quo omnes confluunt. Si enim eius non esset locus declivior, cur magis eo, quam alio, flumina currunt, si semper ad ima labuntur aquae? Hinc patet etiam hoc ipsum: nam euntes ad mare descendere dicuntur, ut Rabbinus Aben Ezra hic testatur ³⁹⁸, et in Scriptura pluries id reperimus, sicuti: *Qui descendunt mare in navibus* ³⁹⁹; et de Iona, *cum fugeret a facie Domini in Tharsis . . . , descendit in Ioppen et invenit navem* ⁴⁰⁰.

Quamvis varii sint aquarum loci, in unum locum tamen congregatae dicuntur, quia occultis meatibus omnes ad mare revolvuntur.

Sed hic rursum dubitatio oritur, quomodo omnes aquae in unum locum congregatae dicantur, cum sint plura aquarum loca. Nam praeter Oceanum, quod est omnium amplissimum, est Thyrrenum, est Adriaticum, Indicum, Aegyptium, Pontus, Propontis, Hellespontus, Euxinus, Aegeum, Ionium, Atlanticum et alia mediterranea; sed ideo in unum locum aquas inquit redactas esse, quia omnes aquae in unum tendunt, idest mare maximum, cui cuncta iunguntur; et si qui lacus in semetipsis stricti videntur, occultis tamen meatibus in mare revolvuntur. Fossores quoque puteorum id probant, quia omnis tellus per invisibiles venas aquis repleta est, quibus ex mari principium est.

Vr. 10 *Et vocavit Deus aridam* ⁴⁰¹ *terram congregationesque aquarum appellavit maria. Et vidit Deus quod esset bonum.*

Hebraice: וַיִּקְרָא אֱלֹהִים לַיַּבְשָׁה אֶרֶץ וּלַמְּקוֹה הַמַּיִם קָרָא יָמִים וַיֵּרָא אֱלֹהִים כִּי-טוֹב:

Chaldaice: וַיִּקְרָא יְיָ לַיַּבְשָׁתָא אֶרְעָא וּלְבֵית כְּנִישוֹת מַיָּא קָרָא יַמִּי וְהָזָא יְיָ אֲרִי טֹב:

396) 135, 6.

399) Ps 106, 23.

397) *Enarrat. in Ps. 135*, (P. L. 37, 1759).

400) Ion 1, 3. Vulg.: *Ut fugeret in Tharsis*, etc.

398) *Op. cit.* f. 2^b.

401) Ms.: *Aridam repetitur*.

D. Basilii⁴⁰² et Ambrosii⁴⁰³ locum hunc expli-
cant, quod siccitas quidem, sive ariditas, aut certe *arida*, proprium
quid est, quod naturam veluti delineat et exprimit ipsius subiecti;
terra autem nuda quaedam est ac tenuis appellatio rei. Nam ut ra-
tione quidem praeditum esse, proprium ipsius hominis est; vox autem:
homo, id significat animal, cui proprium illud competit; sic et ari-
ditas proprium est atque praecipuum terrae. Cui ergo uti proprium
siccitas accommodatur atque ariditas, id appellatum est *terra*; pe-
rinde atque cui veluti proprium peculiareque quid ipsum hincibile
competit, id nuncupatum est equus. *Arida* ergo expressio quaedam
naturae est; unde et illi, quae scatet aquis, inest ut habeat ariditatem.
Remota enim aqua, incipit esse arida, sicut scriptum est: *Posuit
flumina in desertum et exitus aquarum in sitim*⁴⁰⁴, hoc est de terra
aquosa aridam fecit.

*Vocavit Deus
aridam terram.*

Terra
appellatur ari-
da, quia ari-
ditas designat
naturam et est
nomen terrae
proprium;

Non solum autem in terra hoc ita est, sed etiam in aliis elementis.
Unumquodque enim propriam habet qualitatem, per quam et a ceteris
secernitur, et quale unumquodque sit cognoscitur. Et aqua quidem
propriam qualitatem habet rigiditatem; aer vero humiditatem;
ignis autem caliditatem; quae primae sunt singulae singulisque ele-
mentis peculiares et propriae; quamvis nullum eorum absolute soli-
tarium sit, sincerum ac simplex: sed terra quidem sicca est et frigida;
aqua vero frigida ac humida; aer humidus et calidus; ignis calidus et
siccus. Ac ita per has iugales qualitates, singula miscentur elementa;
nam terra, cum sit aridae et frigidae qualitatis, connectitur aquae per
cognitionem qualitatis frigidae; et aqua aeri, quia humidus est aer.
Ergo aqua, tanquam brachiis quibusdam duobus, frigoris et humo-
ris, altero terram, altero aerem videtur amplecti: frigidum terram, aerem
humido. Aer quoque medius inter duo compugnantia per naturam,
id est inter aquam et ignem, utrumque illud elementum sibi conciliat,
quia et aquis humore et igni calore coniungitur. Ignis quoque, cum
sit calidus et siccus natura, calore aeri annectitur: siccitate autem
in communionem terrae ac societatem refunditur; atque ita sibi per
hunc circuitum et chorum quendam concordiae societatisque conve-

sicut etiam ce-
tera omnia ele-
menta
proprias
qualitates ha-
bent, quibus
inter se secer-
nantur;

sed quamvis
unumquod-
que ab alio
differat, omnia
tamen in so-
cietatem quan-
dam conve-
niunt
ob eorum si-
miles quali-
tates.

402) Hom. 4 in Hexaem., (P. G. 29, 90).

404) Ps 106, 33.

403) Hexaem., lib. 3, cp. 4, (P. L. 14, 163).

niunt. Unde et graece στοιχιστα dicuntur, quae latine elementa dicimus, quod sibi convenient et concinnant.

Huc autem progressi sumus, quia Scriptura ait quod Deus *vocavit aridam terram*, hoc est quia quod principale est eius, Deus vocavit proprietatem naturae. Naturalis enim proprietas siccitas est terrae: haec ei praerogativa servata est principalis. Ergo siccitas subest etiam ut sit frigida: sed non praeferuntur secunda primis.

Et congregationes aquarum appellavit maria. Iuxta idioma linguae hebraicae, omnis aquarum congregatio, sive salsae sint sive dulces, maria nuncupantur et non solum oceanus. Unde et in Evangelio frequenter legimus: *Mare Galilaeae* ⁴⁰⁵ *et Tiberiadis* ⁴⁰⁶, cum tamen quidam sit lacus, quem Lucas *stagnum Genesareth* appellavit ⁴⁰⁷.

Hanc dialecti hebraicae ⁴⁰⁸ proprietatem ignoravit Porphyrius, qui Evangelistas carpit ⁴⁰⁹, quod lacum mare dixerint, ad faciendum, ut impie asserit, ignorantibus miraculum quod Dominus super mare ambulaverit ⁴¹⁰. Stulte! Num miraculum minus est super stagni fluidas aquas [ambulare], quam undas calcare maris? Id miraculum est fluctus calcasse, sive maris sint sive lacus.

Sed exoritur dubium, cum supra in unum locum aquas congregari Dominus iusserit, quid est quod aquarum congregationes *maria* appellat? Rabbini Abraham Aben Ezra inquit ⁴¹¹: « Sic dictum est propterea quod non est nomen mari, quod circumdat universam terram ». Respondet D. Ambrosius ⁴¹² quod « una congregatio est aquarum, eo quod iugis unda atque continua ab Indico mari usque ad Gaditani litoris oram, et inde in mare Rubrum extrema circumfuso orbem terrarum includit oceano: interius quoque Thyrreno Adrias, Adriae cetera miscentur nominibus distincta, non fluctibus... Unde una est generalis collectio, quae dicitur mare, et multae collectiones, quae maria pro regionibus nuncupantur. Sicut enim multae terrae, ut Africa, Hispania, Thracia, Macedonia, Syria, Aegyptus, Gallia atque Italia pro regionum appellantur vocabulis, et una est terra: ita multa dicuntur pro locorum appellationibus maria,

Appellavit maria.
Sub appellatione *marium*, veniunt omnes aquae congregatae, sive salsae sive dulces.

Congregationes aquarum maria appellantur, quia aquae omnes, licet sub diversis nominibus ex regionibus quas tangunt, unam tamen constituunt congregationem.

405) Mt 4, 18; 15, 29; Mc 1, 16; 7, 31.

406) Io 6, 1; 21, 1.

407) 5, 1.

408) Ms.: *Hebraici*.

409) Cf. S. Hieronymus *Hebraic. Quaest. in Gen.*, (P. L. 23, 939-940).

410) Cf. Mt 14, 25-26; Mc 6, 48-49; Io 6, 19.

411) Op. cit. f. 2^a.

412) *Hexaem.*, lib. 3, cp. 3, (P. L. 14, 161-162).

et unum est mare, sicut ait Propheta dicens: *Tui sunt coeli et tua est terra, orbem terrarum et plenitudinem eius tu fundasti, aquilonem et mare tu creasti* ⁴¹³ ».

Et vidit Deus quod esset bonum. Rabbīnus Aben Ezra inquit ⁴¹⁴ hoc adhaerere cum creatione secundae diei. D. Basilīus ⁴¹⁵ et Ambrosius ⁴¹⁶ commendationem hanc ad mare referunt, quod congregatio aquarum est, non quod sermo hic indicet iucundum aliquem aspectum maris Deo apparuisse; non enim oculis aspicit pulcritudines creaturarum conditor ipse, sed ineffabili sapientia ea, quae fiunt, contemplatur. « Bonum igitur mare primum, quia terras necessario suffulsit humore, quibus per venas quasdam occultas succum haud inutilem subministrat; bonum mare, tanquam hospitium fluviorum, fons imbrium, derivatio alluvionum, invectio com meatuum, quo sibi distantes populi copulantur, quo proeliorum remotur pericula, quo barbaricus furor clauditur: subsidium in necessitatibus, refugium in periculis, gratia in voluptatibus, salubritas valetudinis, separatorum coniunctio, itineris compendium, transfugium laborantium, subsidium vectigalium, sterilitatis alimentum. Ex hoc pluvia in terras transfunditur; siquidem de mari aqua radiis solis hauritur, et quod subtile eius est, rapitur: deinde quanto altius elevatur, tanto magis etiam nubium obumbratione frigescit, et fit imber, qui non solum terrenam temperat siccitatem, sed etiam ieiuna arva fecundat ».

Bonum mare vocatur, ad manifestandas eius utilitates et per multa commoda.

Beda tamen ⁴¹⁷, hunc locum explicans, sic inquit: « Nondum terra germinaverat, nec aqua animantia viva produxerat, et tamen dicitur Deus videre *quod esset bonum*, cedentibus aquis, apparuisse aridam, quia aestimator universitatis, praevidens quae sunt futura, quasi iam perfecta laudat ». Haec mihi plurimum arridet sententia, ut, aquis segregatis, aridam apparuisse, hic dicatur *bonum*. Manifesto enim segregationis huius patet utilitas, cum propter terrestrium animalium conservationem tum propter fructus terrae ac fruges. Posthac siquidem non amplius *inanis et vacua*, sed visui facta pervia, herbis fuit placide viridantibus ornata et plantis, fulvis quoque flo-

Iuxta Bedam non mare bonum dicitur, sed separatio aquarum a terra, ob futura bona, quae ex hac oriri debebant,

et laudat quasi

413) Ps 88, 12-15. Vulg.: *Orbem terrae*, loco: *Orbem terrarum*.

414) Op. cit. f. 2^a.

415) Hom. 5 in *Hexaem.*, (P. G. 29, 91-94).

416) *Hexaem.*, lib. 3, cp. 5, (P. L. 14, 165).

417) *Hexaem.*, lib. 1, ibid. 91, 21.

iam perfecta
et praesentia.

Vr. 11

ribus decorata, ut suis fecundata fetibus, fructus suaves pastumque animantibus gratissimum redderet. Quapropter statim germinandi virtutem suapte natura a Deo accipit omnium largitore, cum subditur: *Germinet terra herbam virentem et facientem semen et lignum pomiferum faciens fructum iuxta genus suum, cuius semen in semetipso sit super terram. Et factum est ita.*

Hebraice: וַיֹּאמֶר אֱלֹהִים תְּרַשָּׁא הָאָרֶץ רֶשֶׁא עֵשֶׁב מִזְרִיעַ

זֶרַע עֵץ פְּרִי עֹשֶׂה פְּרִי לְמִינֹו אֲשֶׁר זֶרְעוֹ-בּוֹ עַל-הָאָרֶץ וַיְהִי-כֵן:

Chaldaice: וַאֲמַר יי תְּרַאִית אֶרְעָא דִּיתָאָה עִשְׂבָּא דְּבֶר-זֶרְעִיהּ

מִזְרַע אֵילָן פִּירִין עֶבֶד פִּירִין לְזִנְיָהּ דִּי בֶר-זֶרְעִיהּ בִּיהּ

מִזְרַע אֵילָן פִּירִין עֶבֶד פִּירִין לְזִנְיָהּ דִּי בֶר-זֶרְעִיהּ בִּיהּ: *Et dixit Deus: Germinet terra germen herbam seminificantem semen, lignum fructivum faciens fructus secundum speciem suam, cuiusque semen in ipso sit super terram. Et fuit sic.*

Rabbinus David Kimchi hoc⁴¹⁸ inter רֶשֶׁא et עֵשֶׁב

*Germinet terra
herbam, etc.
Variae inter-
pretationes
iuxta
Hebraeos.*

discrimen assignat: quod רֶשֶׁא cum sex punctis, est germen, et vocatur sic cum incipit egredi e terra; et cum creverit vocatur עֵשֶׁב, idest herba, quoniam nomen רֶשֶׁא est initium operis in herba: propterea derivatur ab eo verbum significans actum, sicut de צִמַּח, idest germinare, et non ex עֵשֶׁב fit verbum. Rabbinus etiam Aben Ezra inquit⁴¹⁹, quod hic תְּרַשָּׁא est quemadmodum תְּצַמִּיחַ: germinet. Rabbinus quoque Salomon inquit⁴²⁰ « non idem esse רֶשֶׁא et עֵשֶׁב, nec רֶשֶׁא עֵשֶׁב, nec est lingua Scripturae seu Bibliae dicere: תַּעֲשִׂיב הָאָרֶץ, quia species רֶשֶׁאִין divisae unaquaeque in substantia sua, vocantur herba aliqua. Et non est expositio verbo huic dicere germen aliquod particulare et determinatum, quoniam expositio רֶשֶׁא est vestimentum terrae, sicut quod est plenitudo germinum. Itaque, *germinet terra*, idest impleatur et operiatur vestimento herbarum ». In lingua latina רֶשֶׁא, dicitur: עֵרֶב, herba; frequentissime tamen in Scriptura רֶשֶׁא pro עֵשֶׁב accipitur, et e contra⁴²¹, quoniam inter se similia valde sunt.

418) Op. cit. sub vocibus: רֶשֶׁא et: עֵשֶׁב.

419) Op. cit. f. 2^b.

420) Ibid.

421) Pro רֶשֶׁא, cf. Gn 1, 29; 2, 5; 3, 18; Ex 9, 22. 25; 10, 12. 15; Dt 32, 2; pro עֵשֶׁב, cf. Ex 10, 15; 2 Rg 23, 4; Is 15, 6; 66, 14.

Illud quoque inferius in nostra Translatione Vulgata: *Faciens semen*, hebraice est: *seminificans semen*; similiter et inferius: *Producat terra*, hebraice est: **וַתַּצֵּיץ**, idest *faciat exire*, quae, sicut et alia pene infinita, prudentissime noster Interpretes latinae phrasi accommodavit, quod et Septuaginta fecerunt in lingua graeca; quanquam hi sint longe in fingendis ac notandis nominibus nobis feliciores: propterea hebraico accedunt saepe propius quam nos.

Nunc sensus nobis elucidandus est horum verborum. Ait ergo: *Germinet terra herbam*, seu *germen*, etc. Nonnulli exponunt⁴²²: *germinet*, idest generandi vim virtutemque accipiat habeatque; quae videtur D. Augustini fuisse sententia⁴²³. D. Ioannes Chrysostomus aliter exponit⁴²⁴, inquit: «Praecepit Dominus et statim terra suos partus maturans, ad germinanda semina seipsam sollicitavit: *Et protulit terra herbam foeni*, etc. animadvertens hic verbo Domini omnia facta super terram esse». Quod aliis⁴²⁵ longe visum est probabilius, tum quia id magis vocum significatio probat, tum quia Deum ostendere inquit voluisse, quomodo sine mediis causis poterat cunctos mediarum causarum effectus perfecte et in momento producere, utpote omnipotens et agens ex voluntate, non autem ex necessitate naturae: sicuti et hominem componere per seipsum voluit et cuncta animalium genera: perfecte id enim oportebat in initio.

Haec verba videntur significare immediatam productionem plantarum e terra divina virtute factam;

D. Basilius hunc ita explicat⁴²⁶ locum: «Terra, inquit, excusso a se iam ac posito aquae pondere, ut interquievit aliquantum et liberior respiravit, ordine naturae consentaneo edictum accepit, quo iubeatur germinare herbam quidem primum, dein lignum: id quod vel in hunc cernimus fieri diem. Illa enim reddita tunc vox primum illud praeceptum, veluti lex naturae quaedam ac institutum impressum insculptumque telluri, facultatem illi germinandi fructusque ferendi praestat».

Nos tamen et cum Basilio hanc germinandi legem fructusque ferendi hoc Dei praecepto terrae esse indictam, et cum Augu-

vel etiam Deum dedisse terrae legem,

422) Cf. Procopius *Comment. in Gen.*, (P. G. 87, 79); Eustathius *Hexaem. Metaphrasis*, lib. 5, (P. L. 53, 909); Abaelardus *Exposit. in Hexaem.*, ibid. 178, 749.

423) *De Genesi ad Litteram*, lib. 5, cp. 14, ibid. 34, 325. 424) *Hom. 5 in Gen.*, (P. G. 53, 51). 425) Cf.

Michael Glyca *Annales*, part. 1, ibid. 158, 46; S. Ambrosius *Hexaem.*, lib. 3, cp. 10, (P. L. 14, 174); S. Beda *Hexaem.*, lib. 1, ibid. 91, 21; Strabus *Glossa Ord. in Gen.*, ibid. 113, 74.

426) *Hom. 5 in Hexaem.*, (P. G. 29, 94-95).

vim ac
virtutem eas
producendi,
sicut et nunc
fieri videmus.

stino terram germinandi accepisse virtutem, simulque cum Chry-
sostomo tunc eam hoc Dei iussu, nullo secundarum causarum
effectu medio, terram produxisse germina herbasque ac fructus, non
incongrue intelligendum esse in hoc verbo putamus. Hanc enim acce-
pisse legem germinandi fructusque ferendi, ea, quae in hunc usque
cernimus fieri diem, probant: germinandi autem accepisse tunc virtu-
tem, ratio evidens probat, quoniam nobis ostendit effectus. Nullo enim
pacto suos terra fetus ac germina produxisset, nisi virtutem a Deo
omnium largitore accepisset. Statim etiam suos maturasse partus
protulisseque germina herbasque et fructus, probat textus, qui mox
sequitur:

Vr. 12 *Et protulit terra herbam virentem et facientem semen iuxta genus
suum lignumque faciens fructum et habens unumquodque sementem se-
cundum speciem suam.*

Hebraice: וְהוֹצִיָא הָאָרֶץ דָּשָׁא עֵשֶׂב מְזִרְיַע זֶרַע לְמִינֵהוּ וְעֵץ
עֹשֶׂה-פֶּרִי אֲשֶׁר זֶרְעוֹ-בּוֹ לְמִינֵהוּ:

Chaldaice: וְאַפִּיקַת אֲרֵעָא דִּיהֶתָּא עֵישָׁבָא דְּבִרְ-זֶרְעִיָּה
מִזִּדְרַע לְזִנְהִי וְאֵילָן עֲבִיד-פִּירִין דְּבִרְ-זֶרְעִיָּה בֵּיה לְזִנְהִי

*Et produxit terra germen, herbam seminificantem semen iuxta speciem
suam, lignum fructiferum cuius in eo semen iuxta speciem suam.*

Aben Ezra exponit⁴²⁷: «Cuius semen in eo iuxta speciem
suam, quia unumquodque semen custodit speciem suam». Rab-
binus Salomon illud: *seminificantem semen*, ita exponit⁴²⁸
«quod crescat in ea, scilicet herba, semen suum ad seminandum ex
eo in alio loco»; illud autem: *lignum fructiferum*: עֵץ פֶּרִי, inquit
esse «quasi lignum produxerit onustum fructibus: quia non est ita
faciens haec. *Produxit terra lignum faciens fructum* et non lignum
fructuum, exponendum est quod, quando maledictus fuit Adam
super iniquitate sua, visitata est etiam ipsa, scilicet terra, et maledicta».
Illud autem: *Cuius semen in eo*, inquit quod «sunt grana vel semina
in omnibus fructibus, ex quibus lignum germinat, ac si quis plantasset
illud». Rabbīnus Aben Ezra notat⁴²⁹ hic quod dicitur:
«תְּרַשָּׁא הָאָרֶץ, יִשְׂרָצוּ, תּוֹצֵא, *germinet, reptilificent et produxit,*

*Et protulit
terra herbam,
etc.*

*Iuxta He-
braeos terra,
statim ac crea-
ta, produxit et
maturavit fru-
ctus suos cum
semine iuxta
speciem unius-
culusque.*

427) Op. cit. f. 2b.

428) Ibid.

429) Ibid.

et ecce posuit virtutem in terra et in aqua ad faciendum in praecepto Dei, et hoc est generatio ».

vr. 13 *Et vidit Deus quod esset bonum. Et factum est vespere et mane dies tertius.*

Hebraice: וַיֵּרָא אֱלֹהִים כִּי-טוֹב: וַיְהִי-עֶרֶב וַיְהִי-בֹקֶר יוֹם שְׁלִישִׁי:

Chaldaice: וַיֵּרָא יְיָ אֲרִי-טָב: וַיְהִי-רֵמֶשׂ וַיְהִי-צֶפֶר יוֹם וַיֵּרָא יְיָ תְּלִיתָא: ⁴³⁰ *Et vidit Deus quod esset bonum. Et fuit vespere et fuit mane dies tertius.*

Hic tertiae diei commendatio ponitur propter terrae nascentium utilitatem. Movet tamen multos cur Dominus multas noxias herbas, spinas ac tribulos et virgulta quaedam, quae infructuosa videntur, e terra germinari voluerit. Respondit D. Augustinus ⁴³¹ multas talium herbarum esse utilitates, licet nobis inutiles et noxiae videantur, qui earum ignoramus naturas, suntque ad universi pulcritudinem requisita. Nisi forte dixerimus, post hominis lapsum ad peccati vindictam has, Deo iubente, protulisse terram, cum dictum sit a Domino ipsi Adam: *Spinās et tribulos germinabit tibi* ⁴³².

Et vidit Deus, etc.
Ratio ob quam multas herbas infructuosas et noxias voluerit Deus terram germinare, iuxta D. Augustinum.

Vr. 14-15 *Dixit etiam Deus: Fiant luminaria in firmamento coeli, et dividant diem ac noctem, et sint in signa et tempora et dies et annos, ut luceant in firmamento coeli et illuminent terram. Et factum est ita.*

Hebraice: וַיֹּאמֶר אֱלֹהִים יְהִי מְאֹרֶת בְּרָקִיעַ הַשָּׁמַיִם לְהַבְדִּיל בֵּין הַיּוֹם וּבֵין הַלַּיְלָה וְהָיוּ לְאֹתוֹת וּלְמוֹעֲדִים וּלְיָמִים וּשְׁנָיִם: וְהָיוּ לְמְאֹרֶת בְּרָקִיעַ הַשָּׁמַיִם לְהָאִיר עַל-הָאָרֶץ וַיְהִי-כֵן: hoc est: *Et dixit Deus: Sint luminaria in firmamento coeli, ad dividendum inter diem et inter noctem, et sint in signa et statuta tempora et dies et annos. Et fuerunt in luminaria in firmamento coeli ad illuminandum super terram. Et fuit ita.*

430) Ms. inseruit partem textus hebraici in textu chaldaico sine ulla distinctione: וַיֵּרָא יְיָ אֲרִי טָב וַיֵּרָא אֱלֹהִים כִּי טָב וַיְהִי עֶרֶב וַיְהִי בֹקֶר יוֹם שְׁלִישִׁי וְהָיוּ צֶפֶר

יוֹם תְּלִיתָא 431) *De Genesi contra Manichaeos*, lib. 1, ep. 13, (P. L. 34, 182).

432) Gn 3, 18.

Chaldaeus Interpres id ita vertit: וַאֲמַר ייִ יְהוָה נְהוֹרִין בְּרִקיעָא דְשָׁמַיָא לְאַפְרָשָׁא בֵּין יָמָא וּבֵין לַיְלָא וַיְהוּ לְאַתִּין וְלִזְמַנִּין וְלִמְיָמֵי-בְהוֹן יוֹמִין וְשָׁנִין וַיְהוּ לְנְהוֹרִין בְּרִקיעָא דְשָׁמַיָא לְאַנְהָרָא עַל-אַרְעָא וַהֲוֵה-כֵן: hoc est: *Et dixit Deus: Sint luminaria in firmamento coeli, ad dividendum inter diem et inter noctem, et sint in signa et statuta tempora et ad numerandum in eis dies et annos. Et fuerunt in luminaria in firmamento coeli ad illuminandum super terram.*

Fiant luminaria, etc.

Rab.

Salomon asserit primo die luminaria esse creata, et quarto iussa apparere, sicut omnes alias res.

Rabbinus Aben Ezra inquit ⁴³³ quod dictio: יְהִי, est יְהִי, quoniam significatum in ea est plurale et est יְהִי, scilicet pro singulari et plurali, etiam pro feminino, ut est: *Si fuerit puella virgo* ⁴³⁴, etc. Rabbinus Salomon sic locum hunc interpretatur ⁴³⁵, dicens quod «luminaria iam a prima die creata fuerunt, et quarta praecepit super ea ut suspenderentur in firmamento; et sic omnis generatio coeli et terrae creata est prima die, sed unumquodque stabilitum est in die suo, sicut decretum est super ea. Et hoc est quod est scriptum: אֵת הַשָּׁמַיִם: ad multiplicandum generationes eius, et; אֵת הָאָרֶץ: ad multiplicandum eius generationes». Inquit deinde quod «in dictione: מָאֵרָה, deficit ו ⁴³⁶ littera, propterea quod est dies maledictionis, ut cadat squillantia in pueris: propter quod ieiunant in quarta feria propter squillantiam, ne cadat in pueris» ⁴³⁷. *Ad dividendum inter diem et noctem*: inquit hoc factum esse «ad reponendum primam lucem; sed in septem diebus primis ministraverunt lux et tenebrae primae: hoc in die et hoc in nocte. *Et sint in signa*: cum luminaria eclipsantur signum malum est in saeculo, sive mundo, sicut dicitur: *A signis coeli ne timueritis* ⁴³⁸: et in faciendo ita voluntatem Dei non fuit necessarium, at timendum a vindicta. *Et in stata tempora*: propter futurum, quia futurus erat Israel, qui praecipitur super stata tempora, sive festivitates, et

433) Op. cit. f. 3^a.

434) Dt 22, 23. Ex hebraico

435) Op. cit. f. 3^a

436) Ms.: Vau

et infra: Lamed.

437) Idest ad significandum luminaria, scribendum fuisset: מָאֵרָה, cum littera ו; quia sine ו, מָאֵרָה, significat defectum, infortunium; cf. Io. Buxtorfius *Lexicon Hebraicum*, sub his vocibus. Sed hic scribitur sine ו etiam ad significandum luminaria, quia agitur de opere quarti diei; quartus autem dies est maledictionis, quia hoc die cadit angina in pueros. Cf. Cartwrightus, col. 35.

438) Ier 10, 2.

ipsa numerantur ad plenilunium lunae. *Et dies*: deservit sol mediae parti diei, et deservit luna alteri medietati eius: ecce dies perfectus. *Et annos*: a fine trecentorum sexaginta quinque dierum perficiunt cursus vel semitas suas in duodecim signis planetae eorum, et est annus; et praeter hoc deserviunt ad illuminandum mundum». Hucusque est interpretatio horum verborum Rabbini Salomonis.

Aben Ezra vero hunc locum exponit ⁴³⁹ primo: «*In signa* punctorum et *in stata tempora* horarum; et quadrat ut *sint in signa* super eclipsim solis et lunae et saltum similitudinis stellarum, quia ipsae stellae sunt causa similitudinis, sive signi, quae videtur»; et in dictione למארת inquit quod «ל est littera addita et superfluit nec dicit quicquam». Exponens de firmamento, adducit opinionem Rabbini Sepharaddi. Inquit enim quod «dixit sapiens magnus Sepharaddi, quod firmamentum dividitur in octo partes: in septem stellas, et sphaeram signorum». Ipse autem hanc non approbat sententiam; ait enim quod hoc non quadrat «quoniam non est corpus supra sphaeram signorum. Et ecce Scriptura dicit: *In firmamento coeli*, ad docendum quod est coelum super illud; et ita: *Coeli coelorum* ⁴⁴⁰; et: *Ad equitandum super coelum coeli prioris* ⁴⁴¹; et קרם in hoc loco non est oriens ⁴⁴², idest manifestum. Et Gaon Rabinus Sahadiah — memoria iusti in benedictione — fugit ex hoc loco ⁴⁴³; et rectum in oculis meis quod sol et luna et omnes stellae sunt luminaria in firmamento, quia ibi videntur». Ipse ergo Aben Ezra tenet quod firmamentum sit aer, ut supra exposuit.

Alia expositio
Rab. Aben
Ezrae.

Nos tamen, a Sanctorum semita non deviantes, hunc locum ita exponimus: *Fiant luminaria in firmamento coeli*, idest corpora solis, lunae et stellarum, quae sint primariae illius lucis, primo die conditae, vehicula, nam, ut supra ex D. Basilii ⁴⁴⁴ et Damasceni ⁴⁴⁵ exposuimus, luminare lucis ac luminis vehiculum est. Luminaria ergo ex illa prima luce, quae diem faciebat et noctem, sunt quarto hoc die ex sui orbis natura constituta, ⁴⁴⁶ partibus in maiorem quandam densitatem redactis: est enim astrum densior pars sui orbis. Factum

Per luminaria
intelligenda
sunt corpora
solis, lunae et
stellarum
quarto hoc die
constituta tan-
quam propria
lucis vehicula,
primo die
creata.

439) Op. cit. f. 3*.
67, 34. Ex hebraico.

440) Cf. 3 Rg 8, 27; 2 Par 2, 6; 6, 18; Ps 148, 4.
442) Ms.: Loco quod non est oriens repetitur.

hoc loco, idest: Non exponit hunc locum.

444) Cf. pag. 138, not. 230 hulus cp.

445) Cf. pag. 139, not. 231.

446) Ms.: Sunt repetitur.

441) Ps
443) Fugit ex

est autem id divina manu, idest virtute, in modum vasis luminis primarii receptivi.

Facta sunt luminaria ad Dei gloriam et hominis commodum.

Luminarium officia sunt: efficere ut dies noctem sequatur, et nox diem;

Facta sunt autem haec, etsi ut cetera omnia, ad Dei summi gloriam, *universa enim propter semetipsum operatus est Dominus* ⁴⁴⁷, praecipue tamen ad hominis commodum atque utile; non ut ea colat homo, sed ut ipsa homini serviant ac subministrent. Unde Scriptura ait: *Ne forte, oculis elevatis ad coelum, videas solem et lunam et omnia astra coeli et errore deceptus adores ea et colas quae creavit Dominus Deus tuus in ministerium cunctis gentibus* ⁴⁴⁸. Eapropter hic luminarium officia ac ministeria describuntur a Moysse. Primo: ut *diem ac noctem dividant*. Sol etenim diem efficit lucem in sese circumferens et, ut D. Basilius ait ⁴⁴⁹, non aberraverit quispiam si, diem definiens, aerem esse dixerit illuminatum a sole, aut quantitatem temporis tantam, quo sol in hemisphaerio nostro super terram motam trahit; propter quod *in potestatem diei* sol creatus dicitur, luna autem et stellae *in potestatem noctis* ⁴⁵⁰. Et hic nox non pro tenebris accipitur, seu pro privatione lucis solaris, sicut in prima die fuit nox: nam illam noctem solaris lucis privatio efficiebat; appellatione autem noctis hic etiam quid positivum intelligimus, quoniam ipsa habet sua luminaria, quae *in potestatem noctis* facta sunt, per quae nox est: et qualitates quasdam per ipsa luminaria sortitur, ut hominum vitae serviat. Non enim semper operari potest homo, sed aliquando eum quiescere oportet tempusque, quo placido releventur membra sopore sensusque recreentur, nox ipsa praebet, postquam operandi tempus dies ipsa tribuerit. Hoc ergo primum est luminarium munus.

ut significant vicissitudines meteorologicas;

Secundum autem: quoniam per ipsa multa persaepe significantur, ut pluviae, serenum, aestus, venti et cetera huiusmodi, quae per illa efficiuntur, quae et agricolae et nautae ac medici ut plurimum norunt et experiuntur: et hoc est quod dicitur: *Et sint in signa*. Multi hoc, quod dicitur: *Sint in signa et tempora*, intelligunt per endiadyon dictum, hoc est in signa temporum, ut D. Augustinus refert ⁴⁵¹.

Tertium autem officium est temporum, quam inducunt varie-

447) Prv 16, 4.

448) Dt 4, 19. Vulg.: *Elevatis oculis*, etc.

449) Hom. 6 in Hexaem.,

(P. G. 29, 138).

450) Ps 135, 8-9.

451) De Genesi ad Litteram Liber Imperfectus,

cp. 13, (P. L. 34, 326).

tatem; unde ait: *Et sint in tempora*. Tempus autem hic non accipitur quod a physicis numerus et mensura motus definitur ⁴⁵², sed inquit nonnulli ⁴⁵³ intelligi tempus secundum varietates naturales, a situ atque influxu astrorum contingentes. Aliud est enim diei, aliud est noctis tempus; ideoque operis varietatem postulat, sicut mane et vespere, ita etiam aliud una dies, aliud alia: aliud unus mensis, aliud alius: aliud luna recens, aliud deficiens; et per haec dividitur annus in ver, aestatem, autumnum et hiemem. Quam nimirum temporum varietatem luminaria ipsa efficiunt per accessum et recessum ab hemisphaerio nostro ad solstitia, vel hiemale, vel aestivale.

ut indicent varietates temporum, ex astrorum motu et influxu contingentes, et varias anni partes.

Ea est omnium fere huius loci expositio, quam improbare non audeo, cum doctissimorum ac sanctissimorum pariter virorum auctoritate firmetur, quorum et solertia commendanda semper et sanctitas admiranda fuit. Hebraica tamen Veritas aliam loci huius videtur praeseferre intelligentiam; ubi enim nostra Lectio habet: *In tempora*, ibi legitur: **וּלְמוֹעָדִים**. Ea autem vox non id

Sed iuxta dictionem hebraicam videtur magis intelligendum esse de temporibus determinatis ad divina solemnia celebranda,

tempus significat, quod supra ponitur, de hoc enim potius intelligit inferius dicens: *In dies et annos*; sed dies statim ac solemnes **מוֹעָדִים** hic appellantur, quos ita dicunt Hebraei ⁴⁵⁴ a contestatione et admonitione, vel potius a coetus congregatione ad celebranda divina solemnia, a verbo **יָעַד**, quod congregationem temporisque constitutionem ad celebranda sacra concilia designat. Quorum dierum frequentissima est mentio in Sacris Litteris, ^{454a} eorumque sol et luna indices sunt; ad solis enim ac lunae cursum huiusmodi dies celebrantur ac repetuntur. Primum itaque tempus hebraice vocatur: **עֵת**; secundum vero: **מוֹעֵד**, sive **זְמַן**, ut Textus etiam Chaldaicus habet. Septuaginta quoque non vertunt hic: χρόνους, quod tempus ipsum est, sed: καιρὸς, quod est rerum bene geren-

quae indicantur in Scriptura iuxta solis ac lunae cursum.

452) Cf. Aristot. *Physic.*, lib. 4, cp. 11, t. 1, pag. 227. 453) Cf. S. Io. Chrysostomus *Hom. 6 in Gen.*, (P. G. 53, 59-60); S. Ambrosius *Hexaem.*, lib. 4, cp. 5, (P. L. 14, 197-198). Nic. Lyranus op. cit. f. 26^a; Alph. Tostatus op. cit. f. 7^b; Io. Menochius *Explicat. in Gen.*, pag. 2. 454) Cf. *Bereshit Rabba*, VI, 1, pag. 41 et loci paralleli citati in commento Theodor. Rab. Salomon ait **מוֹעָדִים** in hoc loco futurum respicere, atque ideo dictum esse eo quod postea de festis istiusmodi Israelitae erant praecepta accepturi, quae festa iuxta ortum lunae essent computanda. Op. cit. f. 3^a. Clarius: «Vox hebraea: *Moad*, significat tempus statutum, et quod legale, ut Pascha, Tabernacula, Novilunia et aliae similes, vocantur: *Moadim*». Col. 20. 454a) Cf. Ex 13, 10; 23, 15; Nm 9, 2-3. 7. 13; 28, 2; Dt 31, 10; Eccli 33, 6-9; 43, 6.

darum occasio et opportunitas actionum, quod a nonnulliis $\alpha\nu\theta\omicron\varsigma$ τοῦ χρόνου dicitur ⁴⁵⁵, idest flos temporis, quod sit selectissimum atque maxime opportunum.

Quantum officium luminarium est suo cursu efficere et distinguere spatia dierum et annorum.

Quantum luminarium munus est temporum varietas, per quam temporalia mensurantur eorumque duratio ac permanentia; et hoc est quod subditur: *Et in dies et annos*; dies enim ad luminarium circumvolutionem manifestissime et efficiuntur et distinguuntur ab invicem, ac numeris ⁴⁵⁶ multiplicantur. Sed et ad annos agendos sol atque luna principes sunt constituti. Nam luna, cum duodecies suum peregit cursum, effectrix est anni, excepto mense intercalari, cuius egere persaepe videtur ad exactissimum temporum agendum concursus; quemadmodum Hebraei, tempore vetustissimo, antiquissimique Graecorum, olim annum metiebantur ⁴⁵⁷. Solaris autem annus est, cum ad idem sol punctum sive signum, unde profectus est, suapte motione redierit.

Quintum demum: illucere et res perspicuas reddere et operationes hominum dirigere.

Quintum demum luminarium officium est illucere super terram; quod item confert et ad acquirendas visu per oculos complurium rerum notitias et ad varias hominum actiones operationesque ac negotia dirigenda, quae absque luce non possent ab hominibus perfici. Hoc est quod subditur: *Ut luceant super terram. Et factum est ita*; omnia enim, ut iussa sunt, exequi nunquam destiterunt.

Vrr. 16-18

Fecitque Deus duo luminaria magna: luminare maius, ut praeeset diei, et luminare minus, ut praeeset nocti, et stellas. Et posuit eas in firmamento coeli, ut lucerent super terram et praeesent diei ac nocti et dividerent lucem ac tenebras.

Ut praesint: לממשלת, in potestatem, sive dominium.

Ut praeeset, etc.

Plerique Graecorum tenent solem creatum fuisse in oriente initio diei;

Septuaginta, volentes integrum hebraicum servare, transtulerunt: $\epsilon\lambda\varsigma \alpha\rho\chi\acute{\alpha}\varsigma \tau\eta\varsigma \eta\mu\acute{\epsilon}\rho\alpha\varsigma$ ⁴⁵⁸, idest in potestates diei; et lumen minus: $\epsilon\lambda\varsigma \alpha\rho\chi\acute{\alpha}\varsigma \tau\eta\varsigma νυχτός$, idest in potestates noctis. Verum quoniam $\alpha\rho\chi\acute{\eta}$ graece non solum imperium ac dominatum significat, verum etiam temporis principium, plerique Graecorum intellexerunt facta esse lu-

455) Cf. S. Augustinus *De Genesi ad Litteram*, lib. 2, cp. 14, (P. L. 34, 275); Drusius: « Haec vox: $\epsilon\lambda\varsigma \kappa\alpha\iota\rho\omicron\upsilon\varsigma$, non tam tempus significat quam ipsum articulum temporis, hoc est opportunitatem rei agenda. Florem temporis, teste Steucho, idest $\alpha\nu\theta\omicron\varsigma$ τοῦ χρόνου, appellat Plato ».

Col. 34. 456) Ms.: Numeribus.

457) Cf. S. Basilius Hom. 6 in *Hexaem.*, (P. G. 29, 138); S. Beda *De Temporum Ratione*, cp. 11, (P. L. 90, 341); Aug. Calmet *Disquisitiones*, etc.

vol. 1, pag. LIX.

458) Ms.: $\epsilon\lambda\varsigma \alpha\rho\chi\acute{\alpha}\varsigma \eta\mu\epsilon\rho\alpha\varsigma$.

minaria in principium diei ac noctis ⁴⁵⁹; non enim ἀρχὰς pro *potestate* sumpserunt, sed pro *principio*. Unde asserunt lunam, quia in principio noctis facta esse dicitur, fuisse e diametro solis oppositam cum condita est. In inchoatione autem noctis non oritur luna nisi πανσέληνος ⁴⁶⁰, idest plena luna et rotunda, quae tunc plena nobis apparet cum e diametro soli opposita est. Unde cum utrumque luminare factum sit in mane, sol ab oriente coepit illucere: cum autem ad vesperam ad occidentis signum devenit, tunc luna coepit in oriente apparere in inchoatione noctis. Sed hoc potuit quidem esse et fuisse putamus: sed ex hoc loco non colligitur; non enim ἀρχὴ principium hic significat, sed *potestatem*: quae amphibologia in contextu hebraico non est. Unde melius habet nostra Lectio: *Ut praeesset diei ac nocti*. [Ideo] D. Augustinus, in libro *De Genesi ad Litteram Imperfecto*, hoc improbat ⁴⁶¹, quia tunc non a prima, sed a sextadecima vel decimaquinta luna numerandi sumeretur exordium; sed factam esse in *potestatem*.

luna vero eodem tempore, sed in occidente,

et apparuisse in inchoatione noctis ab oriente.

Sententia haec non videtur conformis sensui litterali Scripturae.

Rabbīnus Aben Ezra hunc locum ita exponit ⁴⁶²: « Vocantur duo luminaria magna respectu aliarum stellarum: et sic vocantur tres filii Isai magni ⁴⁶³ respectu posteriorum, et Eliab primogenitus magnus prae omnibus; et non est hoc maius hoc. יש לו סוד: est secretum ei. In *potestatem diei*: sol in die et non in nocte, quoniam non est ipsi, scilicet nocti, lumen; etiam lunae et stellarum non videtur lumen earum in die. Et si quaerat quis: nonne dixerunt sapientes scriptores, seu astrologi, quod stella Iovis, צדק, et omnes stellae, praeter stellam, quae dicitur מכבב ⁴⁶⁴, et Venerem, sunt maiores luna? Et quomodo scriptum est *magna*, scilicet *luminaria*? Responsio est: non est expositio, *magna* propter formam in corporibus eorum, sed propter lumen, et lumen lunae duplicatur multum propterea quod est propinquior terrae, et propterea scriptum est: *luminaria, et posuit ea*, sive dedit. Ne mireris super dictione: ויתן, quoniam sic est scriptum: *Arcum meum dedi* ⁴⁶⁵. Et in *potestatem*: dies legis est ab hora ortus solis usque ad occasum:

Iuxta Aben Ezram luminaria haec dicuntur magna non propter formam corporum, sed propter lumen eorum terrae propinquius.

459) Cf. S. Theophilus Caesar. Epist. de Pascha, (P. G. 5, 1368) in qua refertur haec eadem opinio Episcoporum Synodi Palaestinae; S. Caesarus Nazianz. *Dialogus 1, Interr. 94*, ibid. 38, 959. 460) Ms.: *Pansilenos*. 461) Cf. cp. 13, (P. L. 34, 236). 462) Op. cit. f. 3^a. 463) Cf. 1 Rg 17, 13-14. 464) Idest *Mercurius*. Aben Ezra sic scribit; in ms. autem est: מכבב. 465) Gn 9, 13. Ex hebraico.

et nox a tempore, quo videntur stellae; et bene sive iuste dixerunt: *In ore trium testium* ⁴⁶⁶. Et scias quod tempus obscurationis solis est vespere usque ad unam horam et tertium horae, quia videtur sicut est lumen in nubibus; et ita mane lumen primum ortus solis; et in ortu luminis solis in die, et lumen lunae in nocte dividunt inter lucem et inter tenebras ». Hucusque A b e n E z r a .

Expositio
Rab. Salomo-
nis pura fa-
bula est.

R a b b i n u s vero S a l o m o n de luminaribus magnis ita sentit ⁴⁶⁷, quod « luminaria magna fuerunt creata aequalia; sed luna diminuta est, quia conquesta est, seu accusavit et dixit impossibile duobus regibus, ut sibi deserviant in corona una; et stellas [creavit]: propterea quod diminuit lunam, multiplicavit exercitum eius ad finiendum seu implendum opinionem eius ».

Sol et luna di-
cuntur *lumina-
ria magna*
propter eorum
magnitudinem,
lucem
et influxum
in terram.

Nos tamen hunc locum ita exponimus, ut sol et luna *magna luminaria* dicantur, nedum quia immensae fere magnitudinis corpora sunt, et quia ceteris astris plus lucent: sed praecipue secundum apparentiam, quia ceteris maiora apparent; licet corpus lunare ceteris fere astris omnibus sit longe minus; quoniam tamen propinquius terrae est, maius videtur magisque influit; unde et post solem cetera superat influendo. Posita dicuntur tamen *in firmamento coeli*, quoniam astra haec sunt suorum orbium densiores partes. Non enim firmamentum hic aer intelligitur, ut sentit A b e n E z r a ⁴⁶⁸, ut secundum apparentiam tantum luminaria posita in firmamento, idest aere, dicantur, quoniam ibi videntur; sed per firmamentum hic coelum in octo partes divisum, idest octavam sphaeram cum orbibus planetarum, cum R a b b i n o S e p h a r a d d i ⁴⁶⁹ intelligimus. Nec insuper probamus id, quod R a b b i n u s S a l o m o n ait, solem et lunam a sua conditione aequales in claritate fuisse, lunamque locutam esse Deo, ut lucem minueret solis: et ea propter ipsam esse lumine diminutam. Neque enim astra coeli corpora sunt rationali anima praedita atque vigentia, ut loqui potuisset luna; neque ante quartum diem nox aliquando fuisset, sed continua dies si, cum sol diem luna vero noctem illuminaret, aequalis erat ipsorum luminis claritas atque splendor; nox utique non esset nox, si clareret ut dies. Sed *luminare magnum* luna dicta est, quoniam post solem ita inter astra apparet;

Luna dicitur
*luminare ma-
gnum*, licet mi-

466) Dt 19, 15.

467) Op. cit. f. 3^a.

468) Cf. pag. 175 huius cp.

469) Cf. ibid.

luminare vero minus respectu solis, qui eam et corporis magnitudine et luminis claritate et influendi virtute longe exuperat et superexcedit. Et quoniam sol diem illuminat, noctem vero luna, nec aliquando a sole nox, vel a luna dies illuminatur, iccirco *luminare maius* in diei dominium, ut praesit diei, *luminare vero minus* in dominium noctis facta dicuntur. Multi id quod Rabbīnus Salomōn inquit, ad secretiorem theologiam autumant⁴⁷⁰ pertinere, neque hoc ita fuisse: propter hoc parabolice secretum aliquod significari.

nus aliis astris, quia maius apparet, cum sit propinquius terrae et magis influat.

Vr. 19 *Et vidit Deus quod esset bonum. Et factum est vespere et mane dies quartus.*

Vidit, inquit, Deus, « quoniam quae facienda placebant ut fierent, facta placuerunt ut manerent »⁴⁷¹. *Et vidit . . . quod . . . bonum*, quoniam mira est iam factorum luminarium astrorumque utilitas: sunt *in signa, tempora, dies et annos*; lucent super terram, regunt, gubernant, influunt, producant vitamque viventibus omnibus praebent et infinita pleraque alia efficiunt bona, ad viventium utilitates et commoda.

Et hoc opus dicitur *bonum* ob luminarium utilitatem.

Vr. 20 *Dixit etiam Deus: Producant aquae reptile animae viventis, et volatile super terram sub firmamento coeli.*

Hebraice: **יִשְׂרָצוּ**

Vix est apud Latinos verbum quod huic verbo hebraico respondeat. Est autem **יִשְׂרָצוּ** in multitudine producere, et dicitur de his, quae in magna copia proveniunt seseque movent. Noster tamen Interpres, Septuaginta imitatus, qui transtulerunt: Ἐξαγαγέτω⁴⁷² τὰ ὄντα ἐρπετὰ, idest: *Producant aquae reptilia*, et ipse transtulit: *Producant aquae reptile*. Quamvis *reptile* terrestrium sit, quorum est repere, reptilia tamen etiam pisces dicuntur; eodem enim fere modo pisces per aquas serpunt, quo reptilia per terram.

Producant aquae reptile, etc.

Per *reptile* intelliguntur etiam pisces.

Rabbīnus Aben Ezra inquit⁴⁷³ quod « **יִשְׂרָצוּ**, est verbum transitivum, sicuti est: *Ebulliet*, sive *producet fluvius ranas*⁴⁷⁴, et est sensus **יִשְׂרָצוּ**, *generatio cum elevatione*. Et est scriptum: *Volatile volans super faciem firmamenti*, pro: usque iuxta determinationem firmamenti. Et inquit Gaon quod **עַל-פָּנָי**, est **עִם פָּנָי**: si est ita, facies coeli est infra ipsum; et **יְעוֹפֵה פָּנָי**, duplicatur, sicut **יְכוֹנֵן נֵי**.

Expositio huius versus iuxta Hebraeos.

470) Cf. Munsterus, col. 2.
Ἐξαγέτω.

471) S. Beda *Hexaem.*, lib. 1, (P. L. 91, 24-25).

472) Ms. :

473) Op. cit. f. 3^a.

474) Ex 8, 3.

Rabbīnus Salomon inquit ⁴⁷⁵ quod « anima vivens est in quo est vita; et de שרץ, quod omnis res vivens, quae non est alta a terra, dicitur שרץ, in volatili, sicut muscae; in reptantibus, sicut formicae, vermes nigri, sive scarabaei, et vermes; et in בריות, sicut mustela et mus et limax, seu testudo, et quod egreditur simile ipsis, et omnes pisces ».

Aquae non ex sese producere iubentur animalia, sed hac iussione Dei virtutem ea producendi acceperunt.

Nos vero hunc locum ita exponimus. *Producant aquae reptile*, sive *reptilificent reptile*, si *reperere* ad aquatilia transferamus, hoc est producant aquatilia animalia in magna copia ac multitudine. Animadversione tamen dignum est, non iuberi aquas reptilia producere ex se efficiendo, sed virtutem hac Dei iussione acceperere, ut ex eis pisces generentur. Nec ex aquis tantum; omnia nanque simul elementa animalibus naturam praebent, et de terra magis participant; sed quoniam in aquis degunt pisces ibique sunt et continentur, ideo aquatilia animalia dicuntur, quasi ex aquis originem trahant. Et mox, facto divino praecepto, oppletae sunt piscibus aquae et, post terram ac coelum, proprium ac peculiarem acceperere ornatum.

Volatilia ex aquis producta dicuntur, quia humor aqueus et vapor aereus, ex quibus originem trahunt, sicut et pisces, ex aqua emanant.

Movet autem quomodo et aves ex aquis proficiscuntur, cum aquatilia animalia non sint, sed aerea potius, cum in aere vitam degere perspiciantur. Hoc autem iuxta Vulgatam Editionem movet. Quam quidem dubitationem Hebraica Veritas solvit, quae habet: יְעוֹף יְעוֹפָהּ עַל-הָאָרֶץ: *Et volatile volet super terram.*

Non ergo admiscentur volatilia inter ea, quae ex aquis producta sunt; sed ubi haec facta sunt narrantur, scilicet super terram; nam et inferius numerantur aves inter animantia terrae. Ait enim: *Formatis igitur . . . de humo cunctis animantibus terrae et universis volatilibus coeli* ⁴⁷⁶, etc.; nisi forte dicamus, iuxta nostram Editionem, propterea aves ex aquis proficisci dicantur, quod in aquis non tantum humor est, unde pisces originem trahunt, sed et vapor, qui cum aerea modo quodam natura convenit et ex vapore quasi aereo aves originem traxerint. Cum autem subditur: *Sub firmamento coeli*, vel, iuxta Lectionem Hebraicam, *super faciem firmamenti coeli*: per *faciem firmamenti* aerem intelligimus; per *firmamentum* autem a sidereo coelo omnes orbis usque ad aerem; et huius coeli facies aer est, qui etiam

Per *faciem firmamenti* aer intelligitur, qui dicitur etiam aliquando *coelum*.

non raro coelum vocatur. Sic enim dicuntur *volucres coeli* ⁴⁷⁷. Et sic aer quoque suum avium accepit ornatum.

vr. 21 *Et creavit Deus cete grandia et omnem animam viventem atque motabilem, quam produxerant aquae in species suas, et omne volatile secundum genus suum.*

Littera Hebraica habet: *Et creavit Deus serpentes magnos et omnem animam viventem, reptile, quod produxerunt, vel reptificaverunt aquae iuxta speciem suam, et omnem avem alae secundum speciem suam.*

Illud *הַרְמִישָׁה*, inquit Rabbīnus Aben Ezra ⁴⁷⁸, quod « est sensus eius sicut *הוֹלֵךְ*; et sunt qui dicunt, quod *ש* est loco » ⁴⁷⁹. Rabbīnus Salomon inquit ⁴⁸⁰ « quod *הַתַּיִנִּים* sunt pisces magni, qui sunt in mari. Et in verbis historiae est leviathan et filius coniugis eius: quia creavit eos masculum et feminam, et occidit feminam et salvat eam pro iustis saeculi futuri; quia si fructificassent et multiplicati fuissent, non stetisset mundus in facie eorum ». *Animam viventem*, explicat animam, in qua est vita.

Et creavit Deus cete grandia, etc.

Interpretatio litteralis huius versus iuxta Hebraeos.

Nos ita exponimus. Interpres noster *הַתַּיִנִּים*, *cete* transtulit, Septuaginta imitatus, qui ita transtulerunt: *Καὶ ἐποίησεν ὁ θεὸς τὰ κήτη τὰ μεγάλα*, idest: *Et fecit Deus cete grandia*, sensum potius quam verbum transferens. Hoc enim loco vox illa non pro terrestribus, sed pro marinis et aquaticis serpentibus accipi debet; neque enim cete et maximi pisces aliud in aquis sunt, quam dracones in terra. Unde alibi legimus ingentes pisces *dracones* vocari, ut *Psalm*o ⁴⁸¹: *Dracones et omnes abyssi*: per abyssos aquas copiosissimas intelligens, per dracones maximos pisces. Neque per *cete* una eorum piscium species intelligitur, sed omnes grandiores pisces sic vocantur, sicut Theodoretus ⁴⁸² inquit ⁴⁸³. Illud autem quod Rab-

Per *cete* intelliguntur omnes species piscium immanium et monstra marina.

477) Gn 6, 7; 9, 2; Iob 28, 21; 35, 11; Ps 8, 9; 103, 12; Ez 38, 20; Dn 3, 80; 4, 9; Mt 8, 20; 13, 4; Mc 4, 8; Lc 8, 5; 9, 58; 13, 19. 478) Op. cit. f. 3^a. 479) Ms.: *Scim*, et: *Samech*. 480) Op. cit. f. 3^a. Nic. Lyranus: « Dicunt hic Hebraei quod istud genus

piscium est incredibilis magnitudinis, propter quod si eorum multiplicata fuissent individua, destructum fuisset saeculum, quia mare non esset navigabile, nec alii pisces possent stare in mari. Ideo postquam Deus creaverat hanc speciem in sexu masculino et femineo, occidit femellam ne multiplicarentur individua, et reservat eam iustis ad comedendum in futuro saeculo. Ex quo patet Iudaeos cecidisse in errorem Saracenorum, qui beatitudinem futurae vitae ponunt in delectationibus corporalium et venereorum ». Op. cit. f. 27^a. Cf. etiam Dionysius Cartusianus, *Enarrat. in Gen.*, a. 13, pag. 46-47. 481) 148, 7. 482) Ms.: Theodorus.

483) Interpretat. in *Psalmos*, Ps. 148, (P. G. 80, 1990).

binus Salomon de huiusmodi piscibus affert, absurdum omnino est, si intelligatur ad litteram; sed parabolice dictum secretiores theologi asserunt. De qua re nihil ad praesens.

Vrr. 22-23

Et vidit Deus quod esset bonum benedixitque eis, dicens: Crescite et multiplicamini et replete aquas maris, avesque multiplicentur super terram. Et factum est vespere et mane dies quintus.

Quod Interpres noster transtulit: *Crescite*, imitatus Septuaginta, qui ἀβξάνουσθε, *crescite*, transtulerunt, hebraice est: פָּרִי, idest *fructificate*, a nomine פֶּרִי, idest *fructus*. Sensus tamen idem est; nam quod est fructificare in arboribus est crescere in animalibus. Illud autem: *Replete aquas maris*: aqua in maribus est in fonte, sicut etiam Septuaginta transtulerunt: Ὑδατα ἐν ταῖς θαλάσσαις ⁴⁸⁴, idest *aquas in maribus*; quia tamen sensus nil discrepat, *aquas maris* Interpres noster transtulit.

Crescite et multiplicamini, etc.

Expositio horum verborum iuxta Aben Ezram

Rabbinus Aben Ezra inquit ⁴⁸⁵ quod «*crescite et multiplicamini*, est: crescetis et multiplicabimini, sicut et: *Morere in monte* ⁴⁸⁶, idest morieris, quia hoc non est in eorum virtute et manu»; et inquit etiam quod «*anima vivens* est omne quod ignis et aqua et terra germinant, etiam homo; et quod *iumenta* sunt quae sunt cum filiis hominum, pro necessitatibus eorum, ad equitandum et comedendum; et *reptile* sunt animalia parva, quae ambulant super terram; et *bestiae terrae* sunt quae sunt in campis, ubi non est habitatio; et quod in dictione: וַחֲיָיו, ׀ posteriorius redundat, sicut: לַמַּעֲיָנוּ מִים, *in fontes aquarum*» ⁴⁸⁷. Rabbinus Salomon hanc benedictionem ad multiplicationem refert ⁴⁸⁸, «quia diminuunt eos, scilicet homines, et fugant, sive piscantur et comedunt eos; propterea necesse fuit ut benedicerentur. Et etiam bestiis necesse fuit benedicere; sed propter serpentem, qui futurus erat in maledictionem, propterea non fuerunt animalia benedicta, ne et ipse esset in collectione». Inquit etiam quod פָּרִי idem est ac *facite fructus et multiplicamini*.

et Rab. Salomonem.

Benedictio Dei significat virtutem,

Nos quoque hanc benedictionem in eo praecipue consistere intelligimus, nimirum in ea virtute et inclinatione, quam eis ad generandum largitus est Deus, ut species suas conservarent. Ad generationem

484) Ms.: Ὑδατα ἐν θαλάσσαις, (hebr. 114), 8: לַמַּעֲיָנוּ מִים.

485) Op. cit. f. 3^a.

486) Dt 32, 49.

487) Ps 113

488) Op. cit. f. 3^a.

ergo multiplicationemque directio ab intellectu non errante ordinatioque Dei haec benedictio est.

vrr. 24-25

Dixit quoque Deus: Producat terra animam viventem in genere suo iumenta et reptilia et bestias terrae secundum species suas. Factumque est ita. Et fecit Deus bestias... iuxta species suas, et iumenta et omne reptile in genere suo.

quam animantibus indidit ad generandum.

Illud *producat*, hebraice est: **תּוֹצֵא**, *exire faciat*; unde Rabbinus Salomon inquit⁴⁸⁹: «Hoc est quod exposui, quod omnia creata sunt a prima die, et non fuit necessarium nisi educere ea, sive exire facere». *Animam viventem*, exponit: in qua est vita; *et reptile*: **רמש**, inquit quod «sunt reptilia, quae sunt depressa et repunt super terram, et videntur, sicut quae se trahunt, quorum non cognoscitur ambulatio. Omne significatum **רמש**, est **שרץ**».

Producat terra, etc.
Expositio iuxta Rab. Salomonem.

Nos hunc locum ita exponimus. *Producat*, idest virtutem producendi accipiat, ceteris etiam elementis concurrentibus pro materiali principio. Statimque produxit terra quod sibi a Deo et praecipiente et sua virtute efficiente imperatum erat, suumque assecuta est ornatum terrestrium animalium, iumentorum scilicet, reptilium: *et bestias*, quae terrestria animalia dicuntur, cum non ex eo tantum elemento constent, sed simul ex omnibus; sed quia inde trahunt originem, ibi vitam degunt, morantur, pascuntur et continentur, ipsumque in eis terrae praedominatur elementum, propterea terrestria nuncupantur. Ita tamen hic horum animalium genera exprimuntur: *iumenta, reptilia et bestiae terrae*. Iumentorum nomine, quae in usu hominum sunt animalia designantur, sic dicta quasi usus humanos iuvantia. Sub hoc nomine autem etiam pecora comprehenduntur. Reptilis autem voce omnia animalia significantur, quae non impulsu, sed tractu moventur, quaeque vel pedibus sunt omnino destituta, vel habent per breves, ut non possint se super terram attollere⁴⁹⁰, dum ambulant, sed corpore sunt ad ima depresso. Ea demum animalia bestiarum nomine exprimuntur, quae cum impulsu ac progressivo motu agantur, indomita sunt tamen semper atque ferocia, nec mansuescere suapte natura norunt, sed in vastis silvis degere et commorari et unguibus ac ore saevire.

Statim ac Deus dedit terrae virtutem producendi ex elementis animantia, illico terra ea produxit divina iussione.

Per *iumenta* intelliguntur omnia animalia domestica; per *reptilia*, omnia quae reptant licet, minutis pedibus; per *bestias*, omnia fera et indomita.

489) Ibid.

490) Ms.: Attolle.

Vr. 26 *Et vidit Deus quod esset bonum et ait : Faciamus hominem ad imaginem et similitudinem nostram ; et praesit piscibus maris et volatilibus coeli et bestiis universaeque terrae omnique reptili, quod movetur in terra.*

Hebraicus Textus habet: *Faciamus hominem in imagine nostra, iuxta similitudinem nostram.*

Septuaginta tamen praepositionem mutarunt, qui in verterunt in $\pi\rho\acute{o}\varsigma$, *ad*, sicut et noster Interpres eos imitatus. Nil tamen refert.

Rabbinus Aben Ezra, circa loci huius expositionem, inquit ⁴⁹¹ quod « sunt qui dicunt, quod dictio **נַעֲשֶׂה**, est nomen hatoar de coniugatione niphāl, sicuti et omne, quod **נַעֲשֶׂה**, factum est prima die; et dicunt quod: *in imagine nostra et similitudine nostra*, sunt verba Moysis ». Et sua expositio est, quod « creavit Deus hominem **בְּצַלְמוֹ**, *in imagine sua*, quia \daleth ⁴⁹² vertitur ad hominem; et exponunt: *in imagine Dei*, quod *Deus* adiungitur cum *fecit*; quasi dicant quod Deus fecit hominem in imagine. Et haec expositio est deficientis corde, quia fuisset primo evidens, ut esset: et dixit Deus: sit factus homo; et sic fecit eum in imagine sua. Praeterea **בְּצַלְמוֹ**, quomodo revertitur ad hominem? Ecce est ei imago prius quam sit. Et quae est ratio ut, *effundens sanguinem hominis in homine, effundatur sanguis ipsius, propterea quod creatus est homo in imagine*? ⁴⁹³ Etiam omnes animae viventes habent imaginem. Et inquit Gaon quod expositio est: *in imagine nostra, iuxta similitudinem nostram*; et sensus eius est: *in imagine, quae videtur in sapientia*; quoniam bonum est, et propter honorem hominis et coniunctionem eius ad Deum. Et sic *de terra eius egressi sunt* ⁴⁹⁴, quia *Domini est terra et plenitudo eius* ⁴⁹⁵. Et dicit in dictione **נַעֲשֶׂה**, si est numeri pluralis, [hoc esse] ex more loquendi regum, et sicut est: *Et dabitur tibi etiam hanc* ⁴⁹⁶; *Dicemus coram rege* ⁴⁹⁷; *Si forte potero percutiemus eum* ⁴⁹⁸. Et haec testimonia sunt testimonia falsa, quoniam **וְנִתְּנָה**, est coniugationis niphāl et est quemadmodum: *Et civitas dabitur* ⁴⁹⁹, etc.; et \daleth est conversivum futuri, iuxta regulam omnis verbi praeteriti; et sensus est: et dabitur tibi; et illud: *Percutiemus eum*:

Faciamus hominem, etc.
Expositio
huius loci
iuxta Rab.
Aben Ezram,

qui affert et
reprobat sententiam Rab.
Gaon

491) Op. cit. f. 3^a.

492) Ms.: Vau, et infra.

493) Gn 9, 6. Ex hebraico.

494) Ez 36, 20.

495) Ps 23, 1.

496) Gn 29, 27. Ex hebraico.

497) Dn 2, 10.

498) Nm 22, 6.

499) Ier 38, 18.

ipse et exercitus eius; vel est nomen hapoal, quemadmodum: וַנִּקְהָלָם לֹא אֵלֶיךָ; et etiam quia invenimus: לֹא נָכוֹן, quoniam non venit coniugatio, cuius non memoratur nomen hapoal, tum quia a gravi », scilicet coniugatione. « Et Moyses sacerdos hispanus erravit in suo libro in dictione: *Dicemus coram rege*, quod est chaldaica: et quomodo loquetur Daniel in lingua magna ⁵⁰⁰ coram Nabuchodonosor, qui erat rex regum? Et nunc exponam. Scito quod omnia opera Genesis sunt ad honorem hominis creata in praecepto Dei, et omnia germina, quae produxit terra, et aquae et omnes animae et bestiae: et postea dixit Deus angelis: *Faciamus hominem!* Nos opera dabimus in eo, et non aquae, vel terra; et postquam cognovimus quod lex loquitur secundum linguam filiorum hominum, quia loquens est homo etiam audiens, et non potest loqui vir verba altiora se, vel inferiora, sed super viam similitudinis hominis, et ita dicitur: *os terrae* ⁵⁰¹, *manus Iordanis* ⁵⁰², et *caput pulverum orbis terrae* ⁵⁰³. Et absit, absit, ut sit similitudo Deo! Et propterea quod elevatus est homo super ea, quae non sunt homo, praefectus est bestiis terrae pro Deo; et quia non est corpus, sed plenitudo omnium et corpus hominis est, sicut parvus mundus – sit Deus benedictus – qui in magno incepit et in parvo finivit. Et sic inquit Propheta, qui vidit gloriam Dei quasi visio hominis; et Deus est unus et est formator omnium et est omnia ». Haec omnia A b e n E z r a .

et Rab.
Moysis.

R a b b i n u s S a l o m o n etiam ⁵⁰⁴ identidem sentit, cuius haec sunt commenta. Inquit enim: « *Faciamus hominem*: humilitatem Dei docet nos hinc, quia homo in similitudine angelorum est, et invidissent ei: propterea consuluit eos; et propterea quod est iudicium angelorum, ipse consuluit familiam suam. Quemadmodum invenimus in Achab, quod dixit ei Michaeas: *Vidi Dominum sedentem super solium suum et omnes exercitus coelorum stantes iuxta eum a dextris et a sinistris* ⁵⁰⁵. Et quomodo est dextera et sinistra in conspectu eius? Sed hi sunt a dextera, qui sunt ad iustificandum, et hi a sinistra, qui ad condemnandum; sicut est in iudiciis civitatum sententia et in sermone Sanctorum petitio. Atque ita in familia sua tulit li-

Rab. Salomon
asserit Deum
inisse consi-
lium cum an-
gelis ut homi-
nem conderet.

500) Ms.: *Magno. In lingua magna*, idest plurali numero.
13, 30. Ex hebraico. 503) Prv 8, 26. Ex hebraico.
Rg 22, 19. Vulg.: *Omnem exercitum coeli assistantem ei*, etc.

501) Gn 4, 11.

502) Nm

504) Op. cit. f. 3^a.

505) 3

centiam, dicens eis: Est in superioribus similitudo mea: si non est in inferioribus, ecce invidia in operibus creationis: *Faciamus hominem*. Licet non auxiliati sint eum in formatione eius, non destitit Scriptura docere viam terrae et exemplar humilitatis, quod si quis est magnus consulat et petat licentiam a parvo. Et si esset scriptum: *Faciam hominem*: non doceret nos quod est verbum cum domo concilii, sed cum semetipso. Verum scribit postea: *Et creavit hominem*, et non: creaverunt, **בצלמו**, in imagine sua, idest in exemplari, typo vel forma, quae nobis est, iuxta similitudinem nostram, ad intelligendum, seu mente et intellectu, et prospiciendum ».

Hae sunt expositiones, quas loci huius Hebraeorum praefati doctores afferunt, quas redarguere oportet, posteriores maxime; nam priores, ut falsas, omnino ipsimet respuentes redarguunt. Litteram nos advertamus et videbimus omnia Hebraeorum figmenta corruere.

Haec est littera: *Faciamus hominem ad imaginem et similitudinem nostram*, sicut ex Rabbino Aben Ezra et Rabbino Salomone perspeximus; statuamus nunc quaedam, secundum Hebraeos. Primo: angelos non esse creatores, unde propterea asserunt ⁵⁰⁶ eos secunda die creatos, ne putaremus Dei coadiutores fuisse in mundi creatione. Secundo: imaginem et similitudinem non secundum corpus, sed animam, mentem et intellectum hominis hic debere intelligi, ut Rabbinus Salomon hic asserit ⁵⁰⁷ et Rabbinus Moyses, in suo **מורה הנבוכים** ⁵⁰⁸. Tunc dico: quomodo Deus angelos alloquitur, dicens: *Faciamus*, si angeli non sunt Dei coadiutores in creatione? Non dices secundum corpus: non enim corpus, sed anima ad imaginem et similitudinem Dei facta est, quae in instanti a Deo creatur, iuxta illud: *Formans spiritum in medio eius* ⁵⁰⁹. Deinde num una eademque est Dei et angelorum imago et similitudo, ut dicat Deus: *Ad imaginem et similitudinem nostram*? Praeterea, nunquid homo ad angelorum imaginem similitudinemque creatus est, et non magis angeli ad eandem imaginem creati sunt, ad quam ipse homo? Et cur non subintulit postea: *Et creaverunt dii hominem ad imaginem*, etc., sicut: *Et creavit*

Expositiones
hae falsae
sunt, quia ipsi
Hebraei sentiunt
angelos
secunda die esse
creatos, ne
putarentur
coadiutores
Dei
in creatione.

Imago Dei in
homine non secundum
corpus, sed secundum
animam
intelligi
debet, ad
quam et angeli
creati sunt.

506) Cf. not. 99 et 258 huius cp.
cp. 1, pag. 2. Ms.: *More hanibillum*.

507) Op. cit. f. 3^b.

508) *More Nebuchim*, part. 1,

509) Zach 12, 1. Ex hebraico.

Deus, si simul cum Deo angeli hominem ipsum creavere? Neque enim una est Dei angelorumque operatio.

Sed inquit Rabbīnus Salomōn quod angeli non sunt cooperati Deo in hominis creatione, propterea dicitur: *Et creavit Deus hominem*; sed tamen illis verbis: *Faciamus*, etc., angelos allocutus est, consilium petens ab eis ut hominem crearet ad imaginem et similitudinem suam; ut sicut Dei similitudo in superioribus est, sic et in inferioribus esset, ne inviderent superioribus inferiora. Sed adhuc dico: cur inquit: *Ad imaginem et similitudinem nostram*, cum ad Dei similitudinem creatus sit homo, et non angelorum? Nam, ut ipsemet inquit, similitudo Dei iam in superioribus erat, idest in angelis, qui Dei similitudinem habent. Deinde num insipiens Deus est, ut consilium petat ab alio? Consilium enim petere non summe sapientis cognoscentisque omnia est, sed eius, qui quod melius est ac prae- stat magis, ignorat.

Deum petere
consilium ab
angelis non est
summe sa-
pientis;

Sed inquit quod hoc fecit, ut doceret nos humilitatem. Sed quem hominem docebat si adhuc factus homo primus non erat, sed cogitabat ut faceret eum Deus? Sed nonne multo maius, clarius et evidentius fuisset humilitatis exemplum, si homines aliquando consu- lisset Deus, cum aliquid agere proposuisset? Certe fidelissimus Dei famulus et amicus fuit Moyses, qui in agendis rebus Deum saepissime consulebat. Nunquam tamen legimus quod ipsum consuluerit Deus ad aliquid peragendum.

nec dñi potest
sic Deum lo-
cutum esse ut
doceret homi-
nem humilita-
tem, quia
homo adhuc
non erat;

Nec exemplum, quod adducit, id probat. Vidit enim Michaeas Dominum in similitudine aliqua ipsum Deum repraesentante, vel exterius formata vel interius in imaginatione Prophetarum. Sed exercitus angelorum, quos circa ipsum stantes vidit, non omnes boni sunt angeli; et hi, qui Dei sententiam iustificat, a dextris, qui autem damnant, a sinistris eius esse dicuntur. Sed qui a dextris, hi boni sunt; a sinistris autem, mali qui Deo dicuntur assistere, eo quod in pluribus executores sunt divinae iustitiae. Et apud B. Iob legimus⁵¹⁰ quod, *cum... venissent filii Dei ut starent coram Domino, affuit inter eos et satan*. Et certe spiritus ille, qui dixit: *Egrediar et ero spiritus mendax in ore omnium prophetarum eius*⁵¹¹, cum Dei sententiam iustificarit, qui ait: *Quis*

nec quicquam
probat
testimonium
allatum.

510) 2, 1. Vulg.: *Et starent... venisset quoque satan*, etc.

511) 3 Rg 22, 23.

decipiet Achab? ⁵¹² etc., secundum ipsum a dextris Dei statui debuisset, cum tamen spiritus nequam fuerit. Sed quid ⁵¹³ absurdus, quam nequissimos spiritus a dextris Dei statuere? Nec probavit Deus illud mendacium, cum dixit: *Vade et praevaleris*, cum sit prima ac summa veritas, sed certe permisit. Iusto enim Deus iudicio permittit malos homines a daemonibus decipi, qui tamen agere nihil possunt, nisi agere permittantur.

Iuxta nostros
interpretes in
hoc verbo: *fa-*
ciamus, clare
enuntiatur
SS.ma Tri-
nitas.

Restat igitur ut nos verum atque catholicum sensum in medium afferamus eius, quod dicitur: *Faciamus hominem*. Hic ergo, ut sanctissimi quique viri doctissimique interpretes asseverant ⁵¹⁴, divinarum Personarum pluralitas designatur estque sermo Patris ad Filium et Spiritum Sanctum; siquidem una omnium divinarum Personarum est indivisaque ad extra operatio. Ait ergo Pater ad Filium: *Faciamus*, et non: *Fiat*, sicut in praecedentium productione dictum conspeximus. Illa etenim omnia ex primigenia illa materia constant indeque eorum etiam formae educuntur, de eius scilicet potentia ac virtute. At cum ad hominem devenit, non ait: *Producat terra*, sed: *Faciamus*. Nam etsi ex primaria illa materia corpus etiam hominis constat, anima tamen eius, quae formarum nobilissima est, non inde educitur, sed a Deo suapte natura creatur; et quia homo eatenus homo est, quatenus rationali anima praeditus est, sensuque ac ratione viget, propterea dicitur: *Faciamus hominem*.

Adam etymo-
logice a terra
nomen acce-
pit, quia de
terra homo fa-
ctus est.

Homo autem אָדָם, *Adam*, hebraice dicitur, ab אָדָמָה, *adama*, idest terra, vel ab אָדָם, *rubro*, quod de terra rubra factus sit, ut Iosephus existimavit ⁵¹⁵: fictum enim esse hominem in agro damasceno asserit eamque terram, ex qua compactus fuerit, rubram extitisse. Sacrae tamen Litterae ab אָדָמָה dictum esse

512) Ibid. vr. 20. 513) Ms.: *Quod*. 514) Cf. B. Hieronymus *Dialogus De Sancta Trinitate*, (P. G. 40, 858); S. Basilius *Hom. 9 in Hexaem.*, ibid. 29, 206-207; S. Greg. Nyssenus *In Scripturae Verba: Faciamus Hominem*, etc. *Orat. 1*, ibid. 44, 259; Theodoretus *Quaest. in Gen.*, *Interr. 19*, ibid. 80, 99-102; Procopius *Comment. in Gen.*, ibid. 87, 114; S. Hilarius *De Trinitate*, lib. 4, (P. L. 10, 110-112); S. Ambrosius *Hexaem.*, lib. 6, cp. 7, ibid. 14, 257; *De Dignitate Conditionis Humanae*, cp. 1-2, ibid. 17, 1015-1017; S. Augustinus *Confess.*, lib. 13, cp. 22, ibid. 32, 858; *De Genesi ad Litteram*, lib. 3, cp. 19, ibid. 34, 291-292; *De Civitate Dei*, lib. 16, cp. 6, ibid. 41, 484; *De Trinitate*, lib. 12, cp. 6, ibid. 42, 1001-1002; lib. 15, cp. 19, ibid. col. 1055-1056; S. Fulgentius *De Fide ad Petrum*, ibid. 65, 674; S. Beda *Hexaem.*, lib. 1, ibid. 91, 28-29; Rabanus Maurus *Comment. in Gen.*, lib. 1, cp. 7, ibid. 107, 459; Rupertus *De Trinitate*, etc. *In Gen.*, lib. 2, cp. 1-2, ibid. 167, 247-249; Hugo de S. Victore *Adnotat. in Pentat.*, cp. 7, ibid. 175, 37; S. Ephrem Syrus *In Gen.*, t. 2, pag. 54.
515) *Delle Antichità Giudaiche*, lib. 1, cp. 2, f. 2^a.

Adam docent ⁵¹⁶. Quod si homo latine ab humo dictus est, convenit cum etymologia hebraica. Verissima igitur hominis etymologia adque eius proprietatem maxime accedens est, ut a terra vocetur. Sicut enim humanum corpus a terra ductum factumque est, ita nomen hominis duci par erat.

Verum, quia etsi homo secundum corpus de terra est, et iccirco sic dictus est, quasi terrenus: cum tamen secundum animam est illi coelestis origo a summo Deo, et ex anima et corpore totus constat homo, simul tamen coniunctis; ideo propter hanc duarum naturarum coniunctionem, duo sunt in praecipuis linguis ad illum significandum nomina. Nam in lingua hebraica non solum אדם, sed אִישׁ etiam dicitur ⁵¹⁷, sicut latine non solum homo, cui in hebraeo respondet אדם, sed etiam vir, cui respondet אִישׁ; vir propter animi fortitudinem rationisque vigorem; quamvis אִישׁ etiam hebraice post lapsum dictus sit ⁵¹⁸, quod deploratum ac calamitosum significat, propter miseriam et poenas, quas ob peccatum incurrit. In graeca lingua pariter βροτός dicitur, idest terrigena atque mortalis, ratione corporis; ἀνὴρ autem, idest vir, ratione mentis; et ratione utriusque dictus est: ἄνθρωπος, ab ἄνω καὶ ῥέπων, quasi sursum vergens, seu aspiciens ⁵¹⁹, tanquam aliquid habeat a terra, propter quod ibi sit, et aliquid a coelo, ad quod aspiciat et aspiret; vel sit ita dictus, ut Socrates in *Cratylō* Platonis ait ⁵²⁰, quasi ἀναδρῶν ἃ ὅπωπε, idest considerans quae vidit. Hominis enim proprium est invisibilia ex visibilibus considerare, idest a sensibus, secundum quos terrenus est terrenaque videt, ea accipere, ut inde se iterum ad invisibilium cognitionem per intellectum erigat.

Scire etiam oportet nomen hoc: Adam, non esse primi illius hominis proprium, sed totius speciei humanae sexumque utrumque complectitur; sicut apud Latinos homo, et Graecos ἄνθρωπος. Ait enim Scriptura quod, *in die, qua creavit Deus hominem, ad imaginem Dei fecit illum; masculum et feminam creavit eos et benedixit illis et vocavit nomen eorum Adam*. Primus tamen ille homo eo semper appellatus nomine fuit, ex praeeminentia et excellentia quadam.

Duplici modo vocatur homo, quia duplex eius origo: secundum corpus dicitur Adam, quia de terra sumptus; secundum animam dicitur vir, quia ratione praeditus.

Hoc nomen: Adam, non solius primi hominis proprium est, sed totius speciei; primus tamen sic semper appellatur, propter eius excellentiam;

516) Cf. Gn 3, 19.

517) Cf. ibid. vrr. 6-16; Ps 1, 1; 141, 4.

518) Cf. Gn 13, 8;

14, 24; Nm 13, 3; Dt 1, 35; 1 Rg 17, 12; Ps 8, 5; 54 (hebr. 55), 14.

519) Cf. *Ety-*

520) T. 1, pag. 399.

mologicum Magnum, sub vocibus: βροτός, ἀνὴρ, ἄνθρωπος.

et quia forma-
tus fuit de ter-
ra ex quattuor
mundi parti-
bus sumpta, ut
sentiant
Augustinus
et Cyprianus.

Ipsa enim principium totius humani generis extitit, et in eo tota virtualiter continebatur natura humana in semine, ab eoque universum hominum genus propagatum est. Et eapropter D. Augustinus⁵²¹, considerans tale nomen ut illius hominis proprium, post D. Cyprianum⁵²² dixit, sic illum fuisse appellatum, quod terra illa, ex qua compactus formatusque fuit homo ille, ex quattuor mundi partibus sumpta fuerit, quae in quattuor eius nominis litteris exprimuntur in lingua graeca: A, Ἀνατολή: oriens; Δ, Δόσις: occidens; A, Ἀρκτος: aquilo; M, Μεσημβρία: meridies⁵²³. Ex lingua tamen hebraica non⁵²⁴ satis hoc exploratum est; nocere tamen nihil potest si credatur, etiamsi verum non sit.

Sed ad rem nostram redeundo, dicimus quod, quando Dominus dixit: *Faciamus hominem*: per hominem intellexit primum illum hominem, et in eo totam simul naturam humanam, tanquam iam in eo containeremur omnes, a quo eramus postea propagandi. Nec simpliciter dixit: *Faciamus hominem*, sed addidit: *Ad imaginem et similitudinem nostram*. Unde considerandum nobis est quomodo *ad imaginem et similitudinem Dei* creatus homo dicatur.

Ad imaginem
et similitudi-
nem nostram.
Imago et simi-
litudinem Dei in
homine non
est secundum
substantiam.

Putarunt hic aliqui⁵²⁴, longe aberrantes, animam nostram esse de substantia Dei, ac propterea dici *ad imaginem et similitudinem Dei* factam, quoniam prima ac praecipua similitudo in eadem natura est. Sed hoc existimare amentis est. Dei siquidem substantia facta non est, nec patitur Deus aliquid extra se simile in eadem natura habere. Scriptum est enim: *Cui . . . similem fecistis eum?*⁵²⁵ Et alibi: *Domine, quis similis tibi?*⁵²⁶ Et: *Non est similis tui in diis, Domine*⁵²⁷. Non est enim hoc prorsus invenire.

Sed age, ponamus quod similitudo haec secundum naturam sit. Quaero: secundum quam naturam? Genericam, specificam, an individuum? Profecto cum Deus extra et supra omne genus sit, infinita siquidem substantia et totius est compositionis expers, ut simpli-

521) *Tract. 9 in Ioannis Evang.*, (P. L. 35, 1465); *Tract. 10* ibid. col. 1473. 522) *De Montibus Sina et Sion*, ibid. 4, 411-412. 523) Ms.: Voces hae graecae in accusativo ponuntur. 524) Gnostici, apud Tatianum *Oratio adversus Graecos*, (P. G. 6, 838); Cerdon et Marclon, apud Theodoretum *Haereticarum Fabularum Compendium*, lib. 1, cp. 24, ibid. 83, 374; Manichaei, apud S. Augustinum *De Genesi contra Manichaeos*, lib. 2, cp. 8, (P. L. 34, 292); Priscillianistae, apud eundem *Contra Mendacium*, cp. 5, ibid. 40, 532; cf. G. Hergenröther *Storia Universale della Chiesa, Evo Medio*, lib. 2, part. 3, cp. 9, vol. 4, pag. 423-424 et not. 1. 525) Is 40, 18. 526) Ps 70, 19. 527) Ps 85, 8.

cissima actusque purissimus: non est quomodo aut secundum genus, aut secundum speciem, vel secundum individuum ei assimilemur; sed per analogiam quandam similitudo haec accipienda est.

At contra hunc errorem fuit Anthropomorphitarum vesania, qui existimaverunt ⁵²⁸ Deum et corpus habere et animam, sicut et nos; et eapropter asseverant dici factum hominem ad imaginem et similitudinem Dei, non solum secundum animam, sed etiam secundum corpus. Sed et hoc pariter absurdissimum est et secundum veram theologiam etiam ridiculum; *Spiritus est enim Deus* ⁵²⁹, nec potest corporeis ullis aut lineamentis, aut figuris ⁵³⁰ circumscribi, aut definiri. Omnes Sancti Doctores hanc imaginem et similitudinem Dei in homine, non secundum corpus, sed secundum mentem asserunt esse intelligendam, secundum quam homo irrationabilibus suapte natura antecellit. Quod insinuans Scriptura subiungit statim: *Et praesit piscibus maris et volatilibus coeli et bestiis universaeque terrae.*

sed est tantum secundum mentem qua homo excellit inter omnes creaturas irrationales.

Scholastici autem theologi ⁵³¹ circa hoc tria diligenter considerant, quae sunt: *vestigium, similitudo et imago*. *Vestigium* primo: si quis, verbi gratia, pede humum calcaverit, relinquit sui vestigium, ut quodammodo nosci valeat fuisse hominem qui illac transierit et vestigium illud impresserit: quod tamen ne utiquequam imago aut similitudo hominis dicetur. Sic omnes creaturae, in quantum creatae sunt et participant esse, sunt quasi *vestigium* quoddam Dei in se habentes: Deum enim indicant eas produxisse. Et quatenus quidem esse omnes participant, *vestigium* quoddam Patris habent expressum, qui principium, fons et origo est totius esse; ut quodcumque sit res aliqua, aut persona, ab ipso sit. Praeterea quatenus creatura omnis suam praesefert speciem et pulcritudinem, quasi ante sit facta, *vestigium* quoddam Filii repraesentat, qui ars est Summi Patris, per quem facta sunt omnia ⁵³², plenaeque ratio omnium rationum viventium. Insuper quia in re qualibet propensio quaedam ac prona reperitur cupiditas naturalis, qua vel ad suam perfectionem acquirendam, vel ad seipsam alteri commu-

Omnes creaturae habent quoddam *vestigium* Patris ratione originis;

vestigium Filii, ratione pulcritudinis;

vestigium Spiritus Sancti, ratione incli-

528) Cf. S. Augustinus *De Haeresibus ad Quodvultdeum*, *Haeres.* 50, (P. L. 42, 39); Cassianus *Collatio* 10, ibid. 49, 821, et not. b; cf. etiam supra not. 21 *Dissert.* 3. 529) Io 4, 24.
530) Ms.: *Ulli... figuri.* 531) Cf. Alexander Halensis *S. Theolog.*, t. 2, inq. 3, tract. 2, q. 3; S. Thomas *S. Theolog.*, 1^a, q. 3, a. 1, ad 2; q. 45, a. 3; q. 9, a. 2-9; S. Bonaventura *Sentent.*, lib. 2, dist. 16, a. 1, q. 1. 532) Cf. Io 1, 3.

nationis ad se
communican-
das.

nicandam [movetur] – omne quippe bonum suapte natura est suiip-
sius communicativum ac diffusivum, – eo fert quoddam Spiritus Sancti
vestigium, qui communis [est] Patris ac Filii amor ab ipsis pro-
cedens, quo et seipsos diligunt et creaturas, quo etiam se in creaturas
diffundunt.

Solus homo
habet similitu-
dinem Dei,

Talia tamen vestigia non gerunt in se similitudinem naturae
divinae. Cum enim irrationales creaturae sint ratione intellectuque
expertes, licet intellectum ipsum summum significant, cum ab in-
tellectu non errante agantur, non possunt eius similitudinem reprae-
sentare; sicut fumus ignem quidem indicat, non tamen repraesentat
nobis speciem ignis. Sola igitur intellectualis natura quodammodo Dei
similitudinem habet, quatenus intellectualis est et arbitrio libera et
per seipsam potestativa; quae conditiones summo et eminenti modo
in Deo sunt suapte natura.

ratione animae
intellectualis
et liberae;

Homo ergo, quatenus Deum ipsum repraesentat in mundo, ad
Dei similitudinem factus dicitur secundum animam. Sicut enim Deus
cognoscit omnia: sic homo omnium suapte natura cognoscitivus est;
sicut Deus est ad agendum liber: ita et homo; sicut Deus in mundo
unus est: ita anima una in corpore; sicut Deus in mundo omnia movet,
immutus in se permanens: ita anima totum movet corpus, manens
ipsa immota; sicut immortalis est Deus in mundo: sic anima in corpore;
sicut non dormit Deus in mundo: sic nec anima in corpore; sicut Deus
regit mundum: sic anima corpus; et sicut Deus non eget cibo
aut potu in mundo, nec cibum accipit aut potum: ita nec anima in
corpore; sicut Deus totus est in toto mundo et totus in singulis eius
partibus: sic anima in corpore; sicut videt Deus omnia, et non vi-
detur in mundo: sic anima in corpore; sicut Deus, cum in omni
sit loco, a locorum sordibus non foedatur: sic anima in corpore; sicut
Deus totum replet mundum: sic anima totum corpus; sicut Deus
in mundo, quamvis sit ubique per potentiam, essentiam et praesen-
tiam, diversa tamen in diversis mundi partibus operatur: sic anima
in corpore; et sicut Dei operationes perfectius percipiuntur in loco
beato et coelo, propter quod ibi dicitur Deus specialiter esse et habi-
tare et regnare: sic anima in capite et corde; et sicut Deus domi-
natur in omnia: sic homo secundum mentem et rationem, sicut hic
dicitur: *Et praesit piscibus maris et volatilibus coeli et bestiis univer-
saeque terrae.*

Perfecta tamen Dei *imago* in his non consistit; quoniam licet in praedictis sit anima nostra Deo persimilis, accidentalis tamen similitudo haec censetur, cum circa animae accidentia utrumque consistat. Imaginem autem in ipsa animae substantia et naturalibus potentiis statuunt, memoria scilicet, intelligentia et voluntate: et in his ipsam Dei imaginem, ad quam factus est homo, consistere necesse est. Quemadmodum enim Deus unus est, in tribus tamen Personis, Patre, Filio et Spiritu Sancto: ita anima nostra, una secundum substantiam, in his tribus potentiis consistit; et in memoria quidem relucet Patris imago, quia memoria fecunda cum actu dicendi producit verbum: in intelligentia vero imago exprimitur Filii, quia Filius per modum intellectus et naturae gignitur, unde Filius in divinis est notitia genita, qua se Pater cognoscit et cognoscendo, alterum se, idest Filium producit: in voluntate autem imago Spiritus Sancti insinuatur, quia Spiritus Sanctus per modum voluntatis a Patre et Filio, tanquam ab uno principio, procedit. Quare Spiritus Sanctus non est nisi amor, quo se mutuo Pater Filiusque amant; et sicut Filius gignitur a Patre et Spiritus Sanctus ab utroque procedit, sic intelligentia oritur a memoria, intelligentiam pro potentia et actu accipiendo, et voluntas ab utraque, hoc est a memoria et intelligentia originem habet, voluntatem tam pro ipsa potentia, quam pro actu sumendo. Ipsa quippe Divinae Trinitatis imago, ut posterioribus praesertim theologis placet, non in solis primis animae actibus consistit, sed in primis et secundis simul sumptis. Sic enim nedum divinarum Personarum distinctio, origo atque productio, ut dictum est, optime refulgent: verum ipsarum quoque identitas ac divinae essentiae unitas expresse repraesentatur.

et habet *imaginem* Dei ob animae potentias, idest memoriam, intellectum et voluntatem, quae imago quaedam sunt SS. Trinitatis.

Ratione memoriae est imago Patris; ratione intelligentiae, imago Filii; ratione voluntatis, imago Spiritus Sancti;

D. A u g u s t i n u s post hanc aliam assignat ⁵³³ imaginem: in mente, notitia sive verbo, et amore; quae etiam iure optimo divinarum Personarum exprimit tum productionem tum distinctionem. Mens enim verbum gignit, et cum verbo postmodum producit amorem; et sic mens Patrem, verbum Filium, amor Spiritum Sanctum optime repraesentant; essentiae autem unitatem, quoniam haec omnia unius sunt animae. Verum quamvis haec verissima sunt, intellectus tamen quiescere adhuc non valet, propterea quod dicitur *ad imagi-*

et quia hae sunt tres animae potentiae, quae una substantia sunt, ideo anima repraesentat unitatem Dei.

533) *De Trinitate*, lib. 12, cp. 16, (P. L. 42, 1001-1003); lib. 14, cp. 4, *ibid.* col. 1040.

nem et similitudinem Dei factus homo, quasi prius aliqua praecessisset imago ad quam formatus sit homo. Eapropter, cum Veritas Hebraica sic habeat: נַעֲשֶׂה אָדָם בְּצַלְמֵנוּ כְּדִמוּתֵנוּ: Faciamus hominem in imagine nostra, quasi similitudine nostra, et Targum [Chaldaicum] etiam sic transfert: נַעֲבִיר אִינְשָׁא בְּצַלְמֵנָא כְּדִמוּתֵנָא, hoc est: Faciamus hominem in

Potest etiam intelligi quod imago et similitudo hic synonyma sint,

ut tota natura humana sit quoddam simulacrum divinitatis, et ideo praefecta universis creaturis.

imagine nostra, quasi similitudinem nostram: nos idem per imaginem et similitudinem, iuxta hanc litteram, possumus intelligere, ut sit sensus: Faciamus hominem in imagine nostra, idest in natura humana imprimamus imaginem nostram, ut sit quoddam simulacrum divinitatis nostramque repraesentet naturam: ut sicuti in numismate excusa regis aut principis imago, iuxta illud: Cuius est imago haec et superscriptio? ⁵³⁴ et in ligno, aut lapide, vel aere formata Caesaris effigies et figura expressaque imago, quoddam ipsius est simulacrum: ita in nobis imago Dei, expressa quaedam Dei similitudo ac simulacrum est. Et ad hunc prope modum omnia, quae superius dicta sunt, his verbis insita exprimuntur; praecipue tamen id, in quo Deum repraesentat rebus omnibus praesidentem ac dominantem; dum et ipse natura sibi inferioribus praeficitur, superque ea constituitur. Ac propterea statim subditur: Et dominetur piscibus maris et volatilibus coeli et bestiis universaeque terrae. In fonte est: וַיְרִי, et dominantur: sexum includit utrumque, omnes homines circumplectitur; naturae etenim dignitas haec est.

Naturale est homini dominium in inferiores creaturas, ob praestantiam suae naturae;

Notat hic Rabbinus Salomon ⁵³⁵ dictum esse ita, « quoniam in hac lingua est וַיְרִי, idest descensus, et וַיְרִי, idest praesidentia sive dominium ⁵³⁶; ut si meruisset, sive mundus fuisset ⁵³⁷, dominaretur in bestias et iumenta; si non meruisset, fieret descendens in afflictionem, et bestiae dominarentur in eum ».

Dicimus tamen nos huiusmodi dominium homini esse naturale. Est enim homo natura praestantior, nobilior et perfectior. Semper

534) Mt 22, 20.

535) Op. cit. f. 3^b.

536) Cf. Pagnini op. cit. sub radice: וַיְרִי,

col. 1053.

537) Ms.: Meruisse.

autem imperfectiora quaeque sunt ad perfectiora directa et ordinata, sicut ad finem eisque subserviunt: terra plantis, plantae animalibus, haec omnia homini; quorum regimen homo mentis prudentia rationisque perspicacia ac Dei sacratissima imagine exornatus, exercere commodissime potest et in cetera dominari. Et quamvis merito primae illius culpa, omnium sequentium originis, actu sit destitutus homo in complura animalia dominari, quae in hominem saeviunt vitaeque hominum insidiantur: ius tamen dominandi in omnia nunquam amisit. Nam etsi complura eius evadunt dominatum de facto, attamen semper homo natura talis est, ut ius habeat in illis, et actu nonnunquam suae subiicit potestati; sicut D. Iacobus in sua *Canonica* ait ⁵³⁸: *Omnis enim natura bestiarum et volucrum et serpentium... domantur, et domita sunt a natura humana.*

et quamvis ob culpam hoc domino partim destitutus sit, ius tamen non amisit; imo multis actu etiam dominatur.

Vr. 27 *Et creavit Deus hominem ad imaginem suam, ad imaginem Dei creavit illum, masculum et feminam creavit eos.*

Rabbinus Salomon illud בצלמו, exponit ⁵³⁹: « ברפוס, in typo, seu forma fecit eum; quia omnia creata sunt in dicto Dei, et ipse creatus est in manibus, sicut dicitur: *Tu formasti me et posuisti super me manum tuam* ⁵⁴⁰ ». Puto parabolice eum hic loqui, alioquin absurdum et risu dignum est quod dicit. « Factus est: בהותם, in sigillo, sicut moneta, quae fit per impressionem, quae dicitur cuneus: קוניי; et fuit dicens: convertatur, sicut materia sigilli. In imagine Dei creavit eum: expono tibi quod eum formavit praeparata ei imagine effigiei; formavit eum, masculum et feminam creavit eos. Et ultra, sive infra, dicit: *Et accepit unam de costis eius*, etc. ⁵⁴¹ Et in *Midrash Aggada*: quod creavit eum duarum facierum creatione prima, et postea divisit et extendit operimentum, ut non cognoscatur quod creati sunt ambo simul. Et non exponam tibi quomodo formavit creaturas, et exponam in loco alio ». Rabbinus Aben Ezra id non probat ⁵⁴²; ait enim hic: « Et non potero exponere quod Adam creatus est in principio in duabus faciebus, et sunt una, et est etiam duo; et ecce in imagine Dei creatus est: מלאך; et ipse creatus est masculus et femina ».

Et creavit Deus hominem, etc.

Expositio huius loci iuxta Rab. Salomonem.

Aliqui Hebraei dicunt primum hominem creatum fuisse bifrontem,

Nos tamen hunc locum, a sanctissimorum virorum semitis nullate-

538) 3, 7.

loco: *Accepit.*

539) Op. cit. f. 3^b.

542) Op. cit. f. 3^b.

540) Ps 138, 5.

541) Gn 2, 21. Vulg.: *Tulit,*

Ad imaginem
Dei creavit
illum, etc.
Ex his verbis
patet
hominem crea-
tum fuisse
immediate
a Deo ad ima-
ginem suam,
vel etiam ad
imaginem
Christi, ut sen-
tiunt aliqui
Patres.

nus deviantes ⁵⁴³, ita exponimus. *In imagine Dei creavit illum*. Patet hinc non angelos hominem creasse, sed Deum: *Et creavit*, inquit, *Deus hominem, et ad imaginem Dei creavit illum*. Sed si Deus creavit, ad cuius dei imaginem creavit? D. Augustinus id sic putat ⁵⁴⁴ dictum quasi ad imaginem suam; Origenes vero ⁵⁴⁵, D. Hilarius ⁵⁴⁶, Cyrillus ⁵⁴⁷, Theodoretus ⁵⁴⁸ et D. Hieronymus etiam, *super Ezechielem* ⁵⁴⁹, et etiam *Glossa Ordinaria* in eodem loco ⁵⁵⁰, hoc asserunt referri ad Christum, qui est Deus, ad cuius imaginem specialiter homo creatus est: ut formaret Deus hominem ad imaginem illam, quam Dominus in praedestinatione sua crearat, sicut scriptum est: *Ab initio et ante saecula creata sum* ⁵⁵¹, fueritque ipse Christus archetypus humanae naturae, quae descripta fuerit ad similitudinem verae illius imaginis Christi, *qui est imago Dei invisibilis* ⁵⁵².

Recte homo
creatus ad
imaginem
Christi dicitur,
id est ad ima-
ginem illius
formae a Ver-
bo assumen-
dae, qualiter
concepta fue-
rat in mente
divina.

Adverte hic, pro huius loci intelligentia, quod primus in mente divina praedestinatus est Christus, sicut dicitur: *In capite libri scriptum est de me* ⁵⁵³; propterea *primogenitus* dicitur *omnis creaturae* ⁵⁵⁴. Est autem destinatus, non secundum naturam divinam, sed humanam, quapropter primo omnium in mente divina concepta est forma illa quam assumpturum erat Verbum incarnandum; et ad imaginem et similitudinem illius formae creavit Deus primum hominem. Propterea dicitur quod Deus *ad imaginem Dei*, scilicet incarnati, id est Christi, qui est Deus, *creavit eum*.

Et sic quem-
admodum con-
figurandi
sumus
Christo in ae-
terna beatitu-
dine, ita prius
configurari illi
debemus in na-
tura humana.

Creavit ergo Deus hominem ad imaginem Dei Christi: ad eam scilicet formam et effigiem, quae praedestinata erat Christo Dei Filio, ante omnium creaturarum formationem, qui *primogenitus* dicitur *omnis creaturae, in quo condita sunt omnia* ⁵⁵⁵. Secundum eam ergo speciem in mente divina praeformatam, assumendam a Verbo, homo ipse, nobilissima mundi creatura, formatus et productus [est]. Fateor, arridet admodum haec expositio. Commodissime enim atque admirabiliter illustrem atque perfectum sensum videtur exprimere

543) Ms.: Hunc locum repetitur.

544) De Genesi ad Litteram Liber Imperfectus, cp. 16,

(P. L. 34, 244).

545) Hom. 1 in Gen., (P. G. 12, 56).

546) Tract. in Psalmos., Ps.

118, (P. L. 9, 566-567).

547) Contra Iulianum, lib. 1, (P. G. 76, 535); Adversus Anthro-

pomorphitas, cp. 5, ibid, col. 1086-1087.

548) Quaest. in Gen., Interr. 19, ibid. 80, 102.

549) Lib. 9, (P. L. 25, 269).

550) Strabus ibid. 113, 80.

551) Eccli 24, 14.

de toto homine tum secundum corpus tum secundum mentem; ut sit ipse Christus archetypus, ad quem primo nos debemus cum secundum corpus tum secundum animam et mentem exprimi, sicut sumus ei configurandi in aeterna beatitudine. Quod clare expressit *Apostolus*, dicens: *Nam quos praescivit et praedestinavit conformes fieri imagini Filii sui* ⁵⁵⁶; et alibi: *Sicut gestavimus imaginem terrestris, sic et gestabimus imaginem coelestis* ⁵⁵⁷. Qui ergo ad imaginem Christi creatus est, vere ad imaginem Dei creatus dicitur, quoniam in Christo *inhabitat... plenitudo Divinitatis corporaliter* ⁵⁵⁸.

Masculum et feminam creavit eos. Considerandus loquendi modus hic est. Prius enim dixerat: *Creavit eum*; nunc autem: *Creavit eos*. Figmentum omnino respuendum est quod Hebraeorum nonnulli hinc asserunt, marem simul et feminam fuisse creatos et copulatos quasi unum a latere, sed postea ab invicem divisos. Quod etiam recentiores Hebraeorum respuunt, sicut in eorum expositione iam vidimus ⁵⁵⁹. Et si id ita est, quid, quaeso, est illud quod infra dicitur: *Tulit unam de costis eius et aedificavit... in mulierem... et replevit carnem pro ea?* ⁵⁶⁰ Quod si dices debere intelligi secundum Litteram Hebraicam: *Tulit unum de latere eius et replevit carnem in loco suo*: mitto quod vox illa: *עצ*, principio vel maxime *costam* significat; quomodo latus illud *in mulierem aedificavit*, si iam mulier erat ab initio aedificata in latere viri? Aut quomodo Adam non inveniebatur simile ⁵⁶¹, si mulier ei simillima iuxta ipsum erat? Aut quomodo dixit Adam: *Hoc nunc os de ossibus meis et caro de carne mea*: et *vocabitur* *אשה*: *vira* seu *virago*, quia *de viro sumpta est?* ⁵⁶² Non enim mulier magis de viri latere, quam vir de latere mulieris sumptus diceretur. Mitto etiam quod non debuit Deus a monstruoso opere naturam humanam exordiri; huiusmodi enim monstra sunt.

Masculum et feminam creavit eos.
Respuendum omnino est figmentum illorum qui asserunt Adam et Evam creatos simul fuisse copulatos a latere;

hoc enim opponitur verbis S. Scripturae.

Nos ergo locum hunc ita exponimus. *Masculum et feminam creavit eos*: quia in Adam mulier quoque creata est; non quod iam reipsa esset formata, sed quia, iam decreta in mente Dei, mox condenda erat. Quanquam et recte dicere possumus vere dici creatam

Dicitur tamen: *masculum et feminam creavit eos*, quia in mente Dei decretum

556) Rom 8, 29. 557) 1 Cor 15, 49. Vulg.: *Sicut portavimus imaginem terreni, portemus*, etc. 558) Col 2, 9. 559) Cf. pag. 197, not. 541 huius cp. 560) Gn 2, 21-22. Vulg.: *Et replevit carnem pro ea et aedificavit... in mulierem.* 561) Cf. ibid. vr. 20. 562) Ibid. vr. 23. Vulg.: *Ex ossibus..., quoniam de viro.*

fuerat ut ex
Adam Eva
crearetur,

et ut intelli-
gatur etiam
mulierem ad
imaginem Dei
creatam fuisse.

Vel forte
Moyses
sic loquitur
quasi enun-
tians futuram
mulieris for-
mationem.

mulierem simul, cum in viro iam creato quodammodo contineretur, de cuius carne et ossibus producenda erat. Ergo possumus id cum D. Basilio⁵⁶³ exponere, ut id, quod dicitur, ad imaginem Dei referatur. Cum enim dixisset: *Ad imaginem Dei creavit illum*, ne putaremus virum tantum ad Dei imaginem et similitudinem esse formatum, statim subdidit: *Masculum et feminam creavit eos*. Siquidem et femina ad imaginem Dei creata est secundum mentem, et in Christo similiter; quoniam in illo, ut Apostolus ait⁵⁶⁴, *non est mas neque femina*, idest non est haec distinctio, ita ut mas acceptetur femina autem repudietur: nam et ipsa ad imaginem Dei est. Nec tamen inficior posse dici hic, Moysen per anticipationem posuisse formationem mulieris, expositurus mox divinam benedictionem in genus humanum multiplicandum et adaugendum; id autem per maris ac feminae coniugium futurum erat; ac propterea formationem mulieris praeoccupans, eius mox formandae meminit, postea formationis ordinem explanaturus.

Vr. 28 *Et benedixit⁵⁶⁵ illis Deus et dixit: Crescite et multiplicamini et replete terram et subiicite eam et dominamini piscibus maris et volatilibus coeli et universis animantibus, quae moventur super terram.*

Littera Hebraica habet: *Fructificate et multiplicamini*: sensus idem est, ut supra diximus⁵⁶⁶. *Et subiicite eam*: וְכַבְּשָׁהּ.

Crescite et mul-
tiplicamini,
etc.

Interpretatio
huius loci iuxta aliquos
Hebraeos.

Rabbinus Salomon inquit⁵⁶⁷ quod « deficit וְ, ad docendum quod vir subiicit mulierem, et quod non erit egrediens⁵⁶⁸; et adhuc ad docendum quod vir est qui dirigitur ad subiiciendum praecepto super fructificatione et multiplicatione, et non mulier ». Rabbinus Aben Ezra inquit⁵⁶⁹, quod « dictio: פָּרוּ וּרְבוּ: *fructificate et multiplicamini*, non potest exponere quod sit in homine benedictio, sicut in creaturis aquarum: sed est praeceptum, quod transtulerunt antiqui — וְ, memoria eorum in benedictione, — et posuerunt hunc versum memoriale ad dicendum ».

Nos tamen locum hunc ita exponimus. *Et benedixit illis Deus*

563) *De Hominis Structura, Orat. 1, (P. G. 30, 34-35).*

Vulg.: *Benedixitque... et ait*, etc.

566) Cf. supra pag. 184.

564) Gal 3, 28.

565) Vr. 28.

567) Op. cit. f. 3^a.

568) Verbum: נָצַח, *egredi*, significat etiam *producere, edere*, etc. Cf. Io. Buxtorfius *Lexicon Hebr.* sub hac voce. Hoc sensu sumitur hic a Rab. Salomone ad indicandum opus generationis, in quo vir est agens principalis, non mulier, et ideo vir, non mulier, *est egrediens*. Cf. etiam Maimonides *More Nebuchim*, part. 1, cp. 23, pag. 28.

569) Op. cit. f. 3^a.

et dixit: Crescite et multiplicamini. Consistit haec benedictio primo quidem ac praecipue in acceptione virtutis ad propagandum, ut species multiplicaretur humana in subsistentiarum numero, ne prima ac nobilissima specierum deficeret. Nam, etsi homine non peccante, potuisset in primis illis geminis naturae humanae suppositis ipsa perpes fieri; et aeternos cum creaverit illos Deus, etsi natura mortales, ut non mori tamen potuissent, nec fuisset ad speciei conservationem necessaria ad propagandum virtus; fuisset tamen propagatio ad Dei gloriam, ut multis communicaretur ea natura praelectis a Deo ad gratiam et gloriam consequendam. Unde iam primi illi homines a Deo benedicti [fuerunt] et maximorum iam copia donorum dotati a suae formationis initio, in optimis quibusque bonis, tum naturae tum gratiae: et propagaturi erant, iique, qui ex eis nascerentur, tantorum erant donorum benedictionem accepturi, earundemque benedictionum futuri participes, cum nullum obstitisset peccatum.

His verbis clare innuitur Deum dedisse Adae virtutem ad propagandum genus humanum.

Si Adam non peccasset, species humana pariter propagata fuisset ad Dei gloriam, cum omnibus tum naturae tum gratiae donis.

Quo in loco notandum est matrimonium fuisse factum sacramentum, quia benedictum a Deo; ut consequenter intelligamus fuisse gratiam datam ad sobolem Deo procreandam decenter, ut qui inde venirent, sanctificati prodirent. At vero post hominis lapsum, necessaria omnino propagandi virtus fuit, ne humana species omnino deficeret, cum ob peccatum homo necessitatem incurrerit moriendi.

Haec benedictio significare videtur institutionem sacramenti Matrimonii ad conferendam gratiam.

Non inficior benedictionem hanc etiam in iustitiae originalis et gratiae largitione ceterarumque omnium virtutum, cum moralium et cardinalium, tum etiam theologalium, necnon et aliorum quorumlibet gratuitorum condonatione donorum, quibus vel maxime fuerunt primi homines a benignissimo Deo ditati et exornati, posse intelligi. Sed, ut iam diximus principio, vel maxime in procreativae virtutis largitione consistit, propter id quod sequitur: *Crescite et multiplicamini et replete terram et subiicite eam.* Replenda siquidem propagatis hominibus terra erat, quibus dicitur, ut eam subiiciant colendo eam, fructusque ab ea quasi debitos exigendo.

Sed maxime significat largitionem procreativae virtutis ad replendam terram hominibus.

Hebraei ex hoc loco eos, qui ex chisticolis *semetipsos propter regnum coelorum castraverunt* ⁵⁷⁰ caelibem vitam ducentes, redar-

Ex his verbis iniuste Hebraei et hae-

retici redar-
guunt christia-
nos caelibem
vitam du-
centes.

guunt ⁵⁷¹, asserentes divinum eos violare praeceptum, cum his verbis coniugium homini praecipitur; et haeretici ⁵⁷² ex hoc loco vehementer exultant in sui perditionem, coenobitas carpentes. At profecto locum hunc frustra obiciunt; quoniam in his verbis: *Crescite et multiplicamini*, vel non est praeceptum, sed solum concessio facultatis et benedictio in eo opere approbando; aut si praeceptum sit, quod non abnuo confiteri, praeceptum est pro tempore, ab initio, cum esset terra hominibus vacua; nunc vero repleta iam nimis est. Addo non esse praeceptum hoc singulis, sed universis; quod satis quidem perficitur cum a multis servatur. Sic enim dicitur: *Et subiicite eam*, nimirum terram colendo, et tamen non obligantur ad hoc singuli.

Vrr. 29-30

Dixitque Deus: Ecce dedi vobis omnem herbam afferentem semen super terram et universa ligna quae habent in semetipsis sementem generis sui, ut sint vobis in escam et cunctis animantibus terrae omnique volucris coeli et universis, quae moventur in terra et in quibus est anima vivens, ut habeant ad vescendum. Et factum est ita.

*Ecce dedi vo-
bis omnem her-
bam, etc.
Expositio
huius loci
iuxta Rab.
Salomonem*

Rabbīnus Salomōn inquit ⁵⁷³ hic, quod « adaequavit eos iumentis et bestiis in cibo, et non dedit licentiam Adam et uxori eius ad blandiendum creationi, seu pinguedini, ad comedendum carnem: sed omne olus herbae comederunt simul omnes. Et quando quieverunt filii Noe, fecit eis licitam carnem, sicut dicitur: *Et omne, quod movetur et vivit, erit vobis in escam* ⁵⁷⁴: quasi olera herbarum, quae licita feci in primis hominibus, *dedi vobis omnia* ».

et Aben
Ezram.

Rabbīnus Aben Ezra et ipse hic idem sentit ⁵⁷⁵. Ait enim quod « licitum fecit filiis hominum ex omni, in quo est anima vivens, comedere, omnem herbam et omnem fructum ligni licitum fecit homini, et herbam olerum bestiis et omni reptili: et usque huc non fecit eis licitam carnem usque post diluvium ».

*His verbis
Deus assigna-
vit homini et
animantibus*

Nos ita exponimus. Cum prius hominem propagativa virtute munierit ad speciei conservationem, nunc hominum generi, sicut et ceteris animantibus, praestituit certum cibum de fructibus terrae, quos comederent, cum quibus et vitam servarent. Nec tamen putan-

571) Cf. Aben Ezra not. 569 huius cp.

572) Ex. g. Wicleffitae et Lutherani. Cf. G. Her-
genröther *Storia Universale della Chiesa, Evo Medio*, lib. 3, part. 2, cp. 7, vol. 5, pag. 192;
Epoca Terza, lib. 1, part. 1, cp. 2, vol. 6, pag. 43 sqq.

573) Op. cit. f. 3^o.

574) Gn 9, 3. Vulg.: *In cibum, loco: In escam.*

575) Op. cit. f. 3^o.

dum est eosdem terrae fructus homini assignatos, qui et reliquis animantibus; sed provisum homini de nobilioribus esse: viliores autem herbas et fructus animalibus derelictos. Hoc perspicue Hebraica Littera videtur astruere. Sic enim habet: *Ecce dedi vobis omnem herbam seminificantem semen super faciem universae terrae et omne lignum, in quo est fructus, lignum seminificans semen erit vobis in escam. Omni autem bestiae terrae et omni volatili coeli et omni reptili terrae, in quo est anima vivens, erit omnis viriditas, seu olus herbae in escam.* Plane videtur assignare hominibus et bestiis distincta ciborum genera, quibus vescebatur homo et cetera animalia. Usus enim carnum non indulsit Deus homini ante diluvium, sicut Sancti Doctores⁵⁷⁶ omnes affirmant, et Hebraei⁵⁷⁷ etiam idipsum affirmant. Sed post diluvium concessus est homini carnum esus, dicente Domino: *Omnes pisces maris manui vestrae traditi sunt. Et omne, quod movetur et vivit, erit vobis in cibum: quasi olera virentia tradidi vobis omnia.*

suum cibum de fructibus terrae, reservans homini nobiliores.

Ante diluvium esus carnum concessus non fuerat.

Vr. 31 *Et vidit Deus cuncta quae fecerat, et erant valde bona. Et factum est vespere et mane, dies sextus: יום הששי.*

Inquit Rabbīnus Salomō quod⁵⁷⁸ « additur littera ה⁵⁷⁹ in sexto die, dum perficeret opus בראשית, ad dicendum quod pactus est cum eis hac conditione, quod recipiat super se Israel quinque partes legis », seu *Pentateuchum*. « Verbum aliud, seu expositio: יום הששי: omnia pendent et stant usque ad diem sextum; est ך ad designandum locum ad expectandum legem ».

Dies sextus. Interpretatio huius loci iuxta Rab. Salomonem et Aben Ezra.

Rabbīnus Aben Ezra aliter⁵⁸⁰ sentit. Ait enim: « Sunt dicentes quod יום coniunctum est, et sensus sive ratio est ad circuendum הששי, sex; et sic: יום השביעי⁵⁸¹, dies septimus. Et non est hoc verum. Et habet dies sextus, iuxta opinionem virorum, felicitatum approbationem ». Sed expositio eius est: « Dies,

576) Cf. Origenes *Hom. 1 in Gen.*, (P. G. 12, 159); S. Basilius *De Hominis Structura*, Orat. 2, ibid. 30, 46; S. Io. Chrysostomus *Hom. 27 in Gen.*, ibid. 53, 245-246; Theodoretus *Quaest. in Gen.*, *Interr. 39*, ibid. 80, 139; *Interr. 55*, ibid. col. 158-159; S. Hieronymus *Adversus Iovinianum*, lib. 1, (P. L. 23, 216); Strabus *Glossa Ord. in Gen.*, ibid. 113, 111, Angelomus *Comment. in Gen.*, ibid. 115, 161; Guilbertus *Moralla in Gen.*, lib. 1. ibid. 156, 58; Abaelardus *Exposit. in Hexaem.*, ibid. 178, 764-765. 577) Cf. *Talmud Babyl. Sanhedrin*, f. 59^b; Ginzberg op. cit. V, pag. 93, not. 56. 578) Op. cit. f. 3^b. 579) Ms.: He, et infra: Bereshit, Vau.

580) Op. cit. f. 3^b. 581) Idest coniunctum est cum ה, quod non invenitur in aliis diebus hic enumeratis, nisi in sequenti die septimo: השביעי, ut in cp. 2, 2.

qui est sextus [respective] ad diem primum, et sic dies septimus. Et sic invenitur etiam: *vir* **הַיִּשְׂרָאֵלִי**⁵⁸², *israelita*, et multa similia; quemadmodum etiam: *firmamentum* **הַשָּׁמַיִם**, *coeli*, idest firmamentum, quod est coeli ».

Ultima hac benedictione, potius quam singula opera, universitas rerum commendatur.

Nos autem, ista praetermittentes, hunc locum ita exponimus. *Vidit Deus cuncta quae fecerat, et erant valde bona, vel bonum valde, ut Littera Hebraica habet. Hic autem universitatem operum, magis quam singula per se commendat Deus. Etenim singula per se natura bona sunt; at simul omnia, prout universum ipsum constituunt, quodammodo unum et valde bonum sunt, idest optimum propter admirabilem ordinem universi. Et factum est vespere et mane, dies sextus : dies sextus a prima die, coelo iam sexies in orbem revoluta.*

CAPUT SECUNDUM

Vrr. 1-3 *Igitur perfecti sunt coeli et terra et omnis ornatus eorum. Complevitque Deus die septimo opus suum, quod fecerat et requievit die septimo ab universo opere quod patrarat. Et benedixit diei septimo et sanctificavit illum, quia in ipso cessaverat ab omni opere suo, quod creavit Deus ut faceret.*

Perfecti sunt coeli et terra, etc.

Expositio huius loci iuxta Rabbinos hebraeos

Aben Ezram

Rabbinus Aben Ezra inquit¹ quod « **וַיִּכְלֶן** est de coniugatione, quae dicta est nomine puhāl, et **וַיִּשְׁקֶלּוּ**, ponderati sunt, et **וַיִּכְסּוּ**, operati sunt omnes montes²; et sensus eius est: **נִשְׁלַמוּ**, completi, vel perfecti sunt, et mare in universa terra, quia est quasi una collectio³. *Et complevit Deus in die septimo. Sunt dicentes quod dies creati sunt, et in creatione diei septimi perfectum est opus: et est haec expositio insipida seu insulsa. Et sunt dicentes quod est **כִּי**⁴, quia sensus eius est: ante: quemadmodum: Non obturabis bovem dum triturat ipse⁵. Verumtamen dies, in quo primo quie-*

582) Lv 24, 10, ubi invenitur **ה** quod necessarium non erat, sed ponitur ad meliorem indicationem. He enim, quod hic praeservit voci: **הַשָּׁשִׁי**, est He emphaticum et demonstrativum, quod Hebraei vocant: **הַיְדִיעָה**, idest He notificationis, seu demonstrationis.

1) Op. cit. f. 3^b. 2) Gn 7, 10. 3) Idest: cum aquae a terra adhuc divisae et segregatae non essent, unum corpus formabant: una collectio. 4) Ms.: Beth. 5) Dt 25, 4. Vulg.: Non ligabis os bovi terenti.

vit, relinquitur; et quomodo hoc formavit et perfecit opus? Non est opus, sicut hoc dictum est, non fecit opus. Et ita expositio est: ויכל, idest: ויישבת, et cessavit, et est sensus: ab opere suo, quod fecit in die sexto, ante diem septimum. Et sensus est: et cessavit in die septimo ab omni opere suo ex omnibus creaturis, quas creavit ». Rabbīnus Salomon super hoc ⁶ adducit expositionem Rabbīni Simeonis, qui dixit quod « caro et sanguis, idest homo, non cognoscit tempus suum et momentum suum, sive punctum, necesse est addere de quotidiano super sanctum Dei benedicti, qui cognoscit tempus eius et punctum eius, in quo ingreditur ut filum pili, et videtur sicut haec perfecit in die, etc. אָן, expositio alia, quod mundus fuit deficiens a quiete futura, sabbatum futurum a quiete perficit et consummatur opus ⁷ ».

Nos autem ita locum hunc exponimus. *Igitur perfecti sunt coeli et ... omnis ornatus eorum*, vel, ut Littera Hebraica habet, *et consummati sunt*, seu *completi coeli et omnis exercitus eorum*. Epilogus ac compendium quoddam id est omnium, [quae] sex iam praemissis diebus facta sunt, suorumque ornatuum, qui per *exercitus* insinuantur. *Et complevit Deus die septimo opus suum, quod fecerat*. Is loci huius videtur esse sensus, ut die septimo fecerit Deus aliquod opus, quo facto, completa iam essent omnia conditionis opera. Sic enim D. Hieronymus ait ⁸ hic: « Pro die sexta – וְ⁹ enim habebat antiqua translatio, – diem septimam in hebraeo habet. Arctabimus ergo Iudaeos, qui de otio sabbati gloriantur, quod iam tunc in principio sabbatum dissolutum sit, dum Deus operatur in sabbato, complens opera sua in eo ». Mulierem nonnulli ¹⁰ in die septima ex viri costa formatam asserunt, quoniam in operibus sex dierum eius formationis series non exaratur; sed post septimae diei

Verba haec insinuare videntur Deum aliquid fecisse die septimo, ad complendum opus creationis;

id etiam sentit D. Hieronymus.

Non est admittenda sententia asserens die septima

6) Op. cit. f. 3^b. 7) Idest: Homo mortalis (qui formatus est carne et sanguine) addere debet de communi die ad sacrum; sabbatum enim, *dies sacra*, incipit dum adhuc dies profanus est, idest ab occasu solis feriae sextae; Deus autem, cum tempora et momenta exacte cognoscat, in eo ipso die: בֵּר בֵּינָם, eo ipso momento quo sabbatum intravit, opus suum perficit cum, iuxta computum humanum, sabbatum incepit, idest vespere feriae sextae. Alia expositio: Mundo deerat quies, cum nondum sabbatum intrasset, quia creatio nondum perfecta erat; sabbatum intravit et quies venit, et ita consummatum fuit opus Dei. 8) Hebraic. *Quaest. in Gen.*, (P. L. 23, 940). 9) Ms.: *Sim.* 10) Cf. Origenes *Hom. 1 in Gen.*, (P. G. 12, 158); S. Io. Chrysostomus *Hom. 10 in Gen.*, ibid. 53, 86; S. Gregorius M. *Moralium*, lib. 32, cp. 12, (P. L. 76, 645); S. Thomas *S. Theolog.*, 1^a, q. 73, a. 1, ad 3; Pererius *Comment. in Gen.*, lib. 1, vol. 1, pag. 173.

formatam
esse mulierem.

praemissum adventum. Alii ¹¹ vero ipsum septimum diem fecisse et in eius factura opus suum complesse intelligunt: quod, eo facto, mensuram iam et numerum perfecit dierum, quorum circuitu omnia saecula volvuntur.

Complevit
Deus die
septimo, etc.
Intelligendum
est die septi-
mo Deum
complevisse
opus suum,
quia operibus
iam factis
nullum aliud
addidit.

Mihi vero ea magis probatur sententia, ut dicatur Deus septima die opus suum complesse, quia operibus iam factis in praemissis diebus opera nulla nova addidit, cum tamen posset multa addere: sed complevit sua opera, quia non addidit nova, ut sit hoc idem cum eo, quod sequitur: *Et requievit die septimo ab universo opere, quod patrarat*. Quid est: *Requievit*? Nunquid operando lassus est? Sed requievit, quia novam creaturam facere cessavit. Requiescere enim cessare dicitur, ut in *Apocalypsi* legimus ¹²: *Requiem non habebant dicentia: Sanctus, Sanctus, Sanctus*, idest dicere non cessabant. *Requievit* ergo, quia ultra nova non condidit, et nova creaturarum genera his, quae facta iam erant, non adiunxit. Quaecumque enim postea facta sunt, iam in suis generibus ab initio factis praecesserant, in quibus et facta sunt. Usque nunc tamen operatur administrationem eorundem generum, quae tunc instituta sunt. Creatoris enim virtus causa subsistendi est creaturae. Unde Salvator ait: *Pater... usque modo operatur et ego operor* ¹³, universae creaturae continuam administrationem ostendens. Die ergo septima *requievit*, ut novam creaturam non conderet, et *usque modo operatur*, ut, quod condidit, continere et gubernare non cesset.

Deus usque
modo operatur
res creatas
conservans et
gubernans.

Et benedixit
diei septimo,
etc.

Expositio
huius loci iuxta
Rab. Salomonem.

Et benedixit diei septimo et sanctificavit illum, quia in ipso cessaverat ab omni opere suo, quod creavit ut faceret. Rabbīnus Salomon ¹⁴: «Benedixit eum in manna, quia omnibus diebus septimanae descendebat eis unum *homer per singula capita* ¹⁵, et in sexto panis duplicabatur; et sanctificavit eum in manna, quae non descendebat omnino. Et versus scriptus est super futuro». Rabbīnus Aben Ezra exponit ¹⁶: «Bene-

11) Cf. Theodoretus *Quaest. in Gen.*, *Interr.* 21, (P. G. 80, 118-119); Procopius *Comment. in Gen.*, *ibid.* 87, 142; S. Augustinus *De Genesi ad Litteram*, lib. 4, cp. 20, (P. L. 34, 311); S. Beda *Comment. in Pentat.*, *ibid.* 91, 202-203; Rabanus Maurus *Comment. in Gen.*, lib. 1, *ibid.* 107, 464; Angelomus *Comment. in Gen.*, *ibid.* 115, 125; Remigius *Comment. in Gen.*, *ibid.* 131, 57-58; S. Bruno *Exposit. in Gen.*, *ibid.* 164, 160; Philo Iudaeus *De Mundi Opificio*, t. 1, pag. 18. 12) 4, 8. 13) Io 5, 17. 14) Op. cit. f. 3^a. 15) Ex 16, 16 sqq. 16) Op. cit. f. 4^a.

dictio addit bonitatem, et in die isto renovabitur in corporibus similitudo virtutis in generatione et in animalibus virtus magnae admirationis et intellectus; et sanctificavit eum, ut non fiat opus in eo ». Illud vero, quod sequitur, ita exponit : « *Quae creavit Deus ut faceret*, radices in omnibus speciebus, in quibus posuit virtutem ad faciendum simile; et expositio לעשות, ut faceret, pro עשה, fecit, etiam fecit pro creavit, non est ita, iuxta opinionem meam. Et dixit Gaon quod benedictio diei et sanctificatio eius convertitur ad custodientes, qui sunt benedicti et sanctificati ». Rabbinus vero Salomon inquit¹⁷ quod « opus, quod erat visum ad faciendum in sabbato, duplicavit et fecit in sexta die, sicut exponitur in *Bereshit Rabba* »¹⁸.

Secundum Rab. Aben Ezram hac benedictione Deus contulit creaturis virtutem reproductivam.

Nos tamen locum istum ita exponimus. *Benedixit Deus et sanctificavit*. Circa tempus benedictio ac sanctificatio ista consistit idque videtur habere momenti, ut eo in tempore, idest die septima, quam sabbatum dicimus, Deus praecipue maximeque coli ac sanctificari voluerit, diemque hunc septimum ad divina obsequia applicarit, iusseritque sanctum haberi totumque cultui divino sacratum, et ab omnibus profanis operibus remotissimum vel contrariis divino cultui vel extraneis, qualia sunt cuncta opera quae in hominum fiunt aut voluptatem, aut commodum atque servitium; sed sanctificaret homo diem hunc Deum colendo, qui fide, spe et caritate maxime colitur, operareturque in eo opera Dei, ut tandem aliquando vero sabbato potiatur.

Verius tamen dicendum his verbis significari diem septimum cultui et obsequio divino applicatum esse.

Sed quid illud est: *Quod creavit Deus ut faceret*? Nonnulli referunt¹⁹ illud ut faceret, non ad Deum, sed ad opus Dei, ut creaverit Deus opus suum et hominem vel maxime ad operandum, tanquam ad finem, ut non sit creatura otiosa. Alii ad Deum referunt²⁰, quod creavit Deus ut faceret, quia complacuit sibi Deus in opere suo; vel quia duo sunt praecipua Dei opera: creatio et recreatio; illud ponitur ad distinguendum hoc opus creationis ab opere recreationis;

Quod creavit Deus, etc. Alii tenent his verbis creaturarum otiositatem reprobari; alii vero opus creationis ab opere recreationis distingui.

17) Ibid. 18) Ibid. *Bereshit Rabba*, XI, 9, pag. 96; Ginzberg op. cit. V, pag. 107, not. 3.
19) Cf. Caletanus, apud Pererium *Comment. in Gen.*, lib. 1, t. 1, pag. 179-180; Fagius, col. 60-61; Clarius, col. 82. 20) Cf. S. Augustinus *De Genesi ad Litteram*, lib. 4, cp. 10, (P. L. 34, 303); cp. 16, ibid. col. 306-307; Rabanus Maurus *Comment. in Gen.*, lib. 1, cp. 9, ibid. 107, 303; cp. 16, ibid. col. 306-307; Rupertus *De Trinitate*, etc. *In Gen.*, lib. 2, 475; Strabus *Glossa Ord. in Gen.*, ibid. 113, 83; Rupertus *De Trinitate*, etc. *In Gen.*, lib. 2, cp. 18, ibid. 167, 263; Drusus, col. 88, Cartwrightus, col. 107.

Rectius tamen referri videntur ad Verbum, in quo omnia creata fuerunt.

et sic quod creavit Deus ut faceret, idest quod creavit faciens, non reficiens. Mihi vero maxime probatur ut, quod dicitur: *creavit*, referatur ad Verbum, in quo disposuit Deus omnia, in quo *erant* omnia et creata sunt²¹; illud vero ut faceret, referatur ad opus operatum ad extra in sex diebus creationis.

Vrr. 4-5

Istae sunt generationes coeli et terrae, quando creatae sunt, in die qua creavit Dominus Deus coelum et terram et omne virgultum agri antequam oriretur in terra, omnemque herbam regionis, antequam²² germinaret.

Istae sunt generationes, etc.
Variae lectiones iuxta Rab. Salomonem.

Rabbinus Salomon locum hunc²³ ita exponit: «*Istae, idest quae dicta sunt supra, generationes coeli et terrae, quando creatae sunt, in die qua fecit Deus, etc.* Docet te quod omnia creata sunt in principio. Expositio alia: *quando creatae sunt*: בהכראם, hoc est: ביה ה צור²⁴ ייה: in die qua creavit ea, sicut dicitur in ביה ה צור²⁴ ייה: Deus formavit duos mundos, in duabus litteris his nominis Dei formavit duos mundos; et docet te quod, quemadmodum mundus iste creatus est in ה²⁵, declarat quod descendit infra ad videndum corruptionem²⁶, sicut הא ista clausa est ex omnibus lateribus et infra aperta ad descendendum viam ibi». Explicat etiam dictionem טרם, et inquit quod «una eius significatio est: עד לא, antequam, et non: קדם, quia non solet dici: הטרם, sicut: הקרים». Adhuc aliam assignat eius significationem: «עדן לא, adhuc non, sicut est illud: כי טרם תיראון²⁷: Priusquam timeretis²⁷, idest: עדן לא תיראון: Adhuc non timebitis. Et sic exponetur hic: Adhuc non fuit in terra, quousque completa est creatio mundi in die sexto, antequam crearetur homo, et omnis herba agri adhuc non germinavit; et quod in tertio scriptum est: Producat terra²⁸, super aperitionem herbae steterunt usque ad sextum diem».

Aben Ezra exponit sic²⁹: «*Istae sunt generationes*: sensus est:

21) Apc 4, 11.

22) Vr. 4. Vulg.: Priusquam, loco: Antequam.

23) Op. cit. f. 4^a.

24) Sic scribit Rab. Salomon; in Ms. autem est: צורי.

25) Cf. Bereshit Rabba, XII, 11,

pag. 108-109, *Faglus*: «Argutantur Hebraei, in hac voce: Cum crearentur, dicentes per duas litteras Jod et He conditos esse duos mundos, praesentem et futurum: quod colligunt ex isto loco Isaiae 26, 4: ביה צור עולמים: Sperate in Domino, quoniam per Iod et He creavit saecula. Atque inferiorem hunc mundum per He litteram creatum dicunt, eo quod sit corruptibilis, quae corruptibilitas significatur per He, quae littera, cum undique clausa sit, infra aperta et corrupta est». Col. 65.

26) Cf. Gn 18, 21.

27) Ex 9, 30. Ex hebraico.

28) Gn 1, 12. Vulg.: Protulit, loco: Producat.

29) Op. cit. f. 4^a.

haec sunt, quae sunt genita, *quando creatae sunt*, cum esset firmamentum et videretur terra. Et dictio: *In die qua fecit*: ביום עשות, est adaptata, et testimonium est: וימהר לעשות אותו: *Et festinavit ad faciendum eum*³⁰; et sic: *creavit eum*, et postea: *formavit eum*, et deinde: *fecit eum*. Et omne שיה, est עץ, lignum, et sic inter germina vocantur; et iuxta opinionem meam est lignum fructiferum: propterea quod praeficitur homo super lignum; et ecce שיה, frutex, seu germen; et נים, folium, seu palea; et סעף, palmes, seu surculus; et בר, linum; et אמיר, ramus superior; et סעף, ramus communis ».

Nos tamen ita exponimus. *Istae sunt generationes coeli et terrae*. Epilogo ac compendio quodam quaecumque supra dicta exarataque sunt, coeli ac terrae generatione comprehendit, ut extremis positis, supremo ac infimo, intermedia etiam, ac demum ea omnia, quae coeli ac terrae ambitu continentur, intelligi utique debeant. Generatio autem hic ipsa intelligenda creatio est, ut denuo subditur: *Quando creatae sunt*, productae ex nihilo infinita opificis virtute: *In die qua creavit*, seu ut est in fonte, *fecit Dominus Deus terram et coelum*. Frequentissimum in Sacra Scriptura est ut singularis vox pluralis loco usurpetur, quod hic quoque factum existimamus, ut *in die* dicat pro *diebus*; nisi forte quis dicat: in primordialibus creaturis, quae prima die suum esse acceperunt: quoniam virtute quadam, quaecumque dierum sequentium successu formata sunt, simul producta concreataque sint et comprehensa in illis, et propterea *in die* dicat, et non *diebus*, *qua fecit Dominus Deus*.

In hoc loco primo omnium sacrum illud ac ineffabile Dei nomen, quod τετραγράμματον graece, שם מפורש³¹ autem hebraice dicitur, יהוה, positum reperimus, nec unquam antea. Cuius quidem rei

Alia expositio
Rab. Aben
Ezrae.

*Istae sunt
generationes,
etc.*

His verbis
exhibetur
compendium
ac epilogus
totius operis
creationis.

Dicitur: *in die*,
loco: *in diebus*,
quia in S.
Scriptura sin-
gularis pro plu-
rali frequen-
tissime sumi-
tur.

Hic primo
Deus appella-
tur Iehovah,
quae est per-

30) Gn 18, 7. Vulg.: *Festinavit et coxit illum*. 31) Cf. Io. Drusius *Tetragrammaton, sive de Nomine Iod, He, Vau, He. Critici Sacri*, t. 1, part. 2, pag. 333-359. *Sem hammephorash*, idest ineffabile dicebatur, quia a solis sacerdotibus pronuntiabatur et non ubique, sed tantum in templo, cum populo benedicerent. Loco eius nominis ab Hebraeis proferebatur: Adonai. Ibid. pag. 338. Io. Buxtorfius: « שם מפורש, idest nomen expositum. Cabalistsae sic vocant nomen tetragrammaton: יהוה; saepius tamen dicitur: הכפורש ». De Abbreviaturis pag. 203. Dicebatur etiam nomen separatum, divisum, occultum, mirabile, declaratum, iuxta varias interpretationes vocis מפורש. Maimonides: « Nomen Dei Schem hammephorasch: Nomen Dei proprium, nomen expositum, quia clare et citra ullam aequivocationem de substantia Creatoris docet... Gloriosum isud nomen quod, ut nosti, non proferre licet nisi in Sanctuario et a sacerdotibus Dei sanctis, solum in benedictione vel sacerdotali, quae habetur Nm 6, 23 sqq., ut a sacerdote magno in die ieiunii ». More Nebuchim, part. 1, cp. 61, pag. 106-107.

fecta Dei ap-
pellatio, quia
iam perfectum
est opus crea-
tionis.

causam Hebraeorum nonnulli hanc afferunt ³² cur hic, nec unquam ante positum sit: ut ibi perfecta sit Dei appellatio, ubi perfectum opus exprimitur. Etenim summum Dei hoc nomen est et maximum et apprime proprium, quod nulli unquam creaturae donatum est. Divinam siquidem essentiam, et quaecumque ad intra divinae naturae competunt, arcano quodam mysterio ac secretissimo mirabiliter explicat, de quo nos, Deo vitam simul et gratiam praestante, super *Exodum* aliquid afferemus in medium.

Coelum et ter-
ram.
Coelum crea-
tum non fuit
prius terra, sed
utraque simul
et unico Dei
verbo.

Coelum et terram. Hebraica Lectio *terram* hic *coelo* praeponit, ne ex quo coelum antea praeposuerit terrae, putaremus illud quidem prius conditum, hanc autem posterius: sed simul semelque creata sunt unico et eo quidem potentissimo Dei verbo, quamvis non possint a nobis simul explicari, sed unum post alterum exprimimus; facta tamen simul cum sint, cum antea coelum praeposuerit terrae, illi nunc hanc simul creatam praeposuit dicto, non facto.

Per virgultum
intelliguntur
omnes herbae
et ligna,
etiam non
fructifera.

Et omne virgultum agri, antequam esset . . . , omnemque herbam, antequam germinaret. Virgultum, hebraice est: שֵׁחַ, quod Chaldaeus Paraphrastes אֵילָנִי, arborem transtulit.

Dicitur: An-
tequam esset,
quia non
existebant
ligna cum ea
Deus crearet;

vel ut signi-
ficetur non
causis natu-
ralibus fuisse
producta, sed
divina virtute.

Rabbinus Aben Ezra ³³ עֵץ פֶּרִי, lignum fructiferum ex-ponit; non incongrue tamen *virgultum* etiam dici potest, nam et *herbam* non raro significat ^{33a}. Sed quidnam illud est, quod dicitur: *Antequam esset*? Quomodo produxit ea Deus *antequam essent*? Eiusmodi dicti duplex potest intellectus assignari; primo quidem: ut cum non essent, iam omnino produxerit ea Deus, et sic produxit ea *antequam essent*, idest quando non erant; alter vero intellectus est: ut fecerit sua omnipotentia Deus virgultum et omnem herbam *antequam essent*, idest ex causis naturalibus, quibus virgultum et omnis herba apta erant ut forent, productaque sunt divina virtute in esse ante suas naturales causas, a quibus naturaliter producenda essent. Oriuntur enim haec communi naturae cursu ex aqueo humore, quo per pluvias superfunditur terra, adiuvante ac disponente hominum agricultura, pollentium industria et arte. Tunc tamen quando producta sunt haec, necdum pluvia fuerat, nec

32) Cf. *Beresht Rabba*, XIII, 3, pag. 115 et loci paralleli.

33a) Cf. Pagnini op. cit. sub vocibus: שֵׁחַ et שֵׁחַ, col. 2889, 2948.

33) Op. cit. f. 4a. Ms.: פֶּרִי.

homo, qui terram coleret. Et hunc intellectum videtur magis Scripturae sensus habere; subditur enim statim has removens causas:

Vr. 6 *Non enim pluerat Dominus Deus super terram, et homo non erat, qui operaretur terram; sed fons ascendebat de terra irrigans universam superficiem terrae.*

Quod nostra Editio fontem habet, a Septuaginta acceptum est; ipsi enim sic habent: Πηγὴ δὲ ἀνέβαινον ἐκ τῆς γῆς: *Fons autem ascendebat de terra.*

Hebraica autem Lectio וָאֵר³⁴ habet, quod est vapor aut nubes.

Chaldaeus quoque Interpres עֲנַנָא^{ט ט}, idest nubes, trans- tulit.

Rabbinus Salomon inquit³⁵ hic qua ratione non pluerat Dominus Deus; «propterea quod non erat homo ad colendum terram, et aestimaret bonitatem corporum; et quando venit homo, cognovit quod ea necessaria erant mundo, et oravit super ea, et descenderunt, et germinaverunt ligna et herbae. ה' אלהים: Dominus Deus: ה', idest יהוה est nomen eius; אלהים est nomen potestatis et iudicii super omnia; et ita expositio haec in omni loco, iuxta simplicitatem eius: Dominus: יהוה, qui est Deus: אלהים ». Et vapor ascendebat. Inquit Rabbinus Salomon³⁶ quod «vapor ascendebat propter creationem hominis; ascendit abyssus et irrigavit nubes ad infundendum pulverem et creatur homo, sicut pistor aliquis, qui dat aquam et postea miscet fragmenta; etiam hic irrigavit et postea formavit ». Rabbinus Aben Ezra inquit³⁷, quod «vapor ascendebat sicut fumus de terra, virtute luminarium et irrigabat terram et germinavit. Et Gaon inquit quod eius expositio est: Et vapor non ascendebat de terra ».

Non enim pluerat, etc.
Variae interpretationes iuxta Rab. Salomonem,

Aben Ezram

et Gaon.

Nos vero ita exponimus, ut cum posuerit Moyses primariam germinum herbarumque omnium productionem, non ex naturalibus causis, sed divina id iubente et efficiente virtute factam, eiusmodi positionem in praesentiarum probet, ostendens naturales fruticum germinumque causas tunc defuisse, quando haec

Ostendit Moyses vegetali- um productionem divina virtute factam, antequam humor aqueus ad eorum generatio-

34) Ms.: וָאֵר,

35) Op. cit. f. 4^a.

36) Ibid.

37) Ibid.

nem concurre- primo auctore Deo facta sunt. Etenim aqueus humor praeci-
ret. puus ac necessarius terrae, nascentium fomes et origo, non erat
cum facta sunt haec. Id patefacit asserens quod adhuc *non*
pluerat Dominus Deus super terram, nec homo erat, qui terram
excoleret; siquidem haec, quae oriuntur ex terra, agricolarum
diligentia et labore plurimum adiuvantur, nec his poterant utique
iuvare cum homo non esset.

Sed et fons, si negative exponatur: alioquin supra positam Moysis destruit
etc. Sensus ne- rationem. Nam si *fons ascendebat et irrigabat universam super-*
gativo acci- *ficiem terrae*, habebat utique terra aqueum humorem, quo posset
pienda sunt productionem
verba haec, divina virtute
factam fuisse,
cum iam
existerent
causae natu-
rales.
secus enim
non conspicitur
primam rerum
productionem
divina virtute
factam fuisse,
cum iam
existerent
causae natu-
rales.

Id vero quod sequitur: *Sed fons ascendebat*, placet admodum
si negative exponatur: alioquin supra positam Moysis destruit
rationem. Nam si *fons ascendebat et irrigabat universam super-*
ficiem terrae, habebat utique terra aqueum humorem, quo posset
germina producere atque fovere; atque ita non defuisset prima
germinum naturalis causa atque origo. Aut si, iuxta Hebrai-
cam Litteram, *vaporem* hic intelligamus, qui ascenderet
et irrigaret *universam superficiem terrae*, quomodo verum est quod
adhuc *non... pluerat Dominus Deus super terram*? Sed si nega-
tive exponatur, cessat utique omnis obiectio constatque solidis-
sima ratio, ut conspicue prima germinum productio Deo sit
auctore exorta, cum causae penitus naturales eorum non essent.
Nam Deus non pluerat, et sic non erat terra aqueo humore infusa;
nec poterat terra agricolarum labore iuvare ad germinandum,
cum homo non esset, qui eam excoleret; nec demum ascendebat
de terra vapor ad modum nubis, qui resolutus in aquam, in
pluviam fieret irrigaretque aridam; nec fons aliquis ascendebat,
qui terram irrigaret.

Vel si acci- At vero ne longius a communi omnium expositione deviemus,
pianantur sensu nec etiam Sancti Prophetarum rationem destruamus, assertive id
affirmativo, quidem exponimus, sed de futuro. Sic enim Hebraica Lit-
referenda t e r a habet: *Et vapor ascendet et irrigabit universam superficiem*
sunt ad futu- *terrae*: ut non referatur hoc ad eorum germinum fruticumque pro-
rum: *Sed et* ductionem, quae tertia die facta est³⁸, sed ad eam, quae postmo-
vapor ascendet, dum virtute naturae fiet. Est ergo sensus Moysis: primaria
etc. virgultorum germinumque productio divina virtute facta est; at
quae postmodum fiet virtute naturae, sic fiet: ascendet vapor,

et resolutus in aquam in coeli nubibus, pluvia fiet et universam terrae superficiem irrigabit; terram humore aqueo infundens, ipsam fecundabit.

Vr. 7 *Formavit igitur Dominus Deus hominem de limo terrae et inspiravit in faciem eius spiraculum vitae, et factus est homo in animam viventem.*

In Hebraeo: *Finxit igitur Dominus Deus hominem pulverem de terra et insufflavit in faciem sive nares eius spiritum vitarum, et fuit homo in animam viventem.*

Chaldaeus Paraphrastes vertit: *Creavit Dominus Deus hominem pulverem de terra, et factus est homo in spiritum locutionis*: ut ostenderet factum esse hominem in animam viventem, vita rationali et intellectiva; solis enim intellectu praeditis competit loqui.

Rabbīnus Salomon in verbo: **וַיִּצַר**, inquit³⁹ « significare duas formationes: formationem huius saeculi, et formationem resurrectionis mortuorum; sed in iumento, quod non resurgit ad iudicium, non scribuntur in eius formatione duo⁴⁰ ». *Pulverem de terra*: inquit quod « collegit pulverem eius ex omni terra, a quattuor ventis, quia omnis locus, ubi moritur homo, est eius retentio pro sepultura. Expositio alia: tulit pulverem eius de loco, quod dicitur in eo: *Altare terrae facies mihi*⁴¹; et adiunxit illi operimentum, et potuit stare. *Et inspiravit in faciem eius*; et fecit eum ex inferioribus et superioribus: corpus ex inferioribus, et animam ex superioribus. Iuxta quod in prima die, creati sunt coeli et terra; in secunda, creavit firmamentum, pro superioribus; in tertia, apparuit arida, pro inferioribus; in quarta, creavit luminaria pro superioribus; in quinta, produxerunt aquae, pro inferioribus; coniunxit in sexta creationes in superioribus et inferioribus. Et non est invidia in operibus creationis, quia erunt haec multa super ea, quae sunt in creatione diei primae⁴². *In animam viventem*: et iumentum et bestia vocantur *animal vivens*; veruntamen haec hominis vita, quae est in omnibus, adiungit in eo scientiam et rationem ».

Formavit igitur, etc.

Interpretatio huius loci iuxta Rab. Salomonem, qui ait pulverem ad formationem hominis collectam fuisse ex quattuor partibus terrae,

39) Op. cit. f. 4^a.

40) Ms.: Jod.

41) Ex 20, 24. Ex hebraico.

42) *Et non est invidia in operibus creationis*, idest nulla creatura praefertur ceteris, quia omnes simul prima die creatae fuerunt. Cf. supra pag. 174, not. 435 cp. 1; et pag. 208, not. 25 huius cp.

et
Aben Ezra,
qui tenet
locum, ubi
Adam
formatus
fuit, propin-
quum fuisse
horto Eden.

Discrimen in-
ter animam
sensitivam,
rationalem et
vim irascibili-
lem, secundum
aliquos He-
braeos.

Formavit igi-
tur, etc.
Haec verba
significant
Deum imme-
diate pla-
smasse corpus
hominis, quia
hoc loquendi
modo tantum
in hominis
creatione
S. Scriptura
utitur.

Aben Ezra inquit ⁴³, quod «sensus: *Inspiravit in nares eius*, est quia in ipsis vivit homo, quoniam ipsi educunt aerem calidum a calore cordis et introducunt alium aerem; et sensus: *In animam viventem*, est quod ambulavit statim, sicut bestiae et non sicut infantes ». Inquit etiam hic doctor ⁴⁴ locum terrae, de qua creatus est homo, propinquum esse horto Eden, quia sunt qui dicunt terram illam fuisse terram Israel; et ecce obliti sunt: *Et factum est, cum proficiscerentur ab oriente* ⁴⁵. Hebraeorum nonnulli ⁴⁶ hoc ponunt discrimen inter נשמה, et רוח, et נפש; quod primum quidem, anima sit sensibilis et rationalis ⁴⁷, et locum habet in מוח, idest cerebro, significat etiam flatum; secundum vero, est spiritus habens sedem in corde ⁴⁸, quod est origo vitae, complectiturque רכעס, idest vim irascibilem; tertium vero, sit anima sive vis מתאור, idest concupiscibilis ⁴⁹, situm habens in ככר, idest iecore.

Nos vero ita exponimus. *Formavit igitur Dominus Deus hominem de limo terrae*, sive pulverem de terra, iuxta id quod infra dicitur: *Pulvis es et in pulverem reverteris* ⁵⁰. Corpus hominis hic Deum formasse vel, ut significantius dixerim, finxisse intelligimus; more etenim figuli ex argilla quodvis figmentum formantis, omnium artifex Deus humanum corpus de limo formavit, singulare ac nobile figmentum, quod divina manu effinctum est. Siquidem de nulla alia creatura habetur expressum eius formationi Deum astitisse; dictum quippe in aliis est: *Producat terra* ⁵¹, *producant aquae* ⁵², *fiat firmamentum* ⁵³, *fiat lux* ⁵⁴, *fiant luminaria* ⁵⁵. Hominis autem corpus Dei manu effinctum atque plasmatum Divina testantur Eloquia: *Formavit, inquit, Deus hominem*. Unde merito exclamabat B. Iob, dicens ⁵⁶: *Manus tuae, Domine, fecerunt me et plasmaverunt me*; et David Sanctus identidem asseverabat ⁵⁷: *Manus tuae fecerunt me et plasmaverunt me*.

Nil tamen dubitarim non omnino Deum per semetipsum, nulla Poterat utique alia causa prorsus mediante, corpus hominis formasse: sed ange-

43) Op. cit. f. 4^a.

44) Ibid. ad vr. 15 hulus ep. f. 4^a.

45) Gn 11, 2. Ex hebraico. נשם, col. 1715.

47) Cf. Gn 2, 7; Iob 32, 8; 34, 14; Eccle 3, 21.

48) Cf. Gn 6, 17; 7, 15.

49) Cf.

ibid. 9, 5; 23, 8; 35, 18.

50) Ibid. 3, 19.

51) Ibid. 1, 24.

52) Ibid. vr. 20.

53) Ibid. vr. 6.

54) Ibid. vr. 3.

55) Ibid. vr. 14.

56) 10, 8.

57) Ps 118, 73,

lorum etiam ministerio usum esse. Nam quid prohibet aliqua suo ministerio operatos esse angelos, ad quae eorum se virtus et ars extendebat? Siquidem in novissima hominum resurrectione, angelorum ministerio utetur Deus ad hominum corpora reformanda⁵⁸; ipsi siquidem cineres colligent corporaque formabunt. Nec dubium apud me est ullum, quin et ipsi angeli plurimum desideraverint hominis creationem adiuvere, quo maiori nos amore prosequerentur et vigilantius, tanquam opus suum ex parte, custodirent.

Deus ministerio angelorum uti in formatione corporis humani.

Et inspiravit in faciem eius spiraculum vitae, seu spiritum vitarum, iuxta Litteram Hebraicam. Corpus exanime primum Deus condidit, quo mox formato, animam hominis creavit simulque infudit corpori. Non enim de potentia materiae ipsa quoquo pacto educitur, nec potest utique educi: sed a Deo immediate per creationem efficitur simulque infunditur, tanquam forma hominis substantialis actusque corporis naturalis. Nec tamen ipsum informans corpus, ad corporis molem extenditur; non enim quantitate molis mensurari potest, cum spiritus sit; sed ubique tota indivisa impartibilisque manet, tota in toto ac tota in singulis partibus totius.

Et inspiravit, ect.

In corpus de terra formatum Deus infundit animam a se immediate creatam, tanquam formam substantialem et actum ipsius corporis.

Sed quid illud est: *Spiritus vitarum*? Quoniam vivit utique homo vita plantarum, qua vegetantur artus et membra; vivit vita sensus, qua sensibilia quaeque percipit, sive [quae] extrinsecus sive quae intrinsecus recipiuntur; vita⁵⁹ etiam secundum locum motiva progressivaque vivit, qua sibi necessaria perquirat ad vitam; vivit demum vita rationali et arte, qua a brutis discernitur praestatque universis. Sed has omnes vitas unus efficit homini a Deo spiritus insufflatus; non enim quattuor sunt in homine animae hos exequentes effectus, sed unius tantum animae virtutes sunt et potestates. Quod enim in plantis est anima, in homine potestas animae, non anima est; et quod in brutis pariter anima est, in homine potestas ac virtus animae est. Animae itaque plantarum et animalium, vegetativa, sensitiva et secundum locum motiva, in hominis anima virtute ac potestate continentur, sicut trigonum in tetragono; hoc est, hominis anima virtutem habet ac potestatem eos omnes pro-

Dicitur: *Spiritus vitarum*, quia in una anima rationali continentur virtualiter etiam anima sensitiva brutorum et vegetativa plantarum.

58) Cf. Mt 13, 41; 24, 31.

59) Ms.: *Vivita*.

ducendi causandique effectus in homine, quos vegetativa in plantis, sensitiva et secundum locum motiva in animalibus, una existens anima harum omnium virtutes complectitur nobiliter et excellentius, ac propterea dicitur: *Insufflavit . . . spiritum vitarum*.

Sed *in faciem* dicitur insufflasse Deus hunc spiritum, quia in

In faciem eius,
etc.
Sic dicitur
quia in facie
inveniuntur
omnes sensus;

facie sensus omnes percipiuntur vigere indeque perspicitur ratio et intellectus, in qua etiam interni affectus propalantur. Verum enimvero quia hominis una, praecipua ac prima vita est, qua ratione arteque vivit et quae homini propria est, propterea adiungitur: *Factus est homo in animam viventem*, seu in animam vitae, scientia scilicet, arte et ratione pollentis. Prius dixit: *vitarum*: nunc autem *vitae*; ut illa solum vita, quae est ab intelligentia rerum, significaretur; et propterea Chaldaeus Paraphrastes vertit: *In spiritum locutionis*, sive loquentem: sermo enim et eloquium proprie ad rationalem et intellectualem creaturam pertinet; vel: *Factus est homo in animam viventem*, idest *in animal vivens*: recepto etenim spiritu in exanime corpus iam finctum, factus est homo vivens animal. Nam nec corpus animal est, nec anima; sed ex anima simul et corpore, tanquam informante et informabili, constat rationale hoc animal homo. *Factus est itaque homo*, ut primum anima infusa est corpori, *in animam viventem*, hoc est *in animal vivens*; nam et *anima* pro toto composito frequentissime in Sacra Scriptura sumi consuevit⁶⁰.

*In animam
viventem,*
ad significan-
dam vitam
intellectivam.

Formavit⁶¹ igitur Dominus Deus hominem de limo terrae et inspi-

De humanae
naturae condi-
tione quoad
corpus, quoad
animam et
quoad totum
compositum.

ravit in faciem eius spiraculum vitae, et factus est homo in animam viventem. Admirabilis humanae⁶² naturae conditio hic nobis attentius ac maiori cum discussione consideranda⁶³ est, tum quoad corporis formationem et structuram, tum quoad animae multiplices potentias, vires, facultates et operum functiones, tum quoad totius ex his compositi rationem, quo conspici possit quam admirabile Dei opus homo sit. In hoc autem ea nobis series servanda est, quam littera ponit, ut de humani corporis formatione, secundo vero loco de animae virtutibus, tertio de totius hominis ratione discussio

60) Cf. Gn 12, 5; 17, 14; 36, 6; 46, 15. 27; Ex 1, 5; 12, 4. 15. 19; 16, 16; Lv 7, 20. 27; 18, 29; 19, 8; Nm 9, 13; 31, 40. 61) Fragmentum hoc de humana natura, quod in codice ad f. 224^a-229^a invenitur, hic apposulimus. Cf. ea quae diximus in *Praefat.* 62) Ms.: *Huma.* 63) Ms.: *Nobis* repetitur.

nobis habenda sit. Hunc enim ordinem nobis *M o y s e s* proponit: *Formavit, inquit, Dominus Deus hominem de limo terrae: ecce corpus; et inspiravit in faciem eius spiraculum vitae: ecce anima, corporis actus et forma vivificans; et factus est homo in animam viventem: ecce constitutus ex his.*

Humanum autem corpus ex his tunc constitisse necessum est, in quae nunc quoque resolvitur, distrahitur atque dirimitur. Universum autem corpus in caput, thoracem, ventrem et artus dirimitur; haec ipsa rursus in alia: caput quidem in calvam, faciem, oculos, frontem, nasum, auriculas aliaque plura; thorax in pectus, latera et pulmones; venter in abdomen subditaque viscera; artus in tota crura et brachia, atque haec in humeros, cubitos et manus; rursum vero haec singula minutius conciduntur, ut manus in digitos et palmas, digiti in alia, ut in cutem, venas, carnem, arterias, nervos, tendones, vincula, cartilagine, membranas et ossa; similiter cetera membra, qui penitus introspiciet, unumquodque in haec omnia, vel certe plurima dissolvi. Hae vero partes sunt similes et homogeneae, undique similes et unam parilemque substantiam omnino adeptae; ex quibus dein partes, quae heterogeneae ac dissimilares dicuntur, simul compactis constant; ipsae vero, etsi simplices dici possunt, ex elementis tamen constare perspicuum est, in quae etiam resolvuntur. Cum ergo in haec omnia universum corpus dirimatur, ex his omnibus a sua formatione constitisse necessum est.

Variae praecipuae partes corporis humani.

At vero, quoniam oppositus est compositionis ac resolutionis progressus, ex his, in quae resolvitur ultimo, primo constitit ac, cum ultimo in elementa solvatur, ex his constitisse primo perspicue redditur. Confluxerunt enim primo elementa quattuor: terra, aqua, aer et ignis⁶⁴; quae rebus omnibus gignendis sese ut primordia atque principia accommodant et concurrunt, et mixtione quadam compacta sunt ad hominis corpus formandum, sicut ceterarum rerum, quae corpore constant.

Prima elementa omnium corporum sunt quattuor: terra, aqua, aer, ignis;

64) De hac opinione communissima inter philosophos antiquos circa primordialia elementa corporum animalium et eorum qualitates et temperamenta eorumque mixtionem et contrarietatem, etc. loquitur *Aristoteles* passim in suis libris, praesertim vero in 2 *De Generatione et Corruptione*, cp. 2-7, t. 1, pag. 317-322. Cf. *Galenus In Libros Hippocratis Commentarii, De Temperamento*, lib. 1, cp. 1 sqq., t. 1, f. 11 sqq.; *De Elementis*, lib. 1, cp. 1 sqq., ibid. f. 2 sqq.

quibus respon-
dent
quattuor item
primae ho-
rum qualita-
tes: siccitas,
frigiditas, hu-
miditas, calor.

Elementa
haec in mixto
integra ma-
nent, sed unita
ac vineta
a forma,

Confluxerunt autem elementa non absque suis viribus et qualitatibus praesertimque primis, quae sunt: calor, frigus, humor et siccitas. Hae principes sunt, ex quibus aliae oriuntur, quae in molli, duro, crasso, tenui, levi, aspero sunt corpore, quae variae dicuntur et quasi multiformes; illae autem, ex quibus hae oriuntur, omnium sunt primae et potentissimae. Elementa igitur, ex quorum concursu compactum ac finctum est corpus, cum mutationibus et conversionibus sese plurimum exagitent, ut his qualitatibus polleant necesse est eaeque ipsae singulis singulae summae insunt corporibus, ut igni quidem summus calor, aeri summus humor, aquae vero summum frigus, terrae demum summa siccitas; adeo ut puro igne nil sit calidius, nec levius; puro aere nil humidius, nec aqua quidem; nam etsi humectat magis, non tamen ob pleniorum humorem id accidere putandum est; sed quod is in crassiore fluxaque substantia positus, dum in vias recessusque corporum inseritur, consistit retentusque diutius illa afficit, quae humectat madidioraque reddit, quod aer prae tenuitate efficere nequit. Non ergo aere humidior aqua est, sed e contra, humidi summum gradum aer tenet, aqua autem frigoris, ut nil ea pura frigidius sit, nec gelu quidem. Terra demum quicquam siccius non est, etsi ignis magis exiccat: id autem per accidens est caloris interiectu, quatenus suo calore corporum humorem exhaurit et dissipat; at terra affusum humorem combibens per se exiccat. Est deinde suo cuique elemento retusior altera qualitas, simplex quidem, sed quae sui generis summum gradum non impleat: ea in igne siccitas est caloris comes, in aere calor, in aqua humor, in terra frigus siccitati copulatum.

et a concinnis
qualitatibus
mutuo copu-
latis et sibi
cohaerentibus.

Cum omnibus ergo his viribus confluxere elementa ad corporis constitutionem una cum suis substantiis; neque enim solae elementorum vires sine eorum substantiis in nobis asservantur: sed et vires et substantiae permixtae manent; sed vires quidem totis totae se permiscent et mutua quadam pugnantia sese vicissim ad moderationem quandam redigunt, fitque illarum confusione temperamentum quoddam per universam compositi molem diffusum. Substantiae autem continua quadam appositione connexae sunt ac in exiguas portiones se distrahunt eoque se ordine componunt, ut quaeque tandem alterius diversique generi cuipiam cohaerescat; sensu notari non possit

quod non sit ex his quattuor constans⁶⁵. Manent igitur elementorum in mixto exiguae particulae et in suis integrae formis consistunt; non tamen liberae aut sui iuris, sed implicitae, vinctae et quasi interceptae mutua qualitatuum pugnantia et dignioris formae praesentia. Unde pristinas sibiue inditas vires expromere non valent, nec ignis urere, nec aqua impendio refrigerare; quapropter solum potestate insunt, ita tamen ut, temperamento per obitum soluto, ad se redeant et in libertatem vindicentur. Temperamentum autem elementorum, tum virium tum substantiarum dico, non ipsam mixtionem, sed rationem mixtionis, et in mixtis elementis principum qualitatuum concentus quidam et harmonia.

Consequitur autem mixtionem temperamentum veluti eius propago ac soboles; et si illa elementorum vel maxime propria est, istud vero qualitatuum, ita tamen se consequuntur ac iuncta sunt, ut sicut mixtio [non] citra efficientium qualitatuum opem, ita nec temperamentum sine elementorum substantia induci potest. Quocirca temperamentum concentus quidam est quattuor principum qualitatuum ex omnium elementorum mixtione; unde tum in elementorum tum in qualitatuum concinna quadam ac consona proportionem consistit⁶⁶.

Quattuor igitur naturarum cum aequales vires in unum coierint, ut calidi, frigidi, humidi sicque pares sint portiones, temperies illa conficitur, quae iustum temperamentum dicitur, ceterorum lex et regula. Si vero unum vel ad summum duo reliquis excellant, cum intemperie quadam ipsum temperamentum exurgit: cumque quattuor sint, ex quibus temperamentum absolute conficitur, singulorum exuperatione quattuor simplices fiunt temperaturae: calida quidem, in qua calor frigori antecellit: humoris autem et siccitatis aequalitas est; frigida, in qua dominatur frigus; humida, cuius humor primas obtinet; sicca, ubi humore siccitas potentior est. Paribus his, quae in altera oppositione sunt, contrariis, sunt et quattuor aliae, quae coniugatae temperaturae dicuntur, quae duorum simplicium exuperantia processerunt. Hae sunt: calida et humida; calida et sicca; frigida et humida; frigida

Elementa in mixto et eorum qualitates oportet aequa proportionem temperatas esse,

Ex his autem quattuor temperaturae simplices exurgunt, quae vicissim in quattuor alias dividuntur, quae coniugatae dicuntur.

65) Galenus op. cit. *De Elementis*, lib. 1, cp. 1, t. 1, f. 2.
lib. 1, cp. 3, ibid. f. 11; *De Usu Partium Corporis Humani*, lib. 1, cp. 9, ibid. f. 199.

66) Idem *De Temperamento*,

et sicca; plures esse non possunt cum duae sint oppositiones limitibus quattuor conclusae et unius utraque extremitas non possit principatum obtinere.

Quando octo hae temperaturae aequae perfecte proportionatae sunt, fit temperamentum ad pondus.

Octo igitur sunt temperaturae intemperatae, unum vero ⁶⁷ temperamentum. Cum paribus omnium conflatum portionibus extremorum medium possideat, temperatissimum est, et temperamentum ad pondus dicitur, quo humanum corpus vel maxime temperatum est, ut multorum fert opinio ⁶⁸, tum maxime primi hominis. In homine enim nobilissimum ac temperatissimum omnium temperamentum perspicitur, quod vel maxime in sensu tactus apparet, qui discernendi temperamenti lex est et iudicium; sensu autem tactus homo longe alia quaevis animalia superat.

Elementis et qualitatibus sic temperatis superveniunt innatus calor, spiritus ac primigenium humidum, ceu vincula quibus anima corpori ligatur;

Post elementorum vero tum substantiarum cum virium mixtionem et temperamentum, innatus calor, spiritus ac primigenium humidum sequuntur ⁶⁹, quibus ceu vinculis anima corpori ligatur, et consumptis, necesse est a corpore emigrare. Insiti enim vi caloris natura animalibus contraditum est ut vitam agant, et ex eius extinctione mors statim sequitur. Quare non frigus, tanquam contrarium ei opponitur, sed extinctio, quae eius privatio est: ceu lumini contrarium nil est, sed adversae tenebrae illius sunt privatio, atque si vel minimum luminis corpus illustret, illuminatum dicimus; sic vitalis calor quantuluscumque corpus possideat ipsum regit.

iis iterum dissolutis, statim mors sequitur.

Neque calorem hunc prorsus elementarem dico, sed supra elementorum naturam; una enim omnium philosophorum consensus calore vitam definit, mortem autem caloris extinctione: unde Aristoteles mortem caloris extinctionem definivit ⁷⁰; quare demortuum animal calore hoc omnino destitutum

67) Ms.: *Unum vero* repetitur.

68) De hac quaestione cfr. Conimbricenses *De Generatione et Corruptione*, cp. 8, q. 2, a. 1. Dicitur *temperamentum ad pondus*, quando est omnino aequale, quasi aequo pondere libratum, in quo nimirum omnes quattuor qualitates: siccitas, humiditas, frigiditas, caliditas, paribus a medio intervallis coeunt et nunquam excedit ulla alteram. E contra dicitur *temperamentum ad iustitiam*, quando pondus hoc aequale non est, seu quando temperamentum concretum existit disparibus qualitatibus portionibus. Cf. etiam Boyvin *Philosophia Scoti, Physicae*, part. 2, cp. 3, *De Elementorum Mixtione*, q. 4, t. 3, pag. 594, not. 3.

69) Cf. Galenus op. cit. *De Hippocratis et Platonis Decretis*, lib. 8, c. 7, t. 1, f. 188; *De Dynamiditis*, t. 7, f. 105; *De Humoribus*, Comment. 1, t. 8, f. 3.

70) *De Iuventute et Senectute*, cp. 4, t. 1, pag. 445.

est. Quod si elementaris huiusmodi calor esset, cum in partibus singulis cadaveris aliqua supersit quattuor elementorum permixtio, haberet omnino adhuc demortuum animal vitalem calorem.

Calor autem hic spiritum habet sedem ac vehiculum, quo tanquam corpore fluxo ac profluente continetur, ut per omne corpus permeare ac per arterias singulis partibus possit impartiri. Quare cum spiritus substantia sit aerea vel aetherea, corporea, tenuissima, pernecitate velox, quae universum corpus potest velocitate traicere, calori materia sternitur, cum sit etiam substantia calori in fovendo amica. Spiritus autem cum tenuis sit aethereaque substantia calore perfusa, non potest aut esse aut diutius permanere citra humoris opem. Quapropter primigenius ac vitalis humor tum spiritus tum innati caloris fundamentum sternitur et substantia prima⁷¹, ceu flammae quidem lucernae vapor ille et halitus efflatus et ex olei substantia suscitatus sternitur, sicut calori spiritus; olei autem humida substantia in ellychnio, tum flammae tum halitus fundamentum ac pabulum est et utrumque alit ac fovet alimentario humore suffulta; ita est primigenius humor ad spiritum et calorem. Et sicut flamma illa non potest sine aut halitu aut humore sustentari, sine quo nec halitus; ita nec innatus calor nec spiritus possunt sine primigenio humido manere. Quare innatus calor humidum est spiritu et calore perfusum, spiritus vero tenuis aethereaque substantia calore perfusa.

Calor enim regitur et vehitur a spiritu, qui totum corpus permeat; spiritus autem, ut possit permanere in corpore, humore primigenio opus habet;

sicut flamma in lampade olei substantia opus habet, ut ardeat.

Humidum autem primigenium ac vitale humor quidam aereus est, pinguis et oleo perquam similis, innati caloris sedes ac substantia, qui in partium similarium substantiam consertus omnem effugit aciem oculorum. Quare non is adeps est, quo partes quamplurimas oblini cernimus: sed alius multo dissimilis; nec alimentarius humor est: sed hoc, qui advenit, fovetur et resarcitur; neque ille est aqueus humor, cuius interventu similes corporis partes sibi cohaerent ac firmae in soliditate consistunt. Humor autem iste vitalis non unus ac simplex est, nec spiritus ac innatus calor, quo-

71) *Aegidius Romanus*: « Spiritus hic definitur a Costabelluce, in libro *De Differentia Spiritus et Animae*: Spiritus est quoddam corpus subtile, quod in humano corpore oritur ex corde et fertur in venis pulsus ad vivificandum corpus, anhelitum operatur, quia vita anhelitum atque pulsum habet ». *De Formatione Corporis Humani*, cp. 9, pag. 59-61.

niam haec cum temperamenta sequantur, quae in similaribus partibus sunt, nec omnes similes partes uno ac eodem temperamento tenentur: cum quaedam sint frigidae et aridae, sicut os, nervus, membrana; aliae aliis temperamentis temperatae; diversa temperamenta diversi etiam tum spiritus tum innati calores tum humores vitales⁷² consequuntur.

Praeter calorem et spiritum et primum genium humidum, tres alii spiritus inveniuntur in corpore: *naturalis*, qui emittitur e iecore in cor; *vitalis*, e corde in cerebrum; *animalis*, qui e cerebro in corpus diffunditur.

Deinde praeter spiritus, qui stabiles et in unaquaque parte fixi sunt, iuxta partis illius temperamentum, tres insuper errantes et vagi alii ponuntur: *naturalis*, *vitalis* et *animalis*. *Naturalis*, qui e iecore per venas in corporis extrema diffunditur⁷³; *vitalis*, quem cor assiduo per arterias emittit; *animalis*, qui a cerebro per nervos profectus partes irrigat sensus motusque compotes⁷⁴. Hi autem influentes spiritus ex alimento innati sive insiti spiritus vi generantur. Alimenti enim purior magisque aerea pars concoctione in tenuiorem sanguinis substantiam transit, quae vaporis speciem quandam exhibet⁷⁵; ea tamen a spiritu iecoris ingenito vim accipiens, spiritus fit *naturalis*, reliquo sanguine tanto praestantior, quanto iecoris molem vis ei naturaliter insita praecellit. Huius spiritus quantum per venam cavam una cum sanguine in cor invehitur; illic denuo caloris vi accuratius attenuatum in aeris prope speciem mutatur atque a dextro cordis sinu, per communes arctissimosque aditus, in sinistrum permeat;

72) Ms.: *Vitale*.

73) *Galenus*: «Naturalis spiritus in iecoris venis continetur». *Methodi Medendi*, lib. 12, cp. 5, t. 6, f. 75; *De Humoribus* t. 8, f. 2-4.

74) Idem: «Animalis spiritus in cerebri sinu continetur». *De Hippocratis et Platonis Decretis*, lib. 1, cp. 2, t. 1, f. 143-144. *Aegidius Romanus*: «Sicut spiritus oritur in cerebro, in nervis, et operatur sensum atque motum, similiter dicere possumus quod spiritus oritur ex epate in venis et operatur nutrimentum membrorum, secundum illum modum distinguendi quod spiritus naturalis, sive nutritivus est in epate, vitalis in corde, animalis, sive sensibilis in cerebro... Ideo cor est origo et fons cuiuscumque spiritus, sive sit spiritus naturalis, qui deservit nutritioni, sive pulsatilis, qui deservit vitae, sive animalis, qui deservit sensui: radix enim et origo omnium istorum est cor, in quo principaliter est virtus vitalis, nutritiva et sensibilis; attamen, quia virtutem nutritivam communicat cor epati, ita quod in nutriendo epar deservit cordi; sensitivam communicat cerebro, ita quod in sentiendo subservit cordi; pulsatilem autem virtutem, quae dicitur esse virtualiter, retinet cor sibi; Ideo dictum est quod spiritus vitalis est in corde, naturalis, sive nutritivus in epate, animalis, sive sensibilis in cerebro». Op. cit. pag. 59-60. Cf. etiam Boyvin op. cit. *Physicae*, part. 3, cp. 1, q. 2, t. 3, pag. 693.

75) *Galenus*: «Spiritus tenuis et levis et citus... Stoici quidem hunc ipsum spiritum animae esse substantiam autumant. Nos sane de animae substantia non admodum pronuntiare quippiam audent. Quamquam nos iam ante spiritum innatum, etiam si non sit animae essentia, saltem primum esse eius instrumentum demonstravimus, vegetativum in epate, sensitivum in cerebro, vitalem in corde». *De Usu Part. Corp. Hum.*, lib. 6, cp. 10, t. 1, f. 60.

ubi, hausto per pulmonem aere temperato, materia quaedam fit, cui calor et vis concessa vitalis, spiritum profert vitalem per arterias toto corpore diffusum. Portio autem istius, quae per cervicis arterias in cerebri basim rapitur tertio contextus illius admirabilis anfractu mitigata, mox in cerebri ventriculos per contextum alium, χοροειδῆ ⁷⁶ appellatum, confertur; illic, exhausto per nares elaboratoque aere, fomentum incrementumque recipit et vi spiritus qui cerebro est ingenuus, spiritus fit animalis, ad motum, ad sensus ad omnesque animales functiones apte comparatus ⁷⁷.

His positis quae in universi corporis partibus singulis constituuntur, nunc ut admirabilis humani corporis structura, quae Deo auctore facta est, clarius inspiciatur, de singulis tum homogeneis tum heterogeneis partibus corporis quaedam afferre operae pretium visum est. Et aridas ac osseas primo partes extruemus; deinde vinculis, nervis, lacertis, venis, arteriis, cute ac reliquis tum internis tum externis partibus integrum reddemus.

Admirabilis humani corporis structura, in singulis eius partibus.

Omnium autem ossium sedes et origo spina est, quae carinae in navigio primo iactae comparatur; huius enim ope corporis moles stat et erigitur, ceu carinae latera, prora puppisque innixa cohaerent. Spina autem ad necessitatem actionum, cum hominem flecti curvarique oporteat, pluribus coagmentata est ossibus tanquam nodis, quae vertebrae nobis dicuntur, omnes osse sacro suffultae. Universa autem spina quattuor in partes fusa est: os sacrum, lumbos, dorsum et collum. Os sacrum sex quasi vertebrae constat; ab eius ima parte os aliud dimittitur appensum, quod κόκκυξ graece, latine autem cauda dicitur, quattuor ossibus teretibus, gracilibus et magna ex parte cartilaginosis compactum. Supra os sacrum lumbus quinque ossibus consedit, cui dorsum insidet, vertebrae structum duodecim; proxime cervix, septem. Unde triginta sunt in spina vertebrae, omnes mira compage contextae ac diversarum figurarum; hae quidem rotundae, ut quae ad intestina vergunt, unde σπονδύλαι dicuntur, extra vero multiplices efferunt productiones: aliae e medio prominentes, aliae transversae utrinque addi-

Spina omnium sedes et origo est osseum, quae singula enumerantur.

76) Ms.: *Coroide-n*, et intra: *Coccix, spondili, spongoides, ethmoides, ecphi.is*.
lenus *De Hippocratis et Platonis Decretis*, lib. 7, cp. 3, t. 1, f. 180.

77) Cf. Ga-

tae, aliae sursum deorsumque ductae, per quas vertebrae texuntur et cohaerent. Vertebrarum autem processuumque omnium extrema cinguntur cartilagine, in quam vincula crassa et valida inseruntur, quorum beneficio interiores vertebrarum nodi cohaerescunt.

De capitis
ossibus

Deinde sunt capitis ossa, cuius verticem calva globosa et rotunda integit, introrsum concava: cuius una pars, quae coronaria dicitur, a temporibus utrinque ad verticem viam capessit; altera in occipite posita est, a capitis imo et posterioribus utrinque partibus sursum contendens; tertia in capitis longitudinem porrigitur, angulo in mediam coronam excurrens. Id maximo foramine perterebratum est, per quod medulla e cerebro in spinae fistulam delabitur. In his sunt dentatae more serrae connexiones suis dentibus pectinatim intextae; subter haec duo sunt ad suam quodque auriculam, quae a lapidis specie et duritia petrosa dicta sunt, in quorum cavo duo ossa malleo similia visuntur; ab utroque processus quasi surculus introsubit in foramen et, quo soni admittantur, ad cerebrum introfertur⁷⁸. Os sextum frontis est, quod in superciliorum sede, ubi eminet, duplex est concluditque gemina facie inanem capacitatem in nares derivatam; pars superior coronaria sutura cingitur, inferior in oculorum cava reflexa, summum in his parietem facit. Iam his totique cerebro, ceu basis, quodam substernitur os, in quo utrinque foramina cernuntur, per quae sentientium nervorum propagines dimanant in sensus. Sub interiore eius facie capacitates duae latent, in quibus est rete admirationis plenum aliaque cerebri arcana⁷⁹.

Post haec sunt faciei ossa, quam totam geminam ea commis-

78) *Galenus*: « Breve est cerebri ad aurem spatium. Et eius foramen a petroso osse incipit, quod medium est inter os et petram, sicut conchae piscium, et propter hoc utriusque suscipit denominationem... Item quidam panniculus exit a nervo descendente cerebri, qui interius investit os petrosum et totam praestat ei sensibilitatem quam habet: et est foramen ad ipsam aurem ». *De Anatomia Virorum*, t. 7, f. 41.

79) Idem « Quod anatomici nuncupant: *Δικτυοειδές*, idest *plexum retiiforme*, maximo omnium, quae illic sunt, admirabile, ibi est collocatum, complectens quidem in orbem et ipsum adena, pertingens autem retro longissime. Toti enim propemodum cerebri basi plexus hic subiecit. Est autem non simplex rete, sed eiusmodi, ut si vulgaria haec piscatorum retia plura alia aliis cumulata superficias. Inest tamen naturali huic reti id eximium, quod alterius replicationes alterius replicationibus sint connexae, quodque ex ipsis seiunctum nihil omnino capere queas. Nec certe ex quavis materia conflatum est, sed natura maximam portionem eorum arteriarum, quae a corde sursum ad caput feruntur, materiam plexui huic admirabili subiecit ». *De Usu Part. Corp. Hum.*, lib. 9, cp. 4, t. 1, f. 254.

sura discernit, quae ab intervallo superciliorum per medias nares inter medios dentes producta, palatum in longitudinem secat. Maximum in ea est os malae, in quo dentium superiorum radices figuntur; ad primorum autem dentium, qui secant, radices ossa duo sita sunt, lineis distincta, rursumque duo perexigua, quo loci interstitium est narium, unde superius labrum enascitur. Inter oculum et aurem est os iugale, durum quidem, et temporum musculus. Tanquam propugnaculum nasus ossa duo gestat quadrangula, a iugo nasi per illius longitudinem ducta, in quorum extrema cartilagine inseruntur, alae vocatae. Utriusque oculi fossae tria substituuntur ossa, praeter ea, quae veluti parietes sunt inter palatum et cerebri basim usque ad nares; utrinque diversa disiecta sunt ossa, tenera quidem atque tenuia, quae varie contexta spongiae formam ferunt, unde graece *σπογγειδείς* dicuntur. Praeter id, aliud ad summam nasi radicem intus fixum haeret, latum et tenue, quod varie pertusum more cribri Graecis *ῥημοειδής* dicitur, e cuius medio mittitur ad cerebrum quasi verruca perdura; deorsum vero *ἐκφύσις*, laminae specie, quae narium interstitium est, cui cartilago innascitur nasi pars infima. Maxillam interiorum duo conficiunt ossa mento extremo strictissime agglutinata; utraque autem maxilla crebro perfossa quibusdam quasi alveolis, in quibus singuli dentes infiguntur, qui fere sexdecim sunt, raro plures, pauciores nonnunquam; ex his quaterni primores dicuntur; post hos canini sunt utrinque duo, ultra quos maxillares utrinque quaterni.

et faciei.

Thorax toto dorso innititur, articulos habens duodecim et costas utrinque duodecim, quarum septem superiores integrae atque perfectae ad pectoris os nectuntur in leves illius ossis sinus: quare os ipsum pectoris ex septem constat ossibus in transversum cohaerentibus, cum singulis integris costis singula pectoris ossa respondeant. Ab huius autem ossis extremo oblonga cartilago pendet, quod malum punicum dicitur; reliquae autem quinque costae inchoatae et quasi mutilatae in cartilagine finiunt; unde nothae et adulterinae dicuntur, quoniam inter se retortae sursum quasi conglutinatae cohaerent. Scapularum autem ossa sunt duo, figura triquetra; brachii autem ossa tria sunt: humerus, cubitus et manus; humerus osse uno continetur; cubitus duo habet; manus in palmam et digitos

De thorace,

scapulis,

dividitur; et palma quidem ossibus duodecim constat, digiti autem quindecim ossibus continentur.

coxis,
cruribus
et cartilagini-
bus. Sunt deinde coxarum ossa valentissima processibus, quos os sacrum emittit, astricta; utrique autem coxendici femoris ossa convolvuntur. Post hoc sunt cruris ossa duo; sequuntur patella, malleoli, talus et pedis ossa, quae viginti tres vel quattuor sunt. Circa omnium autem fere ossium extrema cartilagines obducuntur: etsi aliud sit etiam cartilaginum genus solitarium ac per se subsistens vixque ulli ossi impactum, ceu eae sunt quae in ciliis, auriculis, in faucibus, epiglottide, in laringe, in aspera pulmonum arteria et in cordis basi, quae solidi roboris gratia tantum conditae sunt.

De ossium
connexione et
vinculis Est deinde ossium connexio multiplex, altera per articulum, altera per coitum: per hanc ossa, quorum non est motus, nexu indissolubili cohaerent; per articulum autem ossa mobilia vinciuntur. Multa etiam sunt ossium vincula, quae nervosum ac perdurum corpus sunt, solidum et exangue. Haec autem et multa sunt, nec unius generis omnia; quaedam enim ad instar solidae membranae sunt, quaedam vero ceu cartilaginosi nervi.

deque
musculis. Musculi autem atque tendones valde plurimi sunt. Conditus est autem sic musculus: nervorum fibris ad motum accommodatis caro circumcrescit illarum fulciens robur; venae et arteriae conspersae; omnia vero tenuis membrana complectitur musculumque definit. Unde tres sunt eius in longitudine partes: origo, medium et exitus; et origo quidem nervosa est; medium autem his, quae dixi, omnibus constat; extremus tendo contextis atque confusis nervorum et vinculorum fibris concrevit ut, natura media donatus, durior et robustior fieret ad motum, quam nervus: at vinculo mollior et infirmior; hoc rursum sensus acumine superaret, ab illo autem deficeret.

Vr. 8 *Plantaverat autem Dominus Deus paradysum voluptatis a principio, in quo posuit hominem quem formaverat.*

In Hebraeo est: *Plantavit Dominus Deus hortum in Eden ab oriente, et posuit ibi hominem quem finxerat.*

Chaldaeus Interpres: *Et plantavit prius, seu ab antiquo.*

Septuaginta transtulerunt: *Καὶ ἐφύτευσεν ὁ θεὸς παράδεισον*

ἐν Ἑδὲμ κατὰ ἀνατολάς ⁸⁰: *Et plantaverat Deus paradisum in Eden ad orientem.*

Tanta interpretum diversitas hinc ortum habuit, quoniam duae sunt hic in Hebraeo Textu voces ambiguae: עֵדֶן et קֶדֶם.

Plantaverat autem Dominus, etc. Variarum lectiones.

Et עֵדֶן quidem *delicias et voluptatem* saepissime in Sacra Scriptura significat ⁸¹; aliquando vero *locus* cuiusdam ac *provinciae* nomen est ⁸²; קֶדֶם etiam *temporis prioritatem* non raro designat in Scriptura ⁸³, et est eius etiam frequentissima acceptio pro *oriente* ⁸⁴. Nostra Editio has duas voces iuxta priores acceptiones habet, quamvis infra eas iuxta alterum significatum accipiat, cum de Cain dicitur: *Et habitavit ad orientalem plagam Eden* ⁸⁵. Hebraei vero iuxta posteriora significata has voces interpretantur, ut Rabbīnus Aben Ezra ⁸⁶ et Rabbīnus Salomon ⁸⁷ hic testantur, asserentes Deum plantasse hunc hortum in loco, qui dicitur Eden, ad orientalem partem eius loci, quod etiam כּ ⁸⁸ servilis indicat.

Ab oriente, communiter accipitur pro locali situ horti, id est in regione quae dicitur Eden, ad plagam orientalem illius regionis.

Littera ergo Hebraica haec est: *Plantavit Dominus Deus hortum in Eden, ab oriente*, seu a plaga orientali. Locum ergo, ubi plantaverit hunc hortum Deus, seu paradisum voce persica, vel potius hebraica, a פֶּרֶם, id est *paradisus*, Sacra Scriptura insinuat, Eden videlicet regionem, quae ab amoenitate et deliciarum ubertate sic dicta est. Deinde ad quam plagam eius regionis situs sit declarat, *ad orientalem* videlicet *plagam*.

Ex quo licet advertere quod, quae hic de hoc paradiso dicuntur, non adeo sunt spiritualiter intelligenda, ut pereat sensus historiae, quemadmodum recte D. Augustinus admonet his verbis ⁸⁹: « Quae commode dici possunt de paradiso intelligendo spiritualiter, nemine prohibente dicantur: dum tamen et illius historiae fidelissima veritas rerum gestarum narratione credatur ». Etenim si paradisus non est sensibilis et corporeus, non est etiam fons; si non fons, non est flumen; si non flumen, neque in quattuor dividitur

Quae in S. Scriptura de paradiso hoc dicuntur, ad litteram principaliter accipienda sunt;

secus omnis historia subverteretur, et veritas in fabulam converteretur.

80) Ms.: Κατὰ τὰς ἀνατολάς.

Ez 28, 13.

82) Cf. 4 Rg 19, 12; Is 37, 12; Ez 27, 23; Am 1, 5.

14; 42, 2; Is 43, 18; Mal 3, 4.

84) Cf. Gn 11, 2; Ex 27, 13; 10, 19; 11, 1; 47, 18;

Ioel 2, 20; Zach 14, 8. Cf. Pagnini op. cit. sub his vocibus, col. 187-189. 2409-2416.

85) Gn 4, 16.

86) Op. cit. f. 4^a.

87) Ibid.

88) Ms.: Beth.

89) De Civitate

Dei, lib. 13, cp. 21, (P. L. 41, 395).

capita; non est Phison, non Gehon, non Tigris, neque Euphrates ⁹⁰; non ficus, neque folia quae *consuerunt*, ut facerent *sibi perizomata* ⁹¹; nec comedit Eva ex arbore; nec erant ibi animalia viventia, quae adducerentur ad Adam, nec eis nomina Adam imposuit; sed omnis veritas in fabulam vertitur.

Plantavit ergo Deus paradisum sensibilem et corporeum, omnibus deliciis cumulatissimum locum, omnibus suavissimis herbis ac floribus et plantis repletum, ubi amoenissimae invenirentur arbores omnigena fructuum ubertate refertae, qui essent et aspectu pulcherrimi et gustu suavissimi; ibique *posuit hominem, quem* ⁹² *formaverat*, ut felicem ibi ac propemodum beatam duceret vitam: ut sicut perfectum formaverat hominem, ita et locum primae eius perfectioni daret convenientissimum, divinamque regionem eius conversatione dignam, qui *ad imaginem . . . Dei factus est* ⁹³.

Vr. 9 *Produxitque Dominus Deus de humo omne lignum pulcrum visu et ad vescendum suave; lignum etiam vitae in medio paradisi et lignum scientiae boni et mali.*

In Hebraeo: *Et germinare fecit Dominus Deus de terra omne lignum concupiscibile visui et bonum ad vescendum et lignum vitarum in medio horti et lignum scientiae boni et mali.*

Chaldaeus Interpres etiam habet: *Lignum concupiscibile*; nam quod in hebraeo est: כָּל-עֵץ נֹחֵם, habet ipse: כָּל-אֵילָן דִּמְרֹג, idest: *Omne lignum concupiscibile.*

Rabbinus Salomon inquit ⁹⁴ haec verba esse dicta propter paradisum. Rabbinus etiam Aben Ezra, exponens ⁹⁵ יִצְמַח per הִצְמִיחַ, *germinare fecit*, in hiphil, inquit quod germinare fecit omne lignum in horto.

Hic ergo incipit Moyses paradisum describere declarans primo: quomodo erat consitus omni genere arborum, quas Dominus de humo produxerat, gustu suaves et delectabiles, ac concupiscibiles visui, quibus vesceretur homo. His enim vesci necesse fuit homini etiam antequam culpa illa labefactaretur, ut vitam servaret et ne moreretur. Etenim natura mortalis factus est homo, quippe qui ex

Produxitque Dominus, etc.

Quia etiam ante peccatum necesse erat homini cibum sumere, describitur hic a Moyse paradisus et varietas

90) Cf. Gn 2, 10-14.

94) Op. cit. f. 4^a.

91) Ibid. 3, 7.

95) Ibid.

92) Ms.: Quae

93) Gn 9, 6.

corruptibilibus elementis fuit compositus, quae vicissim in se invicem agunt et a se invicem patiuntur; et omne tale corrumpi necesse est, cum nullum violentum possit esse perpetuum. Homo ergo cum ex elementis constaret intra se invicem contrarietatem habentibus, corruptibilis erat naturaque mortalis: dono tamen gratiae factus immortalis erat, hoc est, ut posset non mori; providerat enim ipsi Deus contra vim mortis remedia, ut in eo perseverans statu, in quo eum condiderat ac statuerat Deus, moriendi necessitati non esset obnoxius.

fructuum,
quibus homi-
nem vesci
oportebat;

nam licet dono
gratiae im-
mortalis, na-
tura tamen
mortalis erat.

Poterat autem tunc homo tribus vel maxime vim mortis subire: vel ab elementorum contrarietate et intemperie humorum, unde infirmitates et mors nunc originem habent; vel ab alimenti nutrimentique defectu, et humidi radicalis deperditione deficienteque virtute; vel demum a laedente extrinseco: poterat enim et igne consumi, et aquis praefocari, et gravi super eum mole cadente conteri, et aeris iniuriis affici; pluraque alia extrinsecus posita, vel a quibus non poterat homo caveri, vel quibus se ipse libito traderet, mortem ei atque exitium afferre utique poterant. Adversus haec omnia benignissimus Deus hominem ipsum munierat, ut, si ipse voluisset, a nullo unquam potuisset mortis exitio e vita demi.

Tria genera
causarum
quae mortem
homini infer-
re poterant:
intemperies
humorum, ali-
menti defe-
ctus, laedens
extrinsecum.

Siquidem contra primum, originali iustitia eum donaverat, quae elementorum virtutes aequabilissima semper proportionem servasset humoresque ipsos in temperie semper pacatissima, in qua Deus condiderat hominem: per quam prima mortis tollebatur causa. Contra alterum vero, ut animale vitam cibis indigentem servaret, *omne lignum pulcrum visu et ad vescendum suave* homini providit. Ac ne aliquando ex defectu humidi radicalis per actionem calidi naturalis deperditi homo senesceret vitamque finiret, cum alimenta, quibus vesceretur, non possent humidi virtutem deperditam ex aequo reficere — inde ortum habet senectus ac vitae defectus, quod per alimenta generata caro impurior semper est, virtuteque debilior, quod facile in senectute cernimus, in qua carnes et impuriores et debiliores sunt, quod utique non esset si alimenta ex aequo virtutem deperditam a calido restaurarent, — eapropter *lignum . . . vitae in medio paradisi* apposuit Deus, quod eam humidi virtutem perpetuo servaret in homine: cum eius alimento tanta humido apponeretur virtus, quanta naturalis calor absumpserat. Inde *lignum vitae* dictum

Contra pri-
mum, origina-
lem iustitiam
homini Deus
contulit;

contra secun-
dum, fructus
suavissimos
praebuit, qui
virtutem de-
perditam refi-
cerent radica-
lis humidi;

contra
tertium,
perspicaci pru-
dentia homi-
nem donavit et
insuper ange-
lica custodia
ac assistentia
divina eum
munivit.

est, quod suo alimento hominis vitam animalem perpetuo servaret senectutemque arceret. Unde recte Augustinus ait ⁹⁶: « Cibus aderat homini, ne esuriret; potus, ne sitiret; lignum vitae, ne eum senectus dissolveret ». Contra tertium denique, prudentia perspicacem homini condonaverat, qua sibi nociva caveret; a quibus autem sua prudentia non potuisset cavere, communis angelica custodia erat providentiaque divina sibi assistente et praecavente cōrumpentia quaeque ab extrinseco, eumque ab omni violentia praeservante ac custodiente; et ne aeris afficeretur iniuriis, eum in paradiso locavit, ubi et aeris erat temperies lenissima et loci sedes amoenissima.

Lignum vitae
virtutem divi-
nitatis accepe-
rat, qua ho-
mo, ex eo co-
medens, nul-
lam
infirmi-
tatem
vel aetatis im-
becillitatem
sentiret.

In hoc ergo paradiso *produxit... Deus... omne lignum pulcrum visu*, ad hominis solatium et voluptatem, *et ad vescendum suave*, ad gustum deliciosum, ne famem aliquando sentiret; *lignum etiam vitae*, ne illum senectus gravaret ac demum dissolveret. Ut Beda ⁹⁷ et Strabo ⁹⁸ testantur, « lignum vitae sic dictum est, quia divinitus accepit hanc vim, ut qui ex eius fructu comederet, corpus eius stabili sanitate et perpetua soliditate firmaretur, nec ulla infirmitate vel aetatis imbecillitate in deterius, vel in occasum laberetur ».

Lignum scien-
tiae sic dictum
fuit ab effe-
ctu, quia ex
eo comeden-
tes cognituri
erant bonum,
quod perdide-
rant et ma-
lum, quod in-
currebant, Deo
non obtem-
perando.

Lignum etiam scientiae boni et mali, ut ad virtutem exerceretur meritumque haberet, Deumque ut suum dominatorem cognosceret. Dictum autem illud *lignum est scientiae boni et mali*, non a natura, sed ab occasione rei postea secutae. Cognovit enim homo bonum et malum, etiam antequam de ligno hoc acciperet: sed bonum per prudentiam et experientiam, malum autem per prudentiam tantum, non autem per experientiam; quod per experientiam novit, cum lignum vetitum degustavit: per quem esum cognovit etiam obedientiae bonum et inobedientiae malum, quod per experientiam

⁹⁶) *De Civitate Dei*, lib. 14, cp. 26, (P. L. 41, 434).

⁹⁷) *Hexaem.*, lib. 1, ibid. 91, 44-45.

⁹⁸) *Glossa Ord. in Gen.*, ibid. 113, 86-87. *Moses Bar-Cepha*: Sunt autem qui ideo vitae arborem appellatam putent quod ea esset ipsius conditio atque natura ut vitam immortalem his conciliaret, qui se vescerentur... Ibi arborem scientiae boni et mali pari quoque ratione dictam volunt, quia cognitionem boni malique his pareret, qui ipsam ederent... Hanc sententiam firmat Numenius philosophus christianus... Iacobus Sarugensis, oratione sua de electo Adamo ex paradiso, dicit fieri posse ut arbor illa vitam allatura fuerit immortalem Adamo si de ea edidisset, propterea quod mysterium Christi in illa lateret, ac proinde occulta quadam efficientia ipsius fructus ramique pollerent, cum Christus ipse suapte natura vita sit... Hanc sententiam probat etiam divus Severus, oratione 33 de epithronio. *De Paradiso*, part. 1, cp. 20, (P. G. 111, 507-509).

non cognoverat prius. Arbor ergo illa *scientiae boni et mali* dicitur, non propterea quod in ea ulla vis inesset inducendi in huiusmodi notitias, nisi forte dispositive id fieri potuisset, cum anima per organa corporis sumat rerum scientias et notitias: hoc autem non fuisset nisi per accidens; sed quia illam degustantes cognituri per experientiam erant quid bonum, quidve malum: bonum, quod amitterent: et malum, quod incurrerent.

Vr. 10 *Et fluvius egrediebatur de loco voluptatis ad irrigandum paradisum, qui inde dividitur in quattuor capita.*

In Hebraeo: *Et fluvius egreditur de Eden ad irrigandum hortum, et inde dividitur et est in quattuor capita.*

Chaldaeus Interpres habet: *Et fuit in quattuor principia fluviorum.*

Rabbinus Aben Ezra notat hic ⁹⁹ quod, antequam crearetur homo, fuit fluvius irrigans hortum ab omni plaga.

Describitur hic paradisi amoenitas quantum ad aquarum irrigationem: quoniam ab eo loco, in quo Deus paradisum plantaverat, qui *Eden* dicitur, flumen maximum originem trahit, qui omnem irrigat paradisum atque fecundat; et inde extra paradisum egrediens, in quattuor principalia flumina derivatur, quae fluviorum principes sunt, iuxta *Paraphrasim Chaldaicam*.

Et fluvius egrediebatur, etc.
Paradisi amoenitas describitur quoad aquarum irrigationem.

Vrr. 11-12 *Nomen uni Phison: ipse est qui circuit omnem terram Hevilath, ubi nascitur aurum; et aurum terrae illius optimum est: ibique invenitur bdellium et lapis onychinus.*

Aben Ezra inquit ¹⁰⁰ hic quod Gaon dicit quod *Phison* est fluvius Aegypti. Rabbinus Salomon inquit ¹⁰¹ quod « est Nilus, Aegypti flumen, et propterea quod eius aquae congregantur et crescunt et irrigant, seu inundant terram, vocatur Phison, quasi פִּשׁוֹן: creverunt »; est expositio eius. Ex nostris autem, alii hunc fluvium putant ¹⁰² esse Nilum: alii autem Gangem ¹⁰³; et

Variae opiniones de *Phison*,

99) Op. cit. f. 4^a. 100) Ibid. 101) Ibid. 102) Cf. S. Eucherius *Comment. in Gen.*, lib. 1, (P. L. 50, 907); Huettius *Tract. De Situ Paradisi Terrestris*, asserit hanc esse complurium Rabbiorum et Arabum opinionem Phison esse Nilum. Cf. Blas. Ugollinus *Thesaurus Antiquitatum Sacrarum*, vol. 17, col. DXXXV. 103) Cf. S. Ambrosius *De Paradiso*, cp. 3, (P. L. 14, 280); S. Hieronymus *Hebraic. Quaest. in Gen.*, ibid. 23, 941; S. Augustinus *De Genesi contra Manichaeos*, lib. 2, cp. 10, ibid. 34, 203; *De Genesi ad Litteram*, lib. 8, cp. 7, ibid. col. 378; S. Isidorus *Hisp. Etymol.*, lib. 13, cp. 21, ibid. 82, 490; Rabanus Maurus *Comment. in Gen.*, lib. 1, cp. 12, ibid. 107, 478; Angelomus *Comment. in Gen.*, ibid. 115, 130.

de bdellio

hi terram Hevilath dicunt¹⁰⁴ quandam esse Indiae regionem, ab Hevila, filio Iectan, sic dictam; quam etiam auri dicunt esse plenissimam, ac propterea inquit: *Ibi nascitur aurum, et aurum... optimum; ibi etiam reperitur bdellium*, ex hebraeo: **בְּדֵלָה**¹⁰⁵, quod

Septuaginta vertunt: **ἀνθράξ**¹⁰⁶, idest *carbunculum*: quamvis alibi *crystallum* sint interpretati¹⁰⁷, quod Hebraei nunc communiter tenent¹⁰⁸; quamvis Gaon, ut Aben Ezra refert¹⁰⁹, dixerit quod **בְּדֵלָה** sunt lapides parvi et rotundi, qui egrediuntur ex aquis, suntque tenues, et assimilatur eis manna. Dicit enim Scriptura¹¹⁰, quod species mannae erat sicut species **בְּדֵלָה**; manna vero est sicut margaritum. Quare existimo hunc lapidem esse margaritum.

et de lapide
onychino.

Reperitur etiam ibi *lapis onychinus*: **הַשֹּׁהַם**, quod Septuaginta vertunt: **Καὶ ὁ λίθος ὁ πράσινος**, idest *lapis prassinus*. Gaon autem, Aben Ezra teste¹¹¹, inquit quod **שֹׁהַם** lapis est pretiosus, candidus et clarus; quare et ipse videtur sentire lapidem esse onychinum. Chaldaeus etiam Interpretēs: **אֲבִנֵי אֹרְלָא**, idest *lapis onychinus*. Aben Ezra tamen dicit¹¹² se ignorare; quare etiam Hebraei quales hi lapides sint non cognoscunt.

Advertendum hic tamen est duos fuisse Chavila: quorum alter Getuliae nomen indidit, alter regioni, quae proxima est Ophir, unde advehebatur aurum; quorum prior nepos fuit Cham¹¹³, alter, ex linea Sem, filius Heber¹¹⁴. Quando autem dicitur hunc fluvium circuire terram Chavila, de secundo intelligendum existimo.

Vrr. 13-14

Et nomen fluvii secundi Gehon: ipse est qui circumit omnem terram Aethiopiae. Nomen vero fluminis tertii Tigris: ipse vadit contra Assyrios. Fluvius autem quartus ipse est Euphrates.

104) Cf. S. Avitus *Poemata*, lib. 1, ibid. 59, 330; M. Victor *Comment. in Gen.*, lib. 1, ibid. 61, 944; S. Beda *Hexaem.*, lib. 1, ibid. 91, 46; *In Pentat.*, ibid. col. 207; Rabanus Maurus *Comment. in Gen.*, lib. 1, ep. 12, ibid. 107, 478; Remigius *Comment. in Gen.*, ibid. 131, 61; Rupertus *De Trinitate*, etc. *In Gen.*, lib. 2, ep. 29, ibid. 167, 275-276; Abaelardus *Exposit. in Hexaem.*, ibid. 178, 779. 105) Ms.: **בְּדֵלָה**. 106) Ms.: **אַνθράκας**. 107) Cf. Nm 11, 7.

108) Cf. Io. Buxtorfius *Lexicon Hebraicum*, etc. sub voce: **בְּדֵלָה**. 109) Op. cit. f. 4^b.

110) Cf. Nm 11, 7.

111) Op. cit. f. 4^b.

112) Ibid.

113) Cf. Gn 10, 7.

114) Cf. ibid. vr. 29.

Gehon

communiter
tenetur esse
Nilum ;

De *Gehon* quoque non modica concertatio est. Etenim *A ben Ezra* inquit ¹¹⁵ notum esse hunc fluvium esse prope terram Israel, quoniam sic scriptum est: *Et deducelis eum in Gehon* ¹¹⁶. Inquit etiam, quod venit a latere orientis ad austrum. Locus, quem citat, est in unctione Salomonis, ad quem locum iussit eum David deduci. *Chaldaeus* tamen *Interpres* גִּיחוֹן, ibi ¹¹⁷ שִׁילּוֹחַ, idest *Siloah* interpretatur, quemadmodum etiam et *Nicolaus* exponit ¹¹⁸. *Rabbinus Ioseph Kimchi* flumen arbitratur ¹¹⁹ esse Aegypti, idest Nilum, sic appellatum quod egrediens irriget terram. Id etiam nostri omnes fere asseverant ¹²⁰, hunc scilicet fluvium Nilum esse; hic enim fluvius Aethiopiam irrigare dicitur, qui inde in Aegyptum descendit. Alii vero alium quendam fluvium putant ¹²¹ hunc esse, proximum Tigri et Euphrati. Aiunt enim quod *Chus* non semper illam Aethiopiam significat, ubi *Nili* fontes perhibentur: sed etiam Arabiam, et eam omnem regionem, quae in oceanum spectat. Nam et *Madianitae* Aethiopes aliquando vocantur, qui tamen prope Palaestinam positi sunt ¹²²; et *Sephora*, uxor *Moysis*, Aethiopissa dicitur ¹²³, quae tamen ex terra *Madian* erat. Quare etsi *Gehon* peragrarare Aethiopiam dicitur, non coguntur de *Nilo* id sentire.

Hi etiam *Phison* non *Gangen* esse [aiunt], sed alium quendam fluvium in Mesopotamia, putantes terram *Chavila*, quam fluvius hic influere ac peragrarare dicitur, eam esse regionem, quae ab historicis *Cabalia* ¹²⁴ aut *Cabana* dicitur, quae prope Mesopotamiam est. Aiunt ¹²⁵ etiam sed nil certi

115) Op. cit. f. 4^b.

116) 3 Rg 1, 33. Vulg.: Ducite... in Gihon.

117) Ms.: גִּיחוֹן

Chaldaeus Paraphrastes ibi, idest 3 Rg 1, 33.118) Cf. Nic. Lyranus op. cit. t. 2, f. 126^a.119) *Pagnini*: « Ioseph pater David flumen arbitratur esse Aegypti, idest Nilum, sic appellatum quod egrediens irriget terram ». Op. cit. sub voce: גִּיחוֹן, col. 377; *Samuel David**Luzzatto*: « Iuxta opinionem Rab. Ioseph Kimchi... Gehon est Nilus ». *Sepher Bereshit*, pag. 31.

120) Cf. not. 103 huius ep.

121) Cf. Clarius, col. 83; Drusius, col.

96; Grotius, col. 105; Pererius dubitat an adhuc existant ea flumina. *Comment. in Gen.*, lib. 3, t. 1, pag. 334-340.122) Cf. Aug. Calmet *Dictionarium Historicum*, sub vocibus: *Aethiopia*, et: *Chus*; et *Comment. in Gen.*, pag. 21-23.

123) Cf. Ex 2, 21: 18, 2-3; Nm

12, 1.

124) Cf. Strabo *Rerum Geographicarum*, lib. 11, pag. 346-365; lib. 13, pag. 433; Huetius *Tract. De Situ Paradisi*, apud Blas. Ugolinum *Thesaurus Antiq.*, vol. 17, col.CXXXIX-DXLII; Adrianus Relandi *Dissert. De Situ Paradisi*, apud eundem, col. DLXXXI-DXC; Munsterus, col. 60; Clarius, col. 83; Drusius, col. 94; Herodotus *Historiae*, lib. 3, pag.225; Plinius Sec. *Hist. Nat.*, lib. 5, ep. 27, pag. 47; Ptolomaeus *Geographia*, lib. 5, ep. 5,pag. 168; Stephanus Bizantinus *De Urbibus et Populis*, pag. 432; Appianus Alex. *Roma-**norum Historiarum*, t. 1, pag. 403; Th. Malvenda *De Paradiso Voluptatis*, ep. 39, pag. 117;

ep. 41, pag. 123-125.

125) Cf. Q. Curtius, qui ait indigenas illius regionis Pasitigrim

asseverari
potest.

Mesopotamiae quandam esse civitatem, quae Phison dicitur, a fluvio sic nomen sortita. Nos autem nil certi in his possumus asseverare.

De Tigride autem et Euphrate nihil est quod dubitemus; siquidem Tigris ad orientalem plagam Syriae vergit: Euphrates autem terminus est terrae promissionis a plaga orientali. *Tigris* תִּיגְרִיִּס hebraice dicitur, quoniam, inquit Rabbinus Salomon¹²⁶, « aquae eius sunt subtiles et leves »; *Euphrates* autem: מֵרַת, « quoniam aquae eius crescunt et multiplicantur faciuntque crescere hominem ».

Vr. 15 *Tulit ergo Dominus Deus hominem, et posuit eum in paradiso voluptatis, ut operaretur et custodiret illum.*

Hebraice: *Accepit Dominus Deus hominem, et posuit in horto Eden, ut coleret eum et custodiret eum*, scilicet hortum.

עַד in hebraeo generis tum masculini tum feminini est, etiam in plurali, ut Aben Ezra hic notat¹²⁷; hic autem cum affixo feminini est: unde non ad hominem, sed ad paradisum referri necesse est.

Tulit ergo Dominus, etc. Homo extra paradisum formatus, in eum postea a Deo translatus fuit, ad colendam terram illam absque omni fatigatione, sed magna cum delectatione et facilitate.

Innuit autem Sacra Scriptura extra paradisum formatum fuisse hominem, tulisseque eum Dominum de loco, in quo formaverat, locasseque eum ad quiete manendum et habitandum in paradiso illo amoenissimo. *Ut operaretur*, hoc est ut coleret hortum illum, quod tunc cum placida quadam delectatione, ad suae virtutis exercitium, citra omnem sudorem ac lassitudinem, sed cum animi alacritate omni-que facilitate exercuisset. Nec quid dubitarim quin Adam ab initio praeditus fuerit astrorum scientia, cum ad colendam terram destinatus sit, ita ut iam perspectam haberet terrae potentiam et temporum varietates, ad procurandos suis temporibus fructus. *Et custodiret eum*, scilicet paradisum, inquit Aben Ezra¹²⁸, ab omnibus bestiis, ne congregarentur ibi et foedarent eum. Aliqui¹²⁹ vero di-

vocare Phasim. *Historiae*, lib. 5, cp. 9, pag. 179. Inter Phasin autem et Phison exiguum est discrimen. *Drusius*: « Alunt et urbem esse Phison nomine, quam Procopius in Mesopotamia collocat. Eusebius, Hieronymus, Augustinus Gangem interpretantur. Rab. Salomon, Moyses Gerundensis et alii, Nilum; illis imposuit Iosephus, his Rab. Saadia ». Col. 94. 126) Op. cit. f. 4^b. 127) Ibid. 128) Ibid. 129) Cf. Severianus *De Mundi Creatione, Orat.* 5, (P. G. 56, 478); Moses Bar-Cepha *De Paradiso*, part. 1, cp. 6, ibid. 111, 491; S. Augustinus *De Genesi ad Litteram*, lib. 8, cp. 10, (P. L. 34, 381); S. Eucherius *Comment. in Gen.*, lib. 1,

cunt hic Deum praecavisse hominem, ut se a tortuoso serpente satana custodiret, ne a paradiso, ob eius dolos ac fraudes in culpam lapsus, mereretur extrudi.

Vrr. 16-17 *Praecipitque ei dicens: Ex omni ligno paradisi comede; de ligno autem scientiae boni et mali ne comedas; in quacumque enim die comederis ex eo, morte morieris.*

Hebraicus Textus: *Et praecepit Dominus Deus super Adam dicendo: Ex omni ligno paradisi comedendo comedes; et de ligno scientiae boni et mali ne comedas ex eo; quoniam in die qua comederis ex eo, moriendo morieris.*

Chaldaeus Interpres vertit: *Et de ligno, cuius comedentes fructus eius sapientes sunt inter bonum et malum, non comedas ex eo.*

Aben Ezra teste ¹³⁰, in 3 capite *Geneseos*, « verba haec: *Morte morieris*, diversimode exponuntur a multis; quidam dicunt: tunc eris reus mortis; alii dicunt, quod mors est poena, quemadmodum dicitur: *Quoniam filius mortis est vir faciens hoc* ¹³¹; alii dicunt, quod ex tunc aegrotabis, quod morieris ». Inquit [etiam]: ¹³² « יִצִי est dictio cum praecepto negativo »; atque ita exponit: « Licet reliquerim tibi omnes fructus lignorum horti, ne comedas de fructu ligni scientiae. Sed postquam dixit: *De ligno scientiae non comedes*, quid necesse fuit dictio: *ex eo*? Veruntamen addidit ad declarationem; et ita est: *Et aperuit et vidit eum infantem* ¹³³; vel sensus eius est: quin etiam parum ex eo. Et nota quod Adam fuit plenus scientia, quia Deus non praecepit ei, qui non habet scientiam; sed scientiam boni et mali in re una solum non cognovit! An non vides quod vocavit nomina omni iumento et volucris, iuxta generationem uniuscuiusque? ¹³⁴ Et ecce sapiens magnus fuit ».

Praecipitque ei dicens, etc. Expositio huius loci iuxta Aben Ezram.

Supra legimus ¹³⁵ praefectum a Deo fuisse hominem piscibus maris et volatilibus coeli, omnibus bestiis, universaeque terrae; nunc autem, ut cognosceret homo divinae se ditioni subditum esse et eum,

De ligno autem, etc. Cum homo constitutus fuerit super

ibid. 50, 907; S. Beda *Hexaem.*, lib. 1, ibid. 91, 47; Alcuinus *Interr. in Gen.*, ibid. 100, 522; Rabanus Maurus *Comment. in Gen.*, lib. 1, cp. 12, ibid. 107, 480; Angelomus *Comment. in Gen.*, ibid. 115, 132-133; Nic. Lyranus op. cit. f. 37^b. 130) Op. cit. ad cp. 3, vr. 8, f. 5^a. 131) 2 Rg 12, 5. Vulg.: *Qui fecit, loco: Faciens.* 132) Op. cit. f. 4^b. Ms.: *Aben Ezra inquit repetitur, quia verba antecedentia eiusdem Rabbini in margine adiecta fuerunt.* 133) Ex 2, 6. Ex Hebraico. 134) Cf. Gn 2, 20. 135) Cf. ibid. 1, 28.

omnes creaturas, ut cognosceret se etiam dominatorem habere, Deus praeceptum hoc illi dedit.

Lignum illud natura quidem bonum erat, sed homini vetitum ad demonstrandum Dei imperium.

In quacumque enim hora, etc. Mortem spirituales primo Deus comminatus est; mox, peccato commisso, etiam corporalem adiecit.

Hoc praeceptum etiam mulier obstringebatur, quia in Adam et ipsa existerat.

Hoc Dei praeceptum probat hominis libertatem, qua mereri vel demereri poterat, obediendo vel inobediendo.

quem habuit conditorem, perpetuo etiam dominatorem habere, mandatum a Deo accipit ut, acceptis ad vitae rationem omnibus paradisi lignis, *de ligno tamen scientiae boni et mali* ne unquam comederet. Nec putandum quoquo pacto est lignum hoc homini vetitum, natura malum noxiumque fuisse; siquidem natura bonum, visu pulcrum suaveque ad vescendum fuit. Prohibuit tamen illud Deus, tum ut ostenderet iure optimo se dominatum habere in homine, tum ut homo ipse obedientiae sanctae praeclara merita continue assequeretur, cum a tali ligno non deberet arceri nisi virtutis sanctae intuitu: cum natura res bona esset, et a qua non deberet manum retrahere, nisi ob dominatoris Dei iussum atque imperium.

At vero quia transgressionis culpam poenae reatus statim consequitur, hinc est quod mox subiungit: *In quacumque enim hora comederis ex eo morte morieris*, sive *moriendo morieris*, vel *mortalis eris*. Mox etenim ut comedit lignum vetitum, morte mortuus est culpae: quam etiam corporis mors suo subsecuta est tempore; ipsa etenim die coepit esse mortalis ac corruptioni obnoxius coepitque ad mortem extremumque vitae exitium tendere.

Porro notandum hoc in loco est non fuisse hoc praeceptum mulieri expressum, quae postmodo formata est, sed viro tantummodo, in quo omnes comprehensi sunt, qui veluti in illo existentes eodem praecepto obligabantur. Unde et mulier lignum vetitum comedendo peccavit, quia et illi per Adam mandatum fuit a Deo ne comederet; siquidem vir constitutus fuit caput mulieris, postquam ex illo mulier formata fuit ¹³⁶.

Insuper notandum hic est creatum fuisse primum hominem libero arbitrio praeditum, quatenus mereri posset ac demereri. Unde in *Ecclesiastico* ¹³⁷ vere dicitur: *Deus ab initio constituit hominem et reliquit illum in manu consilii sui, adiecit mandata et praecepta sua: si volueris mandata servare, conservabunt te, et in perpetuum fidem placitam servare. Apposuit tibi aquam et ignem: ad quod volueris porrige manum tuam; ante hominem vita et mors, bonum et malum: quod placuerit ei dabitur illi; quoniam multa sapientia Dei, et fortis in potentia videns omnes sine intermissione.*

136) Cf. Eph 5, 23.

137) 15, 14-19. Vulg.: *Placitam facere.*

Vr. 18 *Dixit quoque Dominus Deus : Non est bonum hominem esse solum ; faciamus ei adiutorium simile sibi.*

T e x t u s H e b r a i c u s : *Non est bonum Adam esse solum ; faciam ei adiutorium coram eo.*

S e p t u a g i n t a tamen *faciamus* verterunt, sicut et nostra **E d i t i o** ; sic enim habent: Ποιήσωμεν αὐτῷ βοηθὸν κατ' αὐτόν: idest: *Faciamus ei auxiliatricem congruentem illi* : ex praecedentibus forte sumpserunt ut est: *faciamus*.

A t C h a l d a e u s I n t e r p r e s integrum hebraicum vertit: *Faciam ei adiutorium, sive sustentaculum coram eo.*

A b e n E z r a exponit ¹³⁸: « Non est bonum ipsi homini, iuxta sententiam: *Boni duo magis quam unus* ¹³⁹ ».

Nos vero ad coniugium id referri arbitramur; siquidem ad prolem procreandam filiosque gignendos neuter per se, vir aut mulier, sufficit: sed amborum unio. Quoniam ergo Adam solus ad filios pro Dei gloria procreandos non erat sufficiens, inquit: *Non est bonum hominem esse solum* ; naturae etenim humanae tollebatur propagatio ac multiplicatio, quod utique bonum magnum est. At ut crescant homines ac multiplicentur terramque impleant ac subiiciant, *faciam ei adiutorium* ad propagandum, propagataque servandum ac nutriendum. Et recte inquit: *Adiutorium* ; siquidem principale agens non mulier, sed vir est eiusque societatis principalis comes. Faciendum ergo proponit Deus homini *adiutorium simile*, idest eiusdem naturae ac formae: *simile*, non idem; omnis ¹⁴⁰ nanque similitudo aliquam includere dissimilitudinem necesse est, alioqui non similitudo, sed identitas est; iccirco mulier *adiutorium* homini *simile* dicitur: nam etsi eiusdem naturae ac formae, diversitas tamen in sexu est ; vel *quod sit coram eo*, aut *e regione illi*, quod singulare in natura humana est, nec reperitur in belluis.

Non est bonum hominem esse solum, etc.
Verba haec ad coniugium referuntur, quia ad propagationem speciei uterque sexus requiritur,

quamvis mulier principale agens non sit.

Vr. 19 *Formatis igitur Dominus Deus de humo cunctis animantibus terrae et universis volatilibus coeli, adduxit ea ad Adam, ut videret quid vocaret ea.*

T e x t u s H e b r a i c u s : *Et formavit Dominus Deus de terra omnem bestiam agri et omne volatile coeli et adduxit, seu venire fecit ad Adam, etc.*

138) Op. cit. f. 4^b.

139) Eccle 4, 9. Ex hebraico.

140) Ms. : *Omni*.

Chaldaeus Interpres: *Et creavit Dominus Deus, etc.*

Haec formatio ea est, quae superius praemissa est, ubi dicitur: *Et fecit Deus omnem bestiam* ¹⁴¹ *terrae, etc.*

Aben Ezra, exposito quod homo plenus scientia fuit, ex eo quod animalibus nomina imposuit ¹⁴², inquit ¹⁴³ super hoc quod forte fuit ita: « Non adduxit Deus creaturas suas ad eum, scilicet hominem, *ut videret quid vocaret ea*: quia ipse sciebat ex hoc quod est bestia seu bellua. Deus etiam ostendit ei lignum scientiae, quia ecce uxor eius novit quod erat in medio paradisi ». Ego vero secundum veritatem adducta esse [puto], et non tantum secundum phantasiam.

Adduxit ea ad Adam, etc. Realiter animalia ad Adam adducta fuerunt et non secundum phantasiam tantum,

Considerandum hic est tum bestias terrae tum volatilia coeli a Domino ex terrena materia dici esse formata ¹⁴⁴, cum tamen superius videatur aquis praecepisse, ut producerent *reptile animae viventis et volatile . . . volans sub firmamento coeli* ¹⁴⁵. Hoc est, inquit Aben Ezra ¹⁴⁶, quia ex ambobus volatilia formata sunt, ex aqua scilicet et terra.

neque vi, neque ministerio angelorum, sed voluntate Dei illa impellentis, ut Adam veluti dominum recognoscerent.

Et duxit ea ad Adam. Non est putandum a Domino, quasi ab homine, manu et per funes illa fuisse adducta, vel angelorum ministerio, ut quidam aiunt ¹⁴⁷: sed hanc illis bestiis immisit extimulationem ut hominem adirent, quasi dominum agnoscentes et ut agnoscerentur ab ipso, et inderet nomen singulis speciebus, iuxta uniuscuiusque proprietates. Ideo ait: *Ut videret quid vocaret ea*. Potest id tum ad Deum tum ad Adam ipsum referri. Si ad Deum referatur, hunc habet sensum: *Ut videret Deus quid vocaret ea*, scilicet Adam: non quasi Deus ipse nesciret; sed usitato dicendi more apud Scripturas, quo significatur, ut hoc apparere faceret; ut scilicet homo, Deo latenter interius docente intellectumque illustrante, ex animalium ad se, Deo duce, venientium aspectu, eorum naturas specierumque diversitates ac intimas proprietates apprime cognosceret, et eorum speculatis ac contemplatis naturis, eis inderet nomina, prout uniuscuiusque natura ac proprietas exigebat. Et sic *ut videret Deus*, hoc est ut videre ac perspicere faceret ipsum hominem ac scire quid vocaret ea.

141) Gn 1, 25. Vulg.: *Bestias*, loco: *Omnem bestiam*.

huius cp. 143) Op. cit. f. 4^a.

144) Ms.: *Formatam*.

142) Cf. pag. 235, et not. 132

146) Op. cit. ad cp. 1, vr. 20, f. 3^a.

145) Gn 1, 20.

147) Cf. S. Augustinus *De Genesi ad Litteram*, lib. 9, cp. 14, (P. L. 34, 402-403); Strabus *Glossa Ord. in Gen.*, ibid. 113, 89; Nic. Lyranus op. cit. f. 38^a; Alph. Tostatus op. cit. f. 16^a; Fel. Capitonius *Explicationes*, etc. part. 1, *Explicat.* 7, pag. 16.

Possumus et aliter exponere: *Ut videret*, scilicet ipse homo *quid vocaret ea*, ut ex objecto habita causa eorum contemplandi naturas, ex aspectu, quo ad eorum naturas cognoscendas plurimum iuvabatur, naturales ac intimas eorum proprietates, inclinationes et usus introspiciens, videret nedum corporeo visu, sed mentis etiam intuitu diligenter attenderet quid vocaret ea, ut nomen unicuique ex sua proprietate conveniret.

Ut videret quid vocaret ea, idest ab illo nomina reciperent suis naturis et proprietatibus congruentia.

Vrr. 19-20

*Omne enim quod vocavit Adam animae viventi*¹⁴⁸, *ipsum est nomen eius. Appellavitque Adam nominibus suis cuncta animantia et universa volatilia coeli et omnes bestias terrae.*

Textus Hebraicus: *Et omne quod vocavit Adam animae viventi, est nomen eius. Et vocavit Adam nomina cunctis iumentis et volatili coeli et omni bestiae agri.*

Mirifice ostendit hic Moyses ipsum Adam, citra omnem experientiam, naturalium rerum notitiam contemplativamque scientiam habuisse, quod¹⁴⁹ animalium, in quibus vel maxime ea versatur cognitio, clare ostendit, dicens: *Et omne quod vocavit Adam animae viventi, ipsum est nomen eius*; in quo ostendit nomina ab Adam rebus imposita ea fuisse, ut apprime naturas ac proprietates rerum declararent. Siquidem naturalibus vocibus mirifice articulatis tales imponit significationes, ut et nomina eorum, quibus indita sunt, expressiva ac significativa essent et significationem haberent animalium proprietatibus convenientem; quod non ex vocum natura, sed imponentis arbitrio, scientia ac ratione et sapientia summa effectum est.

Omne quod vocavit Adam, etc. His verbis Moyses innuit Adam scientiam infusam rerum naturalium habuisse.

Appellavitque Adam nominibus suis, idest eorum naturas, species, ac proprietates convenienter expressivis ac significativis, *omnia animantia*, idest iumenta *et... volatilia coeli et... bestias terrae*. Pisces omittit quoniam adducti ad ipsum non sunt, quorum tamen naturas facile ex aliis terrestribus accipere poterat. Haec autem nominum impositio ab ipso Adam cunctis animantibus hebraica lingua probabilissime facta creditur,¹⁵⁰ eamque linguam sanctissimam ac plenissimam tunc fuisse ab Adam inventam ac institutam, atque usu in om-

Haec nominum impositio hebraica lingua facta creditur, quae, ab Adam inventa, semper postea in populo hebraico permansit.

148) Vr. 19. Vulg.: *Viventis*.

149) Ms.: *In repetitur*.

150) Cf. Origenes *Hom. 11 in Num.*, (P. G. 12, 649); S. Io. Chrysostomus *Hom. 30 in Gen.*, *ibid.* 53, 279; S. Hieronymus *Comment. in Sophoniam*, (P. L. 25, 1384); S. Beda *Hexaem.*, (P. L. 91, 50); Nic. Lyrarus op. cit. f. 38^a; Alph. Tostatus op. cit. f. 16^a; Gloseffo Flavio *Delle Antichità Giudaiche*, lib. 1, cp. 2, f. 2^b.

nem posteritatem usque ad linguarum divisionem pervenisse. Si-
quidem nomina quae ad illud usque tempus in Sacra Scriptura le-
gimus, hebraica esse conspiciuntur; inde vero in hebraica propagine
ac familia mansit, et usque ad haec nostra tempora in eius posteris,
qui ab eo per Abraham, Isaac et Iacob secundum carnem descen-
derunt, perduravit.

Adae vero non inveniebatur adiutor similis eius.

Hoc iam supra explicuimus. At vero cum Adam in illo etiam
statu animal sociabile esset secundum naturam, ne dulci solatio ca-
reret atque carissimo destitutus esset coniugio, hinc Moyses quem-
admodum Deus homini *adiutorium simile* providerit lucidissime
exarare incipit.

Vrr. 21-22 *Immisitque* ¹⁵¹ *Dominus Deus soporem in Adam; cumque ob-*
dormisset, tulit unam de costis eius et replevit carnem pro ea et aedi-
ficavit Dominus Deus costam, quam tulerat de Adam, in mulierem et
adduxit eam ad Adam.

T e x t u s H e b r a i c u s : *Et illabi fecit Dominus Deus* תָּרַדְמָה,
idest *somnum fortem.*

Sunt in hebraica lingua tres voces significantes **s o m n u m** :

Immisit Domi-
nus soporem,
etc.
Tres species
somni ab
Hebraeis
distinguuntur:
somnus
consuetus,
fortior et gra-
vissimus.

תָּרַדְמָה ¹⁵² et שֵׁנָה et תְּנוּמָה. Et prima quidem vox שֵׁנָה
בְּלִתִּי חֹזֶקָה, idest *somnus sine fortitudine* est; se-
cunda vero *somnum fortio-rem* significat; tertia vero *som-*
num gravissimum. Aben Ezra in loci huius exposi-
tione ¹⁵³ hoc dicit. Hunc illabi fecit Dominus in Adam, vel super
Adam, et obdormivit.

Eam vocem Septuaginta ἔσθλας, hoc est *mentis secessum*
et alienationem ac sensuum privationem quandam verterunt.

Chaldaeus tamen Interpres vertit: *Immisit, seu pro-*
iecit Dominus Deus שֵׁנָתָא, idest *somnum super Adam*: וְדַמְּוּ,
idest *et somno oppressus est*, ut *ex uno omne genus hominum* prodi-
ret ¹⁵⁴, qui principium ac totius humani generis esset origo.

151) Vr. 21. Vulg.: *Immisit ergo.*

152) Cf. Pagnini op. cit. sub vocibus: שֵׁנָה, col.
1092-1093: גִּזְרִים, col. 1549: דְּרָם, col. 2636.

153) Op. cit. f. 4^b; et etiam David Kimchi
op. cit. sub voce: תְּרַדְמָה.

154) Act 17, 26.

Cum ex eo iam solatio coniugis destituto vellet Deus *adiutorium* ei simile, costa ex eius latere desumpta, aedificare, ne ablationem hanc sentiret Adam, somnum gravem in eum Dominus immisit. Qui somnus recte a Deo in Adam dicitur immissus, quoniam non ex ciborum evaporatione, aut quavis alia naturali causa est generatus: sed eo oppressus est Adam auctore Deo, ut non necesse sit eum a causa naturali venisse. Soporato itaque ac dormitione profunda sopito Adam, *tulit Deus unam de costis eius*.

Immisit Deus in Adam somnum gravissimum, ne ablationem costae sentiret, ex qua mulier fabricanda erat.

Dubitatum a non paucis ¹⁵⁵ super hoc fuit, an fuerit costa illa, ex qua aedificata est mulier, superabundans in Adam, an de eius corporis integritate. Si enim superflua fuit costa illa, profecto monstruosus a Deo primus homo formatus est, cui una superflueret costa; si autem non erat superflua, consequens est ut mutilus ac mancus redditus sit primus homo, cui una a Deo desumpta deesset costa. Horum autem utrumque inconveniens est. Responsum ab omnibus fere est ¹⁵⁶ huic difficultati, eam quidem costam superfluam illi homini fuisse, secundum quod certum quoddam erat individuum per se existens ac subsistens; quatenus vero homo ille principium erat, a quo totum genus humanum originem trahere et propagari oportebat, costa illa nequaquam erat superflua, sed necessaria, de qua mulier educenda esset. Erat itaque costa illa superflua hypostasi illius viri, non tamen omnino superflua; sed instar seminis, quod quidem ratione individui superfluum est, ratione vero speciei necessarium; siquidem principium est sibi simile producendi ad speciei perpetuitatem ¹⁵⁷.

Tulit unam de costis eius, etc. Communiter tenetur costam illam, ex qua mulier formata fuit, superfluam fuisse Adamo uti individuo,

necessariam vero uti principio generis humani, quia ex ea mulier formanda erat.

Haec responsio mihi certe non displicuit aliquando; re tamen maturius considerata, nec omnino constans visa est, nec consona satis veritati. Etenim satis est, inquiet quis, in eo primo homine quatenus

Rectius tamen dicendum videtur necessariam fuisse etiam

155) Cf. Nic. Lyranus op. cit. f. 38^b-39^a. Caletanus, ex hac difficultate, si costa illa fuisset Adam superflua monstruosus fuisset primus homo: si autem necessaria, mancus remansisset post illius ablationem, arguit omnem enarrationem hanc formationis mulleris metaphorice intelligendam esse. In *Quinque Mosalcos Libros*, pag. 25. Cf. etiam Pererius *Comment. in Gen.*, lib. 4, t. 1, pag. 437-438. Hugo de S. Victore ait: « Hoc quaerere frivolum est, quia nec dentes puerorum, qui postea mutantur, dicuntur superflui, nec ipsimet, quamvis nondum habeant iustum naturae augmentum, diminuti ludicantur ». *Adnotat. Elucidat. in Pentat.*, (P.L. 175, 40). 156) Cf. S. Thomas S. *Theolog.*, 1^a, q. 92, a. 3, ad 2; q. 97, a. 2, ad 3; 3^a, q. 31, a. 5, ad 2; S. Bonaventura *Sentent.*, lib. 2, dist. 18, a. 1, q. 1. 157) Cf. Aristot. *De Anima*, lib. 2, cp. 4, t. 1, pag. 390.

quoad indivi-
duum; secus
proprie non
diceretur mu-
lier ex ossibus
viri formata;

homo erat, costam illam fuisse superfluum, ut censeatur absurdum; consequens est enim ex hoc monstruosum fuisse hominem illum: quod de nulla re dicendum est in prima conditione rerum. Et si ea costa non pertinebat ad virum illum secundum veritatem naturae eius particularis, non proprie dici posset mulier ex illo viro orta, nec ex ossibus eius. Nam illud os in viro redundabat; nec admodum proprie dici posset os esse ex viri ossibus et caro de carne eius: nec tulisse unam de costis viri, si superflua erat costa illa; quae tamen contra Scripturam sunt. Demum quid oportuit Deum pro costa illa carnem replevisse, si superflua erat? Certe si eius loco carnem Deus replevit, vel dicendum est costam illam non fuisse superfluum, vel etiam repletam a Deo carnem fuisse superfluum et superabundantem et nihilo secius monstruosum remansisse virum.

nec oportebat
replere carnem
pro ea.

Sed necesse
fuit replere
carnem pro
costa illa,
quia de inte-
gritate erat
naturae
Adami.

Nec illud de semine valde simile est. Semen etenim naturale est homini, ex eius sanguine ac medullis ad generandum excisum; nec hominem monstruosum reddit, sed ad generandum propensum: quod animalibus naturalissimum est. Haec autem de costa illa minime dici possunt. Videtur autem et veritati et rationi consentaneum, ut dicamus costam illam de integritate ac veritate naturae illius hominis: hinc enim nullum eorum, quae sunt assignata, inconueniens sequitur.

Coniuncta
cum carne
costa illa
ablata fuit,
quia Adam
Evam agnovit
os ex ossibus
eius et carnem
de carne eius.

At dicet quis fuisse postea mutilum hominem illum, ut puta una costa carentem. Sed profecto id locum non habet, cum Dominus pro costa illa carnem repleverit; neque enim existimandum est carnem illam a Deo repositam sine osse fuisse: sicut nec sublatam costam asseverare quis poterit sine carne fuisse, cum scriptum sit: *Hoc nunc os ex ossibus meis, et caro de carne mea* ¹⁵⁸; ut non solum os de ossibus, sed etiam carnem de carne acceptam fuisse declaret. Si ergo ossis appellatione, costae scilicet quae in mulierem aedificata est, venit et caro cum osse, nil inconvenit ut, e converso, carnis appellatione os pariter cum carne comprehendere, potissimum cum sub nomine *carnis* totum hominem saepenumero vocet Scriptura ¹⁵⁹. Quando ergo Scriptura tradit Deum pro costa carnem reposuisse,

¹⁵⁸) Gn 2, 23.

¹⁵⁹) Ibid. 6, 12-13; 9, 11-15; Idt 7, 16; Iob 12, 10; Ps 55, 5; 64, 3; 135, 5; 144, 21; Prv 4, 22; Eccell 1, 10; 13, 20; 17, 4; Is 40, 5-6; 49, 26; Ier 12, 12; 32, 27; 45, 5; Ez 20, 48; 21, 5.

ita intelligendum est ut carnem non absque osse reposuerit, cum caro sola sine osse non esset idonee subrogata pro osse cum carne.

Adam ergo gravi somno sopito, ex eius latere costa sublata et loco eius subrogata vel, iuxta hebraicum, clausa carne, costam, quam acceperat, Deus *aedificavit . . . in mulierem*, in conditione mulieris. Usus est *M o y s e s* non formandi, aut generandi verbo, sed *aedificandi*: *Et aedificavit in mulierem*: ut intelligeremus non per modum naturae, sed artis Dei productam fuisse mulierem; ideo non fuit proprie Adae filia, sed Dei creatura immediate ab illo facta.

Dicitur Deus non formasse, sed aedificasse costam in mulierem, ut intelligatur Deum immediate fecisse mulierem arte sua, non per modum naturae.

Quomodo autem ex costa illa corpus mulieris factum sit, novit ipse qui fecit. Potest tamen dici quod vel aliam constantem materiam ei adiunxit, vel aliam de nihilo creavit, vel de sola costae substantia, absque omni extrinseco addito, Dei iussu et omnipotenti virtute costa illa in semetipsa multiplicata et aucta, maiores dimensiones acceperit et ex ea mulieris corpus plasmari potuerit, eo sane miraculo quo postea de quinque panibus, a Iesu Christi coelesti virtute multiplicatis, quinque millia hominum¹⁶⁰ satiari potuerunt¹⁶¹. Nec etiam dubitarim¹⁶² in formatione mulieris Deum fuisse angelorum ministerio usum.

Quam mox formatam ad Adam Dominus adduxit tanquam ipsius sociam et coniugem. Propterea nanque de costa formavit, non de capite, aut pede: quia viro dedit Deus mulierem non tanquam dominam aut servam, sed tanquam coniugem ac sociam¹⁶³. Dicit autem adduxisse Dominum mulierem ad Adam, quia eo auctore factum est ut mulier ad virum veniret, qui hoc ipsum in eius mentem inspiravit extimulationemque immisit, ut ad illum, ex quo sumpta erat, accederet tanquam ad virum suum ac inseparabilem coniugem sponsumque dilectissimum. Quamobrem Deus, tanquam viri ac mulieris conciliator ac eorum socialis coniugii paranympheus, mulierem ad virum adduxit; quam vir a Deo acceptam, ex se ipso esse cognovit et tanquam gratissimam sponsam a Deo sibi datam, plurimum adamavit ac dilexit. Unde sequitur:

Non de capite, vel de pede, sed de latere viri mulier formata est, quia non domina, vel serva, sed socia viri est.

160) Cf. Mt 14, 17-21; Mc 8, 1-9.

161) Cf. Petrus Lombardus *Sentent.*, lib. 2, dist. 18, cp. 2, (P. L. 192, 688); S. Thomas S. *Theolog.*, 1^a, q. 92, a. 3, ad 1.

162) Ms.: *Dubitatis*. 163) Cf. Petrus Lombardus *Sentent.*, lib. 2, dist. 18, cp. 2, (P. L. 192, 688); S. Thomas S. *Theolog.*, 1^a, q. 92, a. 3, ad 1.

Vrr. 23-24 *Hoc nunc os ex ossibus meis et caro de carne mea : haec vocabitur virago, quoniam de viro sumpta est. Quamobrem relinquet homo patrem suum et matrem suam et adhaerebit uxori suae ; et erunt duo in carne una.*

Textus Hebraicus : *Et dixit Adam : hac vice os ex ossibus meis et caro de carne mea, propter hoc vocabitur אִשָּׁה, virago, seu vira, quoniam de viro sumpta est.*

Quod noster **I n t e r p r e s** vertit: *Haec vocabitur virago, quia de viro sumpta est*, hebraice est pro viro: אִשָּׁה, et pro muliere:

Virago.
In alia lingua
recte verti non
potest vox
hebraica אִשָּׁה,
mulierem
significans.

אִשָּׁה; vel quemadmodum a viro mulier ducta est, ita a viri nomine nomen mulieris ductum est. Quod in nulla alia lingua fieri posse id argumento est, quod nullus interpretum locum hunc satis reddiderit.

S e p t u a g i n t a nanque locum hunc sic reddiderunt: Αἷτη κληθήσεται γυνή, ὅτι ἐκ τοῦ ἀνδρὸς αὐτῆς ἐλήμφθη: *Haec vocabitur mulier, quia de viro sumpta est*; id autem nullam videtur servare consecutionem.

C h a l d a e u s etiam **I n t e r p r e s** hunc locum vertit: לְדָא : יִתְקַרֵּי אִתְתָּא אִרִּי מִבְּעֵלָהּ נְסִיבָא דָּא : *Haec vocabitur mulier, quia de viro sumpta est ipsa.*

Noster autem **I n t e r p r e s** a viro *viraginem* traxit.

Id autem non ex interpretum inscitia factum est, sed quia diversa idiomata non possunt adamussim in hoc hebraicum imitari. Atque hinc **R a b b i n u s S a l o m o n** arguit ¹⁶⁴ quod mundus creatus est in lingua sancta. **R a b b i n u s A b e n E z r a** sic interpretatur ¹⁶⁵ hoc, quod dicitur: *Hac vice os ex ossibus meis*: « Tunc dixit: hac vice inveni adiutorium coram me, mei simile, quoniam ex me est ».

Nos vero et aliter interpretamur. *Hoc nunc os*, hac scilicet vice tantum id fit, ut adiutorium viro simile ex solo viro aedificetur,

164) Cf. Op. cit. f. 4^b. In lingua sancta, idest hebraica, quia hebraice אִשָּׁה, mulier, deductum est a: אִשָּׁה, vir. *Fagius*: « Philosophantur Hebraei in voce אִשָּׁה et אִשָּׁה, hunc in modum, quod si maritus et uxor caste et innocenter vixerint fidemque matrimonii sanctam servaverint, Deum illis adesse atque inter eos habitare, quod significatur per litteram י, quae una est ex nomine tetragrammaton atque media est in voce: אִשָּׁה, quam si iterum demas, manet, אִשָּׁה, quod ignem significat ». Col. 76. 165) Op. cit. f. 4^b.

potius quam nascatur; postmodo enim coniuges ex naturali semine propagati copulabuntur. Simulque notandum est supernaturaliter cognovisse Adam ex se formatam esse mulierem. Unde et prophetice locutus est; mox enim ut dixit: *Hoc nunc os ex ossibus meis et caro de carne mea* – quo docemur non tantum ex viri osse, sed ex carne etiam formatam esse mulierem, – *haec vocabitur virago, seu vira, quia de viro sumpta est* – congruum est enim ut si de viri substantia atque natura mulier exaedificata est, ut et de viri quoque nomine eius nomen deducatur; et quorum natura eadem, idem et nomen sit; et sicut in sexu dissimiles sunt, ita et aliqualem etiam differentiam in nomine gerant; – tunc vaticinium subiunxit, dicens: *Propter hoc relinquet homo patrem suum et matrem suam et adhaerebit uxori suae*. Praecipitur in his verbis ac inhibetur a Deo sacrum coniugium ac Matrimonii sacramentum. Deus enim est qui per os Adae verba haec locutus est, quemadmodum Christus Dominus noster apud *M a t t h a e u m* expressit, dicens¹⁶⁶: *Non legistis quod qui fecit hominem ab initio, masculum et feminam fecit eos, et dixit: Propter hoc relinquet homo patrem suum et matrem suam et adhaerebit uxori suae et erunt duo in carne una? . . . Quod ergo Deus coniunxit, homo non separet.*

Hoc nunc os ex ossibus meis, etc.

Haec verba significant hac vice tantum mulierem ex viro formatam fuisse, quia in posterum per generationem id fieri debet.

Propter hoc relinquet homo, etc.

His verbis sacramentum Matrimonii significatur et consequens coniugum cohabitatio, etiam parentibus relictis;

filius enim, uxore ducta, prius tenetur huic subvenire, quam parentibus, ceteris paribus.

Nec tamen quoad caritatis erga parentes dilectionem ista derelictio intelligenda est: semper enim tenetur homo parentes diligere et honorare; sed de cohabitatione intelligendum est quod dicitur. Unde *Chaldaeus Paraphrastes* verissime transtulit: *Propter hoc relinquet homo domum cubilis patris sui et matris suae, et adhaerebit cum uxore sua*. Filius enim, uxore ducta, non tenetur amplius habitare cum patre, sed cum uxore, suntque ei providenda necessaria vitae sibi et uxori ac communi familiae; etiam si quaslibet parentes patiantur necessitates et incommoda, tenetur magis uxori ac familiae, quam parentibus; si non possit utrisque subvenire, uxori magis ac familiae providendum sibi est, quam parentibus. Officia ergo uxori debita parentum officiis praeponenda censentur, si simul expleri reddique non possint.

Et erunt duo in carne una, vel iuxta hebraicum: *Erunt in carnem unam*. Hunc locum diversimode interpretati sunt doctores tum

Erunt duo in carne una.
Variarum inter-

166) 19, 4-6. Vulg.: *Quia . . . dimittet, loco: Quod . . . relinquet.*

pretationes
huius loci.

His verbis si-
gnificatur
matrimonii in-
dissolubilitas

et unitas.

Reprobatur
ergo divor-
tium, quod
ad duritiam
populi hebraici
Moyses ali-
quando con-
cessit.

Per adhae-
sionem viri

Hebraei tum Latini. Quidam Latinorum¹⁶⁷ et Rabbini Sallomon¹⁶⁸ sic exposuerunt, ut per hanc carnem proles intelligatur, ad quam procreandam vir atque mulier coniunguntur et per ambos fit fetus, in quo eorum caro fit una. Alii vero¹⁶⁹, quibus Abene Ezra assentit¹⁷⁰, ita interpretati sunt, ut cum adhaeserit vir coniunctusque fuerit cum muliere desponsata sibi uxore matrimoniali copula secundum carnem, efficiantur ambo secundum debitum una caro, sicut una caro fuerunt ab initio Adam et Eva; ut sit sensus: *Adhaerebit uxori suae* legitimae per carnalem copulam, et ex hac adhaesione fiet, ut sint duo in carnem unam, ut sit matrimonium ratum ac indissolubile. Etenim hoc ex sui natura habet illa coniunctio propter consensum, cui assistit Deus, ut duorum carnem reddat unam, faciens indissolubile vinculum; unde illud *erunt* iussio est ac inhibitio divinae voluntatis, ut ubi adhaeserint legitime Dei voluntate per Matrimonii sacramentum¹⁷¹ a Deo coniuncti¹⁷², sint indissolubiles ut una caro, habeatque unusquisque ius super carnem illam.

Ex quo autem vir atque mulier una caro effecti sunt, nec a se invicem unquam seiungi ac separari [possunt], nec alteri carni copulari; unius enim carnis maxime proprium est ut partes se invicem fovere debeant, nutrire, adiuvare, nec ab invicem seiungi et alteri carni copulari; nam quae sunt individui partes, incommunicabiles alteri individuo esse debent. Quocirca manifeste ac luculenter patet hoc verbo non satis uxorum pluralitatem a Deo probari, sed potius prohiberi, et divortium debuisse semper esse illicitum, sicut Dominus ait: *Quod... Deus coniunxit, homo non separet*. Permissa tamen sunt haec aliquando a Moyse ob hominum pravitatem ac Iudaeorum duritiem¹⁷³.

Sciendum praeterea est, adeo ex naturali hac adhaesione et copula viri ad mulierem trahi hoc debitum unamque fieri carnem,

167) Cf. Angelomus *Comment. in Gen.*, (P. L. 115, 135); Hugo de S. Victore *Adnotat. Elucidat. in Pentat.*, ibid. 175, 41; Alph. Tostatus op. cit. f. 17^b; Io. Menochius *Explicat. in Gen.*, pag. 4; Pererius op. cit. lib. 4, t. 1, pag. 491.

168) Op. cit. f. 4^b.

169) Cf. Rupertus *De Trinitate, etc. In Gen.*, lib. 2, cp. 38, (P. L. 167, 285-286); Petrus Comestor *Historia Scholastica*, ibid. 198, 1071; Corn. A Lapide *Comment. in Gen.*, pag. 185; Aug. Calmet *Comment. in Epist. 1 ad Cor.*, t. 8, pag. 159-160.

170) Op. cit. f. 4^b.

171) Ms.: *Matrimonium*

172) Cf. supra cp. 1, pag. 201.

173) Cf. Mt 19, 8.

ut nedum in legitimo matrimonio, verum etiam commixtio adultera et meretricia hoc habeat, ut qui sic commiscantur, etiam una caro efficiantur, teste Apostolo, qui ait ¹⁷⁴: *An nescitis quod qui adhaeret meretrici unum corpus efficitur? Erunt enim, inquit, duo in carne una*. Non quod in loco hoc quem citat, de meretricio commercio et adhaesione sermo sit: sed quia talis copula ex sui natura illud habeat; et ideo in meretrice constituit etiam illud debitum, ut qui illi coniungitur, iam obligetur ut non possit esse alterius, cum effectus cum ea unum corpus sit; et rursum non possit illius esse, quantum ad usum pertinet, sine peccato, cum non approbet, sed reprobet illam copulam Deus, nec ei assistat, sed obsistat. Quamobrem qui sic contra Dei legem coniungitur, duo contra se incurrit; primum: ut una caro fiant, et sic contrahatur affinitas perpetua, qua prohibeatur quivis eorum a complexu cum propinquis alterius, ne incestum committant; alterum vero: cum Deus isti copulae non assistat, tantum abest ut in invicem contrahatur debitum, idest ius alteri in carne alterius, ac per hoc teneantur sibi invicem in opere carnis inservire, ut contra toties peccent, quoties sese ulterius commiscuerint, nisi vero consensu iungant se matrimonii vinculo; alioqui non sunt una caro, quantum ad hanc considerationem spectat, vere et legitime, sed de facto furtim et invito Domino. Una tamen caro iure censentur, quoniam ex ea adhaesione affinitas perpetua contrahitur; et revera ex vi et natura ipsius rei deberent coniugii universalis facultatem amittere. Verum quoniam periculum esset grave si isti arcerentur a matrimoniis et cogerentur contrahere cum meretrice, ideo indulgentia factum est ut possit quilibet fornicantium contrahere: non tamen cum consanguineis alterius propter affinitatem contractam, quae in eorum odium durat, quemadmodum iura canonica docent ¹⁷⁵. Magna ergo vis illius adhaesionis in verbis Domini: *Adhaerebit uxori suae et erunt duo in carne una*. Mitto hic mysterium, quod B. Apostolus magnum vocat ¹⁷⁶ in Christo et... Ecclesia; suo enim loco, Deo duce, expendemus.

mulieri effici-
tur una caro,
non solum in
copula legi-
tima, verum
etiam in
meretricia.

Duo mala
committit qui
contra Dei
legem
fornicarum
coniungitur:
primum, con-
trahit affinita-
tem cum pro-
pinquis al-
terius; se-
cundum, licet
facti sint una
caro, ne-
queunt tamen
ius habere ad
debitum, quia
peccatum est.

174) 1 Cor 6, 16. Vulg.: *Quoniam*, loco: *Quod*. 175) Cf. *Decretum Gratiani*, part. 2, quaest. 2-3, cp. 1-2, (P. L. 187, 1663-1675); G. Hergenröther *Storia Universale della Chiesa, Evo Antico*, lib. 2, part. 1, cp. 16, vol. 2, pag. 196; *Evo Medio*, lib. 1, part. 1, cp. 23, vol. 3, pag. 225; part. 2, cp. 14, ibid. pag. 392; *Epoca Terza*, lib. 1, part. 1, cp. 22, vol. 6, pag. 259. 176) Eph 5, 32.

Vr. 25 *Erant*¹⁷⁷ *autem uterque nudus, Adam scilicet et uxor eius, et non erubescabant.*

Erat autem uterque nudus, etc.

Admitti nequit opinio primos parentes non erubuisse ob eorum puerilem simplicitatem.

Rabbīnus Salomon inquit¹⁷⁸, quod « non erubuerunt quia non noverunt viam verecundiae ad probandum inter bonum et malum; et licet data esset ei scientia ad vocandum nomina animalibus, non dedit ei concupiscentiam malam, usquequo comederunt de ligno et ingressa est in eo concupiscentia mala, et cognoverunt quid differret inter bonum et malum ». Iosephus hanc inerubescētia in primis parentibus ob simplicitatem scientiaeque defectum putat¹⁷⁹ evenisse, sicut est in pueris, qui nuditatis pudore non suffunduntur, ex quo usu rationis carent.

Sed hoc eveniebat ob statum innocentiae et iustitiae originalis.

Nos vero omni scientia plenum ac cumulatisimum, rerum praecipue naturalium, fuisse Adam [credimus], cum animantibus omnibus nomina imposuerit; ac ideo non ob simplicitatem id evenisse, sed ex conditione status innocentiae et ob excellens illud donum iustitiae originalis, quo primi parentes a Deo donati sunt.

Quod confirmatur ex erubescētia quam naturaliter experiuntur omnes, etiam ingenui.

Quod quidem donum ex hoc loco vel maxime in primis parentibus fuisse manifestari asseveramus, ubi duo quasi impossibilia ponuntur, videlicet nuditas et inerubescētia. Nam nuditas naturaliter parit ruborem in homine, sicut et nunc nobis illa iustitia destitutis accidere sentimus. Etenim in illis membris maxime apparet inordinatio et dissolutio freni illius, quo refrenabatur caro ipsa et coerceretur ne adversus spiritum insolesceret. Homo autem, etsi non edoctus ab homine, nescio tamen qua vi insitae rationis hanc indignitatem in se recognoscens, cogitur erubescere, si forte ostendantur illa, quae meritissime pudenda vocantur. Videtur nanque patefacere turpitudinem et peccatum in eis latens; scit enim homo ita esse, tametsi nesciat quamobrem ita sit. Quae quidem notitia hominem ab illis actionibus retrahit, quae alioqui licitae essent et absque peccato fierent; exerceri enim in palam non potest, nisi impudentissime, nuptiarum officium: sed secreto, ob pudorem ab ipsa rei turpitudine innatum; nec ullus dari potest eousque flagitiosus et impudens, qui valeat hunc naturae instinctum [palam] declinare.

177) Vr. 25. Vulg.: *Erat autem, etc.*

178) Op. cit. f. 5^a.
daiche, lib. 1, cp. 3, f. 3^a, et apud Nic. Lyranum op. cit. f. 39^a; et Alph. Tostatum, op. cit. f. 17^a.

179) *Delle Antichità Giudaiche*, lib. 1, cp. 3, f. 3^a, et apud Nic. Lyranum op. cit. f. 39^a; et Alph. Tostatum, op. cit. f. 17^a.

Cum ergo primi parentes in illo felicissimo statu nullam in ea nuditate agnoscerent in seipsis erubescendi causam, inde profecto erat, quia iustitiae illius originalis dono nuditas illa miro modo contegebatur. Non enim ab inscitia et ignorantia accidere id quoquo pacto poterat, cum essent sapientissimi: sed a tranquillitate ac integerrima puritate et innocentia carnis, quae per illam iustitiam rationi consentiens, nullo pacto spiritui adversabatur. Cum ergo nudi essent – non quod vestibis caruissent, sed quia, vestibis nullo pacto indigentes, vestiti non essent ¹⁸⁰, – *non erubescabant*; splendidissime enim vestiti erant decore illo iustitiae, quam si perpetuo servassent ¹⁸¹, nunquam vestibis eguissent vel ad verenda tegenda, cum ea, quae nunc ob peccatum pudenda sunt, tunc pudenda non essent: neque ut se a frigore aut aeris intemperie defenderent, cum nihil detrimenti et laesionis fuissent passuri.

Ergo inerubescencia illa non ex ignorantia erat, sed ex innocentia et ordine perfecto, quo passionibus subiciebantur rationi.

Ex quo autem hucusque noster sermo pervenit, de hoc iustitiae originalis dono aliqua disserere operae pretium visum est, quam *Sapiens rectitudinem* vocat, ita dicens: *Deus ab initio creavit hominem rectum* ¹⁸², idest iustitia originali praeditum. Ac ne longius sermo noster protrahatur, tria nobis videnda sunt; primo: quid sit iustitia originalis; secundo: in qua animae parte ponenda sit; tertio: quis eius fuerit principalis effectus.

De iustitia originali tria inquirenda sunt: quid sit; in qua animae parte ponenda sit; quis eius fuerit principalis effectus.

Principio autem id munus Dei non gratiam gratum facientem, seu caritatem fuisse, sed *gratiam gratis datam*, a caritate separabilem. Quod inde probari existimamus: nam cum mulier sive per virum, sive immediate a Deo praeceptum accepisset ne de ligno scientiae boni et mali gustaret, sicut ipsamet testatur dicens: *De fructu scientiae boni et mali praecepit nobis Deus ne comederemus* ¹⁸³: profecto quando lignum vetitum comedit, praeceptum transgressa est seipsamque gratia et caritate destituit; originalis tamen iustitiae donum non amisit quousque post illam et vir, lignum vetitum degustans, divinum praeceptum transgressus est. Nam iustitiae originalis donum inde vel maxime elucet quod, cum nudi essent, *non erubescabant*. Cum ergo mulier, iam pomo degustato, nuditatem suam non cognovisset, nec erubisset, profecto gratia et caritate

Primo: iustitia originalis non erat gratia gratum faciens, sed gratis data et a caritate separabilis;

180) Ms.: *Esset*.

181) Ms.: *Servasset*.

182) Eccle 7, 30. Vulg.: *Fecerit Deus*, etc.

183) Gn 3, 3.

nam mulier transgrediens ipsa sola praeceptum divinum, amisit quidem caritatem, non autem iustitiam originalem, quia adhuc non erubuit.

Ideo prius amiserunt caritatem consentiendo interiorius peccato; postea amiserunt iustitiam originalem, cum de facto fructum vetitum degustaverunt.

Secundo: iustitia originalis residebat in inferiori animae parte, quia cum in hac invenitur fomes et concupiscentia,

in hac etiam inveniri debuerat frenum concupiscentiae.

iam per transgressionem praecepti amissa, iustitia originalis, etsi iure perdita, de facto tamen adhuc perseverabat. Cum autem et vir fructum a Deo vetitum a muliere sibi oblatum comedit ¹⁸⁴, tunc ambo eo munere destituti sunt et cognoverunt *se esse nudos* ¹⁸⁵ et erubuerunt. Et certe quando id munus amiserunt, iam gratia et caritate destituti erant; illud enim per comestionem perdiderunt: gratiam autem interiori actu dato consensu, deordinata iam voluntate et aversa a Deo ratione, etiam antequam comedissent, aut ad fructum vetitum manus extendissent, amiserant. Ex quo clare et luculenter conspicitur originalem iustitiam, non gratiam gratum facientem, sive caritatem fuisse, sed gratiam gratis datam, a caritate et gratia separabilem, cum cernatur conspicue eam aliquantulo temporis in primis illis parentibus, per pravam consensum et voluntatis deordinationem gratia destitutis, perseverasse usque ad peccati, iam per consensum praeconcepti, consummationem.

Secundo vero: in qua parte animae ponebatur hoc donum. Nonnulli putant ¹⁸⁶ hoc donum in superiori animae portione collocatum fuisse, quoniam vocatur iustitia, cuius expers est pars inferior; iustitia enim revera habet voluntatem pro subiecto. Ego vero in inferiori animae portione locatam fuisse existimo. Positivum enim ac privativum idem omnino pro subiecto habent. At morbus ille ac fomes peccati: carnis illa concupiscentia adversus spiritum ¹⁸⁷: corpus illud mortis, quod mentem interioremque hominem lacescit et aggravat: lex illa membrorum repugnans legi mentis ¹⁸⁸, in portione certe inferiori ipsius animae est. Igitur et frenum illius concupiscentiae, et tranquillitas illa carnis, et lex illa sancta membrorum, et pax illa carnis ad spiritum, et obedientia illa sensus exteriorisque hominis ad interiorem et mentem, in ea portione locanda venit.

184) Cf. *Ibid.* vr. 6.

185) *Ibid.* vr. 7.

186) Secundum S. Thomam subiectum iustitiae originalis est essentia animae potius quam eius potentiae, et essentia animae ponitur subiectum gratiae gratum facientis. *S. Theolog.*, 1^a 2^{ae}, q. 83, a. 2, ad 2; q. 110, a. 4. S. Bonaventura collocat in voluntate subiectum iustitiae originalis et etiam gratiae gratum facientis. *Sentent.*, lib. 2, dist. 31, a. 1, q. 2; dist. 41, a. 2, q. 2. Durandus, apud Pererium, illud collocat in appetitu sensitivo. Pererius vero illud ponit in omnibus potentiis superioribus animae, in iis nempe potentiis, in quibus erant habitus, per quos homo secundum statum naturae integer, rectus et perfectus reddebatur. *Comment. in Gen.*, lib. 5, q. 2, t. 1, pag. 577.

187) Cf. Gal 5, 17.

188) Cf. Rom 7, 23.

Et huius quidem rei mihi maximam fidem facit quod, cum Adam hoc esset munere a Deo praeditus, pro se et pro tota sua posteritate id donum accepit. Quamobrem si ipse servasset excellentissimum illud donum, quod gravi suo et omnium nostrum damno amisit, omnes posterius eo munere donati fuissent naturali quadam veluti hereditaria successione, accipientes a parentibus, a quibus propagabantur et esse accipiebant naturae. At vero quae in superiori animae portione locantur, non natura vel hereditaria successione accipiuntur a patribus et genitoribus, sed immediate per creationem a Deo emanant ac infunduntur simul menti et rationi.

Quod magis probatur quia iustitia illa propagari debuerat in posteris per generationem; at quae pertinent ad superiorem animae partem, a Deo immediate infunduntur.

Iustitia vero meritissime dicitur, quoniam rectissima quaedam ac aequissima erat membrorum inferiorumque animae virium lex et regula, qua sensus omnesque vires inferiores regulabantur ne insurgerent, aut contra rationem pugnarent neve contra mentis ac rationis iudicium aliquid vel agerent vel concupiscerent; sed eas ut in nullo sibi repugnantes in nulloque rebelles, sed faciliter ac delectabiliter etiam obsequentes, poterat mens ac ratio feliciter regere, earumque obsequio gratissimo potiri ac delectari. Sicut nunc ex earum rebellionem gravem sentit iacturam et incommoda maximamque tristitiam, quoniam eo freno laxatae sunt eiusmodi vires eaque rectissima et aequissima lege ac regula destitutae; quamobrem tanquam effrenes et indomitae spiritui ac menti recalcitrant et contra eum insurgunt ac pugnant, continuisque bellis etiam omnigena passionum pravaru alluvie, in eum insolescunt: et nos infelices, nisi gratia Dei per Iesum Christum ab hoc corpore mortis liberaret ¹⁸⁹.

Recte munus hoc iustitia vocatur, quia aequissima lex erat, qua sensus inferiores dominio rationis perfecte subiiciebantur.

Tertio autem, de effectu huius iustitiae videndum est. Praecipuus ac principalis huius originalis [iustitiae] effectus, iuxta multorum sententiam ¹⁹⁰, ordinatio voluntatis fuit in Deum. Quod quidem mihi non satis probatur: sed muneris gratiae gratum facientis et caritatis hanc voluntatis in Deum ordinationem fuisse existimamus, sicut et nunc est. Etenim, ut supra quoque visum est, dato iam a muliere in comestionem fructus vetiti consensu, iam eius voluntas, dubio omni procul, a Deo deordinata aversaque erat; iustitiam tamen originalem de facto, etsi de iure, non amisit, quousque et vir

Tertio: effectus iustitiae originalis non erat ordinatio voluntatis in Deum, quae potius est effectus caritatis et gratiae gratum facientis.

Antequam enim de facto mulier iusti-

189) Cf. *ibid.* vrr. 24-25. 190) Cf. S. Thomas *S. Theolog.* 1^a, q. 95, a. 1, c.; a. 3, c.; 1^a 2^{ae}, q. 82, a. 3, c.; q. 85, a. 3, c.

tiam amisisset, voluntas a Deo iam deordinata erat, ob datum consensum peccato.

comedit et cognoverunt *se esse nudos* et erubuerunt. Antequam ergo originalem iustitiam amisissent, iam gratiam amiserant, deordinatamque et a Deo aversam voluntatem gravissimique peccati labe infectam ac depravatam habebant.

Nec tamen dicendum est potuisse originalem iustitiam sine hoc praecipuo effectum aliquanto tempore perdurare; nam sicut modo gratia, cuius proprium est voluntatem Deo ordinatam et gratam tenere, non potest vel temporis momento cum peccato voluntatisque deordinatione permanere: ita nec iustitia illa.

Effectus iustitiae originalis proprie erat ordinatio sensuum inferiorum ad rationem, subiectio passionum spiritui,

Cum ergo mentis ac voluntatis in Deum ordinatio superioris altiorisque et excellentioris doni munus fuerit, gratiae videlicet et caritatis, quae animam Deo caram, gratam et amicam reddebat; praecipuum iustitiae originalis munus id fuisse asserimus, ut perfectam tranquillitatem et amicitiam inter sensum et rationem redderet, eamque legem, quae in membris nostris repugnat legi mentis nostrae, frenaret faceretque, non ut omnino passiones non essent in anima secundum partem sensitivam, sed ne insurgerent, aut contra rationem pugnarent. Non fuisset enim in illo statu ira et dolor, pudor et timor, aut taedium cum pavore, et quaecumque omnino afferunt afflictionem.

quo dono sensus omnes delectabiliter continebantur sub dominio rectae rationis, et legi Dei subiiciebantur absque ulla difficultate.

Perfecta igitur tranquillitas in anima quoad omnes potentias effectus fuit praecipuus ac principalis iustitiae originalis: ita quod sensus viresque inferiores non inclinarentur ad sua delectabilia contra aut supra superioris portionis iudicium et rectae rationis legem praefixosque limites; aut si appetitus in delectabile aliquod inclinaretur, cui naturale esset condelectari, ab eo potuisset delectabiliter retrahi a mente et ratione, absque ulla penitus difficultate superioris, aut tristitia inferioris; quoniam sensus ipse viresque inferiores ex hoc iustitiae originalis munere delectabiliter obedissent menti et rationi, condelectataeque fuissent legi Dei secundum interiorem hominem.

Alius effectus huius iustitiae erat immortalitas a morte, a dolore et a senectute;

Est et alter iustitiae originalis effectus, et ipse praecipuus ac peculiaris: immortalitas videlicet corporis, qua potitus fuisset per eam homo ut, natura mortalis, eius munere nunquam mortem gustaret. Non quod impossibilitatem moriendi ei tribueret, sed non moriendi potestatem; haec hominem perpetua soliditate vestiebat, ne ulla unquam vel infirmitate, vel anxietate, vel senii lassitudine, vel imbe-

cillitate fatigaretur. Corpus enim ab humorum intemperie praeservabat, quos semper et una cum eis elementorum virtutes et in se invicem actiones, mira quadam proportionem et aequabilissima ac placidissima temperie attemperabat. Unde omnes infirmitates procul arcebantur, et per ligni vitae alimenta adeo naturales virtutes humidi radicalis, virtute naturalis caloris deperditas ac consumptas instaurabat, ut nullo unquam aut vigore virium minueretur, nec fame aut siti afficeretur, nec corporis imbecillitate fatigaretur, nec senii lassitudine gravaretur. Per hanc etiam amoenissimo paradisi terrestris loco eiusque omnigena deliciarum ubertate potitus semper fuisset; ac tum Dei vigilantissima providentia, tum angelorum diligentissimaeque custodia, securus semper in omnibus viis suis fuisset ne forte a quovis extrinseco laedente mors ei quoquo pacto inferretur. Unde immortalitatis dote semper felix gaudensque vixisset, nulli unquam miseriae, aut calamitati obnoxius, omni felicitate plenus. Haec autem de iustitia originali sint satis.

cui etiam cooperabatur fructus ligni vitae, qui virtutem radicalis humidi continuo reficiebat;

et insuper angelica custodia et divina assistentia, quae ab omni extrinseco laedente hominem protegebat.

CAPUT TERTIUM

Vr. 1 *Sed et serpens erat callidior cunctis animantibus terrae, quae fecerat Dominus Deus.*

Quod Interpres noster vertit: *Callidior*, Septuaginta transtulerunt: 'Ο δὲ ὄφις [ἦν] φρονιμώτατος: *At serpens erat prudentissimus*; Theodotio¹ et Aquila vero²: *versipellis*. Vox tamen hebraica: עָרוֹם, callidum astutumque significat et sapientem³.

Chaldaeus Interpres eandem vocem posuit: עָרוֹם; quamvis nonnulli⁴ codices חָכִים habeant, quod est sapiens.

1) Cf. Origenes *Hexapla*, (P. G. 15, 174). 2) Cf. *ibid.* col. 172. 3) Cf. Pagnini op. cit. sub radice: עָרוֹם, col. 2090-2091; *callidus, astutus*, et etiam *nudus*; eadem enim

voce utitur S. Scriptura infra vrr. 7. 10-11. 4) Cf. *Targum Ierosolymitanum*: חָכִים לְבִישׁ;

S. Hieronymus *Hebraic. Quaest. in Gen.*, (P. L. 23, 942); Strabus *Glossa Ord. in Gen.*, *ibid.* 113, 91; Drusius, col. 137.

Per serpentem
non solum ani-
mal intelligen-
dum est, nec
solus satanas
in serpente lo-
quens.

Iuxta sententiam vero omnium expositorum, etiam Hebraeo-
rum, per *serpentem* hic nec solum animal, aut satanam solum oportet intelligi; sed satanam in serpente animali loquentem⁵. Non solum animal; quia cum muliere loquebatur, quod rationalium intellectualiumque naturarum, non brutorum est. Eos autem qui solum satanam fuisse autumant, sic Aben Ezra redarguit, dicens⁶ quod « non respexerunt ad finem capituli; quoniam quomodo graditur satanas super pectus suum? Et quomodo pulverem comedit? Et quae ratio ad maledicendum: *Ipsa*, vel *ipsum*, *conteret tibi caput*?⁷. Quapropter ipse, iuxta sententiam Rabbini Sahadiah Gaon⁸ et Rabbini Samuel ben Ophni⁹ et Rabbini Salomonis hispani¹⁰, tenet quod non serpens locutus est, nec asina¹¹, sed angelus per eos locutus est.

Tentator hic,
qua angelus,
est substantia
spiritualis,

Nos autem pro clariori loci huius intelligentia nonnulla exarare prius operae pretium duximus de natura huius tentatoris, secundum quam angelus est; et de lapsu, secundum quem *callidus serpens* et *versipellis* tentator nuncupatur. Cum saepissime in Sacra Scriptura spirituales quasdam substantias, quas angelos frequenti vocabulo nominamus, propositas nobis esse non inficiamur, constantissime tenendum est eas ab initio fuisse ab omnium Conditore creatas.

intellectualis,
libera,
a Deo creata
ad suum
ministerium,

Est autem angelus, ut Damasceno placet¹², substantia incorporea, intellectualis, semper mobilis, arbitrio libera, Deo ministrans, gratia, non natura immortalitatem suscipiens. In quibus verbis et angeli substantiam corpore expertem, virtutem in intelli-

5) Cf. S. Theophilus Antioch. *Ad Autolycum*, lib. 2, (P. G. 6, 1098); S. Cyrillus Alex. *Adversus Iulianum*, lib. 3, ibid, 76, 631-635; Theodoretus *Quaest. in Gen., Interr. 32*, ibid, 80, 130; S. Io. Damascenus *De Fide Orthodoxa*, lib. 2, cp. 10, ibid. 94, 910; S. Augustinus *De Genesi ad Litteram*, lib. 11, cp. 27, (P. L. 34, 443); S. Beda *Hexaem.*, lib. 1, ibid. 91, 53; *In Pentat.*, ibid. col. 210-211; Strabus *Glossa Ord. in Gen.*, ibid, 113, 91; Rupertus *De Trinitate*, etc. *In Gen.*, lib. 3, cp. 3, ibid. 167, 289-290; Petrus Lombardus *Sentent.*, lib. 2, dist. 21, ibid. 192, 695. *Maimonides*: « In Midrash adducunt Sapientes nostri serpentem equitatum fuisse quantitatem eius instar cameli, et sessorem eius fuisse illum qui decepit Evam, huncque sessorem fuisse Samaelem. Quod quidem nomen simpliciter denotat Satanam... Ecce iam expositum tibi est quod Samael est Satan, et quod eodem modo tam Satan quam Samael denotetur per serpentem ». *More Nebuchim*, part. 2, cp. 30, pag. 280. De variis opinionibus circa naturam serpentis cf. Alph. Niccolai op. cit. lez. 27, t. 3, pag. 5 sqq. 6) Op. cit. f. 5^a. 7) Gn 3, 15. Ex hebraico. 8) Apud Aben Ezram op. cit. f. 5^a. 9) Ibid. Ms.: *Ben Diaphni*. In Aben Ezra clare legitur: *בן הפני, Ben Ophni*, 10) Apud Aben Ezram ibid. Aben Ezra autem etiam oppositam sententiam affert, idest Deum, qui dedit intellectum homini, etiam serpenti dedisse: *והשם דעת באדם שם כן*. 11) Cf. Nm 22, 28-30. 12) *De Fide Orthodoxa*, lib. 2, cp. 3, (P. G. 94, 866-867).

gendo, operando ac imperando, officium in Dei ministerio, ac demum interminabilem ex gratuito Dei munere permanentiam licet per-
spicere.

gratia et
immortalitate
donata,

D. vero Dionysius Areopagita de angelo lo-
quens¹³, eius nobis ita naturam describit: « Imago Dei est angelus
et occulti luminis declaratio, ac speculum purum, nitidissimum,
incoquinatum, immaculatum, incontaminatum, totam in se su-
scipiens, si dictu fas est, speciei ipsius pulcritudinem figuraeque di-
vinae, atque in seipso sincere, quantum fieri potest, splendore decla-
rans secretissimi illius silentii bonitatem ».

perfectissima
Dei imago,

In quibus verbis mirifice angelicam, idest intellectualem in sua
puritate naturam esse quasi splendorem circumfusum divinae lucis
declarat, lucisque illius penetralia intellectualibus animis intelligibi-
liter declarantem, solemque divinum in angelo tanquam in speculo
purissimo expressissime relucere primoque, pleno ac perfectissimo
gradu, absque ullo penitus defectu, eam divinae lucis, bonitatis ac
pulcritudinis participationem esse sortitum; ut perlucidissimus quidam
sit divinae gloriae splendor perfectissimaeque Dei imago ac simili-
tudo; eo pulcrius excellentiusque sit in eo divinae bonitatis, speciei,
figurae ac pulcritudinis character, quo eius est natura subtilior.

excellentissi-
ma inter om-
nes creaturas.

Haec omnia spiritualium intellectualiumque substantiarum uni-
versa multitudo a suae conditionis initio munificentissime ab univer-
sorum Conditorum acceperunt: quos Deus in coelo empyreo loco om-
nium eminentissimo ac dignissimo, una cum eo ab initio condidit¹⁴,
tanquam supremi illius coeli splendidissima perlucidissimaque astra.
Ita enim a Deo vocati sunt, quemadmodum legimus: *Ubi eras cum
me laudarent . . . astra matutina et iubilarent omnes filii Dei*¹⁵ ? Astra
siquidem dicuntur, tum propter incorruptibilis naturae excellen-
tiam, tum propter eminentiam loci, tum propter clarissimi luminis
intellectualis splendorem, quo et sibi inferiores purgant, illuminant
ac perficiunt; *matutina* vero, quia ab initio conditi sunt; *Deum lau-
dantia*, quia Creatorem suum cognoscebant, etsi nondum, sicut et co-
gniti erant, *facie ad faciem*¹⁶; ad hoc enim tendebant *filii Dei* propter

Angeli una
cum coelo em-
pyreo creati
fuerunt tan-
quam illius
coeli splendi-
dissima astra.

Bene vocantur
astra matutina
Deum lau-
dantia,

13) *De Divinis Nominibus*, cp. 4, ibid. 3, 723.

14) Cf. cp. 1, pag. 125-126.

15) Iob 38, 7.

16) 1 Cor 13, 12.

quia innocen-
tes et impas-
sibiles, et ma-
ximis donis
naturalibus
et supernatu-
ralibus ditati.

supernaturalia dona, quibus exornati mirifice erant. Fidem enim limpidissimam habebant, cum repromissum fuisset eis regnum coelorum si in iustitia et veritate stabiles perstitissent; spem, ut ad fidelia beataque promissa contenderent; caritatem, ut summum bonum tota vi ac mentis conatu super omnia diligerent. *Iubilantes* vero, quoniam etsi a principio non fuerunt beati, sed ad beatitudinem contendebant, quae in clara visione Dei *facie ad faciem* consistit, unde est fruitio ad quam conditi erant, erant tamen naturali quadam beatitudine felices ac beati. Statum enim quendam innocentes et impassibiles possidebant perfectum, in quo nullum esset vel poenae damnum vel culpa malum: omnigena spiritualium deliciarum, citra tamen beatitudinem, copia ac ubertate refertum: multis et maximis supernaturalibus donis decorati ad sciendum et intelligendum cuncta prompte ac dilucide.

Inter omnes
angelos Luci-
fer eminebat,
in quo perfe-
ctius imago
Dei et dona
relucebant;

Inter hos autem felices spiritus erat Lucifer ille *principium viarum Dei* ¹⁷, sicut sol inter astra ¹⁸, primum ac summum locum super omnes sortitus, in quo omnia Dei dona perfectius et lucidius emicabant. De quo per *Ezechielem* in persona regis Tyri dicitur ¹⁹: *Tu signaculum similitudinis, plenus sapientia et perfectus decore, in deliciis paradisi Dei fuisti, omnis lapis pretiosus operimentum tuum, sardius, topazius . . . iaspis, chrysolithus et onyx et beryllus, saphirus et carbunculus et smaragdus; aurum opus decoris tui et foramina tua in die, qua conditus es, praeparata sunt. Tu Cherub extentus et protegens, . . . in monte sancto Dei, in medio lapidum ignitorum perfectus ambulasti.*

quare per
antonomasiam
appellatur
signaculum
divinae
similitudinis.

Quo in loco notandum est per antonomasiam ²⁰ *signaculum divinae similitudinis* dictum esse Luciferum, quoniam in eo clarior ac perfectior divina relucebat imago. Deinde novem dixit genera lapidum; quia nimirum novem sunt angelorum ordines, quos quasi vestem ad ornamentum suum Lucifer habuit, quorum dum claritatem transcenderet, ex eorum comparatione clarior fuit. Unde alibi, eius super omnes alios excellentiam insinuans, idem Propheta de eo in persona Pharaonis, regis Aegypti, dixit ²¹: *Cedri non fuerunt*

17) Iob 40, 14.

18) Ms.: *Astram.*19) 28, 12-15. Vulg.: *Ambulasti perfectus.*20) Ms.: *Antonomasia.*

multis, etc.

21) Ez 31, 8-9. Vulg.: *Et multis condensisque, etc., loco: in*

altiores illo in paradiso Dei, abietes non adaequaverunt summitatem eius, et platani non fuerunt aequae frondibus illius, omne lignum paradisi Dei non est assimilatum illi, et pulcritudini eius. Quoniam speciosum feci eum in multis condensisque frondibus, et aemulata sunt eum omnia ligna voluptatis, quae erant in paradiso Dei.

Eius
excellencia a
S. Scriptura
amplissimis
verbis
describitur.

Conveniens
erat angelos,
tanta ditatos
excellencia,
testimonium
dare suae
fidelitatis,

Cum ergo omnes angeli in amoenissimo illo paradiso, qui sursum est, in coelo scilicet empyreo, deliciosissime, citra supernaturalem beatitudinem, naturali ea felicitate ac beatitudine potirentur et ad supernaturalem contenderent, conveniens omnino ac rationi consentaneum est aliquod eos mandatum accepisse, ut supernaturalem beatitudinem mererentur. Non enim conveniens quoquo pacto videtur, absque lege aliqua et nullius adimptione mandati, beatitudinem eam, quae summa merces ac praemium est, fuisse illis propositam; sed quemadmodum homo mandatum a Deo accepit ex beneplacito Dei, ut per eius observantiam, felicitatem, ad quam conditus ordinatusque erat, beatitudinemque eam, quae supra naturae vires est, assequeretur: ita et de angelis cogitandum est; quo etiam cognoscerent se Deo esse subiectos. Etiam supra ea, quae natura dictabat, credibile omnino est eos habuisse aliquod mandatum excedens legis naturalis limites: sed quod in beneplacito Dei consisteret, ut supernaturalem felicitatem congruo modo acquirerent, quae similiter ex Dei beneplacito habetur.

exequendo
aliquod prae-
ceptum Dei, ut
supernatura-
lem beatitu-
dinem mere-
rentur.

Hoc autem praeceptum quod aut quale fuerit nullus valet hominum indagare, cum supra naturam sit et ex mero beneplacito Dei. Probabilissime tamen crediderim humanae naturae in Christo adorationem id fuisse, ut revelarit illis Deus se velle immenso modo secundum omnipotentiam suam communicare seipsum humanae creaturae eamque assumere, ut sublimetur illa in Deo ac quasi insitione quadam admirabili in Verbo fiat illa subsistens Deus, praeostenderitque illis Filium suum Iesum Christum in specie et figura hominis; ac tunc demum iusserit legemque promulgaverit ut eum, *in quo* sibi super omnes semper *bene complacuit* ²², etsi homo futurus esset, adorarent tamen sicut Deum, propter Verbi hypostasim, eique obsequia et honores tanquam Deo redderent. Cui mandato quicumque obtemperarent, semper felices sempiternamque supernaturalem bea-

Quale fuerit
hoc praecep-
tum ignora-
tur; creditur
tamen Deus
illis
praecepisse ut
humanam na-
turam a Verbo
assumendam
adorarent,

illis revelato
Incarnationis
mysterio.

22) Mt 12, 18.

titudinem assequerentur; qui vero huic Dei mandato non acquiescerent²³, e loco illo supremo in sempiternas tenebras deiicerentur ac detruderentur.

Quae opinio confirmatur etiam S. Scripturae testimoniis.

Neque ea, quae nunc diximus, sine Scripturae testimonio a nobis dicta quis putet. D a v i d enim, de Christi regno loquens, ita Dei voce inquit²⁴: *Et adorent eum omnes angeli eius*; quemadmodum et A p o s t o l u s ait²⁵: *Et cum iterum introducit Primogenitum suum in mundum, ait: Et adorent eum omnes angeli Dei*. Et haec forte est vita aeterna, quam A p o s t o l u s ante tempora saecularia, vel aeterna, promissam esse ait, scribens ad Titum²⁶. Neque enim ante saecularia tempora erat cui posset Deus vitam aeternam, quae per Christum est, promittere, nisi angeli, qui cum in primo temporis momento creati sint, quasi ante saecularia tempora esse dicuntur.

Iussionem hanc permulti, Michael duce, libenter receperunt;

Audierunt igitur hoc decretum ipsi angeli, qui ante tempora saecularia soli inveniebantur promissionis capaces et acceptatores, eis per Iesum Christum destinata esse salutem ac vitam aeternam, si eum vellent ut adorandum Deum libenter et obsequiose recipere. Et sanctissimus Michael nihil penitus disquirens, recepit subito, ut par erat, mandatum Dei; similiter Gabriel, Raphael et Uriel et plurimi maiorum, quos secuti sunt innumeri angelorum exercitus.

alii autem, Lucifero duce, spreverunt, indigne ferentes Filium Dei humanam naturam angelicae praeferre.

Lucifer autem rem admiratus, coepit secum arbitrari valde durum, nec satis aequum, sed indignum atque iniquum hoc Dei consilium esse, sed angelo debere potius dignitatem hanc tribui, cuius natura etiam in tota sui generis latitudine est multo sublimior homine, ac multo magis primae angelorum speciei, quae omnium excellentissima est. Tunc ad seipsum respiciens et contemplans suam pulcritudinem, speciem ac decorem donaque excelsa virtutemque ac virium excellentiam, qua ceteris omnibus eminebat sicut sol inter astra, coepit illud sibi appetere, ut Deus suae uniretur hypostasi^{26a}, quam omnium angelorum cernebat excellentissimam; eamque coepit Dei similitudinem thronique consessum ad Dei dexteram solique super omnia astra coeli exaltationem, quam in aeternitate sua Deus decreverat Iesu Christo tribuere, impense sibi pessimus aemulator appetere. Unde hanc eius cogitationem prodens I s a i a s, haec satanae verba

Et cum Lucifer inter omnes se agnosceret excellentissimum, appetit ut Deus eius fulgidissimae uniretur naturae,

23) Ms.: *Acquirent*.
terrae, dicit, etc.

24) Ps 96, 7.
26) 1, 2.

25) Hebr 1, 6. Vulg.: *Primogenitum in orbem*
26a) S. Auctor accipit *hypostasim* sensu lato, loco: *naturae*.

deprompsit ²⁷: *In coelum ascendam, super astra Dei exaltabo solium meum; sedebo in monte testamenti, in lateribus aquilonis; ascendam super altitudinem nubium, similis ero Altissimo.* Hoc enim pacto videbat esse possibile ut fieret Deus, si natura divina suae uniretur hypostasi.

exaltationem Christo debitam sibi tribui volens;

Ea igitur cogitante Lucifero, sensim obscurabatur intellectus eius et voluntas, simul ira atque indignatione depravabatur, et coepit hanc dignitatem invidere homini et vehementer odisse Christum, quem omnino voluisset occidere et perdere. Unde et Dominus dixit, loquens Iudaeis: *Vos ex patre diabolo estis et voluntatem patris vestri vultis facere. Ille homicida erat ab initio et in veritate non stetit* ²⁸. *Vos quaeritis me interficere* ²⁹. Hinc factum est disceptatione et praedicatione vi quadam spiritus, *proelium illud magnum in coelo*, quando *Michael*, qui partes Dei tuebatur, *et angeli eius proeliabantur cum dracone*, et Lucifer, ex pulcherrimo angelo ob peccatum factus iam teterrimus draco, *pugnabat et angeli eius*, qui recipere unquam voluerunt Dei mandatum, nec rectum probare; sed blasphemabant Deoque iniquitatem impingebant. Sed *non valuerunt, neque locus inventus est eorum amplius in coelo; et proiectus est draco ille magnus, serpens antiquus, qui vocatur diabolus et satanas* ³⁰.

et maxima invidia, ira et odio in Christum et hominem exardescere coepit.

Proelio facto in coelo, angeli fideles praevaluerunt et rebelles in inferna proiecerunt;

Lucifer ergo, nimium divitiis bonitatis et patientiae Dei ³¹ abusus, de paradiso Dei eiectus, virulentissimae invidiae ac mortiferi odii in hominem stimulis exagitatus, sapientissimus ac prudentissimus ut mala faciat, astutus, callidus, versipellis ac nequam humani generis inimicus, magno coepit conari molimine, ut suo letali ac pestifero veneno homini mortem afferret, ac ut e paradisi deliciis eiectum in suam redigeret potestatem.

et Lucifer draco et satanas factus est, astutissimus humani generis hostis.

Id nobis *M o y s e s* his verbis declarat: *Sed et serpens erat callidior cunctis animantibus terrae.* Qui prius angelus pulcherrimus a Deo conditus fuit, factus est suo delicto teterrimus virulentissimusque serpens: ad tentandum hominem veniens, unum de terrae serpentibus ingreditur, in quem Deus permisit eum ingredi, ut suas in illo exerceret insidias, cum quo nonnullam convenientiam et analogiam haberet.

Ideo ad hominem tentandum in venenosum serpentem ingreditur, analogo instrumento utens,

27) 14, 13-14. Vulg.: *Conscendam*, loco: *Ascendam*.
Voluntatem.

29) Ibid. vr. 40.

30) Apc 12, 7-9.

28) Io 8, 44. Vulg.: *Desideria*, loco:
31) Cf. Rom 2, 4.

cum serpens
sit naturaliter
callidus et
astutus.

Serpens autem hic נחש hebraice dicitur, quae vox non solum animal serpentem, sed etiam *auguratorem*, ominosum, praestigiatores, tentatorem ac secretorum inquisitorem significat. Et forte hanc ob rem ea voce usus est *Moyse*s, ut et satanam tentatorem et animal etiam serpentem, in quo praestigiose loquens suas exercebat insidias, sapienter uno nobis verbo monstraret. Serpens autem iste *callidus* dicitur hebraica voce: ערום, a verbo: ערם, quod cum versutia ingeniose aliquid cogitare, consilia malignare, callide et astute agere et nequiter aliquid tractare significat. Ea insuper vox *nuditatem* significat; quo datur nobis intelligi quomodo antiquus iste serpens ac praestigiosissimus tentator, iam nudus ac omnibus donis coelestibus spoliatus, plenus invidia, omni versutia et calliditate ac iniquis cogitationibus armatus, hominem adorsus est, ut eum e felicitate illa deiiceret ac omni bono coelesti spoliaret. Etiam quoniam serpens aliqua naturali prudentia et calliditate pollet, nam et Dominus dixit: *Estote prudentes sicut serpentes et simplices sicut columbae* ³²; iccirco ut analogia inter daemonem tentatorem et instrumentum, quo ad tentandum uti eum oporteret, sane congrueret, in serpentem ingressus est, spiritu suo implens serpentem.

Non nisi divina
permissione
potuit satanas
per serpentem
tentare, quia
nullam habebat
in hominem
innocentem
potestatem;

et licet natura
eminenter ac
multo praestantior,
nullam tamen vim
illi inferre
poterat.

Nec tamen putandum est quod diabolus serpentem, per quem tentaret, ex se sua sponte eligeret: sed cum decipere cuperet, non potuit, nisi per quod animal posse permissus est. Etsi enim nocendi voluntas ei inest a se, potestas tamen est a Deo: nec erat datum serpenti in eo statu, ut posset tangere hominem quovis pacto, aut laedere, sive interius in anima, sive exterius in corpore. Etsi enim propter altiore multoque potentior naturam, vim multo potentior haberet, cui potentiae hominis corpus minime potuisset resistere, quamobrem vehementer eum laedere ac torquere potuisset, sicut nunc apparet in his, quos opprimit et miris miserabilibusque modis cruciat et vexat, etiam non permittente Deo ut noceret pro arbitrio suo ac rabie; cohibebatur tamen diabolus ne potestatem illam, quam a natura haberet, adversus illos exerceret. Quapropter non per vim hominem ad decipiendum adoritur, ut sibi consentiat, nec vires

inferiores intrinsecus movet, sive appetitum sensibilem motu illicito excitando, sive per vim phantasmatum intellectui illicitum quid proponendo, nil enim inordinatum viribus hominis inferioribus contingere poterat, nisi deordinata prius ratione; sed in sensibili serpentis specie exterius sensui obiecta praesentando, astutus insidiator hominem adorsus est, ita mulieri dicens:

Qui dixit ad mulierem: Cur praecepit vobis Deus, ut non comedetis ex ³³ *omni ligno paradisi?*

Hebraice: *Etiam quia dixit Deus: Non comedetis ex omni ligno horti.*

Chaldaeus Paraphrastes: *In veritate quia dixit, etc.*

Septuaginta vero: [Ti] ὅτι εἶπεν ὁ θεός: *Quid est quod dixit Deus?*

Nonnulli ³⁴ illud אֵף כִּי, exponunt: כָּל-שֵׁכֶן, *quanto magis.* *Cur praecepit, etc.*

Rabbinus Salomon exponit ³⁵ hoc: שָׁמָּה, *quare, propter quod dixit vobis.* Aben Ezra tamen inquit ³⁶ quod « hoc docet quod locutus alia verba, et dixit in fine: קַל וְחֹמֶר, leve et grave, quia dixit vobis: Non comedetis, etc.; et non facit mentionem serpens nominis gloriosi et terribilis », scilicet τετραγράμματος ³⁷, « quia non novit illud ». Hanc expositionem multi Hebraeorum receperunt ³⁸.

Variae
lectiones et
expositiones.

Nos vero ita exponimus. *Qui dixit ad mulierem*: sono articulato locutus est satan ad mulierem verbisque hebraicis movens linguam serpentis illius animalis, sicut et nunc quoque per fanaticos et energumenos loquitur. Sic est mulierem allocutus: *Cur praecepit vobis Deus ne comedetis ex omni ligno paradisi?* Dicunt multi Hebraeorum ³⁹ et Rabbinus Salomon ⁴⁰, quod « vidit serpens eos comedentes de reliquis fructibus et magnificavit verba, quatenus responderent ei et veniret ad loquendum de ligno illo, sicut venit ex responsione mulieris ».

Qui dixit, etc.
Satanas
locutus est
sensibiliter,
movens linguam
serpentis, sicut loquitur per energumenos, et maxima astutia sermonem ducit cum muliere;

33) Vr. 1. Vulg.: *De omni ligno, etc.*

34) Cf. Aben Ezra op. cit. f. 5^a; David Kimchi op. cit. sub hac dictione; Pagnini op. cit. sub eadem dictione, col. 150.

35) Op. cit. f. 5^a.
36) Ibid. *Leve et grave*; sic loquuntur Hebraei quando argumentantur a minori ad minus.

Cf. Io. Buxtorfius *De Abbreviaturis*, pag. 167.

37) Ms.: *Tetragrammaton*, et infra.

38) Cf. Munsterus, col. 110; Fagius, col. 112. 115. 129; Drusius, col. 137.

39) Hoc refert Rab. Salomon op. cit. f. 5^a.

40) Ibid.

quae coepit
incaute secum
ipsa conferre
de ratione
prohibitionis,

et nullam
inveniens
causam et uti-
litem, grave
sensit et du-
rum suae li-
bertati hoc
praeceptum.

Callidus ser-
pens prius mu-
liorem, utpote
debiliorem, ag-
greditur; qua
victa et virum
facilius victum
iri sperabat.

A mendacio
incipit et in
versutia sua
progreditur,
insinuando Dei
sic praeci-
pientis severi-
tatem;

Quam letale venenum serpens iste virulentissimus immisit his verbis in mentem mulieris! Etenim ad haec verba coepit secum mulier, tacite de illo praecepto disquirens, cogitare rationem, quarens curnam Deus illis vetuerit ne de ligni illius fructibus vescerentur. Rem valde periculosam quae et facile ad peccatum trahit. Nam animus suapte natura libertatis cupidus, considerans se praecepto astrictum esse, repugnat; et sic mandati rationem inquirens eamque nesciens mulier invenire, quam serpenti redderet, cum mandatum illud eius generis esset cuius nulla aut ratio aut utilitas appareret, sed nudum mandantis beneplacitum: coepit neque iure neque ratione id praeceptum esse cogitare, et displicere sibi mandatum, cuius nec rationem inveniret, nec utilitatem perspiceret, animi etiam libertate refragante. Vere serpens, qui suo hiatu tale venenum immisit: *Cur praecepit vobis Deus?* Et quo facilius praecepti illius transgressionem persuaderet, elegit prius solam mulierem, quam pervertere aggrederetur, de qua certius sperabat victoriam ut minus firmam et robustam: postea usus ea victa ad virum commodius superandum. Quoniam autem mendax ipse est ac pater mendacii, id opus aggressurus a mendacio incipit, dicens: *Cur praecepit vobis Deus ut non comederetis de omni ligno paradisi?* Deus enim dixerat: *De omni ligno paradisi comede; de ligno autem scientiae boni et mali ne comedas* ⁴¹.

Sed Litteram Hebraicam videamus et oculatius introspiciamus: forte enim aliquid secretius nobis demonstrabit. Sic enim habet, ut diximus: *Etiam quia dixit Deus: Non comedetis de omni ligno horti.* Manifeste autem haec littera docere videtur serpentem aliquid praelocutum fuisse: non enim consentaneum quoquo pacto est id fuisse verborum initium; dictio enim [כִּי], quia, eorum, quae prius dicta sunt, rationem reddit. Demonstrat ergo Scriptura praelocutum fuisse serpentem ad mulierem haec vel similia verba: Non amat vos Deus nec vos plurimi facit: sed odio habet vos ac contemnit, tametsi sitis cunctis aliis creaturis nobiliores, cum non collocaverit vos in amplissimo gradu dignitatis, ut par est et convenit excellentiae ac naturae vestrae dignitati. Quae verba cum miraretur mulier nec omnino admitteret, tunc ipse dicti rationem

41) Gn 2, 16. Vulg.: *Ex omni ligno.*

afferens, ait: *Etiam quia dixit vobis ne comederetis de omni ligno paradisi*, certe deprehendo verum esse quod iam tibi dixi. Vel, ut Chaldaeus Paraphrastes habet: *In veritate sic est, quia prohibuit ne de omni ligno paradisi vesceremini*, eripiens vobis libertatem natura vobis debitam, cum excellenti atque ingenuo animo praediti sitis.

« Haec additio non debet cuipiam alienum aut minus conveniens videri, tum quia ipsa dictio: אֲנִי , semper aliquid addit super illud quod dicitur, tum quia mos Sacrae Scripturae est ut ex fine verborum faciat eorum principia intelligere; ut de exploratoribus etiam, quos misit Iosue, videre est, qui » ad mulierem illam « dixerunt: *Quia dedit Dominus in manu nostra omnem terram, et etiam dissoluti sunt omnes habitatores terrae a facie nostra*⁴². Non est enim rectum quod hoc fuerit [initium] verborum », quae illi locuti sunt, quia dictio: וְכֵן , reddit rationem eorum, quae prius dixerant; « verum Scriptura ex fine notum facit principium »⁴³.

Subdole etiam versipellis et callidissimus serpens iste vim praecepti extenuavit; non enim dixit: *Etiam quia praecepit Deus*, sed: *Quia dixit*: dixisse illum ait, non praecepisse. Nomen etiam illud gloriosum ac tremendum subticuit, τετραρχάμματος ; non enim dixit: *Dominus Deus*, sed dixit: *Deus*, tum ne eius nominis sanctissimi prolatione cogitationem debiti timoris iniiceret, tum etiam ne ipsemet videretur eius, quod quaesierat, rationem eis attulisse. Nam, si Deus Dominus noster est, respondere utique potuissent, recte potest id nobis praecipere, ut in hoc mandato suam ostenderet dominationem nostramque exigeret subiectionem: quem nos ut Dominum colere eiusque iussa servare conveniens omnino est, cum noster sit Dominus possitque sua voluntate iustissime id nobis prohibere nobisque illud, etsi natura bonum, suo tamen praecepto prohibens, malum facere; non quod suapte natura malum sit, sed quia prohibitum. Utinam autem sic mulier respondisset, sicut simplex et minus instructa, eius verbis decepta imprudenter etiam respondit !

extenuando
etiam vim di-
vini praecepti
et subticendo
nomen Dei
tremendum,
ne mulier ti-
more afficeretur.

42) Ios 2, 24. Ex hebraico.

43) Evidenter S. Auctor hanc interpretationem dictionis :

אֲנִי et sequentem expositionem, quae in codicis margine adiecta invenitur, ex David Kimchi op. cit. sub eadem dictione, et etiam ex Pagnini op. cit. col. 150, ad litteram desumpsit, nisi quod adducit exploratores mulieri loquentes, dum in loco citato exploratores sic Iosue alloquuntur.

Vrr. 2-3 Cui respondit mulier : *De fructu lignorum, quae sunt in paradiso, vescimur; de fructu vero ligni, quod est in medio paradisi, praecepit nobis Deus ne comederemus et ne tangeremus illud, ne forte moriamur.*

Hebraicus Textus : *Dixit autem mulier ad serpentem : De fructu ligni horti comedimus, de fructu vero ligni, quod est in medio paradisi, dixit Deus : Non comedetis ex eo, nec tangetis illud, ne forte moriamini.*

Chaldaeus Interpres ita habet omnino; illud tamen non tangetis, vertit: *Et non appropinquetis illi, ne forte moriamini.*

Vere ostendit sua hac responsione mulier se versipellis callidique serpentis venenatis colloquiis aures et assensum praebuisse. Mentis enim quadam elatione mota ex verbis mortiferi serpentis, displicuit se liberae conditionis naturamque omnibus lignis excellentiorem ligni a Deo vetiti astrictam esse mandato; quapropter divinae potestatis atque domini propemodum oblita, respondens serpenti, quem contemnere potius oportebat, nec Deum iure Dominum suum ac quaecumque vellet sibi merito imperari potentem agnoscit. *Deus*, inquit, non: *Dominus Deus*; nec: *Dei mandatum*, quod sibi impositum erat, sed: *dictum*; iuxta serpentis persuasionem credidit; ait enim, iuxta Veritatem Hebraicam: *Deus dixit*, non: *praecepit*. Tunc ostendens illud sibi displicere tanquam valde durum, nec iure aut ratione iussum, aggravavit; inquit enim: *Et ne tangere-mus illud*: quod certe Deus non iussit; gustum enim, non tactum vetuit; sed mulier ex praecepti displicentia de se apposuit. Quisquis enim impositum sibi iussum aliquod referens, quod non placet admodum, sed a quo magis exhorret, aggravare illud semper quaerit, ut ostendat nec aequae nec iure impositum. Nisi forte dicamus quod prohibendo Deus ne ederet, propter periculum videri poterat prohibuisse ne tangeret, tanquam id quod ad eius praecepti transgressionem conducere. Id tamen in praecepto, quod illis inhibuit Deus, conspici non videtur; sed mulier illud tanquam indebitum ac minus aequum aggravavit; quod inde etiam cerni potest, quod de eius transgressionis poena dubitavit, cum dixit: *Ne forte moriamur*: quod certe Deus absolute et non sub dubitationis discrimine dixit: *Quaecumque hora comederis ex eo morte morieris*⁴⁴. Ipsa vero quoniam praeceptum a Deo

Cui respondit mulier, etc.
Mulier, respondendo insinuationi serpentis, vim divini praecepti in suo spiritu iam infirmam demonstrat.

Imo ipsum praeceptum exaggerans, indebite sibi impositum videtur reputare et de poena transgressionis dubitare.

⁴⁴) Gn 2, 17. Vulg.: *Quocumque enim die, loco: Quaecumque hora.*

acceptum, cum sibi ex diaboli suggestione displiceret, indebitum ac minus aequum reputavit: de eius quoque transgressionis poena iam decepta dubitavit. Quod ut vidit serpens, tunc subintulit:

Vrr. 4-5 *Dixit autem serpens ad mulierem: Nequaquam... moriemini. Scit enim Deus quod in quocumque die comederitis ex eo, aperientur oculi vestri, et eritis sicut dii scientes bonum et malum.*

Hebraicus Textus: *Et dixit serpens ad mulierem: Non morte moriemini, quia scit Deus quod in die, qua comedetis ex eo, aperientur oculi vestri et eritis sicut dii scientes bonum et malum.*

Istud autem sicut dii, potest verti: sicut Deus; est enim eadem vox, quae supra dicta est: *scit enim Deus: אלהים*; quamvis vox ipsa ex vi idiomatis hebraici sit vox pluralis.

Chaldaeus Paraphrastes vero id vertit: *Apparet coram Domino quod in die, qua comedetis ex eo, aperientur oculi vestri et eritis quasi magni sapientes inter bonum et malum.*

Aben Ezra exponit ⁴⁵: *Eritis sicut angeli.* Rabbinus Salomon sic locum hunc exponit ⁴⁶: « Repellit usque: *Et non tangetis eum* ⁴⁷; et dixit ei: quemadmodum non est mors in tactu eius, ita nec in comestione est mors. *Scit enim Deus*, etc.: omnis artifex odit filios artis suae ⁴⁸. De ligno comedit et creavit mundum. Et vos eritis sicut dii creatores saeculorum ».

Eritis sicut dii, etc. Variæ interpretationes.

Nos vero locum hunc ita exponimus. *Nequaquam moriemini.* Mendax iste ac mendacii pater, *qui cum mendacium loquitur, ex propriis loquitur* ⁴⁹, per arma mendacii pergit, sicut et coepit, Deumque, qui summa ac prima veritas est omnisque veritatis auctor et origo, mendacem facit. Nam Deus homini, si lignum vetitum gustaret, certissime mortem comminatus est, dicens: *Quacumque... die comederis ex eo morte morieris.* Iste vero mendacissime ait: *Nequaquam morte moriemini: ut enim mulierem ex eius responsione de subsecutura morte*

Nequaquam moriemini, etc. Diabolus mulierem non amplius firmiter Deo adhaerentem videns, plus audet, et veracitatem Dei minitantis aperte negat.

45) Op. cit. f. 5^a.

46) Ibid.

47) Repellit, idest impellit, incitat ut tangat fructum prohibitum. Et sensus qui eruitur ex interpretatione contextus hebraici Rab. Salomonis est: postquam serpens audivit ex muliere Deum praecepisse ut neque arborem contingeret, mox eam ad contingendum impulit; cumque videret mulier se ad contactum arboris non statim mortuam esse, serpens dixit: quemadmodum mortua non es arborem contingendo, neque morieris de fructibus eius edendo.

48) Rab. Salomon ait serpentem his verbis Deum invidiae insimulare, proverbiale illud afferens, ad quod serpentem allusisse putat: כל אומן שונא את בני אומנתו, idest: omnis artifex odit eos qui eiusdem sunt artificii. Quod, ut ait Fagius, convenit cum illo: invidet figulus figulo. Col. 116.

49) Io 8, 44.

dubitantem conspexit, statim ipsam nullo modo futuram asseruit. Deo etiam summo et infinito bono malignitatem invidiamque impexit, dicens: *Scit enim Deus quod quacumque die comederitis ex eo aperientur oculi vestri, et eritis sicut dii scientes bonum et malum.* Invidet, inquit pessimus hic tentator, vobis Deus ne ea sciretis, quae tamen sunt scitu dignissima, eo modo quo ipse novit, ne in scientia ac sapientia dii ei similes essetis.

De ligno
scientiae, etc.
Arbor illa sic
appellata est a
Moyse
ex eventu
postea secuto,
non quod
antea sic ap-
pellaretur.

Sunt autem nobis impensius verba haec consideranda, ut clarius a nobis intelligantur simulque percipiamus quam mendaciter et fallaciter veteranus iste ac pessimus serpens locutus est. Primo autem praemonendum nobis videtur eam arborem, quae *scientiae boni et mali* dicitur, non ante eventum, quod quidem multis⁵⁰ placuit, sed post eventum sic esse vocatam. Nam etsi quando interdixit Deus eam arborem homini, legimus: *De ligno autem scientiae boni et mali ne comedas*, existimo tamen non iisdem verbis usum esse Deum praeci- piendo, quibus usus est Propheta rem gestam narrando; sed aliqua alia nota signavit Deus lignum illud. Nam et mulier interroganti serpenti respondens, non dixit: *De ligno autem scientiae boni et mali*; sed: *De fructu ligni, quod est in medio paradisi, praecepit nobis Deus ne comederemus.* Propheta vero, iam re perpetrata, declaraturus quodnam esset lignum illud, istam notam, scilicet *scientiae boni et mali*, de suo interposuit. Etenim si nota hac usus fuisset Deus lignum illud insinuans, procul dubio, nota hac serpentis tentationem et mendacium adiuvasset.

Nec putandum
est in ligno
illo vim ali-
quam
fuisse ad
cognoscendum
bonum et ma-
lum; sed mu-
lier hoc credi-
dit a tenta-
tore decepta;

Nec etiam vis aliqua ad intelligendum erat in ligno illo, per quam potuisset bonum ac malum cognosci, unde vere potuisset arbor *scientiae boni et mali* nuncupari: cum corporalis omnino esset nec in spiritualem intellectum quid agere poterat. Sed mulier decepta a mendacibus verbis tentatoris, qui ex ligni vetiti comestione scientiam illi promittebat, credidit vim aliquam illi arbori ad intelligendum inesse. Cum enim ait serpens: *Aperientur oculi vestri*: non utique de corporeis oculis intelligendum est, cum utique apertos illos haberent, cum vigilarent; sed de oculis cordis, quos non fuisse apertos ad intel-

50) Rab. Nachmanides h. l.; Gioseffo Flavio *Delle Antichità Giudaiche*, lib. 1, cp. 2, f. 2^a; Th. Malvenda *De Paradiso Voluptatis*, cp. 69, pag. 215; Fagius, col. 70. 103; cf. supra cp. 2, not. 98.

ligendum bonum et malum illis verbis indicavit. *Aperientur oculi vestri et eritis sicut dii* : non aequalitatem divinam his verbis promittit eis; non enim dicit: eritis dii: id enim manifeste falsum apparisset et incredibile omnino, cum sit impossibile; sed in scientia ac sapientia quandam cum Deo similitudinem ex ligni comestione asserit eis proventuram. *Eritis sicut dii scientes bonum et malum*: non quod ipsi sapientes non fuerint et docti a Deo, per legem tum naturae tum gratiae in cognitione boni et mali: sed quia eiusmodi cognitio multo perfectior est in angelis et in Deo perfectissima, qui est summa veritas; et propter hoc diabolus curavit excitare in illis inordinatum appetitum scientiae eorum, qui altius scirent, perspicaciusque ac oculatius cuncta intelligerent ac penetrarent, etiam abditissima: *Eritis, inquit, sicut dii scientes bonum et malum*.

et quamvis multa scientia dotata, adhuc eminentiorem concupivit, ut Deo similis in cognitione esset.

Vocabulo usus est ambiguo: אֱלֹהִים, quod vel ad ipsum Deum, vel ad angelos accommodari potest; et sic: *Eritis scientes bonum et malum*, ut Deus, vel ut angeli, vel certe, ut Chaldaeus Interpres verissime transtulit: *Eritis magni sapientes inter bonum et malum*, omnia tum bona tum mala sapientissime perquirentes. Vos, inquit, sortis vestrae contenti estis acceptisque bonis ac donis: cum tamen multa sint multo etiam potiora, ampliora ac excellentiora, quae nec habetis nec concupiscitis, eo quod non cognoscatis ea, nec sint mentis vestrae oculi aperti ad ea videndum et intelligendum; nec insuper mala cognoscitis, cum non percipiatis, quoniam invideat vobis Deus, nec valde amet aut plurimi faciat; nam multo maiora, potiora et ampliora potuit vobis donare, nec voluit. Invidet etiam quoniam noluit ut ea sciretis, quae sunt scitu dignissima, eo modo quo ipse et angeli norunt; nec communicare voluit quae nihil ipsius intererat retinere penitus; ac ne possitis vel ea bona ampliora cognoscere, quae vobis negavit et retinuit, vel ea mala, propter quae vobis ea negavit – invidiam scilicet et malignitatem ac malum animum in vos [habens], – prohibuit ne de fructu huius ligni comederetis, qui vim habet maximam ad bonum et malum intelligenda, sicuti ego etiam cognosco, qui ex eo comedi et vobis nunc, quae per talem esum cognovi, refero. Insuper malitiose ac falso, ne ex eo comedatis, mortem vobis comminatus est, ut vos exterreret; quod invidie fecit, qui scit quod *quacumque die comederitis ex eo aperientur oculi vestri et eritis sicut angeli* ac intellectuales naturae, qui cuncta perspicacissime norunt, sicut et ego, *scientes bonum et*

Eritis sicut dii, etc.
Diabolus, videns eam ab hoc appetitu iam seductam, magis satagit ad inobedientiam eam impellere,

et Deum ipsum invidiae et malignitatis insimulat, illius fructus esum prohibentem;

et sic mulieris
animum con-
tra Deum ir-
ritat et ad
spernendam
divinam
voluntatem
incitat.

malum. Nec verum omnino est quod, si ex eo comederitis, *morte moriemini*: nam et ego, qui supra lignum hoc ascendi, pluries ex eo comedi, sicut et nunc comedo — iuxta Hebraeorum sententiam ⁵¹, — nec tamen mortuus sum; sed per huius ligni esum maximam boni et mali scientiam adeptus sum, sicut me videtis habere. Ita nec vos per huiusmodi esum moriemini: sed boni et mali scientiam adipiscemini.

Haec sunt verba quae pessimus ille tentator et callidus serpens, mendacissimus semper, ad mulierem dixit; quibus vehementer mulieris animus exarsit ad illud sublimioris scientiae genus appetendum. Credidit enim serpentinis verbis, unde sequitur:

Vr. 6 *Vidit igitur mulier quod bonum esset lignum ad vescendum et pulcrum oculis aspectuque delectabile et tulit de fructu illius et comedit deditque viro suo, qui comedit.*

Textus Hebraicus: *Et vidit mulier quoniam bonum est lignum ad comedendum et quoniam desiderabile ipsum oculis et concupiscibile ad intelligendum, et tulit de fructu eius et comedit et dedit etiam viro suo secum et comedit.*

Chaldaeus Interpres ita omnino habet: *Et concupiscibile ad intelligendum et dedit etiam viro suo secum.*

Septuaginta etiam: *Καὶ ὡραίων ἐστὶ τοῦ κατανοῆσαι: Et pulcra arbor esset ad intelligendum, vel sapiendum.*

Rabbinus Salomon ita locum hunc exponit ⁵²: « *Et vidit mulier*: vidit verba serpentis et placuerunt ei et credidit ei, quod esset bonum ut essent sicut dii, et quoniam *desiderabile oculis*, quemadmodum dixerat ei: *Et aperientur oculi vestri; et concupiscibile ad intelligendum*, sicut dixerat ei: *Scientes bonum et malum* ».

Aben Ezra vero inquit ⁵³: « *Vidit mulier* in corde suo et concupiscibile lignum propter intelligentiam et revelationem oculorum. Sensus autem: *secum*, est quod comederunt simul et revelavit ei secretum serpentis. Et ecce non fuit Adam ignorans, et propterea damnatus est. Et multi dicunt quod *lignum scientiae* fuit ficus, propterea quod inveniunt: *Et consuerunt folia ficus*: et si fuit sic, fuisset Scriptura dicens: *Et consuerunt folia ligni scientiae*. Etiam multi dicunt quod

51) *Abot de-Rabbi Nathan*, I, 4; *Rab. Abrabanel op. cit. f. 31^b*.
53) *Ibid.*

52) *Op. cit. f. 5^a*.

fuit frumentum. Et est rectum in oculis meis, quod duo ligna in medio horti Eden non sunt in loco alio super omnem terram, et unum lignum scientiae fuit generans concupiscentiam coitus; propterea operuerunt se Adam et uxor eius ».

Nos vero ita exponimus. *Vidit igitur mulier*, non solum corporeis oculis, sed etiam naturali quodam instinctu, quo coniectamus cibos e terra prodeuntes nostrae esse convenientes naturae et complexionis, quod ceteris etiam animalibus datum novimus, *lignum quod esset bonum ad vescendum*; natura quippe non mala erat arbor illa, sed utique bona: mala autem homini fuit quatenus prohibita a Deo, non quod eam Deus sua bonitate ac naturali suavitate destituerit. Nam vere utique ad vescendum suavis erat, a qua non deberet abstinere homo, nisi ob praecipientis Dei agnoscendum supra se dominium ac potestatem, et ob meram Dei voluntatem; a qua si non abstineret, arbor illa, quae natura bona erat, fieret homini in malum ob suam culpam. Erat insuper lignum illud *pulcrum oculis*: siquidem in cibo et potu delectatur homo, nedum suavitate propter gustum, sed etiam pulcritudine propter aspectum. Sed insuper *aspectu delectabile*, vel, iuxta Veritatem Hebraicam, *concupiscibile ad intelligendum*; id autem non vere, sed iuxta mulieris existimationem dicitur, quae serpentinis verbis decepta, id de arbore illa putabat sibi ipsi formabat ut verum. A fructus etiam suavitate aspectusque pulcritudine illius arboris, verum id sibi persuasit esse quod ei serpens dixerat.

Ea est concupiscentiae vis tantaeque est energiae, ut ea abstracta et supra rationis limites illecta mulier, vanas sibi species finxerit sibi ipsi praedicarit et crediderit, et quae iniussum sibi a Deo dixerat ne fructum eius arboris tangeret, nedum tetigit, sed accepit, hoc est ex arbore illa excerpserit, *et comedit*, Dei praeceptum transgrediendo, virumque suum ad comedendum induxit: *Deditque viro suo*, postquam ipsa comedit; viro enim persuasit et instigavit porrexitque ut comederet. *Qui comedit*, non quod verbis tentatoris crediderit verumque illum dixisse putarit, aut deceptus a daemone sit: teste enim Apostolo⁵⁴, non vir deceptus fuit, sed mulier; sed mulieri persuadenti ac porrigenti ut comederet, prae nimio amore

Quod bonum esset lignum, etc.
Arbor illa natura sua bona quidem erat ad vescendum, mala autem ob Dei prohibitionem;

et cum pulcherrima esset visui, existimavit mulier iam seducta, etiam ad intelligendum concupiscibilem esse;

et ideo comedit deditque viro suo, sicque praeceptum Dei violavit et ad peccatum virum quoque suum induxit.

Adam bene noverat tentatoris malignitatem; sed nolens uxorem contristare, de fructu vetito et ipse comedit.

54) Cf. 1 Tim 2, 14.

obsistere non valens, ne eam contristaret sineretque a se abire non voti compotem, et ipse *comedit*.

Vr. 7 *Et aperti sunt oculi amborum. Cumque cognovissent se esse nudos, consuerunt folia ficus et fecerunt sibi perizomata.*

Textus Hebraicus: *Et aperti sunt oculi amborum et cognoverunt quoniam nudi essent, et consuerunt folium ficus et fecerunt sibi subcinctoria.*

Rabbinus Abraham Aben Ezra inquit⁵⁵ quod « expositio **יתפרו**, est nota, et ita est: *Saccum consui super cutem meam*⁵⁶: quaerentes subligacula a rebus futilibus, quoniam in ligno subtili fecerunt necessarium sibi. Et postquam comedit Adam de ligno scientiae, cognovit uxorem suam; et haec scientia est pronomen coitus, et propterea *lignum scientiae* vocatur. Sic etiam adolescens, postquam novit bonum et malum, incipit desiderare coitum. *Lignum vitae*, quia addit vitam, et vixit Adam annis multis. Et non est dictio **עולם**, idem quod: **עד-עולם ועד**⁵⁷; et ecce ita: *Et servient לעולם*, in saeculum⁵⁸. *Et habitavit ibi in saeculum*⁵⁹: et multa alia⁶⁰. Et expositores dicunt in versu: *Quoniam quacumque die comederis ex eo morte morieris*: quod non est creatus in dispositione ut moreretur; sed cum peccavit, sententiata est super eum mors. Et multi quaerunt quid peccavit semen eius. Et haec sunt verba vana, quoniam spiritus unus est homini et iumento, qui vivit et fremit in saeculo isto; et sicut est mors huius, ita et mors istius; praeter partem superiorem, quae est in homine, qua excedit iumenta. Et iam venit quidam medicus excitans rationes seu demonstrationes a priori, quod non est conveniens quod non terminasset Adam vitam ».

Rabbinus Salomon⁶¹: « *Et aperti sunt oculi eorum*: et Salomonis. propter sapientiam loquitur Scriptura, et non propter visum proprie: et finis capituli probat. *Et cognoverunt quoniam nudi ipsi*:

55) Op. cit. f. 5^a.

56) Iob 16, 16.

57) Idest hac voce: **עולם**, in saeculum, quae usurpatur infra, vr. 22: *Et vivat לעולם*, in aeternum, significat hic temporis diuturnitatem cum termino; non perpetuitatem, vel aeternitatem, seu, ut dicitur: **עד-לעולם ועד**, usque in saeculum et ultra, sicut Ex 15, 18; Dominus regnabit **ועד לעולם ועד**, in aeternum et ultra; Ps 9 (hebr. 10), 16: Dominus regnabit **ועד לעולם ועד**, in aeternum et in saeculum saeculi; Dn 12, 3: Quasi stellae **ועד לעולם ועד**, in perpetuas aeternitates.

58) Cf. Ex 21, 6.

59) 1 Rg 1,

22. Ex hebraico.

60) Cf. Gn 17, 8. 13; Ex 29, 28; Nm 18, 11; 2 Par 6, 8; Eccle 2,

16; Ez 37, 25.

61) Op. cit. f. 5^a.

etiam caecus cognoscit quemadmodum nudus est. Sed quid est: *Et cognoverunt quoniam nudi essent*? Praeceptum unum fuit in manu eorum, et nudati sunt fide seu fidelitate ».

Nos vero ita exponimus. *Et aperti sunt oculi eorum*: non de corporeis oculis intelligendum id est, sed de oculis mentis, qui clausi erant, ne Dei dona cognoscerent, et praecipue excellens illud donum iustitiae originalis, quo fiebat ut, cum nudi essent, non erubescerent, illius decore decorati. Qua tamen per divini praecepti transgressionem sublata, statim *cognoverunt se esse nudos*, et vehementer erubuerunt. Tunc enim nudi erant, sed nudos se non cognoscebant; siquidem qui nudus est nudumque se esse cognoscit, erubescit. Cum igitur non erubescerent, nudi quidem erant, sed hoc non cognoscebant: nudi quidem corpore erant, sed non ad erubescentiam; nuditas enim illa propter illam iustitiam non efficiebat effectum suum, praebens indecorum spectaculum, cum per iustitiam illam petulantia carnis cohiberetur, ne effrenis libido vigeret in membris. Eo tamen dono perduto, statim coepit caro spiritui recalcitrare ac contra eum concupiscere et lex membrorum legi mentis repugnare ^{61*}, coepitque concupiscentia prava in membris vigere et illicitos perniciososque motus vehementer exagitare; unde rubore maximo ac confusione suffusi sunt, utque verenda membra, quae verenda prius non erant, operirent, *consuerunt folia ficus, et fecerunt sibi perizomata*, idest *subcinctoria*. Confusionem enim ac nuditatis illius ruborem experiri vehementer coeperunt, quam non experiebantur prius, nec cognoscebant quid rubor ac verecundia esset; quam cum per peccatum cognovissent, ut verenda contegerent *consuerunt*, forte iunco aliquo aut simili, *folia ficus*. Quam ineptum remedium sibi miseri adhibuerunt! Sed id mera necessitate pro tempore fecerunt, cum tunc aliud in promptu non se offerret.

Ut autem quae dicuntur hic melius intelligantur, sunt nobis aliqua exaranda. Et quidem primo: iustitiam illam originalem non fuisse homini naturalem, neque ea quae ipsam consequerentur dona quaeque cum ipsa deperdita sunt. Neque enim naturalia dici possunt quae non veniunt a principiis naturae, sed ex gratuito Dei beneficio eiusque provisione externa. Unde aliquo modo erant supernaturalia

Et aperti sunt, etc.
Peccato commisso et originali iustitia perditā,

statim concupiscentia coepit in membris vigere,

ideo nuditatem suam cognoscentes erubuerunt et, quo modo potuerunt, seipsos contexerunt.

Notandum est primo: iustitia originalis et dona illam concomitantia non erant homini naturalia, sed ex gratuito Dei beneficio.

61*) Cf. Rom 7, 23.

respectu corporis, quanquam respectu animae innocentis et inculpabilis, cui nulla debebatur poena iniuste infligi, aliquo modo deposcebantur ex naturae excellentia ac dignitate, quae hanc iniquam corporis copulam bene componerent cum tali anima, ne eousque miseranda contritio et infelicitas in tanta creatura ob istas duas naturas sibi invicem adversantes, mortalis videlicet corporis et immortalis animae inveniretur; ne corruptibile corpus animam aggravaret ⁶², ac per ea dona esset corpus animae subditum et vires inferiores rationi.

Attamen quodammodo deposcebantur ex animae innocentis conditione et ex naturae humanae excellentia, praesertim in primo homine,

a quo omnes posterii hereditaria successione eadem dona accipere debebant.

Quare debebantur quodammodo dona illa naturae: praecipue tamen ac principaliter in illo primo parente, qui primus erat huius naturae susceptor et propagator; nobis vero secundo potius et in ipso ac per ipsum, qui omnes ab uno illo derivamus. Iustitia ergo originalis et quaecumque ipsam consequiebantur humanae naturae secundum quandam rationem in illo primo homine debebantur. Cum autem per illum hominem omnes posterii naturam accepturi essent, congruum omnino fuit ut et illa bona, quae naturam quodammodo consequiebantur ad reddendum illam perfectam et integram, per illum posterii acciperent. Quare his donis exornatus primus homo fuit, eaque accepit a Deo et pro sua universa posteritate, ut omnes ab eo propagati natura, veluti quadam hereditaria successione donis illis potirentur.

Secundo: cum essent dona illa ex pura liberalitate Dei, aequum erat ut homo aliquo modo monstraret se illa mereri tam sibi quam successoribus suis.

Hinc divinum praeceptum,

quod primo et principaliter

Secundo, considerandum est quod, cum supradicta dona non essent naturalia, sicut quae a principiis naturae veniunt, sed ex gratuito Dei beneficio tanquam naturae convenientia benigne ab eo elargita, cuius *perfecta sunt opera* ^{62a} et qui super omnia pius est et misericors ac bonus, bonum sane nec aequum erat sine aliquo gratitudinis merito nobis conferri. Eapropter statuit cum primo homine pactum, ut per obedientiam alicuius praecepti divini a libera Dei voluntate procedentis, ac subiectionem recognoscendae divinae potestatis ac dominationis exposcentis, ea sibi ac nobis homo ille servaret. Statuit autem pactum huiusmodi cum homine Deus, cum ei mandatum illud inhibuit, dicens: *De ligno... scientiae boni et mali ne comedas; in quocumque enim die comederis ex eo morte morieris.*

Cuius legis ac pacti expressio rigore consideranda est et iuxta tenorem verborum, cum huiusmodi pacta et statuta suapte natura

62) Cf. Sap 9, 15.

62a) Dt 32, 4.

sint stricti iuris. Et primo quidem: quoniam dona illa principaliter in primo illo viro naturae humanae in posteris servabantur, propterea cum homine illo principaliter pactum init eique praecipue praecipit, dicens: *Ne comedas*. Quamvis per illum mulieri quoque praeceptum hoc iniussum sit, quoniam vero cum viro principaliter initum est, hinc est quod, si sola mulier pactum illud fregisset praeceptumque transgressa fuisset, non fuissent illi nec naturae humanae subtracta collata dona; sed solum ipsa gratiam amisisset, illud scilicet coeleste donum, quod animam Deo gratam et amicam reddit et cum crimine convenire non potest. E converso autem si solus Adam peccasset, illa praevaricatio etiam Evae coniugi et universis posteris obfuisse, quoniam cuncta dona amisissent; sicut vere propter solum Adae peccatum amisimus.

datur primo homini, cui dona illa principaliter data fuerunt, tanquam primo principio generis humani.

Nec tamen putandum est propter quodcumque Adae peccatum obnoxium fuisse humanum genus ut ea dona perderet, sed propter illam solam comestionem. Peccavit enim antequam comederet interiori actu praebendo consensum ut praeceptum transgrederetur: elationis etiam ac superbiae peccato; et nihilominus non cognovit se esse nudum, quia non fuit spoliatus iustitia illa originali, nisi postquam comedit, iuxta verbum Domini Dei: *In quocumque die comederis*. Non enim inquit: *In quocumque die peccaveris morte morieris*: sed: *In quocumque die comederis*; nec utique erubescitiam senserunt, nisi postquam uterque comedit.

Non ob quodcumque peccatum dona illa Adam amissurus erat, sed tantum ob transgressionem huius praecepti.

Tertio: considerandum maxime est primariae illius transgressionis effectum, ipsam videlicet iustitiae originalis ac consequentium donorum spoliationem consequentemque erubescitiam, non ex vi aut illius cibi vel comestionis natura fuisse; alioqui ipsa mulier, quae prius comedit, sensisset erubescitiam illam seque nudam cognovisset; non sensit autem nisi post comestionem Adae. Ergo non ex natura fructus illud contigit; sed ex vi illius pacti, quod statuerat Dominus Deus cum homine, ut quamprimum pactum illud fregisset praeceptumque transgressus fuisset, pro se et pro universa sua posteritate universa dona illa amitteret.

Tertio: amissio iustitiae originalis evenit ex violatione pacti, quod Deus cum homine statuerat,

Ex ea etiam lege et pacto, quod inter Deum et Adam intercessit, eventum est ut eo delicto et praevaricatione universum genus humanum labefactaretur. Siquidem illa dona eo pacto accepit a Deo, ut per illius praecepti observantiam ea sibi perpetuo et nobis

tanquam auctore et capite generis humani;

ideo totum humanum genus cum illo et in illo praevaricatum est,

ex vi illius pacti quo Adam transmissurus erat tum iustitiam originalem tum reatum et reatus poenas.

servaret; per transgressionem vero et sibi et nobis irrecuperabiliter amitteret, maximo suo et nostrum damno, cum reatu etiam ad perpetuam damni poenam, cui universum genus humanum obnoxium semper fuit ex vi propagationis et generationis. Nec aliunde nisi ab ea lege is reatus advenit nobis Adae filiis; quemadmodum quod ex adulterio natus a sua nativitate sit irregularis, non aliunde id nisi a lege id statuente venit. Convenientissimum tamen fuit ut quemadmodum per primum hominem nos ea dona quodammodo naturae debita accepissemus, si praeceptum servasset, ita et per illum ea amitteremus, cum illud transgressus sit; ac sicut per illum filii gratiae et omni dono ac divino munere ornati nasceremur, ita nunc quoque per illum *filiis irae*⁶³ et omni bono spoliati nascamur.

Sicut autem⁶⁴ iustitiae originalis donum in eo vel maxime manifestabatur quod, cum nudi essent, *non erubescabant*; ita nunc quoque per praecepti transgressionem manifeste cognoscitur ablatum; quia cum lignum illud comedissent, statim *aperti sunt eorum oculi* et cognoverunt *se esse nudos*, quod ante non cognoscebant, vel potius nuditatis confusionem et erubescantiam non cognoscebant: et ad hanc cognoscendam *aperti sunt eorum oculi*, quia prius agnoscebant quidem se esse nudos, non tamen erubescabant; nunc autem erubuerunt *et consuerunt folia ficus*, ut verenda operirent, ne tanta confusione et erubescantia suffunderentur.

Vr. 8 *Et, cum audissent vocem Domini Dei deambulantem in paradiso ad auram post meridiem, abscondit se Adam et uxor eius a facie Domini Dei in medio ligni paradisi.*

Textus Hebraicus: *Et audierunt vocem Domini Dei ambulantis in horto ad ventum diei, et abscondit se Adam et uxor eius a facie Domini Dei in medio ligni paradisi.*

Chaldaeus Paraphrastes vertit: *Ad quietem diei; Septuaginta: Circa vesperum*; Hebraeorum nonnulli⁶⁵: *Ad respirationem diei.*

Hunc locum diversimode interpretantur Hebraeorum doctores. Aben Ezra hanc deambulationem voci Dei tribuit⁶⁶,

63) Eph 2, 3.
nides h. l.

64) Ms.: *Autem* repetitur.
66) Op. cit. f. 5^a.

65) Cf. Aben Ezra op. cit. f. 5^a; Nachma-

sicut dicitur: *Vox eius sicut serpens ambulabit*⁶⁷; et: *Vox buccinae ambulans*⁶⁸, etc. Idem etiam refert dixisse Rabbīnum Ionam quod Adam ipse ambulabat per hortum. Rabbīnus Salomon vero ad Deum refert⁶⁹, qui ambulabat in horto. Idem etiam illud *ad ventum diei*, exponit ut sit ventus, quia sol occubuerat inde. Rabbīnus Iona⁷⁰: *Ad respirationem diei*, idest tempore quo est respiratio et refrigerium diei, idest refrigerium aeris. Rabbīnus D. Kimchi inquit⁷¹ quod potest etiam exponi: ad ventum flantem, idest tempore quo declinat dies, quo flat ventus.

Ad auram post meridiem, etc.
Expositio huius versus iuxta Rabbīnos Aben Ezram, Salomonem, Ionam et David Kimchi.

Nos vero ita exponimus. *Et cum audissent vocem Domini Dei.* Non est putandum secundum Divinitatem, quae hic de Domino Deo dicuntur, debere intelligi. Deus enim neque corpus habet, ut inde per organa et instrumenta articulatum vocis sonum emittat, ut quod dicit a nobis intelligi possit; nec etiam pedes habet, quibus ambulet corpusque ex loco in locum perducatur; nec loco continetur, ut deambulans sit modo ubi non erat prius, qui omnem locum continet et implet, ut nusquam non adsit illius praesentia. Ista ergo Dei tum locutio tum ambulatio, non secundum formam deitatis intelligenda sunt, sed in aliqua similitudine creata Deum repraesentante credibile omnino est factam fuisse et in ea per angelum ipsi homini locutum fuisse Deum; quemadmodum et Abrahae⁷² et Moysi⁷³ multisque⁷⁴ aliis legimus et apparuisse et locutum esse. In ea ergo forma ac similitudine ambulans Deus per paradisum *ad auram post meridiem*, locutus est homini per angelum quidem sensibiliter et externe articulata voce in corpore assumpto: per seipsum autem locutum esse intus in mente per internam inspirationem.

Et cum audissent, etc.
Hae Dei tum deambulatio tum locutio, non materialiter intelligendae sunt,

sed Deum sub aliqua forma per angelum apparuisse et locutum fuisse.

Venit autem ad eos Deus *ad auram post meridiem*, quod levem ventum significat, qui, inclinato sole, consuevit dulciter spirare ad

Post meridiem venit Deus, quia ea hora,

67) Ier 46, 22. Ex hebraico. 68) Ex 19, 16. Ex hebraico. 69) Op. cit. f. 5^a: « *Ad ventum diei*, idest ad eum ventum, unde sol occidit, qui est occidentalis ». Addit autem quod Adam et Eva סָרְחוּ בַעֲשִׂירִית, se rebellaverunt hora decima, idest duabus horis ante occasum solis. 70) Apud Aben Ezram op. cit. f. 5^a; et Pagnini op. cit. sub voce: רָחַץ, col. 2854.

71) Op. cit. sub voce: רָחַץ. Ait etiam quod dictio: *Ambulantem*, referri potest tum ad ventum cum ad vocem. 72) Cf. Gn 13, 14-15, 1 sqq.; 17, 1-18, 1 sqq. 73) Cf. Ex 3, 2-4, 1 sqq.; 6, 1-7, 1 sqq. 74) Cf. Gn 16, 1 sqq.; Ios 1, 1 sqq.; 3, 7 sqq.; Idc 2, 1 sqq.; 6, 12; 2 Rg 24, 16; 1 Par 21, 18; Iob 3, 25 sqq.

qua primus
Adam pecca-
vit, secundus
Adam in cruce
sublatus est.

recreandum ab aestu; unde recte in hebraeo habetur: *Ad ventum diei*, seu *ad respirationem diei*, qui, quia inclinante iam die fieri consuevit, propterea *Chaldaeus Interpres ad quietem diei* vertit, *Septuaginta* vero, *ad vesperum*, sive *circa vesperum*. Nam circa meridiem volunt quidam⁷⁵ commissum fuisse ab Adam peccatum, quo etiam tempore, ut illud auferret, sublatus est Christus in crucem. Venit ergo ad illos Deus circa vesperum et inclinationem diei, quibus iam sol gratiae et divini luminis occubuerat et iam in peccati et miserandae confusionis tenebris erant. Venit autem cum placido vento, quia non in furore et vindicta, sed cogitans *cogitationes pacis*⁷⁶, ut eos e peccati tenebris erueret lumenque divinum et gratiam perditam daret.

Quem venien-
tem sentien-
tes, Adam et
uxor eius se
absconderunt.

At vero quoniam conscientia laesa facit hominem timidum, sentiens Adam adventum eius, quem se noverat graviter offendisse, *abscondit se Adam et uxor eius a facie Domini Dei in medio ligni paradisi*; quod non de vera Dei facie intelligendum est, a qua nemo se potest abscondere: sed ab ea utique facie illius similitudinis, in qua ei Deus consueverat apparere et per angelum loqui. Ab eo enim, cuius sentiebant adventum, fugientes, se abscondebant. Probabilissime tamen crediderim in ea forma homini apparuisse, cum spiritu illo levi ac placido, in qua misericors ac clementissimus venturus erat, ut hominem redimeret ac salvaret. Ipsi vero Dei vocem extrinsecus audientes, qua eos vocabat, ipsumque Deum intrinsecus in ipsorum conscientia sentientes, qui eos reprehendebat et ob oculos merita supplicia ostendebat provocabatque ad poenitentiam salutarem, ut ab eo misericordiam implorantes obtinerent, *in medio ligni* se absconderunt, idest inter medias arbores densaque nemora paradisi, eum subterfugere quaerentes, qui sensibiliter ad eos veniebat. Clementissimus vero Deus eos prosequitur, *miser cordia motus*⁷⁷ super eos:

Vrr. 9-10

*Vocavitque Dominus Deus Adam et dixit ei: Ubi es? Qui ait: Vocem tuam, Domine, audiavi in paradiso et timui, eo*⁷⁸ *quod nudus essem et abscondi me.*

75) Cf. S. Irenaeus *Contra Haereses*, lib. 5, cp. 23, (P. G. 7, 1185); Cosmas *Topographia Christiana*, lib. 2, ibid. 88, 123; Moses Bar-Cepha *De Paradiso*, part. 1, cp. 28, ibid. 111, 579; S. Beda *Hexaem.*, lib. 1, (P. L. 91, 50); Rabanus Maurus *Comment. in Gen.*, lib. 1, cp. 16, ibid. 107, 492; Strabus *Glossa Ord. in Gen.*, ibid. 113, 93; Angelomus *Comment. in Gen.*, ibid. 115, 138; Rab. Salomon ut supra not. 69. 76) Ier 29, 11. 77) Lc 7, 13.

78) Pronomen: *Eo*, in *Bibl. Sacr. Nova Editione* A. Gramatica non invenitur.

Textus Hebraicus: *Et vocavit Dominus Deus Adam et dixit ei: Ubi tu? etc.*

Videns clementissimus Deus hominem praecipitem ruisse peccato, cupiensque illum e peccato suo educere, illum alloquitur, dicens: Adam, *ubi es?* Non ex ignorantia quaerit Deus, quasi ubi erat nesciret, cui sunt cuncta praesentia; sed ut Adam ipse consideraret ubi esset, in quo statu in quamve se coniecisset conditionem, in quam miseram sortem se praecipitem cum tota familia et posteritate sua dediderat, et ita ad poenitentiam provocaretur, culpamque agnosceret et confiteretur humiliter, ac ut ex eius responsione illum peccati sui argueret. Adam, *ubi es? Ubi es tu*, cuius memor ego, ex infinita bonitate mea, natura tam excellentem ac prope divinum creavi: quem visitans maximis donis ac muneribus ditavi et exornavi: quem ego paulo minus ab angelis, et quid dico ab angelis? – cum eorum sodalem ac concivem creaverim, – a Deo paulo minus minui et super omnia opera manuum mearum constitui: cuius pedibus universa subieci, *oves et boves universas, insuper et pecora campi, volucres coeli et pisces maris, qui perambulant semitas maris*: quem ego gloria et honore⁷⁹ coronavi ac nullius alius praeter me ditioni subegi. Adam, *ubi tu?* Quomodo cum in honore esses non intellexisti, sed antiqui serpentis Luciferi ditioni te subiecisti? Ubi sunt maxima dona, quibus te exornavi? Quis te omnibus illis bonis expoliavit, quae tibi ego ex mea benignitate donaveram? Quomodo te iumentis comparasti *et similis factus es illis?*⁸⁰ Adam, *ubi es?*

Vocavitque Dominus, Adam, etc.
Eos tamen Deus misericors prosequitur, cupiens e peccato educere, et ad poenitentiam provocare.

Deus enim Adam ante faciem suam vocans, ad confessionem culpa eum adducere vult.

Videtur mihi his verbis citare hominem Deus, ut praesens compareret et facti rationem redderet, ut in hoc iudicii ratio admoneatur, quae non debet in criminum ferre sententiam, nisi fuerit prius legitime citatus, interrogatus et convictus. Homo autem, facti rationem praestare non valens, summovit se et abscondit coactusque respondere, nesciens quo se verteret, dixit: *Vocem tuam, Domine, audivi . . . et timui, eo quod nudus essem.* Non recte verborum Domini sensum percepit. Interrogavit enim illum Deus ubi esset, non ignorans, sed ut per hoc statum suum agnosceret homo et erratum humiliter confiteretur veniamque exposceret. Ipse vero de loco interrogatum se autumat responditque se inter medias arbores latere, inter quas

Vocem tuam audivi, etc.
Id Adam non intelligens, ob ruborem suae nuditatis se abscondisse respondit.

79) Ps 8, 6-9.

80) Ps 48, 13. 21.

suam nuditatem, quoquomodo posset, operiret, ne cum maximo suae nuditatis rubore coram Deo astaret.

Vr. 11 *Cui dixit Dominus: Quis enim indicavit tibi quod nudus esses, nisi quod de ligno, ex ⁸¹ quo praeceperam tibi ne comederes, comedisti?*

Textus Hebraicus: *Quis indicavit tibi quod nudus tu? Nunquid ex ligno, quod praeceperam tibi ut non comederes ex eo, comedisti?*

Quis enim indicavit, tibi, etc.
Non exprobrans nec asseverans, sed quasi indagans et quaerens prosequitur Deus,

Adhuc videtur exposcere Deus ab homine ut peccatum suum confiteatur, ut veniam mereretur accipere. Quis, inquit, nuntiavit tibi quod nudus esses? Nam et ante nudus eras et non erubescabas. Quid nunc est quod nuditatis tuae tanta confusione et erubescencia suffunderis? Quidnam est quod tuos aperuit oculos, ut te confusibiliter et cum rubore maximo nudum cognosceres? An ex ligno, quod tibi praeceperam ut nec quidquam ex eo comederes, comedisti? Non enim aliunde poterat id tibi contingere. Nunquid ergo praeceptum meum transgressus es?

ut homo sponte reatum suum confitens, veniam consequi mereatur.

Hunc sensum videtur praeseferre Hebraica Lectio, ut delicti humilem confessionem ab Adam suis verbis exculpere voluerit Deus; delictum enim non quasi factum ipsi obiicit, etsi factum ipse probe norit; sed an factum sit ab eo interrogat. Non enim inquit, causam quam suae nuditatis quaesierat reddens: *Quia de ligno, de quo praeceperam tibi ne comederes, comedisti: sed: An de ligno, quod tibi praeceperam ut non ex eo comederes, comedisti?* Non asseverat, sed quaerit, ut proprio ore peccatum suum confiteretur homo; per quam confessionem et veniam consequi mereretur, et culpam agnoscens, poenitentiam a Deo impositam humiliter acceptaret eique subiiceretur. Quam instantanter ab initio Deus humilem peccatorum confessionem expostulavit ab homine, et quam mirum in modum in eo humiliationis genere complacet sibi Deus! Respondet homo interrogationi divinae, percipiens quid Deus exposceret.

Vr. 12 *Dixitque Adam: Mulier, quam dedisti mihi sociam, dedit mihi de ligno, et comedi.*

Hebraicus Textus: *Mulier, quam dedisti mecum.*

Percipit Adam quid a se exposceret Deus; non tamen ingenue peccatum suum confitetur, sed et defensionem pro se adhibet seque

81) Vr. 11. Vulg.: *Ex ligno, de quo, etc.*

excusat et in Deum quodammodo culpam suam retorquet. *Mulier*, inquit, *quam dedisti mihi sociam, dedit mihi . . . , et comedi*. Excusationem et defensionem primo adhibet, cum culpam confitetur. Tu, Deus, inquit, mulierem dedisti mihi, quae mecum esset, ut esset mihi solatio, de qua ipse dixisti: *Faciā ei adiutorium simile sibi* ⁸². Haec autem facta est mihi causa ruinarum; si enim ipsa non fuisset, non utique peccassem: siquidem de fructu ligni, de quo praeceperas mihi ne comederem, comedi et peccavi et me peccasse agnosco. Non tamen ego accepi de fructu ligni, sed ipsa tulit de fructu eius et comedit et dedit mihi ut comederem, et ab ea persuasus et compulsus comedi. Eam tamen tu dedisti mihi, quoniam dixisti non bonum mihi esse solum ⁸³ et sine ea; et ecce nunc facta est mihi in maximum malum et damnum!

Mulier, quam dedisti mihi, etc.

Adam autem peccatum suum quidem confitetur, sed se excusando et uxorem accusando et in Deum quodammodo culpam retorquendo.

Ecce quomodo, priusquam culpam suam ingenue confiteretur, excusationem et defensionem praefert ac in Deum, quoquo pacto potest, culpam retorquet, eamque sui criminis inculpāre nunc non veretur, cuius amore prius, ne eam contristaret, praeceptum Dei transgredi est ausus.

Sed profecto omni excusatione caret; Deo enim oportebat eum obedire eiusque praeceptum servare, et non mulieri: eam enim non dominam a Deo accepit, sed sociam, coniugem et subiectam suo domino. Modo dominis obedire oportet, non sociis aut subiectis, quibus imperare potius oportet; et si ab ea ad esum persuasus est, peccatum illud in ipsum etiam flectitur, qui passus est ab ea persuaderi, cum secus potuerit ac debuerit eamque arguere potius et corripere, quam audire. Nec utique debuit unquam, ne contristaret mulierem, *contristare Spiritum Sanctum* ⁸⁴; et si eam nunc accusat ut criminiosam, debuit prius eam corripere et, cum delinqueret, reprehendere: imo ne comederet cohibere. Non enim eousque cara sibi esse debuit ac dilecta ut, ne eam contristaret, sineret in Dominum Deum peccare et propter ipsam ipse quoque idem crimen committere. Illius ergo criminis est particeps nedum non prohibendo, verum etiam multo gravius sectando; quapropter seipsum de peccato excusans magis peccatis obvolvitur peccatumque peccato cumulat.

Attamen vir eo magis inexcusabilis apparet, quia mulierem corripere et a peccato cohibere debebat.

Deus autem
misericordia
motus,
obiurgantia
verba ultra
parcens, ad
mulierem ser-
monem
convertit.

Haec omnia poterat Deus in illum miserum acerrime exprobrare, et tum maxime quod Dei similitudinem appetiisset luciferiana arrogantia elatus. Deus autem misericors et clemens, magno misericordiae suae spiritu cohibitus, pepercit ne qui satis agitabatur conscientia criminis et nuditatis opprobrio ac poenarum formidine, si quid adhuc terribilius voce Dei adiungeretur, in desperationem praeceps ferretur ac diceret: *Maior est iniquitas mea, quam ut veniam merear!*⁸⁵ Tum etiam quia, licet peccatum non sit plene confessus, ut debuit⁸⁶, tamen ex parte eius vera responsio elevabat culpam: tametsi non aboleret, sed urgens adhuc obiurgationibus ratio esset; ideo satis hactenus ab eo habuit sermonemque suum ad mulierem convertit.

Vr. 13 *Et dixit Dominus Deus ad mulierem: Quare hoc fecisti? Quae respondit: Serpens decepit me, et comedi.*

Textus Hebraicus: *Et dixit mulier: Serpens sublevavit, seu abduxit.*

Chaldaeus Interpres: *Errare me fecit.*

Septuaginta: Ὁ ὄφις ἠπάτησέ⁸⁷ με: idest: *Serpens decepit me*, sicut nostra Editio habet.

*Serpens de-
cepit me,
Mulier vero
pariter se
excusans,
culpam suam
in serpentem
retorquet,*

Non factum an sit interrogat Deus, cum de facto constet; sed cur factum sit: *Quare hoc fecisti?* Audisti, inquit, virum in te culpam transferentem et omnia tibi ascribentem, quae illi in adiutorium data es, atque ideo condita ex carne eius et ex ossibus eius, ut tuis solatiis illum foveres: facta es autem ei tuo delicto in maximum malum miserandamque iacturam minarum. *Cur hoc fecisti?* Et cur tibi et viro tantae ignominiae facta es auctor? Ipsa vero perterrita, peccatum suum defendit et in serpentem culpam retorquet: *Serpens*, inquit, *decepit me*. Ut sicut vir culpam in mulierem reiecit, dicens: *Mulier... dedit mihi et comedi*; ita et mulier, nullum effugium inveniens, fatetur factum, sed in serpentem transfert: mala, inquit, illa bestia hunc nobis lapsum attulit, illius nos perniciosum consilium in hanc nos confusionem adegit: ille *me decepit, et comedi*; non coegit, sed *decepit*. Nec vir se coactum dicit, sed: *Mulier... dedit mihi et comedi*; *dedit* solum, non coegit, non vim fecit; ista vero: *Decepit*, inquit, non coegit; nusquam enim necessitas et violentia, sed voluntas et arbitratio. Inimicus enim nostrae salutis opera huius malae

85) Gn 4, 13.

86) Ms.: *Quia* repetitur.

87) Ms.: ἠπάτησεν.

bestiae usus, consilium dedit et *decepit*, non vim fecit neque coegit, sed pernicioso consilio fraudem suam opere compleri fecit.

Deus autem, etsi mulierem sic respondentem potuisset multipliciter redarguere et acerrime exprobrare, illius verbis contentus non coegit ad plura. Postquam illius mali auctorem invenit, serpentem aggreditur eique poenam intentat.

quem Deus aggreditur, nolens ultro mulierem redarguere.

Vrr. 14-15

Et ait Dominus ad serpentem : Quia fecisti hoc, maledictus es inter omnia animantia et bestias terrae : super pectus tuum gradieris et terram comedes cunctis diebus vitae tuae. Inimicitias ponam inter te et mulierem, et semen tuum et semen illius ; ipsa conteret caput tuum, et tu insidiaberis calcaneo eius.

Textus Hebraicus : *Maledictus tu prae omni iumento et prae omni bestia agri : super ventrem tuum incedes et pulverem comedes omnibus, etc. Inimicitias ponam inter te et inter mulierem, et inter semen tuum et inter semen illius ; ipsum conteret tibi caput, et tu conteres ei calcaneum.*

Ita et Chaldaica Lectio habet omnino, praeter illud : *Inimicitiam ponam inter te et mulierem, et inter filium tuum et inter filium eius ; ipse recordabitur tibi quid feceris ei ab initio, et tu observabis eum in finem.*

Targum Ierosolymitanum ad dies regis Messiae hunc locum refert ⁸⁸.

Pro huius loci clariore intelligentia animadvertendum est quod supra quoque initio capitis praemonuimus ⁸⁹, videlicet per *serpentem* non animal solum aut daemonem debere intelligi, sed utrumque, daemonem scilicet et serpentem; daemonem, qui per serpentem loquebatur eiusque ministerio utebatur ad tentandum: serpentem vero sicut instrumentum eius, per quem sua maleficia perpetravit. Iccirco cum hic Deum legimus in serpentem has poenas animadver-

Quia fecisti hoc, maledictus es, etc.

Haec Dei verba diriguntur ad daemonem in serpente,

88) Ait enim : « Et dixit serpenti : Quoniam fecisti hoc, maledictus tu prae omni iumento et prae omni fera agri : super ventrem tuum eris deambulans et pedes tui decurtabuntur et pellem tuam eris exuens simul intra septem annos et venenum mortiferum in ore tuo, et pulverem comedes omnibus diebus vitae tuae. Quia inimicitias ponam inter te et inter mulierem, inter semen filii sui et inter semen filiorum eius ; et erit quando erunt filii ipsius mulieris servantes praecepta legis, operam dabunt ut percutiant te ad caput tuum. Cum autem relinquent praecepta legis, studebis ut mordeas eos in calcaneis ipsorum : verum illis erit medicina : quia medicinam adhibebunt calcaneo in diebus regis Messiae ». Apud Io. De La Haye *Biblia Maxima Versionum*, t. 1, pag. 477.

89) Cf. pag. 254.

tisse, in utrumque animadversum esse supplicium intelligere debemus. Et sicut per animal serpentem daemonem intelligimus, propter proportionem quandam et analogiam, quae inter utrumque reperitur; ita quoque per poenas sensibiles, sensibili serpenti inflictas, eas pari modo, quae intellectuali serpenti diabolo inflictas sunt, perscrutari debemus; et eo magis quo ea, quae hic videntur iuxta litteram a Deo inflicta serpenti animali, et si vere, non tamen principaliter ad animal, sed ad serpentem diabolum directa sunt.

cui Deus poenam infligit pro meritis sine ulla interrogatione, quia diabolus iam irremissibiliter condemnatus est.

Et dixit *Dominus ad serpentem*, idest diabolum: *Maledictus tu*. Dominus Deus ad huius facinoris inquisitionem a viro interrogans incepit et pari modo ad mulierem transit, ut ipsi peccatum suum agnoscentes, Deo responsa dantes, culpam confiterentur et veniam acciperent; quoniam remissibile utique fuit peccatum illud et per poenitentiam ac humilem confessionem lui poterat, quam illi, ut poterant, facere debebant; siquidem concessum est eis *acceptabile tempus* et *dies salutis* ⁹⁰, ut *dignos fructus poenitentiae* ⁹¹ agerent. Postquam vero a muliere accepit Deus quis eius mali princeps auctor fuerit, ut ad serpentem ventum est, non iam illum dignatur ut responsum ex eo audiat, sed poenam intentat. Non venit in iudicium serpens quasi reus, qui se posset defendere; peccato enim iam obfirmatus irremissibiliter erat et iam damnatus et ut sempiternus hostis declaratus, in quem non aliud cogitatur, nisi ut affligatur pro meritis.

Non tantum diabolus, sed et serpens animal maledicatur, cuius lingua diabolus usus est ad tale flagitium perpetrandum.

Unde statim dicitur: *Quia hoc fecisti, maledictus eris inter omnia animantia et bestias terrae*. Cum autem ad serpentem sensibilem haec etiam dirigantur et infligantur, mirum videri non debet, quod Dominus ad brutum sermonem dirigat, quasi non intelligat quae dicuntur; nam et alibi legimus locutum fuisse Deum ad piscem, apud *I o n a m* ⁹²: significat autem locutio huiusmodi divinae voluntatis expressionem per exteriores effectus. Vel: *Maledictus tu prae omni iumento et prae omni bestia agri*. Serpens animal, a quo nobis ad daemonem allegoria sumenda est, manifeste huius sortis conspicitur, maledictus, idest execrandus et detestabilis ac exhorrendus tanquam insidiator homini, et venenosus prae omnibus iumentis et bestiis agri. Etsi autem serpens suapte natura execrandus est, cre-

90) 2 Cor 6, 2. Vulg.: *Tempus acceptabile*.

92) Cf. 2, 11.

91) Lc 3, 8. Vulg.: *Fructus dignos*.

visse tamen in illum hanc maledictionem et execrationem postquam diabolus usus est lingua illius ad tam grande flagitium exercendum, existimare utique convenit. Non solum enim nocentes nobis odire solemus, sed instrumenta quoque, quibus nocent. Nam cum diabolus, huius animalis opera usus, malum illud consilium attulerit, iccirco hanc in illum poenam animadvertit Deus; sicut dementissimus pater, qui eum puniens, qui praedilectum filium suum occidit, et gladium quoque et ensem eius, quo filius occisus est, destruit et in multa frustra concidit ac frangit; ideo *maledictus tu . . . prae omni bestia agri*.

Hinc licet advertere ante peccatum animalia maledicta non fuisse; nam si serpens post peccatum maledictus est, et non solum maledictus, sed maledictus prae cunctis bestiis agri et iumentis, haec utique ante peccatum maledicta non erant; post peccatum vero maledicta sunt, cum nullum fere sit animal, iumentum vel bestia, quod homini quoquo pacto nocumentum inferre non possit, quo modo huic maledicto subiacent, ut sint homini formidanda, multa autem execranda et exhorrenda, super omnia autem serpens.

Cum serpente
omnes bestiae
maledicuntur;

Verum si is, qui ut instrumentum ministravit, tantam indignationem expertus est: quale supplicium datum est diabolo? De eo multo verius dicitur: *Quia fecisti hoc, maledictus tu prae omni iumento et bestia campi*. Non tamen ea nunc damnatio diaboli dicitur, quae ultimo iudicio reservatur, de qua Dominus dicit: *Ite . . . in ignem aeternum, qui paratus est diabolo et angelis eius* ⁹³: sed ea poena eius dicitur, qua nobis cavendus est: *Maledictus es inter omnia iumenta et bestias terrae* ⁹⁴, imo *prae omnibus*. Multa, inquit, animalia ferocia, indomita et saeva nimis ac bestiae crudeles et atroces homini inimicantur in eumque saeviunt: aspides, basilisci, dracones, tigrides, ursi, lupi rapaces, leones et pleraque alia sunt homini maledicta suntque ei execranda, exhorrenda, extimescenda, et fugienda procul, quae possunt ei mortalis vitae exitium afferre. Tu autem prae omnibus his homini *maledictus es*, ei multo magis execrandus, detestandus, exhorrendus, extimescendus, cavendus ac fugiendus ac eo magis, quo ei venenatis verbis et letali poculo, nedum corporeae vitae exitium attulisti, quo in omne hominum genus mors ingressa est, verum

sed prae omni-
bus diabolus
in serpente
maledicatur,

qui prae omni-
bus feris
magis
execrandus et
cavendus
declaratur;

93) Mt 23, 41. Vulg.: *Discedite*, etc.

94) Ms.: *Terrae* repetitur.

etiam sempiternae mortis reum et peccati mancipium reddidisti et spiritualis vitae, quae in gratia et caritate consistit, exitium ei mortifero tuo veneno praebuisti. Quare multo magis te execrari, detestari, exhorrescere et fugere debet, quam cuiusvis venenatissimi colubri faciem, aut draconis pestilentissimi flatum vel basilisci aspectum.

quippe qui nedum corporalem necem, sed et spirituales et aeternam humano generi intulit

Haec enim suo veneno temporalis vitae hominem deperditum faciunt: tu vero spiritualis, quae in gratia et caritate, et aeternae, quae in beata gloria, in summi boni visione ac fruitione consistit, eum deperditissimum reddis; et si tibi permetteretur ad libitum, temporalis quoque vitae multo crudeliores et atrociores poenas, afflictiones et tormenta, multoque terribilius ac saevius praeberes exitium, ut clare conspicitur dum permittitur tibi ex libito, quam saevissima quaevis ac immanissima bestia inferre ei aliquando posset. Ideo *maledictus tu* ei, qui tanquam crudelissimus et atrocissimus leo rugiens et truculentissima bestia semper circuis, quaerens ut eum devores ⁹⁵: *prae omnium iumento et bestia* quamvis cruentissima, quae omnia, etsi natura multo inferiora, praeposita tibi esse hac lata sententia declaro, quia illa quod suapte natura eis competit, non ex vitio, sed ex naturae conditione faciunt suumque statum, in quo ea posui, infallibiliter servant. Tu autem quidquid facis, tuo vitio facis: cum e sublimi illo immarcescibilis gloriae statu, in quo ego te posui, tuo vitio et peccato excideris, nec tuum servaveris principatum ⁹⁶; ideo ea nunc tibi praepono: *Maledictus tu* prae cunctis iumentis et bestiis terrae.

et inferre non desinet, summo odio in hominem exardescens.

Super pectus tuum gradieris, etc. Hebraei asserunt serpentem ante peccatum pedes habuisse.

Sequitur deinde: *Supra pectus tuum gradieris et terram comedes omnibus diebus vitae tuae.* Serpentinum animal, quo diabolus usus est, manifeste huius est sortis et conditionis suapte natura. An autem ante acceptam maledictionem eiusmodi, ut nunc cernitur, eius natura extiterit, non est usquequaque evidens et constans. Hebraeorum doctores, ut in *Ialkut* legitur ⁹⁷ et *Rabbinus Salomon* quoque dicit ⁹⁸, asserunt pedes quidem prius habuisse serpentem; per hanc autem Domini sententiam praecisos ei fuisse, ut non super pedes amplius, sed super pectus suum graderetur. *Divus Ioannes Chrysostomus* id etiam asseverare videtur ⁹⁹, ut aliam ha-

Idem sentiunt Io. Chrysostomus

95) Cf. 1 Petr 5, 8.

96) Cf. Iud vr. 6.

97) *Ialkut*, § 31; cf. etiam *Targum Ierosolymitanum*, supra not. 88; *Bereshit Rabba*, pag. 186; Gioseffo Flavio *Delle Antichità Giudaiche*, lib. 1, cp. 3, f. 3^a.

98) Op. cit. f. 5^b.

99) *Hom. 17 in Gen.*, (P. G. 53, 142-143).

buerit serpens formationis figuram post hanc maledictionem. Idem etiam Hieronymus in *Quaestionibus Hebraicis*¹⁰⁰. Alii vero secus existimant¹⁰¹, quoniam nihil peccavit serpens: quare ergo haec ei poena infligitur? Et ridiculum putant opinari alium fuisse serpentis gressum ante acceptam maledictionem, cum reptilia Deum ab initio creasse Moyses clarissime dixerit¹⁰².

et Hieronymus,
aliis tamen
contradicen-
tibus.

Mihi vero priorum sententia multo probabilior apparet, ut, etsi nihil peccarit serpens, sed per illum diabolus solus execrandum illud facinus perpetrarit, ad illius tamen sceleris detestationem et execrationem serpens quoque, quo ut instrumento usus est satanas, tantam expertus sit indignationem; ad eum modum quo Dominus iussit de iumento, cum quo aliquis horrendum illud et innominabile peccatum contra legis naturalis iura commiserit, cum eo simul comburi¹⁰³; ad quem modum etiam in *Deuteronomio*¹⁰⁴, de civitate a cultu Dei aversa praecipitur, ubi et non solum homines poenas mortis iubentur luere, sed iumenta quoque occidi et suppellectilia comburi. Similiter in *1 Samuelis*¹⁰⁵ de Amalecitis, ob peccatum a suis patribus longe ante perpetratum, praecipitur non solum viros occidi, sed et mulieres et parvulos et lactentes, boves et oves et quaecumque illorum erant. Haec omnia ad peccati detestationem, execrationem et horrorem iussa sunt, ut cum peccatoribus ea quoque, quibus ut instrumentis ad perpetranda peccata usi sunt, simul exterminarentur. Quid ergo mirum si serpenti etiam hic huiuscemodi poenae infliguntur, cum tam horrendum et execrandum facinus per illum diabolus commisit? Immutatio ergo haec in serpentis natura Deo auctore facta est, qui talem ei poenam intentavit, quae omni tempore duret; ut sui spectaculo omnibus posthac futuris exemplum sit, ne ultra pestilens illud audiatur consilium neque locus concedatur dolosis ipsius insidiis: atque ut eum, quo ut instrumento usus est diabolus, tantam expertum indignationem videntes, intellectu percipiamus poenas, quae diabolo, eius sceleris principali auctori, inflictæ sunt a Deo. Unde et de ipso verissime dictum putamus: *Super pectus tuum gradieris et terram comedes omnibus diebus vitae tuae.*

Probabilius videtur diversam formationem et alium incedendi modum ante maledictionem serpentem habuisse.

Deus tanto odio peccatum prosequitur, ut etiam res irrationales, quae peccati instrumenta fuerunt, poena afficiat.

100) P. L. 23, 943.

101) Severianus *De Mundi Creatione*, Orat. 6, (P. G. 56, 494-495);

Procopius *Comment. in Gen.*, ibid. 87, 203-206; Rupertus *De Trinitate*, etc. *In Gen.*, lib. 3, cp. 18, (P. L. 167, 303-304).

102) Cf. Gn 1, 20.

103) Cf. Lv 20, 15.

104) Cf.

13, 14-16.

105) Cf. 15, 2-3.

Per *pectus* cor
diaboli intelli-
gitur, in quo
cogitationes
suas malas
confovet;

Ut autem calliditatem et cogitationum eius versutiam aperiret, quod omnis gressus eius nequitiae esset ac fraudis, inquit: *Super pectus tuum*, vel *ventrem gradieris*: per quem diaboli cor significatur, in quo nequissimas cogitationes omni calliditate et versutia confovet suaque pravissima desideria rerum illecebrarum repascit: ad quae trahere cunctos cuperet, in seipsum quasi cibum convertendos, qui in substantiam convertitur comedentis. Ideo subditur: *Et terram comedes omnibus diebus vitae tuae*, idest terrenos homines¹⁰⁶ terrena magis quam coelestia cupientes, amantes et sectantes, super quos ventre aut pectore, per iniquarum cogitationum immissionem et per obscenae concupiscentiae excitationem illicito motu appetitus sensibilis, tu ipse serpueris.

per *ventrem*,
carnales
appetitus et
pravi motus
concupiscen-
tiae in
terrenos homi-
nes immissi,

Ad huius loci autem clariorem intelligentiam, quorundam advertendus animus est. Et primo quidem eam vocem, quae in hebraico legitur et *Interpres* noster *pectus* transtulit, et *pectus* et *ventrem* significare; quapropter *Septuaginta* utrumque, et *pectus* scilicet et *ventrem* posuerunt, verbum unicum hebraicum duobus exprimere volentes, quia pro utroque a *Moyse* positum verbum illud putaverunt. Quoniam autem ex illo animante sensibili, in quo *pectus* et *venter* sunt adeo utraque commissa, ut nullum prope discrimen sit pectoris ad ventrem, ad hunc invisibilem inimicum nostrum locutio figuratur; hinc per *pectus* animi impetus et cogitationes, quae ibi vigent, intelliguntur; per *ventrem* vero carnales appetitus pravique et illiciti obscenae concupiscentiae motus, qui ibi sentiuntur, eo foveantur et inde originem trahunt, intelligendi sunt. Et quia inimicus noster his rebus serpit ad eos, quos vult decipere, propterea dicitur: pectore sive ventre repes.

quibus diabo-
lus serpit
super eos quos
decipere vult.

Ante peccatum
diabolus
externis sensi-
bilibus obiectis
tantum homi-
nes tentare
poterat;

Secundo animadvertendum est quod, cum adhuc innocentes essent primi homines, nunquam data fuit diabolo facultas aggrediendi homines internis tentationibus, vel intus illicita et obscena phantasmata proponendo, vel iniquas cogitationes immittendo, vel etiam carnis cupidinem illicitis motibus excitando; sed externis tantummodo sensibus obiecta delectabilia proponendo. Unde illos primo ad tentandum adorsus, in sensibili specie apparuit; postquam vero eos devicit ac suae, belli ac duellionis iure, subditos fecit potestati, — a quo

106) Ms.: *Terreno homine*.

*enim quis victus est illius et servus est*¹⁰⁷, — potestatem habuit eos nedum externis tentationibus, sed internis quoque eos adoriendi, ut internis sensibus obscena proponat phantasmata et iniquas cogitationes sensusque perversos immittat, et carnalem quoque concupiscentiam illicitis motibus exagitet et obscenae cupidinis ignem accendat. Et hoc est quod hic dicitur: *Super pectus tuum et ventrem gradieris*: haec ei potestas conceditur.

post peccatum
vero etiam
interne tentat.

Et ultra: ut terram illam comedat, super quam pectore et ventre serpuerit, hoc est ut terrenos illos homines terrena sapientes, super quos pectore, idest iniquis cogitationibus animique impetu, et ventre, idest luxuriae illecebris serpuerit, devoret ac sibi incorporet suaque membra efficiat.

Et haec eius poena est ut eos tunc in potestate habeat, qui Dei praecepta contemnunt; et qui in primo homine devicto omnes devicit, non super omnes suam exercent potestatem, sed tantum super *terram*. Terra enim serpenti cedit et gressus eius vestigium recipit, nec resistit ut lapis, super quem etsi gradiatur serpens, nullum tamen signum relinquit, quia non cedit ei lapis, sed resistit; ita pravi et iniqui homines, qui Dei praecepta contemnunt, *terra* sunt, quoniam diabolus super se sinunt serpere eique cedunt, quia eius tentationibus consentiunt et quidquid illis mali proposuerit exequuntur. Non sic autem iusti, qui Dei praecepta custodiunt; sed tanquam firmissimi lapides, quibus coeleste aedificium construitur primo *angulari lapide Christo*¹⁰⁸ superaedificati, etsi super eos serpat diabolus pectore et ventre secundum potestatem acceptam quam iusti evitare non possunt, idest tentationes iniquarum cogitationum immittat et luxuriae iacula iaciat, animi tamen vi ei resistunt nec cedunt a tentationibus, sed repellunt; nec vestigium aliquod diabolici gressus relinquitur, quia in nullo ei consentiunt. Ideo non hos devorat diabolus, sed *terram*, quae sibi cedit.

Diabolus in
homines tan-
tum, qui eius
tentationibus
consentiunt,
suam exercet
potestatem;

non autem in
eos qui
resistunt.

Hanc autem potestatem non semper agit: sed *omnibus diebus vitae suae*. Per quod non est quoquo modo existimandum eum aliquando morituro, cum non constet ex natura corporea et iam aeternis poenis destinatus sit sempiterni ignis, *qui paratus est ipsi*

Cunctis diebus
vitae tuae.
Potestas homi-
nes tentandi
diabolo conce-
ditur usque in

107) 2 Petr 2, 19. Vulg.: *Superatus... hulus*, etc.

108) Eph 2, 20.

finem saeculi
hulus; postea
enim in infer-
na recludetur.

et angelis eius; sed dicit: *Omnibus diebus vitae tuae*: quia ipse dicitur vivere omne tempus, quo sub isto aere caliginoso permittitur degere et circuire et quaerere *quem devoret* ^{108a}, quod est usque in finem saeculi, ante ultimam poenam illam iudicii, quando recludetur in aeternum carcerem, quasi in sepulcrum, et non dabitur illi ultra gradi et comedere; unde merito dicitur vitam finire.

Inimicitias
ponam inter te
et mulie-
rem, etc.
Verba haec ad
Beatissimam
Christi Ma-
trem referun-
tur, ab aeterno
praecognitam
et praepara-
tam,

Antequam autem ad illud deveniatur, aliud ei flagellum infligit, dicens: *Inimicitias ponam inter te et mulierem, et semen tuum et semen illius; ipsa conteret caput tuum, et tu insidiaberis calcaneo eius*. Quoniam, iuxta Targum Ierosolymitanum, locus hic ad dies Messiae refertur ¹⁰⁹, convenientissimum visum est nobis locum hunc de Christo interpretari. Et primo quidem eam mulierem hic designari, quae parentum reparatrix, posterorum vivificatrix, Filii Dei dignissima mater ab aeternis saeculis electa est; a summo et altissimo Patre praecognita et Filio praeparata; a Patribus praesignata, a Prophetis praedicta, ab angelis servata; mulier admiranda et omni honore dignissima Virgo, ad quam *missus est angelus* ¹¹⁰: virgo carne, virgo mente, virgo professione, virgo corpore et mente; sanctissima femina, singulariter admiranda et super feminas admirabilis, mirabiliter benedicta, quae virum circumdedit in utero, manens virgo, novum quod se facturum Dominus repromisit ¹¹¹.

quae ab omni
peccati labe
praeservata
fuit, ut ser-
pentis caput
conterere pos-
set.

Nunc autem *inimicitias* se positurum dicit inter serpentem et hanc mulierem: *Inimicitias ponam inter te et mulierem*. Vicisti, inquit, unam mulierem, et per eam etiam virum obtinuisti tua improba fraude; nunc aliud duellum statuo, in quo tibi superanda est alia, si secure cupis tua praeda potiri et hanc tuis dolis quaesitam tyrannidem latius grassari. Illa enim ad surripiendum tibi praedam est praeparata omnino et ad conflictum animose accincta, quae in primo hoc duello non cecidit, nec sub hoc communi peccato iacuit, nec sub tua potestate aliquando inventa est. Propterea in secundo duello eam eligo quasi liberam et campi dominam, ut tecum luctari valeat. Cum hac nova muliere ab omni labe peccati praeservata, volo ut novum committas proelium, ut experiaris an et illam valeas superare.

Nec tamen eiusmodi duellum in ea finitur; sicut nec primum in prima muliere, sed in viro victo terminasti: ita in viro, huius mulieris

108a) 1 Petr 5, 8.

109) Cf. supra, pag. 281.

110) Lc 1, 26-27.

111) Cf. Ier 31, 22.

semine, duellum hoc terminari debet. *Et inter semen tuum et semen illius; ipsa conteret caput tuum*, vel, ut *Hebraica Lectio* habet, *ipsum*, videlicet *semen*, *conteret caput tuum*. Et utrumque recte dicitur; nam et haec sanctissima mulier caput serpentis contrivit, quae omnimodam maligni suggestionem, tam de carnis illecebra quam de mentis superbia, deduxit ad nihilum; et Christus, qui mulieris huius *semen* dicitur et filius ancillae Domini¹¹², quoniam de virgine natus, non virili semine, sed Spiritus Sancti virtute conceptus¹¹³ et ex eius purissimis sanguinibus virginalibus formatus est, huius tortuosi serpentis caput confregit; qui eius in mundo principatum dominatumque super homines abstulit eumque de mundo eiecit¹¹⁴ hominumque potestati subiecit, quibus super daemonia potestatem dedit¹¹⁵, ut calcarent super serpentes et scorpiones et super omnem virtutem inimici¹¹⁶. Quid est autem super serpentem calcare, nisi eius caput conterere?

Et ita qui per mulierem hominem vicerat, per hanc mulierem et filium eius vincendus erat.

Serpens autem non potest ad caput se erigere, sed calcaneo insidiatur: *Et tu, inquit, insidiaberis calcaneo eius*, vel, iuxta hebraicum: *Conteres calcaneum eius*, vel *mordebis eum in calcaneo*. Non potuit serpens iste caput seminis huius mulieris conterere, sed *calcaneum*. Semen enim hoc Christus est, caput autem Christi est Deus: *contra Deum* non est potestas, *non est consilium, non est sapientia*¹¹⁷. *Calcaneum* autem *eius*, idest carnem potuit in passione eius conterere cruce et flagellis, vel mordere potius, quam conterere; scriptum est enim: *Os non conteretis ex eo*¹¹⁸; sed momordit quem flagellatum per membrum suum Pilatum Iudaeis tradidit ad crucifigendum¹¹⁹.

Et tu insidiaberis calcaneo eius.

Diabolus dicitur insidiari non capiti, idest Christi divinitati, sed *calcaneo*, idest humanitati.

Filius autem huius mulieris in cruce memoratus est satanae quid sibi a principio fecerit, quia eum in cruce devicit, et omnia arma eius abstulit, quibus prius vicit, praedamque diripuit, quam ille fraudulenter primo accepit, et qui in ligno prius vicit, « in ligno quoque vinceretur¹²⁰ ». Hinc mihi verissime transtulisse hunc locum videtur *Chaldaeus Paraphrastes*: *Ipse*, inquit, scilicet filius mulieris, *recordabitur*, seu *commemorabit tibi quod fecisti ei*

Sed qui in ligno hominem vicit, in ligno quoque ab homine victus fuit.

112) Cf. Ps 85, 16; 115, 16.

113) Cf. Lc 1, 35.

114) Cf. Io 12, 31.

115) Cf.

Mt 7, 22; Mc 3, 15; 6, 13; 9, 37; 16, 17; Lc 9, 1. 49; 10, 17.

116) Cf. Mc 16, 17.

117) Prv 21, 30. Vulg.: *Non est sapientia, non est prudentia, non est consilium contra Dominum.*

118) Io 19, 36. Vulg.: *Comminuetis*. Cf. etiam Ex 12, 46; Nm 9, 12.

119) Cf. Mt 27, 26;

Mc 15, 15; Lc 23, 25; Io 19, 16.

120) *Missale Romanum*, Praefat. De Cruce.

ab initio, et tu observabis eum in finem. Siquidem diabolus Christum in fine dierum suorum, ut Targum Ierosolymitanum habet, observavit, dum eum ignominiosa morte per suos ministros addixit; Christus vero commemoravit ei quae sibi ab initio fecit, qui peccatum, a primis parentibus fraude diaboli deceptis perpetratum, abstulit, et qui primo in ligno hominem vicit in suamque omne genus humanum potestatem redegit, hic in ligno crucis ab homine victus est in hominumque potestatem redactus; quoniam Deus pro homine in castra venit humanis¹²¹ spoliis supervestitus; propter quod exterriti ac tremantes omnes daemones *ingemuerunt dicentes: Vae nobis! Non enim fuit tanta exultatio heri et nudiustertius: vae nobis! Quis nos liberabit de manu deorum istorum sublimium? Isti sunt dii, qui percusserunt Aegyptum omni plaga*¹²². Quapropter in cruce iudicium factum est mundi et *princeps huius mundi eiectus est foras*¹²³; et qui *fortis armatus* custodiebat *atrium suum* in paceque erant omnia quae possidebat, superveniens Christus, mulieris filius, eo fortior vicit eum et omnia arma eius diripuit, in quibus confidebat, et spolia eius in priori victoria fraude et dolo acquisita, abstulit et distribuit¹²⁴.

Vr. 16 *Mulieri quoque dixit: Multiplicabo aerumnas tuas et conceptus tuos; in dolore paries filios, et sub viri potestate eris et ipse dominabitur tui.*

Veritas Hebraica: *Ad mulierem dixit: Multiplicans multiplicabo dolorem tuum et conceptum tuum; in dolore paries filios et ad virum tuum erit desiderium tuum et ipse dominabitur tui, seu in te.*

*Multiplicabo
aerumnas
tuas, etc.
Variae le-
ctiones et
expositiones
Rab.
Abrabanel,*

Hebraeorum doctores, ut Rabbinus Abrabanel refert¹²⁵, per *aerumnas* anxietatem in gravitatione intelligunt; per *conceptum* vero, *conceptus* anxietatem. Ipse vero hanc multiplicationem sic exponit, quod ante peccatum, idest si non peccasset, unum solum conceptum habuisset, idest una tantum vice concepisset. Et huius dicti rationem reddit, quia homines semper vixissent; et si omnibus diebus suis genuissent filios et filias, non potuisset eos sustinere terra. Sed post peccatum, quia factus est homo corruptibilis et mortalis, determinavit sapientia divina ut pluribus vicibus [gignerent], ut si morerentur, non omnino deficerent.

121) Ms.: *Humis.*

122) 1 Rg 4, 8. Vulg.: *Salvabit... sublimium istorum.*

12, 31.

124) Cf. Lc 11, 21-22.

125) Op. cit. f. 31^a.

123) Io

Chaldaeus Interpres ita vertit: *Et ad maritum tuum erit appetitus tuus et ipse dominabitur in te.*

Nonnulli codices habent ¹²⁶: *Ad virum erit conversio.*

Septuaginta transtulerunt: *Multiplicabo moerores tuos et gemitum tuum, et ad virum tuum conversio tua.*

Hebraice vero תְּשׁוּקָתְךָ est, scilicet *appetitus sive desiderium tuum*. Ita Rabbīnus Salomon ¹²⁷ et David Kimchi ¹²⁸ exponunt. Rabbīnus Abraham Aben Ezra משמעתך ¹²⁹ exponit, quod est «obedientia, ut sit sensus: et viro tuo erit obedientia tua, et tu ¹³⁰ obedies omnibus, quae praeceperit tibi, quia tu es in potestate illius, ut eius facias voluntatem».

Salomonis,
David Kimchi
et Aben Ezrae.

Nos hunc locum ita exponimus. *Multiplicabo aerumnas tuas.* Felicem ac prope beatam vitam ducebant parentes nostri in amoenissimo illo paradiso voluptatis: nihil molestum, incommodi nihil, nihil poenae aut doloris vel gravaminis sentiebant. Ob peccatum vero ea sunt felicitate privati, ut non, sicut prius, ex omni essent parte felices, sed miseri et miserabiles ob poenas, quas illis inflixit Deus ex perpetrato scelere. Et quoniam mulier prius peccavit, prius ei poenae infliguntur a Deo, qui ait: *Multiplicans multiplicabo*, idest certissime et infallibiliter multiplicabo, nec me aliquando poenitebit, *aerumnas tuas*. In hebraeo est: עֲצָבוֹן, quae vox dolorem, tristitiam, moerorem ac turbationem et laborem significat; unde recte noster Interpres vim illius vocis per *aerumnas* expressit, dicens: *Multiplicabo aerumnas tuas*; *aerumna* enim miseriam et calamitatem, imbecillitatem et laboriosam aegritudinem onerosumque et non fugiendum laborem significat.

Mulier, quae
prius peccavit,
prius punitur
et maximis
miseriis,

Et conceptus tuos. In hebraeo est: הָרָוֶן, quae vox conceptum laboriosamque graviditatem significat et gemitum atque angustiam illam, quam mulier a conceptu ad partum usque perpetitur; quapropter Septuaginta *gemitum* transtulerunt.

graviditatis
angustiis

In dolore paries filios. Manifestissime haec omnia mulieres experiuntur in poenam illius peccati; si enim illud non inter-

et partus
doloribus
afficitur;

126) Cf. Io. De La Haye *Biblia Maxima Versionum*, pag. 46.

127) Op. cit. f. 5^b.

128) Op. cit. sub voce: שׁוּק. Cf. etiam Pagnini op. cit. sub radice: שׁוּק col. 2906; Io. Buxtorflus *Lexicon Hebraicum*, etc. sub voce: תְּשׁוּקָה.

129) Op. cit. f. 5^b.

130) Ms.: Tuo.

quae omnia
perpressa non
fuisset, si non
peccasset.

cessisset, filios quidem concepissent absque omni turpitudine et foeditate et omni procul obscena delectatione conceptosque fetus absque omni gravedine, labore et aerumna portassent ac peperissent sine dolore. Sicut enim ad concipiendum non libidinis appetitus, sed voluntarius usus naturam utriusque coniungeret, ita quod non voluptas carnem corrupisset, sed voluntas laxasset: ita ad pariendum non doloris gemitus, sed naturae talis impetus feminea viscera delectabiliter et relaxasset, et gaudium illud, quod in hoc statu mulieres sentiunt cum pepererint filios, propter quod non amplius recordantur pressurae ac aerumnarum, quas in periculo passae sunt, *quia natus est eis homo in mundum* ¹³¹, hoc non intercedente peccato, in pariendo etiam sensissent, cum iam fetus emitterent.

Sub viri po-
testate eris, etc.
Quae prius
homini ut
socio in sola-
tium data
fuerat,
nunc sub
viri potestate
constituitur
quasi serva,

Et sub viri potestate eris, sive ad virum tuum appetitus, vel desiderium tuum: et ipse dominabitur tui. Primo data est homini mulier in solatium et delicias, in sociam et *adiutorium sibi simile*, libera a servitute: nunc autem sub *viri potestate* constituitur, ut vir dominetur ei in suamque redigat potestatem. Et quoniam qui alterius dominio subicitur, illius debet iussa exequi, servare praecepta illiusque voluntati morem gerere, ut non quaecumque vult faciat, sed [quod] ille voluerit agat, eius voluntatem explorare, ei assentire suamque illi voluntatem conformare; iccirco dicitur: *Et ad virum tuum erit desiderium tuum*, ut non quaecumque volueris aut appetieris, illa facias, sed tua vota et desideria ad virum referas et quod ille vult facias, ei morem geras, ei obedias; quia *ipse dominabitur tui*, idest eum super te dominum constituo ac volo ut eius super te dominatum agnoscas semperque existimes virum tibi pro domino datum; ipse reget te, gubernabit, arguet, corriget, reprehendet atque corripiet cum oportebit, ne absque eius dominio impavide ac libere vivens, per praecipitia feraris.

semper indi-
gens eius pro-
tectione et
societate.

Posset etiam verbum illud: *Et ad virum tuum erit desiderium tuum*, de naturali desiderio, quo mulier virum desiderat ad sustentationem, defensionem, protectionem, societatem, securitatem et delicias, quibus omnibus destituta quodammodo ac egens est mulier, sicut imperfectum desiderare semper assolet perfectum, a quo per-

fici possit et suis defectibus satisfactum iri. Prior tamen expositio est litterae consona magis; etsi haec quoque verissima est.

Notandum vero est quod dicitur: *ad virum*, non *ad viros*; quoniam turpissimum semper fuit, nec licuit unquam mulierem unam pluribus viris simul coniungi: sed unum ac proprium virum debet habere mulier, non plures, contra obscenos illos et fatuissimos haereticos¹³², qui voluerunt mulieres esse communes, quod belluarum est, non hominum.

Dicitur: *ad virum*, non: *ad viros*, ad polyandriam condemnandam.

Intelligere tamen oportet quomodo haec sententia generalis sit, quae universum sexum complectatur. Multae enim mulieres ab his aerumnis eximi videntur, quales sunt innuptae, virgines et steriles, quae quavis ratione non concipiunt. Multae enim steriles reperiuntur: et quaedam quidem ex natura, quaedam vero ex Dei facto; et harum quaedam ad Dei gloriam, quaedam vero ad alicuius peccati poenam; et quaedam quidem sunt perpetuo steriles, quaedam vero ad tempus. Multae etiam steriles sunt non natura, sed gratia, quae viros quidem nullo pacto cognoscunt, sed nec volunt unquam cognoscere: sed virginitatem suam Domino vovent et illibatam servant; unde fit ut aerumnis in hac Domini sententia expressis minime premantur. Sed intelligendum est quod quotiens Deus generaliter quidpiam statuit aut decernit, intelligi sane oportet ad eos pertinere decretum vel statutum, qui sunt eius rei, quae statuitur, capaces.

Sententia haec generalis est et mulieres in universum respicit, non omnes singulariter;

Cum ergo Dominus dicat ad mulierem: *Multiplicabo aerumnas tuas et conceptus tuos; in dolore paries filios*: non ad eas potest illud pertinere, quibus natura potentiam concipiendi negavit; neque ad puellas, quae adhuc non sunt nubiles; neque ad eas, quae virum non cognoscunt, neque viro cuiquam factae sunt una caro: sed Iesu Christo adhaeserunt et cum eo unus spiritus factae sunt; nec curant quae sunt viri, quomodo placeant viro: sed sollicitae sunt eorum, quae Domini sunt, quomodo placeant Deo¹³³ et sponso vero ac semipiterno Iesu Christo.

quia multae steriles sunt vel natura vel Dei facto, quae aerumnis his non premuntur.

Omnes tamen, quas diximus, non sunt utcumque muliebrium

132) Cf. Clemens Alex. *Stromatum*, lib. 3, cp. 2, (P. G. 8, 1103); Lactantius *Divinae Institut.*, lib. 3, cp. 21, (P. L. 6, 418); S. Hieronymus *Adversus Iovinianum*, lib. 2, *ibid.* 23, 295-296; G. Hergenröther *Storia Universale della Chiesa, Evo Medio*, lib. 2, part. 3, cp. 9, vol. 4, pag. 423-424. 430-431. 133) Cf. 1 Cor 7, 33.

Attamen et istae suas aerumnas patiuntur; sterilitas enim malum est, quam laboriosa fecunditas.

aerumnarum expertes; etenim steriles quae natura sunt, eo ipso quod steriles sunt, maximas perpetiuntur aerumnas. Sterilitas enim maius malum in natura est, quam esse fecundam cum omnibus illis aerumnis; quapropter in lege, quae rerum naturam sequebatur, sterilitas abominabilis erat et sub maledicto: tanquam mulier, quae sterilis erat, esset a Deo signata et maledicta ¹³⁴. Unde inter benedictiones populi, haec quoque continebatur: *Non erit infecunda, sive abortiens, nec sterilis in terra tua* ¹³⁵.

Ideo in Lege Veteri tanquam maledictum et opprobrium habebatur;

Sterilitas ergo cum magnum malum sit, a peccato profecta est in feminis et multotiens etiam ob peccatum inflictam mulieribus; quapropter in primaevo statu nullibi sterilitas affuisset: Dominus tamen ob peccatum esse inflictam commemorare noluit, quia non naturae universalis, sed particularis est. Itaque peioris conditionis steriles reputantur absque partus doloribus, quam fecundae cum omnibus illis aerumnis; *mulier enim, dum parit, tristitiam habet . . . , cum autem pepererit filium, iam non meminit pressurae propter gaudium, quia natus est ei homo in mundum* ¹³⁶: quo gaudio steriles destitutae sunt et opprobrium ferunt perpetuum.

et pluries legimus Deum in alicuius peccati poenam sterilitatem inflixisse, et e contra in virtutis praemium fecunditatem concessisse.

Quapropter multas in Sacra Scriptura legimus natura fecundas, steriles esse effectas in alicuius peccati poenam: sicut Michol uxor David ¹³⁷, eo quod virum suum deriserit coram Arca Dei ludentem, sterilis effecta est; Dominus etiam ob peccatum Abimelech vulvas omnes domus eius conclusit ¹³⁸. Sicut, e contra, multas natura steriles fecit fecundas ob insignia virtutum merita: quemadmodum de Lia legimus, quae cum despiceretur a viro suo et a sorore, videns Dominus humilitatem eius, exaudivit eam et consolatus est eam *vulvamque eius aperuit, sorore sterili permanente* ¹³⁹; quapropter ob ingens gaudium et consolationes maximas, quas ob filiorum partus sentiebat, soror eius infecunda invidit ei; quoadusque recordatus illius Dominus exaudivit eam eiusque vulvam aperuit: quod ipsa cernens, tota gaudens et laetabunda dixit: *Abstulit Dominus opprobrium meum* ¹⁴⁰. Similiter Sara ¹⁴¹ uxor Abraham, Rebecca ¹⁴² uxor

¹³⁴ Cf. Gn 30, 23; 1 Rg 1, 6; Ps 112, 9; Is 4, 1; Lc 1, 25.

¹³⁶ Io 16, 21. A. Gramatica in *Bibl. Sacr.* Nova Editione habet: *Peperit.*

¹³⁵ Ex 23, 26.

6, 16-23.

¹³⁸ Cf. Gn 20, 28.

¹³⁹ Ibid. 29, 31-35. Vulg.: *Aperuit vulvam eius.*

¹³⁷ Cf. 2 Rg

¹⁴⁰ Ibid. 30, 1. 22.

¹⁴¹ Cf. ibid. 17, 15-19.

¹⁴² Cf. ibid. 25, 21.

Isaac, Anna ¹⁴³ mater Samuelis, Elisabeth ¹⁴⁴ Zachariae, ob virtutum merita concipiendi et pariendi gratiam a Domino meruerunt, ut earum auferret opprobrium. Omnes tamen hae, quae huiusmodi gratiam a Domino perceperunt, non sunt ab hoc Domini decreto exemptae, sed in dolore utique pepererunt: sicut in Rachele manifestissime Scriptura declarat, quae cum secundum filium parturiret, *ob difficultatem partus periclitari coepit, unde egrediente iam anima eius prae dolore et imminente iam morte, vocavit nomen filii sui Benoni, idest filius doloris mei* ¹⁴⁵.

Virgines etiam, etsi non omnino in eo decreto continentur, cum eas Dominus in meliorem conditionem evexerit, non tamen ab omnibus sunt muliebribus aerumnis penitus liberatae. *Spiritus quidem earum promptus est, caro autem infirma* ¹⁴⁶ et imbecillis valde; quapropter eo ipso quod virgines sunt, multas et graves passiones eas sustinere oportet. Gravis est enim virginitatis possessio, magnum est corpus frenare, carnis incontinentiam cohibere, voluptatibus se opponere, gravissimum bellum quotidie nullatenus sedandum habere, inimicum semper, quocumque abierit, secum portare ad bellum, qui neque vespere respirare permittit, non nocte, non diluculo, non meridie: sed bellatur semper voluptatemque submittit, nuptias in memoriam adducens, quo virtutem excludat fornicationemque inserat; unde singulis diebus et horis exurit, fornacis modo succensa. Unde in hoc verissime etiam illud habetur inimicitiarum bellum: *Inimicitias ponam inter te et mulierem, et semen tuum et semen illius; ipsa conteret caput tuum, et tu insidiaberis calcaneo eius*; quod sicut de Virgine gloriosa virginum Matre exposuimus, ita quoque de his, qui eius vestigia sectantur, intelligendum est.

Vere laboriosissima virginitas est opusque gravissimum; talisque virginitas est ¹⁴⁷ ut eam nullus veterum potuerit conservare: Prophetis etiam tremenda. Quapropter si graves aerumnas, labores et dolores patiuntur mulieres ¹⁴⁸ in filiorum partu, hae multo graviores sustinent, ut virginalem castitatem conservent. Una sola mulier ab hoc est decreto exempta, Sanctissima scilicet Virgo Maria,

Virtuosa quoque virginitas suis aerumnis premitur, ob continuas acerrimasque luctas, quas contra passiones et concupiscentias sustinere debet.

Ideo ipsis Veteris Testamenti sanctissimis viris laboriosa nimis ac tremenda videbatur.

¹⁴³) Cf. 1 Rg 1, 19-20.
41; Mc 14, 38.

¹⁴⁴) Cf. Lc 1, 6-14.

¹⁴⁵) Gn 35, 16-18.

¹⁴⁶) Mt 26,

¹⁴⁷) Ms.: *Virginilas est repetitur.*

¹⁴⁸) Ms.: *Mulier.*

Una SS.ma
Virgo ab his
poenis immu-
nis prorsus
evasit, tum
in virginitate
tum in mater-
nitate sua.

virginum sponsi Iesu Christi mater. Ipsa ab huius decreti cunctis malis prorsus immunis fuit, non natura, sed gratia eximia et singulari; nam virgo semper purissima fuit, virgo mente, virgo professione, virgo carne, virgo mente et corpore sanctissima. Nec tamen ei aerumnae illae multiplicatae sunt pro virginitate tuenda, quas ceterae virgines experiuntur, cui nec ulla unquam vel minima obscena vel immunda cogitatio subrepsit, nec cogitatus aliquis pro virginali puritate quoquo pacto violanda, nec ullum unquam motum vel minimum obscenae concupiscentiae aliquando sensit. Erat enim eius caro purissima atque sanctissima, Dei manu formata multo purius et excellentius, quam prima mulier in primaevo illo nitidissimae innocentiae statu, ubi nihil horum experiebatur.

Corpus enim
eius Dei manu
formatum
fuit;

et Spiritus
Sancti gratia
mater effecta
est, virgo sem-
per perma-
nens;

Deinde nedum virgo fuit purissima, sed cum virginitatis nitore mulier fecundissima fuit, non prolis numero, sed excellentia; non sunt enim ei multiplicati conceptus, quae unum solum habuit, in quo *inhabitat . . . plenitudo divinitatis corporaliter* ¹⁴⁹, in quo *omnes gentes benedictae sunt* ¹⁵⁰. Nec libidine concepit: sed quae Spiritus Sancti gratia plena erat, Spiritus Sancti etiam virtute concepit, qui eam mente et corpore sanctificavit et de purissimis eius virgineis sanguinibus accepit ex eius virginali utero et inde Spiritus Sancti opera et Dei altissimi virtute sempiterni Patris Verbum ibi ineffabiliter conglutinatum, factum est caro.

et peperit sine
dolore virgo
semper in-
tacta in partu
et post
partum.

Praeterea nec in dolore peperit Filium, sed cum summo et ineffabili gaudio, ut constantissima est universalis Ecclesiae fides. Sempiternum enim Dei Patris Verbum Iesus Christus, in Virginis utero caro factus, seratis et intactis virginitatis claustris e maternis visceribus egressus est, nullum relinquens egressionis suae signum; quapropter egressus eius *via viri in virgine* a Salomone in *Proverbiis* ¹⁵¹ dictus est, quod ipse ob mysterii altitudinem omnino se ignorare dixit. Peperit ergo Virgo Maria filium, dolorem non sentiens, semper virgo manens ante partum, in partu et post partum.

Ideo a viri po-
testate exem-
pta, qui sibi
in adiutorium
et servitutum
datus fuit.

Nec demum sub viri potestate fuit, nec quis dominatus est eius; sanctissimus enim vir eius Ioseph, non tanquam dominus, sed tanquam servus datus est ei, ut Virgini gloriosae tanquam dominae suae famularetur. Non enim coniugium illud sanctissimum sacratum fuit,

149) Col 2, 9.

150) Cf. Gn 22, 18; Gal 3, 8.

151) 30, 18-19. Ex hebraico.

ut illa sanctissima Virgo et mulier singularissima viro subiiceretur corpore aut mente; neque ut esset ei in adiutorium, qui in conceptu nullas viri partes exercuit: quin potius contra factus est coniux in adiutorium Virginis circa partum, ut eius subsidio uteretur. Constat ergo Virginem gloriosissimam nullo pacto sub hac decreti sententia fuisse comprehensam.

Vrr. 17-19

Adae vero dixit: Quia audisti vocem uxoris tuae et comedisti de ligno, ex quo praeceperam tibi ne comederes, maledicta terra in opere tuo; in labore comedes ex ea cunctis diebus vitae tuae. Spinas et tribulos germinabit tibi, et comedes herbas¹⁵² terrae. In sudore vultus tui vesceris pane tuo, donec revertaris in terram, de qua sumptus es; quia pulvis es et in pulverem reverteris.

Textus Hebraicus in paucis discrepat, ut ibi: *Maledicta terra propter te, in dolore comedes ex ea et in labore vultus tui comedes panem; quousque revertaris in terram, quia ex ea sumptus es.*

Chaldaeus Interpres vertit: *Quia audisti sermonem uxoris tuae, maledicta terra propter te, in labore comedes ex ea.*

Septuaginta vero transtulerunt: *Maledicta terra in operibus tuis; unde Interpres noster, eos imitatus, ipse quoque sic transtulit.*

Causa huius diversitatis est, quia in hebraeo duae sunt dictiones valde affines: עֲבוֹר, ultima littera ר¹⁵³, et עָבוֹר, ultima ך; et prima quidem, si ב litteram praepositam habeat, significat propter; secunda vero, si eandem habeat litteram praepositam, infinitum est, a verbo עָבַר, quod significat operari; et sic videntur legisse Septuaginta et Interpres noster: בְּעָבוֹרֶךָ: *In opere tuo; in hebraeo tamen בְּעָבוֹרֶךָ est, idest propter te.* Est enim ך littera, et non ר, sicut etiam Chaldaeus Interpres vertit: *Maledicta terra propter te.*

*Maledicta
terra, etc.
Variae lectio-
nes.*

Nunc ad huius loci expositionem accedamus. *Quia audisti vocem uxoris tuae.* Postquam serpentem, qui huius sceleris extitit princeps auctor, maledixit Deus, et mulierem, quae media causa fuit, nunc virum ipsum, in quo totaliter peccatum consummatum est, maledicit

*Quinque ma-
ledictionibus
plectitur
homo,*

152) Vrr. 17-18. Vulg.: *In laboribus comedes... herbam terrae. Daleth, et infra.*

153) Ms.: *Resc, Beth,*

in eumque quinque fulminat maledictiones, ut *R a b b i n u s* *A b r a b a n e l* hic adnotavit ¹⁵⁴. Est autem prima: *Maledicta terra propter te*; secunda: *In labore vel dolore comedes ex ea omnibus diebus vitae tuae*; tertia: *Spinam et tribulum germinabit tibi et comedes herbam agri*; quarta: *In labore vel sudore vultus tui comedes panem*; quinta: *Donec revertaris in terram, quia ex ea sumptu: es, quia pulvis es et in pulverem reverteris*. Hae nobis sunt maledictiones singillatim explicandae.

quia, spreto
Dei praecepto,
mulieris voci
obedivit, quam
potius arguere
et corripere
debebat.

Antequam autem has in eum infligat maledictiones, causam unde infligit proponit: *Quia, inquit, audisti vocem uxoris tuae*, vel, iuxta hebraicum, *quia obedisti voci uxoris tuae*. Mulierem, inquit, in adiutorium tibi simile ego formavi tibi in sociam et uxorem dedi eiusque te virum caputque constitui, ut non tu illi, sed illa tibi pareret semper, nec praeciperet unquam: sed tu illi praecepisse debuisses; non enim illam tibi praefeci aut dominam dedi, sed te illi praefeci. Nunc autem tu universum hunc ordinem pervertisti, *quia obedisti voci uxoris tuae*. Sed qua in re obedisti? *Comedisti, inquit, de ligno, ex quo praeceperam tibi ne comederes*. Ego, inquit, sum tuus et Deus et Dominus: mihi obedire debuisti meumque observare praeceptum. Nunc autem tu, me neglecto meoque spreto praecepto, *obedisti voci uxoris tuae*, cui obediendum tibi nullo pacto erat, sed coercere potius ab eo, quod tibi persuadebat, debuisses et arguere et corripere. Nunc autem ego praecepi tibi ne comederes ex hoc ligno: illa suasit; tu autem eius suasioni obedisti et meum praeceptum sprevisti, qui tuus sum Deus et Dominus; ideo tanti sceleris meritissimas lues poenas atque supplicia.

Maledicta
terra, etc.
Prima: ob
peccatum
terra
maledicatur,

Maledicta terra in opere tuo, sive propter te. Postquam Deus hominem formavit iustitiae originalis decore et innocentiae nitore candidissimo ornatum, *tulit . . . eum et posuit in paradiso voluptatis* ¹⁵⁵, ut ibi deliciaretur. Nunc autem ob peccatum se ut inde eiiceretur addixit, sicut et eiectus est ac terra, super quam inhabitaturus esset, maledicatur: *Maledicta, inquit, terra in opere tuo*: non ruris colendi, sed in opere peccati terra maledicatur, sicut recte in hebraeo dicitur: *Maledicta terra propter te, idest ob peccatum tuum*.

Dederat Deus a principio fecundissimam terrae virtutem, ut

154) Op. cit. f. 31^b.

155) Gn 2, 15.

fertilissima esset et uberrima, sicut in primo capite dicitur ¹⁵⁶ : *Germinet terra herbam virentem et facientem semen lignumque fructiferum . . . ; et factum est ita ; et protulit terra herbam virentem . . . lignumque faciens fructum*; quod absque hominis labore et cultu factum est, cum homo adhuc non esset. Unde quod a principio accepit semper servasset fructusque uberrimos, suavissimos et pulcherrimos [protulisset], absque cultus gravamine onerosoque hominis labore vel minimo, nisi ad delectationem et delicias, sicut dicitur: *Posuit Deus hominem in paradiso voluptatis, ut operaretur et custodiret illum* : quod ad animi recreationem factum est. Nunc autem in peccati poenam terra maledicitur, ne herbas illas optimas suavesque fructus absque hominum summa industria, oneroso gravamine, laborioso cultu et doloroso etiam labore producat; sed inculta et hominum laboribus non elaborata nullos ¹⁵⁷ ex se fructus suaves et bonos, nullas herbas iucundas hominique convenientes ad cibum producat; sed illorum loco spinas et tribulos, labruscas et vepres germinet.

quae a principio fecundissima et uberrima erat;

per peccatum autem benedictionem primitivam amisit.

Prima ergo poena homini inflicta haec est: quod ob peccatum eius terra maledicitur, idest aufertur ab ea prima illa fecundissima virtus et fertilitas fitque sterilis et deserta ac infecunda, suntque omnes eius proventus, quos ex se producit, maledicti, idest homini execrandi et detestandi, ad hominis non auxilium aut subsidium, sed poenam et supplicium.

In laboribus comedes ex ea cunctis diebus vitae tuae. Haec secunda poena est, quae infligitur, qua homo laboribus addicitur et subiicitur, ut victum e terra sibi necessarium accipiat; quo contra in paradiso felicem ac prope beatam semper vitam duxisset, omni penitus labore, omni tristitia, omni dolore expertem, sed omnibus deliciis et voluptatibus affluentem. Posuerat quidem *Deus hominem in paradiso voluptatis, ut operaretur et custodiret illum* ; sed hoc ad delicias et voluptatem datum est illi, non ad laborem et afflictionem; quapropter nulla ibi doloris aut laboris mentio fit, sed deliciarum et voluptatum. Hic autem: *In laboribus comedes ex ea.* Significat autem vox hebraica hic עֲצָבֹן, laborem, fatigationem, tristitiam et dolorem, quoniam labor hic, qui ad necessarium

In labore comedes, etc.
Secunda: ob peccatum homo laboribus subiicitur, ut victum e terra accipiat;

et qui inter delicias vitam agere debebat, molestis,

156) Vrr. 11-12. Vulg.: *Et lignum pomiferum, etc.*

157) Ms.: *Ullos.*

tristitiae ac
doloribus ad-
dicatur omni-
bus diebus
vitae suae.

victum comparandum homini subeundus est, non levis est, aut delectabilis et iucundus, sed onerosus, gravis atque molestus, cum fatigatione, tristitia atque dolore; nec brevis est aut perexiguus, sed perdurabilis ac perpetuus: *Omnibus*, inquit, *diebus vitae tuae*: quoad vixeris, ad mortem usque, nunquam hos labores effugies.

Spinas et tribulos germinabit, etc.

Tertia: non solum terra primigenia fertilitate privatur, sed et magnis laboribus culta spinas et tribulos germinabit.

Spinas et tribulos germinabit tibi, et comedes herbas terrae. Tertia haec maledicti poena inflictata est, quod terra nedum ob peccatum primigenia illa virtute fecundissima et fertilissima uberrimorum proventuum destituta est, ut ex se nonnisi detestandos et execrandos proventus afferret ad supplicium magis hominum, quam subsidium, et nonnisi summis laboribus ab hominibus culta et elaborata necessarios hominum vitae proventus afferret; sed cum omnibus his laboribus et gravaminibus, adhuc spinas et tribulos, vepres atque labruscas ad hominis afflictionem producat: *Spinas*, inquit, *et tribulos germinabit tibi*, idest ad tuam afflictionem, molestiam, laborem et fatigationem, in tuum incommodum et detrimentum. Nam etsi in priscorum parentum statu spinas et tribulos, vepres et labruscas, lappas et carduos, rugosos fructices et quaecumque asperitatem secum ferunt solidaque sunt et valide pungunt, produxisset terra: non tamen in hominum iniuriam et offensionem. Peccatum autem quod intercessit, in causa fuit ut huiusmodi in incommodum et detrimentum hominum terra germinaret. Ideo dicitur: *Spinas et tribulos germinabit tibi, et comedes herbas terrae*; quoniam, ut inquit Propheta¹⁵⁸, *homo cum in honore esset non intellexit: comparatus est iumentis insipientibus et similis factus est illis*. Homini iumentis ob peccatum assimilato, in eius peccati poenam agrorum agrestes herbas, quae in iumentorum pabulum primo condita sunt, ei nunc in escam dantur, ut indicaretur quid dignum esset homine peccatore, qui similem se fecit iumentis insipientibus: *Et comedes herbas agri*.

Homini in peccatum lapso, quasi iumentis comparato, herbae addiuntur in cibum.

Prius herbae optimae homini datae fuerant in escam, nec eaedem quae et iumentis;

At dicet quis: quid est quod hic in peccati poenam infligitur? Nonne et supra, cum in primaevo statu esset homo, herbae datae sunt in escam? Ita enim dicitur: *Ecce dedi vobis omnem herbam afferentem semen super terram et universa ligna, quae habent in semetipsis seminem generis sui, ut sint vobis in escam et cunctis animantibus terrae?*¹⁵⁹ Verum quidem est herbas homini a principio datas esse in

158) Ps 48, 13, 21.

159) Gn 1, 29-30.

cibum; at non quascumque, sed optimas: nec eas, quae iumentis in escam datae sunt, sicut ex Veritate Hebraica supra adnotavimus¹⁶⁰, secundum quam inter animalium escam et hominum clarissime distinguitur. Sic enim habet, ut iam annotavimus superius: *Ecce dedi vobis omnem herbam seminificantem semen super faciem universae terrae et omne lignum fructiferum seminificans semen erit vobis in escam; omni autem bestiae terrae et omni volatili coeli et omni reptili terrae, in quo est anima vivens, erit omnis viriditas terrae in escam.* Ecce quam plane distincta sunt ciborum genera hominibus et brutis. Nunc autem poena, quae hic homini infligitur, huiusmodi est ut terra, quamvis elaborata et culta, non eas producat iucundas herbas fructusque suaves, quos prius absque labore etiam et cultu produxisset: sed herbas fere agrestes, iniucundas et insipidas, quales in alendorum iumentorum pabulum prius germinasset; et propterea dicitur: *Comedes herbas terrae, sive agri*, quae in insipientium iumentorum pabulum conditae sunt.

postea vero et hominis et brutorum eadem agrestes herbae in cibum traduntur,

Id tamen non tanto rigore accipiendum esse existimo, ut prohibita intelligantur herbae humano generi convenientes fructusque arborum, qui ab initio dati fuerunt, sed ut iam diximus, ut indicaretur quid dignum esset homine peccatore, tum etiam quia huiusmodi herbae et fructus, quibus nunc homines vescuntur, non eius sunt perfectionis, voluptatis et delectationis, quales erant primitus dati: sed longe inferioris, ita ut adeo illi meliores his et excellentiores essent, ut hi illis comparati sint quales erant herbae, quae iumentis in pabulum datae sunt. Erant enim herbae illae gustu delectabiles ac periucundae: fructus autem pulcherrimi et suavissimi; nunc autem herbae quibus vescimur, insipidae sunt et iniucundae, ita quod condimentis egent plurimis, ne nauseam nobis efficiant et insipiditate sua gustum omnino insipidum ac molestum efficiant.

quarum qualitas iis comparata, quas terra ante peccatum producebat, longe deterior est.

In sudore vultus tui vesceris pane tuo, sive in labore vultus tui comedes panem. In paradiso illo amoenissimo et deliciosissimo ex omni ligno, uno excepto, comedisset homo¹⁶¹ absque omni labore aut afflictione, sed cum omni delectatione tranquillae et iucundae quietis omnibus illis bonis potitus esset. Post peccatum vero adeo eius merito labori addicitur, ut si non laboret, non manducet¹⁶²: *In sudore,*

In sudore vultus tui, etc.
Quarta: homo, qui ante peccatum sine ullo labore vitam ducere poterat,

160) Cf. cp. 1, pag. 203.

161) Cf. Gn 2, 16-17.

162) Cf. 2 Thess 3, 10.

post
peccatum
nonnisi cum
labore cibum
vitae neces-
sarium obti-
nere potest.

inquit, *vultus tui vesceris pane* tuo. Panis autem appellatione non eam tantum escam intelligere debemus, quam vox illa primo importat, sed omnem escam et omne edulium; sic enim est vox hebraica in hoc loco: **לחם**, quae non solum *panem*, etsi eum primo tanquam hominis praecipuum et principalem cibum significat, sed omne etiam edulium et quidquid mandi potest; ita quod, sicut eo non intercedente peccato, omni esca et cibo absque ullo penitus labore, sed cum summa delectatione et voluptate potiturus ac perfuncturus fuisset; ita, eo perpetrato, nullus ei absque dolore et tristitia, labore atque sudore daretur ad victum.

Haec lex non
singulis ho-
minibus, sed
omnibus uni-
versaliter lata
fuit.

Haec tamen lex non adeo homini iniussa est, ut singulos quosque perstringat suo praecepto, sed homini, idest humano generi hominumque universitati praeceptum huiusmodi datum est, non singulis. Multi enim sunt inter homines vel aetate vel infirmitate imbecilles, qui corporalis exercitationis onera ferre non possunt, nec manibus laborare; quos nullo pacto dicendum est hoc esse astrictos praecepto, cum impossibilium nulla sit obligatio. Quapropter non singulis, sed universitati datum esse hoc praeceptum existimare debemus; quod autem communitati praecipitur, non ad singulos necessario spectat, sed satis est si a multis impletur ut decet¹⁶³. Ideo praeceptum hoc humano generi datum satis est si impleatur ab his, qui valeant implere et quos nulla iusta ratio a labore manuum excusat, cum melioribus studiis non incumbant. Unde inter varios hominum status et conditiones discrimen servandum est. Nec enim decet principes ac saeculi potestates et rectores manibus laborare, sed digni sunt a subditis sustentari, quorum gratia curam illorum suscipiunt; quapropter ab Apostolo honorem, tributa et vectigalia iussa sunt eis dari¹⁶⁴, veluti qui Deo in eo ministerio serviant; quod si digne suum officium ministeriumque exercent et ut aequum est impleant, digni sint etiam praemio aeterno.

Ideo non vi-
get cum iustae
causae adsunt
a labore ma-
teriali
excusantes.

Sic qui
lectioni et
orationi in-

Qui etiam studiis melioribus incumbunt, quales sunt qui spiritualibus exercitiis vacant die ac nocte, lectioni, meditationi, orationi, contemplationi, *psalmis, hymnis et canticis spiritualibus*¹⁶⁵, qui in lege

163) Ms.: *Et satis est repetitur.*

164) Cf. Rom 13, 6-7.

165) Eph 5, 19.

Domini meditantur die ac nocte in eiusque lege est eorum voluntas ¹⁶⁶, si manibus non laborent, non propterea iure reprehendi possent, quia quod melius est faciunt et cum Maria *optimam partem* elegerunt ¹⁶⁷. Quare cum Martha ¹⁶⁸ potius arguendi sunt qui eos reprehendunt et contra eos submurmurant et caninis latratibus detrectant.

cumbunt, hac lege non astringuntur, quia meliorem partem elegerunt;

Nam apud Gentes et apud Hebraeos consuetudo fuit, ut qui in lege Dei meditantur die ac nocte et partem non habent in terra, nisi solum Deum, aliorum hominum ministeriis foverentur. In Aegyptiorum sacerdotibus lex fuerat a rege statuta ut eis cibaria praeberentur, sicuti in *Genesi* legimus ¹⁶⁹; et levitis a Domino provisum est de decimis, quia in ministerio Arcae et Tabernaculi Domino inserviebant ¹⁷⁰. Et Apostolus sollicitissimam semper curam gessit ut in Ierusalem mitterentur benedictiones, idest eleemosynae in sanctorum usus ac subsidia ¹⁷¹; quoniam ibi inhabitantes fideles, venditis omnibus, eorum pretia ad pedes Apostolorum posuerant ¹⁷², ut dividerentur singulis prout opus erat: et ipsi altissimam paupertatem, quae in divitias simplicitatis eorum abundavit ¹⁷³, servabant, semper exercitiis spiritualibus incumbentes, orationi vacantes et Domino servientes in *hymnis et psalmis et canticis spiritualibus*. Propter quod omnes alias fidelium ecclesias hortabatur et rogabat Apostolus, ut illorum inopiae subvenirent in temporalibus, et ipsi ab illis iuvarentur in spiritualibus. Ita enim *ad Corinthios* scribit ¹⁷⁴: *Vestra abundantia suppleat illorum inopiam . . . , et illorum abundantia, in spiritualibus, vestrae inopiae sit supplementum, ut fiat aequalitas, sicut scriptum est: Qui multum non abundavit, et qui modicum non minoravit.*

quod semper observatum fuit tum apud Gentiles tum apud Hebraeos.

Primi etiam christiani, venditis omnibus, ad pedes Apostolorum pretium ponebant, ut liberiori Domino servirent.

Quapropter qui melioribus exercitiis incumbunt, puta spiritualibus et divinis, corporalibus exercitiis et humano laboritio non tenentur: cuiusmodi sunt monachi et omnes, quos Religiosos vulgari voce nuncupamus, quoniam in ministerio ecclesiastico et exercitiis spiritualibus Deo ministrant in sancta lectione, contemplatione, hymnis et psalmis. Quod si ad haec exhortatio et praedicatio,

Ideo qui in ministerio spirituali Deo inserviunt, a labore materiali iure eximuntur.

166) Cf. Ps 1, 2.

167) Lc 10, 42.

168) Cf. ibid. vr. 41.

169) Cf. 47, 22.

170) Cf. Nm 18, 21-24; Dt 18, 1 sqq.

171) Cf. Rom 15, 25-26.

172) Cf. Act 4, 34-37.

173) Cf. 2 Cor 8, 2.

174) Ibid. vrr. 14-15. Vulg.: *Illorum inopiam suppleat.*

cura ac superintendentia in regimine addatur, aequissimum multo fortius est, ut his provideatur de victu, ne teneantur manibus laborare, quemadmodum *Apostolus* dixit ¹⁷⁵: *Qui bene praesunt presbyteri, duplici honore digni habeantur, maxime qui laborant in verbo et in doctrina; dicit enim Scriptura: Non alligabis os bovi trituranti; et: Dominus ordinavit eis, qui Evangelium annuntiant de Evangelio vivere, et qui altari deserviunt ut cum altari participant* ¹⁷⁶.

Unde frustra
contra hos
garriunt
haeretici,
verba et exem-
plum D. Pauli
adducentes.

Unde frustra garriunt haeretici ¹⁷⁷, qui virulento odio in Regulares accensi, eos de otio suggillant cunctosque vituperant, qui ad parandum sibi victum non laborant propriis manibus, hunc locum in medium adducentes Paulumque apostolum proferentes, quod manuum laborem plurimum commendarit et in seipso exemplo ostenderit, qui et de seipso dicebat: *Laboramus operantes manibus nostris* ¹⁷⁸; et in *Actis Apostolorum* ¹⁷⁹: *Ad ea, quae mihi opus erant . . . , ministraverunt manus istae; atque in hoc seipsum exemplum prae-buerit, quemadmodum ipse dixit: Neque gratis panem manducavimus ab aliquo, sed in labore et . . . fatione nocte ac die operantes . . . , ut nosmetipsos formam daremus vobis ad imitandum nos* ¹⁸⁰. Unde huiusmodi laboris *Thessalonicenses* ¹⁸¹ instruxit, dicens: *Rogamus . . . ut operemini manibus vestris, sicut praecepimus vobis: et in alia epistola* ¹⁸²: *Si quis non vult operari, non manducet.*

Ipsi enim
D. Paulum
non intelli-
gunt, qui in
cunctis pene
epistolis prae-
cipit] collectas
fieri in solatium
sancto-
rum,

At isti omnia confundunt et D. Paulo, quem proferunt, abutuntur magis, quam intelligant. Nam etsi D. Paulus ea potestate manducandi et bibendi et non operandi uti noluit, ne offendiculum daret Evangelio Christi ¹⁸³, non ob id reprehendit utentes; sed potuisset uti, salva Christi gratia. In priore *ad Corinthios* epistola ¹⁸⁴ manifeste declarat, cum esset *apostolus et doctor gentium* ¹⁸⁵, et in cunctis pene epistolis suis, ut D. Hieronymus *contra Vigilantium* declarat ¹⁸⁶, praecipit per unam sabbati omnes conferre debere in solatium sanctorum ¹⁸⁷.

175) 1 Tim 5, 17-18.

176) 1 Cor 9, 13-14. Vulg.: *Participant.*

177) Cf. S. Thomas

Opusc. 16 *Contra Impugnantes Del Cultum et Religionem*, t. 19, pag. 136 sqq.; Opusc. 18 *Contra Pestiferam Doctrinam Retrahentium Homines a Religionis Ingressu*, ibid. pag. 460 sqq.; S. Bonaventura *Apologia Pauperum*, t. 8, pag. 232 sqq.; Raynaldi Mansi *Annales Eccles.*, an. 1259, t. 3, pag. 41-42; Natalis Alex. *Historia Eccles.*, cp. 3, tit. 7, t. 8, pag. 79.

178) 1 Cor 4, 12.

179) 20, 34.

180) 2 Thess 3, 8-9.

181) 1 Thess 4, 10-11.

182) 2 Thess 3, 10. Vulg.: *Nec manducet.*

183) Cf. 1 Cor 9, 12.

184) Cf. 16, 1-3.

185) 1 Tim 2, 7.

186) P. L. 23, 349.

187) Cf. Rom 15, 25-26; 2 Cor 8, 1-4; 9, 1-2; Gal 2, 10.

Nec in illis omnibus locis, quos isti adducunt, laborem manuum Apostolus omnibus praecipit, sed illis quibus non est melioribus studiis incumbendi cura imposita et officium¹⁸⁸; consulit tamen omnibus ne otio torpeant. Inficiari enim non possumus plures esse qui, cum abundant, nec ulla premantur penuria, vitam ducant curiosam, absque ullo labore, curiosi, voluptuosi, nihil penitus neque spiritale, neque liberale, neque mechanicum operantes: sed aut ludis, aut musicis, aut quibuscumque aliis vanitatibus mancipantur et in ea studia, quae ad voluptatem magis attinent et delicias, omnem operam insumunt. Sed redeamus ad Prophetam.

et laborem manuum
illis tantum
praecipit,
qui melioribus
studiis et of-
ficiis non in-
cumbunt.

Donec revertaris in terram, de qua sumptus es; quia pulvis es et in pulverem reverteris. Ostendit Dominus perpetuis laboribus usque ad mortem hominem esse obnoxium: *Donec revertaris ad terram, de qua sumptus es*, vel, secundum hebraicum, *quia de terra sumptus es*.

Donec revertaris in terram,
etc.
Quinta: mors.

Rabbinus Abrabanel hunc locum ad maledictionem terrae refert¹⁸⁹ ex aliorum sensu, quod scilicet terra maledicta fuit quandiu Adam vixit; postquam autem mortuus est, non fuit amplius maledicta, sicut fuit in vita eius; sicut dicitur in Noe: *Iste consolabitur nos ab operibus nostris et a labore manuum nostrarum de terra cui maledixit Dominus*¹⁹⁰. Et post diluvium dixit: *Non adiciam ultra maledicere terram propter hominem*¹⁹¹. Et Aben Ezra inquit¹⁹² super maledictione, quod « maledicta est propter hominem primum – et ita fuit quod post mortem eius comederunt homines de fructibus arborum et ex eis prosperati sunt et fortificati virtute, – propter consumptionem maledictionum, quas accepit plusquam venientes post ipsum, quia ipsemet fuit peccans et transgrediens praeceptum Dei et ideo fuit conveniens, ut ipse puniretur plusquam filii eius et semen eius ». Ipse vero tenet quod haec verba declarent terminum temporis doloris et laboris hominis, et quod sit quinta maledictio, scilicet mors.

Expositiones
Rab.
Abrabanel

et Aben Ezrae.

Homo enim naturaliter mortis et corporeae carnis huius molis debitor est resolutionis. Etsi enim, illo non intercedente peccato, nunquam mortuus fuisset, illud tamen ex dono gratiae fuisset, non ex conditione naturae; erat enim ex contrariis elementis compositus,

Mors homini
naturalis est,
quia contrariis
elementis
componitur
corpus eius;

188) Cf. 1 Thess 4, 11; 2 Thess 3, 12.
laboribus... in terra.

191) Ibid. 8, 21.

189) Op. cit. f. 31^b.

192) Op. cit. f. 5^b.

190) Gn 5, 29. Vulg.: Et

sed dono gratiae immortalis erat secundum carnem.

Post peccatum vero lex mortis in omnes absolute lata est, quia omnes peccaverunt.

Per has poenas temporales spiritualia mala primo intelligenda sunt,

et principaliter poena aeterna, quae cum peccato simul a Christo auferenda erat.

quae in seinvicem agunt et patiuntur: quapropter seipsa possunt corrumpere. Unde ex naturae conditione nihil ex illis constans potest esse perpetuum et immortale; ideo infertur: *Quia pulvis es et in pulverem reverteris*, idest ex limoso pulvere conflatus es et constas secundum carnem et non secundum animam, cui est a Deo coelestis origo, et ideo secundum carnem cum sis compactus ex pulvere, in pulverem te resolvi necesse est. Mors ergo naturalis est homini secundum carnem, etsi non peccans mortuus non fuisset, quia ex gratuito beneficio Dei terrena haec nostra compago ab excellentiore hominis parte, quae de coelo venit, fuisset ab omni corruptione servata perpetuoque vixisset. Post peccatum vero *statutum est omni homini semel mori*¹⁹³: per peccatum enim introivit mors in orbem terrae et in omnes homines¹⁹⁴, ita quod nec unus quidem possit hoc mortis supplicium evadere ob peccatum inflictum.

Animadvertendum autem summopere est in omnibus his malis, quae homini ob peccatum inflicta sunt, quae bonorum temporalium et corporalium, quae in terrestri paradiso possedisset homo, privationes et deperditiones videntur, debere nos principaliter bonorum spiritualium et coelestium amissionem intelligere; sicut in bonis temporalibus, quae Deus in Veteri Testamento¹⁹⁵ in virtutum et bonorum operum praemia iustis promittebat¹⁹⁶, bona spiritualia gratiae et gloriae intelligimus; et in malis, quae in vitiorum et malorum operum vindictam impiis et peccatoribus minabatur, aeternas poenas: cum bona opera ex caritate facta non possint merito et ut par est bonis temporalibus praemiari, quae multo inferiora sunt: nec peccata temporalibus malis debite puniri, cum aeternas poenas mereantur. Ita ergo hic quoque in illorum bonorum deperditione bonorum spiritualium gratiae et gloriae amissionem primo debemus intelligere: et in horum malorum inflictione spiritualium malorum incursum et inflictionem, peccati scilicet et aeternae poenae reatus, cuius omnes nos rei sumus, quandiu per Christi gratiam non simus eius peccati, quod simul cum natura e matris utero a conceptione nobiscum trahimus, sordibus abluti.

Quapropter probabilissimum mihi et rationi valde consentaneum

193) Hebr 9, 27. Vulg.: *Statutum est hominibus*, etc.

195) Cf. Ex 20, 6 sqq.; Dt 7, 9-15; 30, 8-10; Iob 42, 10-16.

194) Cf. Sap 2, 24; Rom 5, 12.

196) Ms.: *Deus repetitur*.

videtur dicere talem reatum primo, principaliter ac proprie primaevi illius peccati poenam esse inflictam, ad quam Dominus Deus noster Iesus Christus, Filius Dei, venturus erat delendam simul cum ipso peccato; omnia autem ea mala, quae nunc legimus et experimur, non poenas proprie illius esse peccati, sed novi cuiusdam pacti conditiones, quod Deus cum homine post illud perpetratum peccatum statuit, quae a peccato quidem veniunt et parta sunt originemque traxerunt; quatenus si peccatum illud non intercessisset, neque haec futura aliquando quoquo pacto fuissent, neque in hoc miseriae atque exilii novo statu nos Dominus collocasset: sed in priori mansissemus omni ex parte felices.

Cetera mala, quibus affligimur, non poenae illius peccati, sed novi pacti conditiones sunt, quod Deus cum homine lapsus statuit.

Et huius rei fidem id mihi magnopere comprobatur, quod cum Dominus noster Iesus Christus, Dei Filius et verus Deus de Deo vero, venerit ad primi illius peccati poenam simul cum ipso peccato delendam, per eius gratiam in sacramento Baptismatis receptam omnis primaevi illius peccati originalis reatus tollitur. Nos vero per Christi gratiam tum a peccato tum ab eius reatu liberati, his adhuc poenis affligimur, labore scilicet, sudore, fatigatione, fame, siti et aliis innumeris incommodis et tandem morte. Sunt ergo omnia haec mala non propriae originalis peccati poenae, sed novi pacti, quod Deus cum homine post peccatum statuit, conditiones. Sicut enim in primaevo statu pactum cum eo pepigerat ut, si de illius arboris fructu non gustaret, immortalitate potiretur perpetuo et ceteris quibuscunque bonis illius deliciosissimi paradisi, ita quod, quantumcunque peccasset, illa tamen bona nunquam amississet, quandiu de fructu illius arboris non comedisset; ita pari modo, postquam peccavit et *de ligno . . . scientiae boni et mali* ¹⁹⁷ comedit, pactum hoc cum eo pepigit ut, postquam noluerit priori sorte contentus esse, secundi pacti legibus perpetuo subiaceret, ut scilicet cum dolore et labore vitam duceret mortique esset obnoxius ac demum moreretur: et quantumcunque in hoc statu gratiam ei gratum faciens a Deo largiretur, nunquam tamen ab huius secundi pacti legibus et conditionibus eximeretur easque effugeret; sed eis perpetuo obnoxius et subiectus maneret.

Nam per Baptismum liberamur a peccato et poena aeterna, non autem a malis naturalibus.

Sicut prius pactum fuerat ut, quandiu Adam ex ligno vetito non comederet, omnia illa bona non amitteret;

sic nunc novum constitutum fuit, vi cuius dolori, labori et morti homo subicitur.

Vr. 20 *Et vocavit Adam nomen uxoris suae Eva, eo quod mater esset cunctorum viventium.*

Hebraicus Textus: *Et vocavit Adam nomen uxoris suae Chava, quia ipsa fuit mater omnis viventis.*

Chaldaeus Paraphrastes: *Quia fuit mater omnium filiorum hominum.*

Septuaginta: *Et vocavit Adam nomen uxoris suae vitam.*

Et vocavit Adam nomen uxoris suae, etc. Eva, quae ante peccatum virago vocata fuerat, postea mater viventium appellatur;

Cum in primaevo statu absque adiutorio sibi simili esset primus homo, Dominus Deus formatam et ex viri sopore oppressi costa desumpta¹⁹⁸ aedificatam mulierem ad ipsum Adam adduxit, ut videret quid vocaret eam. Quam cum vidisset et a se sumptam cognovisset, amavit plurimum eique proprium fere nomen dedit, dicens: *Haec vocabitur virago, seu vira, quia de viro sumpta est*¹⁹⁹. Post peccatum vero aliud ei nomen indidit et, iam sententia mortis accepta, vocat eam *Evam*, seu *Chavam*, idest *vitam*, quia *cunctorum esset mater viventium*. Certe non videtur hic locus undequaque constans et clarus: potius enim mors morientiumque mater dici debuisset, quam viventium, cum iam mortis sententia in omne hominum genus lata esset et ipsa quodammodo potissima mortis huius reatus causa extiterit. Deinde cur nomen istud de novo imponitur cum primum esset appositissimum?

non quod antea nescierit Adam per eam genus humanum propagandum esse,

Multi Hebraeorum sapientes, ut **Rabbinus Abrabanel** hic refert²⁰⁰, huius causam afferentes «dixerunt quod, cum primo ad virum adducta est ipsa mulier eique data, existimavit Adam quod esset in societatem suam et in adiutorium suum, non in coniugium et ad gignendum filios. Veruntamen quando dictum est mulieri in maledictione sua: *Multiplicans multiplicabo dolorem tuum et conceptum tuum*: tunc cognovit Adam quod data esset ei in coniugium et generationem filiorum, et propter hoc post maledictionem vocavit nomen eius *Chava*, ut esset *mater omnis viventis*, quasi declaratum esset quod hic finis est eius, scilicet quod gigneret et *mater esset cunctorum viventium*, idest omnium filiorum saeculi, et esset *mater omnis viventis* secundum viam, qua ingreditur omnis caro viventis. Et caro in his versibus est secundum speciem hominis, non autem se-

198) Cf. Gn 2, 21.

199) Ibid. vr. 23. Vulg.: *Quoniam de viro*, etc.

200) Op. cit. f. 31^o.

cundum species reliquorum animalium: et propter hoc in principio vocavit nomen eius *virago*, seu *vira*, quasi exprimeret compositionem et formationem eius; nunc autem, post peccatum, vocat nomen eius propter generationem.

Sed hoc non placet. Nam fuit Adam magnus sapiens et sciens, nec quidquam naturalium fuit ignotum ei, nec fuit absconditum ab eo quod virtus et natura mulieris esset ad gignendum filios et quod femina eius esset propter generationem, sicut feminae aliorum animalium; nam ipse imposuit nomina omnibus animantibus²⁰¹ iuxta veritates naturarum ipsorum ».

quippe qui sapientissimus, bene nosset finem ob quem mulier creata erat;

Non satisfacti ergo huiusmodi expositione, aliam in medium afferamus: *Et vocavit Adam nomen uxoris suae Evam*, idest *vitam*, seu *viventem*, hac tamen vita misera et mortali, *eo quod ipsa esset mater cunctorum viventium*, quia nullus post eam natus est vel conditus sine muliere. Nam ante ipsam formatus est Adam a Deo sine muliere; et ipsa mulier de viri costa aedificata est a Deo pariter sine muliere; post ipsam vero nullus fuit aut futurus est homo absque muliere. Omnes enim qui iuxta consuetum naturae cursum in hunc mundum nascuntur homines, ex viro et muliere sunt, uno excepto Domino nostro Iesu Christo, qui absque viro per solam mulierem factus est divina virtute et Spiritus Sancti operatione. Quapropter convenientissime dicta est Eva *omnium viventium mater*, magis quam si Adam omnium diceretur viventium pater. Etsi enim omnes homines ex patre nascuntur et matre, secundum praefinitos naturalis legis terminos statutaque iura, Dominus tamen noster Iesus Christus, Dei Filius et verus ac perfectus homo, ex muliere tantum natus est et non ex viro; unde matrem quidem in terra habuit, patrem tamen non habuit terrenum, sed coelestem secundum divinam naturam, non secundum humanam. Quapropter cum mulier non solum mater extiterit omnium ceterorum hominum, quorum et primus homo pater, verum etiam et unici illius et singularissimi²⁰² hominis parens, parturiens et pariens fuerit, meritissime *omnium viventium mater* dicitur.

sed sic eam vocat, quasi indicans quod ex viro et muliere omnes descensuri erant per generationem,

uno excepto Iesu Christo, qui ex sola muliere natus est; quae proinde meritissime dicitur *cunctorum viventium mater*,

Nec tamen putandum est huiusmodi nomen mulieri secundo impositum primum destruere: sed utrumque illi convenit. Et primum

201) Cf. Gn 2, 19-20.

202) Ms.: *Singularissimo*.

Ideo utraque
mulieris apel-
latio verissima
est.

quidem ob suae conditionis aedificium; ita enim dictum est: *Haec vocabitur virago, seu vira, quia de viro sumpta est*: secundum vero quatenus omnes filii hominum, idest omnes homines ex illa descensuri erant. Unde hoc illi nomine imposito, statim causa redditur; ait enim: *Et vocavit nomen uxoris suae Eva, idest vitam, eo quod esset mater cunctorum viventium, idest omnium filiorum hominum.*

Secundum Targum haec expositio verissima est et valde consona litterae, quam et Chaldaeus Paraphrastes probat et omnes Doctores Sancti amplectuntur.

Alia expositio
huius loci, a
Rabbino
Abrabanel
allata,

Non tamen omittam expositionem quamdam huius loci, quam apud Rabbinum Abrabanel legi. Ita enim locum hunc interpretatur ²⁰³: *Et vocavit Adam nomen uxoris suae חַוָּה, quia ipsa esset mater כל-חי*. Antequam autem eius expositionem adducam, operae pretium duxi has duas voces explicare. Primo nomen mulieris. Id nomen, iuxta communem sententiam, a radice: חַיָּה, quod vitam sonat, deducitur; alioquin autem radix propria verbi est: חָוָה, et significat annuntiare, manifestare, indicare. Altera vero vox, idest חַי, vivens quoddam significat, sed vita sensus, non rationis; unde frequentissime in Sacra Scriptura ea voce bruta et bestiae significantur ²⁰⁴. Iste ergo doctor accipiens has dictiones in secundo significato eorum, sic exponit hunc locum: « Vidit, inquit, Adam omne malum quod ipsum insecutum est ex verbis mulieris et propter persuasionem eius, et poenituit eum quod vocaverit nomen eius אִשָּׁה, idest virago, seu vira, quia vidit quod esset similis sibi, qui erat vir, et ipse sicut illa; et ideo postquam maledictus est propter illam, vocavit eam חַוָּה, idest loquens, ex lingua indicantis seu manifestantis, vel annuntiantis scientiam. Expecta parum et indicabo tibi. Et dixit: ex quo est in natura eius voluntas ut assimilaretur animalibus, sicut

203) Op. cit. f. 31^b.

204) Cf. Gn 1, 20-21; 2, 19; 37, 20; Lv 17, 13; Ez 1, 20; Dn 7, 12. חַיָּה vitam in genere significans, habetur in pluribus S. Scripturae locis; ex. g. Gn 20, 7; 42, 2; Prv 4, 4; 7, 2; Ps 117 (hebr. 118), 17: Non moriar, כִּי-אֶחְיֶה, sed vivam; Ps 118

(hebr. 119), 77: Veniant mihi miserationes tuae וְיָחִי, et vivam, etc.; expresse vitam ani-

malem, Gn 8, 17; 37, 20; Lv 17, 13. Cf. David Kinchi op. cit. sub hac radice, et Pagnini op. cit. sub eadem voce, col. 678. חָוָה annuntiare significans, Ps 18 (hebr. 19), 3: Nox nocti יַחְיֶה, indicabit scientiam. Cf. Pagnini op. cit. sub hac radice, col. 641.

fecit in impostura serpentis, quod voluit comedere de ligno, sicut ipse comedebat, et fuit mater omnium animalium diligens animalia, quibus similes sunt filii eius, et propterea magnificet intelligere in operibus eorum. Ac si, inquit, quemadmodum animal in sorte scientiae est, haec in veritate seu mensura formationis vel expressionis animalium; verum cum sit de specie humana, est magis gloriosa, seu honorabilis illis, et illa aequum est ut serviant ipsi ac si ipsa esset mater omnium animalium. Includit omnes species animalium, et est possibile exponere: quoniam ipsa est mater omnis animalis propter rationem; ac si dicat quod fuit Eva in quantum loquens, seu rationalis, quod ipsa in hoc esset mater omnium animalium excellentior ».

Expositio ergo huius doctoris est, quod ad opprobrium et perpetuam mulieris confusionem huiusmodi nomen illi sit a viro impositum, eo quod locuta sit ex sententia diaboli, qui ei scientiam boni et mali indicavit et annuntiavit, et quod filii eius, qui ex ea nascituri erant, veluti bestiae futuri essent, cum ipsa concupierit animalibus assimilari.

iuxta quam ad solam mulieris confusionem et opprobrium hoc nomen illi impositum fuit.

Vr. 21 *Fecit quoque Dominus Deus Adae et uxori* ²⁰⁵ *eius tunicas pelliceas et induit eos.*

Textus Hebraicus: *Et fecit Dominus Deus Adam et uxori eius tunicas corii, sive pellis et induit eos.*

Chaldaeus Paraphrastes: *Et fecit Deus Adam et uxori eius vestes honoris super pellem, seu cutem carnis eorum et induit eos.*

Septuaginta vero *vestes coriaceas* transtulerunt.

A doctoribus Hebraeorum diversimode locus iste interpretatur. Rabbinus Isohac, in *Bereshit Rabba*, ita exponit, quod de lino fecit Deus illis tunicas ad operiendum pellem, sive cutem eorum et membra eorum. Rabbinus Samuel inquit quod lana leporum et lana camelorum fuit eorum vestis, et dicuntur vestes pelliceae, quia veniunt a pellibus animalium; ita quod tunicae eorum non fuerunt de lino, sed de lana animalium. Hos refert Rabbinus Abrabanel; ipse vero aliter ²⁰⁶.

Fecit quoque Dominus, etc. Variarum expositiones iuxta doctores hebraeos.

Nos vero ita exponimus, iuxta Sanctorum Doctorum sententiam

205) Vulg.: *Uxoris*.

206) Op. cit. f. 31^b.

Deus fecit illis
tunicas ex pel-
libus anima-
lium tum ad
nuditatem
contegendam
tum ad defen-
dendum cor-
pus ab aeris
iniuria.

et multorum etiam Hebraeorum²⁰⁷. Cum eiecturus esset Deus hominem in peccati supplicium de paradiso voluptatis, cuius loci aer aequabilissimus erat et temperatissimus, in locum ubi aeris iniuriis afficeretur, necessarium duxit non nudum eiicere, sed vestitum ut, quoquo modo posset, illum ab aeris iniuria et intemperie tueretur. Vidit enim perizomata, quae ipsi sibi consuerant ad effugiendum nuditatis ruborem et confusionem, futilia et inepta omnino esse tum ad nuditatem contegendam tum ad defendendum eos a frigore aerisque intemperie eius loci, in quem eos eiicere disponebat. Quapropter ad vestiendum eos tunicas pelliceas fecit; non perizomata eis fecit, sicut ipsi sibi fecerunt, sed tunicas, quibus non partes tantum corporis pudendas contegeret, sed totum corpus; et has non ex foliis ficus consutis, sed ex corio et pellibus animalium: ac taliter eos vestivit, qualiter ipsi ex seipsis se vestire nescissent.

Dicitur Deus
ipse eas tun-
nicas fecisse,
quia factae
fuerunt non
instrumento
aliquo, sed vo-
luntate Dei.

Et adhuc factae sunt huiusmodi vestes absque instrumento et faciente coniunctiones, propterea fuit opus divinum; et factae sunt in voluntate Dei simpliciter, sicut res quae factae sunt in principio creationis et allatae sunt ad eum, ut bene dicitur in dicto hoc: *Et fecit Dominus Deus Adam et uxori eius tunicas pelliceas* et vestivit eos: quia in sermone et voluntate Dei factae sunt. Nisi forte dicamus Deum primis illis hominibus vestes pelliceas fecisse, quia cum ipsi perizomata ex foliis ficus sibi consuissent, quae apta ad servandum corpus non erant a noxiis, quae imminebant, et a verecundia, ille eis ostendit interius et docuit, ut animalia bruta occiderent et ex eorum pellibus vestes sibi efficerent congruentiores; ut ita dicatur Deus illas fecisse, quia eas primos homines facere docuit et unde efficerent ostendit et faciendum sibi esse monuit, cum sibi omnino opus esset vestibus tum ad honestatem servandum tum ad corpus tuendum a noxiis.

Vel forte
quia Deus
ipse primos
homines
docuit vestes
congruentes
sibi
comparare;

quibus non
indiguissent
si non peccas-
sent, quia
iustitia
originalis pro
tegumento et

Non enim more ceterorum animalium, salva sua honestate, nudus manere potuisset, quae in hac parte hominem antecellere quoquo pacto dicuntur, quod natura illis idonea providit, nec vestibus aliis indigent ad corporis tutelam, sed ea sat sunt quae illis natura indumenta donavit. Homo autem indiget propter utrumque et ad

207) Cf. Rab. Salomon et Aben Ezra, qui referunt varias Hebraeorum opiniones, op. cit. f. 6^a; Ginzberg *The Legends of the Jews*, V, pag. 103-104, not. 93.

honestatem et ad tutamen corporis. Quapropter haec vestimentorum indigentia in illa primaevi status integritate nullo modo futura aliquando fuisset, si Adam in sua iustitia perstitisset nec peccatum illud intercessisset: alioquin deterioris conditionis homo fuisset quam cetera animantia; sed iustitia ei, illam originalem dico, de qua supra sermonem habuimus ²⁰⁸, pro tegumento et divina assistentia, pro defensione et omnis mali propulsione semper adfuisset. Vestimentorum ergo indigentia et necessitas in hoc Dei opere significata est.

defensione
optime
serviebat.

Eos autem ex animalium mortuorum pellibus vestivit, non ab re, sed magna cum ratione. Et primo quidem: ut ex illa vestium qualitate agnosceret homo qualem se per peccatum effecerit. Cum enim ea, quibus irrationalia pecora vestiebantur, homini in vestimentum accommodarit, hominem certe ob peccatum in pecus quoddam, detestanda quadam metamorphosi, conversum esse ostendit. *Homo enim cum in honore esset non intellexit, comparatus est iumentis insipientibus et similis factus est illis* ²⁰⁹; quapropter post peccatum herbas terrae, quae in iumentorum pabulum erant, ei in cibum tribuit et nunc eorum quoque indumento eum vestit. Secundo vero: cum pelles essent mortuorum animalium, facto eum et nos cum eo et in eo instruxit mortales esse et morti ob peccatum destinatos; atque ut recordaremur semper et nos aliquando esse morituros, sicut et animalia illa, ex quorum pellibus illis vestimenta confecit. Tertio: in hoc opere facto ipso ipse Deus ostendit quidquid in vestibus extra necessitatem et status decentiam ad magnificentiam, splendorem et vanitatem curatur, non carere peccato. Demum: ut Christus, qui eis redemptor repromissus est mulieris semine, figuraretur, qui in animalium sacrificiis praesignatus semper fuit, per cuius mortem gratia divina, quam amiserant, et iustitia debebant homines vestiri et ad finem supervestiri gloria.

Vestes ex pellibus animalium erant, ut agnosceret homo se ob peccatum in pecus quodam modo conversum;

ut recordaretur se moriturum;

ut intelligeret vestes esse ad necessitatem, non autem ad vanitatem, et ut Christi mors praefiguraretur.

Existimo autem ego Deum, cum primos illos homines docuit ut animalia occiderent et ex eorum pellibus se vestirent, docuisse etiam ut occisa illa animalia in divinum honorem sacrificarent; cum clarissime constet in Sacra Scriptura animalium sacrificium viguisse in primis illis hominibus ²¹⁰, quae illi in odorem suavissimum Domino

Existimandum videtur Deum docuisse primos homines animalia ab ipsis occisa

208) Cp 2, pag. 249 sqq. 209) Ps 48, 13. 21. 210) Cf. Ex 13, 1; 22, 29-30; 34, 19-20; Lv 6, 1-7, 1 sqq.; 27, 26; Nm 3, 13; 8, 16-17; 18, 15; Dt 15, 19.

sacrificare in
divinum
honorem,

cum esus car-
nium tunc eis
permissus non
esset.

offerebant, sicut in sacrificio Noe apparet ²¹¹ et etiam primi iusti Abel oblatione ²¹², qui de primogenitis et pinguibus gregis sui obtulit sacrificium Domino. In illis autem sacrificiis Christus principaliter significabatur, praefigurabatur et immolabatur pro primi hominis piaculi redemptione ²¹³. Puto etiam genus illud sacrificii holocaustum fuisse, ita ut carnes omnes igne comburerentur et consumerentur in divinum honorem, cum esus carnium tunc illis hominibus adhuc non esset permissus usque ad Noe ²¹⁴.

Vr. 22 *Et ait : Ecce Adam quasi unus ex nobis factus est, sciens bonum et malum ; nunc ergo, ne forte mittat manum suam et sumat etiam de ligno vitae et comedat et vivat in aeternum.*

Textus Hebraicus : *Et dixit Dominus Deus : Ecce Adam fuit quasi unus ex nobis ad sciendum bonum et malum ; nunc ergo, etc. et vivat in saeculum.*

Chaldaeus Paraphrastes sic: *Ecce Adam fuit unicus meus, sive unigenitus meus in saeculo, sive aeternitate ex meipso ad sciendum bonum et malum et vivat in saeculum.*

Targum Ierosolymitanum : *Ecce Adam rationalis est solus in medio saeculi, quemadmodum ego solus in coelo sursum ; futuri sunt populi multi ad surgendum ex eo ; ex eo surget populus, qui sciet discernere inter bonum et malum ; et sic bonum est ut eiiciatur ab horto Heden, antequam extendat manus suas et sumat de fructu ligni vitae et vivat in saeculum.*

Hunc locum nos ita exponimus, etsi diversimode ab Hebraeis exponatur. *Ecce Adam quasi unus ex nobis factus est, sciens bonum et malum.* Ironia est alludens ad illud quod serpens dixerat: *Eritis sicut dii scientes bonum et malum.* Quapropter, sicut supra diximus ²¹⁵ quod ibi: *Eritis sicut dii*, potest ad Deum ipsum [referri], sive ad divinas Personas, et ad angelos quoque ac magnos sapientes, sive spiritus superiores: ita nunc quoque in eo quod dicitur: *Quasi unus ex nobis :* vel ad divinas Personas referri potest, vel ad angelos et spiritus superiores, sicut et multi Hebraeorum exponunt ²¹⁶. Ironia autem huiusmodi amarissima fuit, quoniam cum pellibus mortuorum pecudum

Ecce Adam quasi unus ex nobis, etc.
Ironiam amarissimam verba haec includunt, cum Deus hominem pellibus animalium indutum irridens, quasi unum ex diis factum praedicat.

211) Cf. Gn 8, 20.
pag. 203.

212) Cf. ibid. 4, 4.
215) Pag. 267.

213) Cf. Hebr 9, 9 sqq.

214) Cf. cp. 1,
216) Cf. Rab. Salomon et Aben Ezra op. cit. f. 6^a.

illum induisset, ut ostenderet facto hominem per peccatum belluis similem factum esse, tunc irridens obiicit quasi unum ex diis factum esse: *Ecce, inquit, Adam, qui ex serpentis persuasione diis assimilari appetiit et ob id meum est praeceptum transgressus, quam gloriosus deus effectus est, quam sapiens et sciens bonum et malum! Imo, qui deus huius mundi ac dominus erat, praeses meus meamque in mundo gerens personam, pecudibus similis factus est!*

Certe verbum hoc Dei gravis obiurgatio est. Nunc autem in maximum gaudium et nostram consolationem versum est, quoniam homo verissime quasi unus ex diis, idest ex divinis Personis effectus est in Christo, in quo homo factus est Deus, una persona cum Verbo Dei, cum Filio Dei, cum vero Deo. Quod quidem nec primum hominem latuit, sed ei primo gaudium hoc repromissum est; quapropter obiurgationem illam, etsi gravem, patienter tamen sustinuit propter spem futuri gaudii.

Hanc Dei obiurgationem tamen Adam patienter sustinuit propter spem futuri Redemptoris, in quo reapse homo una persona cum Verbo Dei factus est.

Verum quia nondum tali gaudio dignus erat, prius in peccati poenam ex illo amoenissimo paradiso eiiciendus erat: *Nunc ergo, ne forte mittat manum suam et sumat de ligno vitae et comedat et vivat in aeternum.* Sermo hic mutilus est et intelligendum est, quod Targum Ierosolymitanum supplet: *Nunc ergo bonum est, sive conveniens ut eiiciatur de paradiso voluptatis, ne forte mittat manum suam; quod cum eo quod sequitur est valde consonum: Et emisit eum de paradiso et posuit custodiam viae ligni vitae.* Intelligenda vero existimo in his verbis divina sententia de eiiciendo homine e paradiso simul cum ironia et gravi exprobratione: *Nunc ergo, ne forte mittat manum suam, etc.* Quo metu potuit Deus teneri ne homo ex illo paradisi ligno comederet et viveret in aeternum, ut ex hoc hominem curaret inde expellere? Nonne alio remedio providere valuisset, quam expellendo? Verum quia indignus erat homo, qui illis deliciis et amoenitate frueretur vitaeque longiore potiretur, hominem expellendum inde lata sententia praecipit ipsumque gravi ironia punit: *Nunc ergo, ne forte sumat de ligno vitae:* quia, inquit, *Adam quasi unus ex nobis factus est sciens bonum et malum, etiam invitis nobis et invidentibus, curandum nunc sedulo est ne tanta eius dignitas et maiestas in aeternum duret. Itaque expellamus eum de paradiso ne forte pari audacia, qua iam misit manum suam et accepit de ligno illo scientiae, clam nobis sumat quoque de ligno vitae et comedat et vivat*

Nunc ergo ne forte mittat manum, etc. Deus hominem e paradiso eiicit, non quasi timens ne ex ligno vitae comederet,

sed quia indignus erat paradisi deliciis frui.

in aeternum. Etsi ergo sententia in his verbis lata in hominem verissime simul ac severe, iuste tamen, executi est, verba tamen accipienda sunt veluti ironice dicta.

At dicet quis: num si ex illo vitae ligno comedisset homo, vixisset perpetuo? Id enim videntur haec verba praetendere: *Ne forte sumat de ligno vitae et comedat et vivat in aeternum.* Certe illius arboris hanc existimarim suapte natura fuisse virtutem, ex Dei tamen beneficio, ut vitam humanam servaret incolumem. Quapropter cum aliae arbores in cibum illis traditae essent ad reparandum primigenium humidum vi caloris deperditum, haec in medelam potius quam in cibum creata fuit, ut de eius fructu sumentibus virtus speciei confirmaretur et praeservaretur ab omni defectu; ut per caloris actionem et humidi deperditionem extraneique humidi adventum non immiueretur bonitas primigenii humidi, nec calor labefactaretur ex pabuli defectu, fiebatque per huius fructus virtutem, ut bonum satis aequae restauratum humidum ac deperditum esset. Itaque veluti medela quaedam erat adversus debilitationem, quae nunc ratione nutrimenti evenit, sicque diuturna vita perfunctus fuisset homo, Dei sibi non adversante sententia.

quam post
peccatum
abstulit, non
tamen totaliter;

At post peccatum citra omnem haesitationem dicimus quod, cum *statutum* esset homini *semel mori*, Dei sententia in eum lata ut reverteretur in terram, de qua sumptus erat, quia pulvis erat et in pulverem reverteretur: quantumcunque ex illo vitae ligno comedisset, nunquam tamen eius ligni nutrimento id assequi potuisset, ut perpetuo viveret ac nunquam moreretur; quoniam cum et illius ligni nutrimentum per vim caloris in hominis substantiam convertendum esset, certe non absque aliquo caloris detrimento id factum fuisset: siquidem omne agens in agendo suapte natura repatitur; eo maxime quod etsi naturae amicissimum alimentum illud fuisset, erat tamen dissimile in nutritionis principio et per caloris actionem substantiae aliti debebat omnino assimilari; in ea tamen actione nonnihil, etsi modicum, passus calor fuisset, etsi tamen perquam mirum esset continuus, tamen defecisset. Poterat tamen ex illius ligni nutrimento, ob perfectionem illius, eius vita protendi in longius ac diuturnior fieri; atque id est quod hic *aeterni* voce significatur; unde in hebraeo habetur: *Et vivat לעלם*, in saeculum. Non enim ea vox aeternitatem pro-

quia etiam
post peccatum
illius fructus
perfectione
vita longius
protendi
poterat.

prie significat, ut ex A b e n E z r a supra notavimus ²¹⁷, sed temporis diuturnitatem cum termino.

Vr. 23 *Et emisit eum Dominus de paradiso voluptatis, ut operaretur terram, de qua sumptus est.*

Non recessit, non emigravit Adam ex illo paradiso, sed eiectus est: *Et emisit eum*, idest *iecit eum de paradiso*, loco illo amoenissimo et omnium deliciarum ubertate refertissimo, in terram sterilem et infecundam ac laboriosissimam, in qua non deliciaretur, sicut ibi, sed gravissimis laboribus premeretur: *Ut operaretur terram, de qua sumptus est*. Hinc patet quod extra paradisum homo formatus est, sicut supra quoque dicitur: *Formavit . . . Dominus Deus hominem de limo terrae . . . et posuit eum in paradiso voluptatis* ²¹⁸, ut sciret illius amoenissimi loci habitatorem ac dominum non natura, sed gratia constitutum esse; quapropter, gratia amissa, merito inde expellitur ad suumque naturalem locum emittitur, ut terram illam excoleret unde erat formatus, eamque prae oculis semper haberet in quam iterum redigendus erat.

Et emisit eum, etc.
E paradiso emittitur in eum locum, ubi formatus fuerat, ut eam terram excoleret et prae oculis haberet, de qua sumptus et in quam reversurus erat.

Vr. 24 *Eiecitque Adam et collocavit ante paradisum voluptatis Cherubim et flammeum gladium atque versatilem ad custodiendam viam ligni vitae.*

Textus Hebraicus: *Et eiecit Adam et collocavit ab oriente horti Heden Cherubinos et laminas gladii versatilis ad custodiendam viam ligni vitae.*

Ita prorsus Chaldaeus Interpres, nisi quod illud מִקְדָּם, ab oriente, transtulit: מִלְּקֶדְמִין, quod ante, prius, olim, ab antiquo significat.

Septuaginta vero quod de Cherubinis dicitur tribuunt ipsi Adae, ut dicant eum ab ea paradisi parte a Deo constitutum esse. Habent enim: *Et posuit eum in adversa paradisi deliciarum parte, et adhibuit Cherubinos ad loci custodiam*. Veritas tamen Hebraica habet ut supra posuimus, ut scilicet Cherubini positi sint a parte orientali paradisi, et non Adam.

Eiecitque Adam et collocavit, etc.
Variae lectiones et expositiones.

Huius autem loci expositiones multiplices sunt et diversissimae. Rabbīnus Abrabānel sic exponit ²¹⁹ quod isti

217) Pag. 270.

218) Gn 2, 7-15.

219) Op. cit. f. 32^a.

Expositio
Rab. Abra-
banel.

Cherubini «sunt, iuxta Targum [Chaldaicum], כְּרוּבִיָּא, idest *quasi infans*, sive *infantes*; et iam declaravit magnus doctor Rabbinus More quod Cherubim sunt parvuli diebus ex filiis hominum; et iuxta hoc dicit Scriptura quod, cum eiecisset Deus Adam de paradiso Eden, collocavit ante paradisum, idest in loco habitationis eius, Cherubim; quasi dicat quod fatigati sunt in filiis, qui nati sunt eis, Cain et Abel: quoniam ipsi sunt Cherubini, quos collocavit in habitatione sua ante paradisum, et angustiae quas vidit in vita sua a filiis suis, et mors et vagatio in filiis suis *et lamina gladii versatilis*; quoniam ecce dolor magnus sive afflictio cecidit super eum, *et lamina gladii versatilis* hinc et hinc: hinc occidit Abel et hinc occidit Cain. Haec omnia venerunt super eum *ad custodiendam viam ligni vitae*; quasi dicat ad proiciendum eum de terra viventium et deducendum eum ad mortem». Haec est huius doctoris expositio super hunc locum.

Variae opi-
niones de situ
paradisi.

Nonnulli alii aliter exponunt²²⁰. Sed primo de paradisi situ quaedam statuunt. Et primo quod paradisi iste non potest esse inter duos tropicos sub linea aequinoctiali²²¹ in mensa solis, quoniam dicunt regionem illam calidissimam esse ex eo, quod per illam sol bis transit in anno, quapropter bis in anno etiam aestatem et hiemem habet, propter quod zona torrida dicitur ac propter nimiam caliditatem inhabitabilem esse. Quapropter extra tropicos statuendum esse paradisum asserunt²²²; et quoniam terra illa, in qua paradisi fuerat a Deo plantatus, erat optima et fertilissima, quae ex se fructus producebat, dicunt quod situandus est sub nobiliori parte coeli, quoniam terrae nobilitas et fertilitas venit a nobili astrorum influentia coelique

220) Cf. Talmud Babyl., Sukkah f. 5^b; Hagigah, f. 13^b; Ginzberg. op. cit. V, pag. 109, not. 94; Rab. Salomon exponit: מְלֹאכֵי חֲבֵלָה, idest *angelos devastatores*. Op. cit. f. 6^a. Grotius: «Mos est Hebraeis omnia Dei opera, quibus extra ordinem Deus utitur, appellare angelos, ut ventos et ignem, Ps 104 (Vulg. 103), 4; sic quod in Ps 18 (Vulg. 17), 11, Deus insidere Cherubim dicitur, Ps 104 de ventis exponit. Est ergo et hic unum pro duo, cherub et flammeus gladius, pro cherub, idest *flammeus gladius*. Pro flammeo gladio hebraeus textus habet: לְהַרְבֵּה, idest *flammas machaerae*. Machaera autem hic significat divisionem, ut Mt 10, 34. Solent autem Graeci promiscue pro חֶרֶב ponere μάχαιραν, *machaeram*, aut ρομφαίαν, *romphaeam*. Sensus ergo est: igne impervio obseptum paradisum». Critici Sacri, col. 152. Fagius: «Quid cherubim hic fuerit, non plane constat, nisi quod simpliciter credendum est fuisse tale quidpiam, quo aperte arcebatur homo a paradiso». Ibid. col. 128. 221) Cf. Tertullianus Apologeticus, cp. 47, (P. L. 1, 520); S. Bonaventura Sentent., lib. 2, dist. 17, dub. 3. 222) Cf. S. Thomas S. Theolog. 1^a, q. 102, a. 1-2, ad 3.

aspectu. Et quoniam pars coeli australis nobilior est parte aquilonari, cum australe hemisphaerium vertex et caput sit mundi, aquilonare vero sit inferius, et per consequens stellae australes maiores sunt et lucidiores, nobiliores et perfectiores maiorisque virtutis stellis aquilonaribus, unde polus etiam australis maior est et lucidior hoc nostro arctico, secundum philosophos ²²³ huiusmodi speculantes; propterea statuunt hi extra tropicum australem, qui capricorni dicitur, situatum esse paradysum ad partem orientalem, quae nobilior est; quoniam oriens dextrum est mundi, occidens autem sinistrum: dextrum autem sinistro nobilius est.

Alli putant illum plantatum in australi parte, extra zonam torridam,

Statuunt ergo isti situatum fuisse paradysum ultra mensam solis et ultra hiemale tropicum in hemisphaerio australi²²⁴; quod etiam probare nituntur per illum *Genesis* locum: Cum audisset Adam *vocem Domini Dei deambulantis . . . ad auram post meridiem*: per *meridiem* enim mensam solis et zonam torridam exponentes, quia tota illa pars terrae meridianum dicitur, seu meridies: per *auram* vero loci illius aerem, qui, ratione bonitatis ac suavissimae lucis temperatae ac delectabilis, aura dicitur. Et hoc statuunt inter auram et meridiem discrimen: nam meridies aer est lumine intensissimo illuminatus cum excessivo calore, qualis est inter tropicos; aura vero aer est suavissimus et vitalis, temperate lucidus et calidus, qualis est in australi hemisphaerio propter stellarum favorem. Itaque cum per *meridiem* intelligatur mensa solis, et per *auram* illius paradisi aer: cum talis *aura post meridiem* dicatur, consequens est ut australis regio intelligatur, quae est *post meridiem*; et ea primis parentibus in habitationem et hereditatem data est, a qua ob peccatum expulsi fuerunt in hanc vallem miseriae, citra tropicum capricorni, quo paradysus ille septus et vallatus erat. Quem tropicum debere aiunt intelligi per *gladium flammeum atque versatilem*; quoniam dum sol est in signis australibus, dum appropinquat ad oppositum anguis, in illo tropico ignis generatur.

quod probare nituntur ex verbis *Genesis*, per *meridiem* interpretantes zonam torridam, per *auram*, aerem temperatum, qualis invenitur in australi hemisphaerio,

et per *gladium flammeum tropicum* intelligentes.

Dicunt etiam hi ²²⁵ quod, si peccatum non intercessisset, homines non tantum regionem illam, sed totum australe hemisphaerium occupas-

Quam regionem australem et amoenissi-

223) Cf. *ibid.* a. 1; Aristot. *De Coelo*, lib. 2, cp. 2, t. 1, pag. 280-281; Conimbricenses *De Coelo*, lib. 2, cp. 2, q. 1, a. 1-2. 224) Cf. Alph. Tostatus op. cit. f. 20^b. 225) Cf. Moses Bar-Cepha *De Paradiso*, part. 1, cp. 2, (P. G. 111, 488).

mam homines, peccato non interveniente, occupare debebant. sent, cum multiplicata gens illa in immensum fuisset, cum nullus eorum mortuus fuisset, sed ligno vitae pasti felicem vitam in longissimum tempus protraxissent, quousque in meliorem vitam, morte non intercedente, translati fuissent; ita quod multiplicati valde, totum illud hemisphaerium occupassent. Nec aliqua eius hemisphaerii pars inhabitabilis fuisset; quoniam, inquit, non sunt in illa regione praerupta montium, nec praecipitia, nec maria, nec paludes, nisi quod quattuor illa flumina lentissimo cursu et suavissimo meatu irrigassent totam illam regionem et hortum deliciarum. Quae flumina in fine hemisphaerii iuxta tropicum submerguntur, et per meatus subterraneos ebulliunt et emanant per quoddam aequilibrium in hac nostra parte aquilonari; nam Tigris et Euphrates oriuntur ex montibus Armeniae; et Physon, qui dicitur Ganges, ex montibus Indorum; et Gehon, qui dicitur Nilus, ex montibus Aethiopiae. Haec est fidelis positio eorum, qui ponunt paradisum in regione australi ultra tropicum capricorni.

Sententia haec non videtur admittenda, quia per accessum et recessum solis in regione illa fit magna aeris intemperies;

Quae quidem mihi non admodum satisfacit. Et primo: id quod dicit regionem illam ultra tropicum capricorni temperatissimam esse. Manifestum autem est quod sol motu proprio movetur a tropico ad tropicum semper aequissime, eiusdemque virtutis est in utroque. Ergo sicut per accessum ad nos causat intensam aestatem vehementemque calorem, et per recessum hiemem frigusque intensum in hemisphaerio aquilonari; ita pari ratione per oppositum, per accessum ad tropicum capricorni causabit aestum intensum ac vehementem, et per recessum frigus et hiemem intensam; quae temperiei aeris et loci repugnant.

Deinde: cum aequae moveantur planetae inter haec duo hemisphaeria, eosdem effectus in suis coniunctionibus inter se et cum aliis astris et signis causabunt in illo hemisphaerio, sicut in isto; et cum in isto maligni planetae causent sterilitates, pestilentias et morbos alios; ita et in illo.

et in polis boreo et australi unus dies et una nox semestres habentur in anno.

Praeterea: quod dicunt quod homines totum illud hemisphaerium incoluissent, inconueniens videtur. Nam sicut terra, quae sub polo arctico non habet nisi unam diem et unam noctem in toto anno, quia per sex menses, dum sol est in signis australibus, semper est nox sub polo arctico, et per consequens semper dies in antarctico: sic e converso per alios sex menses, dum sol est in signis aquilonaribus, semper

est dies in hoc polo et nox in illo; quapropter non potest ea esse amoenitas et delectatio habitantibus, quae ab istis dicitur.

Deinde: quod dicunt de loco *Genesis*, non est ad propositum. Nam, sicut ibi exposuimus ²²⁶, *Veritas Hebraica* habet: *Cum audissent vocem Domini Dei deambulantem ad ventum diei*; ita quod non locum, sed tempus verba illa significant, idest post medium diei, hoc est ad vesperam. Quod insuper dicunt de gladio flammeo atque versatili, quod est ille tropicus igneus, non valet. Illa enim ignis generatio naturalis est, si tamen est: puto enim verum non esse, cum per accessum solis ad tropicum cancri non generetur huiusmodi ignis circa tropicum. Modo cum dicat Scriptura collocatum esse illum gladium ante paradysum post Adae peccatum et postquam inde eiectus est, indicat non ibi fuisse ex natura loci, sed ex voluntate Dei.

Falso igitur interpretantur verba *Genesis*, quae non locum, sed tempus indicant;

et ignis illius gladii non naturalis erat, sed ex voluntate Dei.

Ultimo: quod de fluminibus illis dicunt, quae de loco voluptatis egrediuntur, quod irrigant regionem ultra tropicum capricorni et deinde iuxta tropicum submerguntur et per subterraneos meatus ebulliunt et emanant per quoddam aequilibrium in hoc nostro hemisphaerio, non video quomodo id verum esse possit. Quomodo possint tot terras, tot montes penetrare, ut per immensos terrarum tractus profluant, post haec emergentes diversas videantur habere origines et, quod difficilius est, quomodo possint tantam oceani vastitatem, maris omnium profundissimi et maximi, traicere, ut in has auras aquilonares prorumpant: mare enim illud vastissimum et profundissimum interiacet. Cum ergo haec vera esse non possint, quaerenda est alia huius loci expositio.

Nec verisimile est quod supponitur de subterraneis et marinis traiectionibus fluminum paradisi.

Fuerunt ergo alii, ²²⁷ qui paradysum illum sub aequinoctiali linea constituunt. Dicunt enim quod regio illa temperatissima est; cum enim ibi semper sit aequinoctium, idest semper toto anno nox est

Alii ponunt paradysum sub aequinoctiali linea, propter

226) Pag. 275 huius ep.

227) *Conimbricenses*: «Cognitum est mediam zonam plerisque in locis non solum non terrori aestu, sed temperatam esse, et imbrium, perennium fontium ac fluminum aquis, necnon et frugum fructuumque copiis affatim abundare, et variarum gentium populis magno coeli solique favore et salubritate incolli. Neque hoc, quod de mediae zonae temperie et ad habitandum commoditate dicimus, sola nostrorum temporum experientia ostendit; sed ita omnino esse nonnullis, contra communem aliorum opinionem, multo ante visum fuerat; ut Eratostheni, Polybio, Ptolomaeo, Avicennae, et quibusdam nostrorum theologorum, quorum meminit D. Thomas 1^a, q. 102, a. 2, qui terrestrem paradysum sub aequinoctiali constituebant, aientes eam mundi plagam temperatissimam esse. *De Coelo*, lib. 2, cp. 14, q. 1, a. 3, ubi adducuntur causae illius zonae temperati climatis. Cf. etiam infra not. 232.

maximam
illius zonae
temperantiam
et fertilitatem;

aequalis diei, ita quod aequalis est praesentia et absentia solis, per hanc aequalem vicissitudinem fit maxima temperies regionum et optima loci dispositio. Quapropter P t o l o m a e u s ²²⁸ et alii geographi ²²⁹ in hac zona multas habitabiles regiones assignant; et experientia sentire facit regiones illas esse temperatissimas et habitationi maxime accommodatas. Naves enim, quae a regno Portugalliae in auras illas navigaverunt ²³⁰, transeuntes sub linea aequinoctiali, invenerunt terras optimas et fertilissimas, lacte et melle fluentes.

et per *flammeum gladium* intelligunt zonam torridam inter habitationem nostram et aequinoctialem lineam;

Illis autem, qui dicunt regionem illam esse inhabitabilem propter vehementissimum aestum, respondent quod id quidem verum est iuxta tropicos; homines enim terram iuxta tropicos incolentes nigerrimi sunt et brevis vitae propter caloris excessum, radicalem humidum consumentem; sub aequinoctiali autem non est sic. Quapropter isti per *gladium flammeum et versatilem* zonam torridam inter habitationem nostram et aequinoctialem lineam intelligunt, et propterea dici *versatilem*, quia sol, per quem causatur ibi iuxta tropicum

228) *Geografia di Claudio Tolomeo*, Giov. Ant. Magini, t. 2, f. 21^b. 229) *Geografia*, cioè *Descrittione Universale della Terra di Tolomeo*. XXIII *Descrittione dell' Africa*, f. 131^a; Cesare De Lollis *Scritti di Cristoforo Colombo*, t. 2, part. 2, *Doc. XV*, pag. 24. 230) Alludere videtur S. Auctor ad itinera Christophori Columbi, in cuius epistolis pluries hanc affirmationem invenimus. Siquidem die 17 Augusti 1498, cum pervenisset ad os fluvii Orinoci in Venezuela, admiratus se navigare in quodam mari aquae dulcis, percipiens postea illam esse cuiusdam magni fluminis aquam, coram situ paradisi terrestris se stare arbitratus est. In diario enim nautico (*giornale di bordo*), sub eadem die, haec nota invenitur: « Viernes... 17 de Agosto..., le certifica (Christophoro Columbo) que aquella tierra de donde viene (fluvius ille) sea gran tierra firme, o adonde està el parayso terrenal, porque todos dicen... que està en fin de oriente, y es este ». De Lollis loco cit. Et in epistola a Columbo paulo post ad reges Hispaniarum missa, hanc suam sententiam confirmat. « Algunos le ponian (el parayso terrenal) allí donde son las fuentes del Nilo en Ethiopia; mas otros anduvieron todas estas tierras e no hallaran conformidad d'ello en la temperancia del cielo... Y creo que, si yo passara por debaxo de la linea equinocial, que en llegando allí, en esto mas alto, que fallara muy mayor temperancia y diversidad en las estrellas y en las aguas, no porque yo crea... que se pueda subir allà; porque creo que allí es el parayso terrenal, adonde no puede llegar nadie, salvo por voluntad divina.... Grandes indicios son estos del parayso terrenal, porque el sitio es conforme a la opinion destes sanctos e sanos theologos (Sant' Isidro, y Beda, y Strabo), y asimismo las señales son muy conformes, que yo jamás ley ni oy que tanta cantidad de agua dulce fuese así adentro et vezina con la salada. y en ello ayuda asimismo la suavissima temperancia, y se de allí del parayso no se sale, parece aun mayor maravilla, porque no creo que se sepa en el mundo de río tan grande e tan fondo ». Ibid. *Doc. XVI*, pag. 37-38. Hanc sententiam confirmat in eadem epistola, pag. 39; item et in alia quam ad S. P. Alexandrum VI misit, petens missionarios ad evangelizandas gentes terrae illius: « crey y creo aquello que creyeron y creen tantos sanctos y sacros theologos, que ally en la comarca es el parayso terrenal ». Ibid. *Doc. XXXVIII*, pag. 165. Et sic etiam in alia epistola ad Hispaniarum reges missa 7 Iulii 1503. *Doc. XLI*, pag. 184.

impertransibilis caliditas, appropinquat ad nos in aestate, et hieme elongatur ²³¹.

Sed certe neque haec positio admodum satisfacit. Cum enim zona ista torrida sit ex natura loci, quae semper fuisset etiam si homo in loco paradisi perstitisset, non est cur dicatur esse gladius ille flammeus atque versatilis, qui ad eius loci custodiam a Deo positus est, non a natura productus.

Alii posuerunt ²³² hunc paradisum in principio cancri; et quod

sed falso, quia
gladius ille
non a natura,
sed a Deo po-
situs dicitur.

231) S. Thomas : « Salvis spiritualis sensus mysteriis, ille locus praecipue videtur esse inaccessibilis propter vehementiam aestus in locis intermediis ex propinquitate solis; et hoc significatur per flammeum gladium, qui versatilis dicitur propter proprietatem motus circularis huiusmodi aestum causantis ». S. Theolog. 2^a 2^{ae}, q. 164, a. 2, ad 5, 232) De situ paradisi et de gladio flammeo multae et variae sunt opiniones.

Nic. Lyranus, cum putaret paradisum terrestrem in excelsissimo orbis terrarum monte fuisse collocatum, censet ex eo, iussu Dei, maximam copiam ignis erupisse et in modum muri omnem aditum praecludere. Op. cit. f. 43^b. Alph. Tostatus etiam per gladium flammeum putat ignem intelligendum esse a Deo ibi creatum, vel aliunde allatum, qui instar muri circum paradisum esset ad modum gladii flammam quasi vibrantis. Op. cit. f. 24^b. Tertullianus ait paradisum « locum esse divinae amoenitatis, recipiendis Sanctorum spiritibus destinatum, maceria quadam igneae illius zona a notitia orbis comunis segregatum ». Apologeticus, cp. 47, (P. L. 1, 520). Iuxta Mosen Bar-Cepha « paradisus est in nostro orbe, sed ea terra in qua situs est, multo eminentior ac sublimior est hac, quam nos habitamus ». De Paradiso, part. 1, cp. 9, (P. G. 111, 494). « Ephrem dicit, paradisum universam ambire terram, atque ultra oceanum ita positum esse ut totum terrarum orbem ab omni circumdet regione, non aliter atque lunae orbis lunam cingit ». Ibid. cp. 13, col. 497. De fluminibus autem ait : « Illud flumen revera ingens... ex terra Eden scaturiens atque promanans, in medium penetrat paradisum, eumque universum irrigat, quo perluto, finditur in quattuor deinde fluvios, et ipsos grandes, qui ab illo diducti, simul ac paradisum reliquere, sub ipsa maris Oceani vada delabuntur, atque inde rursus in hac a nobis habitata emergunt terra; in occidentem prorumpit Phison, per regionem Indorum delabens, quam Moyses vocat terram Havilae; Gehon perluens terram Chussorum (idest Aethiopiam) et Aegyptum; et alii duo prosiliunt in medio terrarum orbe, fontibus non procul inter se dissitis, ac prolapsi desinunt in mare australe ipsius Bosrae ». Ibid. cp. 21, col. 510-512.

S. Basilius collocat paradisum loco sublimi, perpetua siderum luce illuminatum. De Paradiso, Orat. 3, ibid. 30, 63. Sic et S. Io. Damascenus, De Fide Orthodoxa, lib. 2, cp. 11, ibid. 94, 914. S. Isidorus paradisum in orientis partibus constituit, et post peccatum undique romphaea flammea septum, ita ut eius incendium ad coelum pene pertingat. Etymol., lib. 14, cp. 3, (P. L. 82, 496); De Origine Creaturarum, cp. 6, ibid. 83, 926; cp. 10, ibid. col. 938-939. S. Beda Hexaem., ibid. 91, 43-44, et Rupertus De Trinitate, etc. In Gen., lib. 1, cp. 37, ibid. 167, 269 sqq., asserunt paradisum coelo proximum esse. Rabanus Maurus ait paradisum attingere orbem lunae. Comment. in Gen., lib. 1, cp. 12, ibid. 107, 478. Sic et Strabus Glossa Ord. in Gen., ibid. 113, 86, et Petrus Lombardus Sentent., lib. 2, dist. 17, ibid. 192, 686.

S. Bonaventura opinatur paradisum esse sub aequinoctiali zona et quidem tantae altitudinis ut ad illum non conscendant vapores in aere elevati, sed esse ibi aerem mundum et purum idoneum statui perpetuitatis; « non autem adeo elevatum ut ad lunam usque pertingat ». Sentent., lib. 2, dist. 17, a. 2, q. 3. Etiam Alphonsus Tostatus censet paradisum non quidem pertingere ad orbem lunarem, excedere tamen omnes terminos huius nostri aeris et montes quosque celsissimos, minimum viginti cubitis, ita ut non potuerint aquae diluvii illum attingere. Op. cit. f. 24^b.

Alii paradisum
ponunt in prin-
cipio cancri.

gladius flammeus et versatilis est quaedam terrae patens vorago in monte, ex quo semper ignis egreditur, qui ad modum gladii videtur. Sed tunc oporteret partes terrae illius sulphureas ponere, unde ignis ille generaretur essetque ignis naturaliter genitus, sicut in Vulcano et Aetna monte generatur ignis ex partibus terrae sulphureis.

At, contra, e
sensu litterali
S. Scripturae,

Quapropter alia mihi de hac re sententia est. Sed primo monendus est animus de paradisi situ, ceu supra in suo loco exposuimus²³³: quod *plantavit*... *Dominus Deus paradisum voluptatis ab initio*²³⁴. Etenim Veritas Hebraica ibi, ut praemonuimus, sic habet: *Et plantavit Dominus Deus hortum in Heden ab oriente, sive a plaga orientali*. Certe clarissime Scriptura loquitur et eius loci conditionem ostendit. Eum etenim paradisum *hortum* vocat, ne putaremus per immensos terrarum tractus protrahi ac immensae magnitudinis in longitudine et latitudine esse. Deinde: nomen regionis, in qua hic paradisus sive *hortus* consitus esset, declarat dicens: *In Heden*, quae regio ab amoenitate, deliciis et voluptate hoc nomen sortita est, quoniam regio illa amoenissima et deliciosissima erat, tem-

e nomine ipso
regionis, in
qua paradisus
plantatus erat,

Paradisum terrestrem inveniri *extra nostrum orbem* videntur admittere S. Irenaeus *Contra Haereses*, lib. 5, cp. 5, (P. G. 7, 1134-1135); Origenes, ponens situm paradisi «in illa terra, quae sursum est et quam mansueti hereditabunt». *In Numer. Hom.* 26, ibid. 12, 777 sqq.; S. Caesarius Nazianzenus *Dial.* 1, q. 77 sqq., ibid. 38, 943 sqq.; *Dial.* 3, q. 141 sqq. ibid. col. 1089 sqq.; S. Epiphanius *Adversus Haereses*, *Haeres.* 64, ibid. 41, 1148; *Ancoratus*, ibid. 43, 118-119; Philostorgius *Eccles. Historiae*, lib. 3, ibid. 65, 492-495; Moses Bar-Cepha *De Paradiso*, part. 1, cp. 8-9, ibid. 111, 492-494; S. Ambrosius, qui ait: «Adam eiectus est de paradiso, hoc est ex illo sublimi et coelesti loco, ad quem raptus est Paulus in corpore, corpus nesciens». *In Ps. 118, Sermo* 4, (P. L. 15, 1307); S. Augustinus *De Genesi ad Litteram*, lib. 8, cp. 7, ibid. 34, 378; Honorius *De Imagine Mundi*, ibid. 172, 123; Hugo de S. Victore *Adnotat. Elucidat. in Gen.*, ibid. 175, 39-40.

S. Thomas, reiiciens sententiam S. Bedae, paradisum statuit *in terra nostra*, sed «seclusum a nostra habitatione aliquibus impedimentis vel montium, vel marium, vel alicuius aestuosae regionis, quae pertransiri non potest». *S. Theolog.*, 1^a, q. 102, a. 1, ad 1 et 3. B. Odoricus, Franciscanus, qui saec. XIV Indiam fere totam peragravit, cum pervenisset prope insulam Sylanae, quemadmodum scribit in suo itineralio, refert traditionem illius gentis de situ paradisi in eadem insula: «Quivi è il monte Grande, come dicono quei della contrada, ch'Adamo ed Eva plansono Abello per Caino»; et prosequitur describens admirabilem ubertatem terrae illius, et maximam copiam auri et gemmarum. Angelo De Gubernatis *Storia dei Viaggatori Italiani*, cp. 2, *Supplem.* 1, pag. 141. — Similiter Ioannes Maringolli, item Franciscanus, qui paulo post eandem provinciam peragravit, eadem refert: «Perreximus per mare ad Seyllanum (Ceylon), montem gloriosum, ex opposito paradisi, ut de Seyllano usque ad paradisum, ut dicunt incolae ex traditione patrum, sunt millaria italica quadraginta, ita quod, ut dicitur, auditur sonitus aquarum fontis cadentium de paradiso». De Gubernatis ibid. *Supplem.* 2, cp. *De Creatione*, pag. 142. Et in eadem opinione, quod paradisus plantatus sit «ultra Indiam Columbinam, contra montem Seyllanum, locus altissimus», prosequitur in sequentibus capitulis, ut videri potest ibid. pag. 145-156. Demum de situ paradisi et quaestionibus adnexis cf. ampla dissertatio P. Ildefonsi de Vuippens O. M. Cap. *Le Paradis Terrestre*. 233) Cp. 2, pag. 227. 234) Gn 2, 8. Vulg.: *Plantaverat... a principio*.

peratissima et habitationi maxime accommoda. Tertio: ad quam mundi partem paradisos iste spectet ostendit, et a qua regionis illius parte plantatus esset a Deo, inquit: *Ab oriente, sive a plaga orientali*. Locum ergo in quo is paradisos conditus sit, habemus.

et ab indicatione situs,

Hanc autem regionem, quae Eden dicitur, non existimandum est vel extra nostrum orbem esse; neque ad sidera attingere, quae quidam opinati sunt ²³⁵; neque ultra tropicum capricorni, quae regio semper ignota fuit; neque sub aequinoctiali: sed sub ea coeli positura sitam esse, quae habitari possit et habitata ac frequentata sit a primis hominibus et eorum posteris. Adam enim e paradiso eiectus non mare transmeavit, aut per longissimos terrae et marium tractus quam longissime a loco illo eiectus est: sed ante fores paradisi, non longe ab eo loco eiectus, e regione paradisi collocatus est, ut terram illam incolet, sicut Septuaginta transtulere et omnes Graeci Doctores tenent ²³⁶, praesertim Chrysostomus in hoc loco ²³⁷. Quod Scripturae etiam testimonio comprobatur. Etenim Cain, *egressus a facie Domini, vagus et profugus habitavit... ad orientalem plagam Eden* ²³⁸ cum sua posteritate ibique *civitatem aedificavit*. Adam vero et Seth non longe ab eo terram incoluisse putandum est, sed prope; alioquin quomodo potuissent *fili Dei*, idest descendentes ab Adam per Seth, qui propter Dei cultum sic dicebantur, videre *fili hominum*, idest a Cain descendentes, *quod pulchrae essent*, ut acciperent sibi ex omnibus *quas elegerant* ²³⁹. Deumque magnopere irritarent ad delendam omnem carnem? Si ergo Cain ad *orientalem plagam Eden* habitavit, quae regio erat ubi ²⁴⁰ paradisos erat consitus, nec Adam, Seth et omnes posteris longe ab ea regione terram incoluere. Adam vero non longe a terra promissionis habitavit; in Hebron enim sepultus creditur *in spelunca duplici*, sicut dicitur in libro *Iosue* ²⁴¹; in qua etiam Abraham et Sara, Isaac et Rebecca, Iacob et Lia sepulti fuerunt ²⁴².

deducendum est hortum Eden non extra nostrum orbem situm fuisse, sed in regione illa, quae a primis parentibus habitata fuit.

Adam enim et Cain et eorum posteris prope Eden habitaverunt,

et Adam sepultus creditur in Hebron, prope terram promissionis;

Unde existimo nunc quoque regionem illam Eden habitari et eam esse, quam apud Ezechielem legimus ²⁴³, qui *super Tyrum*

de qua regione etiam Ezechiel loquitur,

235) Cf. not. 232 huius cp.

236) Cf. Theodorus Mopsuestenus *Fragmenta in Gen.*, (P. G. 66, 638); Procopius *Comment. in Gen.*, ibid. 87, 226-227; Moses Bar-Cepha *De Paradiso*, part. 1, cp. 14, ibid. 111, 498.

237) *Hom. 18 in Gen.*, ibid. 35, 152.

238) Gn 4, 16-17.

239) Ibid. 6, 2.

240) Ms.: In.

241) 14, 15.

242) Cf. Gn 23, 19; 49, 31; 50, 13.

243) 27, 2.

et hodie quo-
que existit in
Mesopotamia,
ubi reperiun-
tur flumina,
quae de pa-
radiso exire
dicuntur.

lamentum assumens, haec inter cetera dicit: *Haran et Chene et Eden negotiatores tui* ²⁴⁴, nomina regionum ponens unde ad Tyrum mercatores veniebant. Si ergo ab Eden, scilicet paradisi loco, negotiatores ad Tyrum, qui prope terram Israel est, accedebant, clarum est locum illum et habitatum fuisse et non maximis spatiis remotum a terra Israel extitisse. Haran etenim non longe a terra Israel distare nullus ambigit; Haran enim ea regio prope terram Israel est, quae Mesopotamia dicitur, ibique reperiuntur flumina, quae de paradiso exire dicuntur. Haran enim inter duo flumina Tigrim et Euphratem est; quapropter graeca voce Μεσοποταμία dicitur ²⁴⁵, regio media inter duo flumina. De Phison autem et Gehon ea, quae supra diximus ²⁴⁶, consulantur.

Tenendum
ergo est para-
disum in re-
gione Eden
plantatum
fuisse, at ab
aquis diluvii
postea ever-
sum;

Quapropter haec omnia mihi fidem certissimam faciunt decantatissimum illum paradisum in Eden regione, quae non longe a terra Israel est, ad orientalem plagam illius plantatum fuisse eamque regionem nunc habitari ab hominibus: quoniam aquis diluvii paradisus ille eversus est atque ita locus ille amoenissimus et deliciosissimus concidit. Aquae enim diluvii omnem terram *inundaverunt*... *et praevaluerunt super omnes montes*, qui sunt *sub universo coelo* ²⁴⁷; quare et locum illum occupaverunt et arbores illas amoenissimas everterunt.

sed quandiu
perduravit,
Cherubini ibi
permanserunt
cum gladio
flammeo.

Quandiu autem locus ille perduravit, nullo pacto ambigimus *Cherubinos* coelestes spiritus ibi positos esse ad illius loci custodiam, cum *gladio flammeo et versatili*, sive cum *lamina gladii* idest posuit ibi gladium ardentem atque expositum, qui flammam evomere videretur: tantus erat splendor! atque eo aspectu exterrebat adeuntes pavoremque horribilem iniiciebat; et *versatilis* dicitur, quia omnem viam, quae ad vitae lignum ducebat, suo terrore praecludebat. Forte sic positi erant ibi Cherubini, sicut angelus Domini gladium exemptum in manu tenens viam custodiebat, eam praecludens Balaam, ne ad maledicendum filios Israel a Balac accersitus accederet ²⁴⁸. Vel certe per hunc gladium poenae mortis interminatio intelligitur, more

244) Ibid. vr. 23. In ms. constanter invenitur: *Heva, Heden, Henoch, Charan et Chenan*. Nos vero, cum textus hebraicus adducitur, haec nomina ut in codice extant reliquimus. 245) Cf. S. Hieronymus *De Nominibus Hebraicis*, (P. L. 23, 848); Ptolomaeus *Geographia*, lib. 5, cp. 18, pag. 98. 246) Cp. 2, pag. 231-234. 247) Gn 7, 19. 248) Cf. Nm 22, 22 sqq.

Scripturae, quae ad illum locum praesumentibus accedere ministerio angelico inferebatur; sicut praecaverat Dominus ne quis filiorum Israel aut vasa sacra ministerii²⁴⁹, aut arcam tangere²⁵⁰, vel intra sanctuarium sive Sancta Sanctorum intrare praesumerent²⁵¹, praeter eos, quibus ex officio competebat: et eos quidem mundos et sanctificados²⁵², sub poenae mortis interminatione, quae ministerio angelico inferebatur.

Potuit autem esse ut ibi *ad custodiendam viam ligni vitae* lampades ac fulgura angelico ministerio emicarent, quae accedentibus mortem minarentur. Nam et dictio: **לָהֵט**, quam *l a m i n a m* significare diximus, fulgur quoque et lampadem significat, quia poterat ibi ad modum gladii micare. Postquam vero vastatus ille paradus est, omnis illa custodia cessavit; sicuti postquam Arca illa foederis et Sancta Sanctorum deleta sunt, omnis tum custodia tum observantia et ministeria, quae ibi fiebant, desierunt.

Nonnulli autem putant adhuc locum illum incolumem permanere²⁵³ ac ibi Enoch, Eliam et Ioannem apostolum felicem vitam degere usque ad iudicium. At vero quod in²⁵⁴ illum paradisum translati sint nullibi constat; nam Enoch quidem, Scriptura teste²⁵⁵, assumptus est: sed in quem locum Scriptura non refert; Elias pariter translatus est²⁵⁶: sed quem in locum, Scriptura non prodit; de Ioanne autem omnino incertum est an adhuc vivat in carne²⁵⁷. Et

Per *gladium* hunc forte intelligenda est interminatio poenae mortis praesumentibus illuc accedere;

vel etiam fulgura angelico ministerio emicantia, quae accedentibus mortem minabantur.

Alii putant hunc paradisum adhuc existere et ibi Enoch, Eliam et Ioannem apostolum degere. Sed ubi degant Enoch et Elias Scriptura non

249) Cf. Ex 30, 29 sqq. 250) Cf. Nm 4, 15; 2 Rg 6, 6-7; 1 Par 13, 9-10. 251) Cf. Ex 28, 35; 29, 37; 30, 29; Lv 16, 2; Nm 4, 20; 8, 22. 252) Cf. Ex 28, 40; 29, 9; Nm 21, 23; Is 52, 11; Hebr 7, 28. 253) Videntur admittere paradisum adhuc existere Theophilus Antiochenus *Ad Autolyicum*, lib. 2, (P. G. 6, 1090-1091); S. Irenaeus *Contra Haereses*, lib. 5, cp. 5, ibid. 7, 1134; S. Epiphanius *Adversus Haereses*, *Haeres. 64*, ibid. 41, 1147; Severianus *De Mundi Creatione*, *Orat. 5*, ibid. 56, 478-481; S. Io. Damascenus *De Fide Orthodoxa*, lib. 2, cp. 11, ibid. 94, 210-214; Tertullianus *Apologeticus*, cp. 17, (P. L. 1, 520); *De Resurrectione Carnis*, cp. 28, ibid. 2, 833; S. Isidorus Hisp. *De Ortu et Obitu Patrum*, cp. 3, ibid. 83, 131-132; Fel. Capitonius *Explicationes*, etc. part. 1, *Explicat. 1*, pag. 10-12; et cf. not. 232 huius cp. 254) Ms.: *In repetitur.* 255) Cf. Gn 5, 24; Eccl 44, 16; Hebr 11, 5. Cf. S. Irenaeus *Contra Haereses*, lib. 5, cp. 5, (P. G. 7, 1134-1135); S. Augustinus *Contra Secundam Iuliani Responsonem*, lib. 6, cp. 38, (P. L. 45, 1598); S. Isidorus, Hisp. *De Ortu et Obitu Patrum*, cp. 3, ibid. 83, 131-132; S. Beda *De Templo Salomonis*, cp. 19, ibid. 91, 788; Petrus Comestor *Historia Scholastica*, lib. Gen., cp. 24, ibid. 198, 1075; cp. 30, ibid. col. 1080; S. Thomas S. *Theolog.*, 1^a, q. 102, a. 3; 3^a, q. 49, a. 5, ad 2. 256) Cf. 4 Rg 2, 16-17. 257) Cf. S. Io. Damascenus *Hom. in Transfiguratione Domini*, (P. G. 96, 558); Andreas Caesar. *Comment. in Apocalypsim*, cp. 29, ibid. 106, 310; Simeon Metaphrastes *Vita S. Ioannis*, ibid. 116, 703; S. Hilarius *De Trinitate*, lib. 6, (P. L. 10, 189); S. Ambrosius *Exposit. in Ps. 118, Sermo 20*, ibid. 15, 1487; *Exposit. in Evang. S. Lucae*, lib. 7, ibid. col. 1699-1700; S. Augustinus *Sermo 253*, cp. 4, ibid. 38, 1181; Gregorius Turonensis *Miraculorum*, lib. 1, cp.

dicat; de Ioanne vero omnino incertum est an adhuc vivat in carne.

quod de Elia apud *Ecclesiasticum* legimus²⁵⁸, quod in paradisum assumptus seu *translatus est*, dicimus eum in aliquem eminentem et excelsum locum a Deo sibi paratum paradisi nomine designari²⁵⁹. Deo enim possibile est eum, ubi magis libet, conservare; nec ob id necesse est ponere paradisum illum. Idem de Enoch et Ioanne, si adhuc vivit, dicendum est.

Per Cherubim, omnes angeli intelligi possunt,

quibus custodia paradisi commissa fuit.

De Cherubinis autem quaestio esse potest quomodo Deus illos tam excelsos spiritus *ad custodiendam viam ligni vitae* applicaverit. Cherubini enim spiritus sunt secundi chori supremi principatus sacri, sive hierarchiae; secundum Divum Dionysium²⁶⁰ autem, illi non solent mitti, sed tantum angeli infimae hierarchiae et ultimi ac penultimi chori. Sed responderi ad hoc potest quod aliquando per Cherubinos omnes angeli intelliguntur et sic etiam angeli infimae hierarchiae et ultimi chori. Secundo vero, quod si forte ea cura illis data est coelestibus spiritibus qui eius chori sunt, qui peculiari voce Cherubim appellatur, ipsos tamen per inferiores eam custodiam executos fuisse, quemadmodum et Seraphim, qui missus est ad purgandum labia Isaiae²⁶¹. Etenim, ut D. Dionysius docet²⁶², Seraph ille non per se executus est illud officium, sed per aliquem inferiorum.

Custodiam hanc Deus statuit ne homines de ligno vitae comederent, et sic vitam longius protraherent et magis peccata multiplicarent.

Ad quid autem Dominus Deus illos angelos ad hanc custodiam applicarit, manifeste huius causa superius dicta est: ne homines sumerent de ligno vitae et viverent in aeternum, idest vitam longius protraherent, qua homines peccatores pessime usi fuissent et frequentius peccassent et diutius in peccatis mansissent. Quapropter melius fuit ut homines ab esu illius ligni prohiberentur, ne cum illud vitam longius ac diutius²⁶³ protraheret, ipsi eo magis peccata multiplicarent. Nunc ad quartum caput accedamus.

30, ibid. 71, 730; S. Thomas *Comment. in Evang. S. Ioannis*, lectio 4, t. 19, pag. 885; Nic. Lyranus op. cit. *Evang. S. Ioannis*, cp. 21, t. 5, f. 243^a; Io. De La Haye op. cit. t. 14, pag. 592; Aug. Calmet *Dissert. In Obitu S. Io. Evang.*, t. 7, pag. 515-519. 258) Cf. 48, 9-13. 259) Cf. S. Gregorius M. *Hom. in Evang.*, lib. 2, *Hom. 29*, (P. L. 76, 1216); Rupertus *De Trinitate*, etc. *In Gen.*, lib. 3, cp. 33, ibid. 167, 321; Dionysius Cartusianus *Enarrat. in Gen.*, a. 31, pag. 143; Caletanus op. cit. pag. 52. 260) *De Coelesti Hierarchia*, cp. 5, (P. G. 3, 199-202). 261) Cf. Is 6, 6-7. 262) *De Coelesti Hierarchia*, cp. 5, (P. G. 3, 199-202).

263) Ms.: *Vitam repetitur*.

CAPUT QUARTUM

Vr. 1

Adam vero cognovit uxorem suam Evam, quae concepit et peperit Cain, dicens: Possedi hominem per Deum.

Textus Hebraicus: *Possedi, sive acquisivi hominem Deum, sive a Deo, vel ad Deum.*

Textus Chaldaicus: *Possedi hominem a conspectu Domini.*

Adam vero cognovit Evam uxorem suam. Honestè semper ac decenter Scriptura loquitur; quae enim pudenda sunt, non verborum obscenitate, sed quanta licet semper decentia et honestate exprimit; conventionem enim coniugum et adhaesionem viri ad mulierem in matrimonii actu, *cognitionem* vocat¹: *Adam, inquit, cognovit uxorem suam.* Convenerunt enim in unum primi illi coniuges in actu legitimi matrimonii, post commissum peccatum et post spem perditae benedictionis recuperandae in mulieris semine. Convenerunt autem ut filios procrearent humanumque genus propagarent, ne una cum ipsis deficientibus, natura quoque humana tota periret, quod voluntatis Dei non erat: sed ut maneret in aevum. Quapropter convenerunt etiam ut Deo obedirent.

Adam vero cognovit uxorem suam, etc.

Finis principalis matrimonii est procreatio filiorum;

Demum in remedium libidinis; matrimonium enim, post peccatum, in libidinis remedium conceditur: modo tamen primus ac praecipuus eius finis, qui generatio est, non praecidatur. Alioquin si ad solam libidinem explendam fit copula, ita ut generationem nolint, grave peccatum est atque a Deo reprobatur matrimonium illud; iccirco enim Her et Onan, filii Iuda, a Deo percussi fuerunt², quoniam non ad generationem, sed ad solam libidinem explendam cum Thamar copulati fuerunt. Primi autem parentes³ non ita coniuncti sunt: sed ad prolem procreandam; quare sequitur: *Quae concepit et peperit Cain*, idest filium, cui hoc nomen impositum

secundarius autem, remedium libidinis;

nunquam tamen unus ab altero se-
iungi potest.

1) Cf. Gn 4, 17. 25; 19, 5. 8; 38, 26; Nm 31, 34; Idc 21, 11; 1 Rg 1, 19; 3 Rg 1, 4; Idt 16, 26; Mt 1, 25; Lc 1, 34. 2) Cf. Gn 38, 6-9. 3) Ms.: Parente.

est, sicut sequitur: *Dicens: Possedi hominem per Deum*; Cain enim possessionem et acquisitionem sonat.

Origo, natura
et admirabiles
seminis vires,

Antequam autem ad altiore huius loci speculationem ascenda-
mus, de humani corporis in matris utero formatione quaedam in me-
dium adducemus. Ac primo de natura, praestantia ac viribus se-
minis, quo mulier concepit.

Semen quidem ex tertia alimenti digestionem et concoctionem
originem trahit, natura aereum, calidum et humidum, multo spi-
ritu et eo quidem calido confectum; quod testium calore vitalem
spiritum exagitante in spumam conversum concrecit et albescit.

quod, per-
modicum cum
sit, virtute
continet for-
mas totius
corporis et
singularum
partium;

Eius autem admirabiles vires sunt, cum ex tam modico semine
talis oriatur membrorum tam pulchra dispositio, tam convenientissi-
mus ordo, tam efficax compositio, tam eximia singularium partium
coniunctio, tam spectabilis organorum diversitas et concentus, tot
operationum et facultatum causae, tot spiritus; quomodo omnis
forma et species tum totius corporis tum partium singularum prae-
cedat et contineatur in semine et adumbratio totius futuri operis;
quomodo in promiscuo et confuso semine tanta est tum formarum
tum specierum distinctio, totius corporis et eius partium singularum.

et etiam
animam
vegetalem et
sensitivam,
antequam
rationalis
superveniat.

Quidquid enim ex semine procreatur et consurgit, necesse est prius
virtute ac potestate contineri in semine omnemque animae potestatem
obtinere eiusque viribus et facultate praeditum esse, cum eae illinc
aliquando parebunt et suscitabuntur. Animam enim in se continet
naturalem et altricem, cum semen in utero conceptum non secus ac
stirps vita fruatur; ea quoque, quae sensus particeps est, a qua ani-
malis nomen assumit, temporis progressu accedit; tum demum ra-
tionis vis, qua homo dicitur, infusa supervenit. Et vegetalis⁴ quidem
anima atque sentiens in semine virtute ac potestate continentur et
ex eo prodeunt suarumque facultatum functionem exercent, quo-
usque, rationali adveniente, deficient⁵.

4) Ms.: *Naturalis*. 5) Notum est olim viguisse in scholis opinionem non statim ac conceptum
fetus humanum informari anima intellectiva. Aliqui sentiebant embrionem esse animae exper-
tem; operationes autem vitales, quae in eo apparent, vel animae matris, vel virtuti, quae in se-
mine est, formatrici esse referendas. Quod tamen obstabat doctrinae Aristotelis, (*De Generatione*
Animalium, lib. 1, cp. 20, t. 1, pag. 651-652; S. Thomae *S. Theolog.*, 1^a, q. 76, a. 3, ad 3;
q. 118, a. 2, ad 2). Ideo fere omnes cum Aristotele (*De Generatione Animalium*, lib. 2, cp. 3,
t. 1, pag. 658-659), non simul animal fieri et hominem docebant, sed materiam fetus primum
informari anima vegetativa, deinde sensitiva, postremo intellectiva. Cf. Conimbricenses *De*

Prima autem hominis ex semine constitutio ad hunc modum orditur. Maris ac feminae fecunda semina, ubi consentanea quadam moderatione opportune conveniunt, mutua quadam amicitia tanto complexu iunguntur vereque miscentur, ut fiat amborum vis unica eademque natura. Utrumque enim necesse est convenire, non tantum viri, etsi praestantius et fecundius est, sed mulieris etiam; cuius fecundum esse semen vimque habere procreantem atque fingentem inde colligitur, quod non alium in ea, quam in mare, ortum et a testibus et a vasis acceperit; quod etiam mulier, quae morbo comitiali, aut calculo, aut podagra affligitur, prolem gerit horum malorum heredem; quod demum partus sit plerumque matri similis. Quae omnia non maternus sanguis, sed quod ab illa profusum est semen efficit.

Non tantum viri, sed et mulieris semen virtutem aliquam formativam continet;

Semen ergo, quod de mulieris partibus similaribus decesssit, ad similarium partium effectiorem et conformationem vim quandam obtinet. Qualis autem et quanta sit vis declarant ova, quae subventanea dicuntur, et molae, quas mulieres quandoque proprii dumtaxat seminis vi, nullo viri concubitu, concipiunt. In his siquidem procreationis est quaedam adumbratio et rudis materiae concretio, quam, si maris semen suis instructum viribus accessisset, tantum multo potentius, numeris et ornamentis omnibus absolvisset. Neque tamen hoc per se et solitarium, sed femineo dumtaxat permixtum quicquam perficit⁶.

quod comprobari videtur etiam experientia.

Seminibus ergo fecundis in unum permixtis, mox suscitata vis illa in semine latens, huius materiam varie distrahit eiusque partes secernit: non enim est exquisite unum et omni ex parte consimile. Itaque statim uno et altero die partes seminis tenuiores, calidiores et spiritus magis participes, intro et in medio totius molis se recipiunt;

Initium et processus fecundationis fetus,

Generatione et Corruptione, lib. 1, cp. 4, q. 21, a. 3; *De Anima*, lib. 2, cp. 1, q. 4, a. 1-2, qui hoc demonstrare volunt etiam ex Canone Ecclesiae, cp. *Sicuti*, 33, q. 2, ubi dicitur non committi homicidium ab eo, qui fetum in utero necat ante infusionem animae rationalis, cum nondum dici possit homo.

6) Inhaeret S. Auctor sententiae Hippocratis et aliorum antiquorum, qui docebant omne semen tum maris tum feminae esse activum, « quod, ait Galenus, in gallinis est perspicuum: concipiunt enim hae ova, quae *υπηγνέμια*, idest *subventanea* nuncupantur, sine coitu cum mare. Quibus ovis quod desit quidpiam ad perfectionem, id inditio est, quod animal ex ipsis gigni non possit. Verum in gressibus quidem animalibus, quid reperias, quod ovo proportionem respondet, nisi quem medici appellant *molae conceptum*? Quae sane caro quaedam est otiosa atque informis. Satiùs igitur est semen feminae ad animalis generationem existimare ipsi aliquid conferre ». *De Usu Partium Corporis Humani*, lib. 13, cp. 7, t. 1, f. 287*.

crassae vero et magis terrenae illas ambiunt et circumcirca obvallant; ex quibus durioribus factis et coactis uteri contagione et calore, obvolventes fetum membranae proferuntur.

qui primo
variis
membranis
involvitur

Omnium extima ac prima fit ἀλλάντοειδής ⁷, tenuis ea quidem et invalida ac angustior, quam quae totum conceptum involvat, longis tamen et arctis processibus ad utrumque apicem porrecta; per hanc membrana χορίον dicta uteri apicibus annectitur; sub hac tota seminis pars exterior et magis terrena – semper enim semen sese colligit in angustum et parte sui media vires continet multo maximas, – quae uterum contingit, in membranam alteram concrecit, quam Latini secundas appellant. Semen enim, cum lentum sit et omni ex parte cohaereat, calore crassius fit et magis cogitur, ob idque externa et summa eius facies in membranae substantia coit; levis autem cum sit, utero committitur et adhaerescit per ora vasorum, quae in uterum desinunt: ea dicuntur acetabula, per quae semen alimentum ad se rapit; perforatur enim membrana cum mollis adhuc et recens sit coacta.

et virtute
spiritus
evoluitur

Praeter has autem et tertia, ἀμνίον appellata, gignitur, circumcirca universum conceptum amplectens et involvens, valida certe et futura sudoris receptaculum; reliquum autem semen, quod intro conclusum est multo tenuius, multo etiam magis calore diffunditur. Hinc mox turgescit spiritus concipiens ac per id tempus quidquid in semine tenue est, id in spiritum abit: non eum quidem venti flatusque plenum, non enim tum uterus flatu turget aut eius distensione torquetur, nec per uteri cervicem flatus ulla vis erumpit; at vero sic in spiritum id vertitur, ut spiritus ille caloris omniumque facultatum moderator et primus procreationis auctor, in seminis medium se collocat ⁸. Non enim evanescit aut avolat a semine; sed in eo persistit omnium partium conformator et opifex, in quibus radicitus ac penitus inhaerens, prima fit partium omnium natura hasque, ubi primo conformaverit, postea semper assistens, in omnem vitam, quantum potest, semper diutissime et saluberrime conservat.

7) Ms: *Allantoides*, et sic infra: *Chorion*, *amnion*, *hypezocos*, *peritoneos*, *meninx*, *periosteios*.

8) Nomen *spiritus* apud antiquos philosophos nedum substantiam materiae expertem significat, sed per *spiritum vitalem* intelligitur corpus tenuissimum, calidum et purum, quod ex subtilissima sanguinis portione progenitum est quodque est vinculum animae et corporis. Cf. Boyvin *Physica*, part. 2, q. 3, cp. 1, t. 3, pag. 694.

Itaque hic spiritus et vehiculum est primum ac instrumentum procreatrix facultatis – in eo enim constituta est summa illa ac divina vis conformandi, – et omnes alias naturales [facultates], quibus mutatur et augetur conceptus, earumque auxiliarias, is unus in se omnes sustinet et comprehendit; ex quibus planum evadit spiritum et omne facultatum genus ex semine originem ducere. Hoc pacto quod nuper simplex semen erat a parentibus emissum, naturae rationem sumit, aut, ut explicatius dicam, quae prius in semine sopita erat naturae vis, tum ad agendum excitatur dum primum id innatum sibi officium peragit; quod diximus conceptionem esse et nuncupari.

et nutritur
in suis singu-
lis partibus.

Itaque hic spiritus facultates habens et naturae instrumentum, tres bullas in medio seminis constituit, quasi guttas pellucas, quae proxime sibi rudimenta quaedam et principia exhibent trium principiorum: cordis, iecoris et cerebri; ac quamvis multorum⁹ ferat opinio cor primo formari, observatione tamen et experientia comperitum est ex puriore et vegetiore seminis portione, quae in uteri medium consedit, tres portiones, quae a tribus parentum principiis defluerunt, in primis comparere medio semine in tres quasi bullas digestas, spiritu ac facultate refertas, easque rudimenta esse iecoris, cordis ac cerebri¹⁰.

Quod primum
in fetu forma-
tur, non cor,
sed iecur est;

Ac tunc generans facultas seminis materiam commutat aptamque reddit efformationi; et ideo aliae portiones crassiusculae apparent, quae in ossa abiturae sunt; aliae tenues ac liquidae, ex quibus nervi fient, venae atque membranae: sic omnium praeparatio quaedam instituitur ad futuram conformationem huius operis. Nonnihil iam die septimo cerni potest ac multo apertius decimo quinto, cum in semine iam conspicuae sint partes et substantia et situ discretae.

postea vero re-
liquae partes,

Post id tempus conformatrix facultas opus aggressa, primum rudia et inchoata principia, iecur, cor et cerebrum, in propria loca seiungit propriaque figura ac specie exornat; simul et membranae

quae paulatim
suam formam
et functionem
acquirunt.

9) Cf. Meletius Monachus *De Natura Hominis*, (P. G. 64, 1086); Aristot. *De Partibus Animalium*, lib. 3, cp. 4, t. 1, pag. 615; *De Generatione Animalium*, lib. 2, cp. 6, ibid. pag. 662-663. Galenus: « Chrysippo aliisque multis philosophis, tam stolois quam peripateticis, visum est de corde ita pronuntiare ut asserant id primum omnium animalis partium generari ab eoque alias oriri, quodque primum formatum fuerit cor ». *De Fetus Formatione*, cp. 4, t. 1, f. 139^a; Averrois *De Partibus et Generatione Animalium*, lib. 3, cp. *De Corde*, sine numeratione folii.
10) Hippocrates et Galenus primam delineationem corporis animalis iecori adscribunt ex propria experientia. *De Fetus Formatione*, cp. 2, t. 1, f. 138^b.

fetum obvolventes robur nanciscuntur. Mox in his venae et arteriae confinguntur, omnes in fetus umbilicum deductae et quarum oscula polyporum modo acetabulis uteri cohaerent. Tunc temporis e iecore tum vena porta tum cava multiplici sobole dispergitur, et e corde arteria, e cerebro spinae medulla caudicis instar, e qua et nervi filis araneorum tenuiores emergunt: ventriculus, intestina, vesica, cordis involucrum, ὁπεξωκῶν membrana atque περιτόναιον, duplex μῆνιγξ, omnes denique membranae firmo robore obtenduntur; cutis concre-
scit omnia contegens.

De ossium
origine et pro-
gressiva fetus
dispositione et
conformatio-
ne,

Ex ipso quoque semine, non, ut quidam tradiderunt ¹¹, ex carne aridiore facta, ossa figuram sensimque duritiem conquirunt ex coacto et vere concreto semine. Ab ossibus quidquid vi caloris spumae modo emanat, id partim iuxta ossium extrema reponitur ad vinculorum conformationem: partim circumcirca et in longum effunditur, ut membrana ¹² fiat, περιόστεον graece appellata. Die quidem vigesimo septimo partes omnes et dispositae et conformatae quodammodo iam apparent: sed perfecte in maribus die trigesimo, in feminis trigesimo sexto.

quae perfectior
apparet qua-
dragesimo die
a fecunda-
tione;

Hactenus sola existit solidarum partium conformatio ex solo semine, quod quantulumcumque initio conceptum est a parentibus, id nihil auctum, nihil amplificatum, satis est partibus omnibus conformandis. Tum inde sanguis ex utero prolicitur, qui primum circum iecoris in spermaticas fibras atque rudimentum concrescens, totam illius molem et substantiam constituit. Ita quidem saepe observatum est die ¹³ quadragesimo eiectum fetus semidigiti magnitudine ¹⁴, vere ac prorsus conformatum et cuius partes omnes, excepto iecore, albae spermaticae cernebantur: caput par erat avellanae et maius quam pro reliqui corporis ratione; oculi ut cancri ¹⁵ exerti; nasus, auriculae, brachia, manus, crura, pedes hisque secreti digiti; penis conspicuus, sub quo scrotum milii magnitudine. Superiora autem inferioribus maiora, nullo ossium robore, sed flexibilia quocumque

11) Aristoteles: «Ossa in prima partium constitutione gignuntur ex semine». *De Generatione Animalium*, lib. 2, cp. 6, t. 1, pag. 665. Galenus: «Ex semine et sanguine magis semper sicciscentibus, perficiuntur ossa et ungues». *De Temperamento*, lib. 2, cp. 2, t. 1, f. 15^b.

12) Ms.: Membra.

13) Ms.: Die repetitur.

14) Hoc invenitur relatum quoque ab Aristotele *De Historia Animalium*, lib. 7, cp. 3, t. 1, pag. 547; Cf. etiam Conimbricenses *De Anima*, lib. 2, cp. 1, q. 4, a. 2.

15) Ms.: Cancris.

ducerentur, omnia contacta cute tenuissima et pellucida, per quam interiora cernebantur, alba quidem omnia, fibrosa et seminis aemula, nullo carnis aut sanguinis rubore perfusa. Unum tantum iecur rubrum iam erat, amplum et recens concreto sanguini persimile, in quod ex secundis per umbilicum venae ferebantur sanguine confertae, fetum posthac nutriturae. A die autem trigesimo sexto, aut quadragesimo conformatae partes solidae nutriri incipiunt et carne fulciri: idque iecoris beneficio, quod omnibus alimentum conficit et ministrat.

Specie itaque atque forma modo adornatus fetus, totus tenellus est omnique ex parte prae immodico humore lentus et mucii plenus, ob idque ad omnes actiones minus accommodatus; reliquo deinceps tempore, dum vi caloris continuo aridior fit et siccior, cuncta firmantur: membranae, nervi atque cutis, ungues in extremis digitis ac pili in capite radices agunt. Sensus autem facultate fetus illustratur circiter diem sextum et trigesimum. Ubi autem iam ad mensem tertium mas pervenerit, femina ad quartum, firmatis ossibus ac paulo durioribus factis, moveri incipit ac calcitrare.

tunc enim et sensu et motu donatur.

Omnes autem tum spiritus tum vires ac facultates, quibus ad hoc usque tempus potitur fetus, a parentum semine originem trahunt, in quo virtute ac potestate continebantur¹⁶. Ceterum princeps ea anima, quae mens dicitur et rationis praestantia excellit, separabilis cum sit a corpore, nequaquam in materia potestate continebatur, ex qua demum temporis progressu erumperet; alioqui enim immersa corpori ipsiusque egens perpetuo, nec ratio cinari, nec intelligere, nec aliud quicquam citra organum corporeum posset efficere. A summo autem rerum Conditor primus creata, in praeparatum instructumque infantis corpus universum temporis momento commigrat: idque mense circiter quarto fieri a nonnullis proditum est¹⁷, quo tempore cor et cerebrum consummata iam sunt;

Cum vero corpus aequae conformatum fuerit, anima rationalis a Deo infunditur;

quod fit quarto circiter mense, ut quidam asserunt.

16) Cf. not. 5 huius cp.

17) Notum est circa temporis punctum, quo anima intellectiva infunditur corpori, valde inter se disceptasse veteres philosophos. In eo tamen fere omnes conveniebant eam infundi cum primum organum humanae proli convenientibus distinctum perfectumque corpus esset. *Contimbricenses*: « Communior veraque sententia est in maribus absolvi circa quadragesimum diem, in feminis circa octogesimum ». *De Anima*, lib. 2, cp. 1, q. 4, a. 2. *Aegidius Romanus*: « Quaedam Glossa super Leviticum 12, ubi habetur quod mulier pariens masculum immunda erat quadraginta diebus, pariens autem feminam octoginta, dicit quod masculus formatur in tanto tempore, scilicet in quadraginta diebus. Philosophus autem, in 9 *De Animalibus*, formationi feminae superaddit decem dies, ponens formationem eius scilicet in nonaginta diebus ». *De Humani Corporis Formatione*, cp. 15, pag. 100.

ceterum humoris redundantia, veluti ebrietate aut lethargo sopita, nondum potest, quae sua sunt, munera proferre. Hoc autem tempore, quanquam unaquaeque particula conformata apparet, nondum tamen integre consummata est atque firma; proinde hinc ad nonum usque mensem, quo fetus lucem ortumque accipere consuevit, perficiuntur singulae, nutriuntur et increscunt.

Tum deinde, cum fetus id magnitudinis et roboris consecutus est, ut seipso regi et ore sumptum alimentum conficere valeat, amplior factus uberioresque cibum exostulans et aerem ampliorem, quem nativi caloris refrigerationem spiritus ducat, viam et gressum ipse sibi facit. Utero gestatus, incurvus totus ac contractus, talos ad nates applicat, manibus genua apprehendit, in quae caput sic demittit, ut oculi manuum pollicibus veluti affixi haereant, nasus vero inter genua procumbat; prior corporis pars in matris abdomen, posterior in dorsum vergit, si mas geritur: nam feminae adverso situ collocantur.

Quandiu autem in utero iacet hac ratione alitur: singulis acetabulis tum venarum tum arteriarum alia adnata sunt vasa carne suffulta, per secundarum medias regiones dispersa; tandem in umbilicum coeunt, ex quibus fetus sanguinem et spiritum assiduo rapit. Duae siquidem in umbilico cernuntur arteriae in ramos arteriae maioris lumbis subiectos insertae; totidem venae ex umbilico in unam coeunt et in iecoris cava pertinent, ut qui per has ex secundarum venis, tanquam ex radicibus, tractus est sanguis, rursus in fetus iecore perfectionem suscipiat et quasi nova mutatione familiare illi fiat alimentum; hinc per venam cavam quoquoersum derivatus, partibus singulis pastionem afferat; omnes quippe hinc alimentum capessunt atque in hunc modum alitur, augetur perficiturque fetus.

Nono mense
in lucem
editur.

Ceterum circa nonum mensem factus grandior, copiosiore egens alimento et spiritu, diutius concludi non patitur. Proinde primum sese convolvit caputque declinans pudendo offert crura, ac reliquos artus in superiora distendens – id autem nonnunquam molitur uno mense ante partum, – ac sic se invertens, nihil defringit, quod laxior sit umbilicus duos plerumque cubitos longus, multis modis et involucris fetum praecingens. Instante autem partu, ille calcitrans, primum ἀμνίον membranam manuum pedumque crebra impulsione dirumpit; posthaec vero maiore impetu sese convolutans, plurima acetabula dissolvit; quo tempore mater ventris fortiores [dolores] expe-

ritur. Postea vero *secundae* ab acetabulis divelluntur et reliquae discerpuntur membranae atque ex utero defluunt; cumque nil amplius haeret, fetus excidit ceu maturum malum ab arbore soluto sponte pediculo, sicque conceptum fetum parit mulier.

Ecce quam mira in his Sacrae Scripturae verbis continentur: *Cognovit Adam uxorem suam, quae concepit et peperit.*

Nunc autem sunt diligenti indagine excutienda nobis ea verba, quae, dum peperit, protulit mulier, dicens: *Possedi hominem per Deum.*

Littera autem Hebraica sic habet: *Possedi, vel acquisivi virum* אֶת־יְהוָה.

Rabbinus Salomon hunc locum ita exponit¹⁸: « Quando, inquit, Deus creavit me et virum meum, ipse solus creavit nos. Veruntamen in hoc ego communicavi cum eo »; ut sit sensus: *Possedi hominem cum Deo*, quia non ipse solus hunc creavit, sicut nos: sed ego cum ipso concurrere. Alii vero sic exponunt¹⁹: Filius iste erit possessio Dei, et quando nos moriemur, ipse loco nostro remanebit ad servandum ei. Alii autem ita, ut Rabbinus Abrahamel²⁰, quod hoc dixit « propter gloriam; quod si prima vice mulier acquisita est et facta ex viro os ex ossibus eius et caro de carne eius²¹, nunc factus est vir Cain de muliere Eva, matre eius, in auxilio vel adiutorio Dei; et non est supra memoratum a sermone mulieris, quod mulier egressa sit de viro; et ecce nunc quoque vir de muliere egreditur; et hoc est quod dicit: *Acquisivi hominem*: quia appropriat illum sibi ipsi et non patri eius ».

Possedi hominem per Deum.

Variae expositiones huius loci iuxta Hebraeos.

At vero, si recte inspiciatur, aliud praeseferre locus hic conspici videtur. Ait enim: *Acquisivi hominem, sive virum* אֶת־יְהוָה, idest *Dominum* τετραγράμματος²²; ut sit sensus: virum acquisivi, qui

Videtur quod Eva, sciens ex promissione Dei Messiam venturum,

18) Op. cit. f. 6*.

19) Cf. Nachmanides h. l.

20) Op. cit. f. 35*.

21) Cf. Gn 2, 23.

22) Ms.: *Tetragrammaton*, et infra. *Helvicius*: « Audiamus Pareum: Sic inquit in postrem. Comment. Gen. p. 665. A Domino; hebr. אֶת יְהוָה; LXX δὲ θεοῦ. Sic omnes Graeci et Latini Interpretes, Hieronymus, Ambrosius. Chrysostomus, Augustinus. Onkelos, *Coram Domino*, q. d. Divina ope enixa sum filium. Alii, A Domino, sic agit gratias Deo, donum eius agnoscens. Alii, *Domino*, q. d. Qui nobis defunctis in cultu succedet. Alii, *Dominum*, quod promissum illud semen, Christum Redemptorem, se iam peperisse putavit mater ». *Desiderium Matris Evae, Critici Sacri*, t. 1, part. 2, in calce *Deuteronomi*, pag. 3. *Pagnini*: « *Acquisivi virum Dominum*: Nonnulli per accusativum exponunt: ipsum Dominum..., iuxta sententiam Caballicorum, quasi se putaret Chavam peperisse Messiam ». Op. cit. sub radice: קָנָה, col. 2467.

est Dominus τετραγράμματον. Quo autem id clarius elucescat, illius, quod supra ad serpentem Dominus dixit, advertendus est animus, dum ait: *Inimicitias ponam inter te et mulierem et semen tuum et semen illius, ipsum conteret tibi caput* ²³. Ex quibus verbis deprehendit mulier Messiam esse venturum redemptorem, qui caput diaboli contereret ipsumque hominem ab eius captivitate et crudeli tyrannide liberaret. Deprehendit etiam hunc Messiam redemptorem non purum hominem fore, cum diabolus fortem armatum venturus esset vincere ac superare eiusque arma diripere ²⁴: omnis autem homo natura et virtute multo imbecillior est diabolo; adde quod omnis homo iam in diaboli redactus erat potestatem eiusque servus constitutus. Sed futurus erat Deus verus de Deo vero et perfectus homo, *sanctus, innocens, impollutus, segregatus a peccatoribus et excelsior coelis factus* ²⁵: qui tamen ex eius propagatione erat nasciturus ac eius semen, mulieris scilicet, futurus; et secundum quod homo futurus erat, perfectus *vir* dicitur: secundum vero quod Deus, יהוה, nomen ineffabile soli Deo conveniens.

qui simul
Deus et homo
futurus erat,

alucinatione
ducta, existi-
mavit hunc
esse Cain, et
ideo vocavit
eum posses-
sionem Dei.

Eva ergo existimans hunc suum primogenitum fore, ingenti gaudio perfusa, dum suum primogenitum peperit, ait: *Acquisivi virum Deum* τετραγράμματον. Recte Messiam et *virum* et *Deum* τετραγράμματον vocat; utroque enim nomine per Ieremiam Christus insignitus est. *Vir* enim ab eo vocatur dum inquit ²⁶: *Novum creavit Dominus super terram, femina circumdabit virum*; alio autem in loco Dominum eum τετραγράμματον vocat, dicens: *Et hoc est nomen quod vocabunt eum: Dominus τετραγράμματον iustus noster* ²⁷. Cum autem id verissime esset futurum, in verborum intellectu nihilo decepta est mulier; in eo autem alucinata est, quod hunc filium suum primogenitum putavit, Cain scilicet.

Cum autem eum parentes, praeter spem, pravis moribus perversum agnoverunt, novam alteram inchoarunt nativitatem et genuerunt Abel. Hoc est quod sequitur:

Rursumque peperit fratrem eius Abel.

Quam facile humanum iudicium alucinatur, hic apparet!

Advertendum hic Abel non cum א ²⁸ in hebraeo scribi, sed

23) Gn 3, 15. Ex hebraico.

24) Cf. Lc 11, 21-22.

25) Hebr 7, 26.

26) 31, 22.

Vulg.: *Creavit Dominus novum*, etc.

27) 23, 6.

28) Ms.: Aleph et: He, sic et infra.

cum ׀: unde vanitatem, non luctum significat, ut multi falso dicunt²⁹; luctum enim significaret si cum ׀ scriberetur: אַבֶּל; modo non sic scribitur, sed cum ׀: הַבֶּל, vanitas, iuxta illud: *Vanitas vanitatum*³⁰, ubi est: הַבֶּל. Primi enim parentes primogenitum suum Cain, idest acquisitionem vel possessionem vocaverunt; secundogenitum Abel, idest vanitatem. Quod etsi apud hominem ita fuit – nam Cain permansit quidem in terra filiosque possedit et terrae bona acquisivit, cum Abel occisus a fratre ab oculis hominum evanuerit, – apud Deum vero aliud omnino futurum erat. Abel enim Dei futura erat possessio propter innocentiam, iustitiam, fidem et caritatem; Cain autem vanitas et nihil ante Deum, ad quem *et ad eius munera non respexit*³¹: et demum suorum facinorum merito damnatus est. In his autem duobus fratribus iustos ac impios, tanquam in evidenti simulacro, licet contemplari.

Filius, qui secundo genitus est, Abel vocatur, idest vanitas.

Ex eo autem quod hic non additur: *concepit* sed tantum: *rursumque peperit*, Hebraeorum nonnulli existimant³² Cain et Abel gemellos fuisse fratres; id autem parvi momenti est. Alii autem dicunt³³ semper gemellos natos fuisse, marem scilicet et feminam, tum in primo tum in secundo partu, cum Scriptura dicat Cain uxorem suam cognovisse, nulla de eius nativitate habita mentione; sed sororem suam, quae una cum eo nata est, eius fuisse uxorem; quod nec mihi displicet. Quod autem nonnulli ipsorum dicunt³⁴ hos fratres in paradiso natos fuisse, non postquam inde eiecti sunt, cum id Sanctis Doctoribus non placeat³⁵, nec ipse probo, sicut nec a multis eorum probatur, etsi omnium fere Hebraeorum par sit consensus³⁶ Adam statim cognovisse uxorem suam, ut de ligno vetito comedit, cum se in medias arbores absconde-

Aliqui asserunt Cain et Abel gemellos fuisse; alii autem in primo et secundo partu marem et feminam natos gemellos fuisse.

Probanda non videtur sententia eorum

29) Cf. Origenes *Comment. in Matth.*, (P. G. 13, 1635); Eusebius Caesar. *Praeparat. Evang.*, lib. 11, cp. 6, ibid. 21, 859; Io. Zonara *Annales*, lib. 1, ibid. 134, 38; S. Hieronymus *Graeca Fragmenta, Libri Nominum Hebraicorum, fragm. 3*, (P. L. 23, 1166); *Lexicon Graecum Nominum Hebraicorum*, ibid. col. 1204; *Lib. Nominum Hebraicorum*, ibid. col. 1282.

30) Eccle 1, 2. 31) Gn 4, 5. Vulg.: *Ad munera illius*, etc. 32) Cf. Rab. Salomon, qui refert aliorum Hebraeorum opiniones. Op. cit. f. 6^a.

33) Cf. *Bereshit Rabba*, XXII, 2-3, pag. 205-206; Nic. Lyranus op. cit. f. 46^a; Alph. Tostatus op. cit. f. 25^a. 28^a; Io. Menochius op. cit. pag. 5; Aptowitz op. cit. pag. 1. 94.

34) Cf. *Pirke Rabbi Eliezer*, cp. 21; Nic. Lyranus op. cit. f. 44^b. 48^b; Alph. Tostatus op. cit. f. 25^b. Caletanus op. cit. pag. 36, annot. F. A. Fonseca.

35) Cf. S. Io. Chrysostomus *Hom. 18 in Gen.*, (P. G. 53, 153); Procopius *Comment. in Gen.*, ibid. 87, 234; S. Hieronymus *Adversus Iovinianum*, lib. 1, (P. L. 23, 235); S. Augustinus *De Genesi ad Litteram*, lib. 9, cp. 4, ibid. 34, 396; S. Beda *Hexaem.*, lib. 2, ibid. 91, 63; Remigius *Comment. in Gen.*, ibid. 131, 68.

36) Cf. cp. 3, pag. 270, not. 56. De his opinionibus cf. etiam Ginzberg op. cit. V, pag. 134, not. 4.

qui dicunt
Cain et Abel
in paradiso
natos fuisse.

runt^{36*}. At quomodo in tanto timore id potuerunt efficere? Quapropter quae hic dicuntur eo ordine gesta esse existimo, qua hic serie narrantur; et sicut postquam de paradiso eiecti sunt haec dicuntur, ita etiam post eiectionem haec facta esse.

Vr. 2

Fuit autem Abel pastor ovium et Cain agricola.

Textus Hebraicus: *Et fuit Abel pastor ovium et Cain fuit colens terram.*

Chaldaicus: *Vir colens terram.*

*Fuit autem
Abel pastor,
etc.*

Abel oves pascebat, non ut carnes comederet, sed ad lactis usum, et ad sacrificia, et ad vestes conficiendas ex lana et pellibus earum.

Cum, ex Domini sententia³⁷, omne hominum genus in sudore vultus panem erat comesturum, hinc, cum ex primis parentibus filii nati Scripturae serie propositi sint, statim quae eorum exercitia fuerint, quibus alimenta lucrarentur ad vitam agendam, narratur: *Fuit, inquit, Abel pastor ovium*; innocens, simplex et humilis, quae etiam patriarcharum vita fuit, qui viros ovium pastores se esse dixerunt³⁸. *Cain autem vir colens terram.* Rabbinus Abrahamel notat hic³⁹ quod Cain accepit sibi artem ad colendam terram, propterea quod non fuit timens Deum et non curavit maledictionem terrae: *Maledicta terra propter te*⁴⁰: quae dicitur Adam patri suo.

Dubitare autem quis posset: cum carniū esus non esset laxatus, ad quid Abel oves pascebat? Sed oves non ad esum tantum sunt carniū, sed ad lactis usum, qui non prohibebatur; propter lanam et pelles, quibus vestiebantur; tum demum propter sacrificium, sicut infra legimus Abel de pinguibus gregis sui Domino obtulisse.

Vrr. 3-5

*Factum est autem post multos dies ut offerret Cain de fructibus terrae munera Domino; Abel autem obtulit de primogenitis gregis sui et de adipibus eorum, et respexit Dominus ad Abel et ad munera eius; ad Cain autem et ad munera eius*⁴¹ *non respexit; iratusque est Cain vehementer et concidit vultus eius.*

Textus Hebraicus: *Et fuit a fine dierum, obtulit Cain de fructibus terrae oblationem Domino; et Abel etiam ipse obtulit de primogenitis gregis sui et adipem earum, etc. Et conciderunt vultus eius.*

Paraphrastes Chaldaicus ita prorsus, nisi in hoc: *Et fuit voluntas, sive beneplacitum a conspectu Domini in Abel et in*

36*) Cf. Gn 3, 6-10.

cit. f. 35*.

37) Cf. ibid. vr. 19.

40) Gn 3, 17. Ex hebraico.
ad Cain vero et ad munera illius, etc.

38) Cf. ibid. 46, 34; 47, 3.

39) Op.

41) Vrr. 4-5. Vulg.: Abel quoque obtulit...

oblatione eius ; in Cain autem et in oblatione eius non fuit beneplacitum, sive electio, vel cor; et exarsit ira Cain vehementer et conciderunt vultus eius.

Theodotio transtulit ⁴²: *Et inflammavit Dominus super Abel*, etc.

Hebraeorum nonnulli ⁴³, inter quos Rabbini Abraham el ⁴⁴, hunc locum ita exponunt quod, « cum posuerit Scriptura horum fratrum exercitia, orta fuit contentio inter eos, quodnam opus et ars melior esset et Deo acceptior. Cain enim dicebat quod melius erat ut esset colonus terrae, dans escam omni carni ^{44a}, quia omnia alia indiguissent eo, ipse autem non indiguisset illis: quod est magnus honor; et quod in opere suo essent multae species tum plantarum tum fructuum et plura alia. Abel autem e contra dicebat quod eius ars esset magis honorabilis, quam ars Cain, quia opus Cain esset tantum vita vicens, ut sunt germina, plantae et fructus: opus autem suum esset vita sensuque vicens et praestans, eo magis quod terra in opere suo esset maledicta homini et spinas ac tribulos germinaret ⁴⁵. Veruntamen pastura gregum non fuit maledicta, et propterea obtulit primogenita gregis sui et adipēs eorum ad ostendendum perfectiones et benedictiones eorum, quia erant in eis, quae mandi poterant, praeter carnem, butyrum et lac cum lacticiniis. Praeterea est negotium et regimen et honor bonus in semetipso, adeo ut Deus nuncupandus sit pastor Israel ⁴⁶, et Sancti Patres ⁴⁷ et David ⁴⁸ rex futuri sunt pastores et nullus eorum colonus terrae. Cum ergo esset haec contentio inter eos, dixerunt: Videat Deus et iudicet. Et propterea uterque obtulit sacrificia et oblationes Domino de fructibus artis suae: *Et respexit Dominus ad Abel et ad munera eius*, mittendo ignem de coelo super ea, et non super Cain et munera eius »; vel, secundum Rabbini Levi ben Gherson ⁴⁹, benedicendo Abel et non Cain et opera eius. Haec est Hebraeorum expositio.

Nos vero ita exponimus. Cum primus homo Deum Optimum Ma-

Factum est autem post multos dies, etc.

Iuxta Hebraeos aliquos, inter Cain et Abel contentio orta est circa excellentiam respectivae artis.

Qua de re iudicio Dei invocato, sacrificia obtulerunt.

Deus vero respexit, seu acceptavit sacrificium Abel, Cain vero respuit.

42) Cf. Origenes *Hexapla*, (P. G. 15, 182).

43) Cf. Ginzberg op. cit. V, pag. 138-139, not. 17; Aptowitzer, op. cit. pag. 9-29.

44) Op. cit. f. 36^a. 44a) Cf. Ps 135, 25.

45) Cf. Gn 3, 18.

46) Cf. Ez 34, 10-16.

47) Cf. Gn 3, 7; 26, 20; 29, 3 sqq.; 46, 34; Ex 3, 1; Am 1, 1.

48) Cf. 1 Rg 16, 11; 17, 15. 34; Ez 34, 23.

49) *Tohliot*

RaLBaG, seu *Commentum in Pentateuchum* Rabbin Levi ben Gherson, h. l. sine numeratione folii, et apud Rabbinum Abrabanel op. cit. fol. 36^a.

Tenendum est
Adam, cum
sciret se esse
nedum pa-
trem, sed et
hierarcham
generis huma-
ni et institu-
torem,

non tantum
ea, quae ad
vitam materia-
lem, sed et
quae ad re-
ctam vivendi
rationem et ad
divinum cult-
um spectant,
docuisse,

et praecipue
Domino sacri-
ficia offerre.

Duplex
est sacrificium:
internum,
quod est
mentalis obla-
tio sui ipsius
Deo facta;

externum, cum
id quod mente
agitur, externe
ostenditur ora-

ximum ab omnibus hominibus supremum dominum summumque dominatorem agnosci debere eumque sacro cultu et summa adoratione colere ac vereri honoribus summis, Deo interius mentem illustrante, cognovisset: cumque nedum se totius propagandae posteritatis patrem, a quo omnis homo originem traheret, sed et principem quoque ac hierarcham totius humani generis agnosceret, quibus deberet vitae instituta praebere, vivendi rationem, bonos mores sacramque religionem pietatemque in Deum et ea, quae divini iuris sunt: non solum primores filios suos artium rationem docuit, quibus victum ad corporalem vitam sustentandam lucrarentur – nam Cain terrae colonus factus est, *Abel* autem *pastor ovium*, – sed eos quoque sacrae religionis, divini cultus pietatisque in Deum leges iuraque instruxit ⁵⁰; primo, ut summum Deum agnoscerent eumque mente et corde, in *spiritu et veritate* ⁵¹ adorarent summisque honoribus venerarentur et omnium, quae a largissima eius manu accepissent, munera ei tanquam omnium largitori offerrent pro suis piaculis, victimas sacrificarent litarentque hostias pro impetrandis votis eoque propitiando. Fratres ergo hi paternarum institutionum non immemores, nec surdi auditores, sed factores operum ⁵², pro divino cultu munera Domino obtulerunt oblationesque suas, tanquam summi altissimique Dei sacerdotes ac divinae religionis cultores, sanctificaverunt.

Ad luculentiores autem huius loci intelligentiam advertendum animo est primo, quod huiusmodi oblationes a Septuaginta nunc *δῶρα*, idest munera, nunc *θυσία* dicuntur, idest sacrificia. Quare videndum est quid in causa fuerit ut huiusmodi sacrificia instituerentur et quid proprie sacrificium sit et quotuplex. Statuendum autem principio est duplex esse sacrificium: unum *internum*, alterum vero *externum*. Et *internum* quidem nihil aliud est, quam mentalis quaedam devotio et oblatio sui ipsius facta Deo in recognitionem supremi dominii. *Externum* vero est, cum id, quod mente agimus, etiam externe significamus atque ostendimus: aut voce, et haec est oratio: aut abstinentiis et morti-

50) Cf. S. Athanasius *De Decretis Nicaenae Synodus*, (P. G. 25, 431); Petrus Comestor *Historia Scholastica*, lib. Gen., cp. 27, (P. L. 198, 1077); Nic. Lyranus op. cit. f. 45^a; Alph. Tostatus op. cit. f. 26^a; Caletanus op. cit. pag. 36, annot. A. Fonseca.

51) Cf. Io 4, 23.

ficationibus affligimur: vel denique martyrio, quod summum sacrificium est: aut cum externorum bonorum partem aliquam Deo offerimus in signum confessionis et laudis ac in debitum et recognitionem suorum erga nos beneficiorum, cum ab illo sint cuncta, quae habemus et possidemus.

tionem, mortificationem, martyrio, et tandem bonorum exteriorum oblatione.

Haec autem bona externa quae offerimus, sacrificium proprie non sunt, nisi aliquid circa illa fiat, quo sacra reddantur; profanae enim sunt res externae; unde oportet eas prius sacras fieri: deinde offerri in sacrificium. Sacrificium enim est quid sacrum factum; et sacrificare, rem sacram, iuxta vocis etymon, facere. Hinc pro sacrificare, rem divinam facere Latini dicunt. Quapropter ad huiusmodi res Deo digne offerendas, sacri ritus, orationes sanctae, sacramentales ceremoniae a Deo et ab Ecclesia institutae sunt, sicuti et in Veteri quoque Lege fiebat ⁵³.

Ut res externae Deo offerri possint, prius oportet eas sacras facere, cum per se profanae sint.

Ad hoc institutae ceremoniae quaedam a Deo et Ecclesia fuerunt;

In internis autem sacrificiis necesse non est quidquam circa ea fieri, quo sacra reddantur; iam enim per adeptam gratiam sacra est mens nostra simulque eam et sacramus et offerimus, cum in Deum elevamus: cum etiam corpora nostra per gratiam sanctificentur – sunt enim, iuxta Apostolum ⁵⁴, nostra membra Christi membra et corpora nostra templum Spiritus Sancti ⁵⁵, – de his quae circa nostrum corpus fiunt, idem iudicium est.

quae non requiruntur in sacrificiis internis, quia per gratiam et mens sacra est et corpus sanctificatum.

Advertendum praeterea est non esse unum dumtaxat sacrificiorum finem. Est enim sacrificium merae laudis et confessionis ac gratiarum actionis, cum per illud profiteamur nos Deo esse subiectos, sicut erat in Veteri Lege sacrificium תודה תרומה ⁵⁶, idest laudis et elevationis. Est et sacrificium expiationis et placationis, quo ira Dei et indignatio eius in nos ad nostra punienda peccata et divinae offensionis vindictam suffertur; et hoc *sacrificium pro peccato* ⁵⁷ dicitur peccatumque praesupponit. Imo peccatum praecipue in causa fuit, ut haec in-

Multiplex sacrificii finis: in laudem Dei et gratiarum actionem, ad expiationem peccatorum et divinae indignationis placationem.

53) Cf. Ex 29, 1-30, 1 sqq.; Lv 1, 1-2, 1 sqq.; 16, 6 sqq.

54) Cf. 1 Cor 6, 15. 19.

55) Cf. ibid. vr. 19; 2 Cor 6, 16.

56) Ms.: Toda–Theruma. Cf. Ps 49 (hebr. 50), 23; 106 (hebr. 107), 22; 115 (hebr. 116), 17; 2 Par 23, 16; Ez 45, 13. תודה enim, idest laus et confessio, significat sacrificia quae fiebant laudibus et gratiarum actionibus; תרומה autem, exaltatio et elevatio, ea quae Deo offerebantur, in altum elevando res oblatas.

57) Cf. Lv 4, 1 sqq.; 7, 1 sqq.

stituerentur sacrificia. Cum enim totum genus nostrum esset sub peccato et inimicum Deo, necessarium fuit sacrificia quaedam institui ad eluenda peccata.

Nemo digne poterat Deo sacrificia offerre, quia ob peccatum omnes Dei inimici erant; res quoque offerendae profanae et sub maledicto.

At cum omnes inimici Dei constituti essemus ⁵⁸, quis hominum unquam Deo placens et factus dilectus ⁵⁹ inveniri potuit, qui coram eo assisteret ac sacerdotio fungeretur ac sacrificare idoneus, quod est rem sacram facere, meritoque hanc potestatem habere potuisset, cum unusquisque Deo esset odibilis, in peccatis conceptus et natus ⁶⁰? Aut quid unquam Deo acceptum offerre potuit quis, quod Deum placare et propitiare valuisset, cum nedum nos ipsi, sed et cuncta nostra profana essent et sub maledicto ⁶¹?

Unus tantum inventus est natura merito maledicti immunis, qui ideo designatus est hostia et sacrificium ac sacerdos pro nobis, *qui peccatum non fecit, nec dolus inventus est in ore eius* ⁶², et *oblatus est quia ipse voluit* ⁶³ et *peccata nostra ipse portavit* ⁶⁴. Unicum ergo pro totius mundi delendo ac abolendo peccato undequaque perfectum inventum est sacrificium, Christi videlicet sanctissima et innocentissima caro in ara crucis Deo per passionem et cruentam mortem offerenda, ut Christus *semetipsum offerret immaculatum Deo* ⁶⁵ hostiam pro peccato, in redemptionem totius humani generis: sicut et fecit in cruce, cuius sacrificii virtus per universum mundum omni tempore extenderetur.

Eius sacrificii virtus utpote infinita et perpetua, nedum ad praesens et futurum, sed et ad retroacta tempora protrahitur.

Licet enim sacrificium illud ad modicum tempus duravit, eius tamen virtus perpetua est ac infinita, quae exauriri non potest, et ad omne tempus expansa. Hinc enim dicitur: *Christus Iesus heri et hodie . . . et in saeculum* ⁶⁶; quoniam eius sacrificii virtus, nedum ad praesens et futura tempora protracta est: sed retroacta etiam ad superiora tempora in praescientia et praevidentia Dei ac Sanctorum Patrum fide vim habuit atque omnia sacrificia veterum Patrum, sive quae in lege sive quae ante legem praecesserunt, veluti typis et figuris sacrificium istud repraesentabant.

Nec ad emundationem et expiationem peccati coram Deo ex pro-

58) Cf. Rom 5, 10.

59) Cf. Sap 4, 10.

60) Cf. Ps 50, 7.

61) Cf. Gal 3, 10.

62) 1 Petr 2, 22. Vulg.: *Nec inventus est dolus.*

63) Is 53, 7.

64) 1 Petr 2, 24.

Vulg.: *Pertulit.*

65) Hebr 9, 14.

66) Ibid. 13, 8. Vulg.: *In saecula.*

prio merito et virtute quidquam valebant; impossibile enim erat, teste Apostolo⁶⁷, sanguine animalium auferri peccata, quamvis irregularitates et immunditias, ex transgressione legis contractas, coram hominibus eluebant⁶⁸; huius tamen hostiae, quam referebant, vigore poterant absque dubio expiare peccata. Hinc est quod, Archipropheta teste⁶⁹, Christus Iesus, agnus innocens et immaculatus, ab origine mundi passus dicitur; per fidem enim venturi Salvatoris ex merito futurae eius passionis a Deo praevisae et in sacrificiis illis cruentis repraesentatae, Sancti Patres a Deo instructi ut id crederent et sperarent, in sensibilibus illis sacrificiorum signis gratiam accipiebant et a peccatis expiabantur⁷⁰.

Hoc pacto divina Sapientia *illum, qui primus formatus est...*, *eduxit a delicto suo*^{70a}. Adam enim, accepta Redemptoris et Salvatoris promissione a Deo⁷¹ in verbis Dei ad serpentem, ut nos supra explicuimus⁷², sacrificium Deo obtulisse creditur, ad sui peccati expiationem. Nam praeter ea, quae nos supra diximus⁷³, eum scilicet carnes illorum animalium Deo in sacrificium litasse, ex quorum pelibus tunicas ei et uxori Dominus fecit, Cabalistica traditio habet⁷⁴ eum, post angelicam consolationem et futurae liberationis et salutis spem acceptam, in gratiarum actionem erecto altari sacrificasse et iuvenum Deo obtulisse; quod etsi Scripturis Sacris commendatum non sit, verissimum tamen puto.

Quare omnia V. Testamenti sacrificia hoc solum repraesentabant et ex hoc virtutem remittendi peccata mutuabant.

Hoc modo Adam ipse, statim ac accepta promissione Salvatoris, creditur sacrificium obtulisse et sui peccati remissionem obtinuisse.

67) Ibid. 10, 4. 68) Cf. Lv 12, 6-8; 14, 1-32; 15, 14 sqq. 69) Cf. Is 16, 1; 53, 7. 70) Cf. S. Rob. Bellarminus *Controversiae Christianae Fidei, De Effectu Sacram.*, lib. 2, cp. 16, t. 3, col. 152; *De Missa*, lib. 2, cp. 12, ibid. col. 796-797. 70a) Sap 10, 1-2. 71) Ms.: Dei. 72) Cp. 3, pag. 288-290. 73) Ibid. pag. 313-314. 74) Cf. *Talmud, Sciabbad*, f. 28b; *Holin*, f. 60a; *Aboda Zara*, f. 8a, ubi loquitur de hoc sacrificio et dicitur etiam iuvenum illum cornu habuisse in media fronte. *Pagnini*: קַבֵּל, idest Cabal, quod est suscipere, recipere, acceptare, excipere,

perceptum ab alio habere, unde Cabala Doctrina, per manus accepta, et oretenus ab aliis ad alios transfusa. Sic volunt Paulum *Ad Galatas* 1, dicere: *Si quis vobis aliud Evangelium annuntiaverit, praeter id quod accepistis...*; et rursum: *Neque ab homine accepti...* Syriacum est: unde fere non nisi in libris captivitatis invenitur... Hinc non est dubium, ut dixi, קַבֵּל ductum quasi receptionem, hoc est, receptam doctrinam dicas, doctrinae genus, quod non litteris mandabatur, sed viva voce tradebatur. Παράδοσις, idest Traditionem videntur postea Graeci appellasse. Haec de rebus seriis erat et toto Dei cultu et mysteriis magnis, quam posterum et regereorum more, et litterarum aut nominum inversiones, transmutationes, seu transformationes et anagrammatismos mutarunt, ne quid de impio deinceps invecto abusu dicam. Sic primum Cabalae nomine, quod viva voce a primis illis Patribus, et deinceps a viris sapientibus acceptum erat, vocarunt; ut nomine *Midras*, quod in scripta redigebatur. Op. cit. sub hac radice, col. 2400.

Id tradunt
Hebraei, licet
in Scriptura
non memore-
tur, ne Adam
putaretur
radix et
origo iustitiae,
quod erat
Christi.

Cur autem in Scripturis sacrificium, quod Adam primus obtulit, non commemoretur, in causa fuisse existimo, ne sicut ipse radix et origo peccati in omnes notatus fuit, ita etiam radix et origo sanctitatis in omnes, quod erat Christi, designaretur. In Scriptura enim Adam fere in omnibus gestabat personam omnium; sed nato peccato et nova ratione status instituta, ipse consideratus est ut privata persona, et ideo sacrificavit pro se et uxore sua, velut quilibet sacerdos, non ut caput et origo omnium; atque eo sacrificio ipse et uxor eius a peccato emundati sunt.

Respexit Do-
minus ad Abel
et ad munera
eius,

Et ad peccati expiationem sacrificium institutum est, alioquin ad divinum honorem; et hoc pacto filios suos sacrificare docuit et munera Deo offerre. Quare filii a patre instructi munera et sacrificia Domino obtulerunt: et Cain quidem, quoniam terrae colonus erat, *de fructibus terrae* munera obtulit; *Abel autem pastor ovium, de primogenitis gregis sui et de adipibus eorum; et respexit Dominus ad Abel et ad munera eius; ad Cain autem et ad munera eius non respexit. Non personarum acceptor est Deus*⁷⁵, sed unumquemque ex merito iudicat.

quia eius
sacrificium
externum
iungebatur
interno;

Sed cur placuit Deo Abel et munera eius, Cain autem minime? Memorandum hic est quod paulo ante diximus⁷⁶, quod sacrificium duplex est: internum scilicet et externum; et prius ac magis internum a nobis exigit Deus, quam externum; nec istud illi unquam placere poterit sine illo; et si illud non placet, nec istud placebit unquam. Quoniam ergo Abel semetipsum prius Deo omni cum mentis devotione obtulit fuitque eius persona accepta Deo, ideo et ad ipsum et ad munera eius respexit Deus, inflammando super eum et munera eius, quod est manifestum signum divinae acceptationis; sicut de sacrificio Noe creditur⁷⁷, et de sacrificio Gedeonis, in libro *Iudicum*⁷⁸, et Salomonis, in libro *Paralipomenon*⁷⁹, et Eliae⁸⁰; idem in holocausto Aaron⁸¹ manifeste apparet. Quoniam vero Cain Deo non placuit, nec eius munera placuere.

ideo ignem
de coelo misit
in signum
acceptationis,
sicut pluries
accidit in V.
Testamento.

Ad Cain au-
tem non re-
spexit, nec mu-

Cur autem persona quidem Abel Deo placuerit, persona autem Cain minime, respondet D. I o a n n e s in 1 sua *Canonica*, dicens⁸² quia Cain *ex maligno erat* . . . et eius opera erant mala, fratris autem

⁷⁵) Act 10, 34. Vulg.: *Non est personarum*, etc.

⁷⁸) Cf. 6, 20-21.

⁷⁹) Cf. 2 Par 7, 1.

⁷⁶) Pag. 342-343.

⁸⁰) Cf. 3 Rg 18, 38.

⁷⁷) Cf. Gn 8, 20-21.

⁸¹) Cf. Lv 9, 4.

⁸²) 3, 12. Vulg.: *Opera eius maligna erant* . . . , iusta.

eius bona, quia ex Deo erat. Esse ⁸³ autem *ex maligno* nihil aliud significare videtur, quam esse ex diabolo, iuxta illud Domini: *Vos ex patre diabolo estis et opera patris vestri vultis perficere* ⁸⁴. Esse autem ex diabolo non secundum naturam intelligendum est, cuius auctor est Deus, sed secundum pravos mores et mala opera, quorum inventor est diabolus: ac propterea peccatorum pater dicitur; ab ipso enim omnis iniquitas traxit originem. Abel autem per fidem et caritatem Dei filius erat.

Apostolus ad Hebraeos aliam videtur assignare rationem, dicens ⁸⁵: *Fide Abel copiosiore hostiam quam Cain obtulit Deo, per quam testimonium consecutus est quod esset iustus, testimonium perhibente de muneribus eius Deo, et per illam defunctus adhuc loquitur*. De fide Christi loquitur, quod crediderit Abel in Christum venturum ac propterea primogenita gregis sui Deo obtulerit in sacrificium agnos immaculatos, quo in sacrificio Christum et eius passionem agnoscebat, venerabatur et adorabat. Cain autem infidelis fuit, nec fidem Redemptoris habuit; quapropter Deo placere non potuit et Deum quidem ut Creatorem credebatur et venerabatur, quod fere certo sciebatur in origine illa mundi, Redemptorem autem non credebatur, nec praestolabatur; iccirco de *fructibus terrae* obtulit, in quibus creatio, non redemptio elucet.

nera eius acceptavit, quia ex diabolo erat, et pravi eius mores.

Abel Deo placuit, quia in Christum venturum credens, primogenita gregis sui obtulit;

Cain autem non placuit, quia, etsi in Deum Creatorem, non tamen in Redemptorem credebatur,

et forte nec de melioribus fructibus terrae offerebat.

Hinc invidia et ira in fratrem exardescere coepit.

Deinde quantum ad rationem oblationis, Scriptura dicit quod obtulit *de fructibus terrae*; non de primitiis fructuum, non de electis et melioribus, quae Deo debentur, sed de fructibus quasi communibus et forte etiam corrosis vel vilibus; unde fructus terrae quasi viles dicuntur. Abel autem *obtulit de primogenitis gregis sui* et de pinguibus eorum: *וּמִחֶלְבֵּהֶן*, idest *de adipibus eorum*; *חֵלֶב* enim *adipem* significat: vel *de electis et optimis earum*; ea enim vox *electum* etiam et *optimum* significat. Merito ergo *respexit Dominus ad Abel et ad munera eius, ad Cain autem et ad munera eius non respexit*. Cain autem, innocentis fratris gratiae invidens, *iratus est vehementer et concidit vultus eius*. Invidia enim et iram et moerorem parere solet; propterea dicitur concidisse vultus eius propter tristitiam et dolorem.

83) Ms.: *Esset*.

84) Io 8, 44. Vulg.: *Desideria... facere*.
hostiam Abel... esse iustus.

85) 11, 4. Vulg.: *Plurimam*

Erit sublevatio, sive *elevatio*; unde hunc videtur praeseferre sensum: concidit, inquit, facies tua, quod ego ad Abel fratrem tuum et ad munera eius respexerim; non autem ad te et ad munera tua. Hoc autem ideo feci, quia opera fratris tui bona sunt. Ne ergo irascaris neque tristeris, quod fratrem tuum praeposuerim tibi quodque eum tibi praelatum videas. Nam si et tu, sicut ipse, bene operatus fueris, *erit sublevatio*, idest exaltatio et praelatio: ut sicut fratri tuo natu maior es eumque natura praecellis, ita etiam honore et dignitate praestabis, et tunc laetaberis ac exultabis, ita ut facies tua, quae nunc prae tristitia et moerore concidit, prae laetitia et exultatione elevetur cum hilaritate.

et poeniteat et convertatur, ac sic misericordiam mereatur et cordis laetitiam recuperet.

Sed adhuc alium sensum habere potest. Etenim ea vox: [שאת], remissionem etiam sonat, ut sit sensus: ad fratrem tuum et eius munera respexi, propter eius bona opera; ad tua autem nequaquam, quia opera tua mala sunt. Sed nonne, si tu conversus fueris a via tua mala⁸⁸ et *fructus dignos poenitentiae*⁸⁹ egeris beneque operatus fueris, erit remissio, idest remittentur tibi peccata tua⁹⁰, et tunc respiciam ad te et ad munera tua?

Nonne, si bene egeris, etc. Haec verba insinuant arbitrii libertatem et praedestinationis ac reprobationis contingentiam.

Locus iste manifestissime et absque omni tergiversatione arbitrii libertatem demonstrat et praedestinationis ac reprobationis contingentiam. Nam Cain quidem praedestinatus non fuit; Dominus tamen dixit quod, si bene egisset, mercedem recepisset aeternamque damnationem, quae reprobatorum est, evasisset. Unde R a b b i n u s M o y s e s H a d d a r s h a n⁹¹ hunc locum ita exponit: *Nonne, si bene egeris, recipies benedictionem; si autem non bene egeris, recipies maledictionem? Sin autem male, statim in foribus peccatum tuum aderit.* Dura profecto explicatu sententia!

Ut autem locus hic intelligatur, videndum nobis est quid *peccati* nomine, quidve *ostii* vocabulo intelligendum sit. *Peccatum* proprie actus quidam est pravus et inordinatus, qui a nobis propria voluntate fit contra Dei praeceptum et voluntatem. Hic autem actus, etsi cito transit, manet tamen macula animam inficiens, manet reatus,

Per peccatum intelligitur actus voluntarius contra Dei legem; et etiam macula, reatus et poena;

88) Cf. Ez 3, 18-19.

89) Lc 3, 18.

90) Cf. Mt 9, 2; Lc 5, 20; 7, 48.

91) Rab. Moyses Haddarshan, idest Praedicator. *Comment. in Pentat.* huius Rab. ineditum est, sed certe notum clarissimo eius discipulo Rab. Salomoni Iarchi, seu Raschi, qui frequenter magistrum citat in suis commentariis. Cf. Io. B. De Rossi, *Dizionario degli Autori Ebrei*, t. 2, pag. 65.

necnon et ipsa
concupiscen-
tia, quae ad
peccatum sem-
per allicit.

manet peccati conscientia, manet tandem poena luenda, in quibus effectibus cum peccatum quodammodo vivat, etiam ipsi plerumque peccati voce designantur. Nonnunquam vero peccatum dici solet ipsa concupiscendi libido, quae ab actu peccati non extinguatur, sed crescit; quae ad ostium, sive fores voluntatis semper cubat pulsans, idest ad malum semper deprecans, alliciens et propense inclinans. Per *ostium* aliquando notum quid ac evidenter manifestum designatur, quemadmodum dici solet: « ab ostiis quis errabit? » ⁹² Nonnunquam vero in Scripturis Sacris *ostii* nomine iudicium significatur tum temporale ⁹³, tum novissimum ac finale ⁹⁴; solebant enim antiquitus in portis civitatis iudicia haberi ⁹⁵.

Per *ostium*
significatur
conscientiae
remorsus
semper excru-
cians ac ani-
mum lacerans,

His sic positis, exponitur primo locus: *Si male egeris*. Haec sunt peccata, actus mali contra Dei mandata perpetrati: *Peccatum tuum cubabit ad ostium*, idest conscientia peccati tui excubabit ad fores, idest cogitationes cordis tui te semper arguent. Scelere enim et flagitiis polluti excruciamur a conscientia, quae ad nostri cordis fores semper excubat, et quidquid agimus aut molimur, illico nobis praesto est, neque laetos unquam esse permittit; quae neque ad tempus unquam desaevit: sed post multa temporum spatia ad plectendum lacerandumque animum revertitur. Quare et fratres Ioseph, post multorum annorum excursa tempora, ad admissi sceleris memoriam revocavit multarumque calamitatum eis metum iniecit ⁹⁶. Sensus iste verissimus est; sed, meo iudicio, non valde a littera intentus.

Aliter exponitur: *Si male egeris, peccatum tuum cubabit ad ostium*, idest mihi erit notissimum, sicut quae in palam sunt ante ostiorum fores.

vel conscientia
accusans, iudi-
cium et con-
demnationem
pro peccato
expetens.

Tertio exponitur: *Si male egeris, peccatum tuum ad ostium excubabit*, idest peccati tui conscientia et reatus ad poenam, ad iudicium vigilabit, ut a te dignas poenas exigat et tuametipsa conscientia in iudicio accusabit et condemnabit, ut de omnibus perpetratis facinoribus poena tibi perpetuo luenda sit. Audi, inquit, Cain: *si bene egeris, recipies mercedem et larga ac summa praemia; si autem male*

92) Aristot. *Metaphysic.*, lib. 2, cp. 1, t. 2, pag. 493.

1-11; Iob 31, 21; Prv 31, 23; Is 14, 31; Am 5, 15.

3, 20; 4, 1-2.

93) Cf. Dt 21, 19; 22, 15; Ruth 4,

94) Cf. Mc 13, 19; Lc 13, 25; Apc

95) Cf. S. Gregorius M. *Moralium*, lib. 21, cp. 20, (P. L. 76, 208).

96) Cf. Gn 45, 4 sqq.

egeris, tuorum facinorum poenas dabis, tua te conscientia accusante ac tui peccati reatus dignas poenas exigente, iudicaberis a me, condemnaberis, punieris et poenas tum temporarias tum aeternas exolves.

Sensus iste verissimus ac litterae valde consonus est: nam et antithesim servat et proportionem debitam oppositi et propositi ad propositum et oppositum; cui etiam *Chaldaica Paraphrasis* quam maxime favet.

Posset tamen et aliter exponi propter id quod sequitur: Sed *sub te erit appetitus eius et tu dominaberis illius*: ut per peccatum intelligatur profana illa concupiscendi libido, quae ad fores voluntatis cubat pulsans, voluntatis consensum deprecans et ad malum semper alliciens, ut expleatur; quia tamen cogere rationem et voluntatem non potest, iccirco dicitur: *Sub te erit appetitus eius et tu dominaberis illius*: idest debes et potes [dominari]: allicere enim potest, urgere non potest. Prior vero expositio explicatior est, et ad illum sensum sic verba ista exponuntur: *Si bene egeris*, praemia recipies; *si ... male egeris*, iudicaberis et condemnaberis, ut poenas luas facinorum. Est quidem in te appetitus ad malum; nam *iratus es* in fratrem tuum et vis illum occidere, tristitia et moerore affectus ob eius bonum et gratiam. At huic appetitui tu dominari potes, *sub te enim est*; subrepere appetitus hic potest et insultare, petens expleri, ut malum perpetretur; cogere tamen non potest: sed tu, tanquam eius dominus, eum reprimere ac coercere poteris, ut non malum, sed bonum opereris.

Intelligi etiam potest ipsa concupiscentia, quae semper animum ad malum allicit, sed tamen cogere non potest.

Locus tamen hic, circa horum verborum intelligentiam plenior requirit declarationem; videtur enim Deus hic libero hominis arbitrio amplius tribuere, quam ei natura competat et multa alia Scripturarum loca ei permittant. De Cain enim, *qui ex maligno erat*⁹⁷ ac proculdubio Dei gratia destitutus, cum eius opera mala essent, propter quod ad eum Deus *et ad munera eius non respexit*, hic dicitur quod sub eius arbitrio eius esset libido, et poterat dominari peccato illudque reprimere et coercere, tanquam sub eius potestate positum. Multa autem alia Divinarum Scripturarum loca manifestissime asseverant non posse hominem absque Dei gratia quicquam, vel modicum

Nec putandum est verba haec insinuare hominem absque Dei gratia quicquam facere posse.

facere. Apud Ioannem enim legimus⁹⁸: *Sine me nihil potestis facere, sicut palmes . . . nisi in vite manserit*. D. Apostolus ait⁹⁹: *Non . . . sumus sufficientes cogitare aliquid a nobis tanquam ex nobis, sed sufficientia nostra ex Deo est*. Beatus Iacobus inquit¹⁰⁰ quod omne datum optimum et omne donum perfectum desursum est, descendens a Patre luminum. Iccirco, ut locus iste clarius elucescat, sunt nobis nonnulla in medium adducenda.

Per
liberum ar-
bitrium intel-
ligitur liberum
rationis iudi-
cium in eli-
gendo;

Et primo: liberum arbitrium ab arbitrando rationali consideratione, vel discernendo quid eligat quidve recuset, nomen accepit, ut dicatur liberum arbitrium quasi liberum rationis iudicium. Liberum autem dictum est, quod in sua sit potestate positum, habens eligendi quidquid voluerit liberam potestatem. Quamvis autem liberum arbitrium, secundum propriam vocis significationem, actum quendam significet, scilicet liberum iudicium rationis, ex communi tamen sententia, quae a communi usu loquendi evenit, liberum arbitrium dicimus et intelligimus id, quod est illius actus principium, quo scilicet homo libere iudicat et eligit.

et proprie est
animae facul-
tas iudicandi
et eligendi
quaecunque
voluerit.

Dicitur *facul-
tas*, non *habi-
tus* naturalis,
quia habitus
est ad quae
naturaliter
inclinamur,
et ex necessi-
tate ea volun-
tas appetit.

Principium autem istud est libera quaedam animae facultas atque potestas ad libere eligendum quaecunque sunt ad finem, sive quidquid voluerit; unde liberum arbitrium proprie non est habitus aut potentia animae, sed facultas. Non habitus, quia si esset habitus, non esset nisi habitus naturalis; naturale est enim homini esse liberi arbitrii. Non potest autem esse habitus naturalis; naturales enim habitus sunt ad ea, ad quae naturaliter inclinamur, ut intellectus principiorum: ea autem, ad quae naturaliter inclinamur, non subsunt libero arbitrio; sed ex necessitate ea voluntas appetit, qualis est appetitus beatitudinis. Sicut enim intellectus ex necessitate inhaeret primis principiis, ita voluntas ultimo fini; ex necessitate enim volumus esse beati, non quidem necessitate coactionis, sed naturali: necessitas enim coactionis repugnat voluntati. Sicut enim impossibile est aliquid esse naturale et violentum, cum violentum sit id, quod est contra inclinationem naturae: ita impossibile est aliquid esse voluntarium et coactum; voluntarium enim est quod est secundum inclinationem voluntatis: coactum autem est id, quod est contra inclinationem

98) 15, 5. 4. Vulg.: *Nisi manserit in vite, quasi ex nobis.* 100) 1, 17.

99) 2 Cor 3, 5. Vulg.: *Sufficientes simus...*

voluntatis. Necessitas autem naturalis non repugnat voluntati, sicut nec necessitas finis; finis enim necessitatem medii imponit volens enim mare transire, necessario vult navem. Voluntas autem naturali necessitate vult finem ultimum, idest aeternam beatitudinem, sicut intellectus assentit primis principiis; non autem quaecumque vult ex necessitate, quia non ad quaecumque alia naturaliter inclinatur. Unde sicut intellectus se habet ad intelligibilia, sic voluntas ad volibilia.

Sunt autem quaedam intelligibilia, quae non habent necessariam connexionem ad prima principia: sicut sunt propositiones contingentes, ad quarum remotionem non sequitur principiorum remotio; et talibus non ex necessitate assentit intellectus. Quedam autem sunt intelligibilia, quae necessariam connexionem habent cum primis principiis: ut sunt propositiones necessariae, ad quarum remotionem removentur prima principia et conclusiones demonstrabiles, quibus intellectus ex necessitate assentit, cognita per demonstrationem necessaria connexionem ad principia; non autem assentit priusquam necessariam hanc connexionem cognoscat.

Sicut intellectus necessario inhaeret primis principiis;

Sic voluntas ex necessitate inhaeret summae beatitudini propter se; secundo his, quae necessariam connexionem habent ad veram beatitudinem, quibus scilicet homo Deo inhaeret, in quo est vera beatitudo. Antequam tamen per certitudinem necessitas huius connexionis demonstraretur, voluntas non ex necessitate Deo inhaeret, nec his, quae Dei sunt: sed voluntas per certitudinem divinae visionis certam habens necessariam hanc connexionem, ex necessitate inhaeret Deo, sicut nos ex necessitate volumus esse beati. Ea autem particularia bona quaeque ad beatitudinem necessariam connexionem non habent, sine quibus potest quis esse beatus, voluntas non ex necessitate appetit; et haec libero arbitrio subsunt una cum his, quae necessariam quidem connexionem ad beatitudinem habent, ante tamen necessariae huius connexionis certitudinem: quoniam ad haec voluntas non naturaliter inclinatur. Liberum ergo arbitrium non potest esse habitus naturalis.

ita voluntas necessario inhaeret summae beatitudini;

sed antequam Deo inhaereat, necesse est ut cognoscat in Deo esse veram beatitudinem.

Nec potest esse habitus non naturalis, cum naturale sit homini esse liberi arbitrii; unde contra naturalitatem eius est esse habitum non naturalem, et contra propriam eius rationem est esse habitum naturalem; eius enim propria ratio est, ut dominium supra suos actus

Nec est habitus non naturalis.

habeat et sit ad utrumlibet: quod habitui naturali non competit. Non est ergo habitus.

Nec proprie est potentia; nam si esset animae potentia, cum sit rationalis, aut esset intellectus, aut voluntas: potentiae enim rationales sufficienter per intellectivam et affectivam dividuntur. Sed non potest esse intellectus; intellectus enim non est potentia libera, sed naturalis, et operatur mere naturaliter; unde non est dominus suorum actuum, sicut sol non est dominus suae calefactionis vel illuminationis.

Nec est potentia intellectiva, quia intellectus libertatem non habet, sed agit naturaliter.

Nec est potentia affectiva, quia voluntas iudicium non habet.

Nec potest esse voluntas; voluntas enim arbitrium, idest iudicium habere non potest, sicut nec intellectus libertatem. Cum ergo liberum arbitrium et iudicium et libertatem importet secundum suum nomen, ratione libertatis non potest esse intellectus, et ratione iudicii non potest esse voluntas.

Cum autem proprium liberi arbitrii sit electio, ex hoc enim dicimur liberi arbitrii, quod possumus unum eligere, altero reiecto, ideo natura liberi arbitrii ex electione considerata venit. In electione autem duo semper concurrere clare perspiciuntur: intellectus et affectus; intellectus quidem consiliando et iudicando quid sit alii praeferendum; voluntas autem appetendo et acceptando quod per consilium iudicatum est. Unde electio dicitur vel intellectus appetitivus, vel magis appetitus intellectivus; proprium enim obiectum electionis est id quod est ad finem, in quantum habet boni utilis rationem; ideo a Philosopho dicta est¹⁰¹ electio: desiderium consiliabile.

Sed ad liberum arbitrium ambo requiruntur: intellectus iudicans quid praeferendum sit; voluntas eligens quod per consilium iudicatur;

quamvis electio principaliter sit actus voluntatis, cum eius obiectum sit bonum utile.

At vero etsi cum voluntas tum intellectus ad electionem concurrant, ipsa tamen principaliter voluntatis actus est, cum eius obiectum sit bonum utile, quod est appetitivae virtutis obiectum. At vero quia in huiusmodi obiectum voluntas non fertur, nisi sit praecognitum et intellectum, ideo ad electionem voluntatem ipsam principaliter agentem intellectus tanquam consiliarius concomitatur et ostensivus ac demonstrativus ipsius eligibilis.

Cum ergo electio tum in intellectu

His positis patet liberi arbitrii natura. Cum enim liberum arbitrium tanquam proprius actus electio consequatur, ipsa autem electio tum in voluntate tum in intellectu consistat, manifestum est quod ip-

101) *De Moribus*, lib. 3, cp. 4, t. 2, pag. 17.

sum quoque liberum arbitrium in his ipsis potentiis consistet, ipsamque tum rationem tum voluntatem complectetur. Cum autem non sit vel habitus vel potentia, ut supra deductum est, erit quaedam rationis et voluntatis facultas ad libere eligendum quidquid voluerit; id enim intellectus ex se nequaquam efficere potest, quia naturalis potentia non libera est; neque voluntas per se, quoniam arbitrari et iudicare non potest. Ex concursu ergo rationis et voluntatis causatur liberi arbitrii facultas: sicut ex concursu virtutis duorum hominum causatur facultas atque potestas ad trahendum navem, ad quod neutra per se sufficeret; et ex concursu virtutis manus et oculi resultat potestas scribendi, ad quod altera illarum non sufficeret.

tum in voluntate consistat, et nec potentia nec habitus animae sit,

restat ut sit facultas animae, resultans ex coniunctione intellectus et voluntatis.

Ex coniunctione ergo intellectus et voluntatis resultat liberi arbitrii facultas eaque eligendi potestas; unde optime gemino nomine nuncupatur, ut alterum quidem voluntati, alterum vero rationi [adiudicetur]; liberum enim voluntatem exprimit, et arbitrium rationem. Principaliter tamen in voluntate liberi arbitrii ratio, quam in intellectu, consistit. Non enim per intellectum homo est suorum actuum dominus, cum ea potentia non sit libera, sed agat mere naturaliter, sed per voluntatem, quae libera est, quae etiam mere contingenter et ad utrumlibet operatur, per eamque meremur et demeremur: in qua est caritas. Et ipsa demum est quae suo imperio movet omnes animae vires tum etiam intellectum; ipsa enim in universum bonum respicit et finem tanquam obiectum: potestas autem quae respicit finem universalem, movet potentias, quae particulares respiciunt fines. Quemadmodum rex, qui regni totius universale bonum intendit, suo imperio singulos in singulis civitatibus vel provinciis curam regiminis impendentes praepositos movet: ita voluntas ceteras animae vires libero arbitrio subditas – non enim omnes libero arbitrio subsunt, ceu sunt naturales, vegetativae vires, – ad actus et operationes suas [movet]; tum etiam ipsum intellectum ad cognitionem veri, vel cuiuscunque alterius. Et eapropter in cogitationibus malis aliquando peccati arguimur, quia eas vel imperat, vel acceptat voluntas.

Principaliter tamen liberum arbitrium in voluntate consistit, quia haec est quae regit omnes animae potentias et ipsum intellectum.

Quando igitur liberum arbitrium dicimus voluntatis et rationis facultatem esse ad eligendum¹⁰², voluntas ut principaliter ponitur,

Licet ratio sit regula et norma voluntatis

102) Ms.: *Intelligendum*, loco: *Eligendum*.

ad recte agendum, dominium tamen in voluntate residet;

et ideo saepe voluntas contra iudicium rectae rationis operatur.

intellectus ut concomitans. Ratio enim agenda dictat, voluntas autem imperat; unde intellectus est tanquam consiliarius, voluntas vero tanquam imperator. Etsi autem recta ratio sit regula et norma libero arbitrio et voluntati ad recte agendum, unde actus a recta ratione devius dicitur malus, tota tamen ratio dominii et potestatis in voluntate consistit; illud enim est quia ratio consiliatrix est voluntatis. Unde sicut rex perperam quidem agit si aut non faciat bonum et rectum consilium sui consilarii, aut contra faciat: totum tamen super hoc dominium est apud regem; ita est de ratione et voluntate. Tanta est enim voluntatis libertas, ut multa etiam contra iudicium rectae rationis operetur: quanquam id defectus sit potius libertatis, quam libertas. Hinc enim apud *L u c a m* legimus¹⁰³ de servo, *qui cognovit voluntatem Domini sui . . . et non fecit, sed fecit digna plagis*. Hinc est peccatum ex certa malitia distinctum contra peccatum ex ignorantia. Hinc etiam apud *Be a t u m P e t r u m*¹⁰⁴ de illis, quibus *posteriora facta sunt deteriora prioribus*, legimus: *Melius enim erat illis non cognoscere viam iustitiae, quam post cognitionem retrorsum converti ab eo, quod illis traditum est, sancto mandato*. Liberum ergo arbitrium principaliter in voluntate consistit. Est igitur libera quaedam facultas voluntatis et rationis ad libere eligendum quidquid vult.

Vera libertas in eo proprie consistit quod, quidquid vult, ad sui ipsius imperium vult.

Eius autem libertas proprie non in eo sistit, quod adeo hoc, quod vult, velit, ut etiam eius oppositum velle possit; ut scilicet adeo bonum velit et eligat, ut malum etiam velle et eligere possit. Nam in Deo, angelis et beatis est liberum arbitrium, qui malum velle et eligere non possunt; et, ut iam dictum est, abusus et defectus est libertatis velle malum. Sed in eo proprie consistit, quod quidquid vult, appetit ad sui ipsius imperium, quia sic vult, ut velit se velle atque complaceat et seipsum in actu volendi moveat et suis actibus dominetur. Unde etsi beati necessario Deum diligunt et non possunt non diligere, et peccatum adeo nolunt, ut nec velle possint: id tamen totum libere faciunt, quia sic volunt et velle et nolle.

Liberum arbitrium referri potest etiam

Et sic liberum arbitrium est etiam respectu necessarii; quantum ad deliberationem autem non est, nisi contingentium. De necessario enim et impossibili aliter se habere nemo deliberat: sed de his, quae

103) 12, 47-48.

104) 2 Petr 2, 20-21. Vulg.: *Facta sunt posteriora . . . Agnitionem, loco: Cognitionem.*

aliter esse possunt, deliberatur; et sic non ad praesens, vel ad praeteritum, sed ad futurum semper refertur, quod est contingens. Quod enim praesens est, determinatum est, nec est in potestate nostra, ut sit vel non sit, quando est; potest enim non esse, vel aliud esse ¹⁰⁵ postea: sed non potest non esse dum est, vel aliud esse dum id est, quod est; sed in futuro, an hoc fiat vel illud, id potestatem liberi arbitrii spectat. Nec tamen omnia futura sub potestatem liberi arbitrii veniunt: sed ea tantum, quae per liberum arbitrium possunt fieri vel non fieri; si quis enim tale quid velit ac disponat facere, quod in eius nullatenus sit potestate, insipientiae argueretur.

ad necessarium, deliberatio vero solum ad contingens futurum.

Viso de natura liberi arbitrii, de eius potestate nunc videndum est, quid et quantum possit. Prima liberi arbitrii potestas est, quod cogi non potest ab aliquo agente vel creato vel increato, quantum ad eius proprium actum, qui est actus interior. Nam quantum ad actum exteriorem cogi potest, ut vi genua coram idolo flectat et manibus propriis thura incendat; quantum ad actum vero interiorem, qui est velle et eligere, induci quidem potest, moveri potest, impediri potest: cogi autem non potest; induci quidem potest efficacibus persuasionibus, promissis, terroribus, minis, tristium inflictionibus, vel delectabilium blandimentis, quae ad aliquid possunt liberum arbitrium inclinare; et sic tum a creatura tum a Deo induci potest.

Prima potestas liberi arbitrii est quod a nullo agente cogi potest ad actum interiorem;

sed solum moveri, vel impediri, vel etiam induci minis vel promissis.

Secundo: moveri potest a Deo, vel mutari, dum ipsum quidem sua potenti virtute in unum fertur; a Deo tamen affectio ei in aliud, vel etiam contrarium immittitur, quam acceptat: sic Deus hominem temporalium nimium amatorem, eorum facit contemptorem et coelestium amatorem.

Impediri potest per corporis laesionem propter coniunctionem et inclinationem quam habet ad corporalem naturam; hinc enim multi ex corporis laesione amentes fiunt et a liberi arbitrii actu impediuntur. Etsi enim vires rationales, cum ab extrinseco veniant et non a materiali potentia deducantur, non sunt corpori immixtae, nec corporeo organo ad suos eliciendos actus utuntur; cum tamen anima rationalis uniatur corpori ad constitutionem unius tertii, quod est unum per essentiam et cui proprie debetur ope-

Impediri etiam potest per corporis laesionem, quia anima per sensus recipit species in intellectu ad informandum iudicium;

et ideo requiritur optima sensuum dispositio, sine quibus nequit intellectus intelligere et iudicare.

ratio, quia unum est, haec autem operatio non sit tantum vivere vel sentire, aut movere, sed etiam ratiocinari et intelligere: ideo anima, quandiu est in corpore, non omnino intelligit praeter corpus, etsi non per corpus, sicut priores operationes exercet. Cum enim duo concurrant ad actum intelligendi: specierum receptio et iudicium: et specierum quidem receptio a corpore est; per sensus enim corporeos receptae usque ad intellectum perveniunt agentem, a quo intellectiles efficiuntur, et possibilem, a quo intelliguntur, qui et iudicat. Ut autem haec fieri possint, debita requiritur corporis dispositio. Sicut enim, etsi anima non pendeat a corpore, ad hoc tamen quod sit in corpore, necesse est corpus debite complexionatum esse, ad cuius complexionis corruptionem contingit animam non amplius esse in corpore; ita ad hoc ut anima intelligat in corpore, necessaria est optima sensuum corporalium dispositio; qua dispositione laesa, non potest intellectus intelligere, nec iudicare; et sic actus liberi arbitrii impeditur, eius salva natura et propria ratione.

Et ita impediri potest actus liberi arbitrii, non vero cogi,

Impediri ergo potest, cogi autem omnino non potest; ipsum enim cogi est virtute aliqua aliena movente et compellente invitum et repugnantem actum¹⁰⁶ voluntatis deliberativae, manente tali repugnantia, ad aliquid inclinari et velle. Hoc autem est impossibile. Sicut est impossibile aliquid esse naturale, idest secundum inclinationem naturae, et violentum, idest contra inclinationem naturae: ita est impossibile aliquid esse voluntarium et liberum, idest secundum inclinationem voluntatis, et coactum, idest repugnante inclinatione voluntatis. Cum ergo sit impossibile omnino, neque creatura aliqua, neque Deus potest liberum arbitrium cogere. Non dico quod non posset Deus libertatem eius auferre: hoc enim suae potentiae immensitate potest; sed si eius auferret libertatem, eius quoque naturam destrueret. Sed dico quod, salva eius natura et libertatis proprietate, impossibile ac non intelligibile est posse liberum arbitrium cogi.

nisi destruaturnatura libertatis, quod solus Deus facere potest.

Liberum arbitrium quoad operationem considerari potest in pu-

Quantum autem ad eius potestatem quoad operationes, liberum arbitrium tripliciter considerari potest: vel in puris naturalibus tantum, cum generali influxu et auxilio gratiae Dei. Omnium enim effectuum positivorum particularium causarum Deus quoque est causa: non

106) Ms.: *Repugnante actu.*

enim solus ignis comburit, sed Deus cum igne: et omnis quidem res operatur, sed simul concurrente Deo ad talem operationem; ita tamen concurrit Deus, ut simul operetur secundum modum illius rei: ita enim «res quas condidit administrat, ut proprios motus agere sinat»¹⁰⁷; unde cum causis necessariis necessario operatur secundum suam ordinationem, cum contingentibus contingenter, cum naturalibus naturaliter, cum liberis libere; ita et ad quamcunque liberi arbitrii operationem Deus homini generali influxu concurrit.

ris naturalibus
sub generali
influxu auxilii
Dei;

Secundo: potest considerari cum speciali munere et influxu gratiae gratum facientis, in quantum est liberum a culpa; et demum a miseria, et est libertas gloriae, quae nobis servatur in patria, et est in omnibus beatis. Liberum arbitrium hoc tertio modo sumptum, cum sit perfectissimum, summo bono, ultimo fini et verae beatitudini coniunctissimum, eiusque opera sunt omnino perfecta, ita quod nonnisi bonum facere potest; malum autem non solum potest non facere, sed omnino, ex gratia perfecta et consummata, facere non potest. Ideo liberrimum est et multo liberius, quam in primis parentibus fuerit, quia omnino liberum est ab illa servitute, de qua dicitur: *Qui facit peccatum servus est peccati*¹⁰⁸; et quanto ab ea servitute longius absistit, tanto in eligendo bono liberius habet iudicium.

vel sub speciali
influxu gratiae
Dei, in quan-
tum est libe-
rum a culpa;
et demum
a miseria, ut
in beatis,

quae vera
libertas est et
perfecta.

Prout autem in praesenti speciali munere gratiae est donatum, in primis quidem parentibus ante lapsum, bonum quidem facere poterat magna cum perfectione tum facilitate: malum autem non facere quidem poterat, non autem facere non poterat; liberum quidem valde erat, quia nedum sine coactione et necessitate, sed ab omni procul culpa et miseria, omni cum facilitate valebat appetere atque eligere bonum, quod ex ratione decreverat. Non tamen omnino a peccandi potentia liberum erat: sed poterat non peccare, habens tamen ad peccandum potentiam. In nobis vero liberum arbitrium cum munere gratiae imperfectius est; nam peccare quidem potest, sed non potest non peccare, saltem venialiter, iuxta illud: *Septies in die cadit iustus*¹⁰⁹; et apud I o a n n e m¹¹⁰: *Si dixerimus quoniam peccatum non habemus, ipsi nos seducimus et veritas in nobis non est*; et occurrentibus enim sine deliberatione plena incurritur peccatum veniale:

Cum auxilio et
gratia in pri-
mis parentibus
liberum
arbitrium
bonum facere
poterat magna
cum facilitate,
sed poterat
etiam eligere
malum;

in nobis vero
valde imperfe-
ctius est, quia
non potest
non peccare,
saltem
venialiter.

107) S. Augustinus *De Civitate Dei*, lib. 7, cp. 30, (P. L. 41, 220).

108) Io 8, 34.

109) Prv 24, 16. Vulg.: *Enim, loco: In die.*

110) 1 Io 1, 8.

ab huiusmodi autem occurrentibus homo in hac vita liber esse non potest ab omnibus, etsi a singulis cavere potest, et quia non cavet peccatum incurrit.

Attamen per actus elicitos cum habitu gratiae mereri potest augmentum caritatis de congruo, et gloriam de condigno, ex promissione scilicet Dei;

quia cum hi actus liberi arbitrii procedant a gratia Spiritus S., infinitum valorem acquirunt.

Quantum autem ab bonum agendum, potest per actus elicitos cum habitu gratiae caritatis augmentum mereri et finaliter gloriam consequi; quemadmodum D. P a u l u s ad *Timotheum* ait ¹¹¹: *In reliquo reposita est mihi corona iustitiae, quam reddet mihi Dominus in illa die . . . ; non solum autem mihi, sed et his qui diligunt adventum eius*: quod autem alicui secundum iustitiam redditur, de condigno meretur. Id autem non est secundum naturam ex se et quatenus huiusmodi opera a libero arbitrio procedunt simpliciter; sic enim non possunt esse beatae vitae meritoria: *non sunt enim condignae passiones huius saeculi ad futuram gloriam, quae revelabitur ex nobis* ¹¹²; sed tamen ex institutione legislatoris: quemadmodum posset rex instituere, ut tantum daretur pro obolo, quantum pro aureo; tum etiam ex munere gratiae. Et quia talia opera procedunt a Spiritu Sancto inhabitante in homine ¹¹³ iustificato per gratiam et movente ipsum liberum arbitrium ad opus meritorium, et quatenus huiusmodi opus procedit a Spiritu Sancto, qui est infiniti valoris, meretur de condigno bonum infinitum, idest vitam aeternam. Hinc D. P a u l u s ad *Romanos* ait ¹¹⁴: *Tribulatio patientiam operatur, patientia autem probationem, probatio vero spem; spes autem non confundit, quia caritas Dei diffusa est . . . per Spiritum Sanctum, qui datus est nobis*. Deinde subintulit ¹¹⁵: *Commendat autem caritatem suam Deus in nobis, quia si cum adhuc peccatores essemus . . . , Christus pro nobis mortuus est: multo igitur magis iustificati nunc in sanguine ipsius salvi erimus ab ira per ipsum*. Multo magis, inquit; iustificationem enim liberum arbitrium de congruo meretur: per iustificationem vero gloriam de condigno.

Liberum arbitrium in puris naturalibus imperfectissimum est ob

Si vero demum consideremus liberum arbitrium huiusmodi dono gratiae destitutum, sed in puris naturalibus tantum, cum generali auxilio et gratiae influxu, imperfectissimum est. Et primo quidem ipsum gratia destitutum. Cum in statu isto necessario sit sub aliquo

111) 2 Tim 4, 8. Vulg.: *Iis qui*, loco: *His qui*, etc.

113) Cf. ibid. vr. 11.

Quoniam... nunc iustificati, etc.

112) Rom 8, 18. Vulg.: *Huius tem-*

114) 5, 3-5.

115) Ibid. vrr. 8-9. Vulg.:

peccato vel originali vel actuali vel sub utroque, non potest per se a peccato surgere sua virtute; necesse est enim Deum remittere sibi culpam et tribuere gratiam: hanc autem condigne mereri non potest; si enim gratia esset ex merito, *iam gratia*, ut inquit *A p o s t o l u s*¹¹⁶, *non est gratia*.

peccatum, a quo sua virtute surgere non potest.

Secundo: non potest mortale peccatum meritorie vitare, ut sic: potest quidem actum peccati simpliciter vitare; ad hoc enim ut peccatum fiat plena deliberatio requiritur: ad deliberandum autem a nulla virtute cogitur, nec cogi potest, cum per peccatum libertatem, quoad essentiam, non amittat. Itaque cum peccatum sit voluntarium, adeo quod si non est voluntarium, non est peccatum, et voluntas in eo adhuc sit libera ad utrumlibet, potest committere et vitare peccatum. Sed dico quod meritorie vitare non potest; principium enim meriti est gratia et caritas, quam non habet.

Nec potest meritorie peccatum vitare sine auxilio gratiae, quam non habet.

Tertio: liberum arbitrium, ut sic, potest quidem elicere actum meritorium in genere motum sine gratia, sed non meritorie. Actum enim virtutum moralium et posuerunt et habuerunt philosophi gratiam non habentes: nihil tamen meruerunt, cum principium meriti sit gratia, quam non habebant; et Hebraei adhuc quoque zelum Dei habent¹¹⁷ et multa bona opera legis faciunt, cum tamen sint gratia destituti; et multi peccatores multa opera fidei et misericordiae exequuntur, in peccato nihilominus existentes.

Nec potest meritorie actum virtutis elicere, cum non habeat gratiam;

Quarto: non potest actum elicere condigne aeternae vitae meritorium. Ex puris enim naturalibus non potest quis aeternae vitae condignus esse; ita enim Dominus apud *B e a t u m M a t t h a e u m*, cum de aeterna vita consequenda loqueretur, ait¹¹⁸: *Apud homines hoc impossibile est; apud Deum autem omniaabilia sunt*; et ita intelligenda sunt loca illa: *Sine me nihil potestis facere*¹¹⁹; et: *Non sumus sufficientes cogitare aliquid a nobis, quasi ex nobis*¹²⁰; et omnia similia¹²¹, quod nihil dignum vita aeterna absque gratia agere possumus aut operari.

et ideo nec actum condigne meritorium aeternae vitae.

Quinto: etsi liberum arbitrium a peccato surgere et gratiam consequi condigne mereri non possit, potest tamen ex congruo et decenti;

Potest tamen de congruo, per attritio-

116) Ibid. 11, 6. Vulg.: *Gratia tam non est gratia*.

117) Cf. ibid. 10, 2.

118) 19, 26.

119) Io 15, 4.

120) 2 Cor 3, 5.

121) Cf. Act 15, 11; Rom 3, 24; 1 Cor 15, 10;

Gal 2, 16; Eph 2, 8-9.

nem et contritionem ex influxu generali gratiae Dei, a peccato surgere et remissionem consequi.

Quam gratiam Deus semper offert, imo praevenit liberum arbitrium,

et ideo inexcusabiles sumus si, gratia reiecta, iussa Dei non observamus,

cum semper sit in nostra potestate assensum praebere gratiae oblatae, sine qua praecepta divina servare non possumus.

attritio enim atque contritio peccati. actus sunt de congruo gratia digni. Per contritionem autem, vel saltem attritionem, potest se disponere ad gratiam recipiendam quocumque tempore; absque aliquo speciali influxu, sed ex puris naturalibus et generali influxu potest commissi facinoris displicentia et moerore ac poenitudine affici, ac ita ad gratiam consequendam praeparari. Deus autem, *qui vult omnes homines salvos fieri* ¹²² et neminem vult perire ¹²³, gratiam eis semper liberaliter offert; hoc est enim: *Ego sto ad ostium et pulso: si quis... aperuerit mihi... intrabo... et coenabo cum illo* ¹²⁴; imo liberum arbitrium sua gratuita misericordia praevenit, sicut per *Psalmi stam* dicitur ¹²⁵: *Misericordia eius praeveniet me*; et alibi: *Cito anticipet nos misericordia tua, Domine* ¹²⁶. Si ergo liberum arbitrium commissi sceleris poenitudine affectum et per contritionem vel attritionem Deo liberalissime gratiam offerenti consentiat, procul dubio gratificantem gratiam consequetur et aeterna vita dignus efficietur; si autem Deo resistat et oblatam gratiam abnuat et abrenuat, reum se constituet gehennae ignis et mortis aeternae: quoniam si divina iussa non impleat omnia, quae nec implere potest absque munere gratiae, ut digne possit consequi vitam aeternam, statutum est enim: *Si vis ad vitam ingredi serva mandata* ¹²⁷, excusari certe et defendi non potest, quod impossibilia ei praecipiantur, quae digne implere propria virtute non possit absque munere gratiae. Deus enim auxilium gratiae continuo praestat et offert semper; quam si non habet ut, quae aliter servare non potest, digne possit implere, sua est culpa, quia non vult habere et se ad oblatam gratiam recipiendam disponere, ut iustificetur. Quare cum Dei gratia nobis semper praesens assistat cum volumus, absistat autem cum nolumus, quasi in nostra potestate est digne praecepta servare: quoniam in nostra semper est potestate ad gratiam nos disponere eique oblatae digne assensum praebere; quod dum facimus, gratiam semper consequimur. Propterea Dominus apud *Matthaeum* aiebat ¹²⁸: *Aut facite arborem bonam, et fructus eius bonos; aut facite arborem malam,*

122) 1 Tim 2, 4. Vulg.: *Qui omnes homines vult*, etc.

32; 33, 11; 2 Petr 3, 9.

124) Apc 3, 20.

123) Cf. Sap 11, 24; Ez 18, 23.

125) Ps 58, 11.

126) Ps 78, 8. Vulg.:

Cito anticipet nos misericordiae tuae.

127) Mt 19, 17.

128) 12, 33. Vulg.: *Fructum*

eius bonum... fructum eius malum.

et fructus eius malos. Arborem quippe bonam facimus, quae *fructus bonos facit* et non potest fructus malos facere, cum Deo pulsanti per contritionem cordis aperimus eique, ut intret et nobiscum coenet, assentimur gratiae oblatae consentiendo et debita dispositione, obice ablato, recipiendo per iustificationem.

His sic visis, clara atque dilucida erit praesentis loci intelligentia. Cum enim dicit Dominus ad Cain: *Sub te erit appetitus eius et tu dominaberis illius*, cum Cain haberet liberum arbitrium, etsi gratia destitutum, in eius tamen libera potestate erat appetitum peccati frenare ne in actum exiret; quod quidem absque dono gratiae potest, ut visum est. Id autem verum est, quod digne et cum vitae aeternae merito facere non poterat absque munere gratiae gratificantis; quod si ita Dominus intellexit, eatenus eum dixit posse et frenare et peccatum revincere, quatenus suam gratiam ei liberrime offerebat et in Cain potestate erat oblatae gratiae dignum assensum praebere, qua meritorie potuisset appetitum peccati coercere ipsumque peccatum omnino vitare. Ita etiam id, quod supra dixerat, intelligendum est: *Nonne, si bene egeris, recipies?* scilicet mercedem. Non quod Cain poterat sine gratia digne mereri; sed quia Domino gratiam offerenti poterat assentiri et gratiam, se disponendo, recipere, quacum posset et bona digne operari et vitam aeternam mereri.

Cain ergo, licet gratia destitutus, appetitum peccati cohibere poterat,

et ut hoc posset etiam meritorie facere, Deus liberrime gratiam offerebat, cui ille utique assentire potuisset dummodo voluisset.

Multa alia possent hoc in loco notari, maxime de praedestinationis et reprobationis contingentia; cum Cain non praedestinatus, sed reprobatus esset, attamen Dominus ei dicit: *Si bene egeris, recipies*: quod et reprobatos Dominus non omnino sibi relinquit, sed ad bonum hortatur, ut mercedem recipiant; et pleraque alia, quae ad aliud tempus opportunius et serius tractanda relinquimus.

Vr. 8 *Dixitque Cain ad Abel...: Egrediamur foras. Cumque essent in agro, insurrexit*¹²⁹ *Cain adversus fratrem suum Abel et interfecit eum.*

Textus Hebraicus: *Et dixit Cain ad Abel fratrem suum... Et factum est cum essent ipsi in agro, insurrexit Cain, etc.*

Ita prorsus Chaldaeus Interpres.

Targum autem Ierosolymitanum sic transtulit, paraphra-

stico more, hunc locum: *Et dixit Cain ad Abel fratrem suum: Veni et egredere ad superficiem campi. Et factum est cum essent egressi uterque eorum ad superficiem campi, respondit Cain et dixit ad Abel fratrem suum: Non est iudicium et non est iudex, et non est saeculum aliud et non est expectationi merces bona pro iustitia, neque ultio ex iniquitate: et non in misericordia creatus est mundus, et non in misericordia ipse rector sive dux. Propter quid enim acceptata est oblatio tua ex te in voluntate eius, et ex me non est acceptata in beneplacito eius? Respondit Abel et dixit Cain: Est iudicium et est iudex et est saeculum aliud et est expectatio mercedis bonae pro iustitia et ultio de iniquitate: et in misericordia creatus est mundus et in misericordia ipse regens sive princeps. Veruntamen in fructibus operum bonorum accepit ipse opera mea recta, plusquam tua; acceptata est oblatio mea ex me in beneplacito seu voluntate, et ex te non est acceptata in voluntate. Et fuerunt uterque eorum in campo contendentes. Et insurrexit Cain super fratrem suum Abel et interfecit eum.* Haec omnia Targum Ierosolymitanum; quae quidem paraphrasis pulcherrima est.

Vulgata autem Editio Graeca cum nostra concordat; habet enim: Καὶ εἶπε Κάιν πρὸς Ἀβελ τὸν ἀδελφὸν αὐτοῦ. Διέλθωμεν εἰς τὸ πεδίον: idest: *Et dixit Cain ad Abel fratrem suum: Egrediamur in agrum.*

Nunc loci huius expositionem aggrediamur. *Dixitque Cain ad Abel.* In hebraeo eclipsis sive aposiopesis est hic; non enim quid Cain dixerit ad fratrem suum exprimitur. Cui similem modum in 2 Regum legimus ¹³⁰: *Et dixit David in illa die: Quicumque percusserit Iebusaeum: quod nostra Translatio habet: Proposuerat... David... praemium ei, qui percusserit Iebusaeum.* Hebraeorum nonnulli in-
Dixitque Cain ad Abel: Egrediamur foras. Varias paraphrases huius loci,
quiunt ¹³¹ quod probris, contumeliis et verbis iniuriis affecit eum; post quae, adhuc ira effervescens, occidit eum. Nostra Translatio una cum Graeca habet, quod dixerit ei: *Egrediamur foras*; quae paraphrasis non est aspernenda.

Mihi vero, post eas, Chaldaica Paraphrasis admodum arridet. Textus autem sermonis, iuxta Hebraicam Veritatem, id videtur exprimere, quod Cain dixerit fratri suo quaecumque sibi Dominus dixerat eum arguendo, et ipse omnia verba
inter quas Chaldaica praeferenda videtur, cui etiam magis

130) 5, 8.

131) Cf. Rab. Salomon op. cit. f. 6^a; Nic. Lyranus op. cit. f. 45^a; Alph. Tostatus op. cit. f. 27^a; Fagius, col. 166. 174; Cartwrightus, col. 203.

illa retulerit fratri suo, quasi Abel coargutionis illius causa exstisset; quapropter nimio furore in eum succensus insurrexit et interfecit eum. Stulta et insana omnino ac virulenta cogitatio Cain mentem obrepserat. Existimabat enim fratrem suum Abel in causa fuisse ne Dominus in eum eiusque munera respiceret: non autem quod eius munera indigna omnino, ut respicerentur et tanquam grata acceptarentur a Deo. Eapropter inquit in corde suo: fratrem meum de medio tollam, et tunc Deus ad me et ad munera quoque mea respiciet et benedicet mihi Deus, sicut fratri meo benedixit. Sed fefellit eum omnino cogitatio eius; unde sequitur:

vrr. 9-12

Et ait Dominus ad Cain: Ubi est Abel frater tuus? Qui respondit: Nescio. Nunquid¹³² custos fratris mei sum ego? Dixitque ad eum: Quid fecisti? Vox sanguinis fratris tui clamat ad me de terra. Nunc igitur maledictus eris super terram, quae aperuit os suum et suscepit sanguinem fratris tui de manu tua. Cumque operatus fueris terram¹³³, non dabit tibi fructus suos; vagus et profugus eris super terram.

Textus Hebraicus: Et dixit Dominus ad Cain: Ubi Abel frater tuus? Et dixit: Non cognovi. An custos fratris mei ego? Et dixit: Quid fecisti? Voce sanguines fratris tui clamant ad me de humo. Et nunc maledictus tu plusquam terra, quae aperuit os suum ad suscipiendum sanguines fratris tui de manu tua. Si excolueris terram, non addet dare virtutem suam tibi; mobilis et vagus eris in terra.

Interpres Chaldaicus: Vox sanguinis seminum, seu filiorum, qui futuri erant ut egrederentur de fratre tuo, clamat coram me de terra.

Targum Ierosolymitanum pariformiter habet: Vox sanguinum coetuum iustorum, qui futuri erant ad surgendum de Abel fratre tuo.

Vulgata Editio Graeca cum nostra pene tota concordat. Habet autem: Et nunc maledictus tu a terra, quae aperuit os suum ad suscipiendum sanguinem fratris tui a manu tua, quoniam operaberis terram et non addet virtutem suam dare tibi: στείνων καὶ τρέμων ἔσῃ, idest suspirans et tremens eris super terram.

Nunc expositionem aggrediamur. *Ubi est Abel frater tuus? Narrat*

132) Vr. 9. Vulg.: Num custos, etc.

133) Vr. 12. Vulg.: Cum operatus fueris eam, etc.

Et ait Dominus ad Cain, etc. Deus ostenditur iustissimus ultor peccati, sciens tum actus pravorum tum cordium abditissimas cogitationes.

Scriptura Sacra Deum sanctum et benedictum, semper iustissimum et omnis peccati ultorem aequissime severissimum, coarguisse Cain commissi sceleris in fraterni sanguinis effusione iustisque eum poenis affecisse, ne malum impunitum maneret essetque dedecus culpa sine decore iustitiae. Una autem cum hoc ipsum ostendit omnium tum actuum tum in cordium intimis degentium cogitatum praescium et conscius; quodque etsi *pravum sit cor hominis et imperscrutabile* ¹³⁴, ipse tamen corda scrutatur et renes probat ¹³⁵. Hinc est quod, cum pravissimi cordis Cain cogitationes intimissime latitantes perciperet, ipsum interrogat ubi sit frater eius. Putabat enim insipienter insipiens Cain quod, cum nemine praesente aut vidente fratrem suum occidisset, Deum quoque lateret; propterea ipse respondens ait: *Nescio; nunquid custos fratris mei sum ego?*

Qui respondit: Nescio, etc. Plura peccata Cain commisit: infidelitatis, non credens Deo coarguenti; fratricidii, occidens fratrem suum; mendacii et arrogantiae,

Apud Hebraeos in *Beres hit Rabb a*, teste *Rabbino Ab r a b a n e l* ¹³⁶, tria peccata in die illo commisisse Cain dicitur; primum est: quod non credidit verbis Dei, quae ei dixerat cum coargueret eum; secundum est: quod occidit Abel fratrem suum; et tertium est: quod adduxit et mentitus est dicendo: *Non cognovi; nunquid custos fratris mei sum ego?* Ubi et mendacium et arrogantia ipsius ostenditur: Quid, inquit, me de fratre meo ubi sit requiris? Nunquid ipsum meae fidei aut curae credidisti? Quid ad me spectat ubi sit nosse? Expectavit Deus Cain ut bonum faceret fructum: fecit autem malum; sicut vinea, quae expectata est *ut faceret uvas, fecit autem labruscas* ¹³⁷. Requisivit Cain de fratre suo, ut ipsa inquisitione perpetratum scelus et crudele facinus prae oculis obiiceret, ut tanti piaculi Cain poeniteret et culpam suam agnoscens, poenitens veniam a Deo humiliter deprecaretur. Ipse vero durior et obstinatio-
 factus, nedum culpam non agnovit, sed impudenda fronte et indomito supercilio et superbe et insipienter respondit, Deum facti nescium reputans, quoniam carneis oculis, dum fratrem occideret, praesentem non viderat; mentis autem oculis, quibus Deus cernitur, caecus omnino erat.

qua durior factus, superbe et insipienter Deo respondit, reputans eum facti nescium.

Dominus autem, eius tum insipientiam tum nequitiam cernens ait: *Quid fecisti? Vox sanguinis fratris tui clamat ad me de terra. Putas,*

¹³⁴) Ier 17, 9. Vulg.: *Pravum est cor omnium et inscrutabile.*
 28, 9; Ps 7, 10; Ier 11, 20; 17, 10; Rom 8, 17.

¹³⁵) Cf. 1 Rg 16, 7; 1 Par
¹³⁶) Op. cit. f. 36^a. ¹³⁷) Cf. Is 5, 2.

inquit, me latere quid feceris fratri tuo; et quid est vox ista clamans, in auribus meis, qua *vox sanguinis fratris tui*, quem occidisti, *clamat ad me de terra*?

In Hebraeo autem habetur: קול דמי אחיך¹³⁸ צעקים אלי¹³⁹: idest: *Vox sanguinum fratris tui clamantium ad me de terra*: vel: *Voce sanguines fratris tui clamant ad me de terra*; ubi דמי, est לשן רבים, idest numeri pluralis.

Hebraeorum magistri¹⁴⁰ dicunt, quod sanguis voce plurium ponitur ad significandum sanguinem tum ipsius Abel tum filiorum ipsius, quos genuisset si mansisset in mundo; et propterea dixit Deus ad Cain, quod non tantum viri unius sanguinem fudit, verum etiam semihabitationem fere hominum, qui per lineam Abel descensuri fuissent. Sentiant enim Hebraei¹⁴¹, quod per hos duos Adae filios totum humanum genus propagandum erat, et iam a generando cessaverat Adam. Hanc sententiam utraque Chaldaica Paraphrasis probat.

Vox sanguinis, etc.
Interpretatio huius loci iuxta Hebraeos.

Rabbinus Salomon inquit¹⁴² id esse, quoniam Cain « vulnera multa inflixit fratri suo Abel, quia nesciebat unde anima ipsius egrederetur, et propterea dicitur: *Vox sanguinum*: propter sanguinem, qui fluebat hinc et hinc ».

Aliae aliorum interpretationes.

Ex nostris vero quidam ita locum hunc interpretantur¹⁴³, ut his verbis demonstrare voluerit Deus ipsi Cain peccatum ipsius adeo sibi esse patens ac manifestum, ac si sanguis eius magna voce clamaret in coelum.

Nobis vero aliter locus iste exponendus videtur. Per sanguinem autem nos animam Abel proprie intelligimus. Homo enim, qui ex corpore et anima constat, corpore apparente et anima intus latente, Hebraeis בשר ודם, idest caro et sanguis dicitur; atque ita intelligimus illud in Evangelio Matthaei, cuius phrasim hebraica est, cum hebraice scriptum fuerit¹⁴⁴, quod Dominus ad Petrum testimonium de eius divinitate reddentem, dixit: *Beatus es, Simon*

Per sanguinem anima intelligi potest, iuxta phrasim hebraicam frequentem in S. Scriptura.

138) Ms.: צועקים. 139) Ms.: קל. 140) Cf. Rab. Salomon op. cit. f. 6^b; *Mishna, Sanhedrin*, IV, 5; *Talmud Babyl. Sanhedrin*, f. 48^b et loci paralleli; Nic. Lyranus op. cit. f. 45^b; Alph. Tostatus op. cit. f. 27^a. 141) Cf. Ginzberg op. cit. V, pag. 148, not. 46. 142) Op. cit. f. 6^b. 143) Cf. S. Ambrosius *De Cain et Abel*, lib. 2, cp. 9, (P. L. 14, 356); S. Eucherius *Comment. in Gen.*, lib. 1, ibid. 50, 917. 144) 16, 17. Vulg.: *Bar Iona*. Communiter sentiunt Doctores Ecclesiae S. Matthaeum Evangelium suum hebraico sermone scri-

*Bar Iohana, quia caro et sanguis non revelavit tibi, sed Pater meus qui in coelis est. Caro, inquit, et sanguis, idest homo, ut per carnem foris apparentem corpus, per sanguinem autem intus latentem animam intelligamus. Ita et illud, quod dixit Dominus ad Noe, cum ei et cunctis filiis suis omnes pisces maris . . . et omne, quod movetur et vivit in terra, quasi olera virentia dedisset in cibum, excepto, inquit, quod carnem cum sanguine non comedetis*¹⁴⁵, idest hominem. Mox enim sequitur: *Sanguinem enim animarum vestrarum requiram de manu cunctarum bestiarum; et de manu hominis, de manu viri fratris eius requiram animam hominis. Quicumque effuderit sanguinem humanum in terra, fundetur sanguis ipsius; ad imaginem quippe Dei factus est homo*¹⁴⁶. Ubi manifeste conspicitur quod per sanguinem animam intelligit. Hinc *M o y s e s* in *Deuteronomio* tantopere praecavit¹⁴⁷ ne carnem cum sanguine etiam brutorum comederent, dicens: *Hoc solum cave ne sanguinem comedas; sanguis enim eorum pro anima est, et idcirco non debes animam comedere cum carnibus.*

Anima Abel clamabat ad Deum, non quidem voce materiali, sed ratione, petens ultionem iniquitatis.

Per sanguinem ergo hic ad Deum clamantem animam ipsius Abel intelligimus, quae non voce, sed ratione ad Deum clamat, postulans se vindicari de fratre iniquo et in iniquitate et nequitia perseverante. Iuxta quod in *Apocalypsi* legimus¹⁴⁸: *Vidi sub altare animas interfectorum propter verbum Dei et propter testimonium quod habebant; et clamabant voce magna dicentes: Usquequo, Domine, sanctus et verus, non iudicas et non vindicas sanguinem nostrum de his qui habitant in terra?* Ita profecto Abel voce magna clamat ad Dominum: atque ita *defunctus*, *A p o s t o l o* teste¹⁴⁹, *adhuc loquitur*, manifestando coram Deo fratris sui nequitiam. Vide, inquit, tu, Domine, qui iustus et verus es, quid operatus sit in me frater meus: quam nefarium facinus, quam abominabile opus, caedem novam et raram iam primum vitae hominum sua dextra invectam. Me enim hominem simplicem, iustum et innocentem fratrem suum, qui nunquam ei malum aliquod

psisse. Cf. S. Irenaeus *Adversus Haereses*, lib. 3, cp. 1, (P. G. 7, 844); Origenes *Comment. in Matthaeum*, ibid. 13, 830; Eusebius Caesar. *Historiae Eccles.* lib. 3, cp. 24, ibid. 20, 266; lib. 6, cp. 25, ibid. col. 582; S. Io. Chrysostomus *Comment. in Matthaeum*, Hom. 1, ibid. 56, 612; S. Hieronymus *Epist.* 20, (P. L. 22, 379); *De Viris Illustribus*, cp. 3, ibid. 23, 643; *Comment. in Isaiam*, lib. 3, ibid. 24, 98; S. Augustinus *De Consensu Evang.*, lib. 1, cp. 2, ibid. 34, 1044; lib. 2, cp. 66, ibid. col. 1139.

Humanum sanguinem . . . fundetur sanguis illius.

Subtus altare . . . et iis qui habitant in terra.

145) Gn 9, 2-4.

146) Ibid. vrr. 5-6. Vulg.:

147) 12, 23.

148) 6, 9-10. Vulg.:

149) Hebr 11, 4.

intuli, nec verbum quidem, quod laedere eum posset, unquam protuli, immaniter interfecit: nonnisi ex bono opere, quia tibi placebam, quia tibi accepta munera offerebam, quia pie et innocenter vivebam, quia illi testimonium veritatis perhibebam, me, inquam, interfecit! Nec me tantum, sed et omnes, qui de meo femore, tua gratia donante, egressuri erant: gentem piam, sanctam et iustam, tuo cultui deditam, ut merito filii tui dici potuerint. Vide ergo, Domine, insaniam intolerabilem, nefarium scelus, factum inexpiabile, intolerabilem culpam. Vindica ergo, Domine, sanguinem meum, vel, si melius dicam, sanguines meos; nam et me et futuros filios meos interemit.

Respondisse Dominum credo: Requiesce modicum tempus, o Abel iuste et innocens, donec compleatur numerus conservorum tuorum et fratrum, qui interficiendi sunt sicut et tu, propter iustitiam et testimonium veritatis¹⁵⁰: quia una cum illis pro iniusta morte iuste stola alba immortalitatis indueris et pro iniqua vi, quam tibi frater tuus intulit, gaudiis perfrueris aeternis, tanquam verissimus proto-martyr et primus veritatis testis. Pro filiis autem tuis tecum una interemptis, ego semen aliud patri tuo pro te ponam. — Ita enim scriptum est: *Posuit mihi Deus semen aliud pro Abel, quem occidit Cain*¹⁵¹: ex quo gens illa sancta descendit, quae primo *coepit nomen Domini invocare*¹⁵², unde *filii Dei* appellari¹⁵³ meruere.

Pulcherrima
paraphrasis
huius loci;

Locus itaque iste diligenter expensus, Abel quidem corpore mortuum, spiritu autem adhuc viventem et loquentem ostendit; corpus quidem nefaria Cain caede occisum est: anima autem occidi non potuit; sed adhuc immortalis immortaliter vivit nunquam peritura. Quare merito de animae immortalitate nonnulla hoc loco in medium afferamus.

ex quo etiam
eruitur ani-
mae humanae
immortalitas,

Multi enim hodie qui eam negant immortalem, sed una cum corpore mori autumant et affirmant, eo quod apud *Ecclesiasten* legant¹⁵⁴: *Unus est interitus hominum et iumentorum...*; *nihil habet amplius homo iumento*; et *Apostolus* etiam dicat¹⁵⁵ quod *solus Deus habet immortalitatem*. Deinde nonnulli¹⁵⁶ naturalium rationum appa-

quam multi
negant, falso
interpretantes
Scripturam
et apparenti-
bus rationibus
alucinati.

150) Cf. Apc 6, 11. 151) Gn 4, 25. 152) Ibid. vr. 26. Vulg.: *Coepit invocare nomen Domini*. 153) Ibid. 6, 2. 154) 3, 19. Vulg.: *Unus introitus est hominis... nihil habet homo iumento amplius*. 155) 1 Tim 6, 16. 156) V. g. Alexandristae de quibus cf. Giacinto Tredici *Storia della filosofia, Epoca Quarta*, cp. 3, pag. 164. Cf. etiam S. Thomas S. Theolog., 1^a, q. 75, a. 6; S. Bonaventura *Sentent.*, lib. 2, dist. 19, a. 1, q. 1.

rentium involucris alucinati, quod anima in operando a phantasmatibus pendeat hisque indigeat, cumque phantasma, sine quo nihil intelligere putant, non sit absque corpore, arguunt quod non possit anima permanere destructo corpore. Deinde quod omne genitum quodque esse coepit, corrumpi necesse sit et esse desistere: ipsa autem anima esse coepit; hinc ponunt animam omnino esse cum corpore perituram, sicut et brutorum quorumcunque animae. At sapientia istorum insipientia atque insania est hominum animalium, qui non sapiunt *quae Dei sunt* ¹⁵⁷ et propterea, cum ut bruta animalia vivant, animam quoque se putant brutorum habere cum corpore morituram.

Veritas
catholica de
immortalitate
animae in
conciliis pro-
clamata fuit,

Veritas autem catholica et fides determinavit animam quidem cum corpore incepisse, non aliunde quam a Deo creatam et corpori infusam, tanquam eius essentialem formam et vitam, ipsum vivificantem et moventem: post corpus vero perpetuo immortalem per se mansuram, quoadusque corpori iterum uniatur in universali resurrectione, prout Sancta Ecclesia, veritatis columna ¹⁵⁸, in Viennensi concilio ¹⁵⁹ et Lateranensi ¹⁶⁰ sub Leone X celebrato, sub anathemate determinavit. Habetur etiam in *Clementina, De Summa Trinitate et Fide Catholica, capite unico* ¹⁶¹.

et multis etiam
rationibus
probat; ;

Haec autem veritas, praeter quod universalis Ecclesiae auctoritate firmatur, Sacrae Scripturae auctoritate, sacrorum Doctorum et universalis scholae theologorum tum rationibus tum auctoritatibus firmissimis propugnaculis munitur; ea praeter ethnicorum philosophorum recte sapientium sententia fuit; ac demum cum theologalium et moralium, tum etiam naturalium rationum monimentis fulcitur.

Et primo quidem rationalem animam formam corporis esse, ultra quod in praedictis locis determinatum est, ex philosophorum etiam sententia patet, qui eam actum corporis physici, organici, potentia vitam habentis esse definivere ¹⁶²; tum quia si forma corporis informans non esset, homo vere non esset homo; forma enim est quae dat esse rei. — Nota quod fuit opinio D. Gregorii Nysseni ¹⁶³ animam non esse corporis formam; sed non tenetur.

¹⁵⁷) Mt 16, 23; Rom 8, 5; Phil 3, 19; Col 3, 2.
zinger-Bannwart *Enchiridion Symbolorum*, n. 480.

¹⁵⁸) Cf. 2 Tim 3, 15.

¹⁵⁹) Cf. Den-

Decretalium Clementin., lib. 1, tit. 1, pag. 8.

¹⁶⁰) Cf. *ibid.* n. 738.

¹⁶¹) *Lib. 6*

a. 4, c; Aristot. *De Anima*, lib. 2, cp. 1, t. 1, pag. 387.

¹⁶²) Cf. S. Thomas S. *Theolog.*, 1^a, q. 76,

(P. G. 40, 571-574. 598). Nota haec in codice ad marginem folii adiecta invenitur. Huius tractatus,

¹⁶³) *De Natura Hominis*, cp. 2-3,

Esse autem immortalem et manere post corpus, primo Christus adversus Sadducaeos ¹⁶⁴, qui negabant resurrectionem, spiritum et angelum, ita probavit: *Non legistis, inquit: Ego sum Deus Abraham, Deus Isaac et Deus Iacob? Non est Deus mortuorum, sed viventium* ¹⁶⁵. Quoniam autem haec verba dixit Dominus in *Exodo* ¹⁶⁶, iam Patres illi mortui erant, et non erant: si ergo nihil eorum vivebat, ergo Deus dicitur Deus nihili. Relatio autem creaturae ad Deum realis est: ergo rei existentis: aliquid ergo eorum existebat, non compositum, non corpus; iam enim non corpus, sed cadavera corrupta erant: ergo animae vivebant. Deinde apud *Matthaeum* Dominus dicit ¹⁶⁷: *Nolite timere eos, qui occidunt corpus, animam autem non possunt occidere; sed eum potius timete, qui, postquam occiderit corpus, potest et animam perdere in gehennam*. Sed nimium esset omnia Novi Testamenti testimonia in medium afferre.

et in
pluribus locis
Novi
Testamenti

In Veteri id quoque patet. *Salomon* enim, *Ecclesiastis* ultimo ¹⁶⁸, de hominis morte loquens, sic ait: *Revertatur pulvis in terram... unde erat, et spiritus redeat ad Deum, qui dedit illum*. Id autem, quod alias *Salomon* dixit: *Unus est interitus hominum et iumentorum*, etc. ex persona insipientium dixit, qui in *Sapientia* ita loquuntur ¹⁶⁹: *Exiguum et cum taedio est tempus vitae nostrae, et non est refrigerium in fine hominis; et non est qui agnitus sit reversus ab inferis. Quia ex nihilo nati sumus et post hoc erimus tanquam non fuerimus; quoniam fumus afflatus est in naribus nostris. Quibus in Sapientia etiam respondetur* ¹⁷⁰: *Iustorum animae in manu Dei sunt, et non tanget illos tormentum mortis. Visi sunt oculis insipientium mori... illi autem sunt in pace*.

et Veteris
docetur.

Doctores Hebraeorum omnes asseverant *Salomonem* ex persona insipientium ibi esse locutum, quemadmodum ipse dixit: *Dixi in corde meo de filiis hominum* ¹⁷¹. Unde *Rabbinus Abraham Aben Ezra*, super illum locum, ait ¹⁷²: « Hic versus est secundum cogitationes filiorum hominum, qui non habent sapientiam et intelligentiam; qui videntes eventum unum esse homini et animali, pu-

Communis
est etiam He-
braeorum con-
sensus et fides
circa animae
immutabilitatem et resur-
rectionem
futuram,

qui in antiquis editionibus inter opera D. Gregorii Nysseni extabat et ei tribuebatur, auctor est Nemesius. Cf. Bardenhewer *Manuale di Patrologia*, vol. 2, pag. 90. 164) Cf. Act 23, 8. 165) Mt 22, 31-32. 166) 3, 6. 167) 10, 28. 168) 12, 7. Vulg.: *In terram... redeat ad Deum*. 169) 2, 1-2. Vulg.: *Flatus est in naribus*. 170) 3, 1-3. 171) Eccle 3, 18. 172) *Biblia Rabbinica, Comment. in Coheleth*, cp. 3, 19, fasc. 106, f. 8^a.

tant illa habere eundem spiritum, nec praestare hominem animantibus ceteris ». *Glossa* autem *Hebraeorum*¹⁷³ super illud: *Quis novit si spiritus filiorum hominum ascendit sursum et spiritus iumentorum descendat deorsum*¹⁷⁴ ? accipit si pro quia, dictio enim hebraica utrumque significat¹⁷⁵, et ita locum exponit: « Quis cognoscens, idest quis ponit cor suum ad cogitandum quod spiritus hominis ascendit sursum ad iudicium divinum, ad rationem reddendam ? » Firmissima autem est *Hebraeorum* omnium sententia et fides animam rationalem esse immortalem, et universalis resurrectio futura est apud eos articulus fidei, sicut et apud nos.

sicut et
omnium
theologorum
catholicorum.

Haec eadem veritas ex communi omnium catholicorum sententia manifesta est atque dilucida. D. enim Dionysius Areopagita, theologicae disciplinae columen et culmen, in quarto [capite] *De Divinis Nominibus*¹⁷⁶, inter plerasque dotes, quas anima a Summo Bono accepit, immortalitatem enumerat, quod virtutem intellectualem habet, inde essentialem vitam et immortalem. Idem ipsum late D. Augustinus, in libro *De Immortalitate Animae*, et affirmat¹⁷⁷ et seriose probat. Mitto communem omnium theologorum sententiam verissimam qui id latissime probant.

Eam docue-
runt etiam
ethnici
philosophi,
ut Plato,
Pythagoras
et Aristoteles.

Quo autem ad ethnicos philosophos, Plato, academicorum princeps, in *Timaee*¹⁷⁸ expresse animae immortalitatem docet. Idem senserunt stoici plerique et Pythagoras, ut refert Plutarchus¹⁷⁹. Aristoteles etiam in suis *De Anima* id expresse sentire videtur. In 2 enim ita ait¹⁸⁰: « De intellectu autem et speculativa potentia nihil adhuc manifestum est: sed videtur genus aliud animae esse et hoc solum posse separari, sicut perpetuum a corruptibili ». In 3 autem ait¹⁸¹, de intellectu loquens: « Separatum hoc autem solum est, quod quidem est et hoc solum immortale est et perpetuum ». In 12 autem *Metaphysicorum*¹⁸², cum dixisset ani-

173) Apud Rab. Salomonem, ibid. ad vr. 21.

174) Ecce 3, 21. Vulg.: Adam ascendat, etc.

175) Textus enim hebraicus utroque modo interpretari potest, tum interrogative tum etiam positive. Pagnini: « Iuxta hebraicam punctuationem, qui ascendit, sic mox, qui descendit, ut sit He hajedihah (idest He demonstrativum, seu articulus respondens graeco ὁ, ἡ, τὸ, de quo cf. supra cp. 1, not. 582), nam He interrogandi aliter scriberetur ». Op. cit. sub radice: הַיִּי, col. 2655. Cf. Cornely *Introduct. in S. Script. Libros*, pag. 497.

177) Cp. 1-16, (P. L. 32, 1021-1034).

178) T. 3, pag. 41-42.

176) P. G. 3, 695.

cp. 7, t. 2, pag. 899.

180) Cp. 2, t. 1, pag. 388.

179) *De Placitis*, lib. 4,

182) Cp. 3, t. 2, pag. 559-560.

181) Ibid. cp. 5, pag. 402.

mam, vel formam corpus moventem, non esse ante corpus, sed cum corpore, sicut sanitas tunc est cum est homo sanus, et aeneae sphaerae forma tunc cum ipsa aenea sphaera est: subintulit animam non omnem, sed intellectum manere posterius, nihil prohibet. Eandem sententiam multi ex Aristotelis interpretibus tenent, quos nimium esset singulos adducere.

Ad rationes accedamus, proposito prius quodam universali axioma ex communi animi conceptione, ex quo licebit nobis conclusiones elicere. Est autem quod omnes res ex earum operationibus cognoscuntur, et hae¹⁸³ proxime earum indicant naturam. Qualis nanque est rei operatio, talem necessum est et naturam esse, cum operatio ex natura proveniat; et si eadem operationes in specie, easdem esse res specie colligimus; et si diversas habeant operationes, diversas esse specie. Operationes praeterea potentias ostendunt et earum virtutem ex qua procedunt, nec non et propriam naturam; si fit operatio, ab aliquo principio procedit et propria a proprio. Et ita ex actibus potentias et ex potentiis rei naturam indagamus atque colligimus, imo demonstramus; ceu res naturales per motum cognoscuntur et ex motu demonstrantur.

Probatur autem animae immortalitas ex natura eius operationis, quae demonstrat naturam operantis.

Iam ergo si ita res est, anima ex operibus et actibus cognoscenda erit; et eius pariter immortalitas eiusque existere et separatum esse post corpus. Si enim operationes aliquas habuerit, quae ex corpore non pendeant, nec corporeo organo suscipiantur, certum et evidens argumentum erit eam a corpore esse separabilem et spiritualem, utpote quae habeat immateriales et spirituales operationes a corpore separatas; contra vero si nullae essent tales operationes, eam nullatenus a corpore separari posse et permanere. Ita enim et Aristoteles, in *1 De Anima*, naturam animae coniectans, ait¹⁸⁴: « Si igitur, inquit, est aliqua animae operatio aut passionum propria, continget utique ipsam separari; si vero nulla est propria ipsius, non utique erit separabilis ». At certe multae sunt rationalis animae propriae operationes a corpore nullatenus pendentes, aut a phantasmate.

Anima enim multas operationes habet, quae non pendent a corpore;

Et primo: circa intellectus operationes. Ipsa etenim mens dum Deum, intelligentias sive angelos, invisibilia quaeque et aeterna, seipsam

ipsa nanque Deum intelligit, spiritualia,

183) Ms.: Haec.

184) Cp. 1, t. 1, pag. 380.

aeterna, se-
ipsam etiam et
actus suos;

et actus suos intelligit, profecto intellectiones istae a corpore separatae sunt, cum a phantasmate non pendeant; spiritualia enim phantasmatis non sunt subiecta.

similiter elicit
actus fidei
divinae vel
humanae,
quae operatio-
nes a corpore
non pendent.

Praeterea: fides et actus fidei, non solum qua divina credimus, sed etiam qua humana ex alicuius auctoritate recipimus, actus est separatus et supra sensum. Intellectus enim ad credendum neque sensibus neque rationibus convincitur;¹⁸⁵ non rationibus: quia tunc esset scientia vel opinio, non fides; neque sensibus: siquidem, omnibus positis sensitivis actibus et omni agentis rationalis actione, non cogetur intellectus credere; credimus autem quia volumus et quia intellectus vult assentire alicuius auctoritati. Fides ergo actus separatus est.

Item ratiocinationes, divisiones, definitiones, universalium cognitio, etc.
a sensu non pendent:

Praeterea: multae aliae sunt intellectus operationes, quas sensus non potest efficere, ut ratiocinari, syllogismos conficere, dividere, definire, ordinare, numerare, componere etiam et propositiones efficere, universalia cognoscere, et pleraque alia quae sensus non potest efficere; sed potentia altior haec operatur, idest intellectus spiritualis, atque adeo essentia spiritualis, cuius illa est spiritualis potentia: siquidem qualis operatio talis potentia, et qualis potentia talis est essentia. Tametsi autem haec intellectus sine sensuum adminiculo efficere non potest et absque phantasmatis oblatis: his tamen positis, intellectus ipse per se haec¹⁸⁶ efficit; ipse etenim phantasmata illuminat et species intelligibiles elicit ex phantasmatis. Intelligibiles autem species intellectu receptas, absque omni adminiculo intellectus speculatur; quare actus ille separatus est.

ergo procedunt a potentia, quae est supra sensum,

Praeterea: multa intelligit, quae phantasmata quidem non habent, quibus movere intellectum possint, sed terminare tantum possunt; ceu sunt relationes omnes, quae intelliguntur, cum speciem non habeant. Actus ergo ille a corpore non pendet, cum non a phantasmate recipiatur.

ergo separabilis est a corpore; ideo immortalis.

Amplius: anima, praeter naturalem intelligendi modum qui, ut plurimum, fit per sensus receptis phantasmatis, potest multa per influxum et motum superioris causae intelligere: a Deo per revelationem et infusionem scientiae specierumque intelligibilium; quemadmodum et intelligentiae a corpore separatae. At certe hic intelli-

185) Ms.: *Intellectus repetitur.*

186) Ms.: *Has.*

gendi modus proculdubio a corpore et sensibus separatus erit, cum non sit a phantasmate, sed a Deo et lumine divino. Haec ergo operatio intellectus erit a corpore separata. Ergo si anima habet propriam hanc operationem, erit utique a corpore separabilis, ut permaneat.

Voluntatis praeterea operationes multae sunt separatae. In voluntate enim velle et nolle supra omnem sensum est et supra omnem appetitum sensitivum; voluntas enim imperat et dominatur sensui et appetitui sensitivo, et multa vult contra sensitivum appetitum, sicut in continente apparet, qui appetitus coercet et frenat ne, solutis habenis, libere debacchentur.

Voluntas etiam operationes habet, quae non pendent a sensu;

Praeterea: multae sunt virtutes in voluntate residentes, quae in sensu nullatenus esse possunt, ceu est amor Dei, timor et reverentia Dei, pietas in Deum atque devotio, spes in Deum, etc. Ad huiusmodi autem sese attollere sensus non potest, nec ea appetere. Illi ergo voluntatis actus in Deum atque divina a corpore non pendent: sunt ergo proprii.

item et virtutes, quae spirituales sunt;

Deinde: voluntas libera est et suarum actionum domina; ad agendum enim ipsa seipsam movet primo. Quidquid autem se movet primo et non potest naturali motu ab alia creatura naturaliter moveri, est aeternum et non potest interire. Si enim deberet interire, profecto ab aliquo naturali agente id esset naturaliter movente, efficaciter et violenter. Voluntas autem non potest sic moveri ad suam actionem, quia libera est; ergo neque moveri ad essentiae, sive existentiae corruptionem; ut sicut operatio impediri non potest, ita nec essentia vel essentiae existentia. Et sicut necessitas aut vis ulla a creatura aliqua potest voluntati inferri, ita nec eius essentiae; nam, sicuti diximus, qualis est rei operatio et potentia, talis est essentia, natura et existentia.

est domina suarum actionum, nec indiget alio movente ad agendum:

ergo sicut eius operatio impediri non potest, ita nec eius existentia.

Ea praeter: rationalis anima eius est virtutis, ut una cum suis potentiis supra seipsam reflectatur. Anima enim vult se intelligere, et intelligit se velle, et memoratur se voluisse et intellexisse, et intelligit et vult se memorari. Itaque intellectus reflectitur supra voluntatem, et voluntas supra intellectum, et utraque supra memoriam, et contra. Imo vero intellectus supra seipsum convertitur et reflectitur: nam intelligit se intelligere; et voluntas pariter vult se velle; et memoria memoratur meminisse. At certe haec omnia absque sensuum adminiculo fiunt et absque phantasmatibus: non sunt enim horum

Actus reflexi animae non dependent a sensu; probant ergo eius spiritualitatem et immortalitatem.

actuum phantasmata. Demonstrant etiam animam¹⁸⁷ immaterialem esse, cum corpus supra seipsum reflecti nequeat, idest ipsum sibimet superponi; quare cum anima supra seipsam convertitur, manifeste elucet quod incorporea [sit], immaterialis et spiritualis atque ideo incorruptibilis et immortalis: spiritualia enim et immaterialia immortalia sunt.

Intellectus etiam, memoria et voluntas habent actus reflexos, qui effici nequeunt a potentia corporea: ergo.

Esse autem spiritualement inde etiam roboratur: unaquaeque enim potentia ita supra alias reflectitur, ut omnes eas capiat et omne earum obiectum et omnes operationes. Etenim intellectus et memoriam intelligit et voluntatem et bonum, quod est voluntatis obiectum, et omnes voluntatis operationes. Similiter voluntas amat veritatem sive verum, quod est intellectus obiectum: et omnes veritates et ipsum intellectum et omnes ipsius intellectus operationes imperare potest et velle. Et in memoria similiter reponuntur omnes cognitiones rerum quarumlibet, etiam ipsius intellectus et voluntatis earumque operationum. Necesse est ergo has potentias spirituales esse, quandoquidem nulla corpora ita se possunt habere, ut unumquodque ex tribus simul omnia ex aequo capiat; nec tres ullae unquam corporeae mensurae tales reperientur, ut et singulae capiant omnes alias et quantum totae tres capiant. Sunt ergo spirituales potentiae. Ergo et anima immaterialis et immortalis.

Insuper capacitas intellectus et voluntatis est progressive quodammodo infinita: ergo et duratio.

Ad haec: ex infinita tum intellectus tum voluntatis capedine immortalitas animae comprobatur. Intellectus enim infinita est capacitas, tum etiam voluntatis; potest enim voluntas diligere bonum unius gradus et duorum graduum et quattuor et decem et mille graduum et sic in infinitum. Ita quoque eius appetitus infinitus est, quem nihil sub sole potest, nisi ad modicum, implere ac satiare: sed post quodvis consecutum bonum, voluntas aliud appetit. Et intellectus potest intelligere non solum universum hunc mundum, sed et duos et tres, etc. sine statu; et potest intelligere perfectionem unius gradus et duorum et trium et decem et mille, et sic sine termino; et in numerorum progressu potest, quovis numero dato, ei superaddere; similiter in figurarum processu addere sine termino. Infinita ergo ipsi inest capacitas. Et duratio ergo erit perpetua; quale enim proprium est rei, talis est et eius essentia et existentia. Non potest autem infi-

nita actu capere, sed progressu; sic non actu infinita essentia est, sed duratione.

Praeterea a natura ipsius animae eius probatur immortalitas. Illud enim moritur, a quo vita separatur. At impossibile est ab anima vitam separari, quia ipsa formaliter et secundum suam rationem vita est; unde sicut est impossibile albedinem a se separari, ut non sit alba: ita vitam ab anima.

Anima secundum suam rationem vita est:

At dicet quis albedinem quidem vere a se separari non posse: posse tamen deficere et destrui; et sic de anima. Dico quod si albedo destruitur, nonnisi ab aliquo agente destruitur; ita et anima si destruitur, ab aliquo agente destruetur. Agens autem omne vel creatum, vel increatum est; et de increato agente dubium nullum est quod eam possit destruere, sicut et creare potuit: etenim¹⁸⁸, ut quaelibet alia creata, quoad esse immediate a Deo dependet, qui contingenter mere et libere influit et operatur ad extra; unde, si cessaret Deus ab opere, in nihilum anima tenderet. Sed dico animam esse immortalem, quia per causalitatem cuiuscumque, citra Deum, non potest destrui. Omnis enim corruptio ex dependentia effectus oritur ab aliqua causa. Effectuum autem quidam a quattuor causis dependent: materia, forma, efficiente et fine, ceu est substantia quaelibet corporea, praesertim mixta; quidam vero a tribus tantum, ceu est forma quaelibet materialis: a materia enim, efficiente et fine dependent, non autem a forma, quia forma est, nec a seipsa potest dependere; alii a duabus tantum pendent: efficiente et fine ultimo, cuiusmodi sunt intelligentiae, quae materia et forma non constant, sed sunt actus puri. Effectus qui ab una tantum causa dependeat, vere non datur; etsi, secundum philosophos, detur intelligentia, quae a Deo in genere solum causae finalis pendeat.

ergo nequit a vita separari, nisi destruat, quod soli Deo competit,

quia ipsa ab alia causa non pendet.

Anima autem nostra ab efficiente et fine necessario dependet, sicut intelligentiae: unde sicut illae, ita ipsa immortalis est. Non enim a forma dependet, quia ipsa est forma et actus; neque a materia habet totum esse dependens; sicut enim in operari non dependet totaliter a materia, sed operationes aliquas separatas habet, ut supra ostensum est: ita nec secundum esse a materia dependet. Ergo separata non corrumpitur.

188) Ms.: Cum additur.

Et hoc probatur ex eo quod, deficiente et declinante corpore, ipsa non deficit nec senescit.

Praeterea: si a corpore rationalis anima et intellectus totaliter dependeret, ita ut, eo deficiente, deperiret et desineret: ergo deficeret et declinaret magis ac magis, corpore pariter deficiente et declinante. Ita enim vires vegetativa ac sensitiva, robur, forma et pulcritudo et pleraque alia, quae a materia dependent, senio et infirmitate, corporis passionibus debilitantur, marcescunt ac demum cum corpore pereunt. At certe intellectus viget in senibus, qui, corpore debilitato ac pene confecto, iudicio ac ingenio, scientia et prudentia magis ac magis polent. Non pendet ergo a materia intellectus, cum non senescat, nec debilitetur. Alioquin autem esset si esset vis organica: ceu sunt alii sensus ac vires, quae debilitantur ac senescunt ab excellentibus obiectis; quoniam cum organicae sint, corrupta ac laesa ab excellenti obiecto et nimium intenso organica harmonia, [corrumpuntur]; intellectus autem ab excellenti obiecto non corrumpitur, sed perficitur.

Ideo non potest corrumpi per accidens, idest corrupto corpore, quia per se operatur;

Praeterea: si anima esset mortalis et corruptibilis, vel corrumpetur per se, vel per accidens, corpore videlicet corrupto, sicut accidentia corrumpuntur. At non potest per accidens corrumpi; generatio enim et corruptio competit rei sicut et esse: esse enim per generationem acquiritur et per corruptionem deperditur. Quod ergo per se est, per se generatur et corrumpitur. Et impossibile est quod per accidens ad corruptionem alterius corrumpatur: tunc enim non esset per se existens. At anima per se existit et potest existere; quod enim per se potest operari et operatur, potest etiam per se existere et existit; operari enim non est nisi entis in actu et operatio rei naturam demonstrat; anima autem nostra potest per se operari et operatur sine corporeo organo, ut supra ostensum est: ergo per se potest sine corpore existere. Si ergo est ens per se existens, non potest per accidens ad corporis corruptionem corrumpi; per accidens enim corrumpi non est entium per se existentium, sed accidentium et eorum quae materiae secundum totum esse suum innixa sunt.

nec potest corrumpi per se quia non habet contrarium; nec est substantia ex contrariis composita,

Nec itidem potest per se corrumpi; quod enim per se corrumpitur, a contrario et in contrarium corrumpitur: anima autem non habet contrarium; substantiae enim nihil contrarium est: ipsa autem anima est substantia. Nec est substantia ex contrariis composita, aut ex elementis mixta, aut contrariis qualitatibus adnexa, quae mutuo a se invicem dissidentes et sibi invicem contrariantes, interitum et dissolutionem ei parent et machinentur; sed forma et actus,

simplex est. Cum igitur forma simplex sit a materia non dependens, sed per se existens, profecto immortalis et ininteribilis erit, sicuti sunt intelligentiae, ex eo quod formae et actus simplices sunt a materia non dependentes.

sed forma
simplex.

Mitto demum quod si anima mortalis esset, multa et insupportabilia omnino inconvenientia sequerentur. Nam et ratio verae beatitudinis, quae in praesenti vita esse non potest, omnino periret si altera vita non esset. Multae etiam virtutes deperirent, cum in hac vita praemium non assequantur, ceu sunt temperantia, sobrietas, virginitas, poenitentia, paupertas, religio, etc.; hae enim virtutes maximis huius vitae voluptatibus privant atque destituunt. Quod si in alia vita nullum ipsarum esset praemium, omnino depereunt, cum vel nihil vel parum utilitatis habeant et voluptatis: mali autem plurimum et afflictionis.

Demum si
anima mortalis
esset, non
existeret
spes verae
beatitudinis,
ratio
virtutum,

Iustitia Dei etiam aequissima non esset, cum in hac vita multae virtutes earumque actus et opera non praemientur; imo sancti ac laudabiles viri, qui continuo in virtutum actibus exercentur, voluptatem frenantes et desideria carnis non implentes, sed corpus suum castigantes et in servitutem redigentes¹⁸⁹, illud Apostoli verissime dicere possent¹⁹⁰: Si dormientes in Christo pereunt, si in hac vita tantum in Christo sperantes essemus, miserabiliores essemus omnibus hominibus¹⁹¹. Quod enim Abel pro iustitia et veritate praemium in hac vita sumpsit? Quid praemii tot martyrum millia, qui pro iustitia et veritate dimicavere ad sanguinem et mortem usque? Quid emolumenti consecuti sunt quicumque pro virtutum actibus conservandis et tuendis, pro legibus sanctis, pro gente, patria et republica mortem subiere?

aequa Dei
iustitia,
quia nec
iustum virtutis
praemium,
nec iusta
poena ini-
quitatis
haberetur.

Demum: si praeter hanc nulla alia esset vita, recte possemus iniustitiae Deum arguere et cum Ieremia ad eum dicere¹⁹²: *Iustus quidem tu es, Domine, si disputem tecum; veruntamen iusta loquar ad te: Quare via impiorum prosperatur? bene est omnibus, qui praevaricantur et inique agunt.* E contra autem iusti mortificantur tota die, facti sunt sicut oves occisionis¹⁹³. Ecce dives ille magnus epulo, dives valde erat, induebatur purpura et bysso et epulabatur quotidie splendide:

Anima ergo
immortalis
est, quia Dei
iustitia non
moritur, sed
vivit ad vin-
dictam
iniquorum.

189) Cf. 1 Cor 9, 27.

190) Cf. ibid. 15, 18.

sumus, miserabiliores sumus, etc.

192) 12, 1.

191) Ibid. vr. 19. Vulg.: *Sperantes*

193) Ps 43, 22.

erat autem inique agens; iustissimus autem Lazarus pauperrimus erat et miserabilissimus mendicus, iacens ad portam divitis, *ulceribus plenus, cupiens saturari de micis, quae cadebant de mensa divitis, et nemo illi dabat*¹⁹⁴. Ubi est ergo virtutum praemium et peccati punitio? Ubi iustitiae aequitas, quae nullum malum impunitum et nullum bonum relinquit sine praemio? Vivit, vivit certe anima post mortem et sic *mortuus est . . . dives et sepultus est in inferno*¹⁹⁵, ibique in tormentis manet perpetuis pro suarum gravitate culparum: iustus autem Lazarus ab angelis portatus est *in sinum Abrahae*, ubi *nunc . . . consolatur*¹⁹⁶ pro suarum remuneratione virtutum. Ita profecto et Abel occisus est a fratre iniquo; pro sua iustitia *defunctus adhuc loquitur* et clamat ad Deum, ut vindicet sanguinem suum de manu fratris iniqui. Cuius voce commotus Deus, miserabiles poenas Cain luendas infligit pro scelere, dicens:

*Maledictus tu de terra*¹⁹⁷, *quae aperuit os suum et suscepit sanguinem fratris tui de manu tua.*

מֵהָאֲדָמָה אָרָרָהּ: *Maledictus tu e terra, sive prae terra, vel plusquam terra, vel supra terram.*

מֵ enim praepositio in hebraeo aliquando a, vel a b, vel de [significat], aliquando vero vox est qua comparativum circumloquuntur Hebraei et valet plus, magis, prae.

Rabbīnus Salomōn exponit¹⁹⁸ eam dictionem in secundo significato: *יֹרָר*, idest plus, ut sit sensus: maledictus tu magis quam terra, quae ob peccatum Adam maledicta fuit supra, dum dicitur: *Maledicta terra in opere tuo*¹⁹⁹, sive *propter te*. Rabbīnus vero Abraham Aben Ezra²⁰⁰ et Rabbīnus Moyses ben Nachman, ut Rabbīnus Abrahanel refert²⁰¹, aliter exposuerunt: quod scilicet maledixit eum, ut proveniret ei semper egestas, inopia atque penuria a terra, quam elegerat colendam; quoniam non datura esset illi proventum suum et fructus suos ex seipsa, ut conveniens erat; ac etiam quod si excoluerit eam ad seminandum, non prospere egisset, nec addidisset dare virtutem suam, idest *fructus suos*, quemadmodum prius dabat usque ad tempus huius

Maledictus tu de terra, etc.
Interpretatio huius loci iuxta hebraeos doctores.

194) Lc 16, 19-21.

195) Ibid. vr. 22.

Vulg.: *Maledictus eris super terram*, etc.

196) Cf. Ibid. vrr. 22-26.

197) Vr. 11.

200) Op. cit. f. 6^b.

201) Op. cit. f. 36^b.

198) Op. cit. f. 6^b.

199) Gn 3, 17.

maledicti. Deinde ait: *Quae aperuit os suum ad suscipiendum sanguinem fratris tui de manu tua*: ad ostendendum quod fudit sanguinem eius et abscondit in terra.

Nos vero ita exponimus, ut poenas pro perpetrato scelere luendas iustissimus Deus Cain infligerit. Poenae autem luendae tres dantur. Prima est: *Maledictus eris super terram*; secunda: *Cum colueris* ²⁰² *eam, non dabit tibi fructus suos*; tertia: *Vagus et profugus eris super terram*.

Tres poenae
infiguntur
Cain.

Primo: maledicit Deus Cain dicens: *Maledictus eris super terram*. Magnum, inquit, scelus perpetrasti, horrendum facinus operatus es, crudelem mortem primo tua dextra homini invexisti: mortem adeo terribilem, adeo hominibus horrendam. Nunc igitur homines propter maleficii tui horrorem utique maledicent tibi: omnibus odibilis, detestandus et execrandus eris; et si ob patris tui piaculum terra maledicta fuit, suo inculto ac horrido aspectu, sterilis et infecunda, spinis et tribulis obsepta, execranda et detestanda hominibus reddita est: tu *plusquam terra maledictus eris*, magis detestandus et execrandus hominibus.

Prima:
Maledictus tu;
maledicitur
ipse Cain,

Nam etsi terra laboriosa pluribusque tum laboribus tum poenis et doloribus hominum afflictiva reddita est; culta tamen et elaborata, uberes et suaves fructus panemque super omnia homini desiderabilem reddit. Tu autem hominibus semper odibilis, semper maleficus eris, nonnisi malis partibus mundum replens, nunquam bonis, nunquam iucundis: ex te omnis manabit iniquitas, omnis fraus, omnis dolus, oppressio, violentia, rapinae, furta, avaritia, luxuria, inordinatus terrenorum amor, mores pravi, detestabiles et pestiferi. Hinc eo tu maledictus magis, detestabilis et execrandus eris *prae terra*, quo hi partus tui spinis et tribulis sunt magis odibiles, exhorrendi et execrandi.

qui omnibus
odibilis et
detestandus

Maledictus ergo eris super terram. *Maledictus*, inquam, *prae terra*, quoniam etsi terra suapte natura spinas et tribulos germinat, culta tamen fructus bonos, dulces ac suaves profert: ex te autem nonnisi malum egredietur. Nam ultra quod nunquam nonnisi mala, iniusta atque iniqua opera operaberis, ex te quoque filii nascentur paternorum operum imitatores, *homines seipsos amantes*,

et etiam in
illis suis ma-
ledictus erit,

cupidi, elati, superbi, blasphemi, parentibus non obedientes, ingrati, scelesti, sine affectione, sine pace, criminales, incontinentes, immites, sine benignitate, proditores, protervi, tumidi, voluptatum amatores magis quam Dei, nullam pietatis speciem habentes, sed omnis pietatis virtutem negantes ²⁰³.

quia gratiam
Dei repulit et
cor suum
induravit.

Maledictus ergo tu super terram et prae terra. Tu, inquam, maledictus, non terram propter te, sed teipsum maledico, teque ipsum, idest cor tuum induro, ut sicut tu te mea gratia privasti et iterum consequenda indignum omnino reddidisti, imo a me summa benignitate oblatam tibi gratiam renuisti eique duro et incircumciso corde restitisti ^{203*}, et potius magno atque immani sceleris praecipitio irreparabilique ruinae praecipitem te dedisti: ego quoque in tui facinoris, crudelisque piaculi poenam meritissime in omne aliud malum irreparabiliter ruere sinam.

Haec prima poena miserabilissima est Caino a Deo luenda inflicta.

Vr. 12

Secunda: Maledictus tu de terra, etc.; maledicitur terra propter Cain,

Secunda autem: *Cumque operatus fueris terram, non dabit tibi fructus suos.* Ob peccatum primi hominis Deus terram maledixit, dicens: *Maledicta terra in opere tuo, sive propter te: spinas et tribulos germinabit tibi, in laboribus comedes ex ea cunctis diebus. In sudore vultus tui vesceris pane tuo* ²⁰⁴. Non maledixit Deus hominem, sed terram propter hominem. Ipsum enim Adam munere gratiae suae Deus educturus erat a delicto suo ^{204*}, ut inter electos, qui aeternam benedictionem a Deo accepturi erant, a dextris cum agnis collocaretur, ut una cum electis omnibus aeterna benedictione donaretur. Terrae autem maledixit, ut terrae laboribus atque sudoribus peccatum suum lueret et per poenitentiae afflictionem veniam mereretur accipere.

quae ob peccatum Adae maledicta fuerat, ut laboribus peccatum suum homo lueret;

In poena autem Cain et terra et ipse quoque maledicitur, et prius ipse quam terra. Maledicitur quidem ipse Cain, quoniam inter reprobos et damnandos iam computabatur, nunquam aeterna beatitudine donandus, sed aeternis poenis excrucians ex suorum scelerum ac facinorum merito. Deinde et terra quoque Cain maledicitur, imo multo gravius maledicitur. Adae enim sic ait: *In labore... comedes ex ea cunctis diebus*; Cain autem: *Cumque operatus fueris terram, non dabit tibi*

203) 1 Tim 3, 2-5. Vulg.: *Habentes speciem quidem pietatis, virtutem autem eius abnegantes.*

203*) Cf. Act 7, 51.

204) Gn 3, 17-19.

204*) Cf. Sap 10, 2.

fructus suos : terra quidem illi maledicta; ex se nonnisi spinas et tribulos, lappas, carduos et vepres insulasque herbas et humano victui nihili aptas germinasset; elaborata autem fructus dedisset suamque esset elargita virtutem. Tibi autem, inquit, sic maledicitur, ut nec pluribus, continuis maximisque laboribus culta, operata ac omni cum diligentia atque industria elaborata, *non addet dare virtutem suam* : *fructus*, inquam, *suos* tibi elargiri, nisi avare admodum et permodice: ita ut continua egestate, inopia ac penuria labores, victuque etiam necessario egeas et continua quasi maxima famis plaga extenueris. Coelum enim aeneum faciam supra terram tuam ²⁰⁵, ut nec ros, nec pluvia cadat super eam ²⁰⁶, ut parca admodum, sterilis et infrugifera tibi reddatur, quoniam tu humano eam sanguine polluisti atque foedasti; *aperuit* nanque *os suum et suscepit sanguinem fratris tui de manu tua*.

nunc autem
maledicitur ad
peccatum
vindictandum
sine ulla spe
veniae,

Aiunt Hebraei ²⁰⁷ Cain occisum fratrem fovea abscondisse in pulvere terrae, sicut Moyses *occisum Aegyptium abscondit in sabulo* ²⁰⁸; putabat enim insipienter Cain ita occisum a se fratrem posse et patrem suum et Deum quoque latere, proponens fratricidii culpam gravissimam, non poenitentia et humili confessione abluere, sed turpissimi mendacii falsitate graviores reddere, impudenter atque procaciter quidquam ei fecisse, aut scire ubi sit negando. Iam, inquit, priusquam fratrem meum occiderem, huc atque illuc circumspexi neminemque adesse vidi; pater meus longe abest: Deum praesentem non video; abscondam ergo occisum cadaver, sanguinem in terra occultabo. Cum autem non apparuerit amplius frater meus, si quis me interrogaverit ubi sit, respondebo me nescire: *Num custos fratris mei ego sum?* Sicque facinus hoc meum omnes latebit; non enim poterit quisquam mihi probare me quidquam fratri meo fecisse aut interemissem eum; a nemine visus sum, nemo ad patrem meum accusare me poterit: salva res est.

quia foedata
sanguine fra-
tris, quem
in terra
abscondere
tentavit,

At profecto insipienter cogitabat. Deum, etsi forte homines latuisset, latere non poterat: *Vox*, inquit, *fratris tui clamat ad me de terra*. Notum mihi, inquit, est, apertum oculis meis ac summe patens

ut crimen
suum et pa-
trem et Deum
lateret.

205) Cf. Lv 26, 19; Dt 28, 23.

206) Cf. 2 Rg 1, 21.

207) Cf. Tanchuma, Bereshit,

§ 10; Gioseffo Flavio Delle Antichità Giudaiche, lib. 1, ep. 3, f. 3^a
Percussum Aegyptium.

208) Ex 2, 12. Vulg. :

te fratrem tuum occidis. Vidi impietatem tuam, nefandum scelus et crudele facinus; et si nemo te hominum vidit, praesens ego eram: me latere non potuit. Scio te occisum fratrem in terra abscondisse; ideo *maledictus tu* propter nequitiam et iniquitatem tuam: et maledicta etiam terra propter te, *quae aperuit os suum et suscepit sanguinem fratris tui de manu tua. Cum operatus fueris eam, non dabit tibi fructus suos*, et egestate, penuria, inopia et fame labores.

Haec fuit secunda poena inflictata Cain.

Tertia autem: *Vagus et profugus eris super terram*. Peculiaris homicidarum poena est e locis propriis atque paternis sedibus emigrare et a patria terra exulare. Hanc poenam infligit Deus tertio loco Cain; unde nativas sedes possessionesque elaboratas et cultas, unde uberes fructus expectabat, relinquere compulsus est et exilio proficisci: *Egressus enim a facie Domini habitavit profugus in terra ad orientalem plagam Eden* ²⁰⁹.

Deinde vero quoniam maledictus a Deo, omnibus odibilis erat et execrandus, nullibi sibi constabat, nullibi securus erat, loca quaerebat solitaria et hominibus non prope admodum culta, timens semper ac pavens ne omnis, qui inveniret eum, occideret eum. Cuiuscumque enim hominis aspectus timorem sibi mortis incutiebat et violentiae caedis sua nefaria dextra in hominem primo invectae. Miseranda calamitas! E loco in locum semper emigrabat securam habitationem hominibus quaerens incognitam et inaccessam ne, si forte scirent homines ubi firma eius esset sedes iugisque ac perpetua habitatio, eum tanquam summe odiosum et omnibus execrandum ex sui facinoris horrore eum aggrederentur interficiendum.

At certe continuatae eius evagationis mansionisque nunquam firmatae, sed semper instabilis, et aliud poterat in causa existere, ex eo quod supra in poenam inflictum est consequens: *Cum operatus fueris terram, non dabit tibi fructus suos*. Evagabatur siquidem Cain huc atque illuc aberrans, terras quaerens fertiles et satis optimas, quae uberes ei fructus afferrent, ne caritate macens ac extenuatus deficeret, utque insatiabilem voracissimae avaritiae appetitum atque ingluviem, quae nunquam sibi est satis, expleret. Hinc exiens *a facie Domini* habitare perrexit *ad orientalem plagam Eden*, prope eum locum, ubi paradus

²⁰⁹) Gn 4, 16.

terrestris Dei manu plantatus divinoque cultu consitus erat. Siquidem terra illa fertilissima erat et satis optima; sed quo natura melior erat, eo Cain, quem ubique divina sententia insequabatur, deserta magis, arida sterilisque erat et nonnisi insuaves, agrestes, corrosos ac pene exustos ei fructus ac permodicos afferebat. Hinc in ea quoque terra vir miserabilis et miserandis cladibus pressus, mobilis et vagus habitabat.

nunquam
inveniet.

Sed audiamus quid Domino respondeat his poenis acceptis.

Vrr. 13-14

Dixitque Cain ad Dominum: Maior est iniquitas mea, quam ut veniam merear. Ecce eiicis me hodie a facie terrae, et a facie tua abscondar et ero vagus et profugus in terra: omnis igitur, qui invenerit me, occidet me.

Textus Hebraicus: *Et dixit Cain ad Dominum: Magnum malum meum magis quam remittere, vel sustinere. En eiicis me hodie de superficie terrae, et a facie tua abscondar et ero mobilis et vagus in terra: et erit, omnis inveniens me occidet me.*

Interpres Chaldaicus: *Multa est iniquitas mea magis quam dimittatur. Ecce eiicis me die isto et a conspectu tuo non potero latere, etc.*

Targum Ierosolymitanum: *Et dixit Cain coram Domino: Multae sunt iniquitates meae ad portandum. Veruntamen est possibile conspectui tuo ad relinquendum et remittendum mihi.*

Vulgata Editio Graeca habet: *Maius delictum meum quam ut remittatur mihi; si eiicis me hodie a facie terrae, et a facie tua abscondar et ero gemens et tremens super terram.*

In Textu Hebraico duae sunt voces amphibolae, quae magnae in interpretibus diversitatis causa extitere. Sunt autem: עוֹנִי et נֶשָׂא; prima enim dictio עוֹנִי, iniquitatem, idest culpam significat, et etiam poenam et afflictionem pro culpa illatam; sicuti apud nos peccatum et culpam significat et etiam poenae reatum et sacrificium ac afflictionem pro peccato, sicut in Apostolo legimus²¹⁰: *Eum, qui non noverat peccatum, pro nobis peccatum fecit, ut nos efficeremur iustitia Dei in illo. Fecit, inquit, peccatum, idest hostiam pro peccato in peccati poenam. Ita quidem dictio illa frequentissime culpam significat; saepe saepius vero poenam pro culpa et punitionem. Simi-*

*Maior est
iniquitas
mea, etc.
Variae in-
terpretationes
huius loci ex
amphibologia
volum.*

210) 2 Cor 5, 21. Vulg.: *In ipso, loco: In illo.*

liter et secunda vox persaepe indulgere et remittere sonat; saepe saepius vero ferre, sustinere et elevare²¹¹.

Expositio
Rab. Salomonis,

Iuxta hanc vocum amphibologiam diversimode locus iste, ab Hebraeis praesertim, exponitur. Rabbīnus Salomōn, ex verbis antiquarum traditionum, iuxta priora verborum significata exponit²¹²: « Magna est iniquitas mea, idest peccatum meum in tantum, quod non poterit ferri illud ad remittendum, sive indulgendum illud »; et iuxta hanc expositionem eius מְנַשָּׂא²¹³, est superfluum. Legit autem hunc locum cum admiratione: « Nunquid maior est iniquitas mea, quam ut ferri possit? Tu superiora et inferiora sustines, et peccatum meum ferre non poteris? » idest remittere et propitiari.

Aben Ezrae,

Rabbīnus Abraham [Aben Ezra]²¹⁴ autem aliter sentit. Etsi « opinio omnium fere expositorum sit quod peccatum suum confiteatur Cain et quod נָשָׂא, sit סָלוּחַ, idest parcere », ipse eas voces in altera accipit significatione, « ut iniquitas pro punitione et mercede mali, quae propter iniquitatem et peccatum advenit, poni intelligatur; quemadmodum in Genesi legimus²¹⁵: Quia nondum est completa עֲוֹן iniquitas, idest puniatio Amorrhaeorum; et Samuelis I²¹⁶: Si acciderit tibi iniquitas, idest puniatio »: verba sunt Saulis ad mulierem pythonissam. Ait ergo hunc esse horum verborum intellectum: « Maior est iniquitas, idest puniatio mea, quam ut sustinere et ferre illam possim ». Certe id, quod sequitur, ex contextu sermonis videtur magis huic intellectui consonum. Ecce, inquit, eiicis me hodie a facie terrae, etc.

Abrabanel et
Nachmanidis.

Rabbīnus tamen Abrabanel²¹⁷ priori intellectui magis subscribit et una cum Rabbīno Moyse ben Nachman²¹⁸ ita exponit, quod scilicet confiteatur Cain et doleat vere super magno peccato suo, quod peccavit: magna, inquit, et grandis iniquitas mea, quam feci in occidendo fratrem meum Abel, plusquam ferre, idest indulgere mihi: quoniam iustus es, Domine, et re-

211) Cf. Io. Buxtorflus *Lexicon Hebraicum*, etc. sub verbo: נָשָׂא.

212) Op. cit. f. 6^b.

213) מְנַשָּׂא: sic habetur etiam in textu *Bibliae Rabbinicae* et in *Comment. Rab. Salomonis*, f. 6^b, et in Kittel, *Gen.*, h. l.; alii autem textus habent: מְנַשָּׂן, ut Vigouroux. 214) Op. cit. f. 6^b. 215) 15, 16. Ex hebraico. 216) 28, 10. Ex hebraico. 217) Op. cit. f. 36^b. 218) Ad hunc vr. et apud Rab. Abrabanel l. c. in nota praecedenti.

ctum iudicium tuum ²¹⁹. Et sic ipse Rabbīnus Abrabanel totam litteram exponit: «*Ecce eiicis me . . . a facie terrae*, idest dignus sum poena mortis, nedum ut terra proventum permodicum afferat: *et a facie tua abscondar*, idest ne provideas mihi providentia speciali: sive non potero stare in conspectu tuo ad orandum et ad afferendum oblationem et munus, quoniam confundar et erubescam, quoniam abstuli tempus iuventutis meae. *Et ero vagus et profugus*. Haec tertia poena sibi inflicta est et vult dicere, quod iniquitas sua est maior poena hac etiam. Et demum per modum orationis ait: Nunc ergo *omnis inveniens me, occidet me*, idest sit voluntas tua ut inveniens me occidat me, et erit hoc misericordia et expiatio iniquitatis meae, quoniam sine hoc non sum digne punitus ».

Haec est horum expositio. Nostratum autem communis sententia est ²²⁰ Cain e malo in peius se dedisse praecipitem, et peccatum addidisse peccato: occidit fratrem: nunc de misericordissimi Dei miseratione desperat: *maior inquit, est iniquitas mea, quam ut remittatur*, idest quam remittere mihi illam sua miseratione possit Deus.

Iuxta catholicos expositores haec verba significant Cain desperare de misericordia Dei;

Nos itaque locum hunc ita exponimus. Poterat certe Cain, sicut debuerat, ex poenarum gravitate et calamitate, quas sibi iustissimus Deus ob peccatum invexerat, gravissimae culpae pondus agnoscere, et plane conspexisset citra quam iustum ac dignum erat se esse punitum. Si enim in rectae rationis statera quam patiebatur calamitatem atque supplicium appendisset et culpam, cuius merito illa sibi erant illata, omni dubio procul quasi arena maris haec sibi gravior apparuisset ²²¹. At miser e contra, quod proprium iniquorum est a Deo, iustitia et pietate oculos aversos habentium, totum egit; ad poenarum enim gravitatem oculos fixit, culpae multo graviori pondere nihili penso. Hinc Deum iniustitiae ac nimiae crudelitatis procaciter et fronte impudentissima arguit, quod eum, ultra quam decens, iustum ac dignum

et cum agnoscere deberet gravitatem facinoris sui, ut veniam peteret,

consideravit gravitatem poenarum et Deum iniustitiae et crudelitatis arguit.

219) Ps 118, 137.

220) Cf. Procopius *Comment. in Gen.*, (P. G. 87, 243); S. Ambrosius *De Cain et Abel*, lib. 2, cp. 9, (P. L. 14, 357); S. Hieronymus *Epist.* 36, *ibid.* 22, 454; S. Eucherius *Comment. in Gen.*, lib. 1, *ibid.* 50, 917; S. Beda *Hexaem.*, lib. 2, *ibid.* 91, 67; *In Pentat.*, *ibid.* col. 218; Rabanus Maurus *Comment. in Gen.*, lib. 2, cp. 1, *ibid.* 107, 505; Strabus *Glossa Ord. in Gen.*, *ibid.* 113, 99; Angelomus *Comment. in Gen.*, *ibid.* 115, 149; Remigius *Comment. in Gen.*, *ibid.* 131, 170; Guibertus *Moralium in Gen.*, lib. 2, *ibid.* 156, 82; S. Bruno *Exposit. in Gen.*, *ibid.* 164, 173; Rupertus *De Trinitate*, etc. *In Gen.*, cp. 7, *ibid.* 167, 332; Hugo de S. Victore *Adnotat. Elucidat. in Pentat.*, *ibid.* 175, 44; S. Ephrem Syrus *In Gen.*, t. 2, pag. 61; Nic. Lyranus op. cit. f. 45^b; Alph. Tostatus op. cit. f. 27^a.

221) Cf. Iob 6, 3.

erat, suppliciorum gravitate presserit et plus quam ferre posset afflictionum atque poenarum invexisse.

Certe iuxta contextum hebraicum hic litterae genuinus sensus esse videtur; et tunc poenae gravedinem incipit exorare: *Ecce eiicis me . . . a facie terrae*: ecce, inquit, exilio duro me multas; foras a natali et patria terra mihi nota, operata et nimium culta iubes abire; paterni soli domicilia mutare; per externas oras vagus et profugus exulare. Quae non me incommoda consequentur? Paupertas et summa penuria, ignominia atque contemptus. Nec tantum me patria terra praecludis aut certe in insulam aliquam aut plagam certumque ac securum locum relegas: sed omnium praeter certum ac fidum locum, lata fuga, continuo discursu, peregrinatione perpetua, firmarum stabiliumque mansionum sedis privatione condemnas. Nec temporarium exilium istud est, sed aeternum, quoad communi luce priver. Deinde terrae praecepisti ne mihi, etsi culta et elaborata nimiumque operata, fructus suos pene nullos afferat, ut summa egestate, penuria extremaque pauperie maceam et consumar quousque deficiam. Praeterea *a facie tua abscondar*, idest nunquam potero conspectui tuo apparere, ut dignus habear tua gratia teque pro salute mea exorare et ad offerendum tibi oblationem et munus. Ita Rabbīnus Moyses ben Nachman exponit ²²². Alii vero ex Hebraeis ²²³: Non providebis mihi providentia speciali.

Verba haec
significare
etiam possunt
Cain
credere se con-
demnatum
esse poena
mortis a Deo,

Adverte demum quod locus iste aliam habere potest intelligentiam. Eiicere enim aliquem a superficie terrae est eum morti tradere, iuxta hebraici sermonis phrasim: Ecce, inquit, me morti tradis et propter te abscondar. Vox enim hebraica, quam *a facie tua* transtulimus, significat etiam *propter te*; et sic erit sensus: Ecce morti me tradis et *propter te*, idest tuum iudicium severum abscondar *a facie terrae*, idest solo tradar, sepeliar: id enim mortuis cadaveribus fit, sicut ipse fratrem suum occisum in fovea absconderat. Amplius, inquit, me *a facie* quoque *tua* exulem efficis, tua gratia nudatum ac destitutum, me semper aversaberis, execrabis, detestaberis, ut nunquam gratiam tuam aut favorem emerear, ceu sunt qui regis alicuius magni gratia nudati, quos rex aversatur semper et a se procul deiicit, ne faciem suam unquam videant; sed a facie sua procul exulare iubet

²²²) Cf. not. 218 huius cp.

²²³) Cf. Rab. Abrabanel op. cit. f. 36^a.

per externas oras, semper capitis sententia et morte damnatos. Mihi enim maledixisti atque iussisti ut vagus et profugus essem in terra; nec id solum: sed tanto scelere facinoreque notatum, exulem, omnibus odibilem, detestandum et execrandum effecisti. *Nunc ergo omnis, qui invenerit me, occidet me.*

Hanc ego expositionem in medium affero non nihili aut flocci pendens verissimas aliorum interpretum, nostrorum praesertim gravissimorum expositiones; tantum enim abest ut vilipendam, ut summa laude et honore dignos habeam. Et certe si nostrae *Editionis*, quam semper veneror, littera, ut iacet, intelligatur, proculdubio in desperationis profundissimam foveam se Cain praecepisse constabit. Nisi forte interrogative, ut multi legunt ²²⁴, exponatur, ut: Num magna adeo iniquitas mea est, ut veniam non merear? Et ita poterit sensus hic cum eo, quem nos attulimus, constare, quasi: Num magna adeo culpa mea est, ut veniam mereri non possim, quia tantis me poenis insequeris? Veluti dicat: Certe non ideo iniuste et ultra quam dignum sit me affligis ex perpetrata culpa: vides quia etiam tanto me scelere notatum reddis, ut non vereatur *omnis qui invenerit me*, in me manus mittere et interficere non extimescet, quasi inimicum tuum, quem tu aversaris; imo rem tibi gratam facere arbitrabuntur, quoniam si me interficient, inimicum tuum interiment.

secundum opinionem gravissimorum interpretum;

vel etiam interpretari possunt ac si Cain interrogative loquatur, quasi admirans adeo magnam suam culpam esse, ut veniam non mereatur.

Vr. 15 *Dixitque ei Dominus: Nequaquam ita fiet, sed omnis qui occiderit Cain septuplum punietur. Posuitque Dominus Cain signum, ut non interficeret [eum] omnis qui invenisset eum.*

Textus Hebraicus: *Et dixit ei Dominus: Propterea omnis occidens Cain septuplum vindicabitur. Et posuit Dominus ipsi Cain signum, ut non percuteret eum omnis inveniens eum.*

Chaldaicus Interpres: *Ideo omnis, qui occiderit Cain septima generatione vindicabitur a me. Et posuit Dominus ipsi Cain signum ob id quod non interficeret eum omnis inveniens eum.*

Textus Graecus habet: *Non sic, omnis qui occiderit Cain septem vindictas exolvat. Et posuit Dominus Deus signum Cain, etc.*

Dictio ²²⁵ hebraica: לֹכֵן, ideo, propterea, ob id sonat; Septuaginta vero, quos Interpres noster secutus est,

224) Cf. Rab. Salomon supra, pag. 386 et not. 212 huius cp.; Alph. Tostatus op. cit. f. 27^b.

225) Ms.: Dictionem.

ὁὗχ ὁὗτως transtulere, quasi esset: **לֹא כֵן**, idest *non ita, nequaquam ita*.

Nequaquam ita fiet, etc. Diversae expositiones huius loci,

Locus iste diversimode tum a nostratibus tum ab Hebraeorum doctoribus exponitur. Multi ²²⁶ per eclipsim locum hunc legendum putant, ut sit: *Omnis qui occiderit Cain*: et hic sit sententiae finis; debet autem intelligi: poena eius erit sic et sic; Scriptura tamen poenam non exponit.

iuxta Rab. Salomonem,

Ita Rabbinus Salomon hunc locum interpretatur, dicens ²²⁷ quod sit scriptura abbreviata: «Nolo, inquit Deus, ulcisci de Cain, nisi in fine septem generationum»; unde per illud: **שבעתים**, *septem generationes* intelligit; existimat enim a Lamech, qui septimus a Cain fuit, occisum esse ipsum Cain, propter verba, quae Lamech uxoribus suis dixit ²²⁸. Similis loquendi modus per eclipsim 2 Samuelis legitur ²²⁹: *Omnis, qui percusserit Iebusaeum* etc.: non exposuit ibi Scriptura quid illi fecisset; sed in *Paralipomenon* exprimit ²³⁰ quod faceret eum ducem et principem.

Aben Ezram

Rabbinus Abraham [Aben Ezra] similiter exponit ²³¹: «Usque ad septimam generationem vindicabitur, idest capietur ultio de eo; Dominus enim usque ad septimam generationem iram suam prolongavit contra Cain». Inquit etiam rectum esse, quod Cain nomine ipsius semen intelligatur, sicut Israel; Scriptura autem usque ad septimam generationem Cain genealogiam texit, quae postmodum diluvio tota periit.

Targum mirifice videtur horum expositioni favere, cum habeat quod septima generatione Cain vindicabitur.

et Abrabanel. At Rabbinus Abrabanel, quoniam supra exposuit Cain mortem expectasse et desiderasse, cum dixit: *Omnis inveniens me, interficiet me*: idest: quis mihi det, ut inveniens me occidat me?

226) Cf. Procopius *Comment. in Gen.*, (P. G. 87, 246-247); S. Hieronymus *Epist.* 36, (P. L. 22, 454-455); S. Eucherius *Comment. in Gen.*, *ibid.* 50, 917-918; S. Beda *Hexaem.*, lib. 2, *ibid.* 91, 68; *In Pentat.*, *ibid.* col. 218-219; Alcuinus *Interrogat. et Respons. in Gen.*, *ibid.* 100, 526; Rabanus Maurus *Comment. in Gen.*, lib. 2, cp. 1, *ibid.* 107, 505-506; Strabus *Glossa Ord. in Gen.*, *ibid.* 113, 100; Angelomus *Comment. in Gen.*, *ibid.* 115, 149-150; Remigius *Comment. in Gen.*, *ibid.* 131, 170; S. Bruno *Exposit. in Gen.*, *ibid.* 164, 173-174; S. Ephrem Syrus *In Gen.*, t. 2, pag. 61; Dionysius Cartusianus *Enarrat. in Gen.*, a. 29, pag. 129; Nic. Lyranus op. cit. f. 46^a; Pagnini op. cit. sub radice: **שָׁבַע**, col. 2832. 227) Op. cit. f. 6^b. 228) Cf. Gn 4, 23-24. 229) 5, 8. Ex hebraico. 230) Cf. 1 Par 11, 6.

231) Op. cit. f. 6^b.

hunc locum ita exponit ²³²: « Occidens Cain septuplum vindicabitur; ex quo Cain desiderat animam suam mori, ideo ego statuo quod non morietur modo, sed quod vivet ad dandam poenam suam; et propter hoc occidens eum clam et contra divinam intentionem, septuplum vindicabitur sanguis Cain. Et ideo posuit signum ei, *ut non occideret eum inveniens eum*. Signum autem istud est timor et pavor eius super omnia habentia vitam, ne tangerent eum aut nocerent ei ». In *Be-reshit Rabba* habent Hebraei ²³³, quod signum istud est canis, qui custodiebat oves Abel, quem dedit Deus ad custodiendum corpus Cain.

De signo Cain
posito variae
opiniones.

Nostratum autem eadem expositiones sunt; signum autem istud membrorum tremor a nostris ponitur ²³⁴.

Nos itaque locum hunc ita exponimus: *Dixitque Deus ei: Nequaquam ita fiet, sed omnis qui occiderit Cain, septuplum punietur*. In hebraeo est: *Ideo, sive imo qui occiderit Cain*; est autem sensus idem. Cain enim dixit: *Nunc itaque omnis inveniens me, occidet me*. Deus autem respondit: Quia tu id putas et extimescis, dico tibi quod *non ita fiet*; imo quia tu id pertimescis, ne id pertimescas dico tibi et statuo, quod *omnis qui occiderit Cain, septuplum punietur*.

Septuplum
punietur,
videtur in-
telligendum
poenas
multas exol-
vendas esse;

Mos est Sacrae Scripturae non raro determinato numero pro indeterminato uti, cuiusmodi est: *Septies in die cadit iustus* ²³⁵; idest multoties; et: *Septies in die laudem dixi tibi* ²³⁶; scilicet multis vicibus; et frequentissimum est in Sacra Scriptura praefixum terminis numerum pro indeterminato atque indefinito ponere. Ita plane legimus in *1 Samuelis* Annam cecinisse ²³⁷: *Donec sterilis peperit plurimos*; in hebraeo est: שבעה, *septem*, cum tamen, Sacra referente Historia ²³⁸, nonnisi tres filios et duas filias genuisset; sed septenarius numerus pro indeterminata pluralitate ponitur. Ita et illud est: *Cum... immundus spiritus exierit ab homine, ambulat per loca arida et inaquosa quaerens requiem, etc. Tunc vadit et assumit septem alios spiritus... nequiores se, idest* ²³⁹

frequenter
enim septe-
narius nume-
rus pro, nu-
mero indeter-
minato
ponitur in
S. Scriptura.

232) Op. cit. f. 37^a. 233) XXII, 12, pag. 219, not. 3. 234) Cf. Io. Chrysostomus Hom. 19 in Gen., (P. G. 53, 162); Theodoretus Quaest. in Gen., Interr. 42, ibid. 80, 143; Procopius Comment. in Gen., ibid. 87, 250; S. Eucherius Comment. in Gen., lib. 1, (P. L. 50, 917); Alcuinus Interrogat. et Respons. in Gen., ibid. 100, 525; Rabanus Maurus Comment. in Gen., lib. 2, cp. 1, ibid. 107, 506-507; Strabus Glossa Ord. in Gen., ibid. 113, 100; Angelomus Comment. in Gen., ibid. 115, 151; S. Bruno Exposit. in Gen., ibid. 164, 174; Hugo de S. Victore Adnotat. Elucidat. in Pentat., ibid. 175, 44; Nic. Lyranus op. cit. f. 45^b; Alph. Tostatus op. cit. f. 28^a; Io. Menochius op. cit. pag. 5. 235) Prv 24, 16. Vulg.: *Septies enim cadet iustus*. 236) Ps 118, 164. 237) 2, 5. 238) Cf. ibid. vr. 21. 239) Mt 12, 43-45.

plures spiritus; et mulier, *de qua septem daemonia eiecerat* ²⁴⁰, idest plura.

Septenarius ergo numerus non raro pro indeterminato numero ponitur, sed Scripturae usitatissimus mos est determinato pro indeterminato numero uti. Ita plane locum hunc intelligendum existimo: *Omnis qui occiderit Cain, septuplum vindicabitur*, idest poenas multas et multiplices exolvit et ab eo expetam. Unde non eclipsis aut apopsiopsis, sed propria locutio censenda est.

Et iuste
quidem sic
puniendus
fuisset qui
Cain occidis-
set, quia solus
Deus, vel iu-
dex consti-
tutus poena
mortis scelus
huiusmodi vin-
dicare potest.

Ad luculentiores autem loci huius declarationem advertisse animum oportebit quod, etsi Cain iuxta talionis legem, qua *oculum pro oculo, dentem pro dente, manum pro manu, vulnus pro vulnere, animam pro anima* ²⁴¹ quisquis debet, poenam mortis subeundam iure aequissimo emeruisse – nam qui *fuderit humanum sanguinem, fundetur sanguis ipsius; ad imaginem quippe Dei factus est homo* ²⁴²; – ipse autem primo scelus hoc et crudele facinus perpetravit in fratrem, virum iustum et innocentem, Deo placitam animam habentem; haec tamen poena, etsi meritissima, non nisi a Deo, vel a iudice constituto a Deo infligi sibi debebat; ait enim: *Mihi vindicta et ego retribuam* ²⁴³. Quare quisquis alius poenam hanc sua dextra Cain invexisset, non iure, sed perperam id egisset graviterque peccasset; unde merito pro gravi scelere graves poenas exolveret et ab eo exquisisset Deus.

Ideo quamvis
Cain fratri
innocenti
necem inferen-
do longe
nequior esset,
quam qui
ipsum fratri-
cidam
interemisset,

Nec tamen id intelligendum ita est, quod quisquis occiderit Cain septuplo puniendus magis esset, quam Cain; neque enim id rationi consonum esse potest, cum poenae iure debeant culpaе respondere, sitque multo gravior culpa virum iustum et sanctum occidere, quam iniquum et impium, cui iure poena mortis inferri potest; sed quod etsi Cain ex sui facinoris merito multas et gravissimas illas quidem poenas meruisset, a Deo tamen et constituto iudice has eum accipere oportebat. Quicumque autem, a Deo iudicandi potestate non accepta, poenas has, alioquin meritas, Cain intulisset, ipse quoque plurimarum poenarum se reum reddidisset. Ait ergo: *Nequaquam ita fiet*: non, inquit, voluntatis meae est aut sententiae, ut a quovis occidaris, ut

240) Mc 16, 9. 241) Ex 21, 23-24. Vulg.: *Animam pro anima, oculum pro oculo, dentem pro dente, manum pro manu... vulnus pro vulnere.* 242) Gn 9, 6. Vulg.: *Effuderit... sanguis illius*, etc. 243) Hebr 10, 30; et cf. Dt 32, 35; Rom 12, 19,

existimas et extimescis; etsi enim meritissime atque iustissime haec tibi infligenda poena esset: cognoscas tamen te citra condignum punitum esse ex scelere: atque eo adeo voluntatis aut iudicii mei non est, ut a quovis occidaris, ut quicumque in te violentas manus immiserit, contra voluntatem meam atque sententiam se facturum iramque meam, in quam *horrendum est incidere* ²⁴⁴, se noverit usque adeo incursum, ut multas ex eo poenas et ultiones expetam et exquiram. Quisquis itaque te occidere attentaverit, poenae septuplici, idest multiplici se obnoxium faciet. Iccirco signum in te pono, quo quisque cognoscat voluntatis meae aut iudicii non esse ut ab aliquo occidaris, et ne quis ignorans te interfecto tantis se poenis obnoxium faciat. Ne ergo arbitreris voluntatis meae esse ut a quocumque inventus fueris occidaris, voluntatis huiusce meae signum accipe.

tamen noluit
Deus ne quis
violentas
manus in
eum iniiceret.

Quodnam autem signum hoc fuerit Scriptura non aperit; communi tamen sententia ²⁴⁵ receptum est terribilem quemdam ac membrorum extimescendum tremorem [fuisse], ut gemens semper ac tremens dissoluta imbecilliaque membra circumferret, semper pavidus ac tremescens, quo se veluti miserabile et extimescendum quoddam spectaculum exhibebat, continuo perpetrati sceleris poenas luens. Quo facto ostendebat quam detestabile et execrandum homicidium esset, eratque eo gemitu et tremore veluti clamans Dei praeco, ne ullus unquam talia perpetranda sibi duceret qualia ipse egerat, ne in eandem poenam et grave supplicium facinore perpetrato incideret.

*Posuitque
Dominus
Cain signum.
Signum hoc
tremor mem-
brorum pu-
tatur fuisse.*

Vr. 16 *Egressusque Cain a facie Domini, habitavit profugus in terra ad orientalem plagam Eden.*

Textus Hebraicus: *Et egressus Cain a coram Domino, sive a conspectu Domini, habitavit in terra Nod, ab oriente Eden.*

Chaldaicus Interpres: *Et egressus Cain a conspectu Domini, habitavit in terra vagus et mobilis, qui fuit operans super eam, ab orientali plaga horti Eden.*

Similiter Ierosolymitanum Targum transfert; addit autem paraphrastico more, quod antequam occidisset Cain fratrem suum Abel, fuit terra producens ei fructus quasi fructus horti Eden; postquam autem peccavit et occidit fratrem suum Abel, produxit ei, sive reddidit ad colligendum spinas et tribulos.

244) Hebr 10, 31.

245) Cf. not 234 hulus cp. pag. 291.

Textus Graecus habet: *Et egressus est Cain a facie Dei et habitavit in terra Naid contra Eden.*

Egressusque Cain a facie Domini, etc.
Variae quaestiones ad huius loci explanationem.

Locus iste, ut perspicue elucidetur, paulo longiorem sermonem a nobis expostulat. Si enim ubique Deus est, quomodo a conspectu eius Cain egressus est? Et si spiritus Deus est, quomodo faciem habere dicitur, a cuius conspectu exiit? Et demum si Eden locus ille deliciosissimus est paradisi deliciarum ²⁴⁶, unde Adam ob peccatum a Deo eiectus est ²⁴⁷, quomodo Cain iniquissimus locum illum, post tot perpetrata facinora, incolit?

Deum ubique esse firmissima veritas est, ut probatur ex testimonio S. Scripturae;

Et quidem ubique Deum esse omnemque implere locum, nullibi non esse praesentem, statuendum ac firmissime tenendum est, quidquid impii nonnulli viri, Scripturas Sacras non intelligentes, neque quae de Deo rationabiliter sentienda sunt sapientes, negare id audeant, ignorantiae et impietatis tenebris obcaecati. Deum autem esse ubique Sacrae Scripturae firmissima auctoritate probatur. **D**avid enim ait ²⁴⁸: *Si ascendero in coelum, tu illic es; si descendero in infernum ades; si sumpsero pennas meas diluculo et habitavero in extremis maris, etenim illuc manus tua deducet me, et tenebit me dextera tua.* Per **I**eremiam etiam Dominus ait ²⁴⁹: *Coelum et terram ego impleo; per Isaiam vero* ²⁵⁰: *Coelum mihi sedes est, terra scabellum pedum meorum.* Hoc ipsum Salomon in *Paralipomenis* ait ²⁵¹: *Magnus est enim Deus noster super omnes deos. Si coelum et coeli coelorum capere eum nequeunt, quantus ego sum ut possim aedificare ei domum?* Idipsum apud **B**eatum **I**ob legimus ²⁵²: *Excelsior coelo est, et quid facies? Profundior inferno, et unde cognosces? Longior terra mensura eius et latior mari.*

ex omnium Ecclesiae Doctorum auctoritate, et ipsorum quoque ethnicorum philosophorum.

Hoc ipsum omnium recte sapientum auctoritate firmatur. Primo: omnium Ecclesiae Doctorum, tum ipsiusmet Ecclesiae omnium etiam theologorum firmissima sententia est.

Et maximi quique ethnicorum philosophorum principes ²⁵³ id asseruere. **M**ercurii enim **T**rismegisti latissime patet hanc fuisse sententiam, cum eius *Pimander* ²⁵⁴ hoc praecipue refertus sit,

246) Cf. Gn 2, 8. 15.

247) Cf. ibid. 3, 23.

248) Ps 138, 8-10.

249) 23, 24.

250) 66, 1. Vulg.: *Coelum sedes mea.*

251) 2 Par 2, 5-6.

252) 11, 8-9.

253) Aratus Selensis *Phaenomena* sive *Apparentia*, pag. 543; Aristot. *De Mundo*, cp. 6, t. 1, pag. 375; *De Anima*, cp. 5, ibid. pag. 386; Lucanus *De Bello Civili*, lib. 9, vr. 580.

254) *Dial.* 5, pag. 401-402; *dial.* 11, pag. 435-444; *Asclepius*, cp. 12-13, pag. 529-537.

quod mundus vas quoddam sit Deo plenum Deique spiritum omnia continere. E m p e d o c l e s aiebat Deo omnia plena, sicut de ipso refertur in libro *De Mundo*, qui Aristoteli digne tribuitur²⁵⁵; ubi etiam hoc idem late disseritur. I a m b l i c u s, *De Mysteriis Aegyptiorum*²⁵⁶, ex professo fusissime probat Deum esse ubique. Hinc illud Virgilii²⁵⁷:

« Iovis omnia plena ».

T h e m i s t i u s, in *Paraphrasi De Loco Dei*, ait²⁵⁸ Deum vestire omnia, non ut vestis, quae extrinsecus tantum tangit, sed intrinsecus, ut totum tangat totum. A l e x a n d e r A p h r o d i s i u s, 2 *De Anima*²⁵⁹, ponit Deum esse ubique; idem tribuit illi P h i l o p o n u s, 1 *De Anima*, inquit²⁶⁰ Alexandrum et sequaces dicere Deum esse ubique. S i m p l i c i u s, in luculenta sua digressione *De Loco Dei*, ex sententia etiam Alexandri, concludit²⁶¹: « Cum Deus sit impartibilis et separatus, ut per se perfectus, a corpore mundano, recte dicendum est ipsum esse ubique et nullibi ». Quoniam autem A r i s t o t e l e s visus est dicere²⁶² Deum esse in primo coelo, inquit debere intelligi modo quodam eminentiori: quoniam primum mobile est, quod primo participat motum opificii. Ait etiam²⁶³, ex Aristotelis et Platonis sententia, Deum continere omnia vinculo suae voluntatis, quod vinculum firmitus est, quam natura earundem rerum. Deum P h i l o p o n u s, in 1 *Meteororum*, post principium, ex P l o t i n o²⁶⁴, cur coelum circumlatione ciatur rationem afferens, ait²⁶⁵ « coelum imitari velle Deum; quoniam cum mens et intellectus divinus, rerum omnium conditor et architectus, nullum locum substantiae suae habeat constitutum: in omnibus autem partibus mundi lucis suae vis ac summa potentia aeternaque ipsius actio reperitur ac dominatur; ita coelum quod, cum corpus sit, ubique totum simul esse non potest, conatur secundum suas partes esse in omnibus locis ».

255) Cp. 6, t. 1, pag. 377. 256) *Segmentum* 3, cp. 19, pag. 70. 257) *Bucol.*, *Eclog.* 3, vr. 60. 258) *Paraphrasis in Duodecimum Aristotelis De Prima Philosophia*, pag. 15. 259) Cp. 23, pag. 107. 260) *In Tres Libros De Anima Aristotelis*, lib. 1, pag. 18. 261) *Comment. in 8 Libros Aristot. De Physico Auditu*, *Physic.*, lib. 8, pag. 485. 262) *De Mundo*, cp. 6, t. 1, pag. 375. 263) *Comment. in 8 Lib. Aristot. De Physico Auditu*, *Physic.*, lib. 8, pag. 485. 264) *Enneades*, lib. 2, pag. 107-109. 265) *Scholium in 1 Meteororum Aristotelis*, f. 98^a.

Probatur
denique multis
rationibus.

Deus est sub-
stantia spiri-
tualis, actus
purissimus,
primus motor
et causa
causarum.

Demum ea veritas probabilissimis, quibus fulciatur, rationibus non caret. Persuasissimum quidem est et communi animi conceptione sancitum Deum substantiam esse, non quidem corpoream, sed incorpoream, immaterialem, spiritualem, actum simplicissimum atque purissimum, impermixtum et omnino indivisibilem, cuius vita optima sit et sempiterna. Eam autem substantiam, quae Deus est, infinitam necesse est esse. Primo quidem duratione, quam aeternitatem dicimus, ut nunquam inceperit, nec aliquando desinat esse. Ipse enim prima causa est, a quo coelum et natura omnis dependet, ante quem nihil est. Quod si ipse ab aeterno non fuit, profecto nihil ab aeterno fuit: ergo nec postea fuisset; nihil enim nihil facere potest, nec idem seipsum; et sive mundus ab aeterno ponatur productus, sive non, ipsum Deum necesse est aeternum esse, cum primus motor et prima causa sit causarum causa. Unde si ab aeterno motus fuit, profecto et motor unde motus; si autem incepit motus, ut vere incepit in tempore, non utique incepisset, nisi causa praeexisteret ante tempus et motum. Quare ab aeterno ante omne tempus et motum necesse est eum praeextitisse. Infinita ergo duratione, idest aeternitate, divina substantia est.

Ergo infinitus
duratione.

Infinitus
etiam virtute
operandi,

Secundo vero: divinum infiniti roboris et vigoris necesse est esse, ut operandi infinitam immensamque vim et potentiam habeat. Adverte quod, etsi infinitam Deus virtutem habet, movet tamen et operatur in tempore et non in instanti, aut non tempore – etsi id possit, – quoniam eius virtus libera est a materia; virtus enim infinita, si in materia aut corpore esset, operaretur in non tempore, quoniam secundum totum suum posse ageret, et necessario. At Deus vim habet immaterialem estque agens liberum et per cognitionem et voluntatem operatur quantum vult et non secundum ultimum suae potentiae, sed ex electione quantum videt convenire mobili.

quia vim
habet immate-
rialem et ope-
ratur vi vo-
luntatis suae,

Quod vel inde monstratur et elucescit, quod mundi machinam immensamque coelorum molem sempiterno possit tempore circumagere et movere; si enim tempore infinito movere potest, profecto virtutis est infinitae. Etenim si quid ex se vim habens movendi per aliquod tempus alicuius erit virtutis, puta si per diem; ergo [si] per duos dies movere poterit, duplo maiorem vim habebit; et quo tempus magis crescit, maiorem esse virtutem necesse est. Ergo si Deus infinito tempore [movere] potest, virtutis infinitae erit.

At dices: de intelligentiis idem consequens erit, quae infinito tempore movent. Certe idem esset si intelligentiae ipsae a se essent et a se virtutem haberent. At profecto a Deo est quidquid habent, et non a propria, sed a Dei virtute est ut infinito tempore moveant, a qua ipsae et esse et virtutem habent omnem. Deus autem non ab alio est aut virtutem habet, sed per se ipsum est et a seipso omnem vim habet.

cum sit per se
existens et ex
seipso omnem
virtutem
habeat,

Deinde: eo ipso quod intelligentiae a Deo sunt et dependent evidenter divinae virtutis infinitus vigor ostenditur. Si enim a Deo dependent et productae sunt, ex nihilo effectae sunt, cum materia nulla constant. Ex nihilo autem aliquid producere virtutis infinitae est; quoniam si agens, quod ex subiecto disposito producit, virtutis alicuius est: quod autem producit ex indisposito est virtutis maioris, ac quo subiectum est magis indispositum, eo est virtus agentis maior. Ergo quod ex nullo modo disposito subiecto et quod nullo modo est producit, infinitae virtutis profecto erit, et eo magis quo sic productum excellentius ac nobilius erit.

quod
non habent
aliae intelli-
gentiae, quae
a Deo et esse
et virtutem
operandi
accipiunt.

Idem de universi factione, sive per emanationem sive per creationem sit, iudicium est; quomodocumque enim productum dicatur, sive ab aeterno sive ex tempore, virtutem arguet infinitam, quoniam nonnisi ex nihilo produci potuit.

Productio
mundi
virtutem
infinitam
supponit;

Tertio: necesse est dicere divinam substantiam entitate, ut ita dicam, infinitam esse, nempe quod in se ac suo esse illimitatam perfectionem habeat ac totius entis perfectionem comprehendat. Si enim Dei essentia infinita non esset, quae radix est virtutis ac vigoris infiniti et aeternitatis, non posset Deus aut aeternus, aut infiniti roboris ac vigoris esse. Impossibile enim est infinitam virtutem in substantia finita et limitata consistere; virtus enim substantiam concomitatur et a substantia est.

virtus autem
concomitatur
substantiam:
ergo substan-
tia Dei est
infinita:

Deinde: si limitatum aut quoquo pacto coarctatum esset divinum esse, profecto ab agente aliquo vel recipiente ista limitatio esset. Res enim quaelibet terminis clausa, vel a producente, a quo habet suum esse, suis terminis clauditur: vel a recipiente, in quo recipitur et cui inhaeret; nam omne quod recipitur et inhaeret, per modum recipientis ut recipiatur necesse est. At Deus nec producentem, a quo sit, habet, cum prima causa sit; nec in aliquo recipitur, aut inhaeret, quoniam nec potest quidem, cum imma-

ergo a nullo
agente
limitatur,
cum a nullo
sit productus
et a nullo
recipi possit:

ergo sicut
aeternitate
sua omni
tempori
coexistit, ita
immensitate
sua omni loco
est praesens.

terialis omnino sit, ut actus purissimus. Itaque infinitus et immensus est Deus, ita ut aeternus quoque est. Si igitur infinitus et immensus est: ergo ubique est, idest omni loco coexistit; alioquin si alicubi quidem est et non ubique, localiter limitatus erit ac determinatus. Omnis autem limitatio finitatis et imperfectionis argumentum est secundum substantiam, sicut uni quidem tempori coexistere et non omni, et aliquando quidem esse, aliquando vero non esse, terminatam ac terminis circumscriptam durationem importat. At si aeternitate sua Deus omni tempori coexistit, ergo immensitate sua omni etiam loco coexistet.

Ex immen-
sitate Dei non
sequitur quod
dari oporteat
locos infinitos,
quia natura
creata infini-
tatem non
sustinet, nec
Deus eget
loco infinito
extra se;

At dicet quis: igitur in infinitis locis erit Deus et loci infiniti reperientur. Dico quod inconueniens nullum esset, si dari possent, Deum omnes implere; impleret quidem loci infinitatem. At quia natura citra Deum loci infinitam capedinem pati non sustinet, ideo non dantur, nec dari possunt loci infiniti, qui dandi sunt, ut Dei caperent immensitatem. Neque enim Deus, cuius naturae summa et omnino indeficiens perfectio est, loci capedine, in qua recipiatur, egens quoquo pacto est. Deus enim in seipso summe perfectus, nullius egens extra se, sibi ipsi innititur et sufficiens est, aeterna stabilitate in seipso manens. Ante mundi enim constitutionem, cum adhuc nec locus, aut tempus ullum esset, aeternus et immensus erat Deus, sicut nunc est, nec tempori aut loco cuiquam coexistens. At tempore et loco dato, sicut esse non potest ut, aeternus cum sit, alicui tempori non coexistat, ita impossibile est ut aliquis sit locus, quem non impleat immensus et infinitus existens. Quemadmodum autem omni cum in tempore sit, tempore quidem non mensuratur; ita omni loco coexistens, nullo loco circumscribitur aut definitur, sed manet semper immensus. Inde est quod non conclusus mundo dicitur, eo quod *coelum et coeli coelorum capere* ²⁶⁶ eum non possint; non quidem quod actuali praesentia extra mundum sit: sed quia, sicut potentia sua infinita dicitur, nec terminata in universi creatione, cum plures alios ac pene infinitos creare mundos posset, ita nec eius immensitas est limitata; sed quotquot sua infinita potentia mundos creare potest, tot sua immensitate potest implere.

et sicut omni
tempori coexi-
stens, tempore
tamen non
mensuratur,
ita omni loco
praesens, loco
non circum-
scribitur.

Virtute igitur in mundo toto non capitur, quia plures implere

potest; sicut anima quidem rationalis totum infantis corpus implet, cuique corporis parti coexistens ut forma et actus, nec extra suum corpus est: virtute tamen contineri ad summum dicenda non est. Nam corpus utique maius potest implere et illud idem infantis, cum factus vir perfectus fuerit, in seipsa nihil aut in maiori crescens aut in minori diminuta, sed semper aequalis; ita et Deus in mundo. Et sicut anima, quoniam immaterialis est, nec a corpore totaliter pendet, sed spiritualis, incorporea et impartibilis est, tota quidem in toto corpore et tota in singulis partibus membrisque quam minimis est; ita quoque Deus totus adest rebus omnibus et singulis totus: totus quidem omnibus, quia immensus est: totus et singulis, quia, spiritualis ac spiritus purissimusque actus cum sit, impartibilis et omnino indivisibilis est; nec impeditur, totus cum hic sit, quin et alibi sit totus et in quolibet loco totus.

Quemadmodum anima rationalis totum corpus implet, omni parti coexistens;

ita Deus rebus omnibus adest, quia immensus, et totus singulis, quia spiritus purissimus est.

Nam in tempore id cernimus simile. Spatium enim illud temporis, quo coelum una latione circumfertur ab oriente in occidentem, idest viginti quattuor horis, quae naturalem diem nocturno et diurno tempore comprehenso efficiunt, certe commune est omnibus. Nam totum id tempus naturalis diei, quo circulatio peragitur, et orientales et occidentales habent et meridionales et aquilonares, et qui arcticum et qui antarcticum incolunt, et qui Romae et qui Venetiis, aut Parisiis sunt: et omnes integras viginti quattuor horas habent; nec isti totum integrum tempus habentes alios impediunt ne et ipsi totum habeant: sed tempus id totum omnibus et singulis totum est, non autem totaliter est. Ita et Deus totus quidem rebus omnibus adest et singulis totus, non autem totaliter totus in singulis est. Si enim totaliter totus hic esset, non posset certe alicubi esse praeterquam hic: sed ubique totus potentialiter, praesentialiter et essentialiter est. Sicut anima in omnibus ac singulis corporis partibus tota est potentialiter, praesentialiter et essentialiter: potentialiter quidem, quoniam in toto corpore operatur suntque singulae corporis partes eius virtuti, potestati ac viribus subiectae; praesentialiter, quoniam singulas corporis partes contingit tota, a nulla distat, sed omnes partes praesentes ei sunt; essentialiter demum, quoniam substantia sua in corpore et eius partibus secundum essentiam anima est, informat, actuat et dat esse; ita Deus potentialiter in omni loco est, quia ubique operatur et omnia eius sunt potestati subiecta;

Et sicut tempus totum omnibus et totum singulis adest, non totaliter;

sic Deus totus adest omnibus et singulis, non totaliter;

sed potentialiter, quia ubique operatur; praesentialiter, quia omnibus praesens; essentialiter, quia unicuique rei dat esse et conservat in esse et operatione.

praesentialiter ubique est, quia omnes res tangit ac quodammodo intime vestit, a nulla distat et omnes res sunt ei praesentes: siquidem omnia, quamvis abditissima, *nuda et aperta sunt oculis eius, nec est creatura invisibilis in conspectu eius* ²⁶⁷; tertio, essentialiter, quoniam substantia et essentia sua omnem locum implet et rei cuilibet intimus est, quam res sibi ipsi: rei unicuique dat esse et quamlibet conservat in esse; vanitas enim omnis creatura ex seipsa est et ut divinae virtuti iugiter ac indesinenter innitatur necessum est alioquin, divina manu substracta, quae omnia portat ac sustinet *verbo virtutis suae* ²⁶⁸, omnia in nihilum abirent et omnino deficerent.

At vero etsi ubique Deus sit et omnem, uti diximus, impleat locum, in aliquo tamen loco specialiter dicitur magis esse, non quod magis ibi sit, sed quia excellentius ibi virtutem suam ostendit et nobiliora operatur. Ac ne a proposito simili digrediamur – *ad imaginem quippe Dei* ²⁶⁹ et similitudinem anima hominis in eo est, – ipsa etsi tota sit in toto et tota in qualibet totius parte, magis tamen in cerebro, sive capite, et corde dicitur esse, quia ibi magis suae virtutis ac potestatis elucent operationes. Ita Deus in coelo magis dicitur esse, quam in terra, quia ibi maxime relucet sua potentia, sapientia et bonitas, et excellentius ibi operatur, quam in terra. Similiter de aliis dico, puta de locis sacris, deinde in iustis, angelis et beatis, per gratiam hic et gloriam in coelo et per unionem in Christo. Ita magis dicebatur Deus esse in templo illo Iudaeorum ²⁷⁰, in arca ²⁷¹ et in propitiatorio ²⁷². Ita Iacob patriarcha, cum sibi dormienti apparuisset Deus, evigilans ait: *Vere Dominus est in loco isto et ego nesciebam; pavensque: Quam terribilis est, inquit, locus iste: non est hic aliud nisi domus Dei et porta coeli* ²⁷³.

His igitur sic visis, patet quod, cum ubique Deus sit, cum Scriptura dicit Cain a facie Domini egressum esse, non debere intelligi ipsum subterfugisse Deum et in locum aliquem commigrasse, in quo Deus non esset; sed ab eo loco egressus est, in quo sibi apparuerat Deus eumque increpaverat et delicti correxerat. Sicut enim Iacob ait: *Vere Dominus est in loco isto*, quoniam ibi sibi visus esset et non alibi;

267) Hebr 4, 13. Vulg.: *Non est ulla creatura invisibilis in conspectu eius; omnia autem, etc.*
 268) Ibid. 1, 3. 269) Gn 9, 6. 270) Cf. Dt 12, 5; 16, 2. 6; 3 Rg 8, 10. 13;

9, 3; 4 Rg 21, 4; 2 Par 7, 1. 271) Cf. Ex 25, 8; 40, 32-36. 272) Cf. Lv 16, 2.
 273) Gn 28, 16-17.

ita quoque *egressus est Cain a facie Domini*, idest ab eo loco, in quo Dominus visus sibi fuerat, qui alibi sibi non apparuerat.

At quomodo *a facie Domini egressus est* si, cum spiritus sit Deus, faciem non habeat? *Spiritus enim carnem et ossa non habet* ²⁷⁴. Figurata ista locutio est. Ideo advertendus animus est aliquando in Sacra Scriptura Deum dici alicui visum, aut esse locutum, quemadmodum saepissime legimus Deum patribus apparuisse et Moysi visum esse et cum in *Exodo* legimus ²⁷⁵ ascendisse Moysen et Aaron, Nadab et Abiu et septuaginta de senioribus Israel et vidisse Deum Israel; et cum legimus etiam Dominum ad Moysen *facie ad faciem* esse locutum, *sicut loquitur homo ad amicum suum* ²⁷⁶; similiter cum visus est Iacob innixus scalae eique locutus ²⁷⁷. Certe neque Dominus loquebatur neque videbatur. *Deum enim nemo vidit unquam* ²⁷⁸, sed nec videre potest; ideo ad Moysen ait: *Faciem meam videre non poteris, nec videbit me homo et vivet* ²⁷⁹: sed angeli ex persona Dei apparebant et loquebantur.

et quidem figurata locutione, quia Deus figuram humanam non habet, spiritus cum sit.

Hinc in *Genesi* legimus ²⁸⁰ apparuisse Dominum Abrahae in convalle Mambre, et statim subditur fuisse tres angelos. Et manifestius, cum in *Exodo* legimus ²⁸¹ Dominum in flamma rubi primo apparuisse Moysi atque dixisse: *Ego sum Deus patris tui, Deus Abraham et Deus Isaac et Deus Iacob* ²⁸², Veritas Hebraica habet ibi angelum Domini apparuisse Moysi et ita locutum esse. Ceu etiam protomartyr Stephanus in concione sua ad concilium dixit, ut in *Actis Apostolorum* refertur ²⁸³: *Expletis annis quadraginta, apparuit illi in deserto montis Sina angelus in igne flammae rubi*; propterea inquit idem ad Iudaeos: *Qui accepistis legem in dispositione angelorum* ²⁸⁴.

Vel Deum apparuisse per ministerium angelorum, sicut apparuit etiam patriarchis et aliis.

Quotiescumque ergo in Veteri Testamento legimus Deum alicui esse locutum, vel apparuisse, angelum intelligimus ex persona Dei loquentem et apparentem. At quia angeli, cum spiritus sint incorporei et immateriales, videri oculis corporeis non possunt, nec sensibilia verba sonare, corpora assumunt, in quibus et videri possint et loqui; ideo aliquando quidem in specie visi sunt ignis, frequentius

Tunc angeli assumebant formas visibiles, quibus videri et loqui possent in iis locis,

274) Lc 24, 39.

275) 24, 9.

276) Ibid. 33, 11. Vulg.: Solet loqui.

277) Cf. Gn

28, 13.

278) Io 1, 18.

279) Ex 33, 20. Vulg.: Non poteris videre faciem meam; non enim videbit, etc.

280) Cf. 18, 1-2.

281) Cf. 3, 2.

282) Ibid. vr. 6.

283) 7, 30.

284) Ibid. vr. 53.

ubi erant ii
quibus appa-
rebant et
loquebantur.

tamen hominis. Ita saepissime in Sacra Scriptura apparuisse multis leguntur: Abrahae ²⁸⁵, Loth ²⁸⁶, Iacob ²⁸⁷, Moysi ²⁸⁸, Iosue ²⁸⁹, parentibus Samsonis Manue et uxori suae ²⁹⁰, Davidi ²⁹¹, Danieli ²⁹² et aliis multis ²⁹³; ceu etiam gladium in manu tenens in viae angulo Balaam visus est ²⁹⁴. Species autem et similitudines illae, in quibus angeli ex persona Dei apparent atque loquuntur, ubique non sunt, sed in loco determinato, in quo persona est cui apparent et loquuntur.

Sic etiam dici
potest ange-
lum apparuis-
se et locutum
fuisse ad Cain;
qui postea ab
eo loco
egressus est,
ubi angelus
sibi visus est,

His sic positis, cum Scriptura ait Cain egressum esse a facie Domini, intelligimus angelum Domini sibi visum esse in specie et similitudine corporea eique esse locutum omnes illos sermones, qui supra ad Cain habiti sunt, ex persona Dei; quibus expletis, *egressus* est *Cain a facie* illius similitudinis seu imaginis in qua assistens angelus ex persona Dei sermonem ad Cain habuerat. Unde *egressus*, scilicet ab eo loco determinato ubi sic angelus sibi visus et locutus fuerat, perrexit ad incolendum *orientalem plagam* regionis *Eden*. Ex quo, inquit, terrae meae Deus maledixit ne mihi fructus suos afferat, optimam mihi ad habitandum et operandum regionem inquiram, ne tantas patiar calamitates et extremas miserias.

et habitavit
prope paradi-
sum, unde eius
parentes eiecti
fuerunt.

At quomodo potis unquam fuit vir nequissimus, *in peccatis natus* . . . *totus* ²⁹⁵, imo et *conceptus*, cum quo semper malitia crevit quoadusque in summum scelus excresceret, deliciosissimum locum illum incolendum adire, unde parentes eius ob peccatum propulsi fuere, in cuius custodiam coelestes spiritus Cherubim a Deo locati fuerant ²⁹⁶? Nunquid angelos sua nequitia decipere potuit vel, ipsis aut incautis aut certe dormientibus, clam locum illum subintrare et, ipsis nescientibus, habitare? Sed certe absurda sunt haec non ferenda. Dicimus ergo Cain non eam incoluisse regionem, in qua deliciosissimus hortus ille voluptatum omnium refertissimus Dei manu plantatus et consitus fuerat: sed non longe ab illo loco, *plagam orientalem* prope locum illum habitasse.

285) Cf. Gn 20, 2. 15.

286) Cf. Ibid. 19, 1 sqq.

287) Cf. Ibid. 28, 13; 35, 1. 9.

288) Cf. Ex 13, 21; 14, 19; 32, 34.

289) Cf. Ios 1, 1 sqq.; 3, 7; 4, 1; 5, 2; 6, 2; 8, 1.

290) Cf. Idc 13, 3-23.

291) Cf. 2 Rg 3, 19; 21, 1; 1 Par 22, 8; 28, 3.

292) Cf. Dn

9, 21-22; 10, 11; 12, 4.

293) Cf. 2 Rg 7, 4; 3 Rg 3, 5; 9, 2; 1 Par 17, 12; 2 Par 1, 7; Is 7, 10; 20, 2; Ier 1, 4-18; 11, 6; Ez 2, 1; 3, 1. 4. 10; Dn 8, 17; 14, 32-35; Os 1, 2; 3, 1; Ion 1, 2; Zach 1, 9; 2, 3.

294) Cf. Nm 22, 21-27.

295) Io 9, 34.

296) Cf. Gn 3, 24.

E regione itaque loci illius amoenissimi habitavit, nec longe a paradiso terrestri versatus est, quod sibi in maximam poenam vergebat. Cum enim avarissimus esset terrenarumque facultatum cupidissimus, et, e contra, maxima egestate et penuria premeretur et summa torqueretur pauperie, sciens locum illum, a quo non procul diversabatur, amoenissimum, deliciosissimum, fertilissimum optimisque fructibus uberrimum et onustissimum esse: non poterat non maxima poena et dolore affici prope eum locum esse et ad eius fructus capiendos accedere non valere. Ceu antiquae fabulae de Tantalo dicunt ²⁹⁷, qui, cum ob crudele facinus, quo occisum filium decoxerat, a diis ad inferos detrusus et maxima tum fame tum siti tortus perpetua, Eridani fluvii aquas e labris fugientes capere et pulcherrima ac suavissima poma eius imminetia capiti fugientia captare non valeret, ut eis potiretur: eo infelicior factus, quo felicitatis bona propius haberet; unde Tantalus, quasi *ταλάντατον*, idest infelicissimus dictus est; ita plane Cain. Ecce quomodo impiis etiam bona ipsa in poenam et damnum vergunt: sicut *diligentibus Deum omnia cooperantur in bonum* ²⁹⁸, etiam mala ipsa.

Et hoc quoque summa poena illi erat, cum consideraret fertilitatem paradisi et suam maximam penuriam.

Dicitur autem in *terra Naid* habitasse, quod duobus modis potest intelligi: primo quod habitaverit in terra *vagus et profugus*, ut supra dictum est ei, et ita *Chaldaeus Paraphrastes* interpretatur; vel quod habitaverit *in terra*, quae *Naid* nomine dicitur, sicut *Textus Graecus* habere videtur. Sed forte regio illa, in qua habitavit, sic dicta est ab eventu, eo quod *vagus et profugus* ibi Cain habitaverit; *נֵר* enim *mobilitatem* sonat.

In terra Naid dicitur Cain habitasse, vel quia sic vocabatur regio illa, vel quia illic tremens et profugus habitaverit.

r. 17 *Cognovit autem Cain uxorem suam, quae concepit et peperit Enoch; et aedificavit civitatem, vocavitque nomen eius ex nomine filii sui Enoch.*

Textus Hebraicus: Et cognovit Cain uxorem suam et concepit et peperit Chanoc; et fuit aedificans civitatem, et vocavit nomen civitatis iuxta nomen filii sui Chanoc.

Ita *Chaldaeus Paraphrastes*.

Textus Graecus habet: Concipiens peperit, et vocavit civitatem in nomine filii sui Enoch.

Verbotenus differunt, re autem discrimen nullum est.

²⁹⁷) Cf. Petronius *Satyrion*, *Satyr.* 82; C. Iul. Hyginus *Fabulae*, pag. 20; F. Fulgentius *Mythologiae*, lib. 2, pag. 140; ²⁹⁸) Rom 8, 28.

Cognovit au-
tem Cain, etc.
Opinantur
Hebraei
Evam in quo-
libet partu
gemellos edi-
disse, marem
et feminam,
qui postea
matrimonio
iungebantur.

Communis Hebraeorum sententia fert²⁹⁹ Evam in conceptu quolibet gemellos concepisse et edidisse. Cain autem vir factus, mulierem secum genitam et natam sororio iure in uxorem delegit ac, ut Rabbīnus Abrabanel hic inquit³⁰⁰, cum se videret Cain destitutum ac solum relictum, omni hominum societate orbatum ob fratris necem, eo amplius quo eiectus esset a terra habitationis Adam patris sui, filios procreare curavit, ut eis sociaretur, genuitque Chanoc. Sed an singulis partubus geminos Eva ediderit, nihil refert, etsi nil distet a vero vel verisimili: potuit enim plures filios concepisse ac peperisse, quam Scriptura hucusque retulerit. Genuisse enim filios et filias Scriptura postmodum refert³⁰¹, nulla tamen de filiarum singulari partu, vel ceterorum natorum praehabita ratione. Imo verisimillimum est plurimos Adae natos esse ex Eva filios cum adhuc Abel viveret; ipse enim vir erat naturalibus viribus viriumque facultatibus perfectus ad generandum: Eva vero ad gignendum annis singulis fecundissima. Hos autem duos filios ob successum Scriptura praememorat. Id certum esse debet, quod nonnisi sororem Cain accepit uxorem, ex qua Enoch genuit.

Et hoc ad ne-
cessitatem
propagationis
generis
humani,
qua necessita-
te cessante,
postea pro-
hibitum fuit
a iure tum di-
vino tum
humano.

Nec ex ea re culpandus est quoquo pacto Cain, ex eo quod non possit quis ad sororem suam iure accedere, cum scriptum sit: *Omnis homo ad proximam sanguinis sui non accedet, ut revelet turpitudinem eius*³⁰². Necessitas enim coegit, ut humanum genus, quod in pauculis illis hominibus Adae germinibus aliquantulum erat linea recta protensum, ad latus quoque in multas propagines fieret cresceretque in immensum, quo iuxta praeceperat Dominus: *Crescite et multiplicamini et replete terram et subiicite eam*³⁰³. Ob necessitatem hanc ergo licuit Cain eam mulierem, quae sibi sororio iure coniuncta erat, in uxorem ducere. Ea vero depereunte necessitate, coelesti iure praescriptum est³⁰⁴ ne qua primi aut secundi limitis coniugiorum necessitudo attingatur. Senatus vero consulto tertia quartaque limitum propinquitas tanquam incesta adimitur, inhibitumque est ne ad³⁰⁵ quartum usque parentum gradum³⁰⁶ iure³⁰⁷ possint connubia celebrari; omnes enim ad eum usque limitem consanguinitatis vinculo sunt

299) Cf. Nachmanides h. l. et not. 33 hulus cp. pag. 339.

301) Cf. Gn 5, 4.

302) Lv 18, 6.

303) Gn 1, 28.

300) Op. cit. f. 37^a.

305) Ms.: Post.

306) Ms.: Gradus.

304) Cf. Lv 18, 6-18.

307) Concilium Lateranense IV, sess. XXIV, cp. De Ref. Matr., cf. Phil. Labbeus Sacrosancta Concilia, t. 1, part. 1, col. 201.

obstricti, cum ab eodem stipite et originali principio naturali propagatione dimanent trahantque originem.

At quam ob rem, quaeso, dicet quis, non possunt mutuo et arcto consanguinitatis foedere obstricti ad se invicem coniugari et matrimonia contrahere? Et quid proprie matrimonium est? Et an iure Cain nuptiae sacramentum censendae sint?

Matrimonium quidem, ut a nominis etymo auspicemur, veluti *m a t r i s m u n i u m*, idest munus et officium dicitur, a matre potius, quam a patre nomen sortitum; non quia matres eo mulieres efficiuntur et ad hoc mulier nubere debet, ut fiat mater: id enim et viris commune est, ut patres fiant; sed ob id praecipue, quoniam etsi in coniugio princeps generationis auctor sit pater, in generatione tamen plurimum mulieris quam viri elucet munus et opus exquiritur. Longe enim officiosior circa prolem tum procreandam tum alendam et nutriendam mater prae patre conspicitur. Sibi nanque filius onerosus post conceptum dum parturit, longe dolorosior dum parit et in lucem edit, et laboriosus valde dum peperit est. Hinc est ergo quod, etsi coniugium commune amborum sit iugum, a muliere magis quam a viro nomen matrimonii accepit, quod eius munus mulieri magis incumbat. Sicut ex adverso exterior possessio atque substantia *p a t r i m o n i u m* potiori nomine dicitur, quoniam vir, magis quam mulier, succumbit laboribus ad ea bona acquirenda et ad thesaurizandum pro filiis.

Matrimonium, secundum etymologiam, significat matris munus, quia licet generationis princeps sit pater, in prole procreanda tamen mater officiosior conspicitur.

E contra substantia familiaris patrimonium dicitur, quia pater, magis quam mater, laboribus succumbit ad ea bona acquirenda.

Est autem matrimonium legitimarum personarum viri atque mulieris legitima maritalisque societas et indissolubilis nexus, ex quo semetipsum alteri pari consensu debet ad prolem procreandam educandamque, ut par est. Quare duo sibi necessario ius matrimonii exquirunt: ne sint nubentes illegitimi, et ut legitimus ac par consensus intersit; quorum si alterutrum desit, eius dirimit rationem.

Ad verum matrimonium duo requiruntur: nubentium libertas ab impedimento et consensus legitimus.

At vero connubium istud, quod diximus, tum naturae munus tum sacramentum est. Et quatenus quidem naturae munus et officium est, nil aliud est nisi maritale quoddam humanae societatis foedus; et istud quidem in universum hominum genus profusum est et infideles id contrahunt. Est autem verum et legitimum matrimonium si legitime, ut moris est, fiat: apud infideles enim naturae lex reperitur; est autem legitimum, quoniam nec divina lege, nec naturali interdictum est, nec Ecclesiae constitutione: non enim iudicat Ecclesia *de his qui*

Quatenus naturae officium, connubium infidelium verum matrimonium est, si contrahatur iuxta leges respectivae nationis;

foris sunt ³⁰⁸; non autem ratum matrimonium illud, quia sacramentum non est et dissolvi potest.

inter christianos autem est sacramentum, unionem Christi ad Ecclesiam figurans.

Si vero istud humanae societatis foedus inter virum et mulierem in Christo et Ecclesia legitime fiat, sacramentum est a Deo institutum. Hinc Apostolus ad Ephesios ait ³⁰⁹, adducens illud Genesios Sacrae ³¹⁰: *Propter hoc relinquet homo patrem et matrem suam et adhaerebit uxori suae; et erunt duo in carne una: Sacramentum hoc magnum est, ego autem dico, in Christo et in Ecclesia. Sacratissimae siquidem rei signum est, perpetui illius coniugii et indissolubilis unionis Christi ad Ecclesiam, cum Verbum, nostram assumens naturam, caro factum est* ³¹¹, summa ei dilectione coniunctum.

Ut matrimonium sit verum sacramentum et indissolubile, requiritur ut fiat inter personas nullo impedimento ligatas, praecipue affinitatis et consanguinitatis.

Istud etiam matrimonium et maxime requirit ad hoc, ut legitimum ratumque sit et indissolubile omnino, ut inter legitimas personas fiat, alioquin dirimitur eius ratio. Illegitimae autem personae sunt vel maxime affines et consanguinei. Affines autem dicuntur quicumque propinquitatem contrahunt per carnalem copulam, in qua, quoniam vir et mulier una fiunt caro, omnes mulieris consanguinei affinitatem cum viro contrahunt: similiter et viri consanguinei cum muliere. Affines connubia celebrare prohibuit Dominus in *Levitico* ³¹², ne filius contraheret cum uxore patris, aut pater cum uxore filii, vel nepos cum uxore patris. Senatus consulto tandem praescriptum est ne infra quartum limitem nubant affines ³¹³.

Matrimonium inter consanguineos infra quartum gradum prohibitum fuit,

Deinde vero illegitimi censentur consanguinei, qui ab eodem stipite traxere originem, tum hi qui in rectum protendunt genealogiae propaginem vel ascendentem vel descendantem, tum hi qui in latum primae originis effundunt propaginem. Et in rectum quidem, vel ascendendo vel descendendo, nunquam licuit coniugari, ut filius matrem aut aviam vel proaviam aut ataviam ducat uxorem: vel filia patri vel avo aut proavo sive atavo nubat; nec similiter licuit unquam ut pater filiam aut neptem vel proneptem sive atneptem ducat uxorem: vel mater filium vel nepotem vel pronepotem aut demum atnepotem accipiat sibi virum; a ratione enim valde desistit, nec naturae ius patitur ea connubia. Ad latus autem fratres sunt et fratrum filii, nepotes et pronepotes, sorores, sororum filiae, neptes et proneptes. Iure autem

308) 1 Cor 5, 12. Vulg.: *De iis*, etc.

309) 5, 31-32.

310) 2, 24.

311) Io 1, 14.

312) Cf. 18, 6-18.

313) Cf. not. 307 huius cp.

divino praescriptum est ne frater uxorem ducat sororem; senatus vero consulto ad quartum usque limitem coniugium est interdictum.

Sed ad id, quod supra quaesitum est, iam respondeamus, viso quid matrimonium sit, cur inter parentes et consanguineos contrahi matrimonium non possit, cum matrimonii bona consanguinitas non tollat vel dirimat. Certe si inter consanguineos connubia celebrarentur, amicitiae bonum, quod vel maxime homines decet, permagnum ferret dispendium. Inter eos enim, qui ab eodem dimanant originali stipite, cum sanguinis vinculo obstricti sint, consuevit vel maxime amicitiae amor vigere, qui ad alienos non facile fertur. Quare cum matrimonia secum affinitatem importent pariantque dilectionem, ad amicitiae et dilectionis adaugendam rationem, cum alienis potius quam propinquis sunt contrahenda ac, cum naturalis necessitudinis nexus ad quartum usque limitem arcte obstringatur et exinde incipiat³¹⁴ evanescere, hinc post quartum gradum libera promiscua connubia posse fieri statutum est, ad amicitiam veluti fugientem revocandam evanescentemque amorem restaurandum.

ad amicitiae
bonum magis
fovendum
in humana
societate;

At certe huius rei potissima ratio ea, ut puto, est, quoniam naturae quidam debetur honor ac reverentia una cum naturali quadam honestate; naturalis autem honestas naturae recto iure propriae carnis ac sanguinis ignominiam et turpitudinem refugit revelare, ceu in adhaesione viri ad mulierem fit. Hinc in *Levitico*, dum huiusce vitandae rei leges promulgantur, dicitur³¹⁵: *Ne reveles turpitudinem... et ignominiam*; hisque similia: *Ne accedas ad proximam sanguinis tui, ut reveles turpitudinem eius*³¹⁶.

et praecipue
ob naturalem
reverentiam
erga proprium
sanguinem,

Et certe cum matrimonium honestatis vinculum sit pro publica iustitia, nullo modo in re turpissima servari poterit, a qua etiam bruta animalia refugere conspiciuntur. Cuius rei gemina in *Aristotele* exempla legimus³¹⁷: alterum cameli, qui, cum super coopertam matrem ascendisset, matre postmodum cognita, in eiusmodi rei inventorem insiliit et occidit; de equo alterum, qui, cum similiter super matrem ascendisset, discooperta matre, cum matrem agnovisset, inde aufugit et praecipitio se collisit. Naturalis itaque lex inter consanguineos coniugia esse illegitima dictat ob naturalem hone-

quae a brutis
etiam sentitur.

314) Ms.: *Incipit.* 315) 18, 15. Vulg.: *Non revelabis.* 316) Ibid. vr. 6. Vulg.: *Ad proximam sanguinis sui non accedet, ut revelet, etc.* 317) *De Historia Animalium*, lib. 9, cp. 47, t. 1, pag. 584.

statem, ne propriae carnis et sanguinis turpitudine et ignominia re-
veletur.

Ideo quo ar-
ctior est nexus
sanguinis,
eo magis
repugnat inter
consanguineos
connubium;

Haec ratio eo magis stringit ac viget, quo sanguinis et carnis nexus
est strictior et cum, deficiente sanguinis vinculo et naturali amicitia
evanescente, deficit et evanescit. Inde est [quod] primi gradus connu-
bium horrendum omnino est et omni iure interdictum; secundi etiam
gradus coelesti iure praescriptum est: in his enim naturae nexus
stringit maxime magisque in primo, ideo illud execrandum magis,
ideo nunquam permissum. Alterum autem primitus quidem ob ne-
cessitatem, quam supra diximus, permissum est; deinde divino iure
prohibitum, cum nec naturalis ferat honestas aequa lance sororem et
uxorem mariti, sororemque uxorem veluti contrectare. Tertii vero et
quarti graduum connubia senatus consulto praescripta sunt, quoniam
arcte adhuc in his sanguinis nexus stringit.

sed ne humana
propago
deperiret, ex
divina conces-
sione necesse
fuit Adam
filios
filiasque suas
maritali con-
iugio tradere.

Naturalis itaque honestas et honor, qui naturae debetur, in
causa est ne iure inter consanguineos connubia ineantur. At cum
humana series ordiretur et in prima adhuc esset propagine, in sum-
mo discrimine sita natura ipsa erat, ut sibi e duobus quam vel-
let, alterutram optionem eligeret: vel naturalem eam honestatem,
quae in secundo gradu ab eodem stipite descendendum est, nonnihili
dispendii pati: vel naturam totam summum subire dispendium et
extremo interitu totam deperire. Nam etsi quingentos aut mille filios
Adam ex Eva genuisset uxore, omnes tandem morituri proculdubio
erant. Quod si filii sororibus non se coniuges tradidissent vel, si me-
lius dicam, si Adam filios filiasque suas maritali coniugio [non tradi-
disset], etsi fratres ac sorores omnes essent, plane una cum eis
universa deperiisset humana propago insimulque natura. Sed e duo-
bus malis natura minus, Deo aspirante, delegit et naturae potius,
quam honestati illi pro eo tempore consulere maluit; neque enim ut
naturam dirimeret penitusque destrueret virtus primo condita est,
quin potius ut incolumen salvamque, omni bono refertam servaret.

Cain ergo
sororem suam
uxorem ducere
debuit, licet
hoc S. Scri-
ptura ob hone-
statem
subticeat.

Ita ergo Cain sorori suae maritali coniugio copulatus est. At
Scriptura semper honestissima, ne quid turpe nobis proponeret, quod
non satis honestum suapte natura videri posset, nonnisi quod suapte
natura iustum honestumque est prae oculis ponit. Non enim ait ad-
haesisse Cain sorori suae, aut sororem duxisse coniugem; sed uxorem
suam cognovisse, quod uxor eius soror ipsius fuerit cautissime sub-

ticet, ne quod tunc necessitate factum est, existimaremus nunc quoque ad voluptatem id perpetrari legitime et absque culpa posse.

Demum cum Sacer Textus dicat cognovisse Cain uxorem suam, puto non absque sacramento Cain nuptias celebrasse, ut coniugium illud non solum naturae munus, sed et sacramentum matrimonii fuerit ³¹⁸. Libera enim et honesta voce coniugem suam sibi copulatam Scriptura uxorem praedicat; unde ut existimem ducor quod Adam primoris partus filios cernens adultos, nuptias eis celebravit et coniugavit filio filiam suam, ut par erat, ratio recta dictabat et forte etiam Deus vel iusserat vel instruxerat.

Et hoc verum
matrimonium
fuit, et puta-
tur etiam
sacramentum
fuisse.

Crediderim tamen primum hoc celebratum esse connubium antequam Cain horrendum et execrandum illud facinus perpetrarit. Quis enim possit duci unquam ut credat post tantum peractum scelus et nefarium facinus voluisse vel potuisse Adam tam nequissimo filio filiam suam coniugem tradere ad procreandam prolem, qui fratrem adultum ac virum factum tam nequiter sua dextra crudeli morte necaverat? Ante ergo coniugium hoc contractum est, etsi Scriptura ordinis serie textuque sermonis postmodum referat, Cain generationem texere aggressura.

Probabiliter
Cain coniu-
gium contra-
xit ante fra-
trididium, li-
cet Scriptura
ordinis serie
postmodum
referat.

Primo autem filio, quem sibi uxor genuit, Enoch nomen imposuit, idest instructus, institutus, vel dedicatus, forte quia eum suas artes instruxerat et terrenis cultibus dedicarat; non enim nisi terrenis exercitiis et artibus mechanicis incumberebat. Unde sequitur: *Et aedificavit ei civitatem, vocavitque nomen eius ex nomine filii sui Enoch.*

Et aedificavit ei
civitatem, etc.

Sanctissimi illi Patres, qui fide placuerunt Deo, repromissiones quidem expectantes nec accipientes, sed a longe aspicientes et salutantes, earum tamen spe, spiritu ad eas anhelantes et coelestibus civibus consociari cupientes, nunquam terreas civitates extruxere; sed in terra veluti aliena morabantur; in casulis et tentoriis habitando, confitebantur quia peregrini et hospites sunt super terram, significantes patriam se inquirere melioremque appetere, idest coelestem; expectabant fundamenta habentem civitatem, cuius artifex et con-

Sancti Patres
in tentoriis
habitantes,
coelestem civi-
tatem expec-
tantes;

*ditor est Deus; Deus enim illis civitatem paravit et ideo non confunditur vocari Deus eorum*³¹⁹.

Cain autem
terrenam
civitatem
extruere
coepit civis-
que terrenus
esse voluit,

At Cain, suorum scelerum et facinorum merita damnatione mulctatus, coelestem illam civitatem nunquam ingressurus aeterna felicitate donandus, nec aeternorum bonorum quoquo modo particeps futurus, terram vilissimam in suam delegit hereditatem, et superna civitate civibusque coelestibus nihili pensis, terrenam civitatem extruxit civisque terrenus voluit haberi. Et quoniam non ad Dei honorem et gloriam nec ad Dei cultum neque in Dei nomine civitatem illam aedificavit, ideo non divini alicuius nominis vel divinarum rerum imposuit nomenclaturam; sed nomen eius ex nomine filii sui vocavit, quoniam non pro Deo, sed pro filio eam extruxerat.

relinquens cul-
turam terrae
propter male-
dictionem.

Inquit Rabbinus Abrabanel³²⁰ quod Cain opus terrae culturae reliquit propter maledictionem et aedificatoriae artis opus accepit. Inquit autem Textus Hebraicus, quod *fuit aedificans*: forte quia ob mobilitatem suam non poterat continuo extructionem eius prosequi, sed *vagus et profugus* semper existens, ibat et revertebatur aedificans, et interruptum opus erat.

Vrr. 18-19

Porro Enoch genuit Irad, et Irad genuit Maviael, et Maviael genuit Mathusael, et Mathusael genuit Lamech. Qui accepit duas uxores: nomen uni Ada et nomen alteri Sella.

Textus Hebraicus: *Et natus est ipsi Chanoc Hirad, et Hirad genuit Mahuiael, et Mahuiael genuit Mathusael, et Mathusael genuit Lamech. Et accepit sibi Lamech duas uxores: nomen uni Hada et nomen secundae Tsilla.*

Graeca Editio nimium variat in nominibus: habet enim: *Natus est autem Enoch Gaidad, et Gaidad genuit Maleleel, et Maleleel genuit Mathusala.*

Porro Enoc
genuit Irad,
etc.

Variae lectio-
nes, ex diversa
pronuntiatione
eiusdem litte-
rae et ex con-
fusionem unius
litterae cum
alia.

Ratio autem diversitatis ea est, quae ex litterarum hebraearum symbolo et diversa pronuntiatione dimanant. Filius Enoch: עֵירָד hebraice dicitur, ubi prima littera est ע³²¹, quae aspiratio densissima est, nec scriptura, sed viva tantum voce exprimi potest. Formatur autem narium adminiculo in extrema gutturis parte et ad sonum nostri g, gutture imo pronuntiati, accedit. Est enim littera c o r v i n a aut c o l u m b i n a, nec potest commodius designari quam per g

319) Cf. Hebr 11, 9-16.

320) Op. cit. f. 37.

321) Ms.: Aīn.

strangulatum, nonnihil ad pronuntiationem obscuri **n** accedens. Hinc ea littera, quoniam aspiratio densissima est, interdum per **h** expressa est, ut: *hebraeus*, ubi hebraice est **ח**; aliquando per **g**, ut: *Gomorrha*, *Segor*, etc.; nonnunquam per **n** obscurum, more antiquo, ut: **חושע נא**, *hosanna*. Aliqui tandem litteram mutam putant, ut vix quicquam auribus exhibeat praeter eam, qua movetur, vocalem. Hinc noster *Interpres Irad* vertit, ac si muta omnino ea littera esset; Graeci vero per **γ** eam expresserunt, vertentes *Gidad*; sed in secunda littera similitudine ac symbolo litterarum decepti sunt pro **ך**, **ך** accipientes, quoniam eae litterae simillimae sunt; hinc dixere *Gidad*, pro *Girad*. In eo autem quod dicunt: *Gaidad genuit Malaleel*: non recte nomen illud expressere. In hebraeo enim est: **מחויאל**, *Machuiael*; similiter *Mathusala*, in hebraeo **מתושאל**, idest *Mathusael* est. Solent nos Hebraei plurimum irridere in pronuntiatione quorundam nominum, maxime in aspirationibus et quibusdam litteris imo gutture proferendis; defectus tamen hic aliquando ex litterarum penuria [oritur], quia nos unam tantum aspirationem **h** habemus, Hebraei autem tres: **א**, **ה**, **ח**; et **ע** litteram ipsi habent, cui neque nos neque Graeci respondentem habent; deinde duplex **s**: **ס**³²² et **ש**: nos autem et Graeci unum tantum; et duplex **z**: **ז** et **צ**: nos vero unum; ex quo evenit quod neque nos neque Graeci possumus adamussim eorum nomina pronuntiare et nostris litteris sonare. Nonnunquam vero interpretum defectu et errore id accidit.

Ista autem Cain genealogia ob id, ut multorum tum ex nostratibus³²³ tum ex Hebraeis³²⁴ fert sententia, textitur, ut ad Lamech usque deveniatur, qui, ex eo quod ipsemet confessus est³²⁵, putatur occidisse Cain. Quales autem ex Cain viri descendentes fuerint, quorum non habentur gesta, ex ipsis nominibus eorum cuilibet licebit advertere.

Mathusael genuit Lamech, etc.

Genealogia Cain textitur ut ad Lamech deveniatur, qui Cain occidisse creditur.

20-22 *Genuitque Ada Iabel, qui fuit pater habitantium in tentoriis atque pastorum. Et nomen fratris eius Iubal: ipse fuit pater canentium cithara et organo. Sella quoque genuit Thubalcain, qui fuit malleator et faber in cuncta opera aeris et ferri. Soror vero Thubalcain Noema.*

322) Ms.: *Samech*, et infra: *Scim*, *Zain*, *Tsade*.

Alph. Tostatus op. cit. f. 28^b. 33^a.

huius cp. pag. 390.

323) Cf. Nic. Lyranus op. cit. 45^a. 46^b;

324) Cf. Abrabanel op. cit. f. 37^a; et not. 227. 231

325) Cf. Gn 4, 33.

Textus Hebraicus: *Et genuit Hada Iabal, qui fuit pater inhabitantis tabernaculum et peculii. Et nomen fratris eius Iubal: ipse fuit pater omnis apprehendentis cytharam et organum. Et Tsilla etiam ipsa genuit Thubal-Cain, qui expoliebat omne opus aeris et ferri, sive qui exacuebat omnem artificem aeris et ferri. Et soror Thubal-Cain Nahamah.*

Chaldaeus Interpres habet: *Et genuit Hada Iabal: ipse fuit princeps habitantium tabernacula et dominorum iumentis. Et nomen fratris eius Iubal: ipse fuit princeps ludentium super os nabli et scientium canticum cytharae et fistulae. Et Tsilla etiam ipsa genuit Thubal-Cain, principem omnium scientium opus aeris et ferri, etc.*

Textus vero Graecus habet: *Et peperit Ada Iobel: hic fuit pater habitantium in tentoriis pastorum. Et nomen fratri suo Iubal: hic fuit qui ostendit psalterium et cytharam. Sella autem peperit et ipsa Thobel; et fuit malleator faber aeris et ferri.*

Quam recte superius Cain ipsum Dominus maledixit! Ea enim maledictio non solum poenae inflictio fuit, sed et futurorum praedictio, quia ab eo et tota posteritate sua nil bonum, sanctum nihil, aut quod divinam et coelestem saperet sapientiam, emanavit; sed tantum terrena opera, a Deo et divinis humanam mentem et cor abstrahentia; opera vana, quae non nisi terrenam, carnalem et vanam sapientiam redolent; opera prava atque iniqua, omnia facinora crudelia, nefaria scelera obscenaque ac turpissima quaeque vitia atque peccata. Ecce enim ipse civitatem primo extruxit ostendens toto animo ad terrena hiare, toto desiderio³²⁶ ad corruptibilia ferri, coelestia atque aeterna nihili penitus pendere, velle se in terris firmam, permanentem et aeternam civitatem habere nec futuram quoquo modo inquirere³²⁷; sed nec peregrinari a Domino³²⁸ in terra, sed terrae civem [esse] a coelo toto exulem, eo nunquam recipiendum.

Paternae mentis et affectuum nihilominus imitatores operumque factores subsequuti sunt filii Enoch, Irad, Maviael, Mathusael, Lamech et ab eis geniti: miseranda natio, gens peccatrix, populus gravi iniquitate, semen nequam, filii scelerati³²⁹. Quos omnes mentis perversitate, affectionum pravitate, operum iniquitate, scelerum

Genuitque Ada Iabel, etc. Maledictio Cain nedum poenae inflictio fuit, verum et praedictio futurae perversionis posteritatis eius.

Omnes autem Lamech superavit perversitate et libidine,

326) Ms.: *Desidero ac.*
Is 1, 4.

327) Cf. Hebr 13, 14.

328) Cf. 2 Cor 5, 6.

329) Cf.

enormitate et inexplabilis libidinis turpissima obscenitate Lamech superavit et longe lateque excessit. Etenim ut impudentius eluxuriaretur et magis ac magis veneris voluptatibus foedissima lascivie ac luxurie debaccharetur, duas accepit uxores primusque bigamiam introduxit ³³⁰, contra tum naturae instituta tum Dei.

qui etiam bigamiam primus introduxit.

Haec enim matrimonii tum a Deo tum a natura lex promulgata erat: *Relinquet homo patrem et matrem suam et adhaerebit uxori suae et erunt duo in carne una*; et hoc *Sacramentum magnum est in Christo et in Ecclesia*. Christus enim unicus sponsus est et Ecclesia unica eius sponsa; nec Christus unquam sponsam aliam, nec Ecclesia sponsum alium novit. Repugnat itaque bigamia, quae biuge connubium est vel cum duabus uxoribus vel cum corrupta et ab alio cognita contractum ³³¹, unicae huic coniunctioni Christi et Ecclesiae. Unde merito a sacris Ordinibus praeccluduntur et coercentur bigami, sacri senatus consulto, tanquam irregulares ³³², ne Christi personam gerentes et in Ecclesia repraesentantes veluti Christi vicarii, Christo aliquid repugnans et adversum habeant in Christi ad Ecclesiam comparatione, symbolo et analogia.

Bigamia a lege naturae, Dei et Ecclesiae reprobatur.

Lamech itaque, ut libidinaretur et obscae voluptati ac veneri plus aequo ac propensius indulgeret, biugio se tradidit duasque primus accepit uxores. Et ex prima quidem duos sibi genuit filios, quorum alter dictus est *Iabel, qui fuit pater habitantium in tentoriis atque pastorum*, idest primus scenofactoriam artem adinventit ad tentoria texenda domosque portatiles faciendas, cuiusmodi sunt militum et pastorum; primus etiam pecuariam docuit artem, unde *pastorum* quoque *pater* dicitur. Moris est Linguae Sanctae inventorem cuiuspiam rei principemque auctorem, *patrem* ³³³ appellare. Hic itaque, ut Hebraei ferunt ³³⁴, peculii artem sibi delegit eamque iuxta animalium naturam docuit pastores, oves a capris dividere et haedos ab agnis singulosque eorum greges seorsum aggregare. Aiunt etiam ³³⁵ Iabel dictum eamque accepisse nomenclaturam Abel similem, quoniam Abel artem pecuariam delegit et docuit.

Iabel pater pastorum dicitur, quia primus docuit artem pastoritiam;

mos est enim Sacrae Scripturae *patrem* vocare alicuius artis inventorem.

330) S. Hieronymus: « Primus Lamech maledictus et sanguinarius, et de Cain stirpe descendens, unam costam divisit in duas ». Epist. 79, (P. L. 22, 732). 331) Ms.: Est repetitur.

332) Cf. *Decretum Gratiani*, dist. 26, (P. L. 187, 150-152); dist. 33, ibid. col. 184-185.

333) Cf. Gn 4, 20-21.

334) Cf. Abrabanel op. cit. f. 37^a; Alph. Tostatus op. cit. f. 28^b.

335) Cf. Abrabanel op. cit. f. 37^a.

Iubal inven-
tor musicae.

Alter vero filius Lamech ex prima uxore *Iubal* dictus est, qui *fuit pater canentium cithara et organo*, idest inventor fuit musicae et citharam et organum sive psalterium aut quaevis alia musica instrumenta excogitavit, quae ad vanitatem, delicias et voluptates plurimum conferunt, atque huiusmodi sonis ac melodiis qui terrena sapiunt homines animales maxime delectantur. Unde B. Iob, de impiis prospere agentibus, ait ³³⁶: *Tenent tympanum et citharam et gaudent ad sonitum organi; ducunt in bonis dies suos, et in puncto ad inferna descendunt.*

Tubalcain
longe nequior
omnibus filiis
Lamech fuit,
qui artem
excogitavit
ad arma
fabricanda.

Filius autem, quem ex secunda uxore habuit, his longe nequior fuit; fuit enim *malleator et faber in cuncta opera aeris et ferri*, idest fabrilem artem excogitavit, mineralia sub terra invenit et effodit, ferrum et aes operatus est aliosque operari docuit, ad arma ceteraque instrumenta bellica efficienda, quibus immanis crudelitas ad violentiam, rapinam et homicidia explenda exercetur. Imitari voluit ac longe immanius perficere opera tetravi sui Cain, qui fratrem suum occidit: ad occisiones enim et homicidia ferrea arma adinvenit; ea propter, ut puto, eius nomen habet, cuius imitatus est opus.

Noema, eius
soror,
inventrix fuit
luxus vestium
et melodiarum.

Sororem quoque huius Scriptura commemorat, quae Noema dicebatur. Hanc aiunt ³³⁷ lanificii artem adinvenisse ad ornatiores habitus vestesque nobiliores ac pretiosiores contexendas. Rabbini *Abraham* hanc adinvenisse carmina vocumque melodias et concentus in canticis et psalmis inquit ³³⁸, et propterea eo nomine dici: נְעֻמָּה, [quod] delectationem, iucunditatem et suavitatem quandam sonat; et propterea hic commemoratam, quoniam supra de fratre suo ex patre, qui instrumenta musica adinvenit, mentio habita est. Habent Hebraei in *Bereshit Rabba*, ut idem Rabbini ³³⁹ refert, hanc fuisse uxorem Noe; ipse autem tenet fuisse quidem mulierem iustam et Noe uxorem: at non eam ex qua nati sunt Noe filii, sed aliam; ipsa autem ante diluvium mortua sit.

Vrr. 23-24

Dixitque Lamech uxoribus suis Adae et Sellae: Audite vocem meam, uxores Lamech; auscultate sermonem meum; quoniam occidi virum in vulnus meum et adolescentem ³⁴⁰ in livorem meum: septuplum ultio dabitur de Cain; de Lamech vero septuagies septies.

336) 21, 12-13.

337) Cf. Nic. Lyranus op. cit. f. 46^b; Alph. Tostatus. op. cit. f. 29^a.

338) Op. cit. f. 37^a.

339) Ibid.

340) Vr. 23. Vulg.: Adolescentulum.

Textus Hebraicus: *Et dixit Lamech uxoris suis Hadae et Tsillae: Audite vocem meam, uxores Lamech; auscultate eloquium meum; si occidi virum in vulnus meum et adolescentem in livorem meum: quoniam septuplum vindicabitur Cain; et Lamech septuagies septies.*

Textus Chaldaicus: *Non virum occidi, quod propter eum ego congregem peccata ad mortem; nec etiam adolescentem interfeci, quod propter eum consumatur semen meum; ad septem generationes suspensus, vel dilatus est Cain; annon Lamech, filius eius, septem et septuaginta?*

Textus Graecus cum nostro concordat: *Quoniam virum occidi in vulnus mihi et adolescentulum in livorem mihi; quia septies iudicatum est ex Cain; ex Lamech autem septuagies septies.*

Locus iste tum ab Hebraeis tum a nostratibus diversas et longe a se distantes habet expositiones.

Refert Iosephus *De Antiquitatibus* ³⁴¹, quod iste Lamech vir fuit venator, qui arcu et pharetra silvestres feras venabatur pro vestium conficiendarum pellibus; cumque iam senesceret ac perspicacior eum visus ob veneris intemperiem et senescentem naturam deficeret, adolescentulum secum ad venationem adhibuit, qui ducatum ei praestaret, dirigeret gressus et silvestria animalia longius visa monstraret; ipse enim iam caecutire inceperat. Accidit autem die quadam, cum ad venandum egressus esset, ut adolescentulus eum dirigens, Cain in densa spelunca sub fructetis latentem a longe videret; in specus enim densos atque nemorosa latebrosaque antra agebatur ob metum. Quem feram esse suspicatus, ad Lamech ait ut contra se sagittam dirigeret; quae directa et ad certum locum recta tendens, Cain percussit et interfecit. Quod percipiens Lamech, vehementer dolens quoniam Dominus multas clades eminatus interminatusque fuerat ne quis Cain interficeret, nimio irae furore succensus, arcu, quem manu tenebat, adolescentis caput percussit percussumque interfecit.

Dixitque Lamech uxoris suis, etc.

Narratiuncula a Iosepho Hebraeo tradita,

341) Cf. apud Alph. Tostatum op. cit. f. 29^a. Eidem traditioni de Cain a Lamech casu interfecto, etiam S. Hieronymus suffragari videtur, qui ait: «Lamech... septimus ab Adam, non sponte, ut in quodam hebraeo volumine scribitur, interfecit Cain». Epist. 36, (P. L. 22, 454). In *De Antiquitatibus* Iosephi Flavii vero narratiunculam hanc non invenimus. Invenitur etiam haec Hebraeorum traditio citata a Sallano *Annalium Eccles. Epitome*, pag. 51; Io. B. Du Hamel *Biblia Sacra, Genesis*, h. l.; Alph. Niccolai op. cit. t. 3, Lez. 35, pag. 195-196.

Hunc adolescentem Hebraeorum nonnulli Thubalcain filium fuisse ferunt³⁴², et ob id magis uxores eius factum exhorrescebant. Horrendum id facinus cum audissent uxores eius, ab eius se concubitu subtraxere, ne et ipsae una cum eo miserandis cladibus Dei lata sententia afficerentur neve simul cum eo deplorandas luerent poenas. Quod non aequo animo ferens Lamech, eas adhortabatur ut secum redirent, nec multo post futuram poenam pertimescerent, ad easque factum suum excusans, ait: *Occidi quidem virum in vulnere meo*, non data opera eum insidiatus, nec volens id feci, sed nolens nesciensque percussi; et *adolescentulum in livorem meum* ob vehementem dolorem praecedentis mortis interfeci, non ex animi malitia aut odio, sed mox ira ex vehementi dolore succensus; Cain autem fratrem suum, data opera insidians, ex odio et malitia interfecit. Quare si tandiu in eius gravissimae culpa poenam mors ad septimam usque generationem dilata est: multo longius poena in facinoris mei ultionem differetur; quod si ipse septima generatione punitus est, ego ad septuagies septimam non puniar. Ne ergo poenam hanc tanto post tempore futuram pertimescatis.

Hanc expositionem multi tum Hebraeorum tum nostratum³⁴³ sequuntur; at certe multa extra litteram supponit.

nullo
fundamento
innititur.

Forte Lamech
non
affirmative,
sed emphatice
locutus est, ut
eius verborum
sensus sit se
non occidisse
Cain,

Nos itaque aliter exponendam duximus. Est autem in L i t t e r a una dictio: כַּי, quae inter pleraque alia significata haec quoque habet: q u o n i a m, s i e t q u a n d o. Iuxta primum significatum habet V u l g a t a E d i t i o. Potest tamen et in reliquis accipi, ut valeat s i, vel q u a n d o: ut sit is litterae contextus: *Audite vocem meam, uxores Lamech; auscultate sermonem meum. Si, vel quando occidi virum in vulnere meo*, etc. Certe vox ista geminata emphasim quandam secum afferre et applausus ac laetitiae esse videtur pro magni alicuius boni expectatione ac ad depressos animos exhilarandos movendosque ad magnam gaudii spem, exultationis et futurae

342) Cf. Rab. Salomon op. cit. f. 7^a; Nic. Lyranus op. cit. f. 46^b–47^a; Alph. Tostatus op. cit. f. 29^b; Aptowitz op. cit. pag. 59–68. 159–162.

343) Cf. S. Hieronymus Epist. 36, (P. L. 22, 454–455); Alcuinus *Interrogat. et Respons. in Gen.*, ibid 100, 526; Rabanus Maurus *Comment. in Gen.*, lib. 2, cp. 2, ibid. 107, 509; Strabus *Glossa Ord. in Gen.*, ibid. 113, 101; Angelomus *Comment. in Gen.*, ibid. 115, 132; Remigius *Comment. in Gen.*, ibid. 131, 72; Nic. Lyranus op. cit. f. 46^a; Alph. Tostatus op. cit. f. 29^b.

felicitatis: *Audite*, ait, *vocem meam uxores meae*: meum auribus sermonem percipite, nec animo paveatis, aut exterreamini miserandae alicuius cladis, aut deplorandae calamitatis timore. Quando enim ego virum interfeci in vulnere meo, aut quando adolescentem aliquem in livore meo perdidi, sicut Cain fecit, qui fratrem suum occidit, aetate quidem adolescentem, sed perfecta integerrimaque virtute virum? Quod si Cain quidem, qui ex livore et ira fratrem suum suo vulnere interfecit, tanto vixit tempore et ad septimam usque generationem filios vidit morte impunitus: annon multo magis Lamech, qui mala haec non perpetravit, ad septuagies usque septimam generationem semen suum longaeum videbit? Idest: annon multo plus tempore vivam ego et multo plures videbo filios filiorumque generationes, multo longiorem genealogiam texentes? Gaudendum igitur vobis est, uxores meae, et magis magisque exultandum, nedum quia filios quidem genuistis natura, ingenio, arte scientiaque ingenuos, praestantissimos ac prudentissimos: sed quia multo plures habebitis; unde beatas vos dicent omnes generationes! ³⁴⁴

sed securas facere voluisse uxores suas, ne aliquam cladem aut calamitatem pertimescerent.

Huic nostrae expositioni nedum nihil ex *Hebraica Littera* repugnat, verum etiam *Chaldaica Paraphrasis* mirum in modum favet.

At vero si simpliciter, ut in nostra *Editione* iacet, velimus textum hunc exponere, ita dicemus: Ne exterreamini, uxores meae, nec me exhorreatis *quoniam occidi virum in vulnere meo et adolescentem in livore meo*; non vos horror facinoris a meo coniugio subtrahat; ecce enim et Cain fratrem occidit. Quod si Cain septuplum vindicabitur, idest quicumque Cain occiderit multas poenas exolvit, clades enim multas interminatus est Deus si quis Cain occiderit, multo plures poenas dabit luetque calamitates quisquis ausus fuerit me occidere. Quoniam ego non data opera, non ex certa malitia, non ex insidiis, ut fecit Cain, virum occidi: sed simpliciter *in vulnere meo, et adolescentem in livore meo* ex ira statim exurgente. Casus fuit is purus ac simplex, non praecogitatus aut praemeditatus. Si ergo timet quisquis Cain interficere tam nequam virum, ob interminatas tam multas poenas; multo magis me occidere extimescent, quoniam maiores poenas exolvent. Hoc est quod ait: *Septuplum ultio dabitur de Cain*,

Vel si affirmative locutus est, sic fecit ut excusaret facinus suum, ne uxores ab eius consortio se subtraherent.

idest occidens Cain multas luet poenas; de *Lamech vero septuagies septies*, idest multo plures et maiores poenas dabit Lamech interficiens.

Vr. 25 *Cognovit quoque adhuc Adam uxorem suam, et peperit filium, vocavitque nomen eius Seth dicens: Posuit mihi Dominus³⁴⁵ semen aliud pro Abel, quem occidit Cain.*

Textus Hebraicus: *Et cognovit Adam adhuc uxorem suam, et ipsa peperit filium, et vocavit nomen eius Seth: quoniam posuit mihi Deus semen aliud pro Abel, quoniam occidit eum Cain.*

Textus Chaldaicus: *Quia dedit mihi Dominus filium alium.*

Textus Graecus: *Quia suscitavit mihi Dominus semen aliud.*

Postquam Scriptura Divina genealogiam Cain texuit et ad Lamech usque perduxit, quoniam ex professo nonnisi Christi genealogiam texere intendit, qui ab Adam secundum carnem descendit, ceu *Beatus Lucas* in suo *Evangelio*³⁴⁶ Christi genealogiae contextum edisserens, ordine praepostero a Christo ad Adam usque pervenit, ad Adam et uxorem suam iterum redit, dicens: *Cognovit autem Adam adhuc uxorem suam.*

Cognovit quoque adhuc Adam, etc.

Nonnulli ex Hebraeis huius contextus litterae hanc reddunt rationem, dicentes³⁴⁷ quod, cum uxores Lamech se ab eius concubitu subtraxissent propter facinoris eius horrorem, ipse conveniri eas fecerit coram Adam, qui iudex tunc temporis erat. Cumque iussisset Adam ut ad Lamech uxores redirent, responderunt illae: et cur tu ad uxorem tuam non redis, a qua iam multis temporibus a morte Abel te subtraxisti? Quapropter Adam, ne sui exemplo humanae propagini excrescendae ac multiplicandae impedimentum afferret, ad uxorem suam rediit, eamque iterum cognoscens, Seth filium genuit. Causam autem ob quam Adam ab uxoris commercio se subtraxerat, esse aiunt³⁴⁸ quoniam propter eam e paradiso voluptatis eiectus est et in hunc miseriarum locum deiectus; et quoniam lignum illud, quod sibi mulier ad comedendum dederat, concupiscentiam malam coitusque libidinem in eius membra immiserat^{348a}.

Interpretatio huius loci iuxta aliquos Hebraeos.

345) Vr. 25. Vulg.: *Posuit mihi Deus.*

op. cit. f. 7^a; Nic. Lyranus op. cit. f. 47^a; Alph. Tostatus op. cit. f. 29^a. Aptowitz op. cit. pag. 68. 162-163.

346) Cf. 3, 23-38.

347) Cf. Rab. Salomon

348) Cf.

348a) Cf. supra, cp. 3, pag. 270 et not. 56.

Nos vero huius contextus aliam dicimus esse rationem. Iam enim Adam, Deo revelante, cognoverat Dei Verbum venturum esse in carne, ut lapsum hominem e peccato sublevaret eumque a diaboli potestate tyrannica redimeret atque salvaret. Cum cognovisset autem, Dei spiritu afflatus, universam Cain generationem atque propaginem penitus toto coelo delendam non multo post tempore diluvii aquis, priusquam Messias salvator veniret, novit quod non erat ex eius posteritate nasciturus. Neque enim decebat ut semen illud sanctissimum, in quo benedicendae erant omnes generationes ³⁴⁹ gentesque omnes, a pessima illa maledictaque radice Cain germinaret; maledictus enim ob id vel maxime fuit quoniam germen ullum fidele, sanctum aut iustum ex eius radice germinandum aliquando foret. Iccirco novae generationi, ex qua Christus secundum carnem nasceretur, operam dare proposuit et ad uxorem suam iterum adhaerere.

Adam certe sciens Dei Verbum in carne venturum et generationem perversam Cain diluvio delendam esse,

novae generationi operam dare proposuit, ex qua Christus nasceretur.

Erat autem centum triginta annorum ³⁵⁰ cum generationi huic novae operam dedit; unde elucet non potuisse id post enarratum illud Lamech facinus factum esse, etsi contextu sermonis postmodum ponatur. Non enim intra eius temporis limites septem Cain generationes claudi potuere, praesertim cum eo temporis non praemature admodum, ut nunc fit, homines connubia ducerent filiosque procrearent; eo item maxime quod Lamech ab ipsis Hebraeis caligantis oculi ac senescentis aetatis fuisse dicatur. Quomodo ergo intra centum triginta annorum terminos septem hominum generationes in rectum protensas potuit transcurrere, et Lamech, qui in septima est, caecutiens ac senescens esse?

Vocavitque nomen eius Seth, etc.
Seth natus est antequam Cain occideretur, licet a Scriptura eius nativitas postea referatur.

Sacra itaque Scriptura Cain generationes dedignata [est] ulterius prosequi, cum ab eo veluti ab iniquitatis fonte omnisque peccati radice nonnisi iniqui et scelesti homines emanarent; propter quod delenda toto penitus genere erat maledicta illa propago. Vidit itaque Moyses eius generationis malitiam paulatim excrescere, quasi malum humorem per totum corpus defluentem; sistit malitiae impetum et sequentes generationes ex Cain propagine nec memoria quidem dignatur. Sed exarare nobis volens quomodo Deus Adam et Evam consolatus fuerit eorumque dolorem demulserit, in quem illos iniecerat fratricida dextra contra Abel armata, et e mundi generationum ca-

S. Scriptura ultra non prosequitur enarrando genealogiam Cain, ob eius perversitatem,

349) Cf. Gn 12, 3; 22, 18.

350) Cf. ibid. 5, 3.

sed ad Adam
revertitur, ut
genealogiam
Christi
edisserat.

talogo Cain propagine expuncta, genealogiam electam ac permansuram seriose disserere, ad naturae humanae protoplastos primosque progenitores redit, ut Christiferae genealogiae contextum, quem primo intendit, exordiri incipiat. Ait ergo: *Cognovit quoque adhuc Adam uxorem suam*, ob causam quam diximus, *et peperit filium*, qui sanctus ac iustus futurus erat, cuius esset eligenda a Deo progenies, a quo genus emanaret electum, sacerdotale regnum sacerdotiumque regale: *gens sancta, populus acquisitionis* ³⁵¹: ex quo demum nasceretur Redemptor ac Salvator mundi Iesus Christus, in quo benedicendae erant cunctae gentes terrae.

Posuit mihi
Deus semen
aliud, etc.
Ex novae pro-
lis natali ma-
xima laetitia
perfunditur
Eva,

Exultat igitur pia mater Eva novae prolis natali et tanti filii exhilarata partu; tota laetabunda gaudii vocem exultationisque emittit laudum et gratiarum plenam: *Posuit mihi Deus semen aliud pro Abel, quem occidit Cain*. Quantos dolores, quantas animi perturbationes, quantosque cordi cruciatus piam matrem Evam sensisse putamus ob filii mortem! Quam gravis tristitia ac moeror eius mentem animumque oppresserat, obrepserat ac veluti gravissimo somno sopierat? Valde enim et ultra quam credi potest diligebat eum; natu enim minores cariores sunt matribus. Et eo magis sibi carissimus erat, quoniam natura quidem erat spectabilis, decorus forma, ornatus moribus, gravis atque modestus, simplex et humilis, innocens et honestus atque pudicus: ita ut nil unquam vitiosum in puero cerneret et ab ineunte aetate nihil nisi virtuosum videret et cogitare et loqui et operari. Cernens ergo pia ac dulcissima mater in filio naturam undequaque spectabilem, corporis pulcritudinem, venustatem aspectus, eloquii suavitatem, elegantiam morum, conversationis affabilitatem, puri animi prudentem simplicitatem, vitae innocentiam et sanctitatem, non poterat non vehementissime eum diligere, non summo in eum amore ferri.

quae ob cru-
delissimam
necem Abel
maximum
dolorem ex-
perta fuerat.

Quando ergo talem ac tantum filium crudeli morte sensit necatum: quando acerbum et crudele illud occisi filii spectaculum horrendum ac primum funestae mortis primo vidit: cum, inquam, filii dilectissimi corpus exanime, cruentatum, vulneribus undequaque apertum, laceratum ac laniatum vidit; quis existimet quam vehemens eam dolor invasit, quam acutus gladius eius animam pertransivit ³⁵²,

351) 1 Petr 2, 9.

352) Cf. Lc 2, 35.

quam crudelis et acerbus mucro materna viscera transfodit, quam miserandam ac dolentem vocem emisit? Heu me, fili mi, fili mi, Abel! Abel, fili mi! Quis te, fili mi ³⁵³, occidit? quis te vulneribus istis affecit? quis te interemit, spes vitae meae? quis te ita confregit, baculus senectutis meae ³⁵⁴? quis te perdidit, lumen oculorum meorum? quis te tam crudeliter vita privavit, solatium vitae meae ³⁵⁵? Heu me, fili mi! Quis mihi det ut tecum moriar? quis mihi det ut in infernum descendam et videam te filium meum dilectissimum, fili mi, fili mi, Abel, fili mi? Quaenam fera pessima corpus tuum ita laceravit ³⁵⁶? quaenam cruenta atroxque bestia ita carnes tuas discerpserit? Heu me infelicem mulierem! heu me miserandam et deplorandam matrem, quae prima funestae mortis in filio dilectissimo perspexit triumphum, quae tam lugubre funus ob oculos habeo, quae tam miserandum spectaculum cerno! Eva dicta sum viventium mater ³⁵⁷; et ecce prima filium mortuum video morte tam crudeli necatum! Moerebam prius, lugebam luctu gravissimo ob transgressionem meam, ob quam alias praeter clades miserandasque calamitates, mortis etiam in me sententia lata fuit. At mortis quidem speciem nondum noveram, nondum videram. Nunc autem, heu, fili mi, quantus mihi luctus, quanta lugendi adaucta est ratio! En me miseram! primam mortis speciem introductam cerno in vitam: mortem violentam, immanem et crudelissimam: mortem a filio flagitiosissimo perpetrata in fratrem eodem patre eademque matre natum: qui nihil nocuerat, nulli unquam malum intulerat: in te filium meum dilectissimum, in te, lumen oculorum meorum, in te, solatium vitae meae, in te, spes salutis meae. Heu me, fili mi, fili mi, Abel! Abel, fili mi! O miserandam matrem! o sortem deplorandam tot amaritudinibus plenam! Quis me, fili mi, consolabitur? imo quis me unquam poterit consolari? *Renuet consolari anima mea* ³⁵⁸, nunquam consolationem recipiam, te filium meum semper lugebo, lacrimae erunt panis meus die ac nocte ³⁵⁹, potus meus sine mensura, quousque *respiciat Deus afflictionem meam* ³⁶⁰ et ipse me consoletur!

Ita multis temporibus pia mater filium suum lugebat; usquequo

353) Ms.: *Mi* repetitur.

354) Cf. Tob 5, 23.

355) Cf. ibid. 10, 4.

356) Cf. Gn

37, 34.

357) Cf. ibid. 3, 20.

358) Ps 76, 3. Vulg.: *Renuit*, etc.

359) Cf. Ps

41, 4.

360) 2 Rg 16, 12. Vulg.: *Respiciat Dominus*, etc.

Prae gaudio
nativitatis
huius filii,
eum Seth
vocat, tan-
quam a Deo
positum
loco Abel.

posuit illi *Deus semen aliud pro Abel, quem occidit Cain*. Tunc enim *nova sibi lux oriri visa est, gaudium, honor et tripudium*³⁶¹; inde exultans aiebat: *Posuit mihi Deus semen aliud pro Abel, quem occidit Cain*. Post mortem, inquit, Abel ad hunc usque diem semper dolens ac moerens fui ob tanti filii mortem; nunc omnis facessat dolor, quoniam Deus filium alium mihi pro Abel elargitus est, ei similem, ab eo nihili differentem: et quoniam Deus hunc mihi filium dedit, ipse semen hoc in utero meo posuit, ne ullus unquam mihi hunc tollat filium, propterea Seth ipsum vocabo. *Seth positus* interpretatur.

Vr. 26 *Sed et Seth natus est filius, quem vocavit Enos. Iste coepit invocare nomen Domini.*

Textus Hebraicus: *Et Seth etiam ipsi natus est filius et vocavit nomen eius Enos. Tunc coeptum est ad invocandum in nomine Domini יהוה.*

Textus Chaldaicus: *Tunc in diebus eius coeperunt filii hominum invocare, sive orare in nomine Domini.*

Textus Graecus habet hic: *Speravit invocare nomen Domini Dei.*

Acceperunt Graeci verbum: יהוה, *coepit*, sive *coeptum est*, pro: יהל, quod est *speravit*.

Non simpliciter locus iste exponitur. Nonnulli enim Hebraeorum, praesertim Rabbini Levi filius Gherson, ita exponunt, ut Rabbini Abrabanel refert³⁶²: Ante Enos nescierunt homines pronuntiationem nominis τετραγράμματος³⁶³ יהוה, sed nomen לאל in divinis laudibus pronuntiabant. Diebus autem Enos coeperunt τετραγράμματος nomine Deum invocare. Maior autem Hebraeorum pars³⁶⁴ ad idololatriam id refert, quod Enos tempore coeperint homines idola colere divinumque nomen operibus manuum suarum tribuere et statuis ac simulacris orationes offerre.

At vero id ego probare nunquam potui; neque enim in universa Sacra Pagina reperiri puto ut invocatione nominis Domini τετραγράμματος, idolorum cultus eorumque invocatio intelligatur. Nomen enim illud

361) Est 8, 16.

Tetragrammaton, et infra.

362) Tohtot RaLBaG, h. l.; Abrabanel op. cit. f. 37^b.

363) Ms.: 946); Rab. Salomon op. cit. f. 7^a; Maimonides *De Idololatria*, ep. 1, pag. 1-2; Nic. Lyranus op. cit. f. 47^a; Alph. Tostatus op. cit. f. 29^b; Fagius, col. 160. 173; Vatablus, col. 177.

364) Cf. S. Hieronymus *Hebraic. Quaest. in Gen.*, (P. L. 23,

ineffabile ac reverendissimum nonnisi Deo vero Scriptura tribuit nec quicquam, etsi sanctissimum ac venerandissimum, citra Deum eo dignatur nomine.

Nec verisimile credo eo temporis idolorum cultum incepisse, cum recens adhuc mundi creationis ac unius Dei creatoris fides esset, cum adhuc primus homo primaque mulier a Deo formati viverent, nec usquam ante diluvium idololatriae superstitio legitur. Deinde si pessimus idolorum cultus intelligendus hic est, profecto nonnisi a pessima illa Cain propagine blasphemus iste ac pessimus cultus emanasset, ab aliquo eius generationis, qui forte contemporaneus Enos fuit. At cur non potius pessimus auctor ponitur aut aliquis filiorum Cain, qui recensiti sunt, cui etiam scelestissimus ille coetaneus fuisset?

quia de idolorum cultu Scriptura non loquitur,

Scio quid eorum multi dicant³⁶⁵: Iabel tabernacula fecisse ad ponendum idola; Iubal vero coram idolis musica instrumenta, citharam, et organum contrectasse ad honorem eorum. At certe id Scriptura non memorat; quod si fuisset, certe tantum scelus non prae-
teriisset, sicut nec patris eorum facinus tacuit.

nec memorat quis primo hanc iniquitatem invexerit.

Nos itaque locum hunc ita exponimus. *Sed et Seth natus est filius*, idest filium genuit; tempus, quo genuit eum, sequenti capite Scriptura exarat; *et vocavit nomen eius Enos*: אֱנוֹשׁ, quod est interpretatum homo: dictum est autem a voce, quae dolorem, afflictionem ac debilitatem significat. Hinc in *Psalm*o legimus³⁶⁶: *Sciant gentes quod אֱנוֹשׁ, homo sunt*; et illud: *Quid est אֱנוֹשׁ, homo, quod memor es eius*³⁶⁷? veluti dicat: res nullius

Tenendum est Deum Enos elegisse ad divinum cultum publice instituendum et fideles coetus ad Deum colendum convocandos.

momenti ac prope nihil. Ea forte ratione Seth filium suum ita appellavit, quod vilis et contemptibilis ac nullius pene valoris infirmusque valde hominibus eius temporis videretur. At vero, quia *infirmi mundi elegit Deus ut confundat fortia*; *et ignobilia mundi et contemptibilia elegit Deus et ea quae non sunt, ut ea quae sunt destrueret*; *ut non gloriatur omnis caro in conspectu eius*³⁶⁸: complacuit sibi Deus hunc debilem, infirmum ac contemptibilem virum eligere, ut cultum suum,

365) Cf. *Talmud Babyl.*, *Sciabbad*, f. 118^b, et loci paralleli citati a Ginzberg op. cit. V, pag. 151; Nic. Lyranus op. cit. f. 46^b. 366) 9, 21. Ex hebraico. 367) Ps 8, 5.
368) 1 Cor 1, 27-29.

pietatem ac religionem Dei in mundo instauraret fidelesque coetus et ecclesias convocaret congregaretque ad Deum collaudandum eiusque sacratissimum nomen invocandum et auxilium ab eo orationibus sanctis implorandum.

Hoc est ergo quod dicitur: *Tunc coeptum est invocari nomen Domini*: quod nostra Editio pulcherrima paraphrasi vertit: *Iste coepit invocare nomen Domini*. Eius enim opera factum est, ut nomen Domini in ecclesiis, hoc est fidelibus congregationibus et coetibus invocaretur laudesque divinae facto conventu coram celebrarentur. Unde omnes ab eo descendentes *Dei filii* vocari³⁶⁹ meruerunt ob divinum cultum, quem solemniter celebrabant.

CAPUT QUINTUM

Vrr.1-2 *Hic est liber generationis Adam: in die qua creavit Deus hominem, ad similitudinem Dei fecit illum. Masculum et feminam creavit eos et benedixit illis et vocavit nomen eorum Adam, in die quo creati sunt.*

Textus Hebraicus: *Hic est liber, sive haec est enarratio generationum Adam: in die, vel a qua die creavit Deus hominem, in imagine Dei fecit eum. Masculum et feminam creavit eos et benedixit eis et vocavit nomen eorum Adam, idest homo, in die creationis eorum.*

Chaldaicus Interpres habet: *Hic liber generationum Adam: in die qua creavit Dominus Adam, in similitudine Dei fecit eum. Masculum et feminam creavit eos et benedixit eis et vocavit nomen eorum Adam, in die qua creati sunt.*

Textus Graecus: *Hic liber generationis hominum, qua die fecit Deus Adam, ad imaginem Dei fecit illum. Masculum et feminam fecit eos et benedixit eis et nominavit nomen eius Adam, qua die fecit eos.*

³⁶⁹) Cf. Gn 6, 2.

A nostratum nonnullis¹ verba haec veluti epilogum ac perorationem quandam eorum, quae supra exarata sunt, putantur esse. Nos vero exordium potius generationum sequentium id putamus. Humanarum enim generationum catalogum texere volens Moyses, quemadmodum humanae naturae propago creverit seseque longe lateque in orbem diffuderit, primariam radicem stipitemque eius primum ac originale principium Adam primo statuit loco. Enarrare, inquit, cupio humanarum generationum catalogum, ut populum Dei electum inveniam, ex quo Christus Rex ac mundi salvator, qui *finis est legis ad iustitiam omni credenti*², nasciturus sit. Iccirco non alicuius hominum generis tantum principium statuo, vel ab aliquo familiae alicuius parente exordium ducere volo : sed a primo omnium hominum protoplasto parente, a die, qua natura humana Deo auctore est condita, primam omnino hominum originem quaero indeque narrationem meam incipio : *Hic est liber generationum Adam* : idest haec est humanarum generationum enarratio. ספר enim non solum scribere significat, unde liber etiam ea voce dicitur, sed etiam enarrare ac enarrationem; et אדם non solius protoplasti primique hominum parentis nomen est, sed totius humanae speciei^{2a}; unde dicitur : *Et vocavit nomen eorum Adam*. Enarrationem, inquit, hominum genealogiae exordior, non aliquorum hominum, sed in universum omnium prorsus, a principio, *a die qua creavit Dominus Deus hominem*, idest humanam naturam instituit; sequitur enim : *In similitudine Dei fecit illum; masculum et feminam creavit eos* : in masculo enim et femina humana natura perfecta consistit ad propagandum.

Uterque autem *ad similitudinem Dei* factus est, Dei imaginem in anima secundum rationem ac dominium et principatum defert. Secundum rationem quidem in mente, notitia sive intelligentia et amore, quibus ad Deum fertur eique conformatur; ac ob id Deus, sicut ipse quidem principatum habet super omnia tam visibilia quam invisibilia, cum omnium conditor et opifex sit, hoc rationale animal

Hic est liber generationis, etc.

Exorditur Moyses genealogiam humanam ad inveniendum populum electum, ex quo Christus nasciturus est.

Ad similitudinem Dei, etc.

Ad imaginem Dei factus est homo secundum rationem, qua fertur ad Deum, et secundum domi-

1) Cf. S. Io. Chrysostomus *Hom. 21 in Gen.*, (P. G. 53, 177); S. Eucherius *Comment. in Gen.*, (P. L. 50, 922); Strabus *Glossa Ord. in Gen.*, ibid. 113, 102; Hugo de S. Victore *Adnotat. Elucidat. in Pentat.*, cp. 7, ibid. 175, 45; Nic. Lyranus op. cit. f. 48^b; Alph. Tostatus op. cit. f. 30^a; Dionysius Cartusianus *Enarrat. in Gen.*, a. 31, pag. 141. 2) Rom 10, 4. 2^a) Cf. supra, cp. 1, pag. 191.

nium in crea- ad suam imaginem similitudinemque formatum voluit omnium visibi-
turas. lium praefectura gaudere insigneque esse, veluti Deo simile ac semideus.

Et benedixit illis dicens: Crescite et multiplicamini et replete

*Et benedixit
illis, etc.
Gemina bene-
dictio, corpori
ad generan-
dum, et ani-
mae ad domi-
nandum, quia
his duabus
partibus homo
constat.*

*terram... et dominamini piscibus maris et volatilibus coeli*³ ... *et
bestiis universaeque terrae*⁴. Gemina benedictio est, sicut geminae
sunt hominis partes et singulae singulis respondent. *Crescite et mul-
tiplicamini*. Prima benedictio est qua fecundissimam virtutem ad
generandum filiosque procreandum tradidit in corpore; dominari
vero cunctis animalibus pro anima benedictio est, quae cunctis vi-
sibilibus praestat. Hinc David aiebat⁵: *Quid est homo, quod
memor es eius? aut filius hominis, quia visitas eum? Minuisti eum
paulo minus ab angelis, vel a Deo, secundum Veritatem He-
braicam*. Secundum mentem enim et rationem nonnisi soli Deo
homo subiectus est; propterea sequitur: *Gloria et honore coronasti
eum et constituisti... super opera manuum tuarum, omnia subiecisti
sub pedibus eius*.⁶

*Et vocavit no-
men eorum
Adam, etc.
Nomen Adam
totam speciem
comprehendit,
tribuitur
tamen specia-
liter homini
illi qui primo
formatus est.*

Subinfert deinde Scriptura: *Et vocavit nomen eorum Adam in die
quo creati sunt*. Sicut homo quidem apud Latinos communis est
generis ac sexum utrumque comprehendit, sicut [graece]: *ὁ καὶ ὁ
ἄνθρωπος*: ita hebraice *אדם*, generis utriusque est, totam prorsus
speciem circumplectens. Praerogativa autem quadam id nomen homini,
qui primo formatus est quique primus hominum plastes fuit, tri-
butum est; quare non raro eo nomine primus ille homo insignitur,
ceu mox sequitur.

Vrr. 3-5

*Vixit autem Adam centum triginta annis et genuit filium ad ima-
ginem et similitudinem suam vocavitque nomen eius Seth. Et facti sunt
dies Adam, postquam genuit Seth, octingenti anni, genuitque filios et
filias. Et factum est omne tempus, quod vixit Adam, anni nongenti
triginta, et mortuus est.*

Textus Hebraicus: *Et vixit Adam triginta et centum
annis et genuit in similitudine sua, quasi imaginem suam, et vocavit
nomen eius Seth. Et fuerunt dies Adam, postquam genuit Seth, octin-
genti anni, et genuit filios et filias. Et fuerunt omnes dies Adam, quibus
vixit, nongenti anni et triginta anni, et mortuus est.*

3) Gn 1, 28.

4) Ibid. vr. 26.

5) Ps 8, 5-6. Vulg.: Quoniam visitas, etc.

6) Ibid. vrr. 6-8.

Ita prorsus Chaldaeus habet.

Graecus vero variat; habet enim: *Vixit autem Adam annos ducentos triginta et genuit ad figuram suam et ad imaginem suam et nominavit nomen eius Seth. Facti sunt autem dies Adam, quos vixit, postquam genuit Seth, anni septingenti.*

Nunc generationum catalogum Moyses disserere incipit hominumque a principio texere genealogias. Ab Adam primo homine principium faciens, ait: *Vixit autem Adam centum triginta annis; triginta et centum annis* est in hebraeo: ita enim fert hebraica phrasis ut minor numerus vel semper maiori praeponatur.

Septuaginta Interpretes, nescio qua ratione ducti, centesimos annos ante generationem semper congeminarunt. Inde habent vixisse ducentis triginta annis: annos vero generationes consequentes eo numero minuebant; ubi enim noster textus, qui Hebraicae Veritati conformis est, habet post Seth generationem octingentis Adam supervixisse annis, ipsi septingentos annos habent.

Vixit autem Adam, etc. Diversimode computatur aetas primorum patriarcharum a textu hebraico et a Septuaginta Interpretibus.

Dubitatum est autem a nonnullis⁷, ut in plerisque aliis assolet, an sint hi, qui numerantur in his generationibus, anni solares ceu nunc apud nos sunt, eo quod annus hic noster ab Eudoxo Gnidio astrologo ordinatus dicatur, quemadmodum Lucanus scribit⁸:

Anni a Scriptura enumerati non intelligendi sunt lunares, idest qui viginti novem diebus explentur,

«Nec meus Eudoxi concedet Fastibus annus»;

postmodum ab Hipparcho⁹, deinde a Ptolomaeo¹⁰, demum a Caesare¹¹ sit optimo iure deprehensus et in optimam formam redactus. Ideo existimant plerique¹² lunares esse eos enumeratos annos.

Est lunaris annus spatium id temporis, quo ipsa signiferum in orbem completum¹³ peragrat; ceu Saturni quidem annus dicitur triginta annorum solarium tempus, quia eo temporis spatio planeta

7) Cf. S. Augustinus *De Civitate Dei*, lib. 15, cp. 9-13, (P. L. 41, 447-454); Io. Buxtorfius *Dissertationes*, etc. *Dissert. 1 Rab. Abrabanel, De Aetate Primorum Patrum*, pag. 147 sqq.

8) *De Bello Civili, sive Pharsaliae*, lib. 10, vr. 187.

9) *Phaenomena*, lib. 1, apud Eusebium Caesar., (P. G. 19, 1002 sqq.).

10) *De Apparentiis*, apud Petavium *De Doctrina*

Temporum, t. 3, pag. 42-59.

11) Cf. Theodorus *De Mensibus*, (P. G. 19, 1190); Censorinus

De Die Natali, cp. 20, pag. 149-150; Alexander ab Alexandro *Geniales Dies*, lib. 3, cp. 24, f. CXXVII^b; Greg. Gyraldi *De Annis et Mensibus*, pag. 51-52.

12) Cf. S. Augustinus

De Civitate Dei, lib. 15, cp. 14, (P. L. 41, 454-455); et not. 7 huius cp.

13) Ms.: *Comple.*

ille firmamenti zonam peragit; Iovis autem annorum duodecim; Martis duorum; Solis unius; Veneris et Mercurii fere idem est cum sole temporis spatium. Lunae autem annus viginti novem diebus et ter quater horis expletur; eo enim tempore obliqui circuli peragit circulationem. Quapropter annus lunae vix solaris est mensis; nam menses duodecim diebus undecim excedunt annos lunae duodecim, idest duodecim lunationes.

quia absurdum
consequeretur
aliquos ex
illis primaevis
hominibus a
tempore infan-
tiae gignere
coepisse et in
pueritia mor-
tuos fuisse;

At certe quod isti existimant, verum nullo pacto esse potest. Etenim in hac generationum serie Malaleel¹⁴ sexaginta quinque annorum dicitur genuisse Iared; quod si lunares anni isti sunt, quinque annorum solarium puer fuisset cum filium genuit. Similiter Enoch sexaginta quinque annorum dicitur, cum genuit Mathusalem¹⁵; et ipse quinque annorum solarium et dimidii vix fuisset. In generationibus autem Sem, Sale triginta annorum dicitur¹⁶, cum genuit Heber; profecto si lunares hi anni sunt, vix annorum solarium duorum et dimidii fuisset. Quid absurdius quam ut puer bimus filium gignat? Similiter in reliquis generationibus, quae possibilia non sunt. Demum de Abrahamo dicitur: *Fuerunt autem dies vitae Abraham centum septuaginta quinque anni; et deficiens mortuus est in senectute bona propectaeque aetatis et plenus dierum congregatus... est ad populum suum*¹⁷. At centum septuaginta quinque anni lunares vix quindecim solares annos efficiunt. Num quindecim annos natus senex est et propectae aetatis? Moyses etiam annorum decem fuisset cum mortuus est, centum enim et viginti annos natus defunctus dicitur¹⁸, si anni lunares accipiendi sunt.

neque
duodecim
lunationes,
demptis unde-
cim diebus,
quia tunc
pascha
Hebraeorum
totum annum
successive
circuisset;

Neque lunares anni intelligendi hic sunt quatenus spatium est annus duodecim lunationum in anno solari invicem transeuntium, qui undecim diebus ab anno solis deficit. Ita enim plerique accipiunt, existimantes id ita debere intelligi, quoniam Hebraeis Moyses scribebat, qui anno eo lunari utuntur. Neque enim lunarem annum Iudaei usui habent, alioquin pascha iam totum circuisset annum; etenim ex legis mandato¹⁹ quartadecima primi mensis luna pascha celebrare tenentur. Quod si per lunares annos tempora computarent, revoluto anno celebraretur ab eis pascha undecim diebus ante solemn-

14) Cf. Gn 5, 15.

15) Cf. Ibid. vr. 21.

16) Cf. Ibid. 11, 14.

17) Ibid. 25, 7-8.

18) Cf. Dt 34, 7.

19) Cf. Lv 23, 5; Nm 9, 3-5.

tatem paschalem praecedentis anni; et sic deinceps totum circuiret annum.

Solaribus ergo annis utuntur Hebraei et eatenus lunares usui habere dicuntur, quatenus a prima luna post vernale aequinoctium anni initium sumunt. Ita enim mandatum habent in lege: *Mensis iste vobis principium mensium, primus erit in mensibus anni* ²⁰. Deinde ipsimet Hebraei de annis solaribus hunc locum intelligunt et exponunt, uti hic *Rabbinus Abrahamel* longo sermone diserit. ²¹ Ea praeter, etsi anni lunares intelligendi hic essent, profecto in idem tempus inciderent; lunares enim anni per embolismos tertio quoque anno factos, cum duodecim lunationibus supercrescens tertia decima lunatio additur, aequantur solaribus. Idem igitur tempus erit.

sed veri anni
solares, sicut
ipsi Hebraei
intelligunt,
hunc locum
exponentes.

Itaque anni solares intelligendi sunt, cum dicitur: *Vixitque Adam centum triginta annis*, et deinceps in omnibus aliis [locis] ac in toto Scripturae decursu. Est enim solaris annus antiquissimus, non post multa tempora deprehensus. Et enim ab Aegyptiis antiquissimis et sapientissimis astrologis ²², ante quam litterae essent repertae, in hieroglyphicis per serpentem suam caudam mordentem erat designatus in modum circuli depictum; annus enim veluti anulus quidam est, quod in se veluti anulus redeat, sequensque principium anni praeteriti extremum denotat. Demum luminaria in dies et annos facta sunt ²³.

Et genuit filium ad imaginem et similitudinem suam.

Effecit Deus hominem *ad imaginem et similitudinem suam* ²⁴; homo etiam in sua imagine et similitudine filium gignit. At certe imago illa divina, in qua factus est homo, etsi naturalis dici quoquo pacto possit, quoniam naturae est insita in eiusque ratione consistit, artificialis tamen commodius dici meretur, quoniam divinae artis figmentum est. Siquidem Deus omnium artifex, naturam humanam fingens, suam ei imaginem similitudinemque impressit fecitque veluti artifex simulacrum quoddam divinum divinam naturam adamussim, quoad fieri potest, repraesentans, veluti Herculis simulacrum et imago Caesaris in census numismate. Huius autem similitudinis imitationisque

*Genuit
ad imaginem,
etc.*
Imago divina
in homine po-
tius artificialis
dicenda est;
imago vero
hominis in
filio connat-
uralis.

20) Ex 12, 2.

21) Op. cit. f. 39^a.

22) Cf. S. Isidorus Hisp. *Etymol.*, lib. 5, cp. 36, (P. L. 82, 222); S. Beda *De Temporum Ratione*, cp. 35, ibid. 90, 459-462; Alexander ab Alexandro *Geniales Dies*, lib. 3, cp. 24, f. CXXXVII^a; Scaliger Ios. *De Emendatione Temporum*, lib. 3, pag. 194.

23) Cf. Gn 1, 14.

24) Ibid. 1, 26-27; 5, 1; 9, 6.

extrema relata, diversae prorsus naturae sunt. Aliud enim Deus natura, et aliud homo est, etsi ad Dei imaginem et similitudinem homo sit: sicuti aliud Hercules et aliud statua, etsi haec illum imitatur. At vero imago illa atque similitudo, cum ²⁵ homo filium gignit, et naturalis et connaturalis est, quoniam eiusdem naturae sunt pater et filius eandemque habent humanae substantiae rationem, etsi alia atque alia uterque hypostasis et persona sit.

Ideo sensus
Scripturae est
Adam
genuisse filium
eiusdem prorsus
naturae,

Est itaque Scripturae sensus quod genuit Adam filium *ad imaginem et similitudinem suam*, idest sibi connaturalem, natura sibi similem, eandem naturam communicantem, naturae eandem essentiali tum in anima tum in corpore tum in utriusque viribus ac potestatibus rationem habentem. Quod quidem in universum de aliis quoque omnibus intelligendum est; omnes enim homines ab Adam propagati eandem naturae rationem sortiuntur usiamque humanam communicant, quam primus homo accepit.

similem sibi
etiam proprietatibus
corporis et virtutibus
animae.

At certe quod magis de hoc filio dicatur, inde forte fuit, quod suppositalem patris naturam a nativitate magis sit imitatus structura corporis, forma, figura, lineamentis, colore, complexione, et demum statura ac magnitudine, iam vir perfecta aetate factus; postremo vero quod paternae mentis animique imitatus sit pietatem cultusque divini religionem, fidem, propositum, institutionem, doctrinam, mores, ac recte vivendi normam et rationem. Ideo pater eius tanti filii exultans natali, vocat *nomen eius Seth*, idest *positum*, sive fundamentum stabilitum, firmatum, suscitatum. Noverat enim Abel quidem evanuisse e mundo non relicto semine; Cain autem generationem esse delendam aquis diluvii, ita ut nec unus superstes maneret; hunc autem filium a Deo sibi suscitatum et datum, firmatum et stabilitum per aeternam electionem et praedestinationem, ut eius in mundo permaneret propagationis successio in perpetuum et ipse veluti fundamentum esset permansurae et eligendae propaginis ac generationis.

Ob huius filii
nativitatem
consolatus
Adam de
morte Abel,

Post genitum autem electum hunc filium, gaudens tanti filii praesentia ac necessitudine successioneque felici, octingentis supervixit annis. *Et factum est omne tempus vitae eius nongenti triginta anni solares, et mortuus est*: post tot temporum decursos annos, morte tandem vitam finivit; *statutum est enim omni homini semel*

25) Ms.: In, loco: Cum.

*mori*²⁶ in peccati poenam. Ante peccatum enim non mori poterat, si mandatum servasset; post perpetrata vero noxam, mortis sententiae subactus est ut moreretur aliquando. Nec longo post tempore mortis speciem perquam terribilem in vitam introductam vidit in dilectissimo filio; nunc autem ipse eadem sententia vita functus est.

reliquos dies
suos in pace
duxit.

Sed non modicam habet difficultatem quid in causa sit, quod homo morti subiaceat et moriatur. Etenim si unumquodque sua forma et actu consistit, cum ipsius hominis anima, quae corporis actus est, incorruptibilis immortalisque sit, ut supra causati sumus²⁷: unde est quod moritur homo si eius nunquam forma corrumpitur? Certe aut fateri necesse est cum moritur homo ipsam quoque animam deperire: aut ipsam non esse corporis essentialem formam, sed assistentem; eam autem quae essentialis est [forma] homini, cum ipso depereunte mori: quod enim informat, a sensibilibus materiae dispositionibus pendet, quibus remotis emoritur. Si itaque corporis forma est anima, ab eius dispositionibus pendet, quibus corruptis deperibit; quod si non deperit: non informat ergo; id enim vel eo dilemmate constabit, quoniam si informat uniturque substantialiter corpori, certe aliqua dispositione unitur: id certum est.

Et mortuus est.
Quaeritur:
cur homo
moriatur?

Difficultas:
Si anima est
forma essen-
tialis corporis,
a dispositione
materiae pen-
dere videtur;
ideo, hac
pereunte, ipsa
quoque
peritura est.

De ea autem unione quaeritur: sit ne animae substantialis, an accidentalis. Si substantialis est: ergo ea depereunte, cum homo moritur, ipsa quoque anima peribit; non enim absque eo, quod essenziale sibi est, permanere potest. Si vero accidentalis: est ne accidens illud ex propriis, an ex communibus? Si ex propriis: eo igitur destructo, anima destruetur; non enim absque eo, quod sibi proprium est, potest consistere. Si vero ex communibus erit; ergo absque ea unione anima poterit uniri corpori eritque unita absque unione, quod impossibile est. Fatendum ergo erit vel animam mori, vel non informare, vel non mori hominem.

Alia
difficultas:
Si unio animae
ad corpus est
tantum acci-
dentalis, non
erit anima
forma corpo-
ris, sed simpli-
citer assistens,

At cum manifestissime hominis mors prae oculis quotidie conspiciatur, ex illis rationibus alii quidem animam mortalem et corruptibilem asseruere; alii vero corpus non informare, sed ei assistere, sicut nauta navi et intelligentia orbi.

Ita Plato sensit²⁸, putans hominem solum animam esse;

ut sentiunt
Plato,

26) Hebr 9, 27. Vulg.: *Hominibus*. 27) Cp. 4, pag. 373-378. 28) *Dialogus Alcibiadis* 1, t. 2, pag. 129-130: «quia anima est illa quae Imperat corpori in homine». Cf. S. Thomas

corpus autem non hominis partem, sed animae instrumentum et mobile esse.

Themistius, *Themistius* quoque animam assistentem existimavit²⁹ substantiamque incorpoream, immortalem ac sempiternam, unam numero in omnibus hominibus, sensitque hominem in tali forma substantialiter consistere, nec aliud esse quam eam formam quae dicitur intellectus.

et Averroes, *Demum Cordubensis Averroes*, impiissimus mahometanus, duas in homine animas finxit³⁰: alteram quidem essentialiorem ei, per quam a ceteris animantibus distinguitur: hanc autem una cum suis viribus et facultatibus sensitivam totam aiebat, organicam et de materiae potestate eductam, multiplicem iuxta hominum multitudinem et cum ipsis morientibus depereuntem; alteram vero intellectualem posuit, non informantem, sed assistentem, per quam homo nec a ceteris distinguitur, nec suammet speciem sumit. Hanc autem aiebat incorpoream ac sempiternam in omnibus hominibus, unam singulos praecedentem et post singulos superstitem manentem; singulis tamen per phantasmata unitur, ut per eam quisque intelligat. Hunc ait intellectum substantia unum, respectu autem phantasmatum diversorum hominum, in quibus operatur, multiplicem.

Hae sententiae deliramenta sunt. At vero haec deliramenta fatuissima sunt. Quapropter nos hucusque progressi causabimur primo: impossibile esse in omnibus unam tantum esse animam rationalem; secundo vero: probato quod in singulis hominibus singulae sint propriae rationales animae, eas propria corpora informare; tertio: demum disseremus causam cur moriatur homo, si eius forma immortalis incorruptibilisque est.

Admitti nequit unus intellectus Principio ergo, ex unitate intellectus in omnibus hominibus tot sequuntur impossibilia, ut nil magis; imo tot ridicula, ut vix possit quis risum cohibere. Sequitur enim quod unicus ille intellectus in uno

S. Theolog., 1^a, q. 76, a. 3-4. 6, ubi expresse Platonem confutat; sic quoque *S. Bonaventura Sentent.*, lib. 2, dist. 18, a. 2, q. 2; *Conimbricenses De Anima*, lib. 2, ep. 1, q. 6, a. 2.

29) *Paraphrasis in Aristotelis De Physica et Anima, De Anima*, lib. 3, ep. 32-38, pag. 199-202. Cf. etiam *S. Thomas S. Theolog.*, 1^a, q. 76, a. 2; *Contra Gent.*, lib. 2, ep. 73; *S. Bonaventura Sentent.*, lib. 2, dist. 18, a. 2, q. 1. 30) *Digressiones in Omnes Libros Metaphysicae Aristotelis, Digressio super text. 22*, lib. 7, pag. 316-320; *De Anima*, lib. 1, ep. 1, f. 4^a. Cf. *S. Thomas Opusc.* 9, *De Unitate Intellectus contra Averroistas*, t. 19, pag. 246-247.

quidem sapiens, in alio autem esset insipiens; in uno stolidus et errans, in alio solers ac recte sciens; in uno bonus ac iustus, in alio iniustus et nequam; in uno felix, in alio miser; adeo ut in uno numero intellectu innumerabiles essent contrarii habitus: actus quoque absque numero contrarii et contradictorii simul eodemque in tempore. At quis, etsi somnians, haec capiet?

pro omnibus,
ob infinita
absurda quae
inde
sequuntur.

Praeter id et aliud secundo insequitur: absurdissimum enim quod nequissimus homo, protervus ac stolidissimus, intellectum haberet rectissimum, sapientissimum et optimum; e contra vero vir prudentissimus et optimus intellectum haberet nequissimum ac summe perversum; id certe sic est cum sit unus ac idemmet in utrisque intellectus, sua secum deferens et mala et pariter bona.

Esset enim
idem homo
contrariis
habitibus
praeditus,

Tertio: una eademque res naturaliter in pluribus ac pene infinitis locis simul tempore esset. Annon in multis ac pene innumeris distinctis ac longe a se distantibus locis sunt homines? Quod si id conceditur: ergo et quaelibet alia res poterit virtute naturae in multis simul locis esse; eadem enim est utrobique difficultas, idem incommodum.

in pluribus
distantibusque
locis eodem
tempore
existens.

At dicas mihi, o Averroes, et quotquot hac stultitia insanitis: quomodo unicus hic intellectus omnibus assistit hominibus atque unitur? Cum homines sint hinc inde dispersi, num etiam mediis assistit interstitiis? Si id fatearis: quamnam intellectus ille operationem habet in mediis illis? Aut cur non et equi et animalia quaelibet alia intelligent, cum et ipsa vim habeant cogitativam et phantasmata eadem sint nobis cum illis communia? Certe si et mediis ea intelligentia unitur in phantasmatibus, et equi intelligent. At si id non fatearis: quomodo potest ea intellectilis assistens forma pluribus ac pene innumerabilibus hominibus, hinc inde toto orbe dispersis atque diffusis, uniri absque quod mediis quoque interstitiis assistat cum una sit numero impartibilis et indivisibilis omnino? Plane impossibilia sunt haec.

Deinde: si unus est tantum numero intellectus per quem omnes intelligunt, quaeso: quomodo homines a se invicem et a brutis differunt? Per cogitativam, inquires. At dicas mihi: est ne cogitativa haec quam fingis, rationalis anima, annon? Si fatearis esse: ergo discurrit, ergo absque illo intellectu intelligit: non enim potest discursus esse sine intellectu; in discursu enim semper universalia sunt, quae nonnisi

Nec different
homines inter
se, nec homi-
nes a brutis;

imo homo
simul esset
et rationale
animal et
brutum.

intellectu dignoscuntur; sensus enim semper particularium est. Erit itaque intellectus et ratio in omnibus hominibus absque eo intellectu, quem fingis. At si rationalis non est, sed secundum se rationis expers: homo igitur secundum suum esse brutum animal erit, nec liberum animal, sed libertatis expers; ubi enim ratio non est, non est libertas. Perbellum certe animal et magnum naturae miraculum homo erit, si brutum animal sine ratione et libertate est.

Nec explicari
possent actio-
nes intellecti-
vae hominis.

Uterius: quomodo intelligit homo si ab eo separatus est intellectus? Per phantasmata, inquires, quia intellectus ille separatus unitur phantasmatibus: ergo absque phantasmate non intelligit homo: non igitur Deum, intelligentias et spiritualia quaeque intelligere poterit, sed sensibilia tantum; horum enim, et non intellectualium substantiarum vel etiam accidentium spiritualium, phantasmata sunt. At haec quis admittat?

Demum
ipse Averroes
sibi contradi-
cit, ponens ani-
mam immor-
talem et assi-
stentem;

Postremo: forma ista assistens dat ne essentialem homini constitutionem, annon? Si dicas quod non, ut fateris, Averroes, sed cogitativa organica de materie potestate educta hominem in esse constituit: anima ergo hominis mortalis est et corruptibilis forma; quod absurdissimum est, et tu quoque abhorres et contra Alexandrum proclamas³¹. Insanis ergo nec tibi ipsi constas. Tu enim immortalem animam dicis, ut vere est; tua autem hac positione eius immortalitatem evertis ponisque mortalem, atque ad tuam hanc positionem omnia, quae animae mortalitatem insequuntur absurda et incommoda, absque ulla tergiversatione sequuntur.

sicut et ipse
Themistius,
cuius positio
omnem virtu-
tem destruit,

Si vero essentialem praestet homini constitutionem, ut tu fateris, Themisti: haec tua itaque anima, cum una numero sit in omnibus immortalisque perseveret post mortem, erit et sapiens et insimul insipiens; ac cum ipsa primum sit habituum virtutum ac vitiorum subiectum, erit omnibus quidem virtutum habitibus ornatissima et omnium vitiorum sentina foetidissima; cumque ipsa quoque sit bonorum malorumque operum origo et principale agens, erit omnium quidem bonorum operum iustissimorumque meritis laudibusque cumulatis-
sima atque ditissima, ac insimul omnium scelestissimorum facinorum pravissimorumque demeritis perditissima. Quare et studiosissima erit

31) *De Anima*, lib. 1, cp. 1, f. 6^a; Alex. Aphrodisius *De Anima*, lib. 1, in paraphrasi: *Quod inseparabilis est anima a corpore cuius est anima*, pag. 76.

et deterrima, iustissima et iniustissima, imo felicissima ac miserrima. At quis horrenda haec monstra feret ?

Plane sententia ista omnes bonos extirpat ac depravat mores, omnes leges, omnes evertit respublicas, omnem naturam confundit, omnem scientiam veramque philosophiam destruit theologiamque omnino exinanit. Quodnam enim iustorum et iniustorum esset discrimen, praedestinatorum et reproborum, salvandorum et damnandorum ? Quodnam virtutum bonorumque operum praemium et vitiorum facinorumque punitio ? Certe si probabile quis dicere unquam potest ut eadem sit Christi iustissimorumque quorumcunque hominum et Iudae scelestissimi perditissimorumque quorumcunque aliorum hominum anima, utque eadem regno beetur coelico felicissime et tartareis ignibus damnata crucietur miserrime, quis unquam sanus mente haec fatebitur ?

bonos mores
extirpat, rem-
publicam
evertit, philo-
sophiam et
theologiam
omnem
labefactat.

Absurdissimum itaque et plane impossibile est unam in omnibus hominibus esse animam rationalem et intellectualem ; sed in unoquoque propria ac particularis est, in singulis hominibus singulae ; hinc enim nullum sequitur inconveniens, nullum incommodum, nec quicquam sunt inconvenientia, quae ipsi adducunt.

Admissa au-
tem theoria
catholica, nul-
lum inconve-
niens sequitur.

Aiunt enim quod, si singularis esset intellectus, utique in materia esset, nec universalia posset intelligere, cum singulare non possit universalis speciem recipere. At profecto argumentum hoc vanum est et in ipsos retorquetur. Nam intellectus, quem ipsi ponunt, vel universalis est, vel singularis natura consistens. Si universalis est : ergo platonica aliqua idea erit, quas Aristoteles tantopere³² et ipsi quoque impugnant et tanquam inconvenientissimum et impossibile insectantur. Si vero singularis natura est : ergo materia erit, nec poterit species universalium recipere nec ipsa intelligere. Non ergo sibi ipsis constant. Intelligant ergo non singularem naturam universalis cognitioni impedimento esse. Nam et species ipsa repraesentans singularis plane est, a subiecto singularitatem accipiens, et particulare quoddam accidens est : sed organum est quod illius cognitioni praestat impedimentum ; species enim in organo recepta corporeum accidens et divisibile est : nihil autem tale potest uni-

Intellectus sin-
gularitas enim
non impedit
cognitionem
universalis,

32) *De Anima*, lib. 1, cp. 2, t. 1, pag. 381 ; *Metaphysic.*, lib. 6, cp. 14, t. 2, pag. 532 ; lib. 12, cp. 5, pag. 565.

versale, quod immateriale est, repraesentare. At nos intellectum quidem singularem organo non affigimus, ut virtus organica sit, ideo species in intellectu recepta spirituale accidens est, potens universale in sese repraesentare.

Animam rationalem esse substantialem formam corporis humani, dogma fidei est et postulat rationis.

Missis ergo eorum aliis deliramentis, iam ad secundum propositum accedamus, probantes quod rationalis anima forma sit essentialis hominis. Ea plane veritas sacri senatus consulto iam satis stabilita firmataque est primo, in concilio Viennensi ³³, sub Clemente V; habetur etiam in *Clementinis, De Summa Trinitate et Fide Catholica*, cp. unico ³⁴; postmodum vero in Lateranensi concilio ³⁵, sub Leone X, sessione 8. Ideo tenenda firmiter est. Non ab re tamen erit nonnullas hic rationes iuxta naturalem rationem et veram philosophiam adducere.

Anima est actus primus corporis humani:

Et primo quidem: animam ita Aristoteles definivit ³⁶, quod actus primus sit corporis physici, organici, potentia vitam habentis. Ἐντελέχεια autem, quod ibi ponitur, significat id quod perficit, consummat et complet: quod proprie actus est informantis. Non potest autem nauta ἐντελέχεια ³⁷ navis dici.

ergo unitur illi secundum formam, non secundum operationem tantum.

Deinde vero si actus primus est: non ergo secundum operationem tantum unitur corpori, ut nauta navi; operatio enim actus secundus est: actus vero primus est forma, a qua operatio emanat.

Deinde in homine quidem nonnisi una est anima et ea rationalis virtute sensitivam et vegetativam continens, sicut tetragonum trigonum. Quod vel inde patet; nam animae quidem actiones se mutuo impediunt: contemplatio sensationem imo et nutritionem, et sensatio contemplationem. Si autem haec a pluribus animabus venirent, non necessario sibiipsi impedimentum afferrent, sed unaquaeque, absque alterius impedimento, suum obiret munus. Una est ergo anima, a qua sunt haec.

Si ponantur tres animae in homine,

Deinde quia si tres animae distinctae in homine ponerentur, ut Plato posuit ³⁸; intellectivam in cerebro, sensitivam in corde et vegetativam in epate, tunc hae tres distinctae animae particulares

33) Cf. Denzinger-Bannwart *Enchiridion Symbolorum*, n. 480. *mentin.*, lib. 1, tit. 1, pag. 8.

Aem. Lud. Richter *Decretalia*, lib. 1, tit. 1, cp. 1, col. 5. 1, pag. 387.

37) Ms.: *Entelechia*.

De Anima, lib. 1, cp. 1, f. 3^b; cp. 7, f. 45^b.

34) *Lib. 6 Decretalium Clementin.*, n. 480;

35) Denzinger-Bannwart *Enchiridion Symbolorum*, n. 480;

36) *De Anima*, lib. 2, cp. 1, t.

38) *Timaeus*, t. 3, pag. 69-70. 99-100; cf. Averroes

triplex constituerent individuum in homine, idest unaquaeque suum, et ita et homo triplex individuum esset in triplici specie; ac ita homo non species quaedam esset distincta, sed totum quoddam per aggregationem eorum, quae per illas tres animas constituuntur.

tria individua
in unum
aggregata in
triplici specie
constituerent.

Quod si tres illas unum dicis efficere: quomodonam, quaeso, plures illae distinctae animae uniuntur, ut unum efficiant et componant? Si itaque una tantum in homine anima est: non ergo erit ut motor, sed ut forma; motor enim in una tantum mobilis parte est: anima autem in toto corpore et singulis eius partibus est; cum enim in toto corpore ac partibus singulis animae operationes perspiciantur, certe et animae vires et potestates in toto corpore erunt. Quod si eius potentiae ubique in toto corpore sunt: ergo et ipsa anima; si enim vis tantum et operatio sine anima ibi essent, quae earum principium est, profecto cum alia forma et violenter essent, sicut in aqua calor; absurdissimum autem est ut naturales vires et operationes violentae sint; imo impossibile: naturale enim et violentum sibi invicem contrariantur.

Praeterea: propria cuiusvis rei operatio a propria forma dimanat. At intelligere, etsi per discursum, propria est hominis operatio: erit itaque a propria forma; non intelligimus autem nisi per intellectivam animam.

Deinde: quidquid in nobis est, vel est materia, aut forma, vel ex his compositum. At anima quidem in nobis est; experimur enim nos intelligere: sicut nos intelligere solem tota terra maiorem id experimur, sicut nos videre solem. Ista autem experientia intellectio est, quoniam per sensum fieri non potest. Intellectio autem haec, cum actus sit immanens, in nobis formaliter erit: ergo et intellectiva potentia, a qua et in qua est; quare et anima erit, quae principium eius potentiae est. Cum ergo in nobis sit anima, nec materia sit nec compositum, certe forma nostrae materiae, idest corporis erit.

Praeterea intellectio cum sit actus immanens, in nobis formaliter erit; ergo et anima qua principium intellectionis.

At dicebat Plato hominem solam animam esse³⁹; corpus autem eius mobile et instrumentum esse. Sed istud stare nullatenus potest. Homo enim rationale animal est: ergo substantia corporea, animata, sensibilis rationalisque est. Quod si homo secundum suam rationem substantia corporea est, sola anima esse non potest, quae

Absurde affirmat Plato hominem solam animam esse, quia anima non est corpus; homo autem corpo-

39) Cf. not. 28 huius cp.

rea substantia simplex forma, non corpus est. Non igitur anima homo est, sed hominis altera pars ipsum essentialiter constituens, integrans, perfectumque reddens. Anima itaque singularis et propria in quolibet singulari homine est, corpus informans et ipsum in esse constituens.

Deveniendum nunc est ad tertium, quod proposuimus : cur scilicet si immortalis est haec hominis forma et incorruptibilis, ipse tamen moritur? Non est usque adeo facile huic respondere quaesito; nos tamen, Deo duce, quibusdam praeiactis fundamentis, perfaciliter hunc dissolvemus gordianum nodum.

Advertendus itaque primo erit animus, rationalis animae eam esse naturam, ut nec pure intellectualis substantia sit, nec pure sensitiva forma; sed media quaedam substantia utrumque complectens. Adeo enim intellectualis est, ut principium etiam sit sentiendi, quo ab intelligentiis differat: et sensitiva adeo est, ut sit quoque intelligendi principium, quo a puris formis differat. Utrumque tamen sub una simplici substantia continet, unde *ὁρίζων* ⁴⁰ dici solet spiritualium corporaliumque formarum. Hinc manat quod anima quidem rationalis secundum suum esse actus informans sit: non enim aliter sensitivam naturam comprehenderet; est tamen sic forma ut a materia, quam actuat, non omnino dependeat, sed possit per se separata consistere secundum quod includit intelligendi naturam. Unde geminae ab anima vires potestatesque dimanant: quaedam quidem quatenus sentiendi principium est ac forma; et hae quidem sensitivae sunt organis affixae, animae corporique communes, cum ab ipsa, quatenus forma corporis est, procedant; quaedam vires intellectivae sunt ipsiusque propriae quae ab ipsa, quatenus apta nata est per se existere, dimanant. Idem de operationibus, quae mediis potentiis exercentur, intelligendum est. Anima itaque qua parte sensitiva est corpus informat; qua parte vero intellectiva, nequaquam; et illud quidem infimum animae, hoc vero supremum dicitur, quod corporeis organis non utitur. Hinc est quod intellectus nonnunquam separatus dicitur; non quod reipsa separetur ⁴¹, ac per se subsistens intelligatur

40) Ms.: *Orizon*. Cf. S. Thomas S. Theolog. 1^a, q. 77, a. 2, c. In *Indice* sub dictione: *Anima*, n. 29, secundum nostram editionem: « Anima rationalis est quasi *orizon* et confinium corporum et incorporeorum ». Cf. etiam Conimbricenses *De Coelo*, lib. 2, cp. 1, q. 2, a. 2.

41) Ms.: *Separatur*.

ab anima abstractus, vel ipsa abstractior; sed quia animae virtus organica non est, nec corpori inhaeret ut ab eo separari non possit: inextensus enim immaterialisque est.

Rationalis igitur anima secundum intellectum per se potest existere et operari; secundum sensum vero corporeis organis bene dispositis indiget. Cum ergo uniatur corpori secundum inferiorem sui portionem, quatenus vivificandi, vegetandi sensumque praestandi vires potestatesque obtinet, ut et vivificare et vegetare et sensum corpori praestare possit, dispositionem requirit in corpore – sensus enim in harmonia quadam consistit, – ideo mixtionis elementorum qualitatumque primarum proportionem, temperiei complexionisque aequalitatem, organorum optima dispositione constantium multiplicitatem, subtiliumque spirituum tum naturalis tum vitalis tum animalis agilitatem, vitalis humidi ubertatem calorisque vivifici sufficientem rationem. Hae nimirum dispositiones corporis requiruntur, ut anima unita corpori permaneat; quarum si qua aut desit, aut plus satis deficiat, unio illa animae ac corporis dissolvetur et corrumpetur omnino, iis dispositionibus corruptis. Harmonia enim organorum dispenditur, sine qua, cum non possit sensus consistere, anima per sensum corpus informans a corpore separatur.

Ideo cessante dispositione corporis, anima illud informans consistere nequit;

et deficiunt eius vires et operationes sensitivae et vegetativae;

Mors itaque hinc accidit homini, etsi eius forma immortalis sit, quod anima a corpore separatur; separationis autem causa est, quoniam unio animae cum corpore a corporis dispositionibus pendet: quibus corruptis, dissolvitur unio, coniunctionis vinculis dissolutis. Dispositiones itaque illae animae quidem omnino accidunt; potest enim absque illis anima per se consistere, quia ab ipsis non pendet omnino; unionis autem non accidunt, sed necessario requiruntur; ideo illis positus ponitur unio, et corruptis corrumpitur.

permanet autem qua intellectiva, quia a corpore omnino independens.

Dilemma autem illud primo positum plane vanum est. Quomodo enim sequitur, ut si substantialis vel propria sit ea unio animae, illa corrupta ipsa quoque anima corrumpatur: si vero omnino accidens, ut sine unione possit esse unita? Certe ego sic argumentabor: planum certe est quod materia ipsa formae unitur ignis: si ergo illa unio essentialis erit materiae, illa destructa corrumpetur materia; similiter si accidentalis propria; si vero communis: ergo absque unione unitur materiae. Vide quam vanum sit illud dilemma, quam bella illatio: si unio animae accidit: ergo sine unione erit unita;

Ergo non valet illatio: si anima substantialiter unitur corpori, destructa unione, ipsam quoque destrui necesse est.

ergo si albedo homini accidit, sine albedine erit albus. Dico itaque a dispositionibus corporis non animam, sed animae unionem pendere; eam autem unionem ab anima separabilem esse, non tamen ut maneat unita; sicut albedo separabilis ab homine est, non tamen ut maneat homo.

Nunc itaque, his sic visis, ad propositum unde digressi sumus revertentes, dicimus quod Adam quidem mortuus est, non per animae corruptionem, sed separationem a corpore. Separata est autem anima ob corruptionem dispositionum naturalium, e quibus dependet unio, maxime ob defectum vitalis humidi, quod nutrimentali humore quotidie in deterius restauratum tandem defecit, calore etiam vivifico et spiritibus plus longe debilitatis ac dissolutis, quam possent sensuum organa totumque corpus fovere. Iam ergo humido calidoque una cum spiritibus consumptis harmoniaque ob siccitatem frigiditatemque nimium excrescentes destructa, *mortuus est*.

Vrr. 6-8 *Vixit quoque Seth centum quinque annis, et genuit Enos. Vixitque Seth, postquam genuit Enos, octingentis septem annis, et genuit filios et filias. Et facti sunt omnes dies Seth nongenti et duodecim anni*⁴², *et mortuus est.*

Textus Hebraicus: *Et vixit Seth quinque annis et centum annis, et genuit Enos. Et vixit Seth, postquam genuit Enos, septem annis et octingentis annis, et genuit filios et filias. Et fuerunt omnes dies Seth duodecim anni et nongenti anni, et mortuus est.*

Phrasis hebraica est, uti supra diximus⁴³, minores numeros⁴⁴ maioribus praeponere, ea forte ratione quod secundum naturam minor numerus maiorem praecedit, cum sit unitati propinquior, a qua omnes numerorum species emanant. Id tamen ad Scripturae intelligentiam nil refert. Nam Chaldaeus Interpres eam phrasim invertit; habet enim:

Et vixit Seth centum quinque annis et genuit Enos. Et vixit Seth, postquam genuit Enos, octingentis septem annis, et genuit filios et filias. Et fuerunt omnes dies Seth nongenti duodecim anni, et mortuus est.

Graeci, ex more, e sequentibus annorum centenariis unum demunt adduntque priori et faciunt ducentos et quinque annos cum genuit Seth.

42) Vrr. 7-8. Vulg.: *Genuitque... Nongentorum duodecim annorum*, loco: *Et genuit... Nongenti duodecim anni.* 43) Pag. 427. 44) Ms.: *Numero.*

Vixit quoque Seth, etc.
Mos est Hebraeorum minores numeros maioribus praeponere.

Inquiunt hic Hebraeorum nonnulli, praesertim Rabbini Abrahamel⁴⁵, quod cum spiritui suo dominatus sit Adam vixeritque ab uxore sua separatus centum triginta annis, ob id dies eius usque adeo protracti in longaevum sunt, ut nongentis triginta annis vixerit. At vero quia Seth coniugium copulamque cum uxore citius patre contraxit annis viginti quinque – annorum enim centum quinque erat cum genuit Enos, Adam vero centum triginta, – propterea, post genitum filium, annis octingentis septem vixit, nunquam alias ab uxore separatus, genuitque filios et filias; et quemadmodum coniugium acceleravit prae patre suo viginti quinque annis, ita praecisae sunt dies vitae eius a diebus patris sui decem et octo annis; Adam enim nongentis triginta, ipse vero nongentis duodecim [vixit].

Iuxta Rab.
Abrahamel
Seth mortuus
est
citius Adam,
quia citius
eo coniugium
acceleravit.

Vrr. 9-11 *Vixit vero Enos nonaginta annis, et genuit Cainan. Post cuius ortum vixit octingentis quindecim annis, et genuit filios et filias. Factique sunt omnes dies Enos nongenti quinque anni, et mortuus est.*

Textus Hebraicus: *Et vixit Enos nonaginta annis, et genuit Chenan. Et vixit Enos, postquam genuit Chenan, quindecim annis et octingentis annis, et genuit filios et filias. Et fuerunt omnes dies Enos quinque anni et nongenti⁴⁶ anni, et mortuus est.*

Graeci habent: *Vixit Enos annis centum nonaginta, et genuit, etc.*

Hic Enos quadraginta annis prae Adam coniugium acceleravit. Cum enim nonaginta esset annorum filium genuit, post quem octingentis quindecim supervivens annis, filios filiasque plurimos genuit. Propter quod fuerunt omnes dies vitae eius nongenti quinque anni: annis viginti quinque minus Adam vivens, quoniam coniugium quadraginta annis⁴⁷ eo citius contraxit.

Vixit vero Enos, etc.
Eadem ratio
affertur de vitae
duratione
Enos,

Vrr. 12-14 *Vixit quoque Cainan septuaginta annis, et genuit Malaleel. Et vixit Cainan, postquam genuit Malaleel, octingentis quadraginta annis, genuitque filios et filias. Et facti sunt omnes dies Cainan nongenti decem anni, et mortuus est.*

Textus Hebraicus: *Et vixit Chenan septuaginta annis, et genuit Mahalalel. Et vixit Chenan, postquam genuit Mahalalel, quadraginta annis et octingentis annis, et genuit filios et filias. Et fuerunt omnes dies Chenan⁴⁸ decem anni et nongenti anni, et mortuus est.*

45) Op. cit. f. 39^b.

46) Ms.: Nongentis.

47) Ms.: Anni.

48) Ms.: Mahalalel, loco: Chenan.

Graeci *centum septuaginta annis* habent vixisse, priusquam generaret filium.

Cainan

Iste Cainan sexaginta annis prae Adam coniugium acceleravit; septuaginta quippe annos natus filium genuit; post quem octingentis quadraginta annis supervivens, plurimos filios filiasque genuit ac ita nongenti decem anni omnes dies vitae eius fuere: viginti annis minus Adam. Etsi autem viginti anni prae Enos patre suo citius uxorem duxit, eo tamen quinque plus annis vixit: forte quia robustioris naturae meliorisque complexionis temperieque aequabilioris fuit, quae longaevae vitae plurimum conferunt.

Vrr. 15-17

Vixit autem Malaleel sexaginta quinque annis, et genuit Iared. Et vixit Malaleel, postquam genuit Iared, octingentis triginta annis, et genuit filios et filias. Et facti sunt omnes dies Malaleel octingenti nonaginta quinque anni, et mortuus est.

Textus Hebraicus: *Et vixit Mahalalel quinque annis et sexaginta annis, et genuit Iared. Et vixit Mahalalel, postquam genuit Iared, triginta annis et octingentis annis et mortuus est.*

Graeci habent: *Vixit Maleleel centum sexaginta quinque annis et genuit Iared.*

et Malaleel.

Iste Malaleel sexaginta quinque annis celerius ab Adam cognovit uxorem; sexaginta quinque enim annos natus filium genuit et, post eum natum, octingentis triginta annis supervivens, filios filiasque plurimos genuit. Fuitque vitae totius periodus octingentorum nonaginta quinque annorum: triginta quinque annis Adae periodo brevior; et cum quinque tantum annis coniugium patris antecesserit vel, si melius dicam, citius cum muliere matrimonium contraxerit, quindecim tamen annis patre citius vitam naturali morte finivit.

Vrr. 18-20

Vixit autem Iared centum sexaginta duobus annis, et genuit Enoch. Et vixit Iared⁴⁹, postquam genuit Enoch, octingentis annis, et genuit filios et filias. Et facti sunt omnes dies Iared nongenti sexaginta duo anni, et mortuus est.

Textus Hebraicus: *Et vixit Iared duos et sexaginta et centum annos, et genuit Hanoch. Et vixit Iared, postquam genuit Hanoch⁵⁰, octingentis annis, et genuit filios et filias. Et fuerunt omnes dies Iared duo et sexaginta anni et nongenti anni, et mortuus est.*

⁴⁹) Vr. 18. Vnlg.; *Vixitque Iared.*

⁵⁰) Ms.; *Iared*, loco: *Hanoch*.

Hic recte habent Graeci: *Vixit Iared centum sexaginta duobus annis, etc.*

Magnae nimium virtutis vir iste Iared fuit et mirabilis continentiae. Cum enim omnes, post Adam ad ipsum usque, annis permultis coniugia accelerarint, ipse nedum ad tempus usque Adae uxorem cognoscere distulit, sed Adae tempus coniugii duobus et triginta annis superavit; centum enim et sexaginta duobus annis natus cognovit uxorem et filium genuit. Sed mercedem accepit continentia ista laudabilis et quo amplior fuit, eo ampliora praemia est consecuta. Ubi enim omnes, ab Adam ad ipsum usque, breviori periodo vitam clausere prae Adam, iste Adae vitae tempus triginta et duobus annis superexcessit, sicut triginta duobus annis plus eo continentiam coluerat a coniugio. Ille enim nongentis triginta annis vixit; iste nongentis sexaginta duobus; quia ille centum triginta vitae suae decursis annis filium genuit: iste vero centum sexaginta duobus; quo ergo continentior, eo longior vita fuit. Ita enim Deus virtutem semper honoribus, praemiis muneribusque cumulavit, et quo ampliores virtutes sunt, eo amplioribus praemiis remunerantur.

*Vixit autem
Iared, etc.
Remunerat
Deus conti-
nentiae virtu-
tem vitae
longaeuitate.*

Vrr. 21-24 Porro Enoch vixit sexaginta quinque annis, et genuit Mathusalam. Et ambulavit Enoch cum Deo, et vixit Enoch, postquam genuit Mathusalam, trecentis annis, et genuit filios et filias. Et facti sunt omnes dies Enoch trecenti sexaginta quinque anni. Ambulavitque Enoch cum Deo, et non apparuit, quia tulit eum Deus.

Textus Hebraicus: *Et vixit Hanoch quinque et sexaginta annis, et genuit Mathusalah. Et ambulavit Hanoch cum Deo, postquam genuit Mathusalah, trecentis annis, et genuit filios et filias. Et fuerunt omnes dies Hanoch quinque et sexaginta anni et trecenti anni. Et ambulavit Hanoch cum Deo, et non est, quia tulit eum Deus, vel accepit eum Deus.*

Textus Chaldaicus habet: *Et ambulavit Hanoch בְּרַחֲלָתָא, in timore Domini, quia noluit mori eum Deus.*

Targum Ierosolymitanum: *Et coluit Hanoch in veritate Dominum; et ecce non est ipse, quia subtractus est in verbo, vel sermone a Domino.*

Graeci habent: *Et vixit Enoch centum sexaginta quinque annos, et genuit Mathusala. Placuit autem Enoch Deo et non inveniebatur, quia transtulit eum Deus.*

Hebraei secus ac doctores catholici locum hunc interpretantur.

Ambulavitque Enoch cum Deo, etc. Aiunt enim ⁵¹ fuisse Enoch, priusquam Mathusalam filium gigneret, venereis connubiis propensum valde et illectum. Postquam vero filium genuit, temperatius incessit Deumque secutus est in sanctitate et iustitia. Quod ut sanctus ac benedictus Deus vidit, suprema sapientia sua, ne uxoris filiorumque causa a Deo et iustitia averteretur, malitia sensum illius immutante intellectumque pervertente, mori eum fecit ante tempus suum. Ideo non esse dicitur quia mortuus est: tulisse autem eum Dominum, quoniam ex speciali Dei ordinatione mortuus est, secundum illud *Iona* ⁵²: *Tolle... animam meam*; ceu etiam Elias dixit: *Tolle, Domine, animam meam a me, neque enim melior sum patribus meis* ⁵³.

Nostrates opinantur Enoch translatus fuisse in paradysum terrestrem et ibi adhuc vivere cum Elia. Nostrates autem Enoch aiunt ⁵⁴ ob virtutis suae excellentiam a Deo assumptum, sicut Eliam ⁵⁵, translatusque in terrestrem paradysum et ad hunc usque diem vivere, ideo in Sacro Textu non dicitur quod mortuus sit, sed *non apparet*, vel *non est, quia tulit eum Deus*. Unde et in *Ecclesiastico* dicitur ⁵⁶: *Enoch placuit Deo et translatus est in paradysum, ut det gentibus sapientiam*.

Rectius tamen ambulatione Enoch cum Deo interpretari potest pro integerrima eius vitae virtute, Mihi vero in quam sententiam eundum sit, non satis utcumque constat; nostratum autem sententiam longe abest ut improbem, quin verear potius; dicam tamen quid sentiam, sapientiorum iudicio cuncta relinquens. Plane Enoch virum sanctissimum et iustissimum ego semper fuisse existimarim. Ideo cum omnes ab Adam ad Noe usque iusti ac plane perfecti viri extiterint, ipse tamen excellentia ac prae-

51) Cf. Rab. Abrabanel op. cit. f. 40^a; Rab. Levi ben Gherson: « Enoch ambulavit in viis Domini, postquam genuit Mathusalam, annos trecentos ». *Tohliot RaLBaG*, seu *Commentum in Pentat.*, h. l. Innuit ergo ipsum prius ambulasse non in viis Domini. Rab. Salomon: « Iustus erat Enoch sed mente levis, ut facile redire potuerit ad vitam improbam; ideo properavit Deus ipsum tollere et morti dare ante tempus ». Op. cit. f. 7^b. 52) 4, 3. 53) 3 Rg 19, 4. Vulg.: *Quam patres mei*.

54) Cf. S. Io. Chrysostomus *Hom. 24 in Gen.*, (P. G. 53, 211); Theodoretus *Quaest. in Gen.*, *Interr. 45*, ibid. 80, 146; S. Hieronymus *Contra Io. Ierosolymitanum*, (P. L. 23, 381); *Dialogus Adversus Pelagianos*, lib. 3, ibid. col. 580; *Comment. in Amos*, lib. 3, ibid. 25, 1087; S. Augustinus *De Peccatorum Meritis et Remissione*, lib. 1, cp. 3, ibid. 44, 111; *De Peccato Originali*, cp. 23, ibid. col. 398; S. Isidorus *Hisp. Quaest. in Vel. Test. In Gen.*, cp. 6, ibid. 83, 228; S. Beda *Hexaem.*, lib. 2, ibid. 91, 80; *Strabus Glossa Ord. in Gen.*, ibid. 113, 103; Alcuinus *Comment. in Apocalypsim*, lib. 5, ibid. 100, 1147-1150; Angelomus *Comment. in Gen.*, ibid. 115, 153; Rupertus *De Trinitate*, etc. *In Gen.*, lib. 4, cp. 9, ibid. 167, 335-336; Herveus *Burdigalensis Comment. in Epist. Pauli*, ibid. 181, 1645; S. Ephrem Syrus *In Gen.*, cp. 4, t. 2, pag. 20; Nic. Lyranus op. cit. f. 49^a. 55) Cf. 4 Rg 2, 16, 56) 44, 16. Vulg.: *Poenitentiam, loco: Sapientiam*.

rogativa quadam virtutis et perfectionis singulariter cum Deo ambulasse dicitur, idest vitam caelibem ac plane divinam in terris duxisse in omnibus integerrimam. Hinc divina uberius prae ceteris sapientia abundantiusque afflatus mirifice fuit. *Prophetavit* enim, ut B. I u d a s testatur apostolus ⁵⁷, *septimus ab Adam Enoch dicens: Ecce venit Dominus in sanctis millibus suis facere iudicium contra omnes et arguere omnes impios de omnibus operibus impietatis eorum, quibus impie egerunt, et de omnibus duris quae locuti sunt contra Deum peccatores impii.* Et vitae ergo admiranda sanctitate et innocentia, et operum clarissima luce, et sapientiae pellucenti splendore splenduit mirabiliter.

Ipsum vero adhuc vivere non usque adeo certum, firmum et constans est, ut non liceat secus cuipiam sentire; non enim statim sequitur ut vivens corpore translatus sit, cum dicitur: *Et non est, quia tulit eum Deus.* Phrasis enim Sacrae Scripturae ea in locis plerisque est, ut per eum loquendi modum praematura mors intelligatur, qua Deus ad se sanctos suos recipit. Sic enim Elias oravit ad Dominum petensque *animae suae ut moreretur, ait: Sufficit mihi, Domine: tolle animam meam, neque enim melior sum quam patres mei* ⁵⁸. Sic quoque I o n a s ⁵⁹: *Et nunc, Domine, tolle, quaeso, animam meam a me, quia melior est mihi mors quam vita.* Clarissimus tamen locus in *Sapientia* est ⁶⁰: *Iustus..., si morte praeoccupatus fuerit, in refrigerio erit; senectus enim venerabilis est non diuturna neque annorum numero computata; cani enim sunt sensus hominis, et aetas senectutis vita immaculata. Placens Deo factus dilectus et vivens inter peccatores translatus est: raptus est, ne malitia immutaret intellectum eius, aut ne fictio deciperet animam illius.* Paulo post autem ⁶¹: *Placita enim erat Deo anima illius, propter hoc properavit educere illum de medio iniquitatum.*

et eius translatio pro illius morte praematura, ut pluries S. Scriptura hac phrasi utitur;

Haec plane de iustorum morte intelliguntur praematura, quae eos Deus transferre et properare ad se eos recipere dicitur. Cum itaque dicitur hic: *Quia tulit eum Deus:* id certissimum est; an autem in corpore, vel extra corpus, inconstans est.

quae interpretatio magis consona videtur litterae textus hebraici.

Illud autem, quod receptum fere apud omnes nostrates, cum Graecos tum Latinos, ipsum Enoch esse translatus, a S e p t u a -

57) Vrr. 14-15.

58) 3 Rg 19, 4.

59) 4, 3.

60) 4, 7-11.

61) Ibid. vr. 14.

ginta Interpretibus emanavit, qui verbum hebraicum לקח, quod est *accepit, transferendi* verbo interpretati sunt; et illud איננו, idest *non est, non inveniebatur*; ita enim locum hunc reddidere, prout in Vulgata Editione Graeca nunc habetur: Καὶ οὐχ εὗρισκον, ὅτι μετέθηκεν αὐτὸν ὁ θεός: idest: *Non inveniebatur, quia transtulit eum Deus.*

Hebraica tamen Veritas habet: ואיננו כִּי־לָקַח אֱתוֹ אֱלֹהִים: idest: *Et non est, quia accepit eum Deus.*

Et hoc modo
exponi potest
etiam illud Ec-
clesiastici; Pla-
cens Deo, etc.;

Illud vero Ecclesiastici, a praedictis non discedentes, ita intelligimus: *Enoch placuit Deo: idest cum Deo ambulavit*, ita enim Septuaginta illud transtulere: *Et translatus est*, iuxta illud: *Placens Deo factus dilectus et vivens inter peccatores translatus est*: quod tamen de morte intelligitur; illud vero *in paradisum*, sinum Abrahae intelligimus, in quo sanctorum Patrum animae consolabantur, sicut de mendico Lazaro dicitur ⁶²; illud demum: *Ut det gentibus sapientiam*: ex bonis operibus intelligimus; *condemnat enim iustus mortuus vivos impios* ⁶³ per sua bona opera: quemadmodum et Abel mortuus adhuc clamare dicitur ⁶⁴, teste Apostolo, id nonnisi ex bonis operibus est.

eo magis quod
non omnino
constat an
paradisus ter-
restris adhuc
existat;

Neque enim urgemur ut per paradisum locum illum, in quo primus homo positus fuit ⁶⁵, intelligamus; inconstans enim omnino est an adhuc hortus ille, arboribus consitus, reperiatur et non esse magis quam esse constat, cum, iuxta Veritatem Hebraicam, in Eden hortus ille a Deo plantatus sit; nunc autem constat Eden a gentibus habitari non longe a terra promissionis, [in] confiniis Charan et Chennam. Ita enim apud Ezechielem legimus ⁶⁶: *Charan et Chennam et Eden negotiatores tui.*

Deinde, Sacro testante Eloquio, scimus Cain *ad orientalem plagam Eden* ⁶⁷ prope paradisi illius locum habitasse, a quo non longe pater eius Adam habitabat et Seth frater eius: cum Seth filii, qui filii Dei dicuntur, potuerint Cain filias videre et sibi *ex omnibus, quas elegerant* ⁶⁸, accipere. Communis autem opinio fert non longe a terra promissionis Adam habitasse, postquam e paradiso eiectus est, et

62) Cf. Lc 16, 23-24.

63) Sap 4, 16.

64) Cf. Hebr 11, 4.

65) Cf. Gn 2, 8.

66) 27, 23. Vulg.: Haran et Chene, loco: Charan et Chennam.

67) Cf. Gn 4, 16.

68) Ibid. 6, 2.

esse sepultum in Hebron *in spelunca duplici*, ubi et Abraham ⁶⁹ et Isaac ⁷⁰ et Iacob ⁷¹ sepulti sunt. Prope eas tamen regiones, nec maximis etiam finibus distantes, aliquod decantatissimi illius paradisi vestigium cernitur; Tigris vero et Euphrates flumina, quae inde egrediuntur, prope eas regiones inveniuntur.

Sed longe plus satis digressi sumus. Haec nobis hac de re dicenda videbantur, unicuique tamen sua placita relinquimus et haec quoque sapientiorum iudicio iudicanda.

At vero apud D. Paulum locus est, qui nos cogit dicere ipsum Enoch mortuum non esse. Ita enim de eo Apostolus ait ⁷²: *Fide Enoch translatus est, ne videret mortem, et non inveniebatur, quia transtulit illum Deus; ante translationem enim testimonium habuit placuisse Deo.* Sed plane de diluvio istud potest intelligi, ne miserandam hominum mortem in diluvio videret et ipse cum eis una aquis illis submersus deperiret; ideo ait: *Ne videret mortem*: non autem; ne moreretur.

et etiam illud S. Pauli *ne videret mortem*, ne scilicet videret miserandam mortem in aquis diluvii;

Potest et aliter intelligi, iuxta illud Sapientiae ⁷³: *Iustorum... animae in manu Dei sunt, et non tanget illos tormentum mortis; visi sunt oculis insipientium mori... illi autem sunt in pace.* Quocumque modo intelligatur, salva res nostra est. Causa autem cur mortuus in textu non dicatur est, quia separatio animae eius a corpore divinitus facta fuit et eius anima statim ad meliorem vitam locumque requiei et consolationis translata.

vel intelligi potest pro summa placiditate qua mortem obiit.

Vrr. 25-27

Vixit quoque Mathusala ⁷⁴ centum octoginta septem annis, et genuit Lamech. Et vixit Mathusala, postquam genuit Lamech, septingentis octoginta duobus annis, et genuit filios et filias. Et facti sunt omnes dies Mathusalah nongenti sexaginta novem anni, et mortuus est.

Textus Hebraicus: *Et vixit Mathusalah septem et octoginta annis et centum annis, et genuit Lamech. Et vixit Mathusalah, postquam genuit Lamech, duobus et octoginta annis et septingentis annis, et genuit filios et filias. Et fuerunt omnes dies Mathusalah novem et sexaginta anni et nongenti anni, et mortuus est.*

Iustus Enoch iustum filium et continentissimum genuit, qui

69) Cf. ibid. 25, 8-9.

70) Cf. ibid. 35, 27-29.

71) Cf. ibid. 49, 29.

72) Hebr 11, 5.

73) 3, 1-3.

74) Vrr. 25. S. Auctor constanter scribit: *Mathusalem*; nos vero, ut in Vulgata habetur, transcripsimus: *Mathusala*.

Vixit quoque, Mathusala etc. vitae continentia longe omnes ante ipsum patres superavit; ad centesimum enim et octogesimum septimum vitae suae annum coniugium distulit, annis quinquaginta novem plus Adam caelibem ac continentem vitam ducens. Verum non defuere ampliori virtuti praemia ampliora largioraque munera: eo enim triginta novem annis longiorem vitae periodum duxit; mortuus est enim nongentos octoginta novem annos natus, eodem anno quo aquae diluvii super universam terram inundavere: etenim ipse centesimum octogesimum septimum vitae suae annum agens Lamech filium genuit, qui annis centum octoginta duobus natus genuit Noe, ad cuius vitae sexcentesimum annum diluvium inundavit ⁷⁵. Qui anni, si una componantur, nongentos sexaginta novem annos efficiunt; is autem est Mathusalae vitae periodus. Ne miserandam illam mortem iniquorum videret, neve ipse diluvii aquis una cum ipsis periret iustissimus vir cum impiis et nequissimis, *properavit Deus educere illum de medio iniquorum, iustorum morte illum ad se recipiens.*

Vrr. 28-31 *Vixit autem Lamech centum octoginta duobus annis, et genuit filium vocavitque nomen eius Noe, dicens: Iste consolabitur nos ab operibus et laboribus manuum nostrarum in terra cui maledixit Dominus. Vixitque Lamech, postquam genuit Noe, quingentis nonaginta quinque annis, et genuit filios et filias. Et facti sunt omnes dies Lamech septingenti septuaginta septem anni.*

Textus Hebraicus: *Et vixit Lamech duobus et octoginta annis et centum annis, et genuit filium et vocavit nomen eius Noah, dicendo: Hic quiescere nos faciet ab opere nostro et a labore, sive dolore manuum nostrarum e terra, quam maledixit Deus. Et vixit Lamech, postquam genuit Noah, quinque et nonaginta annis et quingentis annis, et genuit filios et filias. Fueruntque cuncti dies Lamech septem et septuaginta anni et septingenti anni.*

Graeci secius valde hunc locum redditum habent. **Textus Graecus** annos centum octoginta octo habet vixisse Lamech, antequam filium generaret; post genitum vero annos quingentos sexaginta quinque, et omnes ⁷⁶ dies Lamech annos septingentos quinquaginta tres. **Hebraica** tamen **Veritas** et **Chaldaeus** **Interpres** habent prout in nostra **Editione** habetur.

Vixit autem Lamech, etc.
Diversa annotatione inter Septuaginta Interpretes

⁷⁵) Cf. Gn 7, 11.

⁷⁶) Ms.: Omne.

Ex hac annorum, in genealogia hac, permutatione a Septuaginta Interpretibus facta, nonnullius momenti incommoda subsecuta sunt. Cum enim secundum verum annorum computum, qui in his generationibus prout in Veritate Hebraica et nostra Vulgata Editione reperiuntur, nonnisi mille sexcenti quinquaginta sex anni enumerentur, si secundum Septuaginta Translationem enumerentur, erunt anni duo millia ducenti quadraginta duo. Quod ut plane conspiciatur, non ab re erit singularum generationum hic annos recensere, tum secundum Veritatem Hebraicam et nostram Editionem, tum secundum Septuaginta Translationem.

Anni ab Adam formatione usque ad diluvium,

secundum Veritatem Hebraicam et nostram Editionem:		secundum Translationem Septuaginta:	
Adam vixit annos	130	Adam vixit annos	230
et genuit		et genuit	
Seth: vixit annos	105	Seth: vixit annos	205
et genuit		et genuit	
Enos: vixit annos	90	Enos: vixit annos	190
et genuit		et genuit.	
Cainan: vixit annos	70	Cainan: vixit annos	170
et genuit		et genuit	
Malaleel: vixit annos	65	Malaleel: vixit annos	165
et genuit		et genuit	
Iared: vixit annos	162	Iared: vixit annos	162
et genuit		et genuit	
Enoch: vixit annos	65	Enoch: vixit annos	165
et genuit		et genuit	
Mathusalam: vixit annos	187	Mathusalam: vixit annos	⁷⁷ 167
et genuit		et genuit	
Lamech: vixit annos	182	Lamech: vixit annos	188
et genuit		et genuit	
Noe: vixit annos	600	Noe: vixit annos	600
et venit		et venit	
diluvium sexcentesimo anno vitae Noe.		diluvium sexcentesimo anno vitae Noe.	
Summa omnium	1656	Summa omnium	2242.

77) Ms.: 187.

In annorum itaque saeculi computo multo plures iuxta Septuaginta Translationem, quam secundum Veritatem [Hebraicam] sint, reperiuntur.

Iste consolabitur nos, etc. Lamech virtute excellens, Lamech itaque centum octoginta duobus annis vixit, et filium genuit, Noe iustum. Nam et ipse iustus admodum et integer ac perfectus vir extitit, vitae continentia singularis: siquidem quinquaginta duobus annis plus Adam caelibem vitam, continentem et incorruptam duxit. Unde et singulari virtutum operumque merito, coelesti sapientia superflusus, Sancto Flamine afflatus et Divino Spiritu inspiratus, dum filium genuit, prophetavit dicens:

Iste consolabitur nos ab operibus et laboribus manuum nostrarum de terra, cui maledixit Dominus. Supra enim, ob protoplasti transgressionem, divina sententia dictum est: *Maledicta terra in opere tuo, vel propter te; in laboribus comedes ex ea cunctis diebus* ⁷⁸. Ad hoc aludit sanctus iste vir, dicens quod filius iste eos ab his operum laboribus atque doloribus consolaturus erat, ut eos ab eis laborum gravaminibus quiescere faceret.

Istam Lamech praedictionem ad saeculi reparationem nonnulli ⁷⁹ referunt. Hebraeorum tamen plerique ⁸⁰ aiunt Noe aratra adinvenisse, ut eis animalia terram ararent et a dolorosis laborum gravaminibus quiescerent homines, qui prius terram manibus tantum colebant. At quomodo, vix nato puero, id Lamech scire potuit? Certe nonnisi per revelationem. Sed res admodum digna erat ut a Deo revelaretur ars aratoria?

Rabbinus Abrahamus hunc locum ita exponit ⁸¹: Quoniam Adam dictum est: *Maledicta terra propter te; in laboribus comedes ex ea, quoadusque revertaris in terram, de qua sumptus es*: ipse vero Adam nongentis triginta annis vixit; quare cum natus est Lamech, pater Noe, adhuc Adam vivebat: siquidem ab Adae constitutione usque ad Lamech natalem nonnisi octingenti septuaginta quattuor anni fluxere. Quare cum Adam nongentis triginta annis vixerit ⁸²,

78) Gn 3, 17. 79) Cf. S. Beda *Hexaem.*, lib. 2, (P. L. 91, 82); Hugo de S. Victore *Adnotat. Elucidat. in Pentat.*, ibid. 175, 45; S. Ephrem Syrus *In Gen.*, ep. 4, t. 2, pag. 20-21; Nic. Lyranus op. cit. f. 49^a; Alph. Tostatus op. cit. f. 32^a; Munsterus, col. 207. 80) Cf. Rab. Salomon op. cit. f. 7^b; Nic. Lyranus op. cit. f. 49^a; Alph. Tostatus op. cit. f. 32^a; Vatablus, col. 209; Clarius, col. 209-210. 81) Op. cit. f. 39^b-40^a. 82) Ms.: Ad adiungitur.

liquet quod usque quinquagesimum sextum Lamech vitae annum vixit. Omnes itaque, qui in hac genealogia ab Adam usque ad Noe ponuntur, ante obitum Adae nati sunt; solus Noe post eius mortem natus est. Hoc advertens Lamech, eo sibi nato filio, ait: Si Deus maledixit terram propter Adam, ut nonnisi laborata et culta fructum afferret usque ad mortem eius, certe cum hic filius primus post mortem eius natus sit, ipse *consolabitur nos*, faciet nos ab istis operibus quiescere.

Ego itaque sic puto haec verba intelligenda esse: tota spes vitae, totaque consolatio nostra in unico hoc filio sita est; ipse ex omnibus laboribus nostris, quos passi sumus in filiis tum gignendis tum enutriendis et educandis, ex omnibus quoque operibus nostris, quae operati sumus, superstes erit; omnia alia ob maledictionem, qua Deus universam terram maledicturus est, destruentur, eam et cuncta quae in ea sunt, aquis diluvii devastando; hic solus residuus ac superstes erit: hic solus salvabitur et per eum universum genus humanum reparabitur. Haec nimirum verba, si ita intelligantur, digna fuere ut a Deo revelarentur.

sed propheticè
novit
Noe superstitem
futurum
ab aquis diluvii,
ut per eum genus
humanum
salvaretur.

Post genitum autem filium hunc, de quo talia praefatus est, annis quingentis nonaginta quinque supervivens, extremum diem clausit, annos septingentos septuaginta septem natus. Mortuus est autem quinquennio ante diluvium et annis totidem mortem obiit, antequam pater suus Mathusala oculos clauderet; anno enim diluvii mortuus est Mathusala.

Aiunt Hebraei ⁸³ ante tempus suum obiisse Lamech Deo id operante; magis enim mors sibi quam vita expediebat, ne extremam illam cladem miserandamque omnium hominum perditionem submersionemque in amarissimis illis diluvii inundantibus aquis [videret]. Et forte cum specialem rei huiusmodi a Deo revelationem accepisset, gemitibus inenarrabilibus ^{83a} vir iste piissimus Deum deprecabatur, postulans extremum claudere diem priusquam severissima, sed nil minus iustissima plaga illa superveniret. Et *exauditus est pro sua reverentia* ⁸⁴ clausitque oculos, priusquam tantum malum videret.

Iuxta
Hebraeos
Lamech Deum
exoravit ut
tolleretur
ante diluvium,
ne exterminium
illud videret.

Vr. 31 *Noe vero, cum quingentorum esset annorum, genuit Sem, Cham et Iapheth.*

83) Cf. Rab. Abrabanel op. cit. f. 40^b.

83a) Cf. Rom 8, 26.

84) Hebr 5, 7.

Textus Hebraicus : *Et fuit Noah filius quingentorum annorum, et genuit Noah Sem, Ham et Iapheth.*

Noe vero cum quingentorum esset annorum, etc.
Noe usque ad quingentesimum vitae suae annum caelebs vixit

Decimus ab Adam Noe nascitur, vir utique integer atque perfectus, sicut denarius numerus perfectissimus est. Vir enim magnae plane et admirabilis virtutis et continentiae necnon humilitatis; ecce enim ad quingentesimum usque vitae suae annum in domo patris filiusfamilias humilis permansit, patri subditus et subiectus: *Fuit, inquit, Noah filius quingentorum annorum, et genuit Noah.* Vide admirabilis virtutis continentiae excellentiam, qua omnes patres suos longe praecelluit. Siquidem quotquot ipsum aetate praecesserunt, ad centesimum circiter annum plus minus, omnes citra biscentesimum mulierum connubia contraxere; hic vero ad quingentesimum usque annum distulit, vitam plane caelibem ac coelestem inter homines, et illos quidem nequissimos et scelestissimos, sanctissime ducens.

et non nisi Dei monitu creditur uxorem duxisse;

Nec puto uxorem nisi Dei monitu duxisse, iam Deo sibi revelante quod per ipsum genus esset salvaturus humanum. Videns enim Deus malitiam, ait: *Non permanebit spiritus meus in homine..., quia caro est; eruntque dies illius centum viginti annorum* ⁸⁵. Tunc Noe praecepit ut arcam aedificaret ⁸⁶. Tunc autem, adhuc innuptus, carnis corruptionis nesciam vitam ducebat, et tunc monitum a Deo fuisse existimarim ut uxorem duceret ad filios procreandos, ex quibus longe lateque humana diffunderetur propago; nec ante Dei monitum unquam ducere voluisse.

nam prophetico spiritu edoctus, sciens diluvium futurum, noluit citius nubere, ne filii procreati aquis diluvii perirent.

Sciebat enim quod, si ipse centesimum circiter annum uxorem duxisset, ad diluvium usque multi intererant anni; quare et ipse filios genuisse et filios filiorum ad tertiam usque et quartam generationem vidisse utique potuisset; ex quibus multi fortes fortuna, impii ac scelesti, quales generationis illius homines extabant, fuissent, quos indignum erat ab inundantibus diluvii aquis salvari. Quod si perituri erant: ut quid mihi, aiebat, filios gignere, qui tam miserranda morte ante meos oculos perituri sunt? Deinde si consueto praecedentium patrum tempore genuisset, absque dubio plurimos filios filiasque genuisset, nec poterat tanta multitudo per id spatium temporis, quo diluvium perduravit, absque magno dispendio conservari una cum tot tantorumque animalium speciebus. Quare Dei

85) Gn 6, 3.

86) Cf. ibid. vr. 14.

providentia cautum id est factumque, ut Noe ad quingentesimum usque annum differret coniugium.

Eo autem anno tres filios dicitur genuisse: Sem, Cham et Iapheth. Forte hi filii non eo ordine, quo in Sacra situantur Historia, nati sunt. Etenim si Sem primogenitus fuit, debuit inundante diluvio centenarius esse: sexcentesimo siquidem Noe anno venit diluvium, quingentesimo autem vitae suae anno genuit. At cum filium Arphaxad genuit centenarius erat, biennio post diluvium⁸⁷. Non igitur quingentesimo vitae Noe anno natus est ipse, sed biennio post. At cum dicat Scriptura Noe quingentos annos natum filios genuisse, liquet eo aliquem natu maiorem exstitisse et non ipsum primogenitum fuisse.

Sem non fuit
primogenitus
Noe;

Aiunt autem Hebraeorum nonnulli⁸⁸ ob id primo loco poni, quoniam sine praepotio natus est circumcisis. At id fictitium est. Dicimus ergo ob eximiam virtutem et meritorum excellentiam primum in Sacra Pagina sortitum esse locum. Ipse enim fuit *Melchisedech, rex Salem...*, *sacerdos Dei altissimi*⁸⁹; ex eo sanctissimi patriarchae traxere originem; ex eo populus electus, et demum Christus Iesus, *sacerdos summus secundum ordinem Melchisedech*⁹⁰, erat nasciturus. Huic non absimile est quod duobus Ioseph filiis, Manasse et Ephraim, factum est⁹¹; minor enim natu Ephraim maiori praeponitur et primogenitura dotatur, quoniam in gentem maiorem futurus erat.

sed primo
loco ponitur
ob eius
meritorum ex-
cellentiam et
eximiam vir-
tutem; ipse
enim fuit
Melchisedech,
figura Christi.

Non ab re autem erit in praesentiarum perquirere quamnam ob causam primae huiusce generationis homines ab Adam ad Noe usque tandiu vivebant, paulo citra millenarium annum. Nonnulli huiusmodi rei rationem quampiam reddere penitus floccipendunt, existimantes apud semetipsos non solares, sed lunares annos esse, qui in genealogia ista texuntur⁹². Moysen enim aiunt, qui *in omni sapientia Aegyptiorum eruditus*⁹³ fuit, illius gentis more annos sumpsisse, qui lunae senio annum terminabant, apud quos singula annorum millia quidam vixisse produntur^{93a}. At profecto Aegyptii anno solari etiam

Ratio longae-
vitatis inqui-
ritur.

Sustineri ne-
quit sententia
asserens annos
a Genesi com-
putatos luna-
res fuisse.

87) Ibid. 11, 10.

88) Cf. Rab. Salomon op. cit. f. 7^b; Nic. Lyranus op. cit. f. 49^b;

Alph. Tostatus op. cit. f. 34^a; Caletanus op. cit. pag. 74.

89) Gn 14, 18; cf. S. Isidorus

Hisp. *De Ortu et Obitu Patrum*, ep. 5, (P. L. 83, 132-133).

90) Ps 109, 4; Hebr 7, 17;

cf. S. Hieronymus *Hebraic. Quaest. in Gen.*, (P. L. 23, 961).

91) Cf. Gn 48, 1-20.

92) Cf. not. 7. 12 huius cp. pag. 427.

93) Act 7, 22. Vulg.: *Eruditus est Moyses*, etc.

93a) Cf. Plinius *Historia Naturalis*, lib. 7, cp. 48, pag. 75.

ante Moysis tempora usi sunt. Sapientissimi enim Aegyptiorum astronomi, ante inventas litteras, suis hieroglyphicis annum designabant per draconem suam devorantem caudam, in circuli modum depictum, quoniam

« in se sua per vestigia labitur annus ⁹⁴ » :

unde annus quasi in se rediens anulus dictus est ; mensibus enim in se currentibus volvitur et in seipsum ducitur ac renovatur.

Nec illa quae putat fuisse annos Arcadum trimestres ; Alii Arcadum trimestres annos somniati sunt ⁹⁵, ut longaevam adeo priscorum illorum patrum vitam aetate minuerent. Sed certe ex hoc quoque plura incommoda insequuntur nec omnino effugiunt. Siquidem Iared nongentis sexaginta duobus annis vixisse dicitur. Si trimestres hi anni sunt, planum est quod ducentis quadraginta annis et sex mensibus vixisset, qui solis anfractibus peraguntur. Similiter Mathusala nongentos sexaginta novem annos aetatis peregit, qui, si trimestres anni sunt, ducentos quadraginta duos annos solares efficient et tres menses. Haec autem aetas [non] longe a nostris temporibus abest.

multa enim absurda inde sequerentur,

Ex horum etiam id opinantium somniis multa incommoda subsequuntur. Plane cum Sale describitur genuisse Heber, triginta annorum erat ⁹⁶ ; quod si trimestres anni sunt, septem tantum solares annos habuisset et sex menses. Ante quartum decimum autem annum gignendi potestatem natura homini non elargitur. Deinde : cum Abrahae et Sarae conceptus Isaac nunciatus est, *risit Sara... dicens: Postquam consenui, et dominus meus vetulus est, voluptati operam dabo?...* Erant enim ambo senes, propectaeque aetatis, et desierant Sarae fieri muliebria ⁹⁷. At certe cum elapso anno Isaac natus est, Abraham centenarius ⁹⁸, Sara vero nonagenaria erat ⁹⁹ ; quod si non communes anni solares, sed trimestres anni fuere, Sara viginti duorum annorum vertentium et sex mensium, Abraham vero viginti quinque fuisset. Num possunt homines nedum triginta annorum nati senes propectaeque aetatis dici ? Item : cum *deficiens mortuus est*

94) Virg. *Georg.*, lib. 2, vr. 402 : « Volvitur annus » ; et cf. pag. 429, not. 22 huius cp.

95) De his opinionibus cf. S. Augustinus *De Civitate Dei*, lib. 15, cp. 12, (P. L. 41, 451-452) ; S. Beda *De Temporum Ratione*, cp. 36-37, ibid. 90, 462-466 ; Plinius *Historia Naturalis*, lib. 7, cp. 48, pag. 75 ; Fel. Capitonius *Explanatones*, part. 1, *Explanat.* 15, pag. 29-30.

96) Cf. Gn 11, 14.

97) Ibid. 18, 10-12.

98) Cf. ibid. 21, 4-5.

99) Cf. ibid.

17, 17.

*in senectute bona propectaeque aetatis et plenus dierum*¹⁰⁰, centum septuaginta quinque annorum erat, qui, si trimestres fuissent, nonnisi quadraginta tres annos vertentes et novem menses constituissent. Totius ergo Abrahae vitae dies quadraginta quattuor anni fuissent in summum. Miranda plane senectus! Ecce enim *D a v i d* ait¹⁰¹: *Dies annorum nostrorum... septuaginta anni, si autem in potentatibus octoginta anni, et amplius eorum labor et dolor.* Non pervenit ergo ad senilem aetatem Abraham, qui *in senectute bona mortuus* dicitur; nisi forte dicas et Davidem de trimestribus annis intelligere: sed tunc longaeva hominum vita circiter vigesimum annum clauderetur.

Constare igitur figmentum istud non potest, nisi velimus universam Scripturae seriem evertere et tempora quaeque confundere. Cum enim a mundi constitutione ad diluvium usque mille sexcenti quinquaginta sex anni secundum *V e r i t a t e m H e b r a i c a m* recenseantur, si trimestres hi anni sunt, nonnisi quadringenti quattordecim anni solares interfuissent; et ita a mundi exordio ad usque Christi tempora vix mille anni profluxissent. Non itaque trimestres aut lunares anni censendi sunt, qui in genealogia hac et sequentibus enumerantur, sed solares, qui mensibus duodecim, hebdomadibus quinquaginta duobus uno superexcedente die, diebus trecentis sexaginta quinque^{101*} et quadrante constat: quibus evolutis, ad eadem siderum loca sol revertitur.

Plerique alii existimant¹⁰², vel potius somniant alios annos, dicentes quod decem ex illis annis, qui in hac genealogia recensentur, unum ex nostris efficiunt. Et ob hanc rationem inquit *S e p t u a g i n t a* centenarios addidisse annis ante generationem: puta cum Adam dicitur centum triginta annos vixisse, ipsi transtulerunt *ducentos triginta*; nam centum triginta anni illius generis nonnisi tredecim annos ex nostris constituunt. Homo autem tredecim annos natus non est aptus ad generandum; in generatione vero Mathusala, qui ante generationem centum octoginta septem annis vixisse scribitur, non addiderunt centenarium, quia homo duodeviginti annos natus potens est generare. Verum huius generis annos Scriptura non novit, nec probanda quoquo pacto est haec sententia.

et evertenda
esset omnis se-
ries S. Scri-
pturae et tem-
pora omnia
confundenda.

Pariter rei-
cienda est
opinio iuxta
quam decem
ex illis annis
efficiunt unum
ex nostris,
quia
tales annos
Scriptura
non novit.

100) Ibid. 25, 7-8.
cit. f. 31*.

101) Ps 89, 10.

101*) Ms.: 366.

102) Cf. Alph. Tostatus op.

Vera causa
longaevitatis,
iuxta
Hebraeos,
duplex est:
una naturalis,
idest continen-
tia et tempe-
rantia vitae;

altera mystica,
idest celerior
humani generis
multiplicatio
a Deo intenta.

Itaque cum solares, sive vertentes anni illi fuerint, quos vixisse referuntur prisci illi patres, merito inquirendum est quamnam ob causam tam longaevam duxerint in terris vitam. Hebraeorum nonnulli, ut Rabbīnus Abrabanel refert¹⁰³, geminas huiusce rei causas afferunt: alteram naturalem, alteram vero mysticam et divinam. Primam naturalem aiunt fuisse bonum regimen in victu, quoniam simplicia comedebant, fructus, et aquas simplices bibebant, non vinum, nec carnes mandebant; simpliciora autem alimenta, ut medici aiunt, ad longiorem vitam conferunt; compositiora vero ad vitae diminutionem. Secundo vero quia parce et continenter valde concubitus cum mulieribus exercebant: siquidem omnes centesimum circiter annum connubia celebrabant; continentia autem vitae longitudini admodum favet. Mysticam autem rationem divinam voluntatem assignant, quae ita disposuit voluitque eos tandiu vivere, tum ut eo citius humana diffunderetur propago, tum ut scientias et artes possent et invenire et exercere posterosque addocere.

Ex nostratibus quidam¹⁰⁴ plurimas adferunt causas propositae rei. Nos vero, longitudinis vitae in universum positis causis, propositae quaestioni respondebimus.

Iuxta catholico-
s prima cau-
sa longaevita-
tis est optima
corporis
complexio,

Originalis causa longitudinis animalium vitae optima complexio est, quae et quattuor simplicium corporum mixtione una cum suarum virium, primarum videlicet qualitatum, calidi, frigidi, humidi et sicci proportionem ac symphona quadam analogia consurgit. Tunc autem optima complexio est cum elementorum ille coitus et convenientia ad pondus est¹⁰⁵; nihil enim inconvenit mixtionem ad pondus dari primarum qualitatum.

quae ex
optima pro-
portione ele-
mentorum
et primarum
qualitatum
consurgit.

Non loquor in universum de qualitibus primis tum motivis, quales sunt grave et leve, et alterativis, quales sunt quas supra diximus; illud enim impossibile dari est, repugnat enim: tantus enim frigidi gradus maiorem efficit gravitatem, quam tantundem caloris levitatem; imo minus frigidi plus gravitatis efficit, quam maior calor efficiat levitatem. Ut ergo aequalitas motivarum sit, excessus sit alterativarum necesse est, et harum est aequalitas, in illis excessus erit. Nec loquor de motivis qualitibus. Etsi enim aequale ad pondus

103) Op. cit. f. 39^b-40^a.

104) Cf. Nic. Lyranus op. cit. f. 49^a; Alph. Tostatus op. cit. f. 33.

105) De temperamento ad pondus et ad iustitiam cf. supra cp. 2, pag. 220 et not. 68.

in illis simpliciter dari possit, cum possit intendens remittensque applicari absque eo, quod omni in loco mixtum illud consistat – si enim in loco ignis poneretur, utique descenderet, quia aqua, aer ter-
raque vincerent, igne nihil in tota sua sphaera obsistente : et si in aere poneretur, terra et aqua vincerent, quoniam solus ignis resisteret, aere nihil obsistente in sua sphaera : duo aequalia unum aequale singulis vinceret et mixtum descenderet ; similiter si in terra sisteretur per aquam ascenderet, quoniam sola terra resisteret, aer autem et ignis vincerent, aqua nihil in sua sphaera resistente : positum vero in utro-
rumque confinio, aquae videlicet et aeris, resisteret : tunc enim ae-
quales utrorumque resistantiae essent : – in animalibus autem huius-
modi mixtio esse non potest ; non enim posset anima eiusmodi moli
praedominari, nec ad vitales operationes animalesque ea mixtio esset
accommoda.

Loquor autem de mixtione primarum qualitatum, quae altera-
tivae dictae sunt ; et ea quidem a d p o n d u s utique esse po-
test : siquidem inaequali existente mixto intendens aliquod exhi-
beri potest, vel remittens qualitates, quae intensibiles ac remissibiles
utique sunt, atque eo agente ad ponderis aequalitatem actione
reduci. Imo necesse est in aliqua animalis parte hanc dari aequali-
tatem ob sensum tactus. Si enim in tactu aliqua excederet qualitas,
non posset omnes tangibiles qualitates sentire cunctorum obiectorum ;
non enim nisi excedentes obiectorum qualitates sentit : si quid enim
tangitur nonnisi excedens qualitas sentitur. Quod si tactus eam ae-
qualitatem non habet, excessus utique non sentiret. Hanc in humana
cute plerique statuunt ponderis aequalitatem, ut omnes possit quali-
tates sentire.

Aequae tempe-
ratae hae
qualitates
constituunt
optimam
partium dispo-
sitionem,

Advertendus tamen animus est in quolibet animali geminam
saltem complexionem reperiri oportere : alteram innatam, alteram
vero influxam. Innata est proxima ad formam qualitatum dispositio,
ac prima complexio dicitur ; influxa vero formam conservat ipsiusque
operationibus materiam reddit aptiorem. Et prima quidem frigida
magis siccaque est ; secunda vero calida atque humida. Cum autem
influxae qualitates naturalibus innatis coniunguntur proportionem ac
analogia optima, optimum fit temperamentum, cum sese hae duae
complexiones ad aequalitatem quandam reducunt sicque fit a d
p o n d u s temperies ; calidum enim ac frigidum, humidum atque

et optimum
temperamen-
tum,

siccum gradibus aequalibus commensurantur. Nunquam tamen ad seinvicem desistit actio atque reactio; etsi enim aequales gradibus sunt, non tamen potestate; semper enim calidum, etsi frigido aequale, ad agendum potentius est. Imo etsi aequa lance mensurarentur in potestate, adhuc mutuum inter eas esset bellum pugnaque reciproca, non tamen victoria: sed sese ad medium redigerent; calidum enim in aequale frigidum agit, quoniam hoc potestate calidum est: similiter et frigidum calidum; sese tamen consumere nequeunt, sed medium efficiunt temperatissimum.

in quo consistit sanitas et vita corporis animalis.

Et in hac quidem aequali qualitatum temperie maxime totius animalis sanitas vitaeque consistit incolumis; optima enim ea temperies est, quae a qualitatum extremis distat magis: in extremis enim corruptio sistitur. Nec tamen illud exquiratur ut ea temperies in singulis quibuscumque animalis partibus fiat *a d p o n d u s*; fieri enim nequit; plurimae enim partium functiones, ea aequalitate posita praepedirentur: cor enim calidissimum, ossa nervique sicca, cerebrum frigidum, pupilla humida esse debet; quod si ad eam aequalitatem ista redigerentur, perirent omnino ipsorum opera et functiones. Sed id est quod fieri potest, ut totalis complexio in omnibus simul animalis partibus, non in singulis, aequalis *a d p o n d u s* sit: ut in animali tantum sit caloris quantum et frigoris, tantundenque humidi atque sicci, quamvis partes sint hae quidem magis calidae, illae vero frigidae.

Quando autem elementi aliquius qualitas alteram excedit, tunc fit varietas complexionum

cholericæ,
sanguineæ,
phlegmaticæ,
melancholicæ.

At vero non semper, sed rarissime utique ea temperies fit sic aequalis. Frequentissime autem sese qualitates illae excedunt, unde plurimae fiunt complexiones, nunc quidem calida, dum ceteris aequalis calor excedit, nunc frigida, nunc humida, nunc sicca, cum earum una aliqua excedit qualitas, ceteris aequalibus existentibus. Deinde vero duae possunt qualitates excedere; et tunc si calor excedat una cum siccitate, ignea complexio fit, quae cholericæ in animalibus dicitur; si vero calor et humiditas, aerea fit complexio, quae dicitur sanguinea; si autem excedit cum humiditate frigiditas, fit complexio aquea, quae in animalibus phlegmatica dicitur; si demum frigiditas cum siccitate, terrea insurgit complexio, quae melancholica in animalibus dicitur. Quaelibet autem in modos innumerabiles ac pene infinitos dispartitur secundum maiorem minoremve excessum unius vel duarum

ad alias ; unde innumera insurgunt pro variis tum specierum tum individuorum formis temperamenta.

Potior vero harum temperies est, in qua calidum cum proportionato sibi humido vigent magis ; siquidem calidum atque humidum maxime favent vitae, ipsisque deficientibus ipsum quoque deperire necesse est. Potior ergo complexio est in qua humidum calidumque dominantur, qualitates cum sint viventibus necessariae animalisque substantiae potissimum convenientes ; primum tamen locum calor, secundum humiditas obtinere debet. Frigiditas autem atque siccitas mortis principia sunt, ubi invaluerint ; unde senes, quo amplius ad mortem tendunt, eo magis siccos et frigidos effici cernimus : et mortua statim corpora maxima occupat frigiditas atque siccitas, omnis autem calor fugit et humiditas. Frigidum itaque atque siccum mortis principia sunt : unde etiam brevissimae vitae ea complexio est ubi ea contigerit dominari ; humidum autem atque calidum vitam fovant. His autem illa ad contemperamentum adiecta sunt, ne membra aut nimio humore laxarentur atque profluerent, aut ne nimio calore citius consumerentur, nulla obsistente huic frigiditate, illi siccitate ; simul autem attemperata longiorem suapte natura vitam efficiunt. At vero quia omnis complexio in contrariis sita est, quae sibi semper pro complexionum varietate magis minusve resistunt, necesse tamen est ut aliquando debiliora paulatim vincantur, ex qua victoria paratur corruptio vitaeque deficit clauditurque periodus.

Secunda longitudinis vitae causa, potissima tamen, naturalis vitalisque calor est, igneae quidem naturae aemulus : non elementaris, is enim destructivus est, sed coelestis ideoque vivificus vitamque adeo sua praesentia praestans ut, quandiu in animali sit, vitam semper animal agat : eo autem extincto, necesse sit deperire ; unde recte dicitur a Philosopho¹⁰⁶ mors vivifici huius caloris extinctio esse. Ne autem quantocius extinguatur, perpetuo nutriri atque foveri pabulo necessum est in corpore, ceu lampadis flamma in ellychnio nutriri ad oculum cernimus atque ita necessario ut, nutrimento consumpto, mox flamma evanescat. Ita profecto calori huic, ut diu permaneat, nutrimentum aliquod suppeditari oportet, quo foveatur et conservetur. Quoniam vero nec minimum quidem temporis absque

Optima complexio ea est in qua calidum cum humido magis viget.

Sed quia paulatim elementa haec et eorum qualitates debilitantur, hinc vita deficit.

Secunda causa longaevitatis est proportionata temperies humidi et caloris in corpore animali.

pabulo consistere valet, natura provisum optime est a generationis exordio primigenio ac vitali humido quod, naturali calori una congeneritum, sedes sternitur quo perpetuo enutrirī possit, spiritu mediante. At quia humidum istud naturale continuo veluti volentem calorem cibans semper absumitur, ne penitus consumatur, quod facile potest tempore perquam minimo, statutis horis perpetuo reparari ac resarciri debet alimentorum sumptione cibi atque potus.

Ad vitam animalē requiruntur calidum et humidum, Ut igitur animal vivat necessaria sunt haec : naturalis vivificusque calor ; spiritus, qui calori substernitur sedes ; primigenius vitalisque humor ; utriusque fomes et alimentale nutrimentaleque humidum suppeditatum cibis ac potibus naturae amicis ; ceu ut luceat lampas flamma requiritur ; huic autem efflatus halitus ex olei substantia suscitatus sternitur : siquidem flamma ardens fumus est, olei autem pinguis humidaque substantia in ellychnio tum flammae tum halitus fundamentum ac pabulum est alitque utrumque et fovet: non tamen diu, nisi alimentario humore suffulta olei, qui statis horis lampadi infunditur.

sed praecipue humidum, Calidum itaque et humidum praecipue expetuntur ad vitam ; natura tamen humidum prius : quapropter ea corpora quae in initio maximam habent, proportionatam tamen, humiditatem, ad diuturniorem vitam sunt valde disposita, cum sic humida sunt, ut videatur calor sub tanta humiditate latere, nec cito possit coniunctam humiditatem evincere et manifestum obtinere dominium ; modo non tanta sit, ut omnino calorem obruat et suffocando extinguat. Quae vero in sui ortus principio permodicam habent humiditatem, ut statim possit calor praedominari et apparere superior, brevioris periodi sunt.

ut patet ex experientia. Huius rei paradigma ex ignibus sumi potest. Plerumque enim ignis¹⁰⁷ viridibus lignis subiectus adhuc valde humentibus, diutius delitescit iacetque absconditus, priusquam possit appositi combustibilis potiri dominio ; et interdum quidem quasi extinctus apparet atque oppressus, quandoque tamen, vigore resumpto, resistens fortiter agensque potenter, adhuc splendide micat flammisque in altum sustollit quasi in victoriae signum. Is tamen ignis liquido diuturnior est et fortior eo, qui in stipulis et straminibus aliisque valde exiccatis lignis accenditur citoque deficit ob humiditatis defectum.

Hinc non raro contingit ut qui in infantia ac pueritia gravissime fuerint periclitati de vita et perpetuo quasi languore vexati, longissimam vitam vivant cernanturque in aetate provectioni valere, postquam humidum illud, sub quo calor veluti oppressus delitescebat, iam fuerit evictum et calor obtinuerit principatum. Hinc iterum contingit eos interdum, qui per totam vitam languere videntur, longam tamen vitam ducere; signum enim in eis est nec tantum adesse calorem ut possit in humidum praedominari potenter, nec tantum humidum ut calorem omnino possit extinguere; sicque calor, cum modicus sit, humidi nequaquam potest multum consumere, ac proinde humidum minus commiscetur extraneo remanetque purius et efficax magis ad caloris fomentum.

At vero quia calor tantus est ut se possit adversus humidum, etsi minus potenter, defendere illiusque nonnihil, etsi permodicum, ad sui fomentum consumere: iccirco in vita animal diutius permanet, languens tamen ob sufficientis potentisque caloris defectum, cum non satis dominetur prout naturalium virium convenientes animali expetunt operationes. Humidum ergo cum calido aequae vel saltem aliqua proportionem temperatum, altera sunt longioris diuturniorisque vitae animalis causa et ratio.

Tertia causa sunt alimenta, sive alimentarium humidum et nutrimentale, quae ad praecedentem subsequitur. Tandiu enim animal in vita permanere natum est, quandiu naturalis calor ipsi non deficit; calidum siquidem vitae principium est, et mors nonnisi eius est caloris extinctio. Ne vero extinguatur humidi primigenii pabulo perpetuo nutriri debet; hoc autem primigenium ac vitale humidum, cum perpetuo vorantem igneum calorem pascere et in corpore fovere debeat, tempore perquam minimo facillime absumeretur, nisi ipsius iugiter fieret reparatio consumptique resarcitio; ad instar olei, quod lampadis flamma nutrit, nisi statis horis superinfusi olei ope iuvetur, cito deficit.

Tertia causa
sunt alimenta,

Reparari itaque ac veluti resarciri debet primigenium humidum alimentarii nutrimentalisque humidi interventu necessum est; et proinde alimenti sumptio cibi ac potus utique necessaria est ad vitam, ut ex alimentis electum humidum per naturales vires et plurimas digestionem purum ab excrementis separatum, primigeniam reparet ac interteneat humiditatem: et siccum alimenti, quod desumitur,

quae continuo
reparare
debent
primigenium
humidum;

resolutum ac consumptum carniū siccū restauret; calor enim nedum humidum, sed carnes quoque, in quibus sicci plurimum est, vorat. Quapropter et cibo, qui calidus et siccus ¹⁰⁸ praecipue esse debet, et potu frigido et humido animali opus est.

Quoniam vero primigenium illud ac vitale humidum non humor ille aqueus est, cuius interventu similes corporis partes sibi cohaerent et soliditate consistunt, nec naturae quoquo pacto aqueae est, sed aereae potius; humor enim quidam aereus vel aethereus censetur, unctuosus ac pinguis oleoque perquam similis. Nec tamen is adeps est, quo partes quamplurimas oblini cernimus: is enim in similarium partium substantiam conversus omnem effugit aciem oculorum, spargiturque per totum corpus omnesque partes, sicut calor ubique partium corporis est; unde et alimentum sive nutrimentum per totum corpus diffundi debet per venas atque arterias.

et quo perfectiora, eo magis ad hanc restaurationem conferunt.

Cum ergo tale sit humidum vitale, huic non omnino absimile nutrimentale, quo resarcitur ac reparatur, esse debet; quare non pure aqueum, sed pingue, dulce ac veluti viscosum. Unde ad humidi primigenii reparationem non potest utique potus ipse simplex per se sufficere: non enim ex ipso solo potest sufficiens pinguedo elici: sed ciborum concoctio et ex cibi substantia solidiori facta mixtio addit humido illi symbolum ipsius naturae sarcimen, veluti viscosam pinguedinem; quove resarcitum humidum ex alimentis pinguius fuerit, eo melius et durabilius; semper tamen iam deperdito ac consumpto, imperfectius: hoc quidem magis, illud vero minus, secundum alimentum virtutem. Quo enim cibus perfectior est, eo magis ad humidi restaurationem confert; quo vero magis virtute deficit, eo minus ad deperditi humidi reparationem sufficiens est.

Verum etsi perfectissima essent cibaria, nunquam tamen ex eorum alimentis posset aequè perfectum ac compar ei, quod deperditum est, humidum restaurari; cibus enim et alimentum, cum dissimile et contrarium sit in nutritionis initio adversaeque qualitatis, necesse est animalis virtutem ea in actione debilitari, cum agens omne in agendo repatiatur. Quapropter magis ac magis in dies animalis virtus debilitatur humidique innati virtus minuitur; quod si eius virtus aequè resarciretur, non senesceret, nec moreretur homo: sed

108) Ms.: *Quod calidum et siccum.*

cum ab initio actionis calidi in ipsum continuo minuatur, necesse est tandem deficere, cum aequè perfectum resarcimen non habeat.

Nutrimientale siquidem humidum semper, etsi symbolae, alienae tamen naturae est: primigenium vero humidum ipsum in suam naturam convertit; veluti vinum infusam aquam modicam in suam naturam convertit, absque quod statim primo virtus depereat vini, sed adhuc potens est infusam in sui substantiam convertere; quo vero plus aquae infuderis, eo fit vinum debilioris virtutis ac forte minus ad convertendam in se alienam extraneamque substantiam; quod si diu infundatur aqua, tandem ita vini minuetur virtus, ut ab aqua prorsus superetur penitusque deficiat ab aqua devicta. Ita primigenium illud deperit humidum, nec potest animal perpetuo vitam agere, cum eousque res devenerit, ut necessarium humorem illud perdiderit.

Ob hanc autem rationem non modicum ingluvies nimiaque insatiabilis gulae voracitas vitae longius protelandae officit. Per ipsam enim nimia fit extranei commixtio cum primigenio vitalique humido eiusque tum caloris virtus minuitur ac veluti nimia ac superexcedenti infusione obruitur et exstinguitur. Hoc autem, etsi primo quidem ad hypostasum singulariumque detrimentum pertinere videatur, vergit tamen, illis mediantibus, ad speciei damnum estque amborum intertrimentum. Cum enim per individua generatio fiat, ad eorum infirmitatem plane generationis infirmitas sequitur: siquidem, ceteris paribus, eos, qui fortiores sunt meliorisque complexionis, cernimus fortiores ac durabiliores progignere proles, illis qui infirmi ac debiles sunt.

Ipsa quoque luxuria et nimius inordinatusque coitus permagnum affert longiori vitae incommodum. Plerique enim nimia venere seipsos exhauriunt; obscenus enim ille luxus ac seminis emissio nimia vitae celerius exitum parat, cum primigenium vitaleque humidum valde exhauriat, exiccet et consumat. Hinc salacia ac multi seminis animalia, quae veneri valde incumbunt, celerius morte absumi cernimus; cuius rei paradigma de passerum maribus Aristoteles attulit¹⁰⁹ quod minus vivant femellis, quoniam plurimam venerem sequantur.

Id quoque etsi ad individuum spectare videatur, ipsum enim ve-

Officit tamen huic restaurationi excessiva sumptio cibi, quae causat humorum intemperiem.

Officit etiam luxuria, quae primigenium humidum exiccat, ut experientia docet.

109) *De Longitudine et Brevitate Vitae*, cp. 5, t. 1, pag. 442.

Haec autem debilitas, quae primum et immediate individuum afficit, in speciei etiam infirmitatem vergit,

nere utitur, quoad prolem verum genitam in speciei incommodum proculdubio vergit. Qui enim immoderatae rei venereae indulget et saepius, quam natura docet ratioque postulat, non potest hic nisi debilem procreare prolem, cum semen non possit in eo tantae perfectionis esse atque virtutis, quantae foret si hac in re esset moderatior. Cum enim semen multigena sit magnaue virtute ac perfectione natura refertum, non permodicum ei tempus sufficit ut suae virtutis accipiat perfectionem consummatamque virtutem ad plene efficaciterque sua obeunda munera efficiendasque operationes. Coitus ergo nimium frequens ad vanam delectationem obscenasque voluptates et non iuxta naturae ordinem ad speciei conservationem sobrie in usum vocatus, in causa est ut semen, per quod servatur generatio, non adeo potentis sit virtutis ad speciei reparationem ac esset si sobrie parciusque iuxta naturae institutum administraretur.

quia ex perfectione vel imperfectio-
ne seminum
perfecta vel
imperfecta
complexio pro-
lis exurgit.

Quod in maximum speciei incommodum ac detrimentum vergit eo maxime quo, eo vitio in causa existente, factum est ut homines intempestiva ac praematura connubia contrahant ante debitam maturitatem naturalemque perfectionem ad validam generationem commode sufficientem atque potentem generationi intendant. Siquidem miseranda hac nostra tempestate ante oculos cernimus puerulos adhuc atque puellulas copulari coniugio, amplexibus vacare, generationi intendere, quorum anni, si pariter iungantur, vix aetatem virilem attingerent; ut merito in proverbium tractum sit pueros generare pueros. Quis autem fieri possit ut hoc pacto non admodum debilitetur humana propago? Quemadmodum enim granum immaturum aut semen non debita maturitate perfectum, gignere non potest fructum convenientem et fortem multaeque durationis; ita plane in hominibus dicendum videtur: eos, qui sic ante tempus propriae perfectionis consummataeque virtutis in robore generationi vacant, non posse efficaciter suae speciei conservationem moliri; unumquodque enim tunc valide generare potens est, cum in sua specie propriam adeptum fuerit perfectionem virtutemque omnem suae hypostasi convenientem.

Hi ergo, qui longe adhuc a suae perfectionis termino absunt, quomodo feliciter prolem generare poterunt? Et licet verum sit homines ut decimum quartum attigerint annum quoad mares, et duodecimum vel circiter quoad feminas, ad generationem ut plurimum

sufficere, manifestum est tamen non posse illis tam perfectam inesse generandi virtutem, ut posteaquam in robur virile evaserint. Donec enim ad ipsius individui augmentationem plurimum intendit natura vegetatrixque potentia, non admodum sollicita de specie est ad generationis semen perficiendum; verum posteaquam augmento ad naturae debitam quantitatem evexerit individuum, tunc liberius ad speciei multiplicationem intendit efficitque tunc semen, quod de alimento superfluo resolutum est, potentius ad sibi simile generandum. Etenim cum complexio, ex qua plurimum vitae longitudo dependet, et ipsa vel maxime ex bona optimaque seminum tum maris tum feminae coniunctione dependeat, ex perfectione vel imperfectione eorum et seminum perfecta vel imperfecta prolis complexio, ut plurimum, temperatur et efficitur.

Verum enimvero etsi optima semper esset ea coniunctio quoad naturam fieri potest, necesse esset tamen defectum semper aliquem in aetatibus reperiri, deficientibus semper posterioribus a primis. Etenim quemadmodum nutritio ad individui restaurationem, sic generatio ad speciei reparationem naturae instituto ordinata est; ac sicut nutritio non potest ipsum individuum sine corruptione perpetuum ac immortale conservare, sed tandem deficere ipsum necesse est, ex quo non aequae satis per nutritionem primigenium humidum resarcitur ad perfectionem absumpti, sicque continuo deficit caloris vivifici fomentum ac perinde vigor – propter quod tandem necesse est rem devenire ad interitum, calore vitali eiusque pabulo penitus deficiente; – ita plane generatio, quae ad speciem non satis aequae fortem ac validam [propagandam] reparat speciei virtutem ut in principio fuerat, et quo amplius per generationes species propagatur animalis, eo continuo magis ac magis infirmatur virtus primariae complexionis quae in primaevae erat individuus: sicque paulatim in dies debilitatur virtus complexionis humanae. Siquidem a propagatione species ipsa dependet: haec autem a generatione: generatio vero a semine: semen demum a primigenio humido, quod semper magis ac magis in dies labefactatur et in singulis generationibus eius est sequior ¹⁰⁹. virtus atque infirmior. Quare cum eius virtus continuo labefactetur,

Ideo cum processu temporis magis ac magis infirmetur virtus primariae complexionis,

etiam singulae generationes paulatim invalidiores fiunt;

109*) Ms.: *Sector*.

nec satis aequè restauretur, necesse est et generationes continuo labefactari invalidioresque in dies esse virtutemque speciei debiliorem ac infirmioresem semper magis magisque in dies.

Et id quidem non solum in hominibus, sed indubie et in bestiis, plantis, herbis, arboribus eorumque fructibus verum reperitur ex eadem ratione. Et haec quidem naturalis ratio nobis ipsa demonstrat non posse omnes rerum viventium species perpetuo stare aeternasque esse : sed tandem necessario deficere ac desistere oportere. Siquidem finita speciei virtus est ; cumque eius virtus singulis generationibus minuatur, necessum est aliquando consumi : finitum enim per ablationem finiti absumi necesse est.

Est et alia vitae longitudinis causa, coelestis scilicet influxus solis aliorumque planetarum et astrorum. Vim enim habent haec in elementa et mixta : in elementa quidem, veluti cum sol absque igne suis radiis ignem generat, et aquam calefaciendo resolvit in vaporem et aerem ; deinde etiam elementa miscet, copulat applicatque ad pugnam, ut ipsa postmodum per se producant effectus : ex terra enim exhalationes, ex aqua vapores in ignem et aerem sol attrahit, quae coniuncta se mutant.

Mixtorum etiam causa sunt, tum quia elementa congregant ad mixtionem et id ultra virtutem formae productivam infundunt. Formae enim mixti productio non ab elementis, sed a coeli virtute est : inducit tamen non citra elementorum vires ac virtutes. Deinde et viventium in causa sunt, tum quia elementa congregant virtutemque formae productricem infundunt ; vel si non totam in universum virtutem imprimunt, coadiuvant tamen aliam virtutem, puta seminis, caloremque naturalem coalunt ¹¹⁰.

Imo is calor non elementaris, sed coelestis est, a coelesti, inquam, virtute, non elementorum. Cum autem is calor principium vitae sit eumque virtus coelestis astrorumque indat, elucet manifeste coelum et astra suis influxibus longitudinis vitae causam esse ; cum enim esse rei causa sint, sunt pariter et vitae et durationis.

Demum : vitae cuiuscunque duratio a divina voluntate libera et demum voluntas divina. rima pendet ; unde B. I o b ait ¹¹¹ : *Breves dies hominis sunt ; nu-*

¹¹⁰) Ms.: Coalit.

¹¹¹) 14, 5.

merus mensium eius apud te est : constituisti terminos eius, qui praeteriri non poterunt.

His ergo sic positis, ad id, quod quaesitum est, iam respondendum erit. Dicimus itaque primaevos illes patres longissime vitam in terris protelasse, quoniam omnes, quae mox dictae sunt, vivendi rationes in eis potissimae erant et ad diuturniorem vitam appositissimae. Si enim ad primam inspiciamus, optimae erant complexionis atque fortissimae. Primi enim naturae humanae parentes, Dei plasmata, Dei, inquam, manu formati, perfectissimam sortiti fuere complexionem optimamque temperiem. *Dei enim perfecta sunt opera* ¹¹² et eo maxime, quo eos in hanc sententiam condiderat ut perpetuo immortalem vitam ducerent, nec mortem gustarent in terris. Ad quem finem prohibitum illis erat lignum vitae a Deo, quod speciei virtutem adeo suapte natura confirmare ac roborare natum erat humidumque primigenium per actionem caloris deperditum resarcire, ut immortalitatem eius ligni beneficio sortitus fuisset homo. Sic enim legimus : *Nunc ergo, ne forte mittat manum suam et sumat etiam de ligno vitae et comedat et vivat in aeternum* ¹¹³. Post peccatum vero, absque ligni eius beneficio ob complexionis fortitudinem viriumque robur nongentis triginta ¹¹⁴ annis vixit ; primariae autem complexionis illius virtus in primaevis illis hominibus vel minimum labefactata perbelle duravit.

Primaevi homines diu vivebant, quia erant complexionis optimae et fortissimae.

Deinde vero et secunda ratio vivendi perfecta admodum fuit in eis. Cum enim condidisset Deus hominem ut perpetuo viveret, profecto calore eum vitali perfectissimo ac vivacissimo, humido quoque primigenio uberrimo calorique proportionatissimo ipsum attemperavit: horum enim proportio vitae longiori ducatum praestat, haec vitam efficiunt. Cum vero tum complexionis tum horum virtus per generationem in prolem transfundatur, quo est generatio validior, eo ad speciei virtutem perfecte servandam horum virtutem efficit validiorem ac potentiolem. In virili autem aetate validissima generatio est ; tunc enim vegetatrix potentia, cum debitam individuo perfectionem acquisierit, de speciei conservatione sollicitior facta, natura ad generationis semen perficiendum vacat efficitque tunc semen ad sibi simile generandum potentius maioriique refertum virtute. Primaevi autem illi homines non priusquam in virile robur evasissent genera-

Secundo: erant optimae proportionis vitalium elementorum et qualitatum ;

112) Dt 32, 4.

113) Gn 3, 22.

114) Ms.: 830 annis.

tioni intendebant : nullus enim ante diluvium legitur ante sexagesimum annum genuisse, sed supra, centesimum octogesimum septimum usque annum generationem nonnulli distulere.

neque ante
perfecti
roboris
acquisitionem
generationi
intendebant.

Quapropter cum perfectissimi tunc primigenii vitalisque humidi et caloris primi parentes extiterint, ipsi quoque speciei virtutem vel minimum aut nihil labefactatam in filios generatione transfuderint, ceterique illius aetatis, qui leguntur homines perfecte geniti, ipsi quoque non ante debitam maturitatem naturalemque perfectionem ad validam generationem sufficientem filiis procreandis operam dederint : virtus speciei tunc perfectissima perfecteque propagata per validam generationem diutius in individuis persistebat, ob primigenii humidi vivificique caloris perfectionem incolumenque virtutem, a conditione fere nihili labefactatam.

Tertio: eorum
alimenta per-
fectissima
erant, cum
olera, quibus
vescebantur,
multo meliora
ac perfectioris
virtutis essent,
quam post
diluvium.

Tertia quoque ratio magnum praestitit longiori vitae emolumentum. Etenim quo perfectior est alimentorum nutrimentalisque humidi virtus, eo perfectius primigenium humidum resarcitur. Et tunc quidem temporis terrae nascentia, quibus homines vescebantur, perfectioris utique ac multo melioris erant virtutis, quam nunc sint, tum quia diluvii aquis plurimum labefactata est productiva terrae virtus ob aquarum salsedinem : *Rupti sunt enim fontes abyssi magnae* ¹¹⁵, quod est mare oceanum, omnium maximum : salsedo vero plurimum terrae officit ; quapropter post diluvium filiis Noe carni esum Deus contribuit, post herbas herbarumque et arborum fructus et semina ¹¹⁶.

Praeter id autem etiam per multiplices generationes deficit hominis alimentorum virtus, quoniam eorum etiam generatio non perfecte et examussim speciei virtutem instaurat, sed continuo virtus minuitur : sicut et primigenium eorum humidum non plene per alimentarium resarcitur, alioquin nunquam corrumperentur, nisi ab extrinseco ; et horum quidem debilitatio in hominum damnum vergit, quoniam his pro cibo et alimento utitur homo. Quo vero cibus hic virtute deficit magis, eo minus ad humani corporis reparationem sufficit, sed ineptum magis magisque est. Cum ergo multo perfectioris efficaciorisque virtutis [essent] hominum alimenta cibusque tunc esset perfectior quam nunc sit, profecto ad longiorem vitam conducebant magis ad corpus restaurandum aptiora.

Deinde vero non nimium homines illi gulae indulgebant, sed frugaliter vivebant et convenienti mediocrique alimento utebantur ad victum simpliciaque alimenta adhibebant in cibum, quae, ut medici aiunt, ad vitam conservandam praestant magis quam compositiora. Illi certe fructus terrae et illos quidem optimos adhibebant in cibum, prout Adam, qui per infusam vel innatam scientiam naturalium omnium herbarum fructuumque terrae virtutes vitae plurimum conducentes, cognoscebat in usumque adduxit posteritati illius aetatis. In potum vero aquam habebant, non merum; parcitas vero et mediocris sobrietas in victu longiori vitae plurimum prodest, quoniam minus extranei humidi cum primigenio miscet; excrecens enim nutrimentale humidum primigenii virtutem plurimum labefactat atque debilitat, naturae cum sit extraneae.

Quarto: eorum temperantia et frugalitas, ipsi enim nonnisi fructus terrae adhibebant in cibum.

Deinde etiam vitam continentem valde primaevi illi homines ducebant; ad centesimum enim usque circiter annum, plus minus, continentem incorruptamque vitam ducebant; postmodum vero conubia celebrantes non ad vanam delectationem obscenasque voluptates venereas explendas, sed sobrie parciusque coitum in usum vocabant iuxta naturae ordinem, ad speciei conservationem illum administrantes, ad filios filiasque procreandas. Continentia vero longitudini vitae plurimum conducit, sicut nimius coitus officit permagnumque affert detrimentum, ceu salacia ac multi seminis animalia, quae venerem valde sequuntur vita celerius absumi conspiciamus¹¹⁷. Obscenus enim ille luxus nimiaque seminis emissio primigenium humidum valde exiccat, quo deficiente necesse est animal vita excedere; castitas vero et continentia ad vitae longitudinem confert plurimum. Hinc supra in expositione adnotavimus¹¹⁸, post Adam omnes qui coniugium acceleravere, vita quoque celerius eo absumptos esse; eos vero qui longius continentem et castam duxere vitam, longiori periodo perfunctos esse: ceu fuit Iared qui triginta duobus annis plus Adam vixit, quoniam tantundem temporis plus eo continentem vitam egit; similiter Mathusala annis triginta novem plus primo parente in vita hac commoratus est, quia annis valde plurimis castam vitam plus eo egit.

Quinto: eorum continentia.

Aspectus quoque siderum bonus eos plurimum ad longiorem vitam

117) Cf. pag. 463.

118) Cf. supra pag. 441-443. 448.

Sexto: primaevi homines eam plagam incolebant ubi optimus erat siderum aspectus.

iuvabat. Siquidem primaevi illi homines in orientali plaga orbis incolae fuerunt, qua parte, cum dextra sit orbis, optimus est siderum aspectus, unde ἀπὸ ἡλίου ¹¹⁹ ventus, qui subsolanus Latinis dicitur, in oriente sub solis radiis nascens, vitae, dum spirat, maxime favet et fovet; vitae autem periodus ab astrorum aspectu et virtute non modicum pendet, ut supra diximus ¹²⁰.

Septimo: Deus voluit primos homines tantum vivere, ut genus humanum melius propagaretur.

Demum tantae longitudinis dispositionem divinam in causa ponimus, qua sunt cuncta in ordine, pondere et mensura ¹²¹ disposita dulciter atque suaviter ¹²²; quae sic statuit ut illius temporis homines longaevam tanti temporis vitam agerent, ut et humana propago melius posset et crescere et diffundi: homines quoque rerum experientias adipiscerentur, artes ad vitam conducentes atque decentes invenirent, rerum causas venarentur et scientias rerum contemplatione investigarent. Voluntate itaque ac Dei virtute tanto tempore in vita perstiterunt.

Nec putandum est hoc fuisse miraculum, sed Deus adjuvit naturam, virtutem illi suppeditando ne citius deficeret.

Dico autem non quod miraculo vixerint, hoc est supra naturae vires, vel ¹²³ omnipotenti Dei virtute, citra naturae munus, et opera eos vivere voluerit; hoc enim falsum est: siquidem anima functiones suas et opera in corpore exercebat; sed quemadmodum [multiplicatio] filiorum Israel in Aegypto et post Dei omnipotenti virtuti tribuitur, quemadmodum ipse dixit: *Multiplicabo semen tuum sicut stellas coeli et . . . arenam . . . maris* ¹²⁴, quod natura quidem non valuisset tantocius, nisi praecipua Dei virtute adiuta et suffulta, in tantam multitudinem excrescere et in tot propagines ex uno stipite diffundi; ita quoque primaevi illi homines longissimum illum vitae periodum protelasse dicamus, Deo naturae suppeditante virtutem ne citius defecisset; naturalis tamen non supra naturam vita ipsorum censenda est, sicut Hebraeorum generatio naturalis fuit.

119) Ms.: *Apoliothl.*

122) Cf. *ibid.* 8, 1.

120) Pag. 466.

123) Ms.: *Sed.*

121) Cf. Sap 11, 21.

124) Gn 22, 17.

CAPUT SEXTUM

Vrr. 1-2

Cumque coepissent homines multiplicari super terram et filias procreassent, videntes filii Dei filias hominum quod essent pulchrae, acceperunt sibi uxores ex omnibus, quas elegerant.

Textus Hebraicus: Et factum est quia coepit homo multiplicari super faciem terrae et filiae natae sunt illis; et viderunt filii Dei filias hominum quoniam pulchrae ipsae, et acceperunt sibi uxores ex omnibus, quas elegerant.

Chaldaicus Interpres: Et fuit cum coeperunt filii hominum multiplicari super faciem terrae et filiae natae essent illis, et viderunt filii principum filias hominum quia pulchrae ipsae, etc.

Textus Graecus: Et factum est quando coeperunt homines multiplicari super terram et filiae natae sunt ipsis, videntes filii Dei filias hominum, etc.

Fuit nonnullorum Hebraeorum in *Gemara*¹ loci huius expositio, qui *Dei filios angelos* intellexere, qui incubi mulieribus adhaeserint et ex illis connubiis prognati filii gigantes fuere. Verum si angeli peccavere, ipsi, non homines, dare poenas tantorum scelerum debuerant. Refert autem Sacra Scriptura hominum, non angelorum scelera ut diluvium invaderet in causa extitisse: *Videns, inquit, Deus quod multa hominum malitia esset in terra, et cuncta cogitatio cordis humani intenta esset ad malum omni tempore, poenituit eum quod hominem fecisset in terra*². At *Rabbinus Abrabanel* ait³ mysticam atque secretam eam expositionem esse.

Filii Dei iuxta aliquos Hebraeos sunt angeli qui mulieribus adhaeserunt;

Alii vero *iudices nobiles et populorum magnates per Dei filios* intelligunt⁴, qui videntes filias hominum popularium sibi

alii tenent fuisse iudices et magnates;

1) Apud Rab. Abrabanel op. cit. f. 40^b; cf. etiam Gloseffo Flavio *Delle Antichità Giudaiche*, lib. 1, ep. 5, f. 3^b; Fagius, col. 222; Cartwrightus, col. 244. 2) Gn 6, 5-6. Vulg.: *Malitia hominum*, etc. 3) Op. cit. f. 40^a sqq. 4) Cf. Lactantius *Divinae Institut.*, lib. 2, ep. 15, (P. L. 6, 330-333); S. Hieronymus *Hebraic. Quaest. in Gen.*, ibid. 23, 948; S.

Augustinus *De Civitate Dei*, lib. 15, ep. 22, ibid. 41, 467-468; Rab. Salomon op. cit. f. 7^b; Nic. Lyranus op. cit. f. 50^a; Alph. Tostatus op. cit. f. 35^a; Hier. Oleaster *In Moysis Pentateuchum*, f. 20^a; Pagnini op. cit. sub radice: **ידי**, col. 287.

subiectorum pulcras atque ornatas, eorum pulcritudine capti, invititis parentibus ac vi e domibus rapientes, in uxores ducebant. At si iudicum et potentum universa ea facinora erant, cur non ipsi tantum, sed omnes in universum homines in eorum facinorum poenam aquis diluvii submersi pereunt?

alii vero filios patriarcharum. Alii *deorum filios* interpretati sunt ⁵, per *deos* intelligentes *proceros* illos homines *iustos* et virtute conspicuos, qui divini quodammodo homines videbantur, tum quia tandiu vivebant tum quia eorum vita eo longius protelata virtutibus omnibus elucebat; hi sunt qui hucusque relati sunt. Eorum vero filii patrum iustitiam minime aemulati, sed a parentum iustitia et pietate in omnem iniustitiam et impietatem prolapsi, tam miserandae diluvii cladis in causa fuere. Sed si isti peccavere, et isti tantum puniri debuere.

Rectius tamen intelligendi videntur filii Seth, sic vocati quia cultum Dei habebant. Alii *Dei filios* a Seth et Enos descendentes intelligunt ⁶, qui ob Dei cultum, quem habebant, [*filii Dei* vocantur]; siquidem Enos tempore nomen Dei invocari coeptum est ⁷. Hi ergo patrum pietatem religionemque aemulati Deum colebant; a Cain vero descendentes paternam impietatem referentes, a Deo aversi omnino erant. At vero cum et illi *filii Dei* a iustitia et pietate declinaverunt ad mala perpetranda, cum omnes declinassent factique inutiles essent, nec ad unum usque reperiretur qui bona ⁸ operaretur ⁹: *videns... Deus... ac dolore cordis tactus intrinsecus, delebo, inquit, hominem, quem creavi*. Arridet plane ista positio. Nec tamen in universum omnes Seth filios intelligimus, sed probos ac iustos Dei voluntatem efficientes eiusque exequentes iussa atque mandata, quos Deus ut filios diligebat.

5) Cf. S. Ambrosius *De Noe et Arca*, cp. 4, (P. L. 14, 366); Rabanus Maurus *Comment. in Gen.*, lib. 2, cp. 5, ibid. 107, 512; Hugo de S. Victore *Adnotat. Elucidat. in Pentat.*, ibid. 175, 45; Caletanus op. cit. pag. 44. 6) Cf. S. Io. Chrysostomus *Hom. 22 in Gen.*, (P. G. 53, 188-189); Theodoretus *Quaest. in Gen.*, *Interr.* 47, ibid. 80, 147-150; Procopius *Comment. in Gen.*, ibid. 87, 267; S. Eucherius *Comment. in Gen.*, lib. 1, (P. L. 50, 924); S. Beda *Hexaem.*, lib. 2, ibid. 91, 82-83; Alcuinus *Interrogat. Respons. in Gen.*, ibid. 100, 526; Rabanus Maurus *Comment. in Gen.*, lib. 2, cp. 5, ibid. 107, 512; Strabus *Glossa Ord. in Gen.*, ibid. 113, 104; Angelomus *Comment. in Gen.*, ibid. 115, 155; Remigius *Comment. in Gen.*, ibid. 131, 73; S. Bruno *Exposit. in Gen.*, ibid. 164, 176; Rupertus *De Trinitate*, etc. *In Gen.*, lib. 4, cp. 12, ibid. 167, 338; S. Ephrem Syrus *In Gen.*, cp. 5, t. 2, pag. 21; Nic. Lyranus op. cit. f. 50^a; Aben Ezra op. cit. f. 7^b. *Ioseph Kimchi*: «*Filii Dei sunt sancti seu pii, et ipsi sunt filii Dei, quia ipse diligit eos sicut pater diligit filium*». Apud David Kimchi op. cit. sub voce: 72. 7) Cf. Gn 4, 26. 8) Cf. Ps 13, 3; 52, 4; Rom 3, 12. 9) Ms.: *Operetur*.

Quapropter hunc locum ita, nihili reluctante, exponimus. *Cumque coepissent homines multiplicari super terram*. Commune speciei nomen *homo* est, sexum utrumque complectens: unde in hebraeo est: *Cumque coepisset* אָרְבַּךְ *multiplicari*: iuxta id quod supra dictum est: *Et*

Utraque generatio, Cain scilicet et Seth, admodum propagata erat;

*vocavit nomen eorum Adam*¹⁰. Cum ergo humana propago nimium excrevisset nimiumque per iuges generationes propagum esset longe lateque diffusa, erant tamen adhuc inter homines multi iusti ac timorati, Deum agnoscentes et diligentes, qui quod iustum¹¹ est et rectum coram Deo operabantur proximisque lucis exempla monstrabant. Erat tamen nihilo secius stultorum impiorumque multo maior ac pene infinitus numerus¹², qui nec Deum timebant nec hominem reverebantur¹³: homines iniqui, impii, scelesti, facinorosi, sine affectione, sine pace: homines seipsos amantes¹⁴ carnisque illecebras quascunque obscenissimas pro viribus sectantes.

sed filii Seth numero valde minores erant filiis Cain,

Illi ergo homines iusti erant et pii: isti iniusti et impii; illi Dei spiritu agebantur¹⁵ spiritualesque erant: isti concupiscentiis abstracti et illecti¹⁶, eis omnino parebant carnalesque erant; illi *Dei filii* erant, quod iustorum est: isti filii diaboli et opera patris volebant perficere¹⁷. Isti filias genuerant vanas, impudicas, lascivientes et impudentissimas, quae fronte ac vultu impudentissimo, elato collo ambulabant, composito gradu et nutibus oculorum ibant et plaudebant in crispantibus et torti crinibus, in luxuriose ornatis¹⁸ vestibis et fasciis pectoralibus, in monilibus, armillis, mitris et discriminalibus, in olfactoriis, inauribus, anulis et gemmis¹⁹, hominum oculos pellicientes et ad se trahentes ad concupiscentiam, luxuriam atque lasciviam, factaeque sunt iustis in laqueum atque decipulam. Ecce enim ait: *Videntes filii Dei filias hominum quod essent pulchrae, acceperunt sibi uxores ex omnibus, quas elegerant*.

et malis artibus seducti filiarum mistius et cupidine victi, eas acceperunt sibi uxores,

Sicut Eva, cum vidisset vetitum illud lignum quod bonum esset *ad vescendum et pulcrum oculis aspectuque delectabile*..., tulit atque comedit²⁰: ita isti, *videntes filias hominum quod pulchrae essent*, eas sibi in uxores acceperunt, non ob desiderium procreandorum filiorum

non ad filios procreandos, sed ad libidinem explendam;

10) Gn 5, 2.

11) Ms.: *Istum*.

12) Cf. Eccle 1, 15.

13) Cf. Le 18, 2.

14) Cf. 2 Tlm 3, 2-3.

15) Cf. Rom 8, 14.

16) Cf. Iac 1, 14.

17) Cf. Io 8, 44.

18) Ms.: *Ornati*.

19) Cf. Is 3, 16-23.

20) Gn 3, 6.

cum eis connubia contrahentes, sed cupidine victi ob voluptatem et intemperantiam. Hi sunt qui Dei gratiam in luxuriam transtulere ²¹; pulcritudo siquidem aspectus indeque concupiscentia secuta illos allexit ad eamque adduxit intemperantiae et scortationis perniciem. Aspectus occasionem praebuit; spectando vehementi sunt cupidine capti; inordinatae autem concupiscentiae frenum non ponentes, nec cohibere volentes, obscenissimorum scelerum sub undis mersi sunt. Primo simplici intuitu aspexerunt; simplex autem ille aspectus ruinarum illis causa extitit, quoniam pulcritudinis spectaculo capti, postmodum ad eas concupiscendas aspexere; cumque per concupiscentiae conceptum eas in corde suo moechati fuissent ^{21*}, deinde inordinatis concupiscentiis nimium indulgentes permissisque frenis habenas profuse laxantes, earum congressibus demum, non nuptiarum lege, vel prolis procreandae gratia, sed ad venereas concupiscentias explendas usi sunt.

et amore mulierum capti, averterunt corda sua a Deo et in omne malum prolapsi sunt.

Cum itaque alienigenas a Dei religione adamassent mulieres eisque ardentissimo amore copulati essent, illae eorum animos nimium allicientes, eorum pariter corda a Deo et iustitia ab omni pietate et religione averterunt, ut non amplius cogitarent quae Dei sunt, quomodo Deo placerent, sed quae carnis sunt, quomodo placerent uxoribus ²². Quapropter cum a iustitia et pietate mulierum causa aversi in omne obscenum scelus, impium et iniquum opus ²³ pauci illi, qui iustitiam, adhuc inter homines illos nequissimos servaverant, essent prolapsi, absque ulla reparationis spe vel salutis – *impossibile enim est*, ut ait Apostolus ²⁴, *eos, qui semel sunt illuminati, gustaverunt etiam donum coeleste et participes facti sunt Spiritus Sancti, gustaverunt... nihilominus bonum Dei verbum virtutesque saeculi venturi, et prolapsi sunt, rursus renovari ad poenitentiam*, – disposuit Deus homines e terra perdere mundumque diluvii aquis a tot tantisque sordibus abluere. Unde sequitur:

Vr. 3 *Dixitque Dominus* ²⁵: *Non permanebit spiritus meus in homine in aeternum, quia caro est; eruntque dies illius centum viginti annorum.*

21) Cf. Iud vr. 4. adiungitur.

21*) Cf. Mt 5, 28.

22) Cf. 1 Cor 7, 32-34.

23) Ms.: *Essent*

24) Hebr 6, 4-6.

25) Vr. 3. Vulg.: *Dixitque Deus*, etc.

Textus Hebraicus: *Et dixit Dominus: Non iudicabit spiritus meus in homine in saeculum,*²⁶ *eo quod etiam ipse caro est; et erunt dies eius centum viginti anni.*

Anima hominis apud B. Iob dicitur²⁷ *spiritus Dei: Donec superest halitus in me et spiritus Dei in naribus meis.*

Paraphrastes Chaldaicus: *Et dixit Dominus: Non consistet generatio mala ista in conspectu meo in saeculum, propterea quod illi sunt caro et opera eorum mala; spatium dabitur eis centum viginti annorum si forte convertantur, sive poeniteant.*

Targum Ierosolymitanum ita hunc locum paraphrastice reddidit: *Et dixit sermo Domini: Non iudicabuntur generationes, quae stant ad consurgendum exinde post generationem, vel aetatem diluvii, ut pereant, disperdantur et percutiantur exterminatione. Annon spiritum meum dedi in hominibus, quia caro illi sunt? Et opera eorum opera bona, et opera eorum opera mala. Ecce dedi eis spatium centum viginti annorum, si forte agant poenitentiam, vel non agant.*

Textus Graecus cum nostro concordat.

Diverse admodum expositores, tum nostrates²⁸ tum Hebraei, hunc locum exposuere. Est autem in Textu Hebraeo dictio una amphibola, unde omnis diversitas orta est. Nam יָדוֹן, ea vox potest tum a radice יָדָן emanare eritque sensus: *Non iudicabit, sive certabit, aut rixabitur spiritus meus:* יָדָן enim iudicare, rixari, certare et contendere significat; potest nihilo minus a יָדָן deduci, quod est vagina, sitque יָדוֹן pro יָדוֹן ponaturque hannach loco daghes, sicut est יָגֵשׁ, a נָגַשׁ.

Non permanebit, etc.
Variae
lectiones.

Rabbinus Salomon iuxta primum vocis significatum ita

26) Ms.: In adiungitur. 27) 27, 3. 28) Cf. S. Io. Chrysostomus Hom. 22 in Gen., (P. G. 53, 190-191); Gennadius Patriarcha Fragmenta in Gen., ibid. 85, 1642; Procopius Comment. in Gen., ibid. 87, 267-270; S. Hieronymus Hebraic. Quaest. in Gen., (P. L. 23, 948); S. Eucherius Comment. in Gen., lib. 1, ibid. 50, 925; S. Beda Hexaem., lib. 2, ibid. 91, 83; Comment. in Pentat., cp. 8, ibid. col. 224; Alcuinus Interrogat. Respons. in Gen., ibid. 100, 526; Rabanus Maurus Comment. in Gen., lib. 2, cp. 5, ibid. 107, 512; Strabus Glossa Ord. in Gen., ibid. 113, 104; Angelomus Comment. in Gen., ibid. 115, 155; Remigius Comment. in Gen., ibid. 131, 73; Guilbertus Morallium in Gen., lib. 3, ibid. 156, 85-86; S. Bruno Exposit. in Gen., ibid. 164, 176-177; Rupertus De Trinitate, etc. In Gen., lib. 4, cp. 13, ibid. 167, 339; Hugo de S. Victore Adnotat. Elucidat. in Pentat., ibid. 175, 45; Alph. Tostatus op. cit. f. 35^b.

Interpretatio Rab. Salomonis et Ioseph Kimchi. locum exponit ²⁹: « Non rixabitur, aut tumultuabitur spiritus meus intra me in saeculum propter hominem, perdam ne illum, an miserear ». Rabbini vero Ioseph Kimchi: ³⁰ « Non rixabitur, aut contendet spiritus meus superior, quem insufflavi in hominem, in saeculum cum corpore, quod animales belluinasque sequitur voluptates, quas ille nequaquam sequitur ». Alii aliter, quorum nil confert per singula texere expositiones.

Nos itaque hunc locum ita exponimus. *Non permanebit spiritus meus*, iuxta secundum vocis significatum: *non vaginabitur*: per *spiritum* enim rationalem animam intelligimus, quam Deus formato homini *inspiravit*... *et factus est homo in animam viventem* ³¹. Dicitur autem: *Spiritus meus*, per specialem ³² creationem: non enim omnes animae una creatae sunt a principio, neque a prima [anima] ex traduce manant, sicut humana corpora omnia a primo hominis corpore per generationem traducuntur; sed genito in matris utero ex semine viri atque mulieris humano corpore et concinna organizatione disposito, anima a Deo, nullo alio mediante, creata infunditur et fit homo estque corpus veluti vagina spiritus humani, qui in eo veluti gladius in vagina continetur. Voce tamen concinna magis noster Interpret paraphrastico more id expressit, dicens: *Non permanebit spiritus meus in homine*. Accipiendus autem hic homo est sicut ibi ³³: *Formavit autem Dominus Deus hominem de limo terrae, et inspiravit in faciem eius spiraculum vitae, et factus est homo in animam viventem*. In aeternum, inquit, idest multo valde tempore, ceu ad hoc usque tempus vivere homines paulo citra millenarium annum. *Quia caro est*: hoc est quia spiritu illo coelesti, quem ego insufflavi, abutuntur et quasi sola carne circumdati animaue carerent vitam absumunt, seipsos totos carnalibus operibus prodigentes; quia sunt animales homines, quae Dei sunt nihili sapientes: cum ego rationalem animam creaverim, ut me bonum summum agnosceret et intelligeret: intelligendo diligere ac summe amaret: amando possideret, ut tandem frui posset. Ipsi vero nec me, nec quaecunque mea sunt, agnoscentes aut agnoscere volentes, sed blasphemantes potius, *quaecumque norunt in his tan-*

29) Op. cit. f. 7^b.

sub radice: ך, col. 459.

30) Apud David Kimchi op. cit. sub voce: ך. Cf. Pagnini op. cit.

31) Gn 2, 7.

32) Ms.: Speciam.

33) Gn 2, 7. Vulg.:

*quam bruta animalia corrumpuntur*³⁴: carnalibus enim affectionibus et sensibus ducti et acti, in belluarum modum vivunt. Cum ergo coelesti eo spiritu tantopere abutantur, ut in vanum omnino rationalem animam accepisse videantur, brutali tantum contenti eiusque operibus semper occupati et dediti, *non permanebit spiritus ille meus in homine in aeternum.*

sed, contra, ea abutebantur vitam abusumendo carnalibus operibus omnino dediti.

Verum quia desperata omnino adhuc salus non est – homines enim sunt et poenitere adhuc possunt ut debent, – ut, relictā impietate et via sua mala, convertantur ad me faciantque iudicium et iustitiam³⁵ et non pereant, *erunt dies eorum centum viginti anni*, in quibus poterunt si voluerint delictorum suorum poenitere. Possunt enim, nam et rationem habent, qua et quae agenda sunt bona quaeque non agenda sunt mala possunt discernere: et voluntatem, qua perpetrata mala plangere et plangenda iterum non committere. Adhuc enim *spiritus ille meus*, qui in eis est, tanquam iudex in eis sedet, potens quod rectum est iudicare in conscientiae iudicatorio: adhuc συνήρησις^{35a} illa conscientiae scintilla, contendit et pugnat adversus mala, quae semper se a peccato immunem immaculatamque conservare cupit ac custodire, nec extinguī unquam potest, quin semper in malum remurmuret; hanc enim non valent violatores constupratoresque animarum daemones corrumpere. Hinc rixa discerpens et discrucians, supra quam cogitari possit, infelicem ac miserandam animam peccatricem, veluti acerbissimus quidam vermis, qui pungentissimo semper aculeo pungit, mordet ac rodit continuo nec unquam moritur; quoniam naturalis ille instinctus, scintilla illa rationis, apex ille mentis malum semper abhorret et execratur, semperque συνήρησις ad Dei dilectionem et bonum impellit; reproba tamen voluntas pravis voluptatibus depravata atque corrupta toto odiorum conatu in adversum resilit. Ipsorum deliberatione opus est, si velint a malo declinare poenitentesque delictorum bona facere; ego *centum viginti annorum* tempus contribuo; quod si intra id tempus non eos malorum poenituerit, diluvio peribunt.

Deus igitur eos delere decernit; sed cum poenitere potuissent, ideo dedit eis spatium centum viginti annorum, ut poenitentiam agerent.

Vr. 4 *Gigantes autem erant super terram in diebus illis. Postquam enim ingressi sunt filii Dei ad filias hominum, illaeque genuerunt: isti sunt potentes a saeculo viri famosi.*

34) Iud vr. 10. Vulg.: *Quaecumque... tanquam muta animalia norunt, in his corrumpuntur.*

35) Cf. Ez 33, 19. 35a) Ms.: *Sintheresis*, sic et infra.

Textus Hebraicus: *Gigantes fuerunt in terra in diebus illis, et etiam postea quam ingressi sunt filii Dei ad filias hominum, et genuerunt illis: isti sunt fortes, qui a saeculo homines nominis.*

Chaldaicus Interpres: *Fortes, sive potentes fuerunt in terra in diebus illis, et etiam postquam venerunt filii principum ad filias hominum, et pepererunt ex illis, illi potentes, qui a saeculo homines nominis.*

Graeci habent: *Isti fuerunt gigantes a saeculo homines nominati.*

De gigantibus
antiquorum
poetarum
fabulae.

Credidit vecors vetustas³⁶ gigantes homines fuisse excelsissimae staturae et draconum pedibus, ab irata tellure procreatos in deorum perniciem, ut scilicet superis bellum inferrent Iovemque de coeli possessione deiicerent. Haec autem commenta sunt et indoctae poetarum fabulae.

Gigantes
intelliguntur
homines
corpore
sublimes,

Nos certe dum gigantes audimus aut legimus, homines intelligimus proceros excelsaeque staturae, viribus fortes atque potentes, ceu de rege Basan, Og, dicitur³⁷, qui solus de gigantum stirpe superstes relictus fuerat monstrabaturque *lectus eius ferreus... in Rabath filiorum Ammon, novem cubitorum habens longitudinis et quattuor latitudinis ad mensuram... virilis manus*. De Goliath etiam qui *altitudinis erat sex cubitorum et palmi*³⁸. Ita quoque exploratores duodecim tribuum de terrae gentibus ad Moysen et populum retulere: *Populus quem aspeximus, procerae staturae est; ibi vidimus monstra quaedam filiorum Enach de genere giganteo, quibus comparati, quasi locustae videbamus*³⁹.

viribus fortis-
simi et valde
perversi.

Gigantes itaque homines sunt corpore sublimes ac vasti, viribus fortes atque robusti, ab hominibus tamen geniti. Quo vero corpore excelsiores ac vastiores viribusque potentiores erant, eo moribus et animo praviores ac nequiores: superbi, elati, luxuriosi, raptores, scelesti ac facinorosi; quapropter recte, forte secundum allegoriam, dicti sunt a poetis contra deos bella gerentes pedibusque serpentinis. Hominum enim gens quaedam impia erat Deum negans: ideo existimata Deum e coelesti sede pellere voluisse; pedibus vero in draconum

36) Homerus *Odyss.*, lib. 1, vr. 310; Lucanus *De Bello Civili, seu Pharsaliae*, lib. 1, vr. 36; lib. 3, vr. 316; lib. 4, vrr. 593-610; lib. 6, vr. 665; lib. 7, vr. 145; lib. 9, vrr. 656-658; Hesiodus *De Generatione Deorum*, vrr. 185-186; Ovid. *Metamorph.*, lib. 1, vrr. 149-154; lib. 5, vrr. 319-324.

37) Dt 3, 11. Vulg.: *Cubitos habens*, etc.

38) 1 Rg 17, 4.

39) Nm 13, 33-34. Ms.: *Staturae sunt*,

volumine designati quod rectum nil cogitarent, totius vitae eorum gressu atque processu ad inferna vergentes. Unde facta de his gigantibus mentione, statim subinfertur: *Videns autem Deus quod multa malitia hominum esset in terra et cuncta cogitatio cordis humani intenta esset ad malum.*

Unde autem orti sint manifestat, dicens: *Postquam enim ingressi sunt filii Dei ad filias hominum, illaeque genuerunt, isti sunt potentes a saeculo viri famosi*; ex hominibus, inquit, orti sunt, cum *filii Dei*, idest iusti illi homines filiique iustorum [*ingressi sunt ad filias hominum*]. Hi corporis statura cum essent proceri et fortes viribus, *virii potentes* dicuntur a saeculo nominati atque *famosi*, quorum fama passim in saeculis illis invulgaretur ob eorum magnitudinem et fortitudinem; vel forte melius *virii famosi* dicuntur quod, cum fortes viribus essent atque potentes, potestatem in subiectos nequissime exercebant veluti crudeles immanesque tyranni. Dicti sunt autem *gigantes*, hebraice: **הַנְּפִלִים**, cuius etymologia ducitur a verbo: **נָפַל**, quod est cadere.

Potentes dicuntur ob magnitudinem et virium fortitudinem; famosi, quia eorum fama late vulgata fuit.

Hebraei in *Bereshit Rabba*, ut *Rabbinus Abrahamel* refert⁴⁰, inde aiunt sic esse dictos, quod *filii Dei* non acceperint *filias hominum* in uxores publico matrimonio, sed clandestino; cum vero illae ab his pepererunt, notum factum est peccatum eorum: quare filii eorum habiti sunt veluti illegitimi et nothi et propterea sic dicti sunt.

Ipse vero *Rabbinus Abrahamel* aliam affert rationem huius nominis, quod cum *filii Dei*, qui statura proceri, sublimes vastique erant – et propterea forte sic dicti sunt, sicut *montes Dei*⁴¹ et *cedri Dei*⁴², idest altissimi montes et maximi. – adhaesissent ad filias hominum parvorum, idest minoris staturae, cum illae ab his concepissent, non valuerunt conceptos fetus ad nonum usque mensem portare in utero ob magnitudinem; quare abortum passae sunt et ante nonum mensem pepererunt ac propterea cadentes dicti sunt filii; **נָפַל** enim abortivum dicitur in lingua hebraica⁴³.

Alii vero sic dictos putant⁴⁴, quod cum vasto et grandi corpore

40) Op. cit. f. 41^b. 41) Ps 35, 7. 42) Cf. Ps 70, 11. 43) Cf. Pagnini op. cit. sub voce: **נָפַל**, col. 1653; Io. Buxtorflus et A. Zanolini *Lexicon Hebraicum*, sub eadem voce.

44) Cf. David Kimchi, qui deducit etymologiam huius vocis a: **נָפַל**, cadere. Op. cit. sub hac voce. Cf. etiam Rab. Aben Ezra et Salomon op. cit. f. 8^a.

De gigantum
denominatione
opiniones
Hebraeorum.

essent, ceteri hominum pavore illorum ceciderint, sicut et quidam populi terribiles vocati sunt: גיגאנטימ, a terrendo. Alii existimant⁴⁵ gigantes sic appellatos quod lapsi essent a communi corpulentia et excessissent patres suos in statura atque potentia.

Gigantes dicti
videntur ob
violentiam et
crudelitatem
qua alios
opprimebant.

Ego vero sic dictos puto, eo quod suis facinoribus et impiis operibus homines prosternerent et ante se morte crudeli et immani violentia cadere facerent, nefariis manibus necem ob animi crudelitatem inferentes; unde ipsi in omne execrandum scelus, detestandumque facinus corruerunt seseque scelestissime et impiissime praecipites dederunt. Unde ob nequissima et scelestissima eorum facinora immanesque impietates nominatissimi erant, cum terram omnem violentia, impietate et crudelitate replevissent. Unde sequitur:

Vrr. 5-7 Videns autem Deus quod multa malitia hominum esset in terra, et cuncta cogitatio cordis intenta esset ad malum omni tempore, poenituit eum quod hominem fecisset in terra. Et praecavens in futurum⁴⁶ et tactus dolore cordis intrinsecus, Delebo, inquit, hominem, quem creavi, a facie terrae, ab homine usque ad animantia, a reptili usque ad volucres coeli; poenitet enim me fecisse eos.

Textus Hebraicus: Et vidit Dominus quoniam multa malitia hominis in terra, et omne figmentum cogitationum cordis eius solummodo in malum omni die; et poenitudine ductus est Dominus, quia fecit hominem in terra. Et dolore affectus est in corde suo et dixit Dominus: Delebo hominem, quem creavi, a superficie terrae, ab homine usque ad iumentum, usque ad reptile et usque ad volatile coeli; quoniam poenitet me quia feci ea.

Paraphrastes Chaldaicus: Et innotuit coram Domino quia multa malitia hominis esset in terra, et omne figmentum cogitationum cordis eius solum malum omnibus diebus, et poenituit Dominum in sermone, vel verbo eius quia fecit hominem in terra, et dixit in verbo suo ad conferendum furores eorum in beneplacito suo. Et ait Dominus: Delebo hominem, quem creavi, a superficie terrae, ab homine usque ad iumentum, ad reptile et ad volatile coeli, quia poenitet me in verbo meo quia feci ea.

45) Cf. Nachmanides h. l.; Alph. Tostatus op. cit. f. 36^a; Munsterus, col. 220. Circa varios sensus vocis: Gigantes, cf. Bereshit Rabba, XXVI, 7, pag. 253-254.

46) Praecavens in futurum: circa verba haec, quae a Vulgata expuncta fuerunt, cf. Io. De La Haye Biblia Maxima Versionum, vol. 1, pag. 75; Aug. Calmet Comment. in Gen. pag. 55; H. Quentin Biblia Sacra, etc. h. l.

Textus Graecus habet: *Et consideravit Deus quod fecit hominem in terra, sive animo retractavit.*

Videns Deus,
etc.
S. Scriptura
figurata loquitur,
quia Deus
nec corpus
habet, nec
oculis indiget,

Sacra Scriptura prosopopoeia quadam mirifice hic Deum transvestit ac sub hominum veste demonstrat; quae enim hic dicuntur, per ἀνθρωποπάθειαν ⁴⁷ intelligenda sunt. *Videns autem Deus*, ait, *quod multa malitia hominum esset in terra.* Hoc est Deum *videre*, aliquid sibi innotescere; neque enim oculos habet ad videndum cum spiritus sit, non corpus: divino autem intellectui omnia, etiam abditissima, usque adeo nuda apertaue ⁴⁸ manifestissime sunt, nota et cognita ac si quis perspicacissimis oculis in luce clarissima ea cerneret. Hoc est ergo: *Vidit Deus multam hominum malitiam*: quia haec sibi innotuit manifestissime, etiam quae in penitissimis cordium intimis inscrutabilibusque latebris delitescabant. Ipse enim corda scrutatur renesque probat omnium ⁴⁹; nec solum ea, quae foris parent, ut homines, clarissime videt, sed intimissima cordis intuetur ^{49a}. Ecce enim ait: *Et cuncta cogitatio cordis*: nihil sibi latebat omnino, sed ubique locorum ubique temporum omnia sibi dilucescunt.

Praesens enim ubique est omni tempore, adeo ut nec locorum latibula, nec tenebrarum obscura, etsi maxima, aliquid ab eo vel celent vel abscondant. Hinc David ait ⁵⁰: *Quo ibo a spiritu tuo et quo a facie tua fugiam? Si ascendero in coelum tu illic es, si descendero in infernum ades. Si assumam alas aurorae, habitabo in extremis maris, etiam illuc manus tua deducet me, et tenebit me dextera tua. Et dixi: Forsitan tenebrae operient me, et nox lux pro me; etiam tenebrae non obtenebrescent apud te et nox sicut dies lucebit; similes sunt tenebrae luci.* Quam clarus ac potens est hic Dei oculus, qui aliena solis aut lunae non indiget luce, sed ipse per se lux est clarissima inter densissimas etiam tenebras clarissime nobis, tamen invisibiliter, lucens, qui aspectu simplicissimo omnem etiam abditissimum locum lustrat.

et ubique
praesens
semper est.

Itaque *vidit Deus quoniam multa malitia hominum esset in terra; malitia*, idest pravitas et iniquitas operum et affectionum: *multa*, inquit, *malitia*: tum quia peccantium maxima erat multitudo; uni-versa siquidem tunc hominum alluvies ⁵¹ ad mala quaeque perpe-

Multa malitia
erat, quia uni-
versa homi-
num multitu-
do omni pror-
sus genere

47) Ms.: *Anthropospathiam*, et infra: *Anthropospathon*.
Par 28, 9; Ps 7, 10; Sap 1, 6; Ier 11, 20; 17, 10; 20, 12; Apc 2, 23.
16, 7. 50) Ps 138 (hebr. 139), 7-15. Ex hebraico.

48) Cf. Hebr 4, 13.

49) Cf. 1

51) Ms.: *Luvie*.

peccatorum
multipliciter
sese macula-
verat,

et omni conatu
et cogitatu
maligno mala
semper perpe-
trabat.

tranda praeceps ruebat, universa gens illa et non recta nata natio, cui melius fuisset si nata nunquam fuisset ⁵², peccatrix erat, omnes filii nequam et scelerati ac vix unus repertus est iustus. Deinde vero multa eorum omnium erat iniquitas, quia non uno aut altero tantum peccatorum genere erant polluti, sed omni prorsus genere sese multipliciter maculaverant: populus *gravi* valde *iniquitate* ⁵³. Neque vero ex passione tantum carnis illecebra et prava affectione ducti peccabant, ut plerisque contingit, sed ex industria, omni virium conatu et cogitatu maligno quisque iniquis operibus operam dabat: *Et cuncta*, inquit, *cogitatio cordis intenta esset ad malum*: hoc est, ut Graeci paraphrastico more transtulere, *unusquisque cogitabat in corde suo diligenter ad mala perpetranda*. A talibus autem tantisque sceleribus execrandisque facinoribus et pravissimis corruptissimisque affectionibus nullo unquam tempore desistentes, quotidie procedebant in peius: *Omnis*, inquit, *cogitatio*, sive *figmentum cogitationum ad malum* tantum, quia boni nihil agebant, sed nec cogitabant, *omni tempore*. Haec cum vidisset Deus, iustissime indignatus est; unde sequitur:

Poenituit.
Figurate ex-
primitur pec-
catorum gra-
vitas et Dei
indignatio;

Poenituit eum quod hominem fecisset in terra. Quid est: *Poenituit eum*? Nunquid homo est ut poenitere possit? Ecce de eo Samuel Propheta ait ⁵⁴: *Porro triumphator in Israel non parcat et poenitudine non flectetur; neque enim homo est ut agat poenitentiam*. Per alium vero Prophetam ipsemet ait: *Ego... Deus et non mutor* ⁵⁵. Beatus quoque Iacob Deum Patrem luminum vocat ⁵⁶, *apud quem non est transmutatio nec vicissitudinis obumbratio*. Verum per ἄνθρωπος-πάθος intelligendum est quod hic dicitur poenituisse Deum et cordis dolore intrinsecus tactum; homo enim, dum ⁵⁷ prius actum quippiam demolitur et destruit, facti iam operis se poenitere ostendit. Nihil tamen poenae aut doloris in semetipso passus est Deus, nullum discrimen; impassibilis enim natura est. Dicta sunt autem haec ut peccatorum gravitatem simul et acerbitem intelligamus, « quae divinam meruerint offensam tanquam eousque increverit culpa ut etiam Deus, qui natura non movetur aut ira, aut passione, aut odio, provocatus videatur ad iracundiam » ⁵⁸. Poenitentia ergo facti hominis

52) Cf. Mt 26, 24; Mc 14, 21.

53) Is 1, 4.

54) 1 Rg 15, 29.

Vulg.: *Ego... Dominus*.

56) Iac 1, 17.

57) Ms.: *Duc*.

55) Mal 3, 6.

Noe et Arca, cp. 4, (P. L. 14, 366).

58) S. Ambrosius De

haec Dei divinam exprimit voluntatem, iustissime exigentem peccatorum poenas ab homine eumque de terra viventium delere volentem; dolor autem ille cordis ira est et indignatio divinae voluntatis, idest divinam exprimit voluntatem aequissimo iustitiae suae iudicio hominem peccatorum suorum punire volentem.

Ira siquidem vindictae appetitus est et ulciscendi libido : et haec quidem in Deo est citra omnem passionem et perturbationem. Aequissima enim via Domini est, rectissima ac iustissima eius voluntas, quae omne quidem bonum praemiis bonis confertis ac supereffluentibus remunerare supra quam digna etiam merita exigant, malum etiam omne vult non impunitum abire.

Deus enim
passiones non
subit, sed
aequissima
iustitia bonos
remunerat,
malos punit.

Videns itaque Deus tanta ac tot hominum detestanda execrandaque mala, scelera atque facinora, nulla aut irae, aut odii indignationisque passione permotus, aequissimo ac iustissimo voluntatis suae iudicio, vindictam malorum meritissimasque ac iustissimas peccatorum exigit poenas ; vultus siquidem Domini super facientes mala, ut perdat de terra memoriam eorum ⁵⁹. Unde ait :

Ideo tot facinorosos e terra
delere
decernit.

Delebo . . . hominem, quem creavi, a facie terrae, ab homine usque ad animantia, a reptili usque ad volucres coeli ; poenitet enim me fecisse eos. Ecce, inquit, hominem ego mea manu condidi et creavi; quem etsi carne vestitum in terrae regione posui, in loco quidem tentationis – caro siquidem corruptelae illecebra est, – eius tamen nunquam immemor factus sum, nunquam auxilio defui : sed eum iugiter visitans continuo mea gratia affui. Eum paulo minus ab angelis ⁶⁰ vel, si mavis, a Deo minui; mentem enim rationis capacem virtutemque animae corpori infusam dedi : gloria eum et honore coronavi, omnia sub pedibus eius subiiciens : super opera manuum mearum praefectum constitui, dicens ei ut dominaretur *piscibus maris et volatilibus coeli et bestiis universaeque terrae* ⁶¹ ; eum veluti alterum deum post me constitui, mea imagine et similitudine insignitum, ut cum his omnibus et ex naturae debito et deitatis meae honore me summopere coleret, me agnosceret et intelligeret mente et intellectu, me super omnia et in omnibus diligeret ac summo amaret affectu et corde pleno : ad mei gloriam et honorem bona quaeque totis viribus operaretur : ut post haec ego immarcescibilis gloriae corona ^{61a} auro,

Delebo, inquit,
hominem,
etc.
Paraphrasis
huius loci,
ubi demonstratur
impressa divinum
munus
largitas

59) Ps 33, 17.

60) Cf. Ps 8, 6-8.

61) Gn 1, 26.

61a) Cf. 1 Petr 5, 4.

gemmis omnique lapide pretioso coronarem summisque honoribus et amplioribus praemiis, donis atque muneribus misericorditer et iuste donarem. Haec quidem mea erat sententia, in hanc eum sententiam condidi et creavi; consilium vero et propositum [est] iustitiae aequitas et rectitudo inobliqua et inflexibilis.

et hominum
erga Deum
perversa
ingratitude.

At vero ipse homo, imo non homo, sed humus, terrenus totus, me summo bono relicto et post terga habito, mea gloria et honore contemptis, quaecumque fide et caritate me colentibus ac diligentibus praeparavi nihili pensis, me insuper floccifaciens et omnia bona mea vili habens, corruptibilibus bonis adhaesit; his oblectatus et delectatus, eorum, quae Dei sunt, nihil sapere, sed tantum quae carnis et mundi sunt ⁶², omni virtute contempta, iustitia relicta meisque mandatis transgressis, in brutorum animalium modum magis quam rationabiliter vitam agere sibi delegit. Quare animalis totus, factus similis iumentis insipientibus ⁶³, *quibus non est intellectus* ⁶⁴, totus carnalis et caro factus, indignum semetipsum reddidit nedum me meisque bonis, quae illi paraveram, sed vita quoque hac ipsa, ut spiritus ille meus coelestis, quem in faciem eius a conditione spiravi ^{64a}, in homine ad brutalem vitam agendum amplius habitaret: siquidem *caro est*.

Demonstratur
etiam Dei
patientia pec-
catores ad
poenitentiam
expectantis et
humani cordis
duritia
divinam
bonitatem
contemnentis.

Verum enimvero quia natura volubilis est poteratque a via sua mala ad me converti ut operaretur iustitiam, impietate relicta, sicque non moreretur, sed vita viveret ⁶⁵: poenitentiae tempus ei largitus sum ad id, centum viginti annos contribuens vitae ad poenitentiam eos expectans, ut viderem si forte converterentur a via sua pessima ^{65a}. Ipsi vero intra id tempus impietati ad impietatem et immunditiae ad immunditiam magis servientes, iniquitatibus iniquitates peccatisque peccata addidere. Quapropter *secundum duritiam cordis sui et im-
poenitens cor* eorum, magis magisque thesaurizaverunt sibi *iram in
die irae et revelationis iusti iudicii Dei* ⁶⁶, ignorantes quod benignitas mea ad poenitentiam eos adduceret; sed bonitatis et patientiae et longanimitatis meae divitias contemnentes ⁶⁷. Quid nunc igitur facto opus est, cum res quotidie in peius eat? Consilio meo meoque incommutabilis voluntatis proposito de habenda iustitiae et rectissimi iudicii ratione servato, sententiam, in quam hominem creavi, mutato

62) Cf. Rom 8, 5.

63) Cf. Ps 48, 13, 21.

64) Ps 31, 9.

64a) Cf. Gn 2, 7.

65) Cf. Ez 18, 21 sqq.

65a) Cf. Ier 35, 15; 30, 3, 7.

66) Rom 2, 5.

67) Cf. ibid. vr. 4.

opus est ; siquidem mutare novi sententiam, etsi consilium mutare non novi.

Et haec quidem sententiae mutatio in Sacris Litteris *poenitentia* dicitur ; et hoc est : *Poenitet me fecisse eos* : quia eos quidem ad vitam aeternam coelestemque gloriam destinaveram ; nunc, aeterna morte damnatos, temporali etiam vita eos privare rectissimo iustitiae meae iudicio opus est. Verum quia et animalia cuncta in eius usum creaveram, eo deleto propter quem feci ea, ad quid ipsa vivent ? Ea itaque cum eo simul delebo, *ab homine usque ad iumentum, ad reptile et ad volatile coeli*.

Quare homines vita supernaturali et aeterna privati, temporali etiam privantur,

His pro textus expositione positis, ad luculentiorum elucidationem quaesitum habere operae pretium erit in praesentiarum : sit ne Dei voluntas immutabilis omnino, an verti atque mutari quoquo pacto possit. Multa sunt enim in Sacra Scriptura quae vertibilem Dei voluntatem oculotenus ostendunt, veluti hic dicitur : *Poenitet me fecisse hominem* ; et in *Samuelis 1* ⁶⁸ : *Poenitet me*, ait, *quod constituerim Saul regem*. *David* quoque ait ⁶⁹ : *Poenituit eum secundum multitudinem miserationum suarum* ; per *Ieremiam* quoque Dominus ait ⁷⁰ : *Noli subtrahere verbum, si forte audiant et convertatur unusquisque a via sua mala, et poeniteat me mali, quod cogitavi facere eis propter malitiam studiorum eorum*. Idem quoque Propheta ait ⁷¹ : *Nunc ergo bonas facite vias vestras et studia vestra et audite vocem Domini Dei vestri, et poenitebit Dominum mali, quod locutus est adversum vos* ; et alibi idem ait ⁷² : *Si poenitentiam egerit gens ista... agam et ego poenitentiam* ; et multa alia sunt huiusmodi ⁷³. Deinde vero, cum liberimae voluntatis sit Deus liberumque arbitrium habeat, quod ad opposita suapte natura est, cur verti non potest, ut quod prius nolebat velit, aut nolit volitum prius ?

Deum poenitere non significat Deum mutari ; Deus enim immutabilis est,

Nos certe in Deo voluntatem esse dicimus et hanc quidem liberimam, liberumque arbitrium habere Deum, cum habeat intellectum : voluntas enim intellectum sequitur, sicut appetitus sensitivus sensum ; ac quemadmodum in quocumque sensus reperitur, appetitus quoque in eo est : ita cum intellectu semper voluntas in unoquoque invenitur,

quia velle et intelligere in Deo sunt suum esse.

68) 1 Rg 15, 11.

69) Ps 105, 45.

70) 20, 2-3. Vulg. : *Cogito facere eis*, etc.

71) Ibid. vr. 13.

72) Ibid. 18, 8. Vulg. : *Gens illa*, etc.

73) Cf. Idc 2, 18 ; Is 55, 7 ;

Ier 26, 19 ; Ion 3, 9-10.

quae cognitum ab intellectu vel quaerit non habitum appetendo, vel in possesso quiescit amando et diligendo. In Deo itaque voluntas est sicut et intellectus; et sicut intelligere suum est esse, ita et suum velle; et veluti intellectus divini obiectum primum ac per se primum illud verum divina essentia est, in quo omne aliud veri rationem participans clarissime elucet semper, et in ipso ac per ipsum cuncta semper intelligit – quapropter Dei scientia invariabilis incommutabiliter omnino semper est, – ita quoque voluntatis divinae summum illud bonum eademmet essentia obiectum ac finis est.

Divina voluntas ab alio extrinseco non movetur, sed in summo bono quiescit.

Nec ab extraneo aliquo vel fine, vel obiecto movetur, sed a bono, quod suamet est essentia, Dei movetur voluntas. Quapropter primum movens seipsum movere aiebat P l a t o ⁷⁴, eo plane modo quo intelligere et velle motus dici consuevere. Cum itaque neutiquam ab alio a se, tanquam fine et obiecto, divina voluntas moveatur, sed tantum a divina essentia, quae summum est bonum et in quo omne aliud bonum eminenter reperitur atque diligitur: cum incommutabilis omnino divina essentia sit, voluntatem quoque impermutabilem esse necessum est. Neque enim divina voluntas appetitiva vel affectiva vis est, ceu in nobis; ut quaerat et appetat bonum, quod non habet; sed in summo bono quiescit et delectatur diligendo et dilectio actus est voluntatis primus.

Libera tamen est, quia quidquid diligit, non ex necessitate diligit ac vult.

Secundo: divinam hanc voluntatem liberrimam dicimus liberique arbitrii esse. A p o s t o l u s enim ait ⁷⁵: *Spiritus Sanctus dividit singulis prout vult*, idest libero voluntatis arbitrio et non necessitatis obsequio. Ad Ephesios quoque ait ⁷⁶: *Praedestinati secundum propositum eius, qui operatur omnia secundum consilium voluntatis suae*. Dico autem liberrimae voluntatis liberique arbitrii esse, quoniam non quidquid diligit, ex necessitate diligit ac vult; nanque et se suamque essentiam Deus diligit et alia quoque a se: diligit enim omnia, quae fecit, et tamen maxime rationalem creaturam, hominem, et intellectualem, angelum, et nihil odit eorum, quae fecit ⁷⁷, sed omnibus sua bona seque ipsum, prout possibile est, communicare desiderat. Ceu res quaelibet naturalis, prout bona perfecta est, proprium bonum communicare desiderat – hinc enim generatio naturalissimum

⁷⁴) *Tlmaeus*, t. 1, pag. 41.

⁷⁷) *Cf. Sap 11, 25.*

⁷⁵) 1 Cor 12, 11. Vulg.: *Spiritus dividens*, etc.

⁷⁶) 1, 11.

opus naturae est, – ita nimirum Deus propria bona communicare aliis vult, quantum possibilitas affert et res capax suapte natura est divinam bonitatem affluenter in se recipere.

Cum Deus aliis quoque a se bona communicare velit, et hoc diligere est bona alii velle, profecto alia a se diligit; sed se quidem ut finem, alia vero [ut] ad finem et propter finem, idest propter immensam suam bonitatem; et se quidem, idest bonitatem suam, quae sua essentia est, necessario diligit – sicut voluntas nostra ex necessitate beatitudinem vult, et ceu quaelibet alia naturalis potestas necessario in proprium ac primum fertur obiectum, – non enim potest Deus se non diligere: libere autem eatenus seipsum diligere dicitur, quatenus vult se diligere et se velle; in hoc enim praecipue ⁷⁸ ratio libertatis consistit, ut quidquid quis agit, velit se agere et velit velle. Alia vero a se diligit quidem, sed tantum propter finem diligit, idest propter bonitatem suam; haec enim divinae voluntatis obiectum plenissime sufficiens est eaque plenissime satiatur et iucundissime. Quare nonnisi bonitatem suam in rebus aliis Deus diligit.

Necessario
quidem diligit
bonitatem
suam
propter se;

Nec propter se aliquid diligit in eis: ceu qui amaram sumit potionem nihil in ea praeter sanitatem diligit, quae finis illius est; nihil enim in ea est quo delectari possit, veluti dulcis si ea potio esset: tunc nedum propter sanitatem, sed propter dulcedinem etiam sumere eam vellet. At cum Deus nihil nisi bonitatem suam in rebus inveniat, quo delectari possit, nihil in eis nisi suam diligit bonitatem. At vero is qui potionem diligit, etsi non propter se, sed propter sanitatem, necessario tamen diligit, finem volens, idest sanitatem – absque ea tamen consequi sanitatem nequit, – finem enim volentes, necessario ea, quae ad finem sunt, volumus, cum absque eis finem adipisci non possimus; veluti nave opus est transfretare volenti, et cibo vitam conservare. Secus autem si quae ad finem sunt nequaquam sunt necessaria, sed absque eis potest utique finis adesse.

cetera autem
bona non
propter seipsa
diligit, sed
propter boni-
tatem suam;

Deus itaque cum nonnisi propter finem, idest bonitatem suam summam cuncta alia a se diligit, nec sint haec necessaria Deo ad suam bonitatem vel adipiscendam, vel augendam, aut conservandam, ens enim summe bonum summeque perfectum est, nec potest ei quicquam perfectionis adaugeri; bonorum profecto nostrorum nullatenus

et cum non
sint necessaria
sibi, libere ea
diligit ac vult.

indiget. Quare clarissime liquet non necessario haec, sed mere libere velle ac diligere necnon operari. Cum enim liber sit, libere etiam operatur, non necessario : propterea operari ⁷⁹ dicitur *omnia secundum consilium voluntatis suae*.

Necessaria
autem dicitur
divina volun-
tas, quia est
ipsum divi-
num esse ;

Tertio : divinam ipsam voluntatem necessariam esse dicimus ac omnino immutabilem. Necessaria quidem est, quoniam divina essentia necessaria est, et ipsa voluntas in Deo essentia est ; et velle quoque voluntatis divinae necessarium est, sicut et scire intellectus ; nam et velle et scire ab essentia non secernuntur. Sed scire quidem necessariam habet ad scita habitudinem, non autem velle ad volita : quoniam scire de rebus est prout in sciente sunt, velle autem ad volita prout in seipsis sunt comparatur ; hinc est quod dicitur : veritas est in intellectu, bonitas vero in rebus ⁸⁰. Cum ergo quaecumque alia a Deo sint, quatenus quidem in Deo sunt necessarium habent esse, quatenus autem in seipsis non necessarium ; ideo scire quidem Dei ad scita necessariam habitudinem habet, quoniam in ipso sunt : velle autem non, quoniam res prout in seipsis sunt diligit, ideo non ex necessitate.

libera vero,
quia res
extrinsecas
prout in seipsis
sunt diligit,
ideo non ex
necessitate.

Quod autem necessaria sit quidem in se divina voluntas et velle, non necessariam autem habitudinem ad volita extra se habeat, non a se, sed a rerum defectu est. Quod enim Deus non necessario velit alia a se, non ex defectu divinae accidit voluntatis, sed rerum ex propria ratione, quae quidem tales sunt ut sine eis summe perfecta perfecteque summa Dei bonitas esse possit, nec quicquam ei possint adaugere virtutis et perfectionis.

Deus igitur
est quidem
immutabilis,
sed rerum
mutationes
vult, et
omnia movens

Cum itaque necessaria omnino sit divina voluntas et velle, immutabilem quoque omnino esse necesse est ; dico autem immutabilem esse non autem immutabilitatem velle. Siquidem immutabilis rerum aliquarum mutationem vult : ipse enim perpetua mundum ratione gubernans tempusque ab aevo ire iubens, dat cuncta moveri ⁸¹, movet omnia, tempora mutat, regna transfert, nunc poenis nunc praemiis

79) Ms.: *Operario*.

80) Cf. S. Thomas *S. Theolog.*, 1^a, q. 16, a. 1, c; q. 27, a. 4, c; q. 82, a. 3, c; Aristot. *De Anima*, lib. 3, cp. 8, t. 1, pag. 403; *Metaphysic.*, lib. 6, cp. 3, t. 2, pag. 523.

81) Sev. Boetius *De Consolatione Philosophiae*, lib. 3, *Metrum* 9, (P L. 63, 758):

« O qui perpetua mundum ratione gubernas,

... qui tempus ab aevo

Ire iubes, stabilisque manens das cuncta moveri ».

afficit, semper stabilis immobilisque manens, et omnes naturarum mutationes volens, ipse nec mutatur, nec mutari voluntate potest. Tunc enim voluntas mutari dicitur, cum velle incipit quod prius nolebat, aut quod volebat nolle velleque desinit.

Ipse non mutatur, quia semper vult quod vult.

Et id quidem nonnisi praevia aliqua mutatione contingit, vel substantiae dispositionis, vel cognitionis. Cum enim voluntas nonnisi in bonum sibi que conveniens feratur, his modis potest quis recenter bonum quippiam velle: aut cognoscit nunc sibi bonum, quod ignorabat prius, ad hoc enim consilia inimus ut sciamus quid nobis bonum sit; vel quia mox incipit quippiam conveniens nobis esse: veluti duplicibus vestiri cum nimium frigora urunt in hieme, quod quidem, calore aestuante in aestate, bonum non erat. Et hoc quidem non absque mutatione substantiae accidit, quoniam nunc frigorum iniuriis incipit affici et aduri, prius autem caloris.

Insuper quod mutatur in potentia est vel substantiae, vel cognitionis:

At vero tum Dei substantia tum scientia et cognitio immutabilis invariabilisque omnino est. Substantia quidem Dei mutari nullo modo potest vel a non esse ad esse, vel ab esse ad non esse, quoniam actus purissimus est. Quod autem mutabile est, in potentia est, nec potest purus actus esse; et substantia simplicissima omnis compositionis expers, nec cuiquam potest compositione misceri. Quod mutabile est potest utique recipere terminum et compositionem: summe autem simplex non potest cum aliquo componi. Deinde vero quia ens perfectissimum est, nec potest aut in melius vel deterius mutari, vel eius perfectio minui vel augeri. Deinde quia necesse est esse et infinitum esse; quod enim necesse est esse, praeter id quod habet aliud habere non potest ⁸² esse: quod autem mutatur, ex eo quod mutatur, habere aliud potest et esse, et illud quidem contingens, cum prius non esset. Cum etiam infinitum sit esse, mutari non potest, quoniam si mutatur, cum mutationis termino componitur et illud pars esset ipsius: omnis autem pars excedi potest; id autem adversum est infinito. Demum: quidquid in Deo est, Deus est et ipse est quidquid habet, quoniam simplicissimus est. Si ergo mutaretur, utique mutationis terminum haberet: et iste ergo mutationis terminus Deus profecto erit. Si igitur recenter mutatur, novus ac recens incipit esse Deus. Immutabilis itaque omnino Dei substantia est.

Deus vero actus purissimus est et actu omnia cognoscit.

Demum quod mutatur potest compositione misceri;

Deus autem est substantia simplicissima, esse necessarium et infinitum.

82) Ms.: *Autem* adiungitur.

Sicut Dei
scientia Inva-
riabilis est et
immutabilis,
quia res ab
aeterno novit,
et earum
mutationes;

ita et eius
voluntas.

Scientia quoque ipsius est invariabilis. Scientia enim Dei eius substantia est; ac sicut immutabilis omnino eius substantia est, ita et scientia. Non enim secundum creaturarum variationem ipsa variatur ex eo quod novit aliqua esse posse, quae non sunt, et posse non esse, quae sunt; ipse enim et res novit et variables mutabilesque esse, earumque motus et variationes penitus novit, quo universo temporis fluxu peraguntur, immutabilis semper manens. Cuncta enim, quae in tempore vel fiunt vel fieri quoquo modo possunt, in aeternitate sua ipse cognovit, quae omni coexistit tempori, sicut indivisibile centrum universae circumferentiae, ac veluti si oculus quidam eousque elevaretur, ut totum flumen a fonte, unde oritur, vel mare usque toti assisteret fluminis aquae ac partibus singulis universaque, quae in eo fiunt videret, omnem fluxum et mutationem, nullam mutationem passus. Ita plane Deus omnem temporis fluxum uno intuitu simplici videt omnesque rerum mutationes, quae in eo fiunt; et sicut oculus ille infallibiliter immutabiliterque cuncta videret, nullam tamen necessitatem his imponendo, quae videt: sic et Deus.

Videns
Deus, etc.
Verba haec
non litteraliter
accipienda
sunt, quasi
Deus tunc
recenter co-
gnoverit, et ex
nova cognitio-
ne poenituerit;

Immutabilis itaque Deus cum sit et substantia et cognitione, immutabilis quoque voluntatis omnino necesse est esse. Quapropter recte de eo in Numeris legimus ⁸³: *Non est Deus quasi homo, ut mentiat, nec ut filius hominis, ut mutetur*; et in Samuelis 1 ⁸⁴: *Triumphator in Israel non parcat et poenitudine* ⁸⁵ *non flectetur; neque enim homo est ut poenitentiam agat*. Cum ergo hic dicitur poenituisse Deum *quod hominem fecisset*, metaphorice intelligendum est per ἄνθρωπος-πάθος, idest more hominum; et cum dicitur quod: *Videns Deus quod multa malitia hominum esset in terra et cuncta cogitatio cordis humani intenta esset ad malum*, et: *Poenituit eum*: non est intelligendum quod tunc viderit, quasi recenter cognoverit et ex nova cognitione poenituerit: siquidem ab aeterno cognovit; sed quod tunc hominum merita ob multam malitiam exigebant, ut deleret eos Deus, quasi tunc vidisset.

sed
Scriptura hoc
modo loquitur,
quia Deus

Poenituisse vero et ob aliud dicitur: quoniam non in hanc sententiam hominem condiderat, ut deleret, sed potius ut beatificaret, si tamen bona fecisset; ideo non absoluta vel beneplaciti simpliciter ea voluntas erat: sed ea conditione bonorum operum. Cum autem hominem per-

⁸³) 23, 19.

⁸⁴) 1 Rg 15, 29, Vulg.: *Agam poenitentiam*.

⁸⁵) Ms.: *Plenitudine*.

didit, eam quidem sententiam, in quam primo condidit, mutavit, quoniam quem ad beatitudinem primo creavit, perditioni et damnationi tradidit.

hominem creaverat ut eum beatificaret si bona fecisset;

Et eatenus *poenituisse* dicitur, quatenus poenitentia haec sententiae mutationem significat, non autem consilii; *consilium* enim *voluntatis suae* ⁸⁶ nequaquam mutavit, quoniam tale erat et ab aeterno fuit, ut si iuste ageret, homo beatificaretur: si inique, perderetur; quapropter cum homo ob suam iniquitatem meruit, eum Deus perdidit et delevit. Ecce enim *Noe*, quoniam iustus fuit iusteque egit, *gratiam in oculis Domini*, ut in textu dicitur, *invenit*, idest Deo placuit et ob iustitiam suam vivere meruit et finem ultimum, in quem Deus illum primo condiderat, consequi Dei gratia et beneficio ⁸⁷.

mutavit ergo sententiam, non mutavit consilium.

Vr. 8 *Haec sunt generationes Noe: Noe vir iustus atque perfectus [fuit] in generationibus suis, cum Deo ambulavit, et genuit tres filios, Sem, Cham et Iaphet.*

Vrr. 9-10 *Haec sunt generationes Noe: Noe vir iustus atque perfectus [fuit] in generationibus suis, cum Deo ambulavit, et genuit tres filios, Sem, Cham et Iaphet.*

Textus Hebraicus: *Istae generationes Noah: Noah vir iustus, integer in generationibus suis fuit: cum Deo ambulavit Noah; et genuit Noah tres filios, Sem, Ham et Iaphet.*

Ita et Chaldaeus Paraphrastes habet: *Noah vir innocens, perfectus fuit in generationibus suis: in timore Domini ambulavit Noah.*

Disseruit Sacra Scriptura in genealogiae contextu generationes Noe, quod *cum quingentorum esset annorum, genuit Sem, Cham et Iaphet* ⁸⁸ hic eas iterum in medium affert, dicens: *Haec sunt generationes Noe*. Non ab re, nec sine ratione; quoniam ibi quidem in primo *Geneseos* ordine et genealogiae serie ab Adam ad Noe usque, ipsius Noe enumerantur generationes, sicut et aliorum patrum; nunc vero, quoniam ipse solus e diluvio ereptus est et filii eius, propterea eius iterum recensentur generationes, quoniam relictus est ipse secundus humanae generationis stipes ac veluti alterum principium ex quo omnes homines in posterum nascituri originem traherent. Insinuat etiam non plures filios filiasque genuisse, sicut omnes patres sui, sed tribus illis tantum contentus, cum omnibus filiis suis salvatus est propter iustitiam suam.

Haec sunt generationes Noe, etc.
Iterum recensentur generationes Noe, quia ipse est secundus humanitatis stipes,

86) Eph 1, 11.

87) Ms.: *Meruit* repetitur.

88) Gn 5, 31.

Noe, inquit, vir iustus atque perfectus in generationibus suis fuit: iustus idest vir bonus et optimus; *iustus*, quoniam singulis, quae sua sunt, dabat : Deo quae Dei sunt reddens et hominibus quae hominum sunt ⁸⁹. Deum enim fide et caritate colebat, honorem summum et gloriam soli Deo tribuebat, Deum in omnibus et super omnia corde perfecto et optimo, ex tota mente, anima et viribus diligebat ⁹⁰; proximum quoque sicut seipsum diligebat, eis lucis exempla monstrabat, bona agere et a malis declinare suadebat; propterea *iustitiae praeco* dictus est ⁹¹. *Iustus* itaque erat, quoniam singulis quae sua sunt tribuebat.

perfectus autem, quia inter universalem corruptionem illaesus permansit, uni Deo adhaerens et illi soli placere studens;

ideo ab universali exitio immunis servatus.

At nedum *iustus*, sed *perfectus* quoque et *integer* dicitur; quoniam, cum corrupisset *omnis caro viam suam*, ipse nequaquam carnis illecebram secutus est, sed Dei spiritu agebatur corpusque suum castigabat et in servitutem redigebat, ne, cum aliis praedicasset, ipse reprobis efficeretur ⁹². Carne itaque vilipensa Domino adhaerebat, ut unus spiritus cum eo efficeretur ⁹³; hoc est quod dicitur: *Cum Deo ambulavit* Noe, iuxta illud: *Ambula coram me et esto perfectus* ⁹⁴: et illud: *Post Dominum Deum vestrum ambulate et timeate eum* ⁹⁵. *Cum Deo ambulavit*, quia Deo placere studuit, Deum timuit et amavit; et eo magis laude et admiratione dignus est, quo solus ipse tunc repertus est inter homines universos qui Deum sequeretur; hoc est enim: *In generationibus suis*: quoniam *omnis caro corruperat viam suam*: ipse vero, iustitia omni servata, *perfectus* et *integer* solus inventus est. Quapropter cum inter scelestissimos homines *perfectus*, *iustus* repertus sit, *in tempore iracundiae factus est reconciliatio* ⁹⁶, quoniam *invenit gratiam coram oculis Domini* et omnium hominum superstes factus est, speciei vero humanae veluti alterum principium et secundus stipes.

Vrr. 11-13

Corrupta est autem terra coram Domino ⁹⁷ *et repleta est iniquitate. Cumque vidisset Deus terram esse corruptam* (omnis quippe caro corruperat viam suam super terram), *dixit ad Noe: Finis universae carnis venit coram me; repleta est terra iniquitate a facie eorum, et ego disperdam eos cum terra.*

Textus Hebraicus: *Et vidit Deus terram et ecce corrupta*

89) Cf. Mt 22, 21; Mc 12, 17; Rom 13, 7.

91) Cf. 2 Petr 2, 5.

92) Cf. 1 Cor 9, 27.

95) Dt 13, 4. Ex hebraico.

96) Eccl 44, 17.

90) Cf. Mt 22, 37; Lc 10, 27.

93) Cf. ibid. 6, 17.

94) Gn 17, 1.

97) Vr. 11. Vulg.: *Coram Deo*, etc.

ipsa, quoniam omnis caro corrumpit viam suam super terram. Et dixit Deus Noah: Finis omnis carnis venit coram me, quoniam plena est terra violentia a facie eorum, et ecce ego disperdo eos cum terra.

Paraphrastes Chaldaicus: *Et vidit Deus terram et ecce corrupta, quia corruperat omnis caro hominis viam suam. Et dixit Deus Noah: Finis omnis carnis venit in conspectu meo, quia impleta est terra violentiis, vel rapinis a facie operum eorum malorum, et ecce ego disperdo eos cum terra.*

Graeci habent: *Tempus omnis hominis venit coram me.*

Targum Ierosolymitanum habet: *Repleta est terra חֲמוֹסִין וְגִזְלִין*, idest *latronibus et raptoribus.*

Corrupta est autem terra coram Domino: vel: Vidit Deus terram et ecce corrupta: sicut supra dictum est: Videns Deus, quod multa malitia hominum esset in terra, quia omnis eorum pravitas tum mentis et cordis in cogitatione, tum facinorum in opere: hoc est enim terram esse corruptam. Terrae autem nomine non eam, quam pedibus calcamus, intelligimus, sed homines, qui in terra sunt, sicut et in Evangelio legimus⁹⁸: Vos estis sal terrae; hominibus enim pessimae illius generationis omnibus peccatorum generibus depravatis atque corruptis, altius non competebat nomen: sicut Adae post peccatum dictum est⁹⁹: Terra es et in terram ibis. Peccatores enim verissime in terram ire dicuntur, quoniam corpora eorum, cum e terra sumpta sint, in terram quoque convertuntur, nec digniori unquam loco dabuntur; animae quoque eorum, etsi coelestem originem habeant, pondere tamen nimio et gravissimo peccatorum actae atque depressae, mox ut corpore solutae sunt, ad inferna descendunt, ad terram illam tenebrosam et opertam mortis caligine, terram miseriae et tenebrarum, ubi umbra mortis et nullo ordo, sed sempiternus horror inhabitat¹⁰⁰.

Corrupta est autem terra, etc. Terra significat peccatores, tum quia eorum corpus ex ea sumptum in eam reverti debebat, tum quia eorum anima ad terram tenebrosam detruenda erat.

Vidit itaque Deus *terram*, idest terrenos homines, *esse corruptam*, quoniam *omnis... caro corruperat viam suam*. Per carnem quoque hic hominem intelligimus, non bruta animalia, quae intelligentia non errante reguntur ad suum finem directe, nec divertuntur unquam aut aberrant, sed naturae iura nullatenus frangentes, recta semper ten-

Caro pariter homines significat in vitia turpissima prolapsos.

98) Mt 5, 15. Cf. S. Augustinus *Sermo Domini in Monte*, lib. 1, cp. 6, (P. L. 34, 1237).

99) Gn 3, 17. Ex Septuaginta.

100) Iob 10, 21-22.

dunt ad finem via. *Caro* itaque haec universa, quae viam suam corrumpit, homo est, de quo dictum est supra : *Non habitabit spiritus meus in homine in aeternum, quia caro est*. Haec *caro* viam suam corrumpit turpissima et obscenissima venere ; nulla enim habita ratione multiplicationis speciei, nulla considerata honestate, modos indebitos et quales natura horret coniunctiones invenere. *Nam feminae eorum immutaverunt naturalem usum in eum usum, qui est contra naturam ; similiter autem et masculi, relicto naturali usu feminae, exarserunt in desideriis suis [in] invicem, masculi in masculos turpitudinem operantes*¹⁰¹. Quapropter commotus Deus dixit ad Noe:

Cum autem
Deus dedisset
illis spatium
centum viginti
annorum ad
poenitendum,
peiores effecti
sunt,

Finis universae carnis venit coram me : innotuit, inquit, mihi generationis huius pessimae malitia ab initio, et tunc iuste merebatur ut eam e terra delerem ; quoniam vero *peccatoris nolo mortem, sed ut magis convertatur et vivat*¹⁰², *centum viginti annorum* tempus ad poenitendum eis benigne misericorditerque largitus sum, si forte converterentur *a via sua mala*¹⁰³ ut *bonas facerent vias suas et studia sua*¹⁰⁴, et me poeniteret mali, quod contra gentem istam locutus fueram. Veruntamen iam tempus istud poenitentiae impletum est et consummatum iam abiit ; ipsi vero nihilo meliores, sed multo peiores effecti sunt ; iniquitatibus iniquitates superaddentes, omni malitia cumulatus pleni sunt. Ecce enim *repleta est terra iniquitate a facie eorum*, idest propter eorum mala opera : ipsi enim pleni prius erant, nunc autem cumulatus repleti omni iniquitate, malitia, fornicatione, avaritia, nequitia, pleni invidia, homicidiis, contentione, dolo, malignitate, rapinis et latrociniiis ; susurriones, detractores, Deo odibiles, contumeliosi, superbi, elati, inventores malorum, parentibus non obediens, insipientes, incompositi¹⁰⁵, sine affectione, absque foedere, sine misericordia¹⁰⁶ : iustitiam meam non agnoscentes nec intelligentes. Video quod qui talia agunt digni sunt morte : quid igitur facto opus est ? *Ego disperdam eos cum terra*. Tu itaque, Noe, *vir iustus et perfectus*, quoniam gratiam in oculis meis invenisti, ne cum impiis pereas.

ideo Deus eos
disperdere
decrevit.

101) Rom 1, 26-27.

102) Cf. Ez 33, 11; Pontificale Rom., part. 3, De Reconciliatione Poenitentium pag. 320 ; Breviarium Rom., Antiphona ad Primam, Tempore Quadragesimae.

103) Ier 18, 11.

104) Ibid. 7, 3. Vulg.: Bonas facite vias vestras et studia vestra.

105) Ms. : Plenos invidia... contumeliosos, superbos, elatos... incompositos.

106) Cf. 2

Vrr. 14-16 *Fac tibi arcam de lignis levigatis*¹⁰⁷; *mansiunculas in arca facies et bitumine linies intrinsecus et extrinsecus. Et sic facies eam: trecentorum cubitorum erit longitudo arcae, quinquaginta cubitorum latitudo, et triginta cubitorum altitudo illius. Fenestram in arca facies et in cubito consummabis summitatem eius; ostium autem arcae pones ex latere; deorsum cenacula et tristega facies in ea.*

Textus Hebraicus: *Fac tibi arcam e lignis pini; nidos facies in arca et bituminabis eam ab intus et extra in bitumine. Et sic facies eam: trecentorum cubitorum longitudo arcae et quinquaginta cubitorum latitudo eius et triginta cubitorum altitudo illius. Fenestram facies in arca et ad cubitum consummabis eam desuper; et ostium arcae in latere eius pones; inferiora et secunda et tertia facies.*

Paraphrastes Chaldaicus: *Fac tibi arcam de lignis cedri; habitacula facies in arca et operies eam deintus et foris in bitumine.*

Targum quoque Ierosolymitanum habet: *de lignis דְקָדְרִינִין*, idest *cedrinis*.

Graeci habent: *De lignis quadratis.*

Porro נֶפֶר, quod est in Textu Hebraico, lignum est leve et ad fluitandum super faciem aquarum aptissimum, quale est pinus: unde pinum plerique existimant¹⁰⁸ ea voce proprie intelligi. Alii¹⁰⁹ vero cedrum, iuxta Paraphrasim Chaldaicam. Talmudistae quoque Hebraeorum quattuor genera [cedri] esse dicunt¹¹⁰, videlicet: אֵרוֹ, קֶדְרוֹס, עֵץ-שֶׁמֶן, וּבְרוֹשׁ.

Fac tibi arcam de lignis levigatis.
Variae interpretationes.

Ait itaque: *Fac tibi*, hoc est ad salutem tuam, ut a diluvio salveris, *arcam*, veluti praegrandem navem; *de lignis levigatis*, idest levibus valde, qualia sunt pinea et cedrina; *mansiunculas in ea facies*, idest habitacula veluti animalium ad habitandum; *et bitumine linies eam*

Deus Noe mandat ut arcam faciat, ut ipse cum sua familia salvetur.

107) Ms.: *Levigatis* repetitur. 108) Cf. Vatablus, col. 226; Clarius, col. 228. 109) Cf. Procopius *Comment. in Gen.*, (P. G. 87, 274); Io. Menochius *Explanat. in Gen.*, pag. 7; Munsterus, col. 221; Vatablus, col. 226; Clarius col. 228; Drusius, col. 230, 238; Pererius op. cit. lib. 10, *disput.* 2, t. 2, pag. 119-120. Io. Bultoni: «Post datam formam, materia recte sequitur. Quam ex lignis Gopher hebraeus sermo constituit. Sed quidnam debeat intelligi per Gopher, interpretes Iudaei tanta confusione disserunt ut nihil inde stabile finiat. Alii siquidem Pinum, alii Abletem, Cupressum alii, quidam Cedrum suspicantur. Talmudistae quoque Cedri genera quattuor faciunt». *De Arca et Noe, Critici Sacri*, t. 1, part. 2, tract. ad calcem *Pentateuchi*, pag. 30. 110) Cf. *Talmud Babil.*, *Ros ha sanah*, f. 33^a. Drusius, col. 230-238.

intrinsecus et extrinsecus, ad rimas fixurasque omnes occludendas ne aut desuper inimicum imbrem acciperet, aut desubter undis aditum praeberent, non firmæ usque adeo aut laxæ laterum compagine, ne etiam aquarum inundatione citius ligna marcescerent et corrosione rimis defatiscerent. Porro per כֹּפֶר in Textu Hebraico plerique¹¹¹ חומר, idest caementum, alii¹¹² זפת, idest picem intelligunt.

Et sic facies eam. Effectricem causam arcae primo designavit et finem una cum materiei genere, cum ait: *Fac tibi arcam de lignis levigatis*; nunc¹¹³ formam praescribit qua construenda sit arca: *Trecentorum cubitorum erit longitudo arcae, quinquaginta cubitorum latitudo et triginta cubitorum altitudo illius.*

Plerique hic geometricos cubitos sentiunt¹¹⁴ eos fuisse, quibus dimetitur arca: is autem cubitus sexcubitalis. Verum aliud est; alioquin arca illa ad omnigenas animalium species servandas tantorum tam multiplicium, tam multorum animalium et alimentorum, quibus vesci per annum integrum ea oportebat, non fuisset loco capax. At vero huiusmodi geometricos cubitos ignorant Hebraei; sed cubitus eis ulna dicitur *ad mensuram cubiti virilis manus*: nec illius cubiti usquam in Sacra Scriptura manifesto usus est, sed usualis vel communis, qui palmis sex constat et sexquipedem continet vel duos. Tunc autem multo maiores, quam nunc, existimarim cubitos fuisse, cum homines multo procerioris ac vastioris staturae fuerint; cubitus autem mensura sit ad mensuram virilis cubiti; ceu in *Deuteronomio* legimus¹¹⁵ fuisse stratum ferreum Og, regis Basan, longitudinis novem cubitorum et quattuor latitudinis ad mensuram virilis cubiti.

111) David Kimchi: « חומר est lutum quod fit ex calce et arena ad aedificandum et complanandum; quanquam sunt qui dicunt quod est species picis seu bituminis ». Op. cit. sub hac radice.

112) Hier. Oleaster *In Moysis Pentat.*, f. 21^a. Cf. Nic. Lyranus op. cit. f. 51^a; Alph. Tostatus op. cit. f. 37^a; Munsterus, col. 221; Vatablus, col. 225; Drusius, col. 238-239. Pagnini: « Et bituminabis illam intrinsecus et extrinsecus כֹּפֶר, bitumine, quod, inquit Rab.

David in Libro Radicum, in Arabico vocatur קֹפֶר, et est genus luti vel caementi. Et sunt qui exponunt זפת, pice. Op. cit. sub radice: כֹּפֶר, col. 1210.

113) Ms.: Nunc repetitur.

114) Cf. Origenes *Hom. 2 in Gen.*, (P. G. 12, 166-167); Procopius *Comment. in Gen.*, ibid. 87, 278; S. Augustinus *Quaest. in Heptateuchum*, lib. 1, quaest. 4, (P. L. 34, 549); *De Civitate Dei*, lib. 15, cp. 27, ibid. 41, 474; Rabanus Maurus *Comment. in Gen.*, lib. 2, cp. 6, ibid. 107, 517; Strabus *Glossa Ord. in Gen.*, ibid. 113, 108; Nic. Lyranus op. cit. f. 51^a; Alph. Tostatus op. cit. f. 37^a.

115) Cf. 3, 11.

Erat itaque arcae longitudo trecentorum cubitorum communium, idest ulnarum; latitudo vero quinquaginta, a latere in latus; altitudinis vero triginta, ab imo pavimento ad tectum usque; tunc arcae latera obducebantur in angustum ad summum arcae cacumen usque, adeo ut nonnisi cubito arcae latera distarent in summo. Mihi vero probabile valde est arcae latera in summo quadrangulum altera parte longiorem effecisse, ut latera quidem duo in se invicem posita, quae in latus protendebantur, cubiti unius essent; quae vero in longum essent, cubitorum sex; ea enim proportionem tota arca constructa erat in longum et latus, quae unius [cubiti] et sex interest. Haec vero obductio eo facta est ne aquae diutius supra arcae tectum immorarentur, sed citius possent defluere ac ut inter ventorum impetus undarumque procellas stare firmitus posset: non enim tantam patiebatur ventorum vim.

In cubito consummabis summam eius. Structura arcae in cacumine unius cubiti erat a latere ad latus, sed in longum probabiliter sex cubitorum erat.

Fenestram quoque iussus est in arca facere ad lumen recipiendum: *Fenestram*, inquit, *in arca facies*. Synecdoche est; non enim una poterat toti habitaculo sufficiens lumen praebere, cum tot esset mansionibus distinctum: sed plures fenestrae intelligendae sunt, una tamen maior. Ex crystallo autem plerique¹¹⁶ eas fenestras fuisse, sic enim et lumen praebere et imbres ac ventos prohibere poterant.

Per fenestram intelligenda videtur una maior, non exclusis aliis minoribus.

Portam vero arcae in latere iussus est ponere, ut ipsi et animalia ingrederentur et egrederentur: *Ostium autem arcae pones ex latere; deorsum cenacula et tristega facies in ea*.

Portam etiam iubetur facere ex latere arcae,

Plurimum valde hic nostra Editio a Veritate Hebraica distat; habet enim: *Et ostium arcae pones in latere; inferiora et secunda et tertia facies in ea*.

Sic et Chaldaeus Interpres habet.

Septuaginta vero: *Ostium, sive portam facies ex latere; inferiora bicamerata et tricamerata facies eam*.

Ostium itaque ex latere quidem erat, non autem deorsum, quoniam nec poterat, cum ima arcae pars in aquis mersa plurimum profundaretur; cum arca mense septimo supra montes Armeniae requievisset, aquae vero adhuc ibant et decrescebant usque ad mensem decimum; decimo autem mense... apparuerunt cacumina montium¹¹⁷. Clau-

sed non deorsum, ut falso aliqui legunt.

116) Cf. Nic. Lyranus op. cit. f. 51^a; Alph. Tostatus op. cit. f. 37^b; Pererius op. cit. lib. 10, disput. 9, t. 2, pag. 146.

117) Gn 8, 5.

denda itaque sententia est : *Ostium arcae pones in latere : et tunc sequens incipit versus : Deorsum cenacula et tristega facies : sive inferiora, media et tertia ; arcam enim tribus interstitiis distinctam iubetur facere, ut inferiorem, mediam et tertiam mansionem supremam haberet. Propterea forte noster Interpres tristega posuit, idest triplicia tabulata : tristega enim aedificia sunt trium contignationum. Plerique autumant ¹¹⁸ infimam mansionem simplicem fuisse, secundam vero bicameratam, tertiam autem tricameratam, iuxta Septuaginta Translationem.*

Vr. 17 *Ecce ego adducam aquas diluvii super terram, et ¹¹⁹ interficiam omnem carnem, in qua spiritus vitae est subter coelum : et universa, quae in terra sunt, consumentur.*

Textus Hebraicus : *Et ego, ecce ego adduco diluvium aquarum super terram ad perdendum omnem carnem, in qua est spiritus vitarum de sub coelo : et omne, quod est in terra, expirabit.*

Ita et Chaldaeus Interpres habet.

Diluvium hebraice מַבּוּל dicitur, quod nonnulli a בָּלָה, per

Diluvium.
Etymologia
huius vocis.

prothesin מ, deducunt ¹²⁰, quod est miscere et confundere ; alii vero ¹²¹ a נָבַל, quod est defluere, corrumpi et marcescere, eius etymon dimanare autumant eo quod diluvio omnia defluerint et computruerint, consumptumque est omne vivens sub coelo.

Deus adducturus
aquas
diluvii ad
delendos
homines, quia
converti
noluerunt,
promittit
se salvaturum
iustum Noe.

Ait itaque : *Ecce ego adduco aquas diluvii. Praecepit, inquit, tibi ut arcam faceres, quoniam ego, ego, inquam, adducturus sum aquas diluvii. Non est enim voluntas mea ut perdam iustum cum impio : ego enim, qui omnem iudico terram, iudicio hoc non facio ut fiat iustus sicut impius : sed impios quidem perdam. Quoniam autem te vidi iustum coram me ¹²², ab aquis diluvii salvare volo ; et si quinquaginta iustos invenissem in terra, omni loco parcerem : etiamsi si quadraginta quinque, non delerem : imo si tantum quadraginta, non id facerem ; quod etsi triginta invenirem, non percuterem : etiam si viginti, non occiderem : nec etiam, si decem invenirem, homines impios*

118) Cf. Nic. Lyranus op. cit. f. 51^a ; Alph. Tostatus op. cit. f. 37^b ; Dionysius Cartusianus Enarrat. in Gen., a. 33, pag. 155-156. 119) Vr. 17, Vulg. : *Ut interficiam*, etc.

120) Ms. : Mem. Cf. Rab. Salomon op. cit. f. 8^b ; Io. Buxtorffus Lexicon Hebraicum, sub voce : מַבּוּל. 121) Cf. Rab. David Kimchi op. cit. sub voce : נָבַל. 122) Gn 7, 1.

delerem : sed propter iustos eos quoque servarem¹²³. Verum quia te solum *vidi iustum coram me*, eripiam te, ceteros vero perdam, et *interficiam omnem carnem, in qua est spiritus vitae sub coelo* ; omnia expirabunt, quia propter hominem creavi ea : eo igitur deleto, propter quem facta sunt omnia haec, consequens [est] ut et ea deleantur^{123*}.

Vrr. 18-20

Ponamque foedus meum tecum, et ingredieris in arcam tu et filii tui, uxor tua et uxores filiorum tuorum tecum. Et ex cunctis animantibus universae carnis bina induces in arcam, ut vivant tecum, masculini sexus et feminini. De volucribus iuxta genus suum et de iumentis in genere suo et ex omni reptili terrae secundum genus suum, bina de omnibus ingredientur tecum, ut possint vivere.

Textus Hebraicus : *Et erigam pactum meum tecum, et venies in arcam tu et filii tui, uxor tua et uxores filiorum tuorum tecum. Et ex omni animanti, ex omni carne bina ex omnibus duces in arcam, ut vivant tecum, masculus et femella erunt. De volucre iuxta speciem suam et de iumento secundum speciem suam, ex omni reptili terrae iuxta speciem suam, bina ex omnibus venient ad te, ut vivant.*

Ita quoque Chaldaeus Interpres.

Statuit Deus ab initio pactum, foedus posuit inter diem et noctem, leges coelo et terrae posuit, ut illae quidem semper mutuis vicibus sibi succederent¹²⁴ : lucem enim posuit, et facta est dies, et *tenebras, et facta est nox*¹²⁵ ; posuit et luminaria *in signa et tempora et dies et annos*^{125*} ; *solem in potestatem diei, lunam et stellas in potestatem noctis*¹²⁶. Leges quoque coelo et terrae posuit, ut illud quidem perpetuo suis circunlationibus lumen et virtutem influendo terram veluti fecundaret, et ipsa statis temporibus germina, herbas, semina, fructusque produceret. Foedus quoque inter aquam et terram posuit, dum iussit ut congregarentur *aquae in locum unum et appareret arida*^{126*} ; locus enim qui suapte natura aquis competit terram cingens, est ambitus ut, veluti sphaerae coelestes semper natura locoque elevatior ac superior inferiorem circumquaque ambit, et ignis aerem, aer quoque aquam suapte natura ; ita pariter aqua usquequaque deberet terram circumambire deberetque, iuxta corporum simplicium proportionem, decuplo universa terra maior esse. At vero id non cer-

Ponamque foedus meum tecum, etc.
Ab initio creationis Deus pactum seu foedus statuerat, idest leges, quibus universus orbis ordinatissime gubernaretur.

Vi huius foederis aquae intra statutos limites clausae

123) Cf. *ibid.* 18, 23-33.

124) Cf. Gn 1, 3-12.

126*) Gn 1, 9.

123*) Cf. S. Ambrosius *De Noe et Arca*, cp. 4, (P. L. 14, 367).

125) Ps 103, 20.

125*) Gn 1, 14.

126) Ps 135, 8-9.

contineban-
tur terram
operirent;

nimus; neque enim ubique terram aquae ambitus circumcingit: sed multa et illa quidem vastissima terrarum spatia aquis sunt libera, imo et loco superiora; hinc enim dicit Propheta¹²⁷: *Qui fundavit terram super aquas.*

quod tantum
Dei virtute
fieri potest, ut
S. Scriptura
testatur.

Id autem Dei lege factum est, qui foedus inter terram et aquam posuit, ut terra quidem sinuosa abruptaque loca et voragines aquis praeberet intra sese: aquae vero amplius, quam simplex usquequaque earum natura est, condensatae, intra illas cavernas sese continerent ne converterentur *operire terram*; quapropter veluti quibusdam terminis eas clausit suo iussu suaeque omnipotenti virtute omnipotens Deus. Hinc Propheta ait¹²⁸: *Terminum posuisti, quem non transgredientur, neque convertentur operire terram*; et rursus ait: *Congregans sicut in utre aquas maris, ponens in thesauris abyssos*¹²⁹. Hinc Sapiens quoque ait¹³⁰: *Quando circumdabat mari terminum suum et legem ponebat aquis ne transirent fines suos*; et iterum¹³¹: *Quis inclusit aquas quasi in vestimento*? Iob item ait¹³²: *Qui fecit ventis pondus et aquas appendit in mensura; quando ponebat pluviis legem et viam procellis sonantibus*. Ieremias demum ait¹³³: *Qui posui arenam terminum mari, praeceptum sempiternum, quod non praeteribit; et commovebuntur et non poterunt et intumescent fluctus eius et non transibunt illud*. Haec nimirum ostendunt non suapte natura proprium nunc aquas obtinere locum, sed Dei iussu intra terrae cavernas interclusas esse ac veluti adnexas terrae atque interplexas ei in unum orbem.

Sed ob per-
versitatem
hominis foedus
illud Deus
fregit iussitque
aquas terram
operire, ut
omnes malos
perderet,

Hoc autem propter hominem principio factum est, ut loco terrae suapte natura sibi convenienti potiretur, tum cetera animalia, quae propter ipsum erant. At vero cum homo, propter quem facta sunt haec omnia, tum Dei foedera tum naturae iura fregit et praetermisit, cum *omnis caro viam suam super terram* corrumpit, videns Deus multam esse hominum malitiam, et omne figmentum cogitationum ad malum, omnemque terram esse corruptam, ac si pacti, quod inter coelum et terram aquamque [statuerat], poeniteret, fregit pactum illud iussitque aquas suum obire locum undequaque profluentes, in extremam hominum perniciem et exterminationem.

127) Ps 135, 6. Vulg.: *Firmavit terram*, etc.

128) Ps 103, 9.

129) Ps 32, 7.

130) Prv 8, 29.

131) Ibid. 30, 4. Vulg.: *Colligavit aquas*, etc.

132) 28, 25-26.

133) 5, 22.

Quoniam vero Noe virum iustum atque perfectum vidit in terra, salvare eum quidem voluit ab aquarum diluvio et maximo illo omnium cataclysmo, iubetque eum in arcam ingredi, quousque eo cataclysmo omnis caro expiret sub coelo mundusque ille impiorum deleatur; et tunc denuo pactum illud, prius scissum¹³⁴ ob iustitiam¹³⁵ suam, misericorditer erigeret. Hoc est quod ait :

Ponam . . . foedus meum tecum, sive erigam pactum meum tecum. Dixi, inquit, tibi quod adducturus sum diluvium aquarum super universam terram ad perdendam omnem carnem propter impios : quapropter fracturus sum propter impios foedus illud, quod inter aquas et terram principio posui, cum iussi ut congregarentur *aquae in locum unum et arida* appareret, quoniam nunc aquae maximo diluvio ac permaximo cataclysmo inundabunt, adeo ut praevaleant aquae *quindecim cubitis supra omnes montes*, qui sunt *sub universo coelo*¹³⁶ : pactum autem istud propter impios fractum ob iustitiam, tamen iterum tecum, idest propter te erigam. Interea tamen, quoadusque mundus hic impiorum aqua inundatus pereat, *ingredere in arcam tu et filii tui* : propter te enim et eos, etsi non tanta iustitia valeant, salvare volo ; non solum autem, sed et *uxor tua et uxores filiorum tuorum* : volo enim semen aliquod et radicem ad posteritatis constitutionem relinquere : non solum hominum, sed propter homines aliquorum quoque animalium, iumentorum, volucrum et reptilium. Quapropter omnium bina secundum speciem suam adduces in arcam ; *bina*, idest paria, marem et femellam, propter generationes in posterum futuras. Ut autem intra id tempus, quo cataclysmus hic perdurabit, vivere possitis, cibaria tecum sumes.

et rursus, post diluvium, cum Noe iusto foedus illud erigeret.

Propter iustitiam Noe, etiam eius familia salvatur.

Vrr. 21-22

Tolles igitur tecum ex omnibus escis, quae mandi possunt, et comportabis apud te ; et erunt tam tibi quam illis in cibum. Fecit igitur Noe omnia quae praeceperat illi Deus.

Textus Hebraicus : *Et tu tolle tecum ex omni cibo, qui comeditur, et repones ad te, et erit tibi et illis in escam. Fecit igitur Noah iuxta omnia quae praecepit illi Deus, sic fecit.*

Ita et Chaldaeus Interpres : *Sumes cibaria, inquit, quae convenientia sunt ad comedendum tam hominibus quam brutis. Fecitque Noah iuxta omnia quae praecepit illi Deus, nihil praetermisit.*

134) Ms.: Secum.

135) Ms.: Iustitias.

136) Gn 7, 19.

*Fecit igitur
Noe, etc.
Fidelis Noe
omnia
complevit,
quae Deus illi
mandavit.*

Plurimum eius obedientia commendatur; quae enim praecepta illi fuere, omnia executus est; non haec quidem fecit, illa vero prae-
termisit: sed omnia iure optimo opere complevit et sicut prae-
cepit illi Deus sic fecit; non iuxta proprium sensum, sed iuxta di-
vinam voluntatem omnia operatus est.

CAPUT SEPTIMUM

Vrr. 1-3 *Dixitque Dominus ad eum: Ingredere in arcam tu et omnis domus tua¹; te enim vidi iustum coram me in generatione hac. Ex omnibus animantibus mundis tolle septena et septena, masculum et feminam. ... Sed et de volatilibus coeli septena et septena, masculum et feminam, ut salvetur semen super faciem universae terrae.*

Textus Hebraicus: *Et dixit Dominus Noah: Veni tu et omnis domus tua in arcam, quia te vidi iustum coram me in generatione ista. Ex omni iumento mundo tolles tibi septem et septem, masculum et femellam eius; et de iumento, quod non est mundum, duo, masculum et femellam eius; etiam de volucre coeli septem et septem, masculum et femellam, ad vivificandum semen super faciem universae terrae.*

Praphrastes Chaldaeus: *Veni tu et omnis homo domus tuae in arcam.*

*Ingredere tu
et omnis domus
tua in arcam.*

Fert multorum Hebraeorum opinio² eas diluvii interminationes constructionisque arcae iussionem et instructionem quadringen-

1) Vr. 1. Vulg.: *Ingredere tu et omnis domus tua in arcam.* 2) Cf. Rab. Salomon qui ex dictione: *תשע*, adhuc vel amplius (*Adhuc et post dies septem*), colligit hos septem dies tempori praefinito, scilicet centum viginti annis, fuisse additos. Cum ergo diluvium inceperit sexcentesimo anno vitae Noe, huius Rab. sententia est diluvii interminationem quadringentesimo octogesimo anno vitae Noe factam esse. Op. cit. f. 9^a. Cf. etiam Paraphrastes Chaldaeus necnon et Targum Ierosolymitanum, ad cp. 6, 3, iuxta quos verba illa: *Eruntque dies illius centum viginti annorum*, significant temporis spatium a Deo concessum hominibus illis ad poenitendum. Idem sentit D. Augustinus *De Civitate Dei*, lib. 15, cp. 24, (P. L. 41, 471); D. Io. Chrysostomus autem *Hom. 28 in Gen.*, (P. G. 53, 220), et D. Hieronymus *Hebraic. Quaest. in Gen.*, (P. L. 23, 948), censent Noe revera fuisse quingentorum annorum, quia tamen homines illi poenitentiam agere contempserunt, Deum noluisse tempus expectare decretum, sed viginti annorum spatium amputatis, induxisse diluvium. Sic et Hugo de S. Victore *Annotat. Elucidat. in Pentat.*, ibid. 175, 46.

tesimo et octogesimo [anno] vitae Noe factas esse³, cum Dominus ait : *Eruntque dies illius centum viginti annorum*⁴ tempus : quibus expletis et arca constructa intra id tempus, ait Dominus ad Noe : *Ingrederere in arcam tu et omnis domus tua : hoc est omnis homo domus tuae.*

Opinio Hebraeorum de tempore interminationis diluvii.

Quid autem in causa extiterit cur ipse salvandus sit, reliquis omnibus diluvii inundatione perituris, subdit dicens : *Te enim vidi iustum coram me in generatione hac magna : profecto iustitiae virtus, quae tanti a Deo penditur, ut ob eius merita non solum iustus a clade et pernicie salvetur, sed et omnis domus eius. Quod si ea virtus in uno illo homine reperta non fuisset, universus proculdubio mundus, absque ullo superstite, inundatione periisset, nec semen ullum hominum esset relictum, sed species universa irrecuperabiliter, sicut Sodoma... et finitimae civitates*⁵, deleta fuisset. Huius virtutis itaque merito semen relictum est totusque mundus innovatus consistit ; propterea enim Noe et omnis domus eius in arcam ingredi iubentur, animalia quoque omnigena, *ut salvetur semen super faciem universae terrae.*

Te enim vidi iustum, etc. Propter suam iustitiam Noe cum domo sua a diluvio salvatur

et per eum genus humanum restauratur.

Et hominum quidem *octo animae salvae factae sunt*⁶, animalium vero mundorum *septena et septena*. Non quod uniuscuiusque speciei quattuordecim acciperentur ; infinita enim tunc animalium ea multitudine occupata nimium arca fuisset et tam multorum escis. Deinde nec erat necesse ; nam ad semen salvandum super terram salva haec facta sunt : at hominum, quae prima est species, octo tantum salvantur animae : cur ergo brutorum quattuordecim ? Animalia igitur *septena et septena*, hoc est singularum specierum septem : sex ad speciem propagandam, septimum salvatur pro sacrificio, quod post diluvium ex omnibus mundis animalibus Noe in *odorem suavitatis* Deo obtulit⁷. Immundorum vero animalium bina tantum salvantur, masculus et femella, ad speciem propagandam.

Septena, idest septem individua cuiusvis speciei : sex ad propagandam speciem et unum pro sacrificio.

At unde novit Noe quaenam pura, vel impura animalia essent ? Nondum enim mundorum immundorumque animalium lex data erat, quae Moysis tempore sancita est factaque distinctio⁸. Sane dici potest Deum omniscium, qui haec illi iussit, eum docuisse quaenam munda quaeve non munda animalia essent, praeter scientiam rerum naturalium,

Distinctionem inter munda et immunda animalia Noe a Deo didicit.

3) Ms. : *Iussio... instructio... facta esse.*

6) 1 Petr 3, 20.

7) Gn 8, 20-21.

4) Gn 6, 3.

5) Iud vr. 7, et cf. Gn 19, 24-25.

8) Cf. Lv 11, 2 sqq.

quam habebat, qui etiam artis coloniae industria et iure optimo colendae terrae peritia insignis fuit, vineamque primus plantavit et coluit ⁹.

At cum bona et valde bona dicantur, quaecumque Deus fecit – sic enim a Conditore approbata sunt : *Vidit, inquit, Deus cuncta quae fecerat, et erant valde bona* ¹⁰, – quomodo immundum quidquam vocat eorum, quae Creatoris iudicio approbata sunt et laudata? At certe bona valde sunt cuncta, quae Deus fecit; quae vero in usum hominum et ad comedendum apta convenientiaque essent quaeve non essent, natura ipsa diiudicavit: et illa quidem munda, haec vero immunda dicuntur. Etenim in locis nonnullis ab aliquibus abstinent aliqui, veluti ab immundis et non probatis; alii vero illis ipsis vescuntur, consuetudine se ad hoc inducente. Sic et tunc erat. Ipsa scientia iusto insita docebat quaenam ad cibum accommoda, et quae inepta ac immunda; non ut ita sint, sed ut pro immundis habeantur. Et nos cur equos quidem et asinos similiaque animalia immunda censemus ad cibum, quamvis herbis et leguminibus pascantur: alia vero quadrupedia, quae illis ipsis vescuntur, cibo convenientia putamus, etiam multa, quae immundis nutriuntur alimentis? Plane ipsa scientia a Deo nobis suapte natura supposita instinctu nos ipsos docet et consuetudo plurimum inducit, ut plerumque accomoda nos alimenta mundaque putemus, quae alii horrent et execrantur; et nos quoque multa detestemur, quibus alii vesci solent.

Vrr. 4-5 *Adhuc enim, et post dies septem ego pluam super terram quadraginta diebus et quadraginta noctibus et delebo omnem substantiam, quam feci, de superficie terrae. Fecit ergo Noe omnia, quae mandaverat ei Dominus.*

Textus Hebraicus: *Quoniam ad dies adhuc septem ego pluo super terram quadraginta diebus et quadraginta noctibus, et delebo omne subsistens, quod feci, a superficie terrae. Et fecit Noah iuxta omnia, quae praecepit illi Dominus.*

Paraphrastes Chaldaicus: *Quoniam ad tempus dierum adhuc septem ego humorem pluo super terram, etc.*

Aiunt plerique ¹¹ septem hos dies defuisse ut centum viginti annorum tempus expleretur, cum Dominus diluvium interminatus est mundo, quibus expletis, cataclysmus ille omnium maximus incepit.

*Dies septem.
Alii opinantur
hos dies de-*

9) Cf. Gn 9, 20.

10) Ibid. 1, 31.

11) Cf. Rab. Salomon op. cit. f. 9a.

Alii vero hos dies supra tempus illud aiunt¹² concessisse Deum ob Mathusalae luctum, qui anno diluvii mortuus est; quoniam vero iustitia in vita polluit, aquae inundatione eum perire noluit Deus, sed morte iustorum obire. Eo itaque defuncto, ad eius honorem Deus septem hos dies contribuit, in quibus funerales eius luctus exple-
rentur.

fulsse spatio
centum vi-
ginti annorum;
alii concessos
fuisse ad
explenda
funera
Mathusalae.

Ego vero ob aliud septem diebus adhuc superstetisse Deum existimo ut diluvium adduceret, quoniam misericordiae Dei non est numerus et bonitatis ipsius infinitus est thesaurus¹³. Praedixit hanc universalem cladem et extremam hominum perniciem centum viginti annis priusquam adduceret, ut homines illos impios emendatiores redderet ad poenitentiamque adduceret, ut misereretur eis; praedicat ante fores esse interitum, ut tantae cladis metu a malis eos averteret. Illi vero a malitia nequaquam desistunt, sed cumulatus insistunt; sed misericordissimus Deus adhuc compatitur. Homines enim suapte natura quodammodo negligentiores esse assolent cum vel incerta punitio est, vel multo post futura; at vero dum vicina norunt esse quae offendere possunt, cum pressura *prope est in ianuis*¹⁴, cum ante fores est tribulatio, humiliantur et plurimam conversionem ostentant.

Verius tamen
videtur super
additos fuisse
ob misericor-
diam Dei,
expectantis
impiorum
illorum
conversionem,

Sic enim Ninivitis, quorum malitia nil minus his coram Deo ascenderat, contigit; quandoquidem ubi audierunt quod *adhuc quadraginta dies et Ninive subvertetur*, humiliati sunt, destiterunt a malis perpetrandis, praeteritorum poenitentiam in ieiunio, cinere et cilicio egerunt a maximo usque ad minimum, et ad bruta usque, ea quae ad poenitentiam pertinent, extenderunt, ut misericordiam Domini sibi conciliarent; non desperaverunt misericordiam brevi temporis intervallo: sed instantis eversionis metu perterriti, *conversi sunt a via sua mala et ab iniquitate, quae erat in manibus eorum*, quia: *Quis scit si convertatur et ignoscat Deus et revertatur a furore irae suae et non peribimus?*¹⁵ Et vidit misericordissimus Deus opera eorum et brevissimo illo temporis intervallo placatus est momentanea illa poenitentia, et misertus est eorum.

sicut
expectavit
Ninivitas,
qui poeniten-
tiam egerunt
et salvi facti
sunt.

12) Cf. idem ibid. Rab. Aben Ezra autem putat septem istis diebus ultro ad Noe venisse omnium generum animalia. Ibid. Cf. etiam Nic. Lyranus op. cit. f. 53*; Alph. Tostatus op. cit. f. 40*.

13) Cf. *Missale Rom.*, Orat. in Missa pro Gratiarum Actione.

14) Mt 24, 33.

15) Ion 3, 4-10.

Ideo iterum
exterminium
interminat,

Id quoque et hic attentat Deus ; septem diebus ante praedicat, si forte ob ingentis cladis et maximae perniciiei in septimum diem interminatae metum atque terrorem humiliarentur homines illi, et a malis desistentes, per poenitentiam humilem Deum placarent sibi que Dei misericordiam conciliarent ; nam et *Noe iustitiae praeconem*¹⁶ habebant, qui ex Dei sententia diluvii divinam interminationem praedicabat et ut poeniterent hortabatur omnes¹⁷. Ait itaque : *Ego adhuc post septem dies pluam* : septem, inquit, diebus adhuc eos ad poenitentiam misericordissime expectare volo : sufficiunt enim eis ad perpetrata peccata abstergenda atque delenda, si ex corde poenitere voluerint ; quod si noluerint, tunc incipiam pluere *super terram quadraginta diebus et quadraginta noctibus*.

et cum posset
uno momento
diluvium indu-
cere, tamen
differt,

Potuisset profecto uno die totam pluviam inducere¹⁸, potuisset et momento uno ; sed dedita opera id facit, volens simul et timorem incutere et occasionem praestare, qua possent poenam, quae in foribus erat, effugere. Nam etsi cum incepisset pluvia in eorum perniciem, poenitentia ducti fuissent, utique furor Domini fuisset placatus ; veluti cum in filios Israel furor Domini exarsit et maximus ignis ad eos devorandos a facie Domini egressus est, iamque extrema castrorum devoraverat : et oravit Moyses ad Dominum et absorptus est ignis¹⁹. Iterum etiam cum delere eos vellet Deus et iam egressa esset ira a Domino et plaga desaeviret, currens Aaron in mediam multitudinem, quam vastabat incendium, et stans inter vivos et mortuos, obtulit thymiana deprecatusque est Dominum et cessavit plaga²⁰. Ita plane si etiam egressa ira hac a Domino cumque iam incepisset plaga et hi poenitentes ex corde misericordiam petiissent, profecto non fuisset eis negata. Quia vero nihili eos poenituit, deleti sunt.

et per
quadraginta
dies pluviam
mittit, si forte
poeniteant fu-
rorem eius
placaturi.

Vrr. 6-9

Eratque Noe sexcentorum fere annorum, quando diluvii aquae inundaverunt super terram. Et ingressus est Noe et filii eius, et uxor eius et uxores filiorum eius cum eo in arcam propter aquas diluvii. De animantibus quoque mundis et immundis et de volucribus et ex omni, quod movetur super terram, duo et duo ingressa sunt ad Noe in arcam, masculus et femina, sicut praeceperat Deus Noe.

Textus Hebraicus : *Et Noah filius erat sexcentorum an-*

16) 2 Petr 2, 5.

17) Cf. 1 Petr 3, 20.

18) Ms.: *Induceret.*

19) Cf Nm 11, 1-2.

20) Cf. ibid. 16, 44-50.

norum et diluvium aquarum fuit super terram. Et venit Noah et filii eius et uxor illius et uxores filiorum eius cum eo [in arcam] a facie aquarum diluvii. De iumento mundo et de iumento, quod non est mundum, et de volatili et omni, quod replat super terram, duo duo venerunt ad Noah in arcam, masculus et femina, quemadmodum praecepit Deus Noah.

Non est in Textu Hebraico illud *fere*, quod est in nostro Textu²¹, sed ostendit sexcentos annos tunc natum fuisse Noe, quando diluvium venit super terram, a quo fugientes ipse et domus eius tota arcam ingressi sunt. Similiterque animalia omnigena ad Domini praeceptum, cui cuncta obediunt, absque Noe labore, a seipsis ingressa sunt, Deo hunc instinctum in ea immittente, veniebantque animalia *duo et duo*, idest bina semper paria et coniugata, masculus et femina, maris coniux, ad salvandum semen super terram. Noe vero, sicut praeceptum a Domino acceperat, ea ingredi sinebat et propria singulis loca assignabat: siquidem mansiunculas sive nidos in arca fecerat, ut alium locum animalia mitia, alium ferocia habitarent, nec ad invicem laederentur.

Et ingressus est Noe, etc. Noe et domus eius arcam ingreditur, in quam et animalia intrant et suas quaeque mansiunculas occupant.

Vrr. 10-12 *Cumque transissent septem dies, aquae diluvii inundaverunt super terram. Anno sexcentesimo vitae Noe, mense secundo, septimo decimo die mensis, rupti sunt omnes fontes abyssi magnae, et cataractae coeli apertae sunt, et facta est pluvia super terram quadraginta diebus et quadraginta noctibus.*

Textus Hebraicus: *Et factum est ad hebdomadam dierum et aquae diluvii fuerunt super terram. In anno sexcentesimo, anno, inquam, vitae Noah, in mense secundo et septimo decimo die mensis, in die hac rupti sunt omnes fontes abyssi magnae, et fenestrae coeli apertae sunt, et fuit pluvia super terram quadraginta diebus et quadraginta noctibus.*

Sic et Paraprastes Chaldaicus.

Menses apud Hebraeos²² hi sunt: **ניסן**, idest Martius; **אייר**, Aprilis; **סיון**, Maius; **תמוז**, Iunius; **אב**, Iulius; **אלול**, Augu-

Mense secundo, etc. Hebraei, men-

21) Nescimus de quo Textu loquatur S. Auctor, cum illud adverbium: *Fere*, non inveniat adnotatum in *Biblia Maxima* Io. De La Haye, nec in *Biblia Sacra* H. Quentini. Cf. tamen Alph. Tostatus op. cit. f. 41^a; Corn. A Lapide Comment. in Gen., pag. 90; Aug. Calmet Comment. in Gen., pag. 61; Io. De La Haye *Biblia Maxima Versionum, Versio Persica Geneseos*, Interpretatio Latina, vol. 1, pag. 450. 22) Cf. A. Zanollini *Lexicon Hebraicum*, sub voce: **חֹדֶשׁ**.

sibus lunaribus utentes, singulis trienniis embolismum faciunt. stus; תשרי, September; מרחשון, October; כסליו, November; טבת, December; שבט, Ianuarius; אדר, Februarius; ואדר, secundus Februarius, sive embolismalis; siquidem mensibus lunaribus utuntur et tertio quoque anno faciunt embolismum, hoc est annum tredecim mensium.

In profanis annum exordiuntur a mense Septembri, in sacris autem a Martio.

Statuunt quoque Hebraei²³ duplex anni initium: aliud quidem in rebus profanis, aliud in rebus sacris. In profanis annum exordiuntur a תשרי, idest Septembri; autumant enim, iuxta Rabbini Eliezer sententiam²⁴, in Septembri mundum fuisse creatum, quoniam in mundi creatione arbores fuere fructibus onustae: tempus autem fructuum September est; unde post autumnale aequinoctium, cum veterem annum suis fructibus expoliarint, a Septembri sumunt novi anni initium. In rebus vero sacris exordium in ניסן, idest Martio statuunt, iuxta illud: *Mensis iste vobis principium mensium primus erit in mensibus anni*²⁵; et Rabbinus quidem Iosue sentit²⁶ ab eo mense annum simpliciter incipere et in eo creatum esse mundum, sicut et nostrates tenent²⁷.

Ideo secundus mensis ab illis sumitur pro Octobri, eo magis quia hic est mensis imbrium et pluviarum.

Dubitatum est itaque apud Hebraeos sit ne mensis iste secundus, quo diluvium incepisse dicitur, אייר, idest Aprilis, qui secundus est mensis, ניסן, idest Martium sequens, an מרחשון, idest October, qui secundus est a Septembri. Et haec quidem opinio arripet magis Hebraeis, tum quia Septembrem autumant simpliciter primum esse mensium anni a conditione, Martium vero ex divino instituto, et propterea dicitur: *Mensis iste vobis principium mensium primus erit in mensibus anni*: idest qui primo non fuit primus, sed institutus est primus, propterea quod in eo filii Israel educti sunt,

23) Cf. Talmud, Sanhedrin, f. 108^a; Laurentius Beyerlink *Theatrum Vitae Humanae*, sub voce: *Annus*; Munsterus, col. 248; Clarius, col. 249. 24) Cf. Talmud, Sanhedrin, f. 108^a, et apud Rab. Salomonem op. cit. f. 9^a. 25) Ex 12, 1. 26) Cf. Talmud, Sanhedrin, f. 108^a, et apud Rab. Salomonem op. cit. f. 9^a. 27) S. Theophilus Caesar. Epist. De Pascha, (P. G. 5, 1368); S. Cyrillus Ierosol. *Catechesis* 14, ibid. 33, 385; S. Athanasius *Quaest. ad Antiochum*, quaest. 55, ibid. 28, 631; Theodoretus *Quaest. in Exodum*, Interr. 72, ibid. 80, 298; S. Io. Damascenus *De Fide Orthodoxa*, lib. 2, cp. 7, ibid. 94, 890; S. Ambrosius *Hexaem.*, lib. 1, cp. 4, (P. L. 14, 128); *Sermo* 31, cp. 2, ibid. 17, 673; S. Leo M. *Sermo* 70, cp. 3, ibid. 54, 344; S. Isidorus Hisp. *Etymol.*, lib. 5, cp. 35, ibid. 82, 220-221; S. Beda *De Temporum Ratione*, cp. 66, ibid. 90, 522; *Hexaem.*, lib. 2, ibid. 91, 95; Rabanus Maurus *Enarrat. in lib. Numerorum*, lib. 2, cp. 1, ibid. 108, 641; Strabus *Glossa Ord. in Gen.*, ibid. 113, 110; Remigius *Comment. in Gen.*, ibid. 131, 76-77; Caletanus op. cit. pag. 6; *Breviarium Rom.*, Hymnus ad Matutinum per annum: *Primo die*, etc.

Dei ope, a servitute durissima Aegyptiorum²⁸; deinde quoniam adhuc October mensis est imbrium et pluviarum. Hanc sententiam ex nostratibus nonnulli recipiunt²⁹.

Nec mihi quidem satis constat in quam sententiam eundem sit, dicam tamen quod sentio, sapientioribus sua sensa relinquens. Ego igitur cum anni hic vitae Noe recenseantur et annus quilibet mensibus constet, menses quoque hos ad idem referri existimarim, ut cum dicitur venisse diluvium *sexcentesimo anno vitae Noe, mense secundo*, sicut initium annorum Noe non exquiritur ut illud idem sit tempus, quo annus simpliciter innovatur et incipit, sed quo Noe natus est; ita pariter et mensis secundus non sit, qui post primum anni innovati mensem sequitur, sed secundus post primum mensem anni sexcentissimi vitae Noe.

Tamen videtur intelligendus *secundus* sexcentissimi anni vitae Noe,

Mos enim est ut menses, ex quibus anni constant, iuxta annorum sumptionem sumantur et unde annus emergens alicuius incipit, inde quoque menses numerari incipiant, ceu apud Ezechielem legimus³⁰: *Et factum est in anno trigesimo, in quarto, in quinta mensis*; et apud Ieremiam³¹: *Et factum est in anno illo in principio regni Sedeciae regis Iuda, in anno quarto, in mense quinto*; et in plerisque aliis locis Sacrae Scripturae³², in quibus menses iuxta annorum rationem numerantur.

ad usum loquendi S. Scripturae,

Et certe si ita intelligatur, omnis illa amphibologia expungitur, nec ullum sequitur incommodum. Si enim mensis secundus in anni serie mensium accipiatur, utique incommoda nonnulla se nobis obii-ciunt. Siquidem *arca mense septimo, vigesima septima* vel, iuxta Hebraeos, *decima septima die mensis supra montes Armeniae*³³ requies-visse dicitur; unde nonnisi quinque menses intercessissent, ex quo diluvium incepit ad usque arcae quietem. At certe multo plures intercesserunt; siquidem *quadraginta diebus et quadraginta noctibus* pluit super terram; postmodum vero *obtinuerunt... aquae terram centum quinquaginta diebus*³⁴; post centum vero quinquaginta dies minui coeperunt³⁵. At hi dies, si computentur, multo plus quinque lunaribus

ut incommoda vitentur quae exurgerent, si acciperetur pro mense secundo mensium anni.

28) Cf. Ex 12, 28.

29) Cf. Alph. Tostatus op. cit. f. 41^b; Cartwrightus, col. 256.

30) 1, 1.

31) 28, 1.

32) Cf. Ibid. 26, 1; 27, 1; Est 8, 9; Ier 39, 1-2; 52, 4-6;

Bar 1, 2, 8; Ez 8, 1; 20, 1; Agg 1, 1; Zach 1, 1.

33) Gn 8, 4. Vulg.: *Vigesimo septimo*

die... super montes, etc.

34) Ibid. 7, 24.

35) Cf. Ibid. 8, 3.

mensibus, quibus Hebraei utuntur iuxta Sacrae Scripturae normam, efficient et eo magis quo multi profluxere dies ab eo tempore, quo minui aquae coeperunt, quoadusque requiesceret arca. Siquidem ut parum illud aquae, quo ima arcae pars mergebatur, deficeret, profluxit tempus a decima septima die mensis septimi adusque primum diem decimi mensis, cum *apparuerunt cacumina montium*³⁶; *quindecim enim cubitis* praevaluerant aquae supra omnes montes excelsos, qui sunt *sub universo coelo*³⁷: arca autem prius fluitabat in sublime elata. A tempore igitur quo coeperunt aquae imminui, quoadusque quiesceret arca, nonnulli interfluxere dies, qui maiorem praefatum dierum numerum constituunt. Falsum ergo Scriptura divina diceret vel includeret luce clarius, quod esse non potest.

Nos itaque ita locum hunc exponimus. *Cumque transissent septem dies, aquae diluvii inundaverunt super terram*, sicut praedixerat: *Adhuc enim et post septem dies ego pluam super terram*, etc.: quoniam gens illa etiam cum imminentem cladem et ad ostium ante fores propissime superstantem perniciem extimere noluit, nec humiliari et ex corde poenitere, transactis septem diebus, quibus adhuc misericordissimus Deus expectare eos voluit ad poenitentiam, cum nil eos scelestissimorum facinorum poenituisset, diluvium misit *sexcentesimo anno vitae Noe, mense secundo anni sexcentesimali, decima septima die illius mensis*.

Probabiliter
secundus hic
mensis fuit
Ianuarius, vel
Februarius,
quia hoc tem-
pore planetae
pluvialibus
signis coniun-
guntur.

Quo autem anni tempore diluvium inundarit, ego quidem estimarim eo tempore illuisse, quo humentes planetae pluvialibus signis coniunguntur; hae vero coniunctiones Ianuarii et Februarii tempore fieri assolent cum sol est sub aquario et piscibus. Illius autem coniunctionis vi apud nonnullas regiones diluvia contigisse feruntur: cuiusmodi fuit Deucalionis diluvium illud ingens apud Thessalos, cuius extat apud Ovidium fabula³⁸ et apud Iuvenalem³⁹; Ogygis etiam Thebanorum regis, qui Thebas Beotias aedificavit, saeculo maximus cataclysmus inundavit, ut B. Augustinus refert⁴⁰, et multo maior eo, qui Deucalionis tempore maximam terrae partem inundavit. Apud Platonem etiam⁴¹ et veteres philosophos⁴²

36) Ibid. vr. 5.

37) Cf. Ibid. 7, 19-20.

38) *Metamorph.*, lib. 1, vrr. 253-312.

39) *Satyra 1*, vrr. 81-82.

40) *De Civitate Dei*, lib. 18, ep. 8, (P. L. 41, 566); ep. 10, ibid. col. 568.

41) *Timaeus*, t. 3, pag. 23.

42) Cf. Tatianus *Assyrius Orat. adversus*

pleraque alia diluvia leguntur; haec sane virtute illarum conjunctionum facta sunt.

At vero universalis ista maximaque alluvies, qua eousque inundarunt aquae, ut quindecim cubitis supra omnes montes excelsos, qui sunt sub universo, praevalerent, his naturalibus causis concurrentibus quidem, non tamen sufficientibus, omnipotenti Dei virtute et potestate naturalium causarum vim et potestatem adaugente, factum est: propterea dicitur: *Ego ego, inquam, pluam super terram.*

Ad ostendendum autem quod supra naturae vires facta est haec diluvies, ait: *Rupti sunt omnes fontes abyssi magnae, et cataractae coeli apertae sunt, et facta est pluvia... quadraginta diebus et quadraginta noctibus.* Sane nec cataractas, aut fenestras coelum habet, quae apertae sint, nec abyssus fontes; sed tropica locutio est, veluti per metaphoram indicat terram maxima tempestate correptam esse et e coelo maximos pluviarum nimbos descendisse: veluti si patuisset coelum et aquae supercoelestes cum maximo fragore et strepitu profusissime descenderent, ut flumina potius quam pluviae e coelo veluti patenti et abrupto cadere viderentur; aut si coelestes urnae prae grandes veluti fluviorum alvei maximas aquarum copias⁴³ versarent.

Porro per *coelum* hic medium aeris interstitium intelligimus, in quo aquae in nubibus, veluti in alveis flumina, continentur ibique maxima ea aquarum alluvies et cataclysmus, Deo iubente, sit generata: per *abyssum* vero *magnam* plerique⁴⁴ oceanum [intelligunt] quod mare maximum est; *abyssus* autem immensam aquarum profundissimarum molem designat. Nonnunquam vero *abyssus* pro antris et cavernosis abruptisque terrae locis accipitur, quemadmodum Sanctus Propheta aiebat: *Et de abyssi terrae iterum reduxisti me*⁴⁵; et ita Rabbini usque Aברהאנל exponit⁴⁶, quod ex subterraneis locis surgebant aquae, quae sub terra sunt, veluti e fontibus. Tum coelum ergo tum terra aquas profusissime prodigebant, et ex aquis, quae e coelo versabantur

Diluvium universale factum non fuit causis naturalibus, sed ex voluntate divina.

Fontes et cataractae accipienda sunt metaphorice, ad intelligendam immensam aquarum alluviem.

Sic per *coelum* intelligitur medium aeris interstitium, ubi nubes congregantur;

per *abyssum* autem vel mare, vel cavernosa et profundissima terrae loca aquis plena.

Graecos, (P. G. 6, 883); Clemens Alex. *Stromatum*, lib. 1, cp. 21, ibid. 8, 822-826; Origenes *Contra Celsum*, lib. 1, ibid. 11, 694; Aristot. *Meteor.*, lib. 1, cp. 14, t. 1, pag. 336-337; L. An. Seneca *Naturales Quaest.*, lib. 3, cp. 27-29, pag. 874-876; Iuvenalis *Satyra* 6, vr. 411; Virg. *Aeneid.*, lib. 12, vrr. 204-205; Lucanus *De Bello Civili*, lib. 1, vr. 653. 43) Ms.: *Copia*. 44) *Drusius*: «Hebraice triplex habetur significatio *abyssi*: primo denotat aquae molem terrae permixtam (Gn 1, 2); secundo *aquas maris*, quae in alto (Ion 2, 6); tertio *fundum maris*, idest: קרקע הים, ut Ps 106 (Vulg. 105), 9: *Deduxit eos per abyssos*». Col. 252. 45) Ps 70, 20. 46) Op. cit. f. 43^b.

copiosae et quae e terra emergebant, immensae profunditatis voragine et aquarum profundissima barathra facta sunt ad perdendum omnem carnem immensa illa aquarum congerie et inexplebilibus gurgitibus.

Vrr. 13-16 *In articulo diei illius ingressus est Noe et Sem et Cham et Iaphet, filii eius, et uxor illius, et . . . uxores filiorum eius cum eis in arcam; ipsi et omne animal secundum genus suum universaeque iumenta in genere suo et omne, quod movetur super terram, in genere suo cunctumque volatile secundum genus suum, universae aves omnesque volucres ingressae sunt ad Noe in arcam, bina et bina ex omni carne, in qua erat spiritus vitae. Et quae ingressa sunt, masculus et femina ex omni carne introierunt, sicut praeceperat ei Deus; et inclusit eum Dominus de foris.*

Textus Hebraicus: *In corpore diei huius venit Noah et Sem et Ham et Iapheth, filii Noah, et uxor Noah, et tres uxores filiorum eius cum eis in arcam: ipsi et omne animal iuxta speciem suam et omne iumentum in specie sua et omne reptile, quod reptat super terram, in specie sua, et omne volatile in specie sua, omnis avis, omne pennatum, et venerunt ad Noah in arcam, duo duo ex omni carne, in qua est spiritus vitae. Et venientes masculus et femella ex omni carne venerunt, sicut praecepit ei Deus; et clausit Dominus super eum.*

Chaldaeus Interpres habet: כַּכֶּן; est autem כֶּן idem quod עַם: *in corpore diei, in ipsomet die, in articulo diei huius; illud vero: Et clausit Dominus super eum: Et protexit Dominus in verbo suo super eum.*

In articulo diei illius, etc. Noe obediente Deoque adiuvante, ipsomet cataclysmi die omnia in arca recte disposita sunt, quin a gente illa pessima impedirentur.

Ostendit Sacra Scriptura Noe obedientiam et omnium mandatorum executionem, non tamen citra Dei auxilium et singularem opem: siquidem ait facta esse omnia haec *in articulo diei illius*, hoc est *in ipsomet die*, quo cataclysmus descendere e coelo coepit. Impossibile siquidem erat omnia haec uno die fieri, universam in arca dispositionem hominum et animalium, omnis generis bestiarum, iumentorum, reptilium, volucrum omniumque pennatorum, iuxta quod Dominus praeceperat. Sed Deo opem ferente cuncta peracta sunt, qui iusto semper astitit, ne etiam a gente illa pessima et scelestissima, a qua nimium erat invisus, quoniam contrarius erat operibus eorum⁴⁷, aut vi op-

47) Cf. Sap 2, 12.

primeretur, aut occideretur, vel saltem impediretur ab opere; vouldissent enim ipsum quoque una cum aliis omnibus perire, imo prae omnibus tanquam invisissimum. Sed astitit Deus, qui eum ab impiis tutatus est ne quid mali in eum, etsi summe affectabant, operarentur, sed illaesus maneret; quoniam iustitia sua mundum damnaverat, heres factus eius iustitiae, quae secundum fidem est ⁴⁸.

Et ecce clarior Dei super eum protectio: *Clausit*, inquit, *Dominus a foris*. Praeceperat ut bitumine arcam intrinsecus extrinsecusque liniret ad tabularum rimas occludendas, ne aditum aquis inimicis praeberent; ostium autem arcae, quod a latere posuerat, linire quidem intrinsecus poterat, extrinsecus autem non poterat. At supplevit Deus quod non poterat homo; ostium enim clausit extrinsecus firmiterque adeo obseravit, ne modo quoquam per eius fixuras inimicus imber intus posset in arcam defluere. Id certe videtur praeseferre intelligentiae nostra Editio.

At si iuxta Chaldaicam Paraphrasim quod in hebraeo est intelligamus, sensus alius sese nobis placidus offert: *Et protexit*, inquit, *Dominus in verbo suo super eum*: quoniam superne Deus arcae curam agebat eamque nauclerio munere gubernabat. Nam quis naucleri gerebat munus ne arca, illa gravissima et intollerabili tempestate correpta, dum aquarum inundatione in sublime ferretur vi vehementium impellentiumque ventorum acta, ingentium montium scopulis impingeret et irremediabili extremoque naufragio periret? Aut quomodo potuisset adversus tantos fluctuum impetus obsistere, cum undarum procellarumque ingentia volumina, veluti altissimi montes, ad coelum usque ascendebant et ad abyssum usque descendebant? Quomodo arca illa non sub altis illis nigricantibus undis, immenso illo aquarum barathro et inexplabilibus voraginibus mergebatur, cum deorsum abyssus esset aquarum, omni ex latere undarum veluti montes aquarum ascendentium et descendentium, desuper vero e coelo copiosissimus aquarum cataclysmus versabatur, qui non arcam illam tantum potuisset, sed mundum universum obruere potuit et submergere aquis? Sed superne Deus eam protegebat, cuius vi nil potest obsistere; quapropter nullus potuit aquarum aut ventorum impetus arcam laedere, nec submergi unquam potuit; sed

Et inclusit eum, etc.
Singulari protectione Deus clausit a foris ostium arcae, quod Noe claudere ab intus nequibat.

Magis etiam ostenditur haec divina protectio in gubernatione arcae,

ne inter ingentissimos diluvii fluctus merge-retur et contra montium scopulos proiecta frangere-tur.

48) Cf. Rom 9, 30; 10, 6.

Dei munita praesidio et divina gubernatione superne gaudens aquis sublimior facta, inhabitantes admodum securos fecit; inter tot tantaque pericula undarum intumescentium, urgentium impellentiumque ventorum solida consistit, nunquam conteri periclitata, quoniam Dei virtute undequaque munita erat.

Vrr. 17-20 *Factumque est diluvium quadraginta diebus super terram, et multiplicatae sunt aquae et elevaverunt arcam in sublime a terra. Vehementer enim inundaverunt et omnia repleverunt in superficie terrae; porro arca ferebatur super aquas. Et aquae praevaluerunt nimis super terram, opertique sunt omnes montes excelsi sub universo coelo. Quindecim cubitis altior fuit aqua super omnes montes, quos operuerat.*

Textus Hebraicus: *Et factum est diluvium quadraginta diebus super terram, et multiplicatae sunt aquae et sustulerunt arcam et elevata est super terram. Et invaluerunt aquae et multiplicatae sunt valde super terram et ibat arca super faciem aquarum. Et aquae invaluerunt vehementissimae super terram, opertique sunt omnes montes excelsi, qui sunt sub omni coelo. Quindecim cubitis desuper invaluerunt aquae et operti sunt montes.*

Ostendit quam immensa aquarum abyssus facta sit et pluviae.

Factumque est diluvium, etc. *Factumque est diluvium*, hoc est maximus aquarum cataclysmus e coelo copiose descendentium, *quadraginta diebus*, quibus perpetuo pluit absque requie. Accipiendus est autem hic dies naturalis viginti quattuor horarum; supra enim dictum est: *Pluam... quadraginta diebus et quadraginta noctibus. Et multiplicatae sunt aquae*: idest nimium inundaverunt; arcam vero, quoniam e lignis pineis vel cedrinis ad fluitandum super aquas aptissimis constructa erat, sustulerunt in altum a terra, quoniam inundaverant, adeo ut omnia replevissent loca terrae contermina. *Et praevaluerunt nimis*: hoc est fortes valde fuerunt, adeo ut sua fortitudine arbores eradicarent et aedificia quaeque deiicerent omniaque subverterent.

De inundatione diluvii opinio Hebraeorum. Aiunt Hebraeorum nonnulli ⁴⁹ quod aer et terra in aquam conversa sunt et propterea adeo creverunt et invaluerunt aquae. Id autem Rabbino Abrabanel non placet ⁵⁰: sed quod aquae omnes,

49) Cf. apud Rab. Abrabanel in not. sequenti. Etiam S. Augustinus tenet diluvii tempore aerem in aquam mutatum fuisse. *De Genesi ad Litteram*, lib. 3, ep. 2, (P. L. 34, 280).
50) Op. cit. t. 44*.

quae sub terra degebant, ascenderunt prorumpentes veluti e fontibus et ascendentes arcam in sublime sustulerunt.

Subtiliter nimis cataclysmi huius excessum nobis *M o y s e s* describit. Primo enim pluvias e coelo descendentes *diluvium* vocat, ut ostendat copiosissimis imbribus pluisse ac veluti ad instar fluminum e coelo aquas alluisse; deinde inquit quod *aquae multiplicatae sunt* adeo ut in sublime excreverint et potuerint arcam in altum elevare; tertio, quod *vehementer inundaverunt*, ita ut replerint omnia *in superficie terrae*; quarto, quod inundarunt adeo ut praevalerent *nimis super terram*, ut montes etiam operirent, nedum plana terrae loca replerent; quinto, quod non montes mediocres veluti colles, sed montes excelsos, nec hos quidem huius regionis, non autem illos, sed *omnes, qui sunt sub universo coelo*, omnes montes ubique locorum; demum, quod operuere diluvii aquae omnes montes, nec quidem superficie tenus, adeo ut aliquis posset ad excelsos montes confugiens salvari, sed *quindecim cubitis*, ait, altior fuit aqua *super omnes montes, qui sunt sub universo coelo*, idest super omnes montes etiam excelsissimos.

Quare non recte utique mihi sentire videntur qui dicunt ⁵¹ Caucasii et Olympi montium altitudinem diluvii aquas non attigisse, nec etiam hortum Eden alluisse ⁵². Ecce enim ait diluvii aquam *super omnes excelsos montes, qui sunt sub universo coelo, quindecim cubitis* altiore fuisse; non superasse inquit omnes montes orientales tantum, aut occidentales tantum, aquilonares vel australes: non tantum montes Armeniae, aut cuiusvis alterius regionis; sed *omnes excelsos montes, qui sunt sub universo coelo*; nec simpliciter excessisse, sed *quindecim cubitis* altissimos quosque montes altitudine superasse.

Super omnes montes, etc.
Ex his
S. Scripturae
verbis
affirmandum
videtur omnes
orbis terrarum
montes
aquis diluvii
opertos fuisse.

Vrr. 21-23

Consumptaque est omnis caro, quae movebatur super terram, voluminum, animantium, bestiarum, omniumque reptilium, quae reptant super terram: universi homines et cuncta, in quibus spiraculum vitae est in terra, mortua sunt. Et delevit omnem substantiam, quae erat super terram ab homine usque ad pecus, tam reptile quam volucres coeli, et deleta sunt de terra.

51) Cf. Gioseffo Flavio *Delle Antichità Giudaiche*, lib. 1, cp. 5, f. 4^b; Caletanus op. cit. pag. 52.

52) Cf. Alph. Tostatus op. cit. f. 42^b; Caletanus op. cit. pag. 52; S. Rob. Bellarminus *Controrsiae Christianae Fidei, De Gratia Primi Hominis*, t. 4, col. 44-45; et ii omnes qui dicunt paradisum terrestrem globum lunarem attingere, vel adhuc existere in excelsissimo loco. Cf. cp. 3, pag. 325 et not. 232.

Textus Hebraicus: *Et expiravit omnis caro reptans super terram, in volatili, in iumento, in bestia, et in omni reptili, quod reptat super terram: sed et omnis homo, omne in cuius naribus spirabat spiritus vitae, ex omnibus, quae sunt in arida, mortua sunt. Et deletum est omne subsistens, quod est super faciem humi, ab homine usque ad iumentum, usque ad reptile, et usque ad volatile coeli, et deleta sunt de terra.*

Certe omnes viae Domini misericordia et veritas ⁵³. Si enim iustos praemiis afficit, amplioribus utique, quam iustitiae suae merita expetant et locupletioribus muneribus donat supra condignum; si autem iniustos ob scelera animadvertit, poenae multo minus infligit quam scelerum perversa merita exquirant: punit, inquam, citra condignum. An non poterat pessimam generationem hanc flammis ardentibus perdere et voracissimo igni vivos tradendo statim consumere? Poterat utique; sic enim Sodomam et finitimas civitates perdidit; sic et mundum universum in finali iudicio comburet ⁵⁴. At misericordia sua fecit, ut levius punirentur aquis submersi et praefocati, ut ne mortem quidem sentirent.

Sicque consumpta est omnis caro, idest omnis caro expiravit. Est autem in hebraeo: **וַיָּגוּעַ**, a radice **גוּעַ**, quod est obire non longa aegritudine, aut gravi morbo, vel cum magno dolore, sed leniter mori. Hoc ergo puniendi modo misericordissimus Deus gentem illam pessimam perdidit et mori voluit, ut obitum ⁵⁵, alioquin naturae debitum, vix sentirent: sed absque dolore et cruciatu supplicii loco vitam deponerent; aquis enim submersi leniter et sine dolore mortem obeunt et sine cruciatu vitam deponunt.

Per hunc ergo modum omnis caro vita absumpta est et omnis homo periit; et si gigantes tunc temporis erant in terra, ab inundatione tamen staturae altitudo et corporis vastitas salvare eos non potuit. Etenim etsi altissimos montes conscendissent, nec ibi salvari poterant, quoniam praevaluerant aquae super omnes excelsos montes *quindecim cubitis*; gigantes autem ad eam staturae altitudinem non pervenerunt. Siquidem *Og rex Basan*, qui *solus e stirpe gigantum*, qui post diluvium fuere, superstes relictus est, vix *novem cubitos* altitudinis habebat, ceu in *Deuteronomio* legimus ⁵⁶: *In Rabath filiorum*

53) Tob 3, 2.

54) Cf. 2 Petr 3, 7-12.

55) Ms.: Debitum, loco: Obitum.

56) 3, 11.

Consumptaque
est omnis caro,
etc.

Misericordia
Dei etiam in
diluvio mani-
festatur, quae
iustos ultra
meritum
praemiis
donat,
et impios citra
condignum
poenis plectit;

dum enim po-
tuisset crude-
liori supplicio
eos consumere,
leni tamen
morte eos
praefocat.

Consumptaque
est omnis caro;
idest omnes
homines, licet
statura valde
proceri, nullo
excepto,
perierunt.

Amon ostendi lectum eius ferreum longitudinis novem cubitorum. Fictio autem inanissima illa Hebraeorum est ⁵⁷, qui aiunt *Og* illum superstitem relictum fuisse ex illorum gigantum stirpe, qui ante diluvium fuere, cum hic dicatur diluvii inundatione omnes prorsus homines fuisse deletos et solum *Noe et qui cum eo erant in arca* relictos fuisse, sicut sequitur :

Solus *Noe* et familia eius salvati sunt in arca.

Vr. 24 *Remansit autem solus Noe et qui cum eo erant in arca. Obtinueruntque aquae terram centum quinquaginta diebus.*

Textus Hebraicus: *Et superstes fuit tantum Noah et qui cum eo erant in arca. Et invaluerunt aquae super terram quinquaginta et centum diebus, sive fortes fuerunt.*

Hoc est cum quadraginta dierum perpetua pluvia adeo multiplicatae essent aquae et vehementissime invaluissent, usque adeo ut excelsorum montium cacuminibus *quindecim cubitis* altiores essent, in ea fortitudine *centum quinquaginta diebus* permanserunt aquae nihili diminutae.

Centum quinquaginta diebus.

Numerus hic computandus est a cessatione pluviae,

Alii ⁵⁸ a primo pluviarum die hunc numerum dierum incipiunt ; sed multo melius est quod diximus. Cum enim *Moyse*s diluvii excessum posuisset, quod aquae invaluerant illo quadraginta dierum cataclysmo, adeo ut omnes montes operirent et altiores *quindecim cubitis* essent effectae, nunc exarat tempus, quo diluvii aquae in illo tam grandi excessu manserunt atque tempus *centum quinquaginta* dierum fuisse, quo aquae in eo excessu et fortitudine permanserunt.

non a principio diluvii, ut clare eruitur ex verbis *Moyse*s.

57) Cf. Nic. Lyranus op. cit. f. 53^b ; Alph. Tostatus op. cit. f. 43^a. 58) Drusius, col. 255 ; Cartwrightus, col. 256 ; Rab. Salomon putat istos centum quinquaginta dies numerandos esse a cessatione pluviarum. Op. cit. f. 9^b. Cf. etiam Nic. Lyranus op. cit. f. 53^b ; Alph. Tostatus op. cit. f. 43^a.

Dei munita praesidio et divina gubernatione superne gaudens aquis sublimior facta, inhabitantes admodum securos fecit; inter tot tantaque pericula undarum intumescantium, urgentium impellentiumque ventorum solida consistit, nunquam conteri periclitata, quoniam Dei virtute undequaque munita erat.

Vrr. 17-20

Factumque est diluvium quadraginta diebus super terram, et multiplicatae sunt aquae et elevaverunt arcam in sublime a terra. Vehementer enim inundaverunt et omnia repleverunt in superficie terrae; porro arca ferebatur super aquas. Et aquae praevaluerunt nimis super terram, opertique sunt omnes montes excelsi sub universo coelo. Quindecim cubitis altior fuit aqua super omnes montes, quos operuerat.

Textus Hebraicus: *Et factum est diluvium quadraginta diebus super terram, et multiplicatae sunt aquae et sustulerunt arcam et elevata est super terram. Et invaluerunt aquae et multiplicatae sunt valde super terram et ibat arca super faciem aquarum. Et aquae invaluerunt vehementissimae super terram, opertique sunt omnes montes excelsi, qui sunt sub omni coelo. Quindecim cubitis desuper invaluerunt aquae et operti sunt montes.*

Ostendit quam immensa aquarum abyssus facta sit et pluviae.

Factumque est diluvium, hoc est maximus aquarum cataclysmus e coelo copiose descendendum, quadraginta diebus, quibus perpetuo pluit absque requie. Accipiendus est autem hic dies naturalis viginti quattuor horarum; supra enim dictum est: Pluam... quadraginta diebus et quadraginta noctibus. Et multiplicatae sunt aquae: idest nimium inundaverunt; arcam vero, quoniam e lignis pineis vel cedrinis ad fluitandum super aquas aptissimis constructa erat, sustulerunt in altum a terra, quoniam inundaverant, adeo ut omnia replevissent loca terrae contermina. Et praevaluerunt nimis: hoc est fortes valde fuerunt, adeo ut sua fortitudine arbores eradicarent et aedificia quaeque deiicerent omniaque subverterent.

De inundatione diluvii opinio Hebraeorum.

Aiunt Hebraeorum nonnulli ⁴⁹ quod aer et terra in aquam conversa sunt et propterea adeo creverunt et invaluerunt aquae. Id autem Rabbino Abrabanel non placet ⁵⁰: sed quod aquae omnes,

49) Cf. apud Rab. Abrabanel in not. sequenti. Etiam S. Augustinus tenet diluvii tempore aerem in aquam mutatum fuisse. *De Genesi ad Litteram*, lib. 3, ep. 2, (P. L. 34, 280).
50) Op. cit. t. 1, 44*.

CAPUT OCTAVUM

Vrr. 1-3 *Recordatus est autem Dominus*¹ *Noe cunclorumque animantium et omnium iumentorum, quae erant cum eo in arca, et adduxit Dominus spiritum super terram, et imminutae sunt aquae. Et clausi sunt fontes abyssi magnae et cataractae coeli, et prohibitae sunt pluviae de coelo. Reversaeque sunt aquae... euntes et redeuntes: et coeperunt minui post centum quinquaginta dies.*

Textus Hebraicus: *Et recordatus est Deus ipsius Noah et omnis viventis omnisque iumenti, quod erat cum ipso in arca, et transire fecit Deus ventum super terram, et cessaverunt aquae. Et obstructi sunt fontes abyssi et fenestrae coeli, et cohibita est pluvia de coelo. Et reversae sunt aquae de terra eundo et redeundo: et imminutae sunt aquae a fine quinquaginta et centum dierum.*

Sic et Chaldaicus Interpres.

Targum vero Ierosolymitanum: *Et recordatus est in misericordia sua bona quae est cum eo ipsius Noah et transire fecit spiritum misericordiarum.*

Recordatus est autem Deus. Profecto nulla potest in Deum oblivio cadere; neque enim supremae illae divinae mentis ideae, quae veluti intellectiles species sunt in intellectu nostro, deleri quoquo pacto possunt, ut ex ea deletione sequatur oblivio. Divinus siquidem intellectus ars est plena omnium rationum viventium ac per suammet essentiam, quae primum ac summum est entium intellectualium, cuncta intelligit immutabiliter et semper in ea cuncta ei aperte et manifestissime patent et luce clarissima clarius. Memoria autem in Deo amplius nil est quam divinus intellectus una cum obiecto praesenti, idest suo intelligibili, sicut et in nobis. Dico autem memoriam in nobis non eam, quae ad sensum pertinet, estque ultima inter sensus interiores post existimativam, in posteriori ventriculo cerebri sita

Recordatus autem Deus, etc.
Figurate loquitur S. Scriptura, in Deum enim nulla oblivio cadere potest,

quia memoria et intellectus idem sunt cum divina essentia, in qua cunctae essentiae creatae

1) Vr. 1. Vulg.: *Recordatus autem Deus, etc.*

ad occiput², quae sensibilibus phantasmata aut potius sensibilibus specierum intentiones suapte natura nata est retinere et conservare estque veluti cellarium aut thesauri repositorium ad recondendas sensibilibus specierum praecedentium sensuum intentiones; sed memoriam dico intellectilem, quae intellectuales species apta nata servare est. Praeter memoriam siquidem sensitivam, intellectivam in homine poni necessum est, ut sicut illa sensibilibus phantasmatum retinet intentiones, ita haec intelligibilibus specierum sit veluti abacus et thesaurus. Species enim intelligibiles nequeunt in organo corporeo conservari: illud enim materiale est, hae vero immateriales; sicut nec sensibiles species vel intentiones servari in intellectu possunt: crassiores enim hae sunt, quam ut altissimam intellectus potentiam possint ingredi.

manifestissime videntur.

In homine duplex datur memoria:

Pro sensibilibus ergo phantasmatum intentionibus recondendis *sensitiva* memoria datur: ad intellectuales vero species conservandas, veluti in thesauro, *intellectiva*³. Haec autem nil est aliud quam ipsemet intellectus, qui quidem quatenus intelligibilibus rerum species efformat atque producit, hoc est intellectuales efficit phantasmata suo lumine irradiando, *agens* intellectus dicitur; quatenus vero efformatas intellectuales species in sese recipit ad intelligentiam producendam, *possibilis* nomenclaturam sortitus est; quatenus autem illas easdem species intra sese reconditas servat, ut, etsi intellectus non actu intelligat, species tamen intelligibiles reconditas habeat, ut cum voluerit sese supra eas convertat fiatque intellectus in actu et intelligentiam gignat, *memoriae* nomen accipit.

sensitiva, ad retinendas species sensibiles; intellectiva, ad conservandas species intellectuales;

Memoria itaque nil aliud est quam ipsemet intellectus cum obiecto praesenti vel in se vel in suo simulacro⁴. Semper enim intellectus simulacra intelligibilibus, hoc est species intellectuales praesentes habet, etsi non semper intelligat; non enim obiecti aut speciei inexistencia per sese ad intelligentiam efficiendam suapte natura potens est:

haec vero est ipsemet intellectus, quatenus species intellectuales in se reconditas conservat.

2) *S. Thomas*: «Ad conservationem formarum intentionalium ordinatur vis memorativa, quae est thesaurus quidam huiusmodi intentionum... cui medici assignant determinatum organum, scilicet mediam partem capitis». *S. Theolog.* 1^a, q. 78, a. 4, c.

3) *Idem*: «Memoria, ut virtus conservativa specierum intelligibilibus est, ad partem intellectivam; ut vero ad praeterita, ut praeterita sunt, respectum habet, magis ad animae sensitivam partem attinet». *Ibid.* q. 79, a. 6, c.

4) *Idem*: «Nulla alia differentia potentialium in intellectu esse potest nisi possibilis et agentis. Unde patet quod memoria non est alia potentia ab intellectu. Ad rationem enim potentiae passivae pertinet conservare, sicut et recipere». *Ibid.* a. 7, c.

sed cum intellectus supra illa convertitur, tunc gignitur intelligentia.

In Deo mutatio memoriae non datur, quia intellectus et memoria, actus et habitus memorandi et ipsae species rerum identificantur cum divina essentia,

et eodem actu simplicissimo seipsum et omnia cognoscit, et suae voluntatis determinatione cuncta producit.

Ita plane in Deo memoria nil aliud est quam intellectus divinus atque deificus cum obiecto praesenti. Et in nobis quidem mutationes quamplurimae possunt circa memoriam fieri, tum quia species deleri possunt et e memoria evanescere, tum quia in nobis aliud ipsa est memorandi potentia, aliud memorandi actus, cum intellectus supra speciem iam ante receptam convertitur et memorari reminiscique dicitur, cum non statim ea species occurrit et ipse requirit. Aliud quoque est habitus memoriae, cuius est species reconditas conservare, et tum respectu habitus tum actus in memoria contingit mutabilitas. In Deo vero et actus et habitus et vis idem omnino sunt, una res, una invariabilis essentia; nec species, hoc est ideae rerum intelligibilium, in divina mente deleri possunt, quoniam aeternae sunt et incommutabiles unaque cum Deo substantia. Deus enim essentiam suam primo intelligit; in ea autem et per eam actu simplicissimo et unissimo cuncta alia a se contingentia intelligit et cognoscit. At vero non sine divina voluntate aut voluntatis divinae determinatione, quoniam per suas causas Deus cuncta cognoscit: creaturarum autem omnium causa divina voluntas est eiusque liberrima determinatio, quae cuncta producit in esse.

Recordari tamen dicitur, quia cum impiis deletis causa diluvii iam cessasset, iterum determinavit mundi saluti providere et diluvii inundationem imminuere;

Et ita effecit Deus ut diluvii aquae imminuerentur per determinationem suae voluntatis sicque *recordatus Noe* dicitur, non quod prius esset oblitus, sed quia divino intellectu suo cuncta videns, cuncta cum sint ei praesentia, cum iam universum impiorum mundum aquae inundatione periisse vidisset, tunc misericordia sua infinita voluit per suae voluntatis determinationem iterum mundi provideri saluti; et hoc est *recordari* in Deo velle misereri. Sacra Scriptura nostrae se attemperat imbecillitati et per ἀνθρωπος-πάθος ⁵ multa de Deo loquitur. Videns enim universos homines periisse et pauculos illos, qui in arca superstites relictos erant, in tanta angustia et rerum difficultate constitutos, cum ignorarent quandonam tantae calamitates finem habiturae essent: omnia videns et intimas cordium cogitationes inspiciens, voluntate sua determinavit ut aquae imminuerentur.

5) Ms.: Anthropospathon, et sic infra.

Ista vero quam dicimus determinationem, neutiquam in Deo aliquam mutationem ponit, nisi ex parte effectus, etsi realiter id voluerit Deus, sicut et mundum creare; at sicut creatio nullam in Deo mutationem ponit, etsi per determinationem divinae voluntatis facta sit, ita nec id: quoniam sicut creatio respectus rationis in Deo est, ita et haec voluntatis divinae determinatio. Respectus autem rationis nullam mutationem inducit, nisi ex parte alterius termini; respectus autem hic non rationis quasi a ratione confictus dicitur, sed derelictus a ratione est vel a collatione cognitorum a ratione. Sic ergo intelligimus: Et *recordatus est Deus Noe*.

quae determinatio nullam mutationem importat ex parte Dei, sicut nec creatio, sed tantum ex parte termini, seu effectus.

At meminisse oportet eius quod supra dictum est: *Ponam foedus meum tecum* ⁶, sive *erigam pactum meum*: ad illud enim haec recordatio fertur ad restaurandum pactum illud, sicut supra exposuimus ⁷; propterea sequitur *Moyse* de aquarum imminutione sermonem facere. Causas autem huiusmodi rei ponit primo quidem, quoniam Dei praecepto *clausi sunt fontes abyssi* ne amplius e terra aquae exurgerent; clausae sunt quoque *catractae coeli*, quia prohibiti sunt Dei iussu cataclysmi illi pluviarum e coelo; deinde vero ventum immisit vehementem, qui transiens exiccaret aquas. At profecto non potuisset ventus, etsi vehementissimus, tantam aquarum molem et immensum barathrum penitus exiccare, nisi iussisset ut reverterentur aquae in locum suum, idest nisi eas in pristina loca conclusisset, ceu a conditione fecerat cum praecepit ut congregarentur *aquae in locum unum* et appareret *arida* ⁸. Coeperunt autem aquae decrescere a fine centum quinquaginta dierum; siquidem post diluvium quadraginta dierum, aquae *centum quinquaginta diebus fortes fuerunt* ⁹ et in fortitudine sua terram obtinuerunt; post hos autem dies deficere ab ea fortitudine coeperunt.

Recordatio haec item refertur ad restorationem foederis; ideo non causis naturalibus, sed divina virtute aquae diluvii imminutae sunt et in locum pristinum reversae.

Vrr. 4-5

Requievitque arca mense septimo, vigesimo septimo die mensis super montes Armeniae. At vero aquae ibant et decrescebant usque ad decimum mensem; decimo enim mense, prima die mensis apparuerunt cacumina montium.

Textus Hebraicus: *Et requievit arca mense septimo, decima septima die mensis super montes Armeniae Ararath. Et aquae*

6) Gn 6, 8.

7) Cp. 6, pag. 499-501.

8) Gn 1, 9.

9) Ibid. 7, 24.

fuert euntes et deficientes usque ad mensem decimum; in mense decimo, prima mensis visa sunt capita montium.

*Requieuit arca,
divina
providentia,
supra montes,
sine ullo
periculo inter
tot ingentes
scopulos.*

Prosequitur Moyses ostendens diminutionem atque defectum aquarum, aitque a fine centesimi et quinquagesimi diei ad usque septimum mensem usque adeo decrevisse aquas, quae quindecim cubitos excesserant omnes montes excelsos¹⁰, ut mense septimo prae aquarum paucitate supra montes requieverit, amplius [non valens] arca fluitare super aquarum faciem: sed supra montes Armeniae requieverit, sinum ibi accipiens. Dei autem providentia factum est ut aequalem sinum reperiret supra montium illorum ingentia saxa; naves enim nedum si in loca aspera decidant, verum etiam si in syrtim aut arenosa loca impingat navifragio pereunt; haec autem arca, Dei munita praesidio, nihili periclitata conteri, super montes Armeniae quievit ibi sinum inveniens, in quo fixa mansit immobilis.

De mensis septimi computatione variae expositiones et difficultates.

Id autem factum est *mense septimo, vigesima septima die mensis, vel decima septima*, iuxta Hebraicum Textum, sicut etiam Chaldaeus Interpres habet. Sed noster Interpres, Septuaginta secutus, dixit *septima et vigesima die mensis: Septuaginta* enim sic habent. Quomodo autem accipiendus sit *septimus* hic *mensis* non modicam habet difficultatem. Et quidem si ita accipiamus ut centum illos quinquaginta dies supra mensem secundum, quo diluvium incepit, connumeremus, habebimus plane septem menses; siquidem a decima septima die secundi mensis usque ad decimam septimam septimi mensis centum quinquaginta dies interfluunt: centum quinquaginta enim dies quinque menses constituunt; et ita plerique Hebraeorum doctores connumerant¹¹, inter quos est Rabbīnus Abrabanel¹².

Septimus hic mensis computandus non est a secundo mense quo diluvium incepit;

At vero multa ex hoc insequuntur incommoda. Et primo quidem quoniam diluvium fuit perpetuum *quadraginta diebus*, in quibus *aquae multiplicatae sunt et invaluerunt nimis super terram*; post hos vero dies *centum quinquaginta diebus fortes fuerunt* aquae super terram. Hi autem dies sex menses et plus decem constituunt; quare non septimus mensis, sed octavus etiam, a quo diluvium exorsum est,

10) Cf. ibid. vr. 20.

11) Cf. Rab. Salomon op. cit. f. 9^b; Nic. Lyranus op. cit. f. 54^b; Alph. Tostatus op. cit. f. 44^b; Munsterus, col. 256-257; Drusius, col. 264.

12) Op. cit.

iam defluerat. Quod si dicas, ut hi sentiunt, quadraginta illos diluvii dies intra centum quinquaginta dierum numerum contineri, adhuc esto quod ita sit, salva res non est; nam iuxta Sacrae Scripturae morem et Hebraeorum consuetudinem, quibus Moyses scribebat, menses lunares accipiendi sunt, quorum alter viginti novem, alter vero triginta diebus constat, adeo ut duo menses quinquaginta novem dies non excedant, nec unquam ad sexaginta ascendunt. Quapropter centum quinquaginta dies quinque menses lunares constituent, et adhuc tres vel saltem duo dies supersunt. Non ergo fuisset decima septima dies septimi mensis, sed decima nona aut vigesima.

Deinde vero cum Scriptura ait *mense septimo, decima septima die mensis* quievisse arcam super montes, idem esset ac dicere eam quievisse centesima et quinquagesima die. At inquit quod *centum quinquaginta diebus aquae fortes fuerunt super terram, et a fine centum quinquaginta dierum minui coeperunt*, idest post centum quinquaginta dies. Sicut ergo citra centesimum quinquagesimum diem non quievit arca, ita nec eo die: quoniam eo die nil minus fortes erant, et eo transacto minui coeperunt. Falsum ergo Scriptura dicit, quod *decima septima*¹³ *die mensis septimi* quievit arca, si mensis septimus connumerandus est a secundo, quo incepit diluvium; et eo maxime quod fateri necessario oportet nonnullos fluxisse dies, ex quo aquae coeperunt decrescere usque ad tempus illud, quo requievit arca. Nam ut modicum aquarum, quo ima pars arcae mergebatur, deflueret, a decima septima die mensis septimi usque ad primam decimi mensis defluxit tempus: *mense enim decimo, prima die mensis apparuerunt cacumina montium*.

multae enim
difficultates
exurgerent;

Nec dici potest quod quindecim totis cubitis arca mergebatur in aquis: tunc enim supra montes nequiquam fluitare et super aquarum faciem ferri potuisset: sed quievisset. Postquam ergo multum defluens decrevit aqua, super montes quievit arca et per consequens post multum temporis; amplius enim tempus requirebatur ut summae aquarum immensitates decrescerent, quoniam ampliores et vastiores erant magis, quo sursum ascenderant: quemadmodum in his fieri cernimus, quae in sphaerae orbem crescunt; quo enim a centro peripheria distat magis, eo est latior et amplior; aquae autem illae in

13) Vr. 4. Vulg.: *Vigesimo septimo die*.

orbem creverant cum universale diluvium extiterit, universam usque-
quaque sub omni coelo inundans terram.

Septimum ergo mensem, citra omnem controversiam, a tempore
sed a die quo
diluvium
innundare
coepit; quo diluvium inundare coepit, intelligimus. Si enim *quadraginta* plu-
viarum *dies* accipiantur et *centum quinquaginta*, quibus aquae in
summa fortitudine terram obtinuerunt, iuxta mensium lunarium
computationem sex menses integros et dies tredecim habebimus;
dies autem, qui desunt, usque ad decimam septimam diem ab initio
decrementi aquarum ad illud usque tempus, quo arca quievit, inter-
fluxisse rationi perquam consentaneum est; et sic ab initio diluvii
usque ad septimum mensem et decimam septimam diem mensis, nihilo
reluctante, ventum erit.

Iuxta hanc quoque seriem accipiendus est mensis decimus, cuius
ita quoque
decimus
mensis. *prima die* montium cacumina apparuere, adeo quod ab arcae quiete
ad usque tempus, quo cacumina montium apparuere ut videri potuis-
sent, duo menses et dimidium fere interfluxere.

Vrr. 6-9 *Cumque transissent quadraginta dies, aperiens Noe fenestram arcae,*
quam fecerat, dimisit corvum; qui egrediebatur et non revertebatur,
donec sicarentur aquae super terram. Emitit quoque columbam post
eum, ut videret si iam cessassent aquae super faciem terrae. Quae cum
non invenisset ubi requiesceret pes eius, reversa est ad eum in arcam;
aquae enim erant super universam terram. Extenditque manum suam,
et apprehensam intulit in arcam.

Textus Hebraicus: *Et fuit a fine quadraginta dierum*
aperuit Noah fenestram arcae, quam fecit, et emisit corvum; qui egressus
est egrediendo et redeundo, donec sicarentur aquae super terram. Et
emisit columbam a se, ut videret an alleviatae essent aquae a superficie
humi. Et non invenit columba requiem pro planta pedis sui, et reversa
est ad eum in arcam; quoniam aquae erant super faciem omnis terrae.
Et misit manum suam et introduxit eam ad se in arcam.

Cumque transissent quadraginta dies. Ab eo tempore, quo montium
cacumina visa sunt, transactis quadraginta diebus, arcae fenestram
aperuisse Noe dicitur. Non est autem idem fenestrae nomen in he-
braeo, quod supra; ibi צֹהַר¹⁴ dicta est, hic autem חִלּוֹן. He-

14) Gn 6, 16. Ms.: הַצֹּהַר.

braeorum autem plerique ¹⁵ autumant secundo hoc nomine ipsam cataractam et aditum designari; per primum vero lapidem quendam pretiosum translucidum, veluti vitrum aut crystallum, quod fenestrae aditum occludere posset, ne venti et pluvia ingrederentur, et simul etiam lumen reciperet ad habitationem illuminandam. Diaphana enim corpora lucem nihil impediunt, sed lumen intendunt; et per hanc fenestram eo lapide oclusam poterat utique Noe deintus quae foris erant videre, et per translucidum illud montium cacumina sibi apparuere, mox ut ex aquis prominere coeperunt.

Aperiens Noe fenestram, etc. De fenestra opiniones Hebraeorum.

Ad emittendum tamen corvum fenestram eam aperuit; corvus autem per fenestram emissus *egrediebatur et non revertebatur*. Textus autem Hebraicus habet: *Egrediebatur eundo et redeundo*; sensus autem idem est. Egressus siquidem est ex arca corvus, nec unquam amplius in arcam ad Noe reversus est; sed revertebatur e regione arcae *eundo et redeundo* circa arcam, ut Rabbinus Abrahanel inquit ¹⁶, fuitque semper prope arcam, semper circa eam volitando, quousque egressus est Noe ex arca.

Corvus ex arca emissus, in eam amplius reversus non est, sed forte circa eam volitans ibat et redibat.

Refert Rabbinus Abrahanel nonnullos dicere propterea corvum in arcam non esse reversum quod sibi nati essent pulli; corvorum autem pulli, sicut naturales dicunt ¹⁷, cum nascuntur, albi exeunt; quapropter existimans corvus degeneres filios nec similes, proprios non esse, relinquit eos et longe abit ab eis, nec illis escam adfert. Nostrates vero dicunt ¹⁸ immoratum fuisse corvum supra mortuorum cadavera, et propterea non esse in arcam reversum. Aiunt etiam Hebraeorum plerique ¹⁹ et idem doctor ²⁰, Noe non misisse corvum ut videret si alleviatae essent aquae, hoc enim de columbae missione, non corvi, dicitur: sed ut videret an adhuc consisterent

Noe dimisit corvum ut videret an aquae alleviatae essent;

15) Cf. Rab. Salomon op. cit. f. 10^a; S. Hieronymus *Hebraic. Quaest. in Gen.*, (P. L. 23, 949); Dionysius Cartusianus *Enarrat. in Gen.*, a. 33, pag. 155; Fagius, col. 258, Drusius, col. 263.

16) Op. cit. f. 44^b. 17) Ibid. Cf. S. Gregorius M. *Moralium*, lib. 30, cp. 9, (P. L. 76, 542); S. Isidorus *Hisp. Sentent.*, lib. 3, cp. 43, ibid. 83, 712; Vinc. Beluacensis *Speculum Naturale*, lib. 17, cp. 61-62, sine numeratione foliorum.

18) Cf. S. Io. Chrysostomus *Hom. 26 in Gen.*, (P. G. 53, 234); S. Augustinus *Quaest. in Heptateuchum, quaest. 3*, (P. L. 34, 551); S. Beda *Comment. in Pentat.*, ibid. 91, 223; Strabus *Glossa Ord. in Gen.*, ibid. 113, 109; Angelomus *Comment. in Gen.*, ibid. 115, 160; Gullbertus *Moralium in Gen.*, lib. 3, ibid. 156, 100; Rupertus *De Trinitate, etc. in Gen.*, lib. 4, cp. 23, ibid. 167, 348; Nic. Lyranus op. cit. f. 54^b; Alph. Tostatus op. cit. f. 45^a; Lucas Brugensis *Critici Sacri*, t. 1, part. 1, col. 261; Grotius, ibid. col. 274.

19) Cf. Nic. Lyranus op. cit. f. 54^b.

20) Op. cit. f. 44^b.

civitates, domus, turres et palatia ; quoniam his in locis solent corvi nidificare.

ob eandem
rationem
emisit quoque
columbam,

Corvus autem reversus quidem est, sed non ad Noe in arcam ; quapropter nihilo certior factus, columbam emittit, ut videret *an alleviatae essent aquae* super terram ; ipsa vero cum plantae pedis sui quietem non invenisset, idest locum ad quiescendum aptum, *reversa est ad Noe in arcam*. Sed nonne montium cacumina ab aquis iam libera erant ? Utique. Non fert autem columbarum natura supra montium excelsorum cacumina nidos facere, ubi nec arbores sunt ; et licet montium capita apparuerint, adhuc tamen ob aquarum abundantiam ipsa cacumina plena aquis erant : humus vero liberata ab aquis tota limosa : planities autem universa adhuc plena aquis erat, quoniam adhuc aquae erant super universam terram planam.

quae locum
aptum ad
quiescendum
non inveniens,
in arcam re-
versa est.

Vrr. 10-12

Expectatis autem ultra septem diebus aliis, rursum dimisit columbam ex arca ; at illa venit ad eum ad vesperam portans ramum olivae virentibus foliis in ore suo. Intellexit ergo Noe quod cessassent aquae super terram ; expectavitque nihilominus septem alios dies et emisit columbam, quae non est reversa ultra ad eum.

Textus Hebraicus : *Et expectavit adhuc septem diebus aliis, et adiiciens misit columbam ex arca ; et venit ad eum columba tempore vespertino et ecce folium olivae decerptum in ore suo. Et cognovit Noah quod alleviatae essent aquae super terram ; et expectavit adhuc septem dies alios et emisit columbam, quae non adiecit reverti ad eum amplius.*

Septem dierum
interstitio ite-
rum et tertio
columbam
emisit, quae
primo cum
ramo olivae
reversa est,
postea vero
amplius re-
versa non est.

Ostendit Scriptura [Noe] non statim post corvi emissionem columbam emisisse, sed *septem diebus* expectasse et tunc primo misit ; postquam vero reversa est, non invento loco ad quiescendum convenienti²¹, adhuc *septem alios dies* expectavit, post quos columbam secundo emisit ; hoc est quod ait : *Expectatis autem ultra septem aliis diebus : septem aliis*, inquit, ab illis septem, quos expectavit eam post corvum emittere. Itaque supra primam diem mensis decimi, qua montium cacumina apparuere, quadraginta dies et ultra tres hebdomadas habemus : primam, post corvi emissionem, cum primo columbam emisit ; secundam, cum rursum eam emisit et reversa est ad eum

21) Ms.: *Convenientis*.

vespertino tempore cum ramo olivarum virenti in ore, sive cum folio olivae decerpto in ore suo, ex quo cognovit Noe quod cessassent vel alleviatae essent aquae super terrae planitiem; adhuc tamen *septem alios dies expectavit*, et haec tertia est hebdomada, *et emisit columbam, quae non est reversa ad eum amplius*.

Rabbīnus Abrahānel causam huiusmodi reddit²² quare Noe quadraginta dies et postea ter septem expectaverit: « quoniam quaternario numero cuncta sunt a Deo disposita ».

A die autem quo diluvium coepit, ad eum usque diem quo tertia vice columbam ex arca emisit, menses undecim expletos et diem vel duos habemus. Si enim supra decimi mensis primam diem quadraginta et ter septem dies numerentur, ad primam vel secundam duodecimi mensis perveniemus, quoniam quadraginta et ter septem dies bis tricenos efficiunt, qui sunt duo menses et adhuc unus est dies superstes, aut duo. Quod si menses hi undecim vitae Noe addantur, ad sexcentimum primum annum et mensem ipsum evehemus, quoniam cum diluvium coepit, sexcentimum annum et mensem secundum agebat²³. Hoc est quod sequitur:

Omne tempus computando ab initio diluvii usque ad tertiam emissionem columbae, pervenitur ad sexcentimum primum annum et primum mensem vitae Noe.

Vrr. 13-14

Igitur sexcentesimo primo anno vitae Noe, primo mense, prima die mensis imminutae sunt aquae super terram, et aperiens Noe tectum arcae aspexit, viditque quod exiccata esset superficies terrae. Mense secundo, septimo et vigesimo die mensis arefacta est terra.

Textus Hebraicus: *Et fuit in uno et sexcentesimo anno, in primo, in prima mensis exiccatae sunt aquae super terram, et discooperuit Noah operculum arcae et vidit et ecce exiccatae sunt facies humi. Et in mense secundo, in septima et vigesima die mensis arefacta est terra.*

Quando demum terra sit ab aquarum iniuriis liberata aridaque iuxta naturae suae conditionem permanserit, nunc declarat, inquiens: *Anno sexcentesimo primo* vitae Noe exiccatas esse aquas. Non aquae exiccatae sunt, suapte natura enim aquae humidae sunt estque humiditas frigiditatis comes et symbola qualitas in aqua cum frigiditate, quam suapte natura in summo habet; nec potest, nisi naturam suam amittat²⁴ aqua in terram aut ignem conversa, humiditatem

22) Op. cit. f. 44^b-45^a.

23) Cf. Gn 7, 6.

24) Ms.: *Amitta*.

amittere; nam etsi in vaporem et aerem convertatur, multo fit humidior, quoniam summe humidus aer est.

Aquae exiccatae dicuntur, quia reversae sunt in locum suum et virtute radiorum solarium terrae superficies exiccata est.

Inquit autem exiccatae esse aquas, quoniam e terrae superficie defecerunt abeuntes in locum suum, quo eas Deus abire iussit. Ab inundatione vero cum libera terra mansisset, quoniam ea inundatione nimiam aquam imbiberat, ut enecata propemodum esset tota fere in limum lutumque liquens conversa, solarium radiorum calore suffulta ab illis quoque aquis, quas nimium imbiberat cum magno suo dispendio et virtutis discrimine, sole favente liberata est, qui suis radiis eam reperiens nimiumque calefaciens, ipse universam aquam illam limo suffusam veluti exhaustam imbibens, in vaporem conversam sursum traxit; unde terrae facies exiccata ac iuxta naturae suae conditionem arida permansit, ut posset animalium plantis solidum gressum praebere et non limo veluti devorare. Itaque sexcentesimo primo anno vitae Noe, die prima primi mensis, copiosae aquae abeuntes in locum, suum, terram liberam reliquerunt.

Mensem et viginti septem dies ultra expectavit Noe antequam de arca egredere;

Antequam vero plene arefieret ab aquis, quas imbiberat, quoniam veluti enecata prorsus erat, ad usque vigesimam septimam secundi mensis diem tempus interfluxit. Tunc *aperiens Noe arcae tectum, aspexit et vidit* terram satis exiccata et aridam factam, ut solidum posset animalibus gressum praebere. Et tunc, evoluto iam anno et decem ultra diebus a die, quo in arcam ingressus est Deo iubente, eiusdem iussu atque imperio egressus est.

et ideo omne tempus, quo in arca permansit, duodecim mensibus et diebus decem et septem continetur.

Discimus ex hoc capite annos omnes, qui hucusque leguntur, solares esse, qui duodecim mensibus constant, cum declaraverit Sacra Scriptura sexcentesimo anno vitae Noe diluvium venisse; postmodum vero duodecim evolutis mensibus, cum defecit, inquit sexcentesimo primo vitae Noe anno defecisse. Unde liquet annos solares vertentes hucusque ab initio enumerasse, qui mensibus duodecim constant. Unde sequitur:

Vrr. 16-17

Locutus est autem Deus ad Noe, dicens: Egredere de arca tu et uxor tua, filii tui et uxores filiorum tuorum tecum. Cuncta animantia, quae sunt apud te ex omni carne, tam in volatilibus quam in bestiis et universis reptilibus, quae reptant super terram, educ tecum et ingredimini super terram: crescite et multiplicamini super eam.

Textus Hebraicus: *El locutus est Deus ad Noah, dicendo: Exi de arca tu et uxor tua, et filii tui et uxores filiorum tuorum tecum.*

Omnis bestia, quae est tecum ex omni carne, in volatili et in iumento et in omni reptili, quod reptat super terram, educ tecum; et reptilificent in terra et fructificent et multiplicentur super terram, sive et reptilificate et crescite et multiplicamini.

Narrat Sacra Scriptura quod, etsi vir iustus atque perfectus Noe²⁵, tectum arcae cum aperuisset, terram iam esse satis satis exiccata et arefactam [vidisset], adeo ut aptissime posset animalia sustinere, egredi tamen noluit aut ipse aut quisquam eorum, qui secum erant, ex arca, sed divinum voluit expectare iussum ut egrederetur, sicut Dei etiam praecepto et monitu ingressus fuerat²⁶. Quapropter *locutus est* Dominus ad eum, vel per intimam inspirationem eius menti illapsus, quod Dei est proprium, vel alio quovis modo ei noto, qui omnia novit, per quem vir iustus certissime divinam voluntatem nosset eam esse, ut ad inhabitandam terram ex arca exiret.

Locutus est autem Deus, etc.
Adhuc demonstratur perfecta iustitia Noe, qui licet videret terram satis exiccata, exire tamen noluit ante iussionem Dei.

Egredere, inquit, ex arca tu et uxor tua, filii tui et uxores filiorum tuorum. Cum iussit eum in arcam ingredi, ait: *Ingredere in arcam tu et filii tui, uxor tua et uxores filiorum tuorum:* viros tunc ab uxoribus separavit, nunc autem coniungit: quoniam tunc tempus erat longe fieri ab amplexibus²⁷ et non deliciis et voluptatibus vacare, sed ieiuniis, orationibus et lacrimis, ut concitatum Dei furorem in homines placarent. Noluit itaque Deus viros in arca connubiis vacare, sed mundos esse et sanctificatos, ab uxoribus abstinere et vitam caelibem ducere. Nunc vero iterum coniungit cum egredi ex arca imperat; vult enim ut generationi operam dent, ut²⁸ humanam propaginem longe lateque generatione²⁹ diffunderent et propagarent: ad hoc enim eos servavit, *ut salvaretur semen super faciem universae terrae*³⁰.

Egredere de arca tu et uxor tua, etc.
Ante diluvium Deus iussit homines arcam ingredi separatim a mulieribus ut intelligerent, poenitentiae vacandum esse ob mundi tribulationem;

Similiter cuncta alia animantia iubet ex arca educi et proliferationi incumbere ad species propagandas; propterea ait: *Crescite et multiplicamini super terram:* sive fructificate prolificando, ut multiplicemini super terram. Vult pauculos illos homines in gentes maximas et nationes propemodum infinitas excrescere; propterea ait, iuxta hebraicum: שרץ. Est autem שרץ, gignere et producere in multitudine, ad instar pisciculorum ac similium animalium, quae in magna multitudine gignuntur, adeo ut ebullire

nunc iubet omnes simul egredi, quasi iterum eos coniungendo, ad humanum genus propagandum.

25) Gn 6, 9.

26) Cf. ibid. 7, 1.

27) Cf. Ecce 3, 5.

28) Ms.: Ad, loco: Ut.

29) Ms.: Generatio.

30) Gn 7, 3.

videantur. Ita de filiis Israel in Aegypto dicitur quod creverunt : וַיִּשְׂרְצוּ, et nati sunt in multitudine, vel, sicut nostra habet Vulgata Editio, quasi *germina multiplicati sunt* ³¹, forte quia mulieres geminos aut amplius pariebant filios. Ita hos homines vult in maximas multitudines excrescere et multiplicari, ut terram replerent.

Vrr. 18-19 *Egressus est ergo Noe et filii eius, uxor illius et uxores filiorum eius cum eo ; sed et omnia animantia, iumenta et reptilia, quae reptant super terram, secundum genus suum egressa sunt de arca.*

Textus Hebraicus : *Et exiit Noah et filii eius, et uxor eius et uxores filiorum eius cum eo ; omnis bestia, omne reptile, omne volatile, omne quod se movet super terram, iuxta familias suas egressa sunt ex arca.*

Egressus est ergo Noe, etc. Egreditur Noe de arca, sed tantum Dei iussione, quamvis incommodum valde habitaculum esset.

Ostendit Scriptura Noe obedientiam, qui examussim et ad unguem divinum iussum opere complevit ; a divina enim voluntate totus pendeat. Ipse egressus est ex arca, e tristi illo et molesto habitaculo veluti carcere, in quo tandiu inclusus mansit, brutorum cohabitationem ferens, foetorem atque molestias, ubi tandiu nec aerem respirare voluit nisi corruptum : unde quaque enim arca munita clausaque cum esset, nec aer aut ventus ingredi poterant. Et aer quidem attractus corrumpitur, quo tamen et hominum et brutorum corpora frui oportet ad praecordia refrigeranda. Et quomodo aer tandiu arcae inclusus, ubi et homines et tot tantorumque animalium turmae inhabitabant, non est corruptus ? Et quantus ibi ex aeris corruptiones immundorumque animalium habitatione inerat foetor ! At vero *iustus vir atque perfectus* omnia pertulit, salutis dispendii aut discriminis nil veritus, cum Dei iussa compleret : nec egredi unquam voluit e putenti illo carcere, nisi id Deus iuberet. Facto autem Dei iussu, statim et ipse egressus est et filii atque uxores, et omnia animalia eduxit ex arca, *iuxta familias suas*, idest secundum species suas, sicut ingressa fuerant ; species autem Hebraicus Textus *familias* vocat.

Vrr. 20-21 *Aedificavit autem Noe altare Domino : et tollens de cunctis pecoribus et volucribus mundis obtulit holocausta super altare. Odoratusque est Dominus odorem suavitatis et ait Dominus in corde suo : Nequaquam ultra maledicam terrae propter hominem ³² ; sensus enim et cogitatio*

31) Ex 1, 7. Vulg.: *Germinantes*, loco : *Germinans*.

32) Vr. 21. Vulg.: *Propter homines*.

humani cordis in malum prona sunt ab adolescentia sua; non igitur ultra percutiam omnem animam viventem, sicut feci.

Textus Hebraicus: *Et aedificavit Noah altare Domino: et accepit ex omni iumento mundo et ex omni volatili mundo et ascendere fecit holocausta in altari. Et odoratus est Dominus odorem quietis et dixit Dominus ad cor suum: Non adiiciam maledicere amplius humum propter hominem, quoniam figmentum cordis hominis malum ab adolescentia sua; non adiiciam amplius percutere omne vivens, sicut feci.*

Paraphrastes Chaldaeus vertit illud: *Et suscepit Deus in beneplacito, sive cum benevolentia, oblationem eius.*

Textus Graecus habet: *Et odoratus est Dominus odorem suavitatis et ait Dominus recogitans, etc.*

Cum egressus esset Noe ex arca, cum spatiosissimam terrae regionem universumque orbem aspexisset, quoniam misericordissimus Deus *secundum magnam misericordiam suam et secundum multitudinem miserationum* ³³ suarum omnia in statum pristinum paulo minus reduxisset, deleta aquae inundatione impiorum mundo, supra sacri cordis sui altare igne caritatis ardentissimae acceptissima thura orationum et gratiarum actionum incendens, ore simul immensas tanti beneficii tantaeque miserationis gratias agens, voluit etiam una cum devotissimo corde et voce operum sacrificia Deo offerre. Quapropter aram construxit. Deus enim mihi, aiebat,

Aedificavit, autem Noe altare, etc.
Pietas summa Noe ostenditur dum statim ac de arca egressus est, Deo sacrificium obtulit.

« haec otia fecit.

Nanque erit ille mihi semper Deus: illius aram

Saepe tener nostris ab ovilibus imbuet agnus » ³⁴.

Tulit itaque ex omnibus animalibus mundis et obtulit holocausta Deo; propterea enim septena et septena ex animalibus mundis ingressa sunt in arcam, ut tria paria veluti semen ad speciem propagandam servarentur, septimum Deo in holocaustum offerretur.

Et odoratus est Dominus odorem suavitatis, sive quietis. Figure id dictum accipimus per ἀνθρωπος-πάθος. Non est enim animal Deus, quod cerebrum habeat et respirando exhalationes per mammillares processus usque ad cerebri carunculas aut mammillas trahat, ut possit odorum fragrantiam sentire: sed *spiritus est Deus* ³⁵, qui *carnem et ossa non habet* ^{35a}, purissimus actus et simplicissimus

Odoratusque est Dominus, etc.
Deus gratissimo sacrificio Noe placatus est

33) Ps 50, 3.

34) Virg. Bucol., Eclog. 1, vrr. 6-8.

35) Io 4, 24.

35a) Lc 24, 39.

intellectus. *Odoratus* ergo *odorem suavitatis* dicitur a translato, quia holocausta suo beneplacito acceptavit ob iustitiam et devotionem Noe, ac si quis suavem odorem atque gratissimum olfecisset; et odor hic *odor quietis* dicitur, quoniam quiescere fecit Deum ab ira, hoc est ne amplius in posterum irascatur.

Unde ait: *Nequaquam ultra maledicam terrae propter hominem.*

et ad clem-
entiam provoca-
tus ne am-
plius terrae
malediceret,
sed humanae
fragilitati
misericorditer
compateretur.

Non ait: ultra hominem non affligam, non corripiam, non castigabo; sed *terrae non maledicam* amplius sicut feci: hoc [est] non ultra diluvium ad perdendam dissipandamque terram immittam, nec huiusmodi generales clades universamque viventium perniciem, quoniam *sensus et cogitatio cordis humani in malum prona sunt ab adolescentia* sua. Videt Deus crudele bellum, quod caro semper adversus spiritum agit: quomodo continuo adversus spiritum concupiscit ³⁶: quomodo in malum semper nititur propensissime: quomodo semper concupiscentias perniciosissimas et carnalia desideria movet, *quae militant adversus animam* ³⁷, et semper in carnalibus operibus cupit immorari, *quae sunt fornicatio, immunditia, impudicitia, luxuria, idolorum servitus, veneficia, inimicitiae, contentiones, aemulationes, irae, rixae, dissensiones, sectae, invidiae, homicidia, ebrietates, comessiones et his similia* ³⁸. Caro itaque haec fomes peccati et corpus mortis, quod corrumpitur, animam nimium aggravat ³⁹ et concupiscentiis suis continuo abstrahit et allicit, ut cum nequissimum fetum concupiscentia conceperit, peccatum pariat, illud vero consummatum generet mortem ⁴⁰. Haec itaque videns Deus, infirmitatem, inquam, hanc perniciosae carnis et miserandam fragilitatem, compatitur et miseretur. Quia ergo *sensus et cogitatio* suapte natura *ad malum prona sunt ab adolescentia, non amplius maledicam terrae*, ait, *propter hominem, nec omnem animam viventem delebo.*

Vr. 22

Cunctis diebus terrae, sementis et messis, frigus et [aestus], aestas et hiems, nox et dies non requiescent.

*Cunctis diebus,
etc.*

Renovat Deus
pactum ab
initio positum
et tempore

Textus Hebraicus: *Ad usque omnes dies terrae, semen et messis, frigus et aestus, aestas et hiems, dies et nox non cessabunt.*

Hoc est pactum et leges, quas posuit Deus ab initio inter coelum et terram, diem et noctem ⁴¹; pactum vero istud diluvii tempore

36) Cf. Gal 5, 17.

40) Cf. Iac 1, 15.

37) 1 Petr 2, 11.

41) Cf. Gn 1, 3 sqq.

38) Gal 5, 19-21.

39) Cf. Sap 9, 15.

confractum est propter impios et hoc quidem verba haec innunt. At vero promittit nunc Deus Noe se iterum foedus illud erecturum, ut nunquam amplius in posterum haec deficiant.

diluvii
confractum.

Hic vero Hebraei ⁴² sex anni tempora distinguunt: tempus sementis et messis, frigoris et aestus, aestatis et hiemis, unicuique menses duos tribuentes. Sementis enim tempus aiunt esse a dimidio Septembris usque ad Novembris medium, et hinc incipit tempus frigoris usque ad dimidium Ianuarii; inde vero ad usque Martii dimidium tempus est hiemis; ab hoc vero tempore usque ad Maii dimidium tempus est messis; post hoc tempus aestatis sequitur usque ad dimidium Iulii; inde demum usque ad Septembris dimidium tempus est aestus et vehementis calor. Menses tamen eorum non semper cum nostris currunt; sed Martius illorum partim cum nostro Martio et partim cum Aprili concurrit et, ut plurimum, pars maior cum Aprili.

Sex anni tempora distinguunt Hebraei,

Nos vero quattuor tantum anni tempora assignamus: ver, aestatem, autumnum et hiemem. Et ver quidem ab ariete incipit usque ad cancrum; inde vero aestas ad libram usque; a libra vero incipit autumnus ad capricornum usque; inde demum hiems usque ad arietem, ubi ver incipit. His autem anni temporibus fit sementis et messis; frigus et aestus: frigus in hieme, aestus in aestate: in autumno sementis, messis in vere.

et secus ac nos dividunt menses.

Haec promittit Deus nunquam amplius ad finem usque mundi desitura; nox vero et dies divina ordinatione ad finem usque saeculi perseverabunt alternis vicibus. Omnia vero haec luminarium motu fiunt, quae posita sunt *in signa et tempora et dies et annos* ⁴³, propterea legem posuisse Deus dicitur inter coelum et terram, quae cessabit unquam ⁴⁴.

Non requiescent. Deus foedus nunc initum promittit se nunquam fracturum.

42) Cf. Nic. Lyranus op. cit. f. 55^a; Alph. Tostatus op. cit. f. 47^a; Munsterus, col. 257; Clarius, col. 260; Drusius, col. 270-271; Cartwrightus, col. 276. 43) Gn 1, 14. 44) Cf. Ier 33, 25.

CAPUT NONUM

Vrr. 1-3 *Benedixitque Deus Noe et filiis eius et dixit ad eos : Crescite et multiplicamini et replete terram, et terror vester et¹ tremor sit super cuncta animalia terrae et super omnes volucres coeli: cum universis, quae moventur super terram, omnes pisces maris manui vestrae traditi sunt. Et omne, quod movetur et vivit, erit vobis in cibum: quasi olera virentia tradidi vobis omnia.*

Textus Hebraicus: *Et benedixit Deus Noah et filiis eius et dixit eis: Fructificate et multiplicamini et implete terram, et timor vester ac terror sit super omnem bestiam terrae et super omnem volucrum coeli, in omni, quod ebullit humus, et in omnibus piscibus maris: in manu vestra traduntur omnia. Omne reptile, quod est vivens, vobis erit in cibum: quasi olus herbae tradidi vobis omnia.*

Benedixitque Deus, etc.
Duplex benedictio Noe datur quia duplici elemento constat natura humana, corpore scilicet et anima.

Benedixit Deus Noe: idest, gratiam adauxit, gratiam amplio-rem dedit, benedictionum uberrima munera donavit. Quae vero sint haec ait: *Crescite et multiplicamini et replete terram et terror vester ac tremor sit super cuncta animalia terrae.* Duplici sane et biiuga parte constat [homo]: corpore, quod veluti ὄλη² est ac materies, et anima, quae ἐντελεχίας et formae obit munus. In geminis his partibus humana consistit natura perfecta; et utramque Deus amplissimis benedictionibus confertam coagitatamque uberrime, ex misericordiae suae munere, non tamen citra eorum virtutem, donat: *Crescite et multiplicamini:* vim genitricem ad speciem propagandam coaugmentat, virtute uberrima eam referciens maxime in semine, ut pauculi illi homines et pusillus grex in gentem excrescerent infinitam, in greges innumeros, in multitudinem, quae universam sub omni coelo superficiem terrae operiret, ut in millenas fierent generationes. Et sicut generatio naturae opus est amicissimum ac inter omnia naturalissimum, ita quoque vim potentiae gignendi affluentissimam Deus praestitit, quae exauriri non facile posset aut emori, facultatem suppeditavit

Benedictione corporis uberrima virtus generatrix significatur;

1) Vr. 2. Vulg.: Ac.

2) Ms.: Hille, et infra: Endelechiaae.

CAPUT NONUM

Vrr. 1-3 *Benedixitque Deus Noe et filiis eius et dixit ad eos : Crescite et multiplicamini et replete terram, et terror vester et¹ tremor sit super cuncta animalia terrae et super omnes volucres coeli: cum universis, quae moventur super terram, omnes pisces maris manui vestrae traditi sunt. Et omne, quod movetur et vivit, erit vobis in cibum: quasi olera virentia tradidi vobis omnia.*

Textus Hebraicus: *Et benedixit Deus Noah et filiis eius et dixit eis: Fructificate et multiplicamini et implete terram, et timor vester ac terror sit super omnem bestiam terrae et super omnem volucrum coeli, in omni, quod ebullit humus, et in omnibus piscibus maris: in manu vestra traduntur omnia. Omne reptile, quod est vivens, vobis erit in cibum: quasi olus herbae tradidi vobis omnia.*

*Benedixitque Deus, etc.
Duplex benedictio Noe datur quia duplici elemento constat natura humana, corpore scilicet et anima.*

Benedixit Deus Noe: idest, gratiam adauxit, gratiam amplio-rem dedit, benedictionum uberrima munera donavit. Quae vero sint haec ait: *Crescite et multiplicamini et replete terram et terror vester ac tremor sit super cuncta animalia terrae.* Duplici sane et biuga parte constat [homo]: corpore, quod veluti ὄλη² est ac materies, et anima, quae ἐντελεχίας et formae obit munus. In geminis his partibus humana consistit natura perfecta; et utramque Deus amplissimis benedictionibus confertam coagitatamque uberrime, ex misericordiae suae munere, non tamen citra eorum virtutem, donat: *Crescite et multiplicamini:* vim genitricem ad speciem propagandam coaugmentat, virtute uberrima eam referciens maxime in semine, ut pauculi illi homines et pusillus grex in gentem excrescerent infinitam, in greges innumeros, in multitudinem, quae universam sub omni coelo superficiem terrae operiret, ut in millenas fierent generationes. Et sicut generatio naturae opus est amicissimum ac inter omnia naturalissimum, ita quoque vim potentiae gignendi affluentissimam Deus praestitit, quae exauriri non facile posset aut emori, facultatem suppeditavit

Benedictione corporis uberrima virtus generatrix significatur;

1) Vr. 2. Vulg.: *Ac.*

2) Ms.: *Hille*, et infra: *Endelechia*.

in universa saeculi protelatione. Haec autem vis corpori insidet, corpus ei sedem et organa praestat, etsi virtus sit vegetatricis animae, quae in homine a rationali substantia nil distat, sed in eius substantia una cum sentiendi virtute, sicut trigonum in tetragono, continetur.

Sicut autem vitae et sensui suapte natura ratio supereminet, ita homo cunctis brutis, quoniam homo ratione pollet, illa vero supra sensum non ascendunt; propterea dictum est homini a sua conditione: *Dominamini piscibus maris et volatilibus coeli et bestiis universaeque terrae*³: quoniam suapte natura homo cunctis supereminet; et natura quidem ac potestate dominatur cunctis, actu vero multorum dominio privatur ob peccatum. Multa enim irrationalium genera facta sunt homini veluti rebelles ac contumaces servi, quoniam ob peccatum homo rebellis factus est Deo et contumax. Et multa quidem animalia aperto Marte homini inimicantur et nimia ferocia in eum saeviunt et mortem machinantur. Et viribus quidem corporis multa praevalent suntque homine, sicut audaciora, ita et fortiora et potentiora.

benedictione animae, dominium et praepotentia quandam supra animalia.

At vero ne usquequaque hominibus praevalere feroces bestiae viderentur, ne homines dilaniandos, trucidandos, devorandos invaderent, divina providentia cautum est, quae hominem quidem multis bestiis corpore minus valere voluit, ratione vero multo praepotentem esse: unde non hominum genus ferocissimae atrocissimaeque bestiae dilaniandum devorandumque aggrederentur, sed magis paverent et eum invadere extimescerent, ab eiusque aspectu et praesentia contremiscerent. Hoc est, quod ait:

Omne, quod movetur, etc.
Ne homo fame periret, Deus animalium carnes in esum illi relaxat.

Et terror vester ac tremor sit super omnia animalia terrae. Non tantum corporis, sed rationis principio munus hoc est et benedictio, quae hominem a ratione communit; non animalia cuncta ad prisci hominis in statu innocentiae obedientiam reducit: sed hominem rationis munere et vultus maiestate animalibus timendum extimescendumque reddit.

At vero quia, etsi animalium invasione non periissent, poterant adhuc famis necessitate perire, cibum eis convenientem providit dicens:

Omne, quod movetur et vivit, erit vobis in cibum. A conditione germina terrae, herbarum olera fructusque arborum hominibus in escam

tribuerat Deus, dicens: *Ecce dedi vobis omnem herbam afferentem semen super terram et universa ligna, quae habent in semetipsis sementem generis sui, ut sint vobis in escam*⁴; nunc vero, ea praeter et animalium tum terrestrium tum aquatiliū et volucrum carnes hominibus in esum relaxat; et sicut prius olera, ita nunc carnes in cibum donat; unde ait: *Quasi olera virentia tradidi vobis omnia.*

Causae
permissionis,
prima: quia
aquis diluvii
virtus nutriti-
va terrae
nimium labe-
factata erat;

Cur autem carniū esum, quem prius non concesserat a conditione hominibus, nunc permittat, in causa multa fuere. Et primo quidem quoniam terrae virtus nimium aquae inundatione labefactata fuit; supra enim ait: *Et ego disperdam omnes cum terra*⁵. Quapropter terrae proventus, germina, plantae, fructus et semina multo peioris sortis post diluvium semper fuere, quam ante, et virtutis multo invalidioris; unde peioris etiam nutrimenti extitere ad alendos homines et ad primigenium humorem restaurandum: quo enim cibus virtute magis deficit, eo est ad vitae fomentum ineptius.

secunda: quia
natura huma-
na progressu
generationum
invalidior
efficitur;

Deinde vero et ipsa hominum natura nonnullum virtutis suae discrimen passa erat et nonnihili invalidior facta. Continuo enim per generationes naturalis virtus minuitur; quapropter validiori alimento egebant homines ad vitam sine magno naturalis virtutis dispendio conservandam: carnes autem multo melioris nutrimenti sunt quam fructus et herbae.

tertia: quia
durante dilu-
vio terra nihil
produxerat.

Postmodum vero forte et alia urgens causa ad carnes in esum illis concedendas pro eo tempore fuit. Cum enim ex arca egressi essent, terram spoliata inveniunt; nullus enim seruerat nec messuerat; nullus eam toto anno⁶ coluerat, nec ipsa toto eo anno, quo aquarum inundationi subiacerat, producere quicquam potuit, quod mandi posset. Ne itaque homines alimentorum caritate ac penuria, fame et egestate macescerent, nova addidit alimenta, ut animalium carnibus piscibusque, quorum infinitus numerus erat, vescerentur: et sic carniū pisciumque esus in usum adductus in posterum est.

Attamen ut
obedientiam
hominis pro-
bare, esum

Verum sicut [cum] protoplasto homini cuncta et ligna et fructus dedisset in escam, Deus unum servavit lignum sibi, praecipiens homini ne inde quidquam comederet⁷, ut obedientiam eius probaret et mandati illius observantiam homo veluti tributum Deo solveret, tanquam uni-

4) Ibid. vr. 29. Cf. supra cp. 1. pag. 203.

5) Gn 6, 13. Vulg. *Disperdam eos.*

6) Ms.: No.

7) Cf. Gn 2, 16-17.

versorum regi et domino : ita quoque cum his hominibus illa praeter elementa animalium carnes et pisces indulisset in cibum, ab uno eos abstinere vult, eisque peculiare praeceptum hoc inhibens, ait :

carnium con-
cedens, esum
sanguinis
vetat.

Vrr. 4-7

Excepto quod carnem cum sanguine non comedetis. Sanguinem enim animarum vestrarum requiram de manu cunctarum bestiarum; et de manu hominis, de manu viri fratris eius requiram animam hominis. Qui-cumque effuderit humanum sanguinem, fundetur sanguis illius; ad imaginem quippe Dei factus est homo. Vos autem crescite et multipli-camini et ingredimini super terram et implete eam.

Textus Hebraicus: Veruntamen carnem in anima eius, sanguine ⁸ eius non comedetis. Et utique sanguinem vestrum pro animabus vestris requiram, de manu omnis bestiae requiram eum; et de manu hominis, de manu viri fratris eius requiram animam hominis. Qui effu-derit sanguinem hominis per hominem, fundetur sanguis eius; quoniam in imagine Dei Deus fecit hominem. Vos autem fructificate et multi-plicamini et prolificate in terra et multiplicamini in ea.

Interpres Chaldaicus habet: De manu hominis, de manu viri; qui fudit sanguinem fratris eius requiram animam hominis.

Multae admodum sunt loci huius expositiones. Et nonnulli quidem carnem cum sanguine, hoc est non effuso sanguine, nec separato a carne, veluti est suffocatum, ne comedatur prohiberi autumant ⁹: sicut in *Levitico* statuitur ¹⁰, ut si quis venatione vel aucupio feram, vel avem ceperit, sanguinem fundat illorum et in terra operiat. Alii vero sanguinis esum simpliciter prohiberi ¹¹, veluti in *Levitico* ¹² Hebraei, sub mortis interminatione, prohibentur ne sanguinem utcumque comedant. Et dicunt aliqui ¹³ brutorum sanguinem gravem esse, ter-restrem et multarum aegritudinum causam.

Excepto quod
carnem, etc.
Variae inter-
pretationes.

At vero non ceremonialia praecepta nunc genti alicui speciali

8) Ms.: *Sanguinis*. 9) Cf. S. Eucherius *Comment. in Gen.*, lib. 1, (P. L. 50, 933-934); S. Isidorus *Hisp. Quaest. in Gen.*, lib. 4, cp. 7, *ibid.* 83, 235; S. Beda *Hexaem.*, lib. 2, *ibid.* 91, 108; Rabanus Maurus *Comment. in Gen.*, lib. 2, cp. 8, *ibid.* 107, 524; Strabus *Glossa Ord. in Gen.*, *ibid.* 113, 111; S. Remigius *Comment. in Gen.*, *ibid.* 131, 78; Rupertus *De Trinitate*, etc. *In Gen.*, lib. 4, cp. 31, *ibid.* 167, 355; Nic. Lyranus *op. cit.* f. 55^b; Alph. Tostatus *op. cit.* f. 48^a. 116^a-118^b. 10) Cf. 17, 13. 11) Cf. S. Eucherius *Comment. in Gen.*, lib. 1, (P. L. 50, 933-934); S. Remigius *Comment. in Gen.*, *ibid.* 131, 78; Alph. Tostatus *op. cit.* f. 48^a. 116^a-118^b. 12) Cf. 3, 17; 7, 26-27; 17, 10-14. 13) Cf. S. Io. Chrysostomus *Hom. 27 in Gen.*, (P. G. 53, 246); S. Thomas *S. Theolog.* 1^a 2^{ae}, q. 102, a. 6, c. et ad 1; Alph. Tostatus *op. cit.* f. 117^b; Pererius *op. cit.* t. 2, lib. 14, *disput.* 2, pag. 335; Io. Menochius *Explicat. in Gen.*, pag. 9.

Praeceptum
hoc omni ge-
neri humano
datum fuit,
quia dignita-
tem et lenita-
tem naturae
respicit.

instituit Deus, sed ab illis cavere eos et omnes homines iubet, quae humanam suapte natura mentem et rationem labefactant, suntque hominibus pernicipi atque dedecori. Quae enim hic iubet, in universum omnino hominum genus servanda iniubet, quoniam in hominibus illis, quibus haec inhiibat, omne genus hominum sub coelo, omnis gens, omnis natio, populus et lingua veluti in semine continebantur, et ab illis omnes propagati sumus traximusque originem.

Videtur autem
prohiberi tan-
tum ne viva
animalia co-
medantur,
quia talis esus
valde crudelis
est et naturali-
ter repugnans.

Hebraei fere omnes¹⁴ animal adhuc vivens hic prohiberi sentiunt ne comedatur: ait enim *Textus Hebraicus: Carnem in anima eius, sanguine eius non comedetis*; caro autem, quandiu est cum anima et sanguine, vivit; extra animal vero non vivit. Prohibet ergo ne viva animalia, quae in cibum indulserat, comedantur: hoc enim ferinum est et crudele, ferocium, truculentissimarum et immanissimarum bestiarum proprium, non hominum, quod mundum sanctumque animal suapte natura est. Et ab hoc quidem omnis homo, qui non sit turpissima metamorphosi in ferarum naturam conversus, tanquam ab inhumano abstinet et abhorret.

Insuper datum
fuit hoc prae-
ceptum ut ho-
mines a crude-
litate homici-
dii cohiberen-
tur.

Arridet sane hic sensus. Verum in hoc statutum esse praeceptum istud voluit, ut hominum mentes, caedis avidas, a ferocia et crudelitate cohiberet ne usque eo homines ferocirent, a placida humanitate et pia naturae propriae conditione degenerantes, ut feris ipsis ferocissimis longe crudeliore immanitate efferati in homines desaevirent, homines venarentur, humanis carnibus et sanguine vesci affectarent, veluti leones et si qua sunt crudeliora animalia, in praedam frendentes. Homicidium ergo magis prohibetur et ne immanis ferarum crudelitas saevissime in homines perpetretur.

*Crescite et mul-
tiplicamini,*
etc.

Et in hoc
resplendet Dei
bonitas; nam,
cum essent
tristes illi
pauci ob exi-

In tota autem hac verborum benedictionis serie ab illis videtur pusillum illum hominum gregem consolari misericordissimus Deus, quae illorum mentem poterant moerore et angustia afficere. Haec autem quattuor praecipue erant. Et primum quidem, quoniam omnes parentes, cognati, propinqui, affines atque amici eorum mortui erant et ipsi soli superstites erant relictii. Mors vero horum dolore plurimum afficit ac moestitia, ob amoris et amicitiae nexum, qui corda

14) Cf. Rab. Salomon et Aben Ezra op. cit. f. 10^b; Nic. Lyranus op. cit. f. 55^b; Alph. Tostatus op. cit. f. 48^a, 116^b; Pagius, col. 279-280; Clarius, col. 283; Drusius, col. 285; Cartwrightus, col. 294.

stringit ; tum maxime dolor is crescit, cum alios cariores et dilectiores non habemus. Ne vero hoc moerore gravarentur, ecce ait illis Deus :

tium
propinquo-
rum omnium.

Crescite et multiplicamini et replete terram. Ne doleatis, inquit, quod soli relictis estis, omnibus propinquis, amicis et caris penitus destituti : ecce enim ego *in gentem magnam*¹⁵ vos faciam, vobis turbam magnam filiorum dabo, qui multo cariores et dilectiores vobis erunt, adeoque vos crescere faciam, ut universam sub omni coelo terram impleatis.

eos consolatur
in benedictione
filiorum.

Secundo : pavere admodum poterant viribusque prae timore destitui, quoniam ipsi pauculi erant, et in terra multae malae bestiae et ferae pessimae, quae hominibus inimicantur ; quae si vel fame coactae eos aggressae fuissent, non potuissent utique homines seipsos ab illis tueri. Super hoc quoque eos consolatur, dicens :

*Timor
vester, etc.*
Securos etiam
eos facit
contra bellua-
rum ferocita-
tem.

Timor vester ac tremor erit super omnia animalia terrae. Non agredientur, inquit, vos, nec invadent malae bestiae nec ferae pessimae ad devorandos vos, etsi multo plures sint et viribus valentiores ; ego enim eorum existimationi timorem vestrum immittam faciamque ut ad conspectum vestrum, etsi fortissimae ac ferocissimae sint, timeant et contremiscant ac timore exterritae fugiant potius a vobis, quam insectentur.

Tertio : et quam maxime angustiari poterant, quoniam alimenta quidem quamplurima in arcam intulerant, sed toto anno escis illis ipsi et animalia enutriti, iam defecerant ; fructus arborum, qui a Deo primo homini traditi sunt, non habebant ; terra nihil produxerat, nec herbas ullas. Huiusce rei tristi cogitatione gravati, quid agemus ? aiebant : non sunt nobis escae, fructus non habemus, terra nihil genuerit ; si seminemus, antequam semina in herbas fiant, spicas faciant et messis appropinquet, fame peribimus ; si arbores plantemus, priusquam crescant et adolescant ut fructus faciant, multa transibunt tempora et anni. Nos vero interea macie extenuabimur et demum fame peribimus, duriori morte consumpti e vita, quam omnes, qui diluvio perierunt. Hinc Deus super escis consolatur eos, dicens :

*Omne, quod
movetur
et vivit, etc.*
Et ne famis
praeoccupatio-
ne tabescerent,
quoniam terra
nec fructus
nec olera
adhuc
produxerat,

Omnes pisces maris manui vestrae traditi sunt ; omne, quod movetur et vivit, erit vobis in escam : quasi olera virentia tradidi vobis omnia.

super escis
quoque eos
consolatur,

15) Gn 12, 2 ; 17, 20 ; 21, 13. 18 ; 46, 3 ; Ex 32, 10 ; Nm 14, 12.

tradens illis in
escam omnia
animalia terrae
et pisces
aquarum.

Ne famis, inquit, cogitatione tabescatis, si fructus lignorum non habetis, si nihil terra protulit; ecce ego nova vobis cibaria in usum vestrum tribuo; omnia animalia terrae vobis erunt in escam. Quod si haec vobis non sufficiunt, quoniam pauca remanserunt vobiscum in arca propter diluvium, ecce in manus vestras do *omnes pisces maris*, quorum infinitus est numerus; hi enim aquae inundatione non perierunt. Neque a novi huius alimenti specie perhorrescatis, quoniam *quasi olera virentia* do vobis ea, ut non minus modo huiusmodi escis cum delectatione et voluptate vescamini, quam prius herbarum oleribus et arborum fructibus. Ecce abundantissime atque lautissime provisum est vobis ne aut fame pereatis, aut macie tabescatis.

*Carnem cum
sanguine non
comedetis.*
Ut a periculo
homicidii eos
cohibeat et
mutuum amo-
rem foveat,
non tantum
prohibet in
alterutrum
saevire, quin
imo et in ipsa
animalia.

Quarto demum: timore poterant non modico affici, quoniam pauci admodum erant; quid si ira aut iurgium inter fratres incidisset et invicem irati atque rixati alter alterum occidisset, sicut Cain occidit Abel? ¹⁶ Pater senex erat, nec plures filios aut filias genuit, sicut fecit Adam post mortem Abel ¹⁷; filii nondum genuerant eratque inter eos Cham non satis bonus vir, nec Cain multo melior. Quare merito ab occisionis morte et caede poterant extimere. Quapropter consolatur eos Deus multa interminatione mandans ne quis humanum sanguinem effundat, hoc est ne quis hominem quempiam immeritum interficiat; ac ut magis eorum mentes a caede cohibeat, imperat ne in animalia ea, quae in cibum eis indulsit, crudeles sint, ne viventium adhuc animalium carnes comedant anima et sanguine recenti, ne membra discerpant et devorent, ad instar truculentissimarum ferarum, quae viva animalia trucidantes et lacerantes devorant. Hoc est itaque:

Sanguis est
veluti anima
animalis, quia
dat motum et
calorem corpo-
ri, vitam sus-
tinet et con-
servat.

Carnem cum sanguine non comedetis, sive *carnem in anima sua, sanguine suo non comedetis*. Veluti anima enim animalis est sanguis, quia sanguis dat esse animatum; non quod sanguis anima sit, sed quia praecipua sedes est animae et animam in corpore servat et vitalium operationum munera multa obit. Motum enim localem ad omnes corporis partes fovendas et nutriendas habet; fervet; primigenium humorem coalit, qui calori nutrimenta praebet; corpus spiritibus replet; vitam sustinet et conservat; animal tuetur atque corroborat, et partibus omnibus fomentum, alimenta, incrementa, calorem et spiritum praebet. Propterea sanguis anima esse dicitur animalis, sicut

16) Cf. Gn 4, 8.

17) Cf. Ibid. 5, 3-4.

et in *Levitico* dicitur¹⁸: *Anima enim eorum*, idest animalium, *sanguis ipsorum est*, tum quia in sanguine anima est, sicut ibidem dicitur¹⁹, tum quia vitam maxime fovet et conservat. Anima autem saepissime in Sacra Scriptura²⁰ pro ea animalis vita, quae sanguine et halitu continetur, sumi consuevit; unde anima dicitur vivens in cuius naribus est spiritus vitae²¹. Quoniam vero hoc praeceptum ad hominum saevitiam cohibendam instituit:

Ideo in *Levitico* et alibi in S. Scriptura, sanguis dicitur anima animalis.

Sanguinem, ait, *animarum vestrarum requiram de manu cunctarum bestiarum et de manu hominis*. Quamvis, inquit, vobis indulserim ut ex quorumlibet animalium carnibus, ceu oleribus virentibus vescamini, ne tamen existimetis hominum quoque carnibus vesci licitum vobis esse. Nam etsi animal homo sit, corpus sensibile habeat, sensum delicatorem, carnes pretiosiores et ad vescendum suapte natura multo suaviores: rationabile tamen animal est, mentis et rationis capax; animam habet natura coelestem, intelligentia praeditam, mea inagine et similitudine insculptam, vultus mei lumine signatam²², mei ipsius intra sese capacem per cognitionem et amorem. Circumdata vero carne est; corpus hoc veluti organum et instrumentum datum est ei ad operandum opera bona, iustitiam et iudicium iuxta rationis leges, quibus, ut par est, actis gloriam consequatur aeternam, immarcescibilem coronam²³ ex meritis accipiat in coelis. Ut ergo operari haec possit, quae ad vitam conducunt aeternam, corpus ei datum est. Nullus itaque audeat hoc organo eam destituere, hac veste carnis²⁴ eam praemature exuere; quod si quis attentare praesumpserit, si quis, inquam, humanum sanguinem fundere, hominem crudeli nece interimere, eum vi morte plectere, noverit se iram meam incursum. Ego enim sanguinem hominis exquiram ad vindictam et ultionem, irae meae sagittam immittam in nefarium necatorem hominis, multis eum poenis et cladibus usque ad interneccionem affligam, quoadusque gladius meus devoret carnes eius et sagittae meae eius sanguine inebrientur²⁵. Statuam enim sublimiores potestates, quibus subdita sit omnis anima, principes, inquam, qui non sint *timori boni operis, sed mali*²⁶, ut qui bene egerint non timeant potestatem,

Sanguinem animarum vestrarum, etc. Quoniam hoc praeceptum datum est ad cohibendam saevitiam,

terribiles minitatur vindictas in eum, qui fuderit humanum sanguinem,

etiam per terrenas potestates illi infligendas.

18) 17, 11. 14. Ex Septuaginta.

19) Cf. vr. 14.

20) Cf. Dt 19, 13; 21, 8; 3

Rg 17, 17; Iob 19, 17; Prv 1, 11. 18; 12, 6.

21) Cf. Iob 27, 3.

22) Cf. Ps 4, 7.

23) Cf. 1 Petr 5, 14.

24) Ms.: *Vestis carne*.

25) Cf. Dt 32, 42.

26) Rom 13, 3-4.

*De manu cun-
ctarum be-
stiarum, etc.*
Ferae quoque,
quae hominem
aggredientur,
iis vindictis
plectentur.

sed laudem ex illa habeant; qui vero male egerint timeant, quoniam principes ministri mei sunt vindices malorum in iram his, qui male agunt. Propter quod et gladium portabunt ut eos, qui male egerint, morte plectant; et gladius quidem eorum meus est gladius. Itaque *si quis humanum sanguinem fuderit, fundetur a principis et potestatis gladio sanguis illius*, quoniam *ad imaginem... Dei factus est homo*. Propter animam, inquit, hominis tantam exquiram ultionem nec ulli parcam hominum, sive alienus sit sive propinquus, etiam si vir, qui sanguinem fudit, frater sit eius quem occidit; sanguinem illum de manu fratris exquiram ad vindictam et ultionem. Horrendum enim eousque est facinus hominem iniusta nece perimere, ut non patiar omnino, nedum si homo fuerit, qui hominis sanguinem fuderit, vindictam exquiram, sed *de manu etiam cunctarum bestiarum* exquiram. Si quae enim sit mala bestia aut fera pessima, quae in hominem suapte natura desaeviat, quae homines ad dilacerandos, trucidandos, perimendos ac devorandos invadat, aggrediatur, exquirat, quae in homines frendat uti in praedam ad mortem, ego pessimam illam bestiam exquiram, homines contra eam armabo, ut eam vel laqueis capiant, vel iaculis feriant, vel transfodiant lanceis, quousque intereat pessima fera illa. Vos itaque animaequiores facti²⁷ meis his benedictionibus et laetiores: *Crescite*: idest propagationi et generationi intendite, ut prolificetis et multiplicemini super terram usque adeo ut eam omni- quaque impleatis.

Vrr. 8-11 *Haec quoque dixit Deus ad Noe et ad filios eius cum eo: Ecce ego statuam pactum meum vobiscum et cum semine vestro post vos et ad omnem animam viventem, quae est vobiscum, tam in volucris quam in iumentis et pecudibus terrae cunctisque, quae egressa sunt de arca, et universis bestiis terrae. Statuam pactum meum vobiscum, et nequaquam ultra interficietur omnis caro aquis diluvii, neque erit deinceps diluvium dissipans terram.*

Textus Hebraicus: *Et dixit Deus ad Noah et ad filios eius cum eo, dicendo: Et ego, ecce ego erigo pactum meum vobiscum et cum semine vestro post vos et cum omni anima bestiae, quae est vobiscum, in volatili, in iumento et in omni bestia terrae vobiscum ex omnibus, quae egressa sunt arca, pro omni bestia terrae. Et erigam pactum meum*

27) Ms.: *Factis*.

vobiscum et non consumetur omnis caro ultra ab aquis diluvii, et non erit ultra diluvium ad dissipandam terram.

Unum adhuc erat quod Noe et filiis eius gravissimam poterat tristitiam et inconsolabilem moerorem afferre. Benedixit nos Deus, aiebant, ut cresceremus in infinitas propagines, ut multiplicaremur adeo ut filiis²⁸ universam sub coelo terram impleamus; securos nos quoque a malis bestiis pessimisque feris effecit, ut nullatenus nobis ab eis timeremus, quin potius illae a nobis contremiscerent, extimescentes conspectum nostrum; communitos etiam adversus miserandam famis plagam voluit, animalia quaeque in esum nobis contribuens, infinitas piscium acies; demum ab homicidiis nos tanta interminatione praecavit, ne invicem occidamus frater fratrem, ne crudeli morte necemur. At quis nos a diluvio securos faciet, quin ultra super terram in tempus maximi illius²⁹ cataclysmi, quod vidimus, ad omnem sub coelo carnem corrumpendam descendat? Quod si iterum diluvium venturum est, quid nobis hae benedictiones prosunt? quo nobis haec munera? Quid filios procreare si aquae inundatione iterum delendi sunt? Inconsolabilis dolor noster erit filios videre ante oculos nostros irremediabili plaga omnes perire. Quid etiam proderit securos nos a bestiis esse, si una cum illis supervenienti novo diluvio perituri sumus? Quid nova haec alimenta? Certe a diluvii clade [hae benedictiones] nos liberare non poterunt aut filios nostros. Quo demum nobis ab homicidiis cautos esse? Mors enim non multo melior est aquis praefocari, quam nefaria necari manu. Quod si diluvium istud propter hominum malitiam venit, quando unquam reperietur homo in terra, *qui bona faciat et non peccet?*³⁰

Ecce ego statuatam pactum, etc.
Ne pertimescerent Noe et filii eius novum diluvium quo perimerentur,

Suspicio ergo ac timor superventuri diluvii eos dolore atque moerore plectebat quam maximo. Propterea super hoc quoque consolatur eos Deus, dicens:

Ecce ego statuam pactum meum vobiscum et cum semine vestro post vos et cum omni anima viventi; pactum autem, quod statuo est, ut nequaquam ultra interficiatur omnis caro aquis diluvii, neque sit deinceps diluvium dissipans terram. Securos, inquit, vos feci a speciei interneccione, ne vos absque filiis moreremini: securos a bestiis: munitos a fame: cautos a violenta nece. Nunc a meipso etiam securos

promittit illis
Deus non
amplius dilu-
vium in
terra fore,

28) Ms.: Quo adiungitur.

29) Ms.: Illi.

30) Eccle 7, 21. Vulg.: Faciat bonum, etc.

Et ad omnem animam, etc. Quia animalia cuncta propter hominem creata fuerunt, eum illis quoque hoc pactum statuit ne ultra in posterum aquis diluvii pereant; nec terra ipsa iterum dissipabitur.

facio, promittens per memetipsum quod non adducturus sum ultra aquas diluvii ad perdendam omnem carnem cum terra. Et foedus hoc vobiscum percutio in perpetuum saeculis futuris; non enim vos tantum a diluvio securos facio, sed et semen vestrum post vos, idest filios vestros in perpetuas generationes adusque saeculi consummationem. Imo quia et animalia et iumenta omniaque animantia, tum coelestia tum terrestria, propter hominem creavi, sunt homini necessaria ad laborum gravamina vitaeque multa onera levius ferenda: sicut animalia cuncta una vobiscum in arca servavi, ita propter vos cum eis quoque pactum hoc erigo, ut nequaquam ultra in posterum interficiatur omnis caro aquis diluvii, *neque erit deinceps* in futuris saeculis unquam *diluvium* generale in universam sub coelo terram, quale istud fuit *dissipans terram*. Non solum carnem omnem corrumpit atque delevit e superficie terrae diluvii inundatio, verum etiam terrae ipsius virtutem atque substantiam plurimum labefactavit et veluti aridam et in arenae modum sterilem effecit, propterea dicitur: *Dissipans terram*.

Vrr. 12-16

Dixitque Deus: Hoc est signum foederis, quod do inter me et vos et ad omnem animam viventem, quae est vobiscum in generationes sempiternas; arcum meum ponam in nubibus, et erit signum foederis inter me et inter terram. Cumque obduxero nubibus coelum, apparebit arcus meus in nubibus; et recordabor foederis mei vobiscum et cum omni anima vivente, quae carnem vegetat; et non erunt ultra aquae diluvii ad delendam universam carnem. Eritque arcus meus in nubibus, et videbo illum et recordabor foederis sempiterni, quod pactum est inter Deum et omnem animam viventem universae carnis, quae est super terram.

Textus Hebraicus: Et dixit Deus: Hoc est signum pacti, quod ego do inter me et inter vos et inter omnem animam viventem, quae est vobiscum in generationes saeculi: arcum meum dedi in nube super terram et erit in signum pacti inter me et inter terram. Et erit: cum obnubilavero nube super terram, videbitur arcus in nube; et recordabor pacti mei, quod est inter me et inter vos et inter omnem animam viventem in omni carne; et non erit ultra aqua in diluvium ad corrumpendum omnem carnem. Et erit arcus in nube, et videbo ad recordandum pactum saeculi inter Deum et inter omnem animam viventem, quae est super terram.

Ut cognoscerent filii Noe fidelem esse Deum in omnibus verbis

suis ³¹, quoniam promiserat se cum eis pactum velle statuere in perpetuas generationes, quod non amplius venturum esset diluvium, nunc huiusce pacti signum eis sensibile praebet, ad eos certiores et securiores promissi faciendos.

Hoc est signum foederis, etc. Quo securiores fiant de veritate promissi, signum huius pacti Deus iridem in nubibus ponit.

In signum autem huius pacti arcum in nubibus se ponere ait. Arcus vero hic is est, qui a philosophis ³² dictus est *iris*, poetae vero Iunonis nuntiam Irim esse finxerunt ³³, sicut Maro ait ³⁴:

« Irim de coelo misit saturnia Iuno »,

quoniam huiusmodi arcus pluviam denuntiat, unde ἶρις dictus est ab εἶρσις, quod est dicere vel nuntiare ³⁵.

Eius vero haec est natura et generatio. Cum e regione soli oppositur nubes densior atque crassior quam ut solem transmittat, quippe quae in imbrem sit parata resolvi, immissus luminaris radius, eam nubem pertransire cum nequeat, repulsa acie in solem refringitur. Repulsus autem a crassa et veluti aquosa nube in roridam eam, quae citra illam est, retro agitur luminarisque imaginem ac veluti simulacrum exprimere pro viribus nititur, ad instar visibilium specierum quae a visibili re usquequaque veluti radii subtilissimi dimanant. Aerem quidem, per quod veluti medium feruntur, illaese transeunt; cum vero eis obviam speculum ponitur, speculi quidem diaphanum perfacile transeunt: at vitro suppositi metalli plumbi vel argenti densitatem pertransire non valentes, ibi terminatae repelluntur ac veluti refractae retro aguntur, in diaphano visibilis rei simulacrum simillimum exprimentes.

Producitur iris per repulsionem radii solaris a nube densiore in aliam roridam, quae citra illam est.

Ita plane fit iris. Quoniam radius ille luminaris refractus illius speciem exprimere nititur, ob nimiam tamen distantiam et vaporum inter solem nubemque terminantem interiectionem, obscure admodum et imperfecte solis imaginem exprimit; propterea arcualis figurae iris in nube conspicitur, puniceo, viridi et purpureo distincta et adornata coloribus. Haec autem colorum distinctio inde sumitur, quia luminaris radius quo longius protenditur, eo fit debilior minusque luminari

Iris figurae arcualis est, quia solis figuram reflectere conatur.

31) Ps 144, 13. 32) Cf. Aristot. *Meteor.*, lib. 3, cp. 4-5, t. 1, pag. 355-358; L. An. Seneca *Quaestiones Naturales*, lib. 1, cp. 3, pag. 833-834; Natalis Comes *Mythologiae*, lib. 2, cp. 4, pag. 117; Lud. Caellius *Lectio num Antiquarum*, lib. 22, cp. 24-33, pag. 1260-1268; Conimbricenses *Metheor.*, tract. 5, cp. 1-3. 33) Cf. Hesiodus *De Generatione Deorum*, vr. 266; Virg. *Aeneid.*, lib. 4, vrr. 700-702. 34) *Aeneid.*, lib. 5, vr. 606. 35) Cf. Plato *Cratylus*, t. 1, pag. 408; Aeg. Forcellini *Lexicon Tot. Latin.* sub voce: *Iris*.

Varietas autem
colorum eius
ex maiori vel
minori vi radii
solaris causa-
tur.

claritate pollet, sed in obscuritatem quandam et veluti subnigrum colorem tendit. Quapropter radius ille fortior, ubi primo acie refringitur, puniceum rutilumque colorem habet, colorem veluti flammeae violae referens, qui non modicum luminaris claritatis participat: at debilior factus, in viridem convertitur: color enim is ad obscurum magis et subnigrum vergit. Rursum vero radius ille factus debilior, tandem in rubeum convertitur, qui ad nigrum magis quam viridis color accedit.

Eadem est
origo halonis,

Et huius quidem arcus naturalis est tum causa tum generatio, sicut et halonis; similis enim huius est generatio. Cum enim sub luminari aliquo directe nubes aliqua aequa parilique densitate aequalis et uniformis reperta fuerit, eius occursus iniectus a luminari radius, pertransire cum minime valeat, colliditur ac refringitur: nubis enim uniformi densitate ne directe ulterius procedat prohibetur, sed per nubis extrema ubique retroactus diffunditur. Ea autem refractione magnus circulus sub astro cernitur lumine collustratus, ad instar lucidae coronae.

qui sub sole et
luna aliquando
conspicitur;

Fit autem hic circulus, qui ἅλως³⁶ dicitur, sub sole et luna, tum etiam sub aliis planetis; plerumque tamen sub luna cernitur, quapropter et area lunaris dicta est³⁷. Sol enim fervido suo calore nubem citius disgregat, nec diu sub se consistere permittit: luna vero non tantam habet vim, et eapropter facilius potest sub ea halo apparere diutiusque consistere.

producitur
enim et ipse
ex radiorum
refractione
in nube densa
sub astro, dum
iris fit ex
opposito astri;

Luminarium ergo radiorum refractione in nube densa tum iris tum halo fiunt: hoc tamen cum discrimine, quia iris e regione ex opposito luminaris fit, halo vero directe sub astro; et iris quidem propter nimiam distantiam a luminari nigrior apparet: halo autem albior et fulgidior ex breviori distantia ab astro fortiorique radiorum refractione. Rursum iris diutius consistit quam halo, quoniam halo, e directo est soli oppositus eique multo vicinior, iccirco citius ab eo dispergitur: iris vero e regione fit longiusque distat, et ob id non mox disgregatur ob distantiam; unde quo sol supra nostrum horizontem est elevatior, eo iris minor apparet: et in meridie quidem iris fit perquam minima, in ortu vero vel occasu maxima, quae fieri potest, conspicitur. Et in media quidem aestate circa aestivale sol-

36) Ms.: Halon, et infra.
op. cit. sub voce: Halos.

37) Cf. Conimbricenses Meteor., tract. 5, cp. 4; Aeg. Forcellini

stitium, cum proluxiores sunt dies, in meridie fieri nequit omnino ; post aequinoctium vero autumnale, cum dies sunt breviores, per omnes potest horas diei sese manifestare ob solis distantiam et modicam disgregandi virtutem.

Demum et hoc iris et halonis interest : quod halo semper integer atque perfectus, usquequaque clausus apparet circulus et est ; iris autem nunquam nobis integer circulus apparet aut semicirculo maior : sed vel semicirculus uno pede alteram nostri horizontis partem contingens et altero pede alteram ; aliquando vero portio minor est semicirculo. Advertendus est tamen animus quod unus semper iris est arcus, non plures a radiis causati ; quod si aliquando duo et nonnunquam plures apparere contingat, primi imago alter est, iisdem quidem distinctus coloribus, situ tamen diverso : ut primus quidem puniceum, viridem et purpureum colorem habeat, alter, inverso ordine, purpureum, viridem et puniceum ; ceu in speculo simulacrum rem, cuius est imago, repraesentat, et ea quidem, quae apparet, posterior priori multo debilior est, eius cum sit imago et ex radiorum illius refractione fiat. Similiter si tertiam apparere contingat, usque adeo debilis est, ut vix videri queat ob rationem eandem ³⁸.

et halo semper circulus clausus est, iris autem semicircularis est.

Quamvis autem plures irides appareant, unus tamen arcus est, quia reliqui imaginem primi reflectunt.

CAPUT UNDECIMUM

Vrr. 1-4 *Erat autem terra labii unius et sermonum eorundem. Cumque proficiscerentur de oriente, invenerunt campum in terra Sennaar et habitaverunt in eo. Dixitque alter ad proximum suum: Venite, faciamus lateres et coquamus eos igni. Habueruntque lateres pro saxis et bitumen pro caemento: et dixerunt: Venite, faciamus nobis civitatem et turrim, cuius culmen pertingat usque ad coelum, et celebremus nomen nostrum antequam dividamur in universas terras.*

Textus Hebraicus: *Et fuit omnis terra labii unius et verborum eorundem. Et fuit cum proficiscerentur ipsi ab oriente, et in-*

38) Ms. habet: « Itaque sicut halonis », et sic imperfecta remansit explanatio cp. 9 ad f. 261^b, et 10 quoque deperdita fuit, ut in *Praefatione* diximus; sequenti vero f. 262^a incipit caput 11.

venerunt planitiem in terra Sinhar et habitaverunt ibi. Et dixerunt vir ad proximum suum: Agile, laterificemus lateres et comburamus ad combustionem. Et fuit eis later pro lapide et bitumen pro luto: et dixerunt: Agile, aedificemus nobis civitatem et turrim, et caput eius in coelo, et faciamus nobis nomen, ne forte dispergamur super faciem universae terrae.

Paraphrastes Chaldaicus. Et fuit omnis terra linguae unius, et sermonis unius, etc.

Erat autem terra labii unius, etc.

Iterum Moyses texere incipit genealogiam populi hebraici, ex quo Christus nasciturus erat,

prius eventum narrans, unde facta est populorum distinctio.

Erat autem terra labii unius. Descripta iam humani generis multiplicatione, post ingentissimi illius cataclysmi omnia devastantem alluvionem, iuxta dominicam benedictionem, qua Noe et filiis eius benedixit ut crescerent et multiplicarentur terramque universam replerent¹, nunc Moyses ad [genealogiam] populi, ex quo Christus, qui *finis est legis ad iustitiam omni credenti*², in tempore nasciturus erat, aditum parat, iterum Semi genealogiam in rectum protensam a stipite retexens. At prius eventum narrat unde facta est populorum distinctio, cum prius omnes unus essent populus ac veluti una Noe familia. Hoc autem linguarum divisio fuit; prius enim *erat terra labii unius et sermonum eorundem*, idest una erat omnibus lingua, una communis omnibus loquendi proprietas, eundem omnes loquebantur sermonem quo internos conceptus significabant sibique invicem palam faciebant: ea enim quae in voce sunt, earum quae in anima passionum, notae sunt et signa.

Anima humana omnia, quae extra ipsam sunt, cognoscere valet;

Ad luculentiores autem loci huius intellectum aliqua annotabimus. Et primo quidem quod homo suapte natura omnium, quae extra ipsum sunt, cognitione est capax, sive sensibilia illa sint sive intellectilia; sensibilibus enim per sensum est capax, intellectilibus vero per intellectum, mentem ac rationem. Quapropter anima nostra dicitur³ fieri ac esse quodammodo omnia, sensibilia per sensum, intelligibilia per intellectum; ambae enim hae potentiae unum cum his rebus, ad quae suapte natura feruntur, fiunt cum simul in actu sunt eaque intra sese recipiunt. Omnia itaque, quae extra animam sunt, cum vel sensu vel intellectu in animam recipiuntur, fiunt ac veluti efformantur in anima earum quaedam species ac similitudines, veluti simulacra quae

1) Cf. Gn 8, 17; 9, 1.
t. 1, pag. 403.

2) Rom 10, 4.

3) Cf. Aristot. *De Anima*, lib. 3, cp. 8,

intra ea, quae foris sunt, examussum repraesentant. Illa vero animae conceptus vel conceptiones, aut animi simplices apprehensiones dicuntur, necnon et passiones, quatenus recipiuntur in anima.

Hi vero conceptus in intimis cordium penetralibus occultissimi aliisque imperscrutabiles delitescunt, nec eos potest per sese homo aliis palam facere absque signorum quorundam adminiculo. Quapropter ad internos conceptus explicandos, vocibus veluti signis utitur sua sponte ac placito. Unde homini a natura naturaeque providentissimo Conditore ratione optima de voce provisum est ad hosce conceptus explicandos. Non quod vox ipsa suapte natura id habeat, ut internos conceptus explicet: suapte natura enim vox nihil aliud est quam sonus animalis ore prolatus ex percussione aeris in gurgulione aut laringe, qui ibi percutitur ac reprimatur ab aere a pulmone per respirationem attracto: susceptiva tamen est intentionis aliquid significandi. Quare vox ipsa veluti materia est significationis, ceu argentum denarii et vasis. Sicut enim argentum non est vas aut numisma, nisi prius forma ea illi imprimatur, susceptivum tamen suapte natura est; ita plane voces conceptuum signa non sunt, nisi prius constituentur et imponantur ad significandum.

ad manifestandos autem interiores conceptus vocibus quibusdam, veluti signis, indiget.

Hae voces, ex percussione aeris in laringe formatae, suapte natura animalis sunt,

Quapropter nomina et verba non simpliciter voces sunt, sicut nec vas argentum; sed voces cum impositione et intentione aliquid significandi. Vox ergo signum est interni conceptus non naturale, nisi eam vocem accipiamus et significationes, qua etiam animalia bruta sunt praedita ad internas affectiones exprimendas, quales sunt voces molesti ac tristici, et iucundi ac delectabilis. Haec enim naturaliter significant, quae etiam suapte natura suum significant prolatorem, veluti est latratus canum, rugitus leonum et mugitus boum, necnon et vox hominis; per vocem nanque et locutionem homo cognoscitur, sicut per rugitum leo et per latratum canis. At ea vox hominis quae mentales conceptus et res cognitae explicat, naturale signum non est, sed ad placitum ex humano instituto. Et voces quidem una cum significandi intentione ex principali instituto internos conceptus exprimunt: postmodum vero res per tales conceptus cognitae et conceptas; ita quod prima institutio ad conceptus palam faciendos destinata fuit: secundo vero ad rem, cuius est talis conceptus, exprimendam.

ad exprimendas tamen internas affectiones aptae iuxta cuiusvis naturam;

vox vero hominis naturale signum non est, sed ad placitum ex humano instituto.

Vox itaque, sive conceptus sive res significet, semper est ad pla-

citum, non a natura, ut Aristoteles sensit⁴. Quod si Plato secus sentire visus est⁵, nil minus tamen sensit dicens nomina naturaliter significare. Si quis enim peritus ac optime sapiens linguae institutor rebus nomina imponat, qualia rerum naturis convenient, dici commode poterit ea nomina naturaliter significare: ceu si quis imaginem aut simulacrum quoddam videat, quod naturam maxime imitatur eius, quem repraesentat, naturale illud vocabit per *θεϊο-λογίαν*⁶, idest exaggerationem. At vero sicut sculptile illud simulacrum non natura, sed arte rem repraesentat, ita et voces nominum ac verborum.

Sic Adam nomina imponendo, eas illis indidit significationes, quibus proprietates animalium manifestarentur.

Ita plane in sacra hac *Genesi* legimus, cum Dominus cuncta animantia, quae formaverat, duxit ad Adam, ut videret quid vocaret ea, dicitur⁷: *Omne quod vocavit Adam animae viventis ipsum est nomen eius*. Imposuit enim nomina rebus convenientissima, non quia haberent significationem animalium proprietatibus naturaliter convenientem: sed quia vocibus nominum tales indidit ac imposuit significationes, ut eae congruissimae proprietates animalibus singulis convenientes veluti indice manifestarent.

Venati hucusque sumus quae hominibus communia sunt. Sicut enim natura communis est omnibus, ita et internae passiones atque conceptus; sicuti res et quae in animam per sensum aut intellectum recipiuntur eadem natura apud omnes extant, ex quibus ii conceptus primo oriuntur per medias species ac similitudines. Deinde vero et vox qua homo suapte natura est praeditus, ut suos possit explicare conceptus, communis est universis hominibus, qua etiam homo per auditum a ceteris animalibus distinctus dignoscitur et qua internas naturales affectiones molesti et iucundi naturaliter exprimit, sicut et alia pleraque animalia, quae vocem emittunt.

Labi unius, etc.
Voces, quibus descendentes Noe utebantur, om-

Tunc autem temporis, quando linguarum haec divisio facta est, etiam voces ad placitum ex humano instituto significantes eadem omnibus communes erant iidemque sermones ad internos animi conceptus palam faciendos et aliis manifestandos; hoc est quod dicitur: *Erat autem terra labii unius sermonumque eorundem*. Voces enim ad

4) *De Interpretatione*, cp. 1-2, *ibid.* pag. 21; *De Anima*, lib. 2, cp. 8, *ibid.* pag. 394; *De Republica*, lib. 1, cp. 2, t. 2, pag. 178. 5) *Cratylus*, t. 1, pag. 383-396. 6) Ms.: *Di-*
nologiam, et infra: *Paragogen* et: *Anthropospathia*. 7) 2, 19.

placitum significantes nomina ac verba eadem omnibus erant, omnes homines eadem voce eodemque nomine rem unam significabant, una erat loquendi proprietas, una lingua; hoc est: *Labii unius*, unius linguae, unius loquendi proprietatis et idiomatis: *Et sermonum eorundem*, quia ea lingua non diversos dialectos habebat, sicut lingua graeca quinque dialectos, idest loquendi genera habet: ionicam, doricam, atticam, aeolicam et communem linguam⁸.

nibus commu-
nes erant ad
significandos
internos animi
conceptus.

Habet autem Fons Hebraicus: *Labii unius*: **וְדְבָרִים**, **אֶחָדִים**, idest *et verborum eorundem*. Verbum autem **דְּבָר**, Hebraeis et sermonem et verbum et rem, vel quidquid sermoni subiaceret significare solet; cum **ר** vero per *παράγωγη* et mos, consuetudo, eloquium; quapropter verbis illis forte rerum negotiorumque simplicitas, morum similitudo ac rituum animorumque concordia significatur, quae diversorum idiomatum gentibus esse solent longe diversa, dissimilia ac dissona; iis vero qui eandem linguam colunt eandemque incolunt regionem, mores ac ritus iidem animorumque concordia esse solent. Et illi quidem viri eandem omnes provinciam incolebant, idem idioma habentes, propterea dicitur: *Terra erat labii unius*.

*Et sermonum
eorundem,
idest cum
unam veluti
familiam for-
marent tum
similitudine
morum tum
animorum
concordia,
eandem
linguam
habebant.*

Cumque proficiscerentur de oriente. Requievit arca, ut supra legimus, *supra montes Armeniae*⁹, et Noe ac filii eius, postquam de arca egressi sunt, eam incoluerunt regionem. Postmodum vero cum vidissent non satis optimam ac bene dispositam eam regionem esse ad inhabitandum, inde profecti sunt. Siquidem Armeniae regio tota montuosa est, montibus usquequaque plena; sunt enim in ea montes Moschici, qui supra partem Ponti ad Cappadociam se efferunt; Pariedrus, in quo fontes habent Euphrates et Araxes fluvii; Antitaurus, Taurus et Niphates Cordica, ex quo Tigris oritur; Caspii, qui vergunt ad Medos et Caucasi, unde Cyrus fluviis oritur. Cum ergo Armeniae regio minus apta ad incolendum viris illis visa esset, utpote quae tota montuosa et aspera erat, inde discesserunt una omnes; et dicuntur *ab oriente* proficisci, quoniam Armeniae regio orientalis magis est quam Baby-lonia et Chaldaeorum regio.

*Cumque profi-
ciscerentur, etc.
Egressi de arca
filii Noe inco-
luerunt regio-
nem Armeniae;*

*sed regio illa,
nimis montuo-
sa, non satis
conveniens ad
habitandum
erat;*

Invenerunt campum in terra Sennaar et habitaverunt ibi. Est autem

8) Ms.: *Communis lingua*.

9) Gn 8, 4. Vulg.: *Super montes, etc.*

*Invenerunt
campum, etc.
ideo illinc
emigrantes,
venerunt in
Sennaar,
regionem
planam et ad
incolendum
aptissimam;*

terra Sennaar, quae nunc Chaldaea et Babylonia dicitur, regio plana non montuosa et aspero situ, sed planities amplissima atque latissima et ad incolendum amoena valde, satis satisque optima; propterea statuerunt hi habitationem ibi sedemque ponere, locum arbitrati aptissimum se nactos. Propterea se invicem cohortati sunt ut civitatem et turrin aedificarent :

*ibique statue-
runt civitatem
et turrin altis-
simam aedi-
ficare.*

Venite, faciamus lateres et coquamus eos igni. Forte cum regio illa plana esset et campestris, lapides non habebat aedificationi aptos, vel quia existimabant firmitus consurgere aedificium si lateritium foret, vel etiam, ut plerique autumant ¹⁰, quia iam sciebant, Noe eorum patre magistro, mundum hunc igni esse reservatum, sicut prior diluvio; et lapides quidem igne in calcem resolvuntur, lateres vero igne decocti eo magis solidantur. Ideo ut aedificium illud ab igne etiam incolume servaretur perpetuoque maneret in futura saecula, ex lateribus illud construere cogitaverunt. Fueruntque illis lateres pro lapidibus et pro caemento bitumen; duo siquidem haec ex parte materiei ad constructionem requiruntur: lapides et lutum. Isti ergo lapidum loco lateres habuerunt, loco vero luti conglomerantis et connectentis lapides, habuerunt bitumen, quod est luti genus tenacissimum glutenque fortissimum.

Praeparatis ergo iis, quae ratione materiei ad aedificium construendum opus erant, dixerunt:

*Nemrod,
gigantea statu-
ra et mente
perspicacissi-
ma et manu
fortissima,
in omnes
dominabatur.*

Venite, aedificemus civitatem et turrin, cuius culmen pertingat ad coelum. Prius, cum sub Noe eorum omnium patris potestate permerent humiles, in tentoriis et casulis habitabant; cum vero Nemrod super homines regnare coepit, statim superba aedificia, civitates munitissimas ac muratissimas turresque altissimas construere molirique cogitaverunt, ipso Nemrod auctore. Hic enim primus omnium dominium regnumque super homines sibi ausus est arripere, mente nimium audax, atque ut super universam sub coelo terram hominesque universos dominaretur attentare praesumpsit. Cumque corporeis viribus universos excelleret ac longe superaret et supervinceret, omnes etiam sub ditione sua constituit. Gigas enim erat corpore vasto ac procero ¹¹, manu fortissimus, mente audacior, cui nullus resistere praesumebat,

10) Cf. S. Beda *Hexaem.*, lib. 3, (P. L. 91, 124); Alph. Tostatus op. cit. f. 54.
Gn 10, 8.

11) Cf.

cum iam ipse armatam manum fecisset; et consilio prudens valde ac sapiens erat, ea tamen prudentia et *sapientia* quae *carnis* est et *inimica est Deo* ¹².

Hic ergo, coacto universorum hominum concilio, suasit omnibus ipse et qui suas agebant partes, ut civitatem turrinque aedificarent, quae sedes regni esset universaeque terrae metropolis et caput. Hoc est quod dicitur:

Dixerunt vir ad proximum suum: aedificemus civitatem amplissimam et magnificentissimam eaque muris et antemuralibus fortissimis circumcingamus; in medio autem civitatis tanquam fortalitium arcemque tutissimam construamus altissimam turrin, cuius culmen ad coelum usque videatur pertingere; atque opus hoc tam mirabile admirandumque facientes, summam in futuris saeculis gloriam consequemur nomenque nostrum in perpetuas aeternitates gloriosissime celebrabimus. Alioquin inglorii et absque nostrorum nominum monumentis dispergemur in universas terras, tanquam oves pastorem et archimandritam non habentes ^{12a}, nec caulam, quo congregentur. Antequam ergo ita dispergamur, facile enim hoc est nisi id egerimus, construamus civitatem et turrin, quo ad inhabitandum una omnes congregemur, sitque tutissima omnium nostrum habitatio regnique nostri sedes et clavus. Consensit universa multitudo prona propensoque animo Nemrodi praeceptioni obedire voluntatique eius morem gerere.

Fabularum plane nugae sunt ea quae dicunt plerique ¹³, hosce viros propterea turrin aedificasse, cuius culmen coelum pertingeret, ut in coelum ascenderent et in coelesti curru contra Deum pugnarent. Haec enim poetarum est fabula ¹⁴, qui finxerunt gigantes ab irata tellure esse progenitos, serpentinis pedibus, corpore proceros, animo paratos ut Iovem e coelesti sede expellerent. Hoc autem est eos iniqua ac impia in Deum mente fuisse, Dei virtutem potentiamque negantes, omnique mente et cogitatu eos semper ad inferna vertisse.

Adduci autem non possum ut credam omnes civitatem et turrin illam aedificantes ea mente animoque fuisse. Cogit enim nos ratio ut teneamus omnes homines ad aedificia illa construenda convenisse operamque dasse, vel saltem consensum. Nam cum ante constru-

Faciamus nobis civitatem, etc.

Ut nomen eorum celebraretur in saecula, ipse suasit omnibus civitatem munatissimam aedificare, quae sedes esset regni illius.

Poetarum figmentum est et fabula homines illos turrin aedificare voluisse, ut contra Deum pugnarent.

Neque enim credendum est prorsus omnes tam perversos fuisse, ut hanc pessimam in-

12) Rom 8, 7. 12a) Cf. Mt 9, 36; Mc 6, 34. lib. 3, (P. G. 88, 135); Alph. Tostatus op. cit. f. 55a.

13) Cf. Cosmas *Topographia Christiana*, 14) Cf. supra cp. 6, pag. 478, et not. 36.

tentionem in
aedificanda
turri
haberent;

potius enim
quam plani-
tiem, montem
altissimum ad
tale opus
elegissent.

Neque ad effu-
giendum aliud
diluvium tale
turrum
construere vo-
lebant, tum
quia noverant
promissionem
divinam,

tum quia ad
hoc opportu-
niores fuissent
montes excelsi
Armeniae.

ctionem illam in omnibus hominibus labium unum esset idemque sermo, quod ob aedificii illius structuram in omnibus confusum est, plane si non omnes ad id opus convenissent operam dare, nec in omnibus confusum labium fuisset; ad impediendum enim opus illud confusum est ¹⁵; cumque labium illud primaevum lingua esset hebraica ¹⁶, si non in omnibus confusum labium esset, multae nationes hebraea lingua loquerentur. Quod si confusum in omnibus est: cur in omnibus hominibus, si non omnes ad opus illud convenerant, cum propter opus illud confusum sit labium? At si omnes convenerunt, quis unquam dicet Noe, qui adhuc vivebat, Sem, Arphaxad, Sale et Heber, sanctos et iustos viros ea mente et animo fuisse? Quod si eam habuissent mentem ut turris fastigio coelum pertingerent in coelumque ascenderent, super altissimos montes potius, quam in valle, aut ima planitie eam construere proposuissent.

Nec admodum placet quod plerique expositores dicunt ¹⁷, eos viros ea mente altissimam turrum voluisse construere, ut ibi salvarentur, si forte denuo aquarum maximus cataclysmus veluti praecedens diluvium superveniret. Siquidem certiores facti omnes tunc homines erant divinae promissionis, qua foedus cum Noe et cunctis animantibus terrae Dominus pepigerat ¹⁸, statutum pactum sempiternum, quod in aeternum non praeteribit. Quod si ea fuisset eorum mens et propositum, multo melius et convenientius eam turrum super Armeniae altissimos montes aedificassent, in quibus multos praegrandesque lapides habuissent, ut non opus illis fuerit lateres coquere ut essent eis lapidum loco, ibique solidissimae erant petrae, supra quas aeterna fundamenta iacere poterant, et omni dubio procul securiores multo supra montes altissimos fuissent ab aquarum inundatione, quam in valle locisque campestribus. In vallibus enim et planis terrae locis multo facilius inundationes alluvionesque aquarum fiunt, tum quia nedum aquis, quae e coelo pluunt, sinum praebent, sed etiam eas, quae a montibus ex pluviis et nivium liquefactione defluunt, suis veluti

15) Cf. vr. 7. huius cp.

16) Cf. supra cp. 2, pag. 240.

17) Cf. Procopius *Comment. in Gen.*, (P. G. 87, 314); Cosmas *Topographia Christiana*, lib. 3, ibid. 88, 135; Strabus *Glossa Ordinaria in Gen.*, (P. L. 113, 114); Angelomus *Comment. in Gen.*, ibid. 115, 166; Remigius *Comment. in Gen.*, ibid. 131, 81; Hugo de S. Victore *Adnotat. Elucidat. in Pentat.*, ibid. 175, 49; Nic. Lyranus op. cit. f. 58^b; Gloseffo Flavio *Delle Antichità Giudaiche*, lib. 1, cp. 9, f. 5^a; Rab. Salomon op. cit. f. 12^b; Io. Buxtorffius *Dissertationes, etc. Dissert. 2, De Linguae Hebraicae Confusione*, pag. 75-77.

18) Cf. Gn 9, 8-17.

sinibus recipiunt; montes vero semper aquas ad ima loca demittunt. Et Hebraeorum veterum tum neotericorum extat sententia¹⁸ propterea שכל מימי המבול ננערו שם, quod omnes aquae diluvii dispersae sint ibi, idest quod eum locum vel maxime inundarint diutiusque ibi constiterint.

Eorum ergo mens et propositum fuit civitatem construere amplissimam et praeclarissimae spectandissimaeque magnificentiae, murorum firmissima magnitudine in latitudine et altitudine circumcinctam, in cuius centro altissimam turrim, veluti arcem munitissimam, ut eo opere nomina sua in futura saecula, in perpetuas aeternitates, aeternis generationibus concelebrarent viverentque immortaliter in hominum memoriis omnesque homines una in civitate illa habitarent, ne dispergerentur absque firma habitatione huc atque illuc in universas orbis terrae partes. In arce vero illa civitatis eorum rex monarchicusque imperator Nemrod consideret omnium hominum dominator, adeo ut esset ea civitas mundi totius caput, monarchiae sedes et regni totius principium, sicut supra dictum est¹⁹, quod Babylon Nemrod regni caput principiumque fuit.

Praecipua ergo eorum intentio erat civitatem magnam aedificare ubi habitarent,

et arcem munitissimam, in qua Nemrod veluti imperator universi consideret.

Et quidem Babylonicae civitatis muri, a Semiramide regina postmodum instaurati, tanta fuerunt et magnitudine et firmitate spectandi, ut inter septem orbis spectanda miracula numerentur²⁰. Fuisse enim ferunt²⁰ latitudine cubitorum quinquaginta et altitudine quater tantum, idest ducentis cubitis altos. Fuerunt vero, uti hic dicitur, coctili lateres bitumine interfuso compacti, lati adeo ut quadrigae ibi invicem occurrentes facile pertransire possent. Ambitus vero quadringentis octoginta stadiis circumveniebatur; turris vero constructae, quam adhuc moliebantur, altitudinem quinque millium centum septuaginta quatuor passuum fuisse; latitudine vero latissima atque fortissima, ut quibusque eam respicientibus longitudo videretur imminui: altissimam enim eam construere proposuerant, ut culmen eius ad coelum usque videretur pertingere. Sumebat autem altitudo facilitatem et plusquam

Ita tradunt qui eam constructionem et viderunt et descripserunt.

18*) Cf. Ginzberg op. cit. V, pag. 202.

19) Gn 10, 10. Explanatio decimi capitis deest.

Cf. ea quae diximus in not. 38, cp. 9.

19*) Cf. Hyginus *Fabulae*, pag. 48.

20) Cf. Eusebius

Caesar. *Praeparat. Evang.*, lib. 9, cp. 11-15, (P. G. 21, 698-703); Giosseffo Flavio *Delle Antichità Giudaiche*, lib. 1, cp. 9, f. 4^b; Strabo *Rerum Geographicarum*, lib. 16, pag. 508; Ovid. *Metamorph.*, lib. 3, vrr. 57-58; Q. Curtius *Historiae*, lib. 5, cp. 4, pag. 171-173; Beyerlinck *Theatrum Vitae Humanae* sub voce: *Babylon*, iisdem fere verbis.

sperare quis posset multis manibus fabricata crescebat. Quantis laboribus quantisque oneribus supponit homines mundanae laudis appetitus et gloriae vanae ambitio! Ut nomina sua celebrarent, hi tantorum aedificiorum se supposuere oneribus et laboribus subeundis et sufferendis. Quae autem eo mox subsecuta sit poena et ingens miseria, videbimus.

Vrr. 5-9

Descendit autem Dominus ut videret civitatem et turrim, quam aedificabant filii Adam, et dixit: Ecce unus est populus et unum est labium omnibus: coeperuntque hoc facere, nec desistent a cogitationibus suis donec eas opere compleant: Venite igitur, descendamus et confundamus ibi linguam eorum, ut non audiat unusquisque vocem proximi sui. Atque ita divisit eos Dominus ex illo loco in universas terras: et cessaverunt aedificare civitatem. Et idcirco vocatum est nomen loci illius Babel, quia ibi confusum est labium universae terrae: et inde dispersit eos Dominus super faciem cunctarum regionum.

Textus Hebraicus: *Et descendit Dominus ad videndum civitatem et turrim, quam aedificabant filii hominum, et dixit Dominus: Ecce populus unus et labium unum omnibus ipsis: et istud coeperunt ipsi facere, et nunc non prohibebitur ab eis omne quod cogitaverunt ut facerent: Agite, descendamus et confundamus ibi labium eorum, quod non audiant vir labium proximi sui. Et dispersit illos Dominus inde super faciem omnis terrae; et destiterunt extruere civitatem. Propterea vocavit nomen eius Babel, quia ibi confudit Dominus labium omnis terrae; et inde dispersit eos Dominus super faciem universae terrae.*

Descendit autem Dominus, etc.

Per effectus quos operatur

Deus descendere dicitur, vel misericordiam praestando, vel

poenas pro sceleribus infligendo;

Descendit autem Dominus ut videret civitatem. Ἰανθρωποπάθεια est et humano more de Deo Scriptura loquitur, ad nostram se inclinans infirmitatem et parvitatem. Manifestissime tamen Dei vigilantissimam providentiam, qua omnes humanos actus contemplatur, locus iste declarat. Quid est enim: *Descendit ut videret*, nisi quia omnes humanos actus et opera, oculis eius nuda aperta²¹ cum sint, diligentissime penitissimeque ipse attendit? Simile est illud: *Descendam et videbo utrum clamorem, qui venit ad me, opere compleverint, an non est ita, ut sciam*²². Et illud: *Vidi afflictionem populi mei in Aegypto...*, et sciens dolorem eius descendi ut liberarem eum²³. Certe loco non mutatur Deus, qui omnem ubique locum implet: *Ego enim Deus et non*

21) Cf. Hebr 4, 13.

22) Gn 18, 21.

23) Ex 3, 7. Vulg.: *Ut liberem eum.*

*mutor*²⁴; *Ego coelum et terram adimpleo*²⁵. Per effectus ergo, quos operatur, *descendere* dicitur, dum actus humanos moderatur, vel misericordiam praestando vel poenas pro sceleribus infligendo.

Per effectum ergo quem operatus est, descendisse describitur, *ut videret civitatem et turrin, quam aedificabant filii hominum*; isti enim iam aedificiorum structuras prosequabantur. Quoniam vero *nisi Dominus aedificaverit domum, in vanum laboraverunt qui aedificant eam*²⁶: videns Dominus superbas eorum mentes tantasque moles civitatis et turris, quam usque ad coelum struebant, *descendit* hisce operibus impedimenta daturus. Aedificabant enim hi eas structuras, non Deo, sed sibi: *Aedificemus*, inquit, *nobis civitatem et turrin*: non ad summi Dei honorem et gloriam, sed mundi gloriam magis quam Deum diligentes ea opera moliebantur, ut nomen suum celebrarent; non civitatem, in qua Deus omnium rex et imperator super eos regnaret, ut in ea divinae leges iuraque divina statuerentur ac servarentur; sed ut in ea impius Nemrod, crudelis *venator*, regnaret, qui leges iniquas conderet *et scribens iniustitiam scriberet, ut opprimerentur in iudicio pauperes, et vim facerent causae humilium...*; *ut essent viduae praeda eorum, et pupillos diriperent*²⁷; non templum aedificant divinamque domum, in qua Deus habitaret, in qua pietate ac religione summa coleretur, in qua divini celebrarentur honores et congregatis synagogis, convocatis coetibus, in unum collectis fidelium populorum ecclesiis, divinae laudes decantarentur; sed turrin struebant, quae Nemrod sedes principumque ac militum eius mansio fida securaque esset. Nec humilem eam molem humili fastigio moliuntur, sed sublimem atque altissimam, ut, si potis esset, coelum pertingeret: *Cuius culmen*, inquit, *coelum pertingat*: quo nomine audax eorum temeritas per hyperbolen designatur.

Deus ergo videns vanum eorum consilium multorum malorum in causa existere, vocisque consonantias his eorum malorum occasionem praebere, ne malitia increaseret morbusque incrudesceret, eos ad finem usque operis nequaquam permittere statuit opera sua moliri: sed morbi causam abolet; ceu sapiens medicus videns morbum augeri, ne ulcus incurabile fiat, statim utitur sectione.

24) Mal 3, 6. Vulg.: *Ego enim Dominus.*

25) Ier 23, 24. Vulg.: *Coelum et terram ego impleo.*

26) Ps 126, 1.

27) Is 10, 1-2. Vulg.: *Et scribentes iniustitiam scripserunt, ut opprimerent, etc.*

et hic significat impedire velle constructionem hanc, quae non ad eius cultum, sed ad superbiam hominum fiebat.

*Ecce, inquit, unus est populus et unum labium*²⁸ *omnibus : coe-*

*Confundamus
ibi linguam
eorum.*

*Identitas lo-
quellae causa
erat qua om-
nes in opus
illud conspira-
rent;*

*peruntque hoc facere, nec desistent a cogitationibus suis donec eas opere
compleant. Venite igitur, descendamus et confundamus ibi linguam eorum.*

Unum adhuc hominum genus erat, uno patre Noe nati, unam omnes
efficiebant familiam, quia ab uno genere omnes ducebant originem
cognatique omnes affinesque erant. Nulla erat inter eos diversitas
aut originis vel generis, aut morum, rituum et religionis, vocis vel
linguae, aut patriae : sed unus omnino populus erant, una congre-
gatio hominum, una societas. Et sicut eadem omnibus erat natura,
eadem passiones et affectiones, ita idem vivendi mos, communis
victus, ritus et religio : vox consona omnibus, lingua una, quam uno
hauserant patre. Verum hi hisce bonis abutebantur, et quae suapte
natura bona sunt, illis fiebant causa ruinarum. Quoniam ergo pacifica
haec eorum communio et concors populi unitas in malum illis fiebat :
Descendamus, inquit, et confundamus ibi linguam eorum: hanc, inquit,
dividamus concordiam et vocis ac linguae dispertiamus unitatem, ut,
dispertitis linguis, populus etiam hic unus in multos dispertiatur.

*ideo causam
Deus tollit ut
effectus simul
tollatur.*

Inquit autem : *Descendamus:* plurium voce, sicut etiam dixit :

*Descendamus !
Pater alloqui-
tur Divinas
Hypostases,*

*Faciamus hominem*²⁹. Divinas enim Hypostases a se procedentes al-
loquitur Pater, natura pares, aetate coaeternos, potestate, honore
ac dignitate aequales, in omnibus coaequales.

*non sanctos
suos, ut aliqui
putant.*

Hebraeorum nonnulli³⁰ Deum hic ad iudicii domum sermonem
dirigere aiunt, ut, cum descendere vellet ipse ad iudicandum filios
hominum, venirent *omnes . . . sancti eius cum eo*³¹. At vero id R a b -
b i n u s A b r a b a n e l confutat, dicens³² quod, « si ita hoc esset
huiusce rei facienda prius mentio erat. Cur enim non dicitur quod
Deus et iudicii domus linguae confusionem fecerunt ? Et ecce mox
sequitur quoniam ibi confudit Dominus labium omnis terrae et inde
dispersit eos Dominus in omnes terras : quae quidem ostendunt solum
Deum effectuum horum in causa extitisse ». Ipse vero aliter inter-
pretatur, ad divinam id providentiam referens. Dominus enim, qui
cordium secreta novit³³ et iudicat quemque iuxta vias suas³⁴, cum

28) Ms. : *Et unum labium repetitur.*

29) Gn 1, 26.

30) Rab. Salomon op. cit. f. 12^b;
apud Rab. Abrabanel op. cit. f. 50^a; cf. Nic. Lyranus op. cit. f. 59^a; Alph. Tostatus op.
cit. f. 56^a; Drusius, col. 330; Cartwrightus, col. 342; Ginzberg op. cit. V, pag. 205.

31) Zach 14, 5.

32) Op. cit. f. 50^a.

33) Cf. 1 Rg 16, 7; 1 Par 28, 9; Ps 7, 10;

43, 22; Prv 15, 11; Sap 1, 6; Ier 11, 20; 17, 10; 20, 12; Act 1, 24.

34) Cf. Ez 7,

hos homines iudicare venit, duo egit: ut labium primum et lingua, quae una omnibus erat, relinquerentur; et linguae aliae distinctaque idiomata invenirentur ac statuerentur. Et primum quidem per se, operatus est; ad inveniendas vero ac statuendas linguas diversas quibusque proprias principes ex eis elegit, qui capita erant familiarum, qui eorum sustinerent regimen, et propterea plurium voce loquitur.

At quaeso, nonne hi principes in terra erant et una cum aliis civitatem et turrim aedificabant? Quomodo ergo inquit Deus: *Descendamus et confundamus ibi linguam eorum*? Quid autem sit linguam confundere mox aperit dicens: *Ut non audiat unusquisque vocem proximi sui*: idest ut non intelligat quid per vocem significare velit, ut sonum quidem vocis audiat sensum vero non intelligat. At quamobrem fit ista confusio? *Quia*, inquit, *coeperunt hoc facere, nec desistent a cogitationibus suis donec eas opere compleant*.

In quaestione apud expositores fuit an peccarint hi, qui civitatem et turrim extruere voluerunt, et cur voluerit Deus eorum impedire opera; et aliis quidem visum est eos peccasse, aliis vero minime ³⁵.

Rabbinus Abraham Aben Ezra ³⁶ et Rabbinus Levi ben Gheron ³⁷ inquiunt eos nihili peccasse, sed divina providentia factum esse, ne hi civitatem illam amplissimam, quae potius regio erat cincta muris, quam civitas, et turrim perficerent. Construendi enim ea aedificia hoc fuit eorum propositum et intentio, ut simul in una congregatione et sociali commercio habitarent; propterea aiunt: *Ne forte dispergamur in omnes terras*. Siquidem civile, politicum et sociale animal cum sit homo, vitam desiderat civilem et socialem. Hoc ergo naturae insitum desiderium volentes hi opere adimplere, nihili deliquerunt, quod illud desiderium nequaquam malum est. Et si non ob id solum aedificia illa moliebantur, sed etiam ut in futuras generationes nomen suum celebrarent, plane φιλοτιμία ³⁸, idest honoris amor et gloriae malus neutiquam est. Si enim homo

Iuxta alios nihili peccarunt turrim aedificantes, quia continuationem socialis commercii intendebant et proprii nominis celebrationem,

quae quidem mala non sunt,

3. 8; 18, 30; 33, 20. 35) Cf. S. Augustinus *De Civitate Dei*, lib. 16, cp. 4-5, (P. L. 41, 482-483); S. Eucherius *Comment. in Gen.*, lib. 2, ibid. 50, 940-941; S. Beda *Hexaem.*, lib. 3, ibid. 91, 123-126; Alcuinus *Interrogat. et Respons. in Gen.*, ibid. 100, 532-533; Rabanus Maurus *Comment. in Gen.*, lib. 2, ibid. 107, 530; Strabus *Glossa Ord. in Gen.*, ibid. 113, 114-115; Angelomus *Comment. in Gen.*, ibid. 115, 165-167. 36) Op. cit. f. 12; cf. Io. Buxtorfius *Dissertationes*, etc. *Dissert. 2, De Linguae Hebraicae Confusione*, pag. 70-77; *Talmud, Holin*, cp. 6, f. 86^a.

37) Apud Rab. Abrabanel op. cit. f. 50^a.

38) Ms.: Philothimia.

dummodo
honori divino
ne detrahatur;

licenter citra Dei offensam potest divitias facultatesque appetere :
cur non et honorem, qui divitiis multis multo melior est, modo nihili
detrahat divino honori ?

Deus tamen
impedivit eo-
rum opus,
quia ex nimia
hominum
agglomeratione
multa mala
sequi
poterant,

At si non appetierunt illud gloriae nomen contra divinum honorem :
cur Deus, qui nemini immerito infligit poenam, eorum opera et mo-
limenta destruxit ? Quoniam, inquiunt, ex universorum penitus ho-
minum simultanea illa commoratione in uno loco multa poterant
mala sequi humanam speciem labefactantia, imo ad internecionem
usque perdentia. Multae siquidem civitates, provinciae et regna per
bellicas clades et civiles seditiones omnino perierunt ; quod si hoc
tunc, cum simul omnes homines morarentur, accidisset, omnes utique
periissent. Ac cum exiguus terrae illius angulus tantam non posset
hominum multitudinem sustinere ac capere, omnesque homines tanto-
pere patriam nativumque locum diligant, ut inter maximas poenas
constitutum sit a patria exulare, nullus sponte voluisset inde in alienas
et incognitas oras emigrare. Unde inter cohabitantes multae lites,
iurgia, rixae, seditiones et clades bellorum civilium exorta fuissent.

ceu facilitas
rixarum,

deficientia
alimentorum,
morborum
contagia,
morum
corruptio.

Quod si id non accidisset, tantae hominum multitudini nequaquam
valuisset terra sufficientia alimenta proferre ad decentem vitam, saltem
frugaliter, ducendam ; unde fame et egestate rerumque inopia et cari-
tate semper laborassent. Deinde morbi invaluissent, in maximam
hominum perniciem ; quod si pestis in eos percrebuisset, periissent
perquam facile omnes. Deinde si forte ex ³⁹ coelestium signorum
pluvialium influxu super regionem illam cataclysmus aliquis, veluti
ille Deucalionis ⁴⁰, vel Ogygis ⁴¹, accidisset, aquarum alluvie perire
omnes submersi poterant. Demum cum in multos errores et facinorosa
peccata corruissent, cum peccata eorum ad coelum usque ascendissent,
descendisset utique ignis de coelo consumpsissetque eos omnes, sicut
Sodomam et Gomorrhham et finitimas civitates Pentapolis ⁴².

Ne ergo his malis affecta universa hominum multitudo labefacta-
tum iret, divina providentia cautum est linguarum confusione, ex qua
in universas terrae oras dispersi sunt. Haec est horum doctorum
sententia.

Aliis vero non placet ⁴³ ; et R a b b i n u s A b r a b a n e l in

39) Ms.: *Ex* repetitur

42) Cf. Gn 19, 24-26.

40) Cf. supra ep. 7, pag. 510, not. 38-39.

41) Cf. *ibid.* not. 40.
43) Cf. Rab. Salomon op. cit. ad ep. 10, vr. 9, f. 11^b ; Gioseffo

eam invehitur ⁴⁴, dicens longinquum hoc esse a legis intentione. Nam a die, quo de arca egressi sunt, simul in societate una commorati sunt; nullum tamen malorum illorum, quae dicunt, illis accidit, nec dispersi fuerunt, nec lingua eorum confusa fuit quousque civitatem aedificarunt, nec ullum eorum malorum ad hunc usque diem in campo illo Sennaar accidit.

Alii tamen
rectius tenent
eos peccasse,

Qui vero peccasse eos autumant, alii quidem dicunt eos turrim illam contra Deum aedificasse, prout poetae de gigantibus fabulantur ⁴⁵; alii vero quia superbe admodum haec faciebant ⁴⁶. Verum etsi aliquis appetitus gloriae laudisque pruritus ad hoc opus peragendum eos movit et induxit, cum non usque adeo conspiciatur hic eorum mundanae laudis appetitus in Deum caput erexisse, ut sui accremento divinus minueretur honor: cur ea poena mulctantur?

quia superbe
nimis hoc
faciebant et
nimio gloriae
appetitu, quod
certe divino
honori
detrahebat.

Verum si oculatius rem universam introspeciamus, comperiemus plane eos in Deum peccasse et is eorum laudis appetitus et honoris vanaeque ambitio gloriae divino non minimum detrahebat honori, sed militabat in Deum profecto. Cum Deus omnium hominum sit conditor et suapte natura Dominus, sua est potestas, suum regnum et imperium ⁴⁷: ipse vult homines per sese regere. Hinc est quod, cum semen Abraham elegisset, ipse per se voluit immediate super eum dominari, ipse eum regere et veluti rex super eos regnare, ceu in *Deuteronomio* dixit ⁴⁸: *Vos eritis mihi in regnum sacerdotale et gens sancta*. Unde ipse eis legem dedit et iudicialia iura, iudicesque populi ipse quos per se elegisset, statuebat, qui secundum datas a Deo leges populum iudicarent. Sic Moysen ⁴⁹, Iosue ⁵⁰, Barac ⁵¹, Gedeon ⁵², Samson ⁵³, Iephte ⁵⁴ et Samuelem ⁵⁵ elegit, non in reges, qui tributa a populo acciperent, sed iudices. Quapropter cum Israelitae, omnes

Deus enim est
omnium Do-
minus sicut
et conditor;

qui in Israel
ut rex supre-
mus regnare
voluit;

Flavio Delle Antichità Giudaiche, lib. 1, cp. 9, f. 5^a; Io. Buxtorflus *Dissertationes*, etc. *Dissert.* 2, *De Linguae Hebraicae Confusione*, pag. 70-77. 44) Op. cit. f. 50^b-51^b. 45) Cf. not. 14 huius cp. 46) Cf. S. Io. Chrysostomus *Hom. 30 in Gen.*, (P. G. 53, 275); S. Cyrillus Alex. *Glaphyrorum in Gen.*, lib. 2, ibid. 69, 78; S. Augustinus *De Civitate Dei*, lib. 16, cp. 4, (P. L. 41, 482); S. Isidorus Hisp. *Quaest. in V. T.*, cp. 9, ibid. 83, 237; S. Beda *Hexaem.*, lib. 3, ibid. 91, 125-126; Alcuinus *Interrogat. et Respons. in Gen.*, ibid. 100, 533; Rabanus Maurus *Comment. in Gen.*, lib. 2, cp. 11, ibid. 107, 530; Strabus *Glossa Ord. in Gen.*, ibid. 113, 114-115; Angelomus *Comment. in Gen.*, ibid. 164, 186; Rupertus *De Trinitate*, etc. *In Gen.*, lib. 4, cp. 41-42, ibid. 167, 364-366; Nic. Lyranus op. cit. f. 58^b; Io. Menochius *Explanat. in Gen.*, pag. 9. 47) Cf. 1 Par 29, 11-12. 48) 7, 6. Refert ex 1 Petr 2, 9.

49) Cf. Ex 3, 10. 50) Cf. Ios 1, 5-9. 51) Cf. Idc 4, 6. 52) Cf. ibid. 6, 14. 53) Cf. ibid. 13, 1-14, 1 sqq. 54) Cf. ibid. 11, 1 sqq. 55) Cf. 1 Rg 3, 21.

et ideo maxi-
me conque-
stus est cum
populus a Sa-
muele regem
petiit.

inquam maiores natu Israel, congregati sunt ad Samuelem in Ramatha regem super se petentes, quemadmodum ceterae habebant nationes ⁵⁶, displicuit vehementer sermo iste in oculis Samuelis, quoniam, ut Samuel dixit, *grande malum fecerunt in conspectu Domini* ⁵⁷ petentes super se regem. Quapropter *dedit Dominus e coelo voces et pluvias* ⁵⁸ et fulgura in signum irae et ultionis tanti mali, quoniam, inquit ad Samuelem, *non te abiecerunt, sed me, ne regnem super eos* ^{58a}.

Sic etiam sem-
per regnavit
super homines

Ita plane nunc accidit. Sicut enim Dominus Israeliticum populum ipse rex et dominus per iudices a se electos regebat et regio munere super eos fungebatur, ita Deus ab initio solus super homines dominari et regia potestate principari voluit. Est enim regia potestas maxima quae reperiri potest et legibus absoluta, quod soli Deo convenit suapte natura; veruntamen per iudices filios hominum regebat, quales fuerunt Adam, Seth, Enos, etc. ad Noe usque. Et illi forte iudices *filii Dei* dicuntur ⁵⁹, quoniam ad eos sermo Dei habebatur de causis populi iudicandis, sicuti in Moyse clarissime conspiciamus. Et ita regnavit Deus solus super homines quousque venit Nemrod; quem natum et virum factum cum vidissent homines corpore gigantem, viribus potentem, manu fortissimum, mente audacem, consilio discretum et prudentem, prudentia tamen carnis, et regnandi ac dominandi in omnes ambitiosum ac cupidissimum, elegerunt in regem, Dei spreto regimine, seque omnes uni commiserunt eiusque dominatui, Deumque abiecerunt, ne super eos regnaret.

usque
ad adventum
Nemrod,
quem illi re-
gem elegerunt,
spreto Dei
regimine.

Superbus au-
tem rex a Dei
timore et re-
verentia homi-
nes avocans,

Nemrod autem elatus dominio et mente superbus, homines elatos ad iniuriam Dei et contemptum faciebat, suadebatque eis ne Deo ascriberent, quia hominibus per illum felicitas eveniret, sed quod eis propria virtute praeberetur. Atque ad hunc modum homines a Dei timore revocabat et ut spem suam omnem in propria virtute reponerent inducebat. Hinc ut civitatem illam latissimam ⁶⁰ aedificarent suasit et turrim altissimam, ut civitas illa totius mundi monarchiae principalis eius sedes esset regnique clavus, atque ad hunc modum propria virtute et arte aedificia illa magnificentissima construentes, nomen suum aeternis saeculis immortalique memoria celebrarent, hanc existimantes esse felicitatem.

56) Cf. ibid. 8, 4-5.

57) Ibid. 12, 17.

58) Ibid. vr. 18.

58a) Ibid. 8, 7.

59) Gn 6, 2, et supra cp. 6, pag. 471-472.

60) Ms.: Ut repetitur.

Peccatum ergo eorum fuit, quoniam Nemrod in regem et totius humanae speciei monarcham, principem ac dominum universorum hominum eligentes ac constituentes, se a Dei subtraxerunt dominio: et quo magis propriae gloriae intenti erant, eo magis divino honori derogabant. Quoniam vero civitatem et turrim ad electi regis gloriam et magnificentiam construebant et ad sua nomina in aeternis hominum memoriis immortaliter celebranda, ac divini regiminis providentia flocci ac nihili pensa, Deum summo honore et regio munere privabant: videns ergo Deus hasce eorum cogitationes quodque non desisterent, nec sanctorum virorum Noe, Sem, Arphaxad et Heber vel auctoritate, vel pietate, vel hortatu prohiberi possent, nec vellent quin⁶¹, quod cogitaverant, opere complerent; non ferens ut unus homo non vicaria, sed plena regis potestate universae hominum multitudini praeficeretur, cum etiam is tam impius esset ut homines a Dei timore, cultu et religione, fide, spe, pietate et caritate in summum Deum omni conatu studeret avertere et ad idololatriam inducere; summa sua sapientia et incomprehensibili consilio voluntatis suae, ne id fieret, linguarum confusione providit.

Et licet eos ex arbitrii libertate permiserit contra divinae voluntatis placitum et dispositionem cogitare ac deliberare, non tamen deliberata perficere; non voluntatem eorum abstulit aut vim ei intulit, sed facultatem eripuit. Ipsi enim sub electo rege Nemrod simul omnes in civitate illa vivere disponebant. Convivere autem est mente et verbo communicare, non autem ad instar brutorum animalium eodem loco pasci; mente autem communicant qui internas passiones et sibi invicem palam faciunt, quae cordis imperscrutabili velamine arcanoque loco secreta delitescunt. Haec autem expressio et manifestatio per verba fit; ea enim quae sunt in voce, earum quae in anima sunt passionum notae et signa; quibus vero eadem non sunt voces ad conceptus declarandos, convivere et cohabitare una non possunt, quoniam in meliori ac potiori discordant, intellectu scilicet et voluntate, quia non possunt sibi invicem communicare quae intelligunt et quae volunt.

Linguarum ergo diversitas hominem alienat ab homine. Nam si

ut civitatem et turrim aedificarent illis suasit, quae esset et sui universalis imperii sedes eorumque superbiae et audaciae immortale monumentum.

At Deus ne magis homines illi in perversionem inducerentur a Nemrod, confusione linguarum immisit.

Quando enim homines communes voces non habent, una convivere nequeunt, quia se invicem non intelligunt.

duo sibimet fiant obviam neque praeterire [queant], sed simul esse aliqua necessitate cogantur, quod neuter novit linguam alterius, facilius sibi muta animalia, etiam diversi generis, quam illi, cum sint homines, ambo sociantur. Quando enim quae sentiunt inter se communicare non possunt, propter solam linguarum diversitatem, nihil prodest ad consociandos homines tanta similitudo naturae, ita ut libentius homo sit cum cane suo, quam cum homine alieno. Optime ergo ne simultanea commoratione in una illa civitate sub uno illo rege omnes homines habitarent, linguarum confusione providit omniscius et sapientissimus Deus.

Deus itaque interturbavit eorum intellectum et memoriam, novas species in eorum mentem immittens ad novas voces efformandas.

Confudit autem ad hunc modum linguas eorum. Siquidem illorum mentem et rationem perturbatione quadam magna interturbavit et ab intellectu et memoria veluti abrasione quadam delevit et obliteravit habitus illos, quo verba verborumque significationes cognoscebant ad exprimendos mentales conceptus eo idiomate et lingua, quam prius unam omnes habebant; et in eorum existimationem et mentem imaginationes quasdam et species immisit ad novas voces articulandas verbaque formanda, ad mentales conceptus, qui intra sunt, exprimendos et res etiam ipsas, quae extra animam sunt, veluti signis quibusdam significandas.

Ita mutua quadam aversione perciti, in universas terras disperduntur iuxta proprium idioma.

Atque ita divisit eos Dominus ex illo loco in universas terras; et cessaverunt aedificare civitatem. Quam admirabili sapientiae modo Deus omne illorum tum consilium tum propositum destruxit! Omnes una venerunt in locum unum, campum scilicet Sennaar, ut habitarent ibi sub uno duce; et ex eo loco eos dispersit Deus in universas orbis terrae partes eorum linguam confundens, ut sicut non possent, ita ne vellent simul amplius habitare: sed mutuo quodam odio perciti se invicem fugientes, diversas regiones orasque ad incolendum peterent.

Nemrod autem et qui cum eo eandem linguam sortiti fuerant, in Sennaar manserunt et regnum babylonense fundaverunt.

Mansit autem in regione campi Sennaar solus Nemrod et qui idem cum eo idioma sortiti fuerant, spe fraudatus qua ad universorum hominum imperium ac dominatum anhelabat. Quia tamen viribus potens erat, manu fortissimus et mente nihilominus audacior, non omnino regia potestate destitutus est; sed super illos omnes, qui secum manserant, regium exercuit non munus, sed imperium fuitque principium regni eius Babylon: *Idcirco enim vocatum est nomen loci illius Babel, quia ibi confusum est labium universae terrae.*

Quo tempore facta sit haec linguarum confusio et gentium divisio, non idem sentiunt omnes. Hebraeorum fere omnium sententia est ⁶², quod tercentesimo quadragesimo anno post diluvium, decem annos antequam Noe extremum diem clauderet, facta sit, vitae vero Abrahae quadragesimo octavo, quoniam ducentesimo nonagesimo secundo anno post diluvium natus est ⁶³.

62) Cf. *Seder Olam*. Rab. Salomon op. cit. cp. 10, vr. 25, f. 11^b, dicit dispersionem populi factam esse quando Phaleg mortuus est. Atqui :

Arphaxad natus est post diluvium	2 annis :
Sale natus est post Arphaxad	35 annis :
Heber natus est post Sale	30 annis :
Phaleg natus est post Heber	34 annis :
Phaleg vero vixit	239 annis :
ergo Phaleg mortuus est post diluvium	340 annis.

Iuxta Rab. Aben Ezram autem divisio gentium facta fuit tempore quo Phaleg natus est; sic enim vocatus est, quia tempore ortus eius terra divisa fuit; פֶּלֶג enim *dividere* significat. Op. cit. f. 12^b. Cf. Alph. Tostatus op. cit. f. 58^a. 63) Ms. habet in fine folii: « Aiunt autem hanc divisionem », et sic opus imperfectum remansit.